

Ծ. Ա. ՀԱՐՈՒԹՅՈՒՆՅԱՆ

ՊԱՏՄԱԳԻՏՈՒԹՅԱՆ  
ՉԱՐԳԱՅՈՒՄԸ  
ԽՈՐՀՐԳԱՅԻՆ  
ՀԱՅԱՍՏԱՆՈՒՄ





Գրախոսներ՝ պատմ. գիտ. զոկտոր-պրո-  
ֆեսորներ Ջ. Տ. ԳՐԻԳՈՐՅԱՆ, Լ. Գ. Ա.  
ՀԱՐՈՒԹՅՈՒՆՈՎ  
Խմբագիր՝ պատմ. գիտ. բեկնածու Մ. Ն.  
ՄԱՆՈՒԿՅԱՆ

**Հարությունյան Շ. Ռ.**

Հ 422 Պատմագիտության դարգացումը Խորհրդային Հայաս-  
տանում (1964—1988) Ուրվագծեր: [Խմբ.՝ Մ. Ն. Մա-  
նուկյան].— Եր.: Հայաստան, 1990.— 485 էջ

Աշխատության մեջ հանրագումարի են բերված Խորհրդահայ  
պատմագիտության վերջին քսանհինգամյակի նվաճումները, վերլու-  
ծության են ենթարկված հայ ժողովրդի նոր և Խորհրդային ժամա-  
նակաշրջանի պատմության վերաբերյալ հրատարակված աշխատու-  
թյունները, բացահայտվում են ինչպես զրանց արժանիքները, այն-  
պես էլ առանձին պորբլեմների լուսարանման ժամանակ թույլ տրը-  
ված սխալները:

Աշխատությունը հեղինակի 1967-ին հրատարակված նույնանուն  
գրքի երկրորդ մասն է:

Այն նախատեսված է ինչպես պատմաբան-մասնագետների, այն-  
պես էլ ընթերցող լայն շրջանների համար:

0505040000

ԳՄԻ 63. 3 (22)

701 (01)—90 52—88

ISBN 5—540—00049—8

© Հարությունյան Շ. Ռ.— 1990

**Առաջարկ**

ԵՄԿԿ XXVII համագումարը լուրջ խնդիրներ դրեց Կապիտա-  
լիստության, այդ թվում պատմական գիտության բնագավա-  
ռի աշխատողների առջև: Ամբողջ երկրում ծավալվող վերակա-  
ռուցումը վերաբերում է նաև պատմաբաններին. նրանցից պա-  
հանջվում է պատմության ճշմարտացի, օբյեկտիվ շարադրում՝  
պատմություն առանց գունազարդումների և աղավաղումների:

Այժմ վերանայվում են անցյալի շատ փաստեր, անհատի  
պաշտամունքի և լճացման տարիներին տրված գնահատական-  
ները: Առանձնապես սուր է դրվում Խորհրդային հասարակու-  
թյան պատմությունը նորովի լուսարանելու հարցը:

Ինչպես հայտնի է, պատմագիտական աշխատություններում,  
ինչպես նաև դասագրքերում, հաճախ շրջանցվում էին պատմա-  
կան ճշմարտությունները, սքողվում Խորհրդային հասարակու-  
թյան ընթացքի ստվերոտ կողմերը, թույլ էին տրվում կոպիտ  
սխալներ: Հանդես չէր բերվում զրանք բացահայտելու, զրանց  
մասին աղատորեն խոսելու համարձակություն: Պատմությունը  
վերածվում էր եղած և չեղած հաջողությունների գովերգման,  
իրականության գունազարգման:

Տարիներ շարունակ կաշկանդվել էր պատմագիտական միտ-  
քը: Հարկ եղած ուշադրություն չէր դարձվել գիտության այդ  
կարևոր ճյուղի վրա, մինչդեռ պատմագիտությունը պատմու-  
թյան հայելին է: Հանրագումարի բերելով պատմական գիտու-  
թյան բնագավառում կատարված աշխատանքը, այն միաժամա-  
նակ նպաստում է գիտական-քննադատական մտքի զարգաց-  
մանն ու խորացմանը, բացահայտում պատմական գրականու-  
թյան մեջ տեղ գտած գիտական, գաղափարական ու մեթոդա-  
բանական սխալները: Չպետք է մոռանալ, որ պատմագրության  
հիմնական խնդիրներից մեկն է՝ հանդես բերել բնագավառի



վերաբերմունք դեպի անցյալի պատմագիտական ժառանգությունը, օգնել նրան պայքարելու ժամանակակից բուրժուական ռեակցիոն կոնցեպցիաների, մեր հայրենիքի պատմության ամեն տեսակ կեղծարարության դեմ:

Ներկայումս լայն մայրուղի է բացվում պատմագրության հետագա զարգացման համար: Հրատապ են դառնում տեսակետների և սկզբունքների հրապարակայնությունը, գիտական վեճերի ու բախումների ազատությունը, պրոբլեմների համարձակ լուծումը:

Չնայած լուրջ սխալներին ու թերություններին, խորհրդահայ պատմագրությունը, լինելով խորհրդային ամբողջ պատմագրության բաղկացուցիչ մասը, վերջին քսանհինգ տարում ծանրակշիռ նվաճումների է հասել: Հրատարակվել են բազմաթիվ արժեքավոր ուսումնասիրություններ, պաշտպանվել են դոկտորական և թեկնածուական մի ամբողջ շարք դիսերտացիաներ: Քիչ աշխատանք չի կատարվել նաև փաստաթղթերի ժողովածուներ հրատարակելու ուղղությամբ:

Հանրապետությունում պատմական գիտության զարգացման գլխավոր կենտրոնը շարունակում է մնալ Հայկական ԽՍՀ գիտությունների ակադեմիայի պատմության ինստիտուտը, որի գիտական կոլեկտիվը լուրջ ներդրում ունի հայ ժողովրդի պատմության կարևորագույն պրոբլեմների հետազոտման գործում:

Հրատարակված բազմաթիվ աշխատությունների մեջ առանձնահատուկ տեղ է գրավում «Հայ ժողովրդի պատմություն» բազմահատորյակը, որը կարևոր իրադարձություն եղավ պատմագիտության բնագավառում: Ավելի քան 150 մասնագետներից կազմված հեղինակային կոլեկտիվը, օգտագործելով հատկապես վերջին տասնամյակներում հայագիտության ձեռք բերած նվաճումները, ստեղծել է ութհատորյա մի մոնումենտալ աշխատություն, որն ընդգրկում է հայ ժողովրդի պատմությունը հնագույն ժամանակներից մինչև մեր օրերը: Առանձին թերություններով հանդերձ, այն ծանրակշիռ ներդրում է հայագիտության մեջ:

Խորհրդահայ պատմագիտության զարգացման գործում կարևոր դեր են խաղում Հայկական ԽՍՀ հնագիտության և ազգագրության, արևելագիտության, ԽՄԿԿ Կենտկոմին առընթեր մարքսիզմ-լենինիզմի ինստիտուտի հայկական մասնաճյուղ-Հայաստանի կոմունիստական կուսակցության պատմության

ինստիտուտները, Մ. Մաշտոցի անվան Մատենադարանը, Երևանի պետական համալսարանի և Խ. Արուսյանի անվան հայկական պետական մանկավարժական ինստիտուտի և մյուս բուհերի պատմության ամբիոնները:

Պատմագիտության զարգացմանը մեծ ծառայություն են մատուցում համապատասխան պարբերականները, որոնցում հրապարակվում են բազմաթիվ արժեքավոր հոդվածներ: Առանձնապես հարկ է նշել «Պատմա-բանասիրական հանդեսի», Հայկական ԽՍՀ ԳԱ հասարակական գիտությունների «Լրաբերի» (նախկինում՝ «Տեղեկագիր»), «Բանբեր Հայաստանի արխիվների» և այլ պարբերականների խաղացած դերը: Վերջինս շնորհակալ աշխատանք է կատարում ոչ միայն հոդվածներ, այլև փաստաթղթեր հրապարակելու ուղղությամբ: Իր գոյության ավելի քան 20 տարիների ընթացքում լույս է տեսել «Բանբերի» շուրջ 70 հատոր՝ պարունակելով հայ ժողովրդի պատմության բազմաթիվ հարցերի, ինչպես նաև հայ հեղափոխական, ռազմական, պետական, կուսակցական, գիտության ու մշակույթի ականավոր գործիչների մասին հազարավոր փաստաթղթեր:

Արժեքավոր հոդվածներ են հրապարակվում նաև Երևանի պետական համալսարանի, մարքսիզմ-լենինիզմի ինստիտուտի հայկական մասնաճյուղի, Մատենադարանի և միջբուհական «Գիտական աշխատություններ» ժողովածուներում, որոնք նույնպես հրատարակվում են պարբերաբար: Խորհրդահայ պատմաբանների գիտական հոդվածները հաճախ լույս են տեսնում նաև միութենական պատմագիտական հանդեսներում:

Պատմագիտության զարգացմանը մեծապես նպաստել են հանրապետության գիտահետազոտական հիմնարկներում, բարձրագույն ուսումնական հաստատություններում կազմակերպված գիտական նստաշրջանները: Կարգացված զեկուցումների մի մասը հրատարակվել է առանձին գրքերով: Հանրապետության ոչ քիչ թվով պատմաբաններ գիտական զեկուցումներով հանդես են եկել նաև միութենական ու միջազգային գիտաժողովներում:

Խորհրդահայ պատմագիտության զարգացմանը, անկասկած, նպաստում է նաև անվանի հայ պատմաբաններ Մ. Չամչյանի, Ն. Աղոնցի, Լեոյի, Հ. Մանանդյանի և ուրիշների երկերի հրատարակումն ու մասսայականացումը:

Հայ պատմագիտության զարգացման վրա իր բարերար



ազդեցությունն ունի խորհրդային պատմագիտությունը: Մոսկվայի, Լենինգրադի և ԽՍՀՄ-ի մի շարք այլ քաղաքների գիտահետազոտական հիմնարկները, առաջին հերթին ԽՍՀՄ գիտությունների ակադեմիայի պատմության բաժանմունքը, պատմագիտության խորհուրդը և առանձին գիտնականներ մշտական օգնություն են ցույց տալիս Խորհրդային Հայաստանի գիտական հիմնարկներին ու գիտնականներին պատմագիտության առաջ ծառայած պրոբլեմների լուսաբանման գործում:

Ուշագրավ է, որ ԽՍՀՄ ականավոր շատ գիտնականներ Երևանում տեղի ունեցած գիտական նստաշրջաններում և կոնֆերանսներում հաճախ հանդես են գալիս արժեքավոր զեկուցումներով: Հայ ժողովրդի պատմության առանձին պրոբլեմների վերաբերյալ գիտական պարբերականներում և առանձին գրքերով հրատարակվել են նրանցից մի քանիսի ուսումնասիրությունները:

Անտարակույս, մեր երկրի կենտրոններում հրապարակված պատմական աշխատություններում տեղ գտած սխալները ավել կամ պակաս շափով կրկնվել են նաև խորհրդահայ պատմաբանների աշխատություններում: Խորհրդահայ պատմագրության զարգացմանը հաճախ խթանել են հանրապետության կյանքում տեղի ունեցող կարևոր իրադարձությունները, հորելյանները և այլն: Այդպիսի կարևոր իրադարձություն էր, օրինակ, Արևելյան Հայաստանը Ռուսաստանին միացման 150-ամյակի տոնակատարությունը, որը ստացավ համապետական, համաժողովրդական բնույթ: Այն լայնորեն նշվեց խորհրդային հանրապետություններում, ինչպես նաև սփյուռքում: Հարստացավ այդ պրոբլեմի պատմագրությունը: Հրատարակվեցին բազմաթիվ ուսումնասիրություններ՝ ծավալուն մենագրություններ, հարյուրավոր հոդվածներ:

Խորհրդահայ պատմագրության առավել աչքի ընկնող նվաճումներից է պատմության կեղծարարությունը մերկացնելու ուղղությամբ կատարված աշխատանքը: Վերջին երկուս ու կես տասնամյակում քննադատության է ենթարկվել հատկապես թուրքական և ադրբեջանական պատմագրությունը, որը բացահայտորեն կեղծում է հայ ժողովրդի պատմությունը, նրա անցյալն ու ներկան: Շոշափելի աշխատանք է կատարվել նաև Արևմուտքի բուրժուական պատմագրության կեղծարարության մերկացման ուղղությամբ:

Խորհրդային Հայաստանի պատմագիտության զարգացմանը նվիրված ներկա աշխատությունը մեր՝ 1967 թվականին հրատարակած գրքի շարունակությունն է: Եթե նախորդն ընդգրկում էր 1920—1963 թվականները, ապա այս աշխատությունը՝ վերջին քսանհինգամյակը, ժամանակագրական նման պարբերացումը պայմանական է, քանի որ մեր առաջին գրքում նյութի շարադրանքն ավարտվում է 1963 թվականով:

Ի տարբերություն նախորդի, ուր քննվում են հայ ժողովրդի պատմության պրոբլեմները հնագույն ժամանակներից սկսած, ներառյալ հնագիտությունը, ազգագրությունը և այլն, այստեղ վերլուծվում են միայն նոր և խորհրդային ժամանակաշրջանի պատմության պրոբլեմները XIX դարի սկզբներից մինչև մեր օրերը:

Այսպիսով, ներկա աշխատության մեջ հանրագումարի են բերված խորհրդահայ պատմագրության վերջին քառորդ դարի նվաճումները, խորհրդահայ պատմաբանների կատարած գիտահետազոտական աշխատանքը, պատմաբանական վերլուծության է ենթարկված խորհրդահայ պատմագիտական գրականությունը՝ վեր հանելով ինչպես դրա արժանիքները, այնպես էլ սխալներն ու բացերը, կատարվել են համապատասխան ճշտումներ: Անտարակույս, խորհրդահայ պատմագիտության զարգացման պատկերը լիարժեք չէր լինի, եթե մենք բավարարվեինք միայն պատմաբանների աշխատությունների դրական կողմերի վերհանումով: Բոլոր դեպքերում մեր նպատակն է եղել հնարավորին շափ բացահայտել խորհրդահայ պատմագիտության զարգացման ուղիները, մատնանշել նրա հերթական խնդիրները, պատմաբանների ուշադրությունը հրավիրել սակավ և տակավին չուսումնասիրված ու ժամանակակից պահանջներից բխող կարևոր պրոբլեմների հետագա ուսումնասիրության վրա: Մենք չենք շրջանցել նաև հայ ժողովրդի նոր և խորհրդային ժամանակաշրջանի պատմագրության մեջ դեռևս առկա վիճելի պրոբլեմները:

Ինչ խոսք, այժմ խորհրդահայ պատմագիտության բնագավառը առաջվա նման աղքատ չէ: Եթե մի քանի տասնամյակ առաջ նման բնույթի հողավածները եզակի էին, ապա վերջին շրջանում հրապարակվեցին պատմագիտական բնույթի մի շարք հողավածներ, ինչպես նաև զգալիորեն ավելացավ այն մենագրությունների թիվը, որոնց մեջ տրվում են պատմագրական ակնարկներ, աղբյուրների և գրականության համառոտ տեսություն



և այլն: Դրական երևույթ պետք է համարել նաև այն, որ վերջին քառորդ դարում հրատարակվել են պատմագիտական բնույթի առանձին աշխատություններ: Արժանին հատուցելով դրանց հեղինակներին, հարկ ենք համարում նշել, որ, այնուամենայնիվ, մինչև այժմ հրապարակի վրա չկա ամբողջական, բազմապրորժամատիկ ընդգրկում ունեցող մի աշխատություն:

Հայ ժողովրդի պատմության այս կամ այն պրորբլեմո քննելիս հիմնականում նկատի ենք ունեցել պատմաբանների մեկնադրությունները: Միայն առանձին դեպքերում անդրադարձել ենք նաև գիտական պարբերականներում հրատարակված նրանց հոդվածներին: Պետք է նկատի ունենալ, որ անհնարին էր անցած քսանհինգամյակում գիտական պարբերականներում հրապարակված հազարավոր հոդվածներին անդրադառնալ ներկա աշխատության շրջանակներում: Չնչին բացառությամբ չենք անդրադարձել նաև հանրամատչելի գրքույկներին, դիսերտացիաների ավտոգրաֆերատներին, որոնց թիվը նույնպես փոքր չէ:

Պատմաբանների աշխատությունները վերլուծելիս առաջնորդվել ենք այն միակ ճիշտ սկզբունքով, թե խորհրդահայ պատմագրության մեջ նրանցից ո՞վ է այդ պրորբլեմին առաջինն անդրադարձել:

Հեղինակը հավակնություն չունի այս աշխատությունը համարելու Խորհրդային Հայաստանում պատմագիտության գարգացման սպառիչ և լիակատար պատմություն: Այն ունի ուրվագծային բնույթ: Բացի այդ, հարկ ենք համարում նշել, որ մինչև վերջին տարիները, այսինքն՝ կուսակցության առաջադրած վերակառուցման կուրսին անցնելը, հրատարակված աշխատությունների վերաբերյալ մեր արած որոշ գիտողություններ մեզ էլ են վերաբերում: Մեր մի շարք աշխատությունները, ինչպես նաև դպրոցական և բուհական դասագրքերը, զերծ չեն մնացել առանձին սխալներից ու թերություններից: Ինչպես ասում են, դա տուրք է եղել պատմագրության մեջ իշխող այս կամ այն սխալ կոնցեպցիաներին:

Աշխատությունը անթերի չէ նաև այլ տեսանկյուններից: Ինչ խոսք, նրանում կարող են չինել վիճելի և անընդունելի տեսակետներ, բացթողումներ և այլ թերություններ: Ուստի սիրով կունկնդրենք մասնագետների գիտողությունները:

ԳՐԻԿ ԱՌԱՋԻՆ

## ՆՈՐ ՊԱՏՄՈՒԹՅԱՆ ՊՐՈԲԼԵՄՆԵՐԻ ՀԵՏԱԶՈՏՈՒԹՅՈՒՆԸ ԽՈՐՀՐԴԱՀԱՅ ՊԱՏՄԱԳԻՏՈՒԹՅԱՆ ՄԵՋ (1800—1917 ԹԹ.)

### 1. Արևելյան Հայաստանի միացումը Ռուսաստանին

Խորհրդահայ պատմաբանները ինչպես անցյալ ավելի քան 40 տարիներին, այնպես էլ վերջին քսանհինգ տարում նշանակալի աշխատանք են կատարել հայ ժողովրդի նոր պատմության գիտական հետազոտության բնագավառում: Հրատարակվել են բազմաթիվ արժեքավոր աշխատություններ՝ նվիրված այդ ժամանակաշրջանի պատմության տարբեր պրորբլեմների լուսաբանմանը:

Առաջին խոշոր հարցը, որի մասին ուզում ենք խոսել, վերաբերում է Ռուսաստանի հետ Արևելյան Հայաստանի միացմանը և այդ ժամանակաշրջանի հայ-ռուսական հարաբերություններին:

Արևելյան Հայաստանի միացումը Ռուսաստանին բախտորոշ, պատմական խոշոր նշանակություն ունեցող իրադարձություն էր պարսկա-օսմանյան բռնապետությունների տակ հեծող հայ ժողովրդի բազմադարյան կյանքում: Անցնելով Ռուսաստանի տիրապետության տակ, հայ ժողովրդի մի հատվածը ոչ միայն փրկվեց ֆիզիկական բնաջնջումից ու ձուլման ահավոր վտանգից, այլև կանգնեց տնտեսական ու մշակութային զարգացման նոր ուղու վրա, հաղորդակից դարձավ ռուսական առաջավոր մշակույթին, իր վրա կրեց նրա հեղափոխական-դեմոկրատական մտքի բարերար ազդեցությունը, XX դարում մտավ լենինյան կուսակցության ղեկավարությամբ գործող ռուսական պրոլետարիատի գլխավորած հեղափոխական պայքարի հորձանուտը և Հոկտեմբերյան հեղափոխության հաղթանակի շնորհիվ ձեռք բերեց իր սոցիալական ազատագրությունը:

Այնպիսի մի կարևոր իրադարձություն, ինչպիսին Արևելյան Հայաստանի միացումն էր Ռուսաստանին, չէր կարող չդառնալ



ուս և հայ հեղինակների պատմական հետազոտությունների առարկան: Մեր նախորդ գրքում համառոտակիրեն անդրադարձել ենք պատմագրության մեջ այդ կարևոր պրոբլեմի լուսարանմանը: Նշել ենք, որ Ռուսաստանի հետ Արևելյան Հայաստանի միացման այսօրվա ճիշտ գնահատականը միանգամից չի ստեղծվել: 1920—30-ական թվականներին իշխում էր «շարիքի» տեսությունը (Լեո, Ս. Մարկոսյան և ուրիշներ): 30-ական թվականների վերջերին, ինչպես խորհրդային, այնպես էլ խորհրդահայ պատմագրության մեջ հանդես եկավ «շարիքների փոքրագույնի» տեսությունը (Վ. Պարսամյան և ուրիշներ): Սկզբում 40-ական թվականների կեսերից շրջանառությունից հանվեց «շարիքների փոքրագույն» արտահայտությունը. համընդհանուր դարձավ այն կոնցեպցիան, ըստ որի միացումը առաջադիմական խոշոր նշանակություն ունեցող բախտորոշ իրադարձություն էր համարվում:

1940—1960-ական թթ. կեսերին Արևելյան Հայաստանը Ռուսաստանին միացման և հայ-ռուսական հարաբերությունների պատմության գիտական հետազոտության գործում մեծ ներդրում ունեցան Վ. Պարսամյանը, Զ. Գրիգորյանը, Մ. Ներսիսյանը, Ա. Ռ. Հովհաննիսյանը և ուրիշներ: Հրատարակվեցին այդ պրոբլեմին նվիրված նրանց մի շարք աշխատություններ: Այդ ուղղությամբ կատարված գիտական հետազոտությունը հետագայում ևս շարունակվեց:

1967-ին լույս տեսավ պատմական գիտությունների դոկտոր, պրոֆեսոր Վ. Պարսամյանի «Հայ ժողովրդի պատմություն» բուհական անդրանիկ դասագրքի երրորդ հատորը: Նախ ասենք, որ հեղինակն առաջին անգամ հանրագումարի է բերում և շարադրում հայ ժողովրդի ինչպես արևելահայ, այնպես էլ արևմտահայ հատվածների՝ XIX դարի և XX դարի սկզբների սոցիալ-տնտեսական, քաղաքական և մշակութային կյանքի զարգացման պատմությունը: Դա պատմական հարուստ փաստերով հագեցված աշխատություն է, հեղինակի տասնյակ տարիների գիտահետազոտական բեղմնավոր աշխատանքի արգասիքը:

Մեր աշխատության մեջ քննելով նշված ժամանակաշրջանի պատմության պրոբլեմների լուսարանման վիճակը խորհրդահայ պատմագրության մեջ, բնականաբար, առնչվում ենք հիշյալ դասագրքի հետ, սակայն, նկատի ունենալով, որ նման աշխատություններում ընդունված շէ դասագրքերի ըստ առանձին

գլուխների վերլուծությունը, ուստի հիմք կրնգունենք նրա ուսերին հրատարակված մենագրությունը<sup>1</sup>:

Վերոհիշյալ մենագրության մեջ լայն տեղ է տրված Ռուսաստանի հետ Արևելյան Հայաստանի միացման պատմությանը: Այստեղ ըստ ամենայնի վեր է հանված հայ ժողովրդի ակտիվ մասնակցությունը Ռուս-պարսկական և Ռուս-թուրքական պատերազմներին: Ցույց են տրված հայ կամավորական և պարտիզանական ջոկատների մարտական գործողությունները, բացահայտված է Արևելյան Հայաստանի միացման գործում Կովկաս արտրված ղեկաբրիստների և Ռուս նշանավոր գրող ու դիվանագետ Ա. Ս. Գրիբոյեդովի գործունեությունը: Բազմակողմանիորեն ցույց է տրված հայ ժողովրդի համար միացման առաջադիմական նշանակությունը:

Ելնելով մարքս-լենինյան դիրքերից, Վ. Պարսամյանը ճիշտ է նկատել, որ ցարիզմի տիրապետության տակ, այնուամենայնիվ, հայ ժողովուրդը ձեռք չբերեց և չէր կարող ձեռք բերել իր ազգային և սոցիալական ազատությունը: Ինչպես Ռուսաստանի մյուս ժողովուրդները, այնպես էլ հայ ժողովուրդը ցարիզմի տիրապետության ժամանակաշրջանում ենթարկվում էր ազգային-զաղութային ճնշման:

Պատմաբանի աշխատության մեջ քննադատված է Ռուսաստանի հետ Արևելյան Հայաստանի միացման մասին կղերաբուրժուական պատմագրության արատավոր կոնցեպցիան: Միևնույն ժամանակ նա քննադատում է խորհրդահայ այն պատմաբաններին, ովքեր, ելնելով վուլգար սոցիոլոգիզմի դիրքերից, ժխտել են Ռուսաստանի հետ Արևելյան Հայաստանի միացման առաջադիմական նշանակությունը:

Ռուսաստանի հետ Արևելյան Հայաստանի միացման պատմությունը շարադրված է պատմական գիտությունների դոկտոր, պրոֆեսոր Զ. Գրիգորյանի կողմից՝ «Հայ ժողովրդի պատմություն» ակադեմիական հրատարակության հինգերորդ հատորում<sup>2</sup>: Փաստական հարուստ նյութի հիման վրա հեղինակը առավել հանգամանորեն լուսարանել է Հայաստանի հյուսիսարևելյան շրջանների միացումը Ռուսաստանին, Արևելյան Հայաստանի

<sup>1</sup> Տե՛ս Парсамян В., История армянского народа (1801—1900 гг.), Е., 1972:

<sup>2</sup> Տե՛ս Հայ ժողովրդի պատմություն, հ. V, եր., 1974:



ազատագրումը պարսկական լծից, 1828—1829 թթ. ռուս-թուրքական պատերազմը և արևմտահայության հարցը և այլն: Ռազմական գործողությունների ընդհանուր ֆոնի վրա վեր է հանվել հայերի ակտիվ մասնակցությունը ռուս-պարսկական և ռուս-թուրքական պատերազմներին: Բացահայտվել է Անդրկովկասի ժողովուրդների ազատագրական պայքարի նկատմամբ մեծ տերությունների, հատկապես Անգլիայի և Ֆրանսիայի, բռնած թշնամական դիրքը: «Անգլիան և Ֆրանսիան, — իրավացիորեն գրում է հեղինակը, — եռանդուն կերպով պաշտպանում էին Պարսկաստանի և Թուրքիայի բոլոր ձեռնարկումները՝ ուղղված ռուսական առաջխաղացման, ինչպես նաև անդրկովկասյան ժողովուրդների ազատագրության դեմ»<sup>1</sup>:

Աշխատության մեջ լուսարանված է կովկասաբարձր դեկարրիստների մասնակցությունը ռուս-պարսկական և ռուս-թուրքական պատերազմներին, պատերազմներ, որոնք դիտվում էին որպես հայ ժողովրդին պարսկա-թուրքական լծից ազատվելու միջոցներ: Ուշագրավ փաստեր կան հայ ժողովրդի մշակույթի, հասարակական ու ռազմական գործիչների հետ առանձին դեկարրիստների հաստատած անձնական կապերի մասին:

Հաջող է շարադրված «Արևելյան Հայաստանի Ռուսաստանին միացման պատմական նշանակությունը» ենթագլուխը, որն ամբողջ նախընթաց շարադրանքի գիտական ամփոփումն է: Հեղինակը ճիշտ է բանաձևում, որ, շնայած ցարիզմի նվաճողական նպատակներին և վարած գաղութատիրական քաղաքականությանը, այնուամենայնիվ, ստեղծված կոնկրետ պատմական պայմաններում Արևելյան Հայաստանի միացումը Ռուսաստանին հայ ժողովրդի համար օբյեկտիվորեն ունեցավ առաջադիմական խոշոր նշանակություն: Այն նպաստեց աթևելահայության ֆիզիկական գոյության հարատևմանը, երկրի արտադրողական ուժերի, ազգային մշակույթի, հասարակական-քաղաքական մտքի զարգացմանը: Այդ միացման շնորհիվ էր, որ արևելահայերը փրկվեցին ֆիզիկական բնաջնջումից, ինչպես նաև նպաստավոր պայմաններ ստեղծվեցին հայ ժողովրդի ազգահավաքման համար<sup>2</sup>:

Չ. Գրիգորյանը Ռուսաստանի հետ Արևելյան Հայաստանի

միացումը առաջընթաց խոշոր քայլ է համարում հայ և ռուս ժողովուրդների մերձեցման ճանապարհին: Հիրավի, կենտրոնացված մեկ պետության կազմում նրանց գտնվելը, տնտեսական ու մշակութային փոխազդեցությունը, ինչպես ցարիզմի ու ճորտատիրության, այնպես էլ արտաքին ընդհանուր թշնամիների դեմ ծավալվող համատեղ պայքարը, հեղինակի կարծիքով, չէին կարող չնպաստել այդ ժողովուրդների բարեկամության խորացմանը, հայ ժողովրդի բովանդակ կյանքի հետագա առաջընթացին: «Անտարակույս, — գրում է հեղինակը, — Ռուսաստանի հետ Արևելյան Հայաստանի միացումից հետո հայ ժողովրդական զանգվածները չհասան ո՛չ ազգային և ո՛չ էլ սոցիալական ու քաղաքական ազատագրության: Ծաշակելով ցարիզմի վարած ազգային-գաղութային քաղաքականության ողջ դառնությունը, նրանք իրենց իսկական ազատագրությունը որոնում էին ոչ միայն պարսկական ու թուրքական: այլ նաև ցարական բռնապետության կործանման մեջ»<sup>3</sup>:

Ելնելով երկու Ռուսաստանի մասին լեռնյան հայտնի դրույթից, հեղինակը գտնում է, որ եթե ցարիզմը՝ արակչեկների Ռուսաստանը, հայ ժողովրդին ենթարկել է ազգային դաժան ճնշման ու գաղութային կեղեքման, ապա նոր բարձրացող հեղափոխական Ռուսաստանը՝ Բելինսկու և Գերցենի, Չեռնիշևսկու և Դոբրոյուբովի Ռուսաստանը պատմական մեծագույն դեր է խաղացել նրա բովանդակ կյանքում:

1978 թվականին մեր երկրում մեծ հանդիսավորությամբ տոնվեց Ռուսաստանի հետ Արևելյան Հայաստանի միացման 150-ամյակը<sup>2</sup>: Խորհրդահայ պատմաբաններից շատերը հանդես եկան մի շարք աշխատություններով՝ նվիրված այդ կարևոր իրադարձությանը: Հոբելյանի օրերին լույս տեսավ Չ. Գրիգորյանի նոր մենագրությունը, որը հեղինակի՝ տարիների գործունե հետազոտությունների հանրագումարն է<sup>3</sup>:

Աշխատության ներածության մեջ վերլուծված է պրոբլեմի մասին հրատարակված գրականությունը: Նշելով, որ նախա-

<sup>1</sup> Հայ ժողովրդի պատմություն, հ. V, էջ 115:

<sup>2</sup> Տե՛ս Հավերժ բարեկամություն (Հայաստանը Ռուսաստանի կազմում մտնելու 150-ամյակի տոնակատարության նյութերը), Եր., 1980, նույնը՝ ռուս., 1980:

<sup>3</sup> Տե՛ս Չ. Գրիգորյան, Արևելյան Հայաստանի միացումը Ռուսաստանին և նրա պատմական նշանակությունը, Եր., 1978:

<sup>1</sup> Հայ ժողովրդի պատմություն, հ. V, էջ 115:

<sup>2</sup> Տե՛ս նույն տեղը, էջ 193—194:



հեղափոխական տարիներին լույս տեսած գրականությունը պարունակում է բավականաչափ հարուստ նյութ, արժեքավոր տեղեկություններ, հեղինակը միաժամանակ բնադատում է ռուսական պաշտոնական պատմագրության առանձին ներկայացուցիչներին, որոնք տասնամյակներ շարունակ զարգացրել են մեծապետական մի տեսակետ, որը երկար ժամանակ խոչընդոտում էր Արևելյան Հայաստանը Ռուսաստանին միացնելու պատմական ակտի օբյեկտիվ գնահատմանը: Նա գտնում է, որ, սրբելով ցարիզմի ռազմաքաղաքական ու գաղութատիրական շահերն Անդրկովկասում և Մերձավոր արևելքում, նրանք Արևելյան Հայաստանի միացումը Ռուսաստանին ներկայացրել են սոսկ որպես հայ ժողովրդի նկատմամբ ռուսական ցարերի «մարդասիրության», «ողորմածության» արգասիք, ազատագրական միսիայի իրականացում: Յարակալ պաշտոնական պատմագրությունը Կովկասյան կորպուսի ռազմական հաղթանակները վերագրելով «ռուսական գահին» ու զենեբալներին, անտեսել է հայ ժողովրդական զանգվածների դերն այդ գործում:

Ձ. Գրիգորյանի մենագրության մեջ հարուստ փաստեր կան արևելահայության սոցիալ-տնտեսական ու քաղաքական ծանր կացության մասին: Հենց դրանք էլ ակնառու վկայում են, որ շահական Պարսկաստանի համեմատությամբ ռուսական տիրապետությունն առաջադիմական էր:

Էլ ավելի լայն հենքի վրա է շարադրված ռուս-պարսկական և ռուս-թուրքական պատերազմների պատմությունը: Գտնելով, որ Արևելյան Հայաստանում խանական լծի տապալման համար մղված կռիվներում գլխավոր ու վճռական ուժը ռուսական բանակն էր, հեղինակը լայնորեն լուսաբանել է հայերի ակտիվ մասնակցությունը այդ պատերազմներին, համակողմանիորեն վեր հանել ինչպես առանձին անհատների, այնպես էլ հայ կամավորական խմբերի մարտական քաջագործությունները, ցույց տվել հայերի՝ ռուսական բանակին ցույց տված նյութական շոշափելի օգնությունը: Ձ. Գրիգորյանն այդ ամենը դիտում է որպես հայ և ռուս ժողովուրդների ռազմական համագործակցություն, որին, նրա կարծիքով, նախորդել է ավելի քան տասը դարերի մի ժամանակաշրջան, և որի ընթացքում այդ երկու ժողովուրդների միջև հաստատվել և հետևողականորեն զարգացել են տնտեսական, քաղաքական և ռազմական սերտ կապեր:

Հայաստանի միացման հարցը բնեելիս հեղինակը այն սերտորեն առնչել է Վրաստանի և Ադրբեջանի պատմության հետ, վեր հանել պարսկական և օսմանյան լծից ազատագրվելու համար Անդրկովկասի ժողովուրդների մղած համատեղ պայքարը:

Աշխատության մեջ ուշագրավ էջեր կան Կովկաս աքսորված ղեկաբերիստների մասին, որոնք ակտիվորեն մասնակցել են ռուս-պարսկական և ռուս-թուրքական պատերազմներին և, որպես կանոն, Կովկասյան կորպուսի կազմում՝ ամենավտանգավոր մարտերին:

Ինչպես հայտնի է, թե՛ ռուսական և թե՛ հայկական պատմագրության մեջ հաճախ են շոշափվել այդ պատերազմներում ղեկաբերիստների եռանդուն մասնակցության պատճառները: Նախահեղափոխական պաշտոնական պատմագրությունը, նշում է Ձ. Գրիգորյանը, Կովկաս աքսորված ղեկաբերիստների բացառիկ ակտիվ մասնակցությունը բացատրել է նրանով, որ, իբր, նրանք դրանով կամեցել են «արյունով քավել իրենց մեղքը»: Նշված աշխատության մեջ հերքվում է այդ մտացածին բացատրությունը, քանի որ այն բնավ չի համապատասխանում իրականությանը: Դեկաբրիստ գործիչները այլ մոտեցում են դրսևորել ինչպես դատավարության ժամանակ, այնպես էլ բանտում, տաժանակրության մեջ, մահապատժի ենթարկվելիս:

Հորելյանի օրերին հրատարակվեց նաև Վ. Պարսամյանի նոր աշխատությունը<sup>1</sup>, ուր ներկայացված է հայ-ռուսական քաղաքական և մշակութային առնչությունների պատմությունը, բացահայտված է Ռուսաստանի հետ Արևելյան Հայաստանի միացման առաջադիմական նշանակությունը: Այստեղ լայն տեղ է տրված հայ ազատագրական շարժումների և հայ-ռուսական քաղաքական հարաբերությունների ձևավորման պատմությանը, ինչպես նաև այն գործիչներին, որոնք մարտել են հայ ժողովրդի ազատության ու անկախության համար:

Հայ-ռուսական պատմական կապերի լայն ֆոնի վրա Ռուսաստանի հետ Արևելյան Հայաստանի միացման պատմությունն են ներկայացրել նաև պատմական գիտությունների դոկտոր, Հայկական ԽՍՀ ԳԱ թղթակից անդամ Վ. Բարխուդարյանը և

<sup>1</sup> Տե՛ս Վ. Պարսամյան, Ռուսաստանը և հայ ժողովրդի պատմական բախտը, Եր., 1978:



պատմական գիտությունների թեկնածու Վ. Ոսկանյանը<sup>1</sup>: Ռուսաստանի հետ Արևելյան Հայաստանի միացման և դրա նշանակության հարցը քննվում է աշխատության վերջին երեք գլուխներում, որի հեղինակն է Վ. Բարխուդարյանը: Աշխատության մեջ առանձնակի ուշադրություն է դարձված Ռուսաստանի գաղթօջախների պատմությանը և համակողմանիորեն բացահայտված է դրանց դերը հայ-ռուսական հարաբերությունների զարգացման գործում:

150-ամյակի առթիվ հրատարակված աշխատությունների մեջ ուշադրության է արժանի նաև Հայկական ԽՍՀ ԳԱ ակադեմիկոս Ս. Աղայանի մենագրությունը<sup>2</sup>: Այստեղ ևս հանգամանորեն լուսաբանվել են հայ-ռուսական տնտեսական, քաղաքական և մշակութային կապերը, շարադրված են Ռուսաստանի «գնություն» հայ ժողովրդի ազատագրական պայքարի դրվագները, ցույց է տրված Ռուսաստանի հետ Արևելյան Հայաստանի միացման պատմական նշանակությունը: Պատմարանի աշխատության մեջ ավելի լայնորեն է պատկերված Ռուսաստանի հետ Անդրկովկասի ժողովուրդների մերձեցման գաղափարի ծագումը:

70-ական թվականներին հրատարակված մի շարք աշխատություններում հաջողությամբ բացահայտված է Ռուսաստանի դերը ոչ միայն հայ, այլև Անդրկովկասի մյուս ժողովուրդների պատմական ճակատագրում: Այդ աշխատություններում ցույց է տրվել Անդրկովկասի ժողովուրդների վաղեմի կապերը Ռուսաստանի հետ, լայնորեն լուսաբանվել է Ռուսաստանի հետ Անդրկովկասի միացման պատմությունը և այդ միացման պատմական նշանակությունը երկրամասի ժողովուրդների համար: Այս տեսակետից ուշադրության են արժանի Ս. Աղայանի<sup>3</sup> և Հայկական ԽՍՀ ԳԱ ակադեմիկոս Գ. Գալոյանի<sup>4</sup> արժեքավոր մենագրությունները:

Գ. Գալոյանի աշխատությունն աչքի է ընկնում փաստական նյութի առատությամբ, ընդհանրացումներով: Նա այդ առթիվ դի-

<sup>1</sup> Տե՛ս Վ. Բարխուդարյան, Վ. Ոսկանյան, Հայ-ռուսական պատմական կապերը և Արևելյան Հայաստանի միացումը Ռուսաստանին, Եր., 1978:

<sup>2</sup> Տե՛ս Агаян С., Роль России в исторических судьбах армянского народа, М., 1978:

<sup>3</sup> Տե՛ս Агаян С., Вековая дружба народов Закавказья, часть первая, Е., 1976:

<sup>4</sup> Տե՛ս Галоян Г., Россия и народы Закавказья, М., 1976, երկը՝ հայերեն, Եր., 1978:

2724

տաղություններ է անում այն հեղինակներին, ովքեր ճիշտ գնահատական չեն տվել Ռուսաստանին Անդրկովկասի, հատկապես Վրաստանի միացմանը: Այսպես, օրինակ, նա սխալ է համարում այն տեսակետը, թե, իբր, Վրաստանի միացումը Ռուսաստանին կատարվել է ոչ թե կամավոր, այլ բռնի գործողություններով: Ը՛իշտ է նկատում պատմաբանը, որ, թեև ցարիզմը ձգտում էր տիրանալ Վրաստանին և այդ տեսակետից նրա քաղաքականությունը զավթողական էր, բայց, անկախ ցարիզմի նպատակներից, գրում է նա, Վրաստանի միացումը տեղի չունեցավ բռնի ճանապարհով, քանի որ թե՛ ժողովուրդը, և թե՛ երկրի կառավարող շրջաններն իրենք էին ձգտում դրան: «Միացումը լիովին համապատասխանում էր վրաց ժողովրդի շահերին, և այդ իմաստով այն տեղի ունեցավ կամավոր կերպով: Ռուսական զորքերը Վրաստան մտան առանց որևէ զինակ արձակելու, ժողովուրդը նրան ընդունեց իբրև իր ազատագրողները»<sup>1</sup>:

Գ. Գալոյանը մերժում է պրոֆ. Ն. Սմիռնովի այն կարծիքը, թե, իբր, վրաց արքայազն Ալեքսանդրի գլխավորած շարժման նպատակն էր պայքարել ցարիզմի գաղութային ուժերի դեմ, և որ այդ շարժումը մեծ ժողովրդականություն էր վայելում: «Արքայազն Ալեքսանդրը ոչ թե գլխավորում էր ցարիզմի գաղութային քաղաքականության դեմ վրաց ժողովրդի մղած պայքարը, այլ փորձում էր այդ պայքարն օգտագործել իր հակառուսական, ֆեոդալական ձգտումների համար»<sup>2</sup>: Անդրադառնալով դրան, Գ. Գալոյանը պնդում է, որ, չնայած ցարիզմի գաղութային քաղաքականությանը և գյուղացիների շահագործման ֆեոդալական սխտեմի պահպանմանը, Ռուսաստանին Արևելյան Վրաստանի միացումը առաջադիմական և սկզբունքային նշանակություն ուներ ոչ միայն վրաց ժողովրդի, այլև ամբողջ Անդրկովկասի համար: «Դա հանդիսացավ երկրամասը Ռուսաստանին միացնելու սկիզբը, որին արդեն վաղուց ձգտում էին վրաց, ադրբեջանական և հայ ժողովուրդները»<sup>3</sup>:

Գ. Գալոյանը ընդգծում է այն միտքը, թե, չնայած ցարիզմի քաղաքականության նվաճողական բնույթին, Ռուսաստանին Անդրկովկասի միացումը ամբողջությամբ վերցրած պետք է

<sup>1</sup> Գ. Գալոյան., նշվ. աշխ., էջ 146:  
<sup>2</sup> Նույն տեղը: էջ 183:  
<sup>3</sup> Նույն տեղը, էջ 149:





համարել կամավոր, որովհետև այն կատարվեց Օսմանյան կայսրության և պարսկական տիրակալների բարբարոսական տիրապետությունների դեմ մղված երկարատև պայքարի հետևանքով: Նրա կարծիքով, Ռուսաստանը պատերազմ էր մղում ոչ թե երկրամասի ժողովուրդների, այլ Պարսկաստանի և Քուրբիայի դեմ<sup>1</sup>: Նա գտնում է, որ Անդրկովկասի ժողովուրդների համար պատերազմը ստանում էր հայրենական պատերազմի նշանակություն, քանի որ նրանք անձնուրաց կերպով կովում էին թշնամու դեմ ոչ թե ցարիզմի շահերի, այլ իրենց կյանքի ու պատվի համար<sup>2</sup>:

«Անդրկովկասը Ռուսական կայսրության կազմում» գլխում Գ. Գալոյանը վեր է հանել Ռուսաստանի հետ միացման սոցիալ-տնտեսական և քաղաքական հետևանքներն ամբողջ Անդրկովկասի համար և ցույց տվել ռուս հեղափոխականների ու Անդրկովկասի ժողովուրդների առաջավոր գործիչների միջև ստեղծված կապերը: Աշխատության այդ և հետագա գլուխներում նա ձգտել է ցույց տալ, որ ռուսական ազատագրական շարժման գաղափարախոսները ցարիզմի մեծապետական ու շովինիստական քաղաքականությունը հակադրում էին: Ռուսաստանի բոլոր ճնշված ժողովուրդների ազատության և իրավահավասարության գաղափարը, հանդես էին գալիս սոցիալական ու ազգային ամեն տեսակ ճնշման դեմ: Իր հերթին, Անդրկովկասի առաջադիմական գործիչները միայն ռուս ժողովրդի հետ ունեցած միասնության մեջ էին տեսնում ազգային-ազատագրական շարժման զարգացման միակ հնարավորությունը:

Ռուսաստանի հետ Արևելյան Հայաստանի միացման առաջադիմական հետևանքները, հայ և ռուս ժողովուրդների հետագա մերձեցումը լուսաբանվել են նաև Գ. Գալոյանի մի նոր ուսումնասիրության մեջ<sup>3</sup>, որը բնդհանրացնող աշխատություն է հայ ժողովրդի ազատագրական պայքարի մասին՝ հնազույն ժամանակներից մինչև այդ պայքարի հաղթական ավարտը՝ Հայաստանում խորհրդային իշխանության հաստատումն ու ամրապնդումը: Թեև այդ աշխատության որոշ հարցեր արծարծվել են հեղինակի մինչև այդ հրատարակված ուսումնասիրություններում,

այնուամենայնիվ, օգտագործելով նոր, արժեքավոր վավերագրեր, մի շարք պրոբլեմներ նա ավելի բովանդակալից ու խորն է ներկայացրել: Ուշագրավ է նրա այն դրույթը, թե Ռուսաստանին Արևելյան Հայաստանի և ողջ Անդրկովկասի միացումը ամրապնդեց վերջինիս միջազգային դիրքերը, նպաստեց նրա տնտեսական ու քաղաքական դարգացմանը, և, դրանով իսկ, առաջադիմական նշանակություն ունեցավ նաև Ռուսաստանի համար<sup>1</sup>: Նշելով, որ Արևելյան Հայաստանն աստիճանաբար ու անշեղորեն ներքաշվեց Ռուսաստանի տնտեսական ու քաղաքական առաջադիմական զարգացման բնդհանուր հունի մեջ, պատմաբանը իրավացիորեն գրում է, թե դրանով է բացատրվում այն փաստը, որ, չնայած արևելահայությունը ևս ենթարկվում էր ցարիզմի ազգային քաղաքականության դաժան հալածանքներին, այնուամենայնիվ, պատմական զարգացման և ոչ մի փուլում հայ ժողովրդի և ոչ մի խավ ու հասարակական հոսանք հարց չդրեց հայերի Ռուսաստանից անջատվելու մասին<sup>2</sup>:

Ռուսաստանի և Կովկասի ժողովուրդների միջև ստեղծված ռազմական համագործակցության կարևոր դրվագ է լուսաբանված Հայկական ԽՍՀ ԳԱ ակադեմիկոս Մ. Ներսիսյանի աշխատության մեջ<sup>3</sup>: Հարկ է նշել, որ այդ թեման փաստական նյութի պակասության պատճառով պատմագրության մեջ մինչև այդ շատ աղոտ է լուսաբանվել, այն չի դարձել գիտական հետազոտության առարկա: Այդ հարցի առթիվ, ինչպես հեղինակն է գրում, կան մի քանի հոդվածներ և գիտահանրամատչելի գրքերույկներ՝ նվիրված միայն սեծովյան (կուբանյան) կազակներին և վրաց-ռազմիկներին:

Պատմաբանի աշխատությունը հիմնականում գրված է սկզբնաղբյուրների հիման վրա: Գիտական շրջանառության մեջ են դրված նոր, մինչև այժմ չհրատարակված արխիվային փաստաթղթեր, որոնց մի մասը զետեղված է գրքի հավելվածում:

Աշխատության մեջ ցույց է տրված Կովկասի բազմազգ ժողովուրդների ակտիվ մասնակցությունը 1812 թ. Հայրենական պատերազմին: Ըստ հնարավորին վեր է հանված ինչպես կով-

<sup>1</sup> Տե՛ս Գ. Գալոյան, Պատմության քառույցներում: Ազատագրված ժողովրդի վերածնունդը, էջ 91:

<sup>2</sup> Տե՛ս նույն տեղը, էջ 94:

<sup>3</sup> Տե՛ս Нерсисян М., Отечественная война 1812 года и народы Кавказа, Е., 1965:

<sup>1</sup> Տե՛ս Գ. Գալոյան, նշվ. աշխ., էջ 218—219:

<sup>2</sup> Տե՛ս նույն տեղը, էջ 211:

<sup>3</sup> Տե՛ս Գ. Գալոյան, Պատմության քառույցներում: Ազատագրված ժողովրդի վերածնունդը, Եր., 1932:



կասյան զորամասերի, այնպես էլ կովկասցի անհատ ռազմիկների հերոսական սխրագործությունները պատերազմի տարբեր ճակատամարտերում: Նրանք կողք կողքի մարտնչել են ռուս, ուկրաինացի, բելոռուս, բաշկիր, լատիշ, էստոնացի և այդ ժամանակ Ռուսական կայսրության տարածքում բնակվող մյուս ժողովուրդների զավակների հետ: Վեր է հանված կովկասցիների մասնակցությունը հայրենասիրական ձեռնարկումներին, գլխավորապես բանակի, աշխարհագրի և տուժած բնակչության կարիքների համար ամբողջ Ռուսաստանում կազմակերպված կամավոր հանգանակություններին: Հետաքրքրություն են ներկայացնում նաև աշխատության այն էջերը, որտեղ խոսվում է, թե Անդրկովկասի մշակույթի առաջագեմ գործիչներն ինչպես են արձագանքել ռուս ժողովրդի հերոսական պայքարին ու զնահատել այն:

Առանձին գլուխ է հատկացված հայ ժողովրդի մասնակցությանը Հայրենական պատերազմին<sup>2</sup>: Խոսքն, իհարկե, վերաբերում է Ռուսաստանի հայկական գաղթօջախներին, ուր ապրում էին մեծ թվով հայեր: Այսպես, արխիվային տվյալների համաձայն միայն Նոր Նախիջևան քաղաքում 1811 թ. ապրում էին տասը հազար հայեր: Ուշագրավ փաստեր կան ռուսահայերի մեջ կատարված կամավոր հանգանակությունների և այդ գործում հոգևորականության խաղացած դերի մասին: Առանձնահատուկ հետաքրքրություն է ներկայացնում ռուսական բանակի շարքերում ծառայող հայ սպաների մասին շարադրանքը, որի մեջ առանձին-առանձին ցույց են տրված 1812 և 1813—14 թթ. մղված բազմաթիվ մարտերում աչքի ընկած Մադաթովի, Դելյանովի, Ախշարովի, Մելիքովի, Հայրապետովի, Աբամելիք եղբայրների, Կազարևի, Մելիք-Օսիպովի, Բեհրուզովի և ուրիշների կատարած սխրագործությունները: Նրանք հիմնականում ծագումով բարձրաստիճան կադրային զինվորականներ էին: Իսկ ի՞նչ մասնակցություն է ունեցել հայ աշխատավորությունը այդ պատերազմին: Այս հարցին պատմաբանը տալիս է որոշակի պատասխան: «Կասկածի ենթակա չէ, որ 1812 թ. հայրենասիրական ոգին ընդգրկել է նաև այդ հասարակ մարդկանց, քանի որ նրանց մոտ ամենից առաջ և ավելի խորն էր արմատավորվել ռուսա-

կան կողմնորոշումը: Նրանք չէին պատկերացնում պարսկական խանների և թուրքական փաշանների լծից իրենց հայրենիքի ազատագրումը առանց Ռուսաստանի օգնության, ուստի չէին կարող մնալ անտարբեր դիտողներ»<sup>1</sup>: Մ. Ներսիսյանը գտնում է, որ, հավանաբար, նրանք նույնպես մասնակցել են հանգանակությունների հավաքմանը և իրենց համեստ ավանդը ներդրել ռուս ժողովրդի ազատագրական պայքարին օգնելու գործում: Սակայն, ցավոք, արխիվային ֆոնդերում նյութեր չկան հայ աշխատավորության հանգանակությունների մասին: Ցարական ղեկավարներն ու հայ բարձրաստիճան հոգևորականները հարկ չեն համարել նրանց մասին գրավոր հիշատակարաններ թողնել, իրավացիորեն եզրահանգում է հեղինակը<sup>2</sup>:

Հայ և ռուս ռազմական զինակցության մի շարք կարևոր դրվագներ են քննարկվում պատմական գիտությունների դոկտոր, պրոֆ. Ա. Պողոսյանի «Ռուս-հայ բարեկամության պատմությունից» աշխատության մեջ<sup>3</sup>: Հեղինակի մեկ այլ աշխատության մեջ<sup>4</sup> լուսարանված է Կարսի մարզի պատմությունը՝ Ռուսաստանին միանալու ժամանակներից մինչև 1920 թվականը: Ռուսաստանին միանալուց հետո, գրում է հեղինակը, շնայած ցարիզմի ազգային-գաղութային քաղաքականությանը, մարզի համար որոշակի պայմաններ ստեղծվեցին սոցիալ-տնտեսական, քաղաքական և մշակութային զարգացման համար:

1978 թվականին ԽՄԿԿ Կենտկոմին առընթեր մարքսիզմ-լենինիզմի ինստիտուտի հայկական մասնաճյուղի նախաձեռնությամբ հրատարակվեց հոդվածների մի ժողովածու՝ նվիրված Ռուսաստանի հետ Արևելյան Հայաստանի միացման 150-ամյակին<sup>5</sup>: Հեղինակներն են Մ. Աղայանը, Մ. Արզումանյանը, Զ. Կիրակոսյանը, Հ. Կարապետյանը, Ի. Թամրազովան, Կ. Խուզավերդյանը, Վ. Մուրադյանը, Գ. Օգանեսովը, Ա. Սադադյանը և Ի. Տոմչինը:

Ժողովածուում ցույց է տրված հայ ժողովրդի ծանր դրությունը պատմական անցյալում, հայ-ռուսական դարավոր բարեկա-

<sup>1</sup> Нерсисян М., նշվ. աշխ., էջ 209:

<sup>2</sup> Տե՛ս նույն տեղը, էջ 209—210:

<sup>3</sup> Տե՛ս Ա. Պողոսյան, Ռուս-հայ բարեկամության պատմությունից, Եր., 1974:

<sup>4</sup> Տե՛ս Погосян А., Карсская область в составе России, Е., 1983:

<sup>5</sup> Տե՛ս Навеки вместе (Под редакцией Гр. Симоняна и В. Мурадяна), Е., 1978:

\* Այս մասը գրեթե նույնությամբ հրատարակվել է հեղինակի «Ռուս-հայկական հարաբերությունների պատմությունից» (Ռուսերեն) աշխատության առաջին հատորում (Եր., 1956):



մությունն ու Ռուսաստանի հետ Արևելյան Հայաստանի միացման առաջադիմական նշանակությունը, Ռուսաստանի ժողովուրդների համատեղ պայքարը ցարիզմի և կապիտալիզմի դեմ հանուն նոր հասարակության կառուցման, խորհրդային ժողովուրդների համատեղ ծանր պայքարը գերմանաֆաշիստական զավթիչների դեմ, և ավելի հանգամանորեն՝ խորհրդային Հայաստանի տնտեսական ու մշակութային զարգացումը ԽՍՀՄ ժողովուրդների եղբայրական ընտանիքում:

Ռուսաստանի հետ Արևելյան Հայաստանի միացման 150-ամյակի օրերին լույս տեսավ նաև Երևանի պետական համալսարանի դասախոսների հոդվածների ժողովածուն<sup>1</sup>: Դա մի գիրք է, ուր ներկայացված են ոչ միայն պատմաբանների, այլև փիլիսոփաների, տնտեսագետների, գրականագետների և ուրիշների ուսումնասիրությունները: Պատմաբան հեղինակները լուսաբանել են Ռուսաստանի հետ Արևելյան Հայաստանի միացման ու նրա պատմական նշանակության (Վ. Դիլոյան), Ռուսաստանի հետ Արևելյան Հայաստանի միացման նախահեղափոխական ռուսական պատմագրության և հասարակական մտքի գնահատման (Մ. Մուրադյան), պատմական այդ նշանավոր իրադարձության նախախորհրդային հայ հասարակական-քաղաքական և պատմագիտական մտքի գնահատման հարցերը (Ն. Սարուխանյան), 1850—1880-ական թվականների արևմտահայ դեմոկրատները և առաջադեմ Ռուսաստանը (Հ. Ղազարյան), Հոկտեմբերյան հեղափոխությունը և հայ ժողովրդի վերածնունդը (Հ. Մելիքսեթյան) և այլն:

Հորեկյանին էր նվիրված նաև 1978-ին հրատարակված «Պատմության հարցեր» միջբուհական ժողովածուն, ուր արժեքավոր հոդվածներ ունեն Զ. Գրիգորյանը, Վ. Դիլոյանը, Հ. Պողոսյանը, Ա. Պողոսյանը, Ռ. Շահինյանը, Ա. Քյուրքչյանը, Ի. Սնիսյանը և ուրիշներ: Հոդվածները վերաբերում են հայ-ռուսական հարաբերություններին, Ռուսաստանի հետ Արևելյան Հայաստանի միացման պատմությանն ու պատմագրությանը:

Ռուսաստանի հետ Արևելյան Հայաստանի միացման պատմությունը համառոտակիորեն շարադրվել է նաև Երևանի համալսարանի հրատարակած «Հայ ժողովրդի պատմություն» մեկ-

հատորյակում<sup>2</sup>: Այդ մասի վերաբերյալ (հեղինակ՝ Մ. Ներսիսյան) ունենք մի շարք գիտողություններ:

Գրքում թեև խոսվում է Ռուսաստանի հետ Արևելյան Հայաստանի միացման առաջադիմական նշանակության մասին, և գրական երևույթ է համարվում հայերի 1828—1829 թթ. գաղթը, այնուամենայնիվ, հարկ չկար վկայակոչել ղեկաբրիստ Ալ. Բեստուժե—Մալոխնսկու խոսքերը, որոնք, ասես, հակասում են այդ գաղթի վերաբերյալ Մ. Ներսիսյանի ճիշտ գնահատականին: Հասկանալի է, որ պարսկահայ և արևմտահայ բնակչության գաղթը կատարվեց ծանր պայմաններում, սակայն պետք է նկատի ունենալ, որ, լինելով ղեկաբրիստ, գինվորական պաշտոններից և կոշտամներից զրկված ու կովկաս աքսորված, հետևաբար և ցարիզմի թշնամի, Ալ. Բեստուժե—Մալոխնսկին 1832 թ. ղեկտեմբերի 14-ին Գերբենտից Կ. Պոլևոյին ուղղված նամակում, խտացնելով գույները, խիստ բացասականորեն, ոչ օբյեկտիվորեն է նկարագրում հայ գաղթականների վիճակը. «Ոսկե սարեր խոստացան, և նրանք շարժվեցին... եկան և շատան հացի հատիկ, գլուխ դնելու տեղ, ճյուղ՝ կյանք պահպանելու համար: Ոչինչ չէին պատրաստել, նրանց տվեցին կորստաբեր կլիմա, անբերրի հող»<sup>3</sup>: Ի դեպ, Մ. Ներսիսյանը Մալոխնսկու նամակից ավելի մեծ քաղվածք է բերել իր «Գեկաբրիստները Հայաստանում» աշխատության մեջ, ուր ասված է, թե, իբր, հայ գաղթականների «կեսը կոտորվեց, քառորդը ցրվեց, վերջին քառորդը իր թշնամաբան գոյությունն է քարշ տալիս օտարության մեջ: ... Ամենքը փախչում են, ամեն ինչ շորանում է»<sup>4</sup>:

Հարկ չկար քաղվածաբար մեջբերել նաև ղեկաբրիստ Մալոխնսկու այն խոսքերը, թե «Երևանը շնագայլերով բնակեցված ողբալի ավերակ է»<sup>5</sup>: Դա ոչ միայն չի համապատասխանում իրականությանը, այլև վիրավորում է ամեն մի հայի ազգային արժանապատվությունը: Ի. Շոպենի գլխավորած հանձնաժողովի 1829—1832 թթ. տվյալների համաձայն, Երևանի խանության, իսկ 1828 թվականից սկսած Հայկական մարզի կենտրոն Երևան

1 Տե՛ս Հայ ժողովրդի պատմություն (հնագույն ժամանակներից մինչև մեր օրերը), խմբ.՝ պրոֆ. Մ. Ներսիսյանի, Եր., 1972:

2 Նույն տեղը, էջ 341:

3 Մ. Ներսիսյան, Գեկաբրիստները Հայաստանում. Եր., 1958, էջ 262, նույնը՝ առաքերեն:

4 Տե՛ս Ներսիսյան Մ., Դեկաբրիստները և Երևան, Ե., 1975, էջ 219:

1 Տե՛ս Присоединение Восточной Армении к России и его историческое значение (Отв. редактор Г. Казарян), Е., 1978:



քաղաքը ունեցել է մոտ տասներկու հազար բնակիչ, 1730 տուն, 7 եկեղեցի, 8 մեջիդ, 7 իջևան, 851 կրպակ, 8 բաղնիք, 45 ջրաղաց: Քաղաքի արդյունագործական-արհեստագործական ձեռնարկություններում աշխատել են 2318 մարդ: Եկեղեցիներում և մեջիդներում եղել են դպրոցներ<sup>1</sup>: Ավելացնենք, որ Երևանը բնկզմված է եղել մրգաշատ այգիների մեջ:

«Հայ ժողովրդի պատմության» մեկհատորյակում կան այլ սխալներ, վրիպումներ ու բացթողումներ: Օրինակ, ոչ մի հիշատակություն չկա ռուս մեծ գրող և դիվանագետ Ա. Ս. Գրիբոյեդովի մասին, որը քիչ դեր չի խաղացել հայ-ռուսական հարաբերությունների զարգացման, Ռուսաստանի հետ Արևելյան Հայաստանի միացման գործում: Հարց է առաջանում, ինչո՞վ բացատրել Գրիբոյեդովի անվան անտեսումը հայոց պատմությանը նվիրված նման գրքում: Հեղինակի անիրազեկության<sup>2</sup> մը, հաղիվ թե: Հայ-ռուսական հարաբերությունների պատմության բազմաձևուտ հեղինակը չէր կարող շիմանալ Գրիբոյեդովի խաղացած դերը Ռուսաստանի հետ Արևելյան Հայաստանի միացման, պարսկահայերի գաղթի կազմակերպման գործում:

Ճիշտ մոտեցում հանդես չի բերել հեղինակը՝ դարի ամբողջ պատմությունը արհեստականորեն բաժանելով երկու մասի՝ արևմտյան և արևելյան, ընդ որում դարի առաջին կեսը նվիրված է արևելահայության, իսկ երկրորդը՝ արևմտահայության պատմությանը: Այսպես, XIX դարի երկրորդ կեսի պատմությունը շարադրված է մի գլխում՝ «Արևմտահայության վիճակը XIX դարի 2-րդ կեսին»: Այդ բաժնի նման սխալ կառուցվածքի պատճառով փաստորեն անտեսվել է արևելահայության (և ամբողջ հայ ժողովրդի) անցյալ դարի երկրորդ կեսի չափազանց հարուստ ու բովանդակալից պատմությունը:

Բազմաթիվ կարևոր թեմաների, ինչպես՝ Արևելյան Հայաստանում ցարիզմի ազգային-գաղութային քաղաքականության, XIX դարի գյուղացիական շարժումների, Ղրիմի պատերազմի Կովկասյան ռազմաճակատի և հայերի մասնակցության, 1870 թ. գյուղացիական ռեֆորմի ու Արևելյան Հայաստանում կապիտալիզմի զարգացման, արևելահայ ազատագրական խմբակների գործունեության, Հայաստանում բանվորական շարժման

<sup>1</sup> Տե՛ս Шопен И., Исторический памятник состояния Армянской области в эпоху ее присоединения к Российской империи, С. Петербург, 1852, էջ 463—778:

և մարքսիզմի տարածման առաջին քայլերի վերաբերյալ ընթերցողը գրքում լավագույն դեպքում կգտնի մեկ-երկու տող, այն էլ ոչ իրենց տեղում, իսկ մի քանիսի մասին՝ ոչ մի խոսք: Բոլորովին անտեսված է նաև հայերի հասարակական կյանքում, 50—60-ական թվականներին, որոշակի երևույթ հանդիսացող Ազգային սահմանադրությունը: Տարօրինակ է, որ այդ ժամանակաշրջանի հայ հասարակական-քաղաքական հոսանքների պատմությունը զետեղված է մշակույթի բաժնում:

Պետք է ասել, որ Երևանի համալսարանի հրատարակած «Հայ ժողովրդի պատմության» XIX—XX դարերի վերաբերյալ մեր արած դիտողությունները<sup>1</sup> հեղինակները հիմնականում հաշվի են առել և համապատասխան ուղղումներ ու լրացումներ մտցրել գրքի ռուսերեն հրատարակության մեջ (Տե՛ս «История армянского народа с древнейших времен до наших дней», под ред. проф. М. Нерсисяна, Е., 1980): Այնուհետև դիրքը ռուսերենից թարգմանվում և վերահրատարակվում է հայերեն: Սակայն մի՞թե չէր կարելի գրքի առաջարանում կամ նրա տողատակին նշել, որ հեղինակները հաշվի են առել մեր դիտողությունները: Օրինակ, եթե Գրիբոյեդովը ահու՛ր բոլորովին չկար գրքի հայերեն հրատարակության մեջ, ապա ռուսերեն հրատարակության մեջ ահա թե ինչ է ասված նրա մասին: «Նրանց (պարսկահայ գաղթականներին— Շ. Հ.) մեծ օգնություն է ցույց տվել ռուս մեծ գրող հումանիստ Ա. Ս. Գրիբոյեդովը, որն այդ ժամանակ Պարսկաստանի ռուսական դեսպանն էր» (էջ 196): Այնուհետև՝ «Արևելյան Հայաստանում ռուսական բանակի շատ ռազմական գործընթացներին մասնակցել է Ա. Ս. Գրիբոյեդովը: Դրա հետ միասին նա մեծ դեր է խաղացել թուրքենյալի պայմանագրի կնքման գործում» (էջ 198) և այլն:

Ռուսաստանի հետ Արևելյան Հայաստանի միացման պրորլեմի լուսաբանումը նախալորհրդային հայ պատմագրության մեջ հանդամանորեն քննվում է պատմական գիտությունների թեկնածու Ն. Սարուխանյանի մենագրությունում<sup>2</sup>: Սկզբում նա շարադրում է ժամանակի հայ գործիչների գնահատականները պատմական այդ կարևորագույն իրադարձության վերաբերյալ: Այնուհետև, խոսելով Ռուսաստանի տիրապետության առաջին

<sup>1</sup> Տե՛ս «Լեհիյան ուղիով», 1974, № 4:

<sup>2</sup> Տե՛ս Ն. Սարուխանյան, Արևելյան Հայաստանի Ռուսաստանին միացման պրորլեմը մինչհեղափոխական հայ պատմագրության մեջ, Եր., 1971:



տարիներին Հ. Ալամդարյանի, Մ. Թաղիադյանի, Ն. Աշտարակեցու, Խ. Աբովյանի և ուրիշների գրական գիրքորոշման մասին, հեղինակը միաժամանակ ցույց է տալիս նրանց հետագա հիասթափությունը ցարական կառավարությունից: Ն. Սարուխանյանը, հակառակ ավանդական մեկնաբանությունների, ցույց է տվել, թե ինչպես Խ. Աբովյանը, հետագայում հիասթափվելով, բռնեց ցարական կառավարության գաղութային քաղաքականությունը քննադատողի դիրք<sup>1</sup>: Ճիշտ է բացահայտված հայ հասարակական-քաղաքական հոսանքների գիրքորոշումը Ռուսաստանի հետ Արևելյան Հայաստանի միացման պրոբլեմի նկատմամբ:

Քննելով Ա. Երիցյանի հայացքները, Ն. Սարուխանյանը գրտնում է, որ նա ռուսական տիրապետության գնահատման հարցում անհետևողական է եղել: Եթե 1860-ական թվականներին նա հակված էր դեպի Թուրքիան և Արևմտյան Եվրոպան, ապա 70-ական թվականներից սկսած փոխվում է նրա կողմնորոշումը: Ազգային-պահպանողական հոսանքից թեքվելով բուրժուական լիբերալիզմ, Ա. Երիցյանը 1880—90-ական թվականներին շեղ ժխտում Արևելյան Հայաստանի Ռուսաստանին միացման անհրաժեշտությունը: Ճիշտ է Ն. Սարուխանյանը, գրելով, թե Երիցյանն իր գործունեության երկրորդ շրջանում ընկավ մեկ այլ ծայրահեղության մեջ: Ճիշտ գնահատելով Արևելյան Հայաստանի միացման նշանակությունը, նա սկսեց ներբողել ցարիզմի քաղաքական նպատակամղումները:

Հեղինակը ճիշտ է բնութագրել Կ. Եզյանի աշխարհայացքը, նրա պատմահայեցողությունը որպես իդեալիստի, ցարապաշտի, հայ լուսավորչական եկեղեցու շեղմ պաշտպանի: Անդրադառնալով Ս. Պալասանյանի հայացքներին, հեղինակը գտնում է, որ նա բուրժուական օբյեկտիվիզմի դիրքերից էր բնութագրում հայերի նկատմամբ ցարիզմի վարած քաղաքականությունը: Հեղինակը ցույց է տվել նաև Գյուտ քահանա Աղանյանցի, Եղիշե ավագ քահանա Գեղամյանցի հակառուսական գիրքորոշումը, Ռուսաստանի հետ Արևելյան Հայաստանի միացման հարցում նրանց բացասական վերաբերմունքը:

Անդրադառնալով Մ. Օրմանյանի հայացքներին, նա գրում է, որ, քննադատության ենթարկելով ցարական իշխանությունները,

Օրմանյանն իր ողջ կյանքում ռուսական տիրապետությունը համարում էր ընդունելի:

Հաջող է տրված Լեոյի հայացքների քննությունը: Հեղինակը ճիշտ է նկատել մինչհեղափոխական շրջանի և խորհրդային իշխանության տարիներին նրա գրած աշխատություններում հայերի ռուսական կողմնորոշման և Ռուսաստանի հետ Արևելյան Հայաստանի միացման հարցում տեղ գտած հակասական գնահատականները:

Հայերի ռուսական կողմնորոշումն ու Արևելյան Հայաստանի Ռուսաստանին միացման պրոբլեմը, գրում է նա, հակադրական ծայրակետից էին մեկնաբանում հայ դաշնակցական պատմագրության ներկայացուցիչները: Այդ հարցում, գրում է նա, ճիշտ դիրքերում էր Ա. Չոպանյանը: Աշխատության մեջ բացահայտվել է նաև Գ. Անանունի սխալ տեսակետը այդ հարցում:

Կարևոր նշանակություն ունի Ն. Սարուխանյանի կողմից ժամանակի հայ նշանավոր հասարակական-քաղաքական և հոգևոր գործիչ Ն. Աշտարակեցու գործունեության բնութագրերը: Նախահեղափոխական հայ պատմահասարակագիտական միտքը, իրավացիորեն գրում է նա, շկարողացավ ըստ արժանվույն գնահատել հայ ազատագրական շարժման նշանավոր այդ գործիչին: «Եթե ումանք գերագնահատեցին նրա ընդունակություններն ու կարողությունները (Ալ. Երիցյան, Ա. Պերպերյան, Օ. Օրմանյան, Պ. Պոռչյան և ուրիշներ), ապա գտնվեցին նաև այնպիսիները (Մ. Աղաբեկյան, Ստ. Պերճ Պողոս-Փափազյանց, Ղ. Աղայան, Ե. ք. Գեղամյան, Ավ. Արասխանյան), որոնք ներսեսի գործունեությունից պոկեցին ազգային-հայրենասիրական բողոք՝ նրան բաժին թողնելով փառասիրական և իշխանասիրական հակումներ միայն»<sup>1</sup>: Մի այլ տեղ նա գրում է, որ խորհրդահայ պատմագրության մեջ ևս հարկ եղած չափով չի գնահատվել Ն. Աշտարակեցին: Սակայն խորհրդահայ պատմագրության մեջ նրա գործունեության արժեքավորման ուղղությամբ, նշում է պատմաբանը, ուշագրավ խոսք է ասել Վ. Պարսամյանը, որը գրել է, որ Ն. Աշտարակեցու գործունեությունը գնահատելիս պետք է պատմական մոտեցում ունենալ, նայած ժամանակին, պետք է ցույց տալ նրա թե՛ գրական և թե՛ բացասական կողմերը: Նույնաման մոտեցում է գրսևորել Աշոտ Հովհաննիսյանը՝ «Նալ-

<sup>1</sup> Տե՛ս Ն. Սարուխանյան, Արևելյան Հայաստանի Ռուսաստանին միացման պրոբլեմը... էջ 102—106:

<sup>1</sup> Ն. Սարուխանյան, նշվ. աշխ., էջ 177—178:



բանդյանը և նորա ժամանակը» աշխատություն մեջ: Հենց այս տեսանկյունից էլ հարցին մտեցել է Ն. Սարուխանյանը:

Պատմական լայն հենքի վրա հայ-ռուսական առնչությունների հարցին է անդրադարձել պատմական գիտությունների դոկտոր, պրոֆեսոր Համբարձում Կարապետյանը իր ակնարկային բնույթի աշխատություն մեջ<sup>1</sup>:

Հեղինակն իր առջև շնորհակալ խնդր է դրել՝ շարագրել Ռուսաստանի և ռուս ժողովրդի մասին հայ դեմոկրատական-առաջադիմական մտածողներ և. Աբովյանի, Մ. Նալբանդյանի, Հ. Թումանյանի, ինչպես նաև մարքսիստական մտքի խոշոր ներկայացուցիչներ Ստ. Շահումյանի, Բ. Կնունյանցի, Ս. Սպանդարյանի, Ա. Կասյանի, Ալ. Մյասնիկյանի, Աշ. Հովհաննիսյանի և Բ. Բորյանի հայացքները, վեր հանել հայ ժողովրդի պատմական ճակատագրում Ռուսաստանի և ռուս ժողովրդի առաջադիմական, ազատագրական դերի վերաբերյալ նրանց տեսակետները:

Աշխատությունը գրված է մարքս-լենինյան մեթոդաբանությամբ: Հեղինակը հանդես է բերում ինչպես պատմական իրագործությունների, այնպես էլ, որոշ բացառությամբ, վերոհիշյալ գործիչների հայացքների վերլուծական ակնհայտ կարողություն:

Այստեղ պատմաբանը բազմաթիվ հարցեր է շոշափում: Գրքի ամենավերջին՝ 11-րդ գլխում (Հայ-ռուս առնչությունները բոլոր հայ մարքսիստական պատմագրության՝ Աշոտ Հովհաննիսյան, Բագրատ Բորյան), հեղինակը հանգամանորեն վերլուծում է հայ-ռուսական հարաբերությունների մասին վերոհիշյալ պատմաբանների երկերը: Այս բաժինը, սակայն, զերծ չէ նաև թերություններից:

Նախ, Աշ. Հովհաննիսյանի մասին: Իրավացիորեն բարձր գնահատելով խորհրդահայ պատմագրության զարգացման գործում Աշ. Հովհաննիսյանի ծառայությունները, Հ. Կարապետյանն անտեսում է նրա թույլ տված սխալները: Նրա՝ 1921 թվականին էջմիածնում հրատարակված «Հայ-ռուս օրինատացիայի ծագման խնդիրը» աշխատության մեջ տեղ գտած ոչ ճիշտ հայացքները ներկայացվում են որպես մարքսիստական տեսակետներ: Խորհրդահայ պատմագրության մեջ (Վ. Պարսամյան, Զ. Գրիգոր-

յան, Վ. Ոսկանյան, Պ. Հարությունյան և այլն) քննադատվել են Աշ. Հովհաննիսյանի որոշ տեսակետները, այդ թվում հայերի ռուսական կողմնորոշման տեսակետները: Մենք ևս ժամանակին անդրադարձել ենք այդ հարցին:

«Պատմագիտության զարգացումը Խորհրդային Հայաստանում» աշխատության մեջ, առարկելով Աշ. Հովհաննիսյանին, գրել ենք. «Միանգամայն ճիշտ համարելով, որ ռուսական օրինատացիան ուներ սոցիալ-դասակարգային բնույթ, չի կարելի համաձայնվել Աշ. Հովհաննիսյանի այն դրույթին, թե, իբր, մինչև Հոկտեմբերյան հեղափոխությունը «ռուս օրինատացիան օտար և անհարազատ էր աշխատավոր ժողովրդին և արհեստական մի պատվար նրա քաղաքական մտայնությանը»<sup>1</sup>: «Անվիճելի է, — այնուհետև գրված է այնտեղ, — որ ռուսական օրինատացիան բխում էր հայ ժողովրդի սոցիալական բոլոր շերտերի շահերից: Այլ բան է, որ նրանցից յուրաքանչյուրն ուներ իր սոցիալ-քաղաքական նպատակը, յուրովի էր պատկերացնում այն»<sup>2</sup>: Համաձայնելով Աշ. Հովհաննիսյանի այն տեսակետին, թե մինչև 1720-ական թվականները ռուսական կողմնորոշումը հայ ժողովրդական դանդախների գաղափարական մտայնությունը ղեկու չէր սնել, առարկելի ենք համարել նրա այն պնդումը, թե մինչև այդ ռուսական կողմնորոշումն «ուղեցույց չի հանդիսացել նաև վարիչ դասերից որևէ մեկին՝ նրա քաղաքական որոնումների ճանապարհին»<sup>3</sup>: Հակառակ այդ պնդման, մենք գրել ենք. «Հայտնի է, որ հայ մեկիքները, հայ խոշոր վաճառականության և բարձր հոգևորականության շատ ներկայացուցիչներ մինչև այդ, այսինքն՝ մինչև 1720-ական թվականները, որոշակի կողմնորոշում ունեին դեպի Ռուսաստանը և նրա հետ կոնկրետ հույսեր էին կապում օտար լծից մեր ժողովրդի ազատագրման գործում, ժխտել այդ, նշանակում է կտրել Իսրայել Օրուն իրական հողից, նրա ծրագիրն ու գործունեությունը դիտել որպես սոսկ մի անհատի ցանկությունների արտահայտություն»<sup>4</sup>: Նույնը վերաբերում է Բ. Բորյանին: Ում հայտնի չէ, որ Բ. Բորյանը, որն, ի դեպ, պրո-

<sup>1</sup> Տե՛ս Հ. Կարապետյան, Հայ դեմոկրատական-առաջադիմական, մարքսիստական միտքը Ռուսաստանի և ռուս ժողովրդի մասին, Եր. 1981:

<sup>1</sup> Աշ. Հովհաննիսյան, Հայ-ռուս օրինատացիայի ծագման խնդիրը, էջմիածին, 1921, էջ 67:

<sup>2</sup> Շ. Հարությունյան, Պատմագիտության զարգացումը Խորհրդային Հայաստանում, Եր., 1967, էջ 165:

<sup>3</sup> Աշ. Հովհաննիսյան, նշվ. աշխ., էջ 6:

<sup>4</sup> Շ. Հարությունյան, նշվ. աշխ., էջ 164:



Ֆեոստոսյան պատմարան չէր, տուրք տալով վուլգար սոցիալիզմին, Ռուսաստանի հետ Արևելյան Հայաստանի միացման, 1920 թ. Մայիսյան պատմարանության, 1921 թ. բաղաբացիական կոնվենտի պատմության և այլ հարցերում թույլ է տվել սխալներ<sup>1</sup>:

Տարիներ շարունակ խորհրդահայ պատմաբաններն այս կամ այն չափով անդրադարձել են Ռուսաստանի հետ Արևելյան Հայաստանի միացման պատմագրությանը, սակայն մինչև վերջերս գիտական հետազոտության հատուկ առարկա չէր դարձել, թե այդ կարևոր պրոբլեմը ինչպես է լուսաբանվել ռուսական պատմագրության մեջ: Այս տեսակետից ուշագրավ է պատմական գիտությունների թեկնածու Մ. Մուրադյանի աշխատությունը<sup>2</sup>:

Ռուս պատմաբանների՝ Սոլովյովի, Պոտոյի, Գլինկայի և ուրիշների աշխատություններից կատարելով բազմաթիվ քաղվածքներ, հեղինակը ցույց է տվել, որ XIX դարի ռուսական պատմագրությունը մեծ հետաքրքրություն է հանդես բերել Հայաստանի քաղաքական պատմության, հայ-ռուսական հարաբերությունների, հայերի ռուսական կողմնորոշման և ավելի մեծ չափով Արևելյան Հայաստանի Ռուսաստանին միանալու հարցերի նկատմամբ:

Պատմարանը միշտ մոտեցում է ցուցաբերել՝ մի կողմից, ընդգծելով, որ ռուսական պատմագիտությունը զրական գործ է կատարել վերոհիշյալ հարցերի ուսումնասիրման ու զնահատման ասպարեզում, իսկ, մյուս կողմից, շեշտելով, որ այդ պատմագրության ներկայացուցիչները, կանգնած լինելով պահպանողական դիրքերում, փառաբանում էին ցարիզմը, նրա զահակալներին ներկայացնում էին որպես հայ ժողովրդի անշահախնդիր բարեկամներին:

Աշխատության մեջ բացահայտված է նաև ռուսական հասարակական մտքի առանձին ներկայացուցիչների, այդ թվում՝ Գրիբոյեդովի և ղեկավարիստների դիրքորոշումը Ռուսաստանի հետ Արևելյան Հայաստանի միացման հարցում:

Ուշագրության է արժանի ռուս-իրանական պատերազմների և Արևելյան Հայաստանը Ռուսաստանին միացման դիվանագիտա-

կան պատմությանը նվիրված մենագրությունը<sup>1</sup>: Աշխատության մեջ այդ ժամանակաշրջանի դիվանագիտության պատմությունը դիտված է որպես միջազգային դիվանագիտության մի մասը: Նրանում բացահայտված է իրանա-թուրքական և անգլո-ֆրանսիական հակառուսական և, մասնավորապես, հակահայկական դիվանագիտության ղեկավարներն ենույթը: Ցույց է տրված, թե նա ինչպես էր ամեն կերպ խոչընդոտում Արևելյան Հայաստանի միացմանը Ռուսաստանին, ջանքեր թափում հայ ժողովրդի ազատագրական պայքարը ձախողելու համար:

Ուշագրավ է Բալայանի այն միտքը, թե XIX դարի սկզբին Ռուսաստանի առաջադիմական դերը Անդրկովկասի ժողովուրդների պատմական ճակատագրում բնորոշվում է ոչ միայն ռուս-իրանական և ռուս-թուրքական պատերազմներում Անդրկովկասի աշխարհազորայինների համագործակցությամբ, ռուսական զորքի հաղթանակով: Մեծ նշանակություն է ունեցել նաև ռուսական դիվանագիտության հաղթանակը արևմտյան տերությունների դիվանագիտական ճնշման դեմ, որոնք ձգտում էին Անդրկովկասում հավերժացնել պարսկական տիրապետությունը և Իրանի պատերազմներն ուղղել Ռուսաստանի դեմ, Եվրոպայում հաստատել անգլո-ֆրանսիական տիրապետություն, որը կնախապատրաստեր նապոլեոնյան զորքի ներխուժումը Ռուսաստան<sup>2</sup>:

Բ. Բալայանի աշխատության մեջ արժանի հակահարված է տրված պրոբլեմի արդի բուրժուական, այդ թվում՝ իրանական պատմագրության կեղծ կոնցեպցիաներին:

Հաջող է ներկայացված ռուս մեծ գրող, դիվանագետ Ա. Ս. Գրիբոյեդովի դերը Ռուսաստանի հետ Արևելյան Հայաստանի միացման գործում, բացահայտված են նաև նրա սպանության քաղաքական շարժառիթները:

Բ. Բալայանի աշխատությունն աչքի է ընկնում փաստական նյութի հարստությամբ, որոնց ձեռքբերումը հեղինակի մանրակրկիտ և լուրջ աշխատանքի արդյունք է:

Հայ-ռուսական հարաբերությունների պատմության պարբերացման հարցը քննարկվում է Զ. Գրիգորյանի և Վ. Ոսկանյա-

<sup>1</sup> Տե՛ս Борьян Б., Армения, международная дипломатия и СССР, ч. 1, М.-Л., 1928, էջ 120, 147, ч. 2, М.-Л., 1929, էջ 98—102, 393:

<sup>2</sup> Տե՛ս Մ. Մուրադյան, Արևելյան Հայաստանի միացումը Ռուսաստանին XIX դարի ռուսական պատմագիտական և հասարակական մտքի զնահատմամբ, Եր., 1985:

<sup>1</sup> Տե՛ս Балаян Б., Дипломатическая история русско-иранских войн и гибель Грибоедова, Е., 1988:

<sup>2</sup> Տե՛ս նույն տեղը, էջ 7:



նի հոգովածում<sup>1</sup>: Հեղինակները հայ-ռուսական հարաբերություններին պատմությունը՝ սկզբից մինչև XVIII դարը, բաժանում են 3 փուլերի: Առաջին փուլն ընդգրկում է Կիևյան պետության և ֆեոդալական մասնատվածության ժամանակաշրջանը, երկրորդը սկսվում է ռուսական ազգային պետության կազմավորման փուլից և շարունակվում մինչև XVII դարի վերջը, երրորդ փուլն ընդգրկում է XVIII դարը, երբ խորանում ու ամրապնդվում է հայերի ռուսական կողմնորոշումը, և հայ ազատագրական շարժման բոլոր հոսանքները Հայաստանի ազատագրության բախտը կապում են Ռուսաստանի օգնության հետ: Արևելյան Հայաստանի Ռուսաստանին միացումով, գրում են հեղինակները, նոր փուլ բացվեց հայ-ռուսական հարաբերությունների պատմության մեջ: Հայ հեղափոխական-դեմոկրատական շարժումը ռուսականին միաձուլումով նրանց հարաբերությունների պատմությունը թևակոխում է իր հեղափոխական-դեմոկրատական փուլը: Իսկ XIX դարի 90-ական թվականների երկրորդ կեսից հայ-ռուսական հարաբերությունների պատմությունը թևակոխում է մի նոր փուլ՝ զուգադիպելով Ռուսաստանի հեղափոխական շարժումների պրոլետարական փուլին: Հոկտեմբերյան հեղափոխության հաղթանակով, գրում են հեղինակները, սկիզբ է դրվում հայ և ռուս ժողովուրդների կապերի ու բարեկամական հարաբերությունների պատմության ամենանշանավոր փուլին, որը բաժանվում է 3 շրջանի:

Ռուսաստանի հետ Արևելյան Հայաստանի միացման հարցի լուսաբանման մասին մեր համառոտ շարադրանքն ավարտելուց առաջ հարկ ենք համարում անդրադառնալ նաև խորհրդահայ պատմագրության մեջ տեղ գտած որոշ տարալարծություններին:

Մինչև օրս միասնական կարծիք չկա հայերի ռուսական կողմնորոշման ձևավորման ժամանակի վերաբերյալ: Գրաք: շատերն են անդրադարձել՝ Ա. Գ. Հովհաննիսյան, Վ. Պարսամյան, Զ. Գրիգորյան, Վ. Ոսկանյան, Գ. Գալոյան և ուրիշներ, սակայն վերջին քառորդ դարում այդ հարցն ավելի հանդամանորեն քննարկվել է Զ. Գրիգորյանի կողմից: Վեր հանելով սոցիալ-տնտեսական և ռազմաքաղաքական այն գործոնները, որոնցով պայմանավորվել է հայերի ազատագրական շարժման ռուսական

կողմնորոշման ձևավորումը, նա գտնում է, որ այն ապրել է կազմավորման, հասունացման բավականին երկարատև պրոցես և իր ձևավորմանը հասել է XVII դարի երրորդ քառորդին<sup>2</sup>: Գրիգորյանի կարծիքով, հայ ազատագրական շարժման ռուսական կողմնորոշման ձևավորումը զուգադիպել է նոր Զուգայի հայ առևտրական ընկերության և ռուսական արքունիքի հետ առևտրական պայմանագրի կնքման համար սկսված բանակցություններին<sup>3</sup>:

Հեղինակը սխալ է համարում երկար ժամանակ պատմական գրականության մեջ տարածված այն կարծիքը, ըստ որի հայերի ռուսական կողմնորոշման սկզբնավորումը կապվում է Իսրայել Օրու «սոսկ անձնավորության և սուբյեկտիվ ցանկությունների հետ»<sup>4</sup>: «Հայ ազատագրական շարժման ռուսական կողմնորոշումը, — գրում է նա, — արդյունք է ոչ թե ինչ-որ դիպվածի կամ քաղաքական թեկուզև ինչ-որ անհատ գործչի սուբյեկտիվ ցանկության, այլ պատմական զարգացման օրինաչափ պրոցեսի և պայմանավորվում է սոցիալ-տնտեսական ու ռազմաքաղաքական մի շարք գործոններով»<sup>5</sup>:

Անտարակույս, իրավացի է Զ. Գրիգորյանի դիտողությունն այն մասին, որ չի կարելի հայ ազատագրական շարժման ռուսական կողմնորոշման սկզբնավորումը կապել Իսրայել Օրու սոսկ անձնավորության և նրա սուբյեկտիվ ցանկությունների կամ պատահական դիպվածի հետ: Սակայն, ցավոք, նա չի նշում, թե ովքեր են այդ պատմաբանները: Որքան հայտնի է, ոչ մի պատմաբան չի գրել, թե հայերի ռուսական կողմնորոշման սկզբնավորումը եղել է Իսրայել Օրու սոսկ անձնավորության և սուբյեկտիվ ցանկությունների կամ ինչ-որ մի դիպվածի արդյունք:

Հայերի ռուսական կողմնորոշման ձևավորման պրոբլեմին բազմիցս անդրադարձել է նաև Վ. Պարսամյանը: Նա, ինչպես իր նախորդ, այնպես էլ 1978-ին հրատարակված աշխատության մեջ, գրում է, որ հայերի ռուսական կողմնորոշումը ձևավորվել է XVII դարի վերջին և XVIII դարի սկզբին՝ բախտորոշ այդ իրա-

<sup>1</sup> Տե՛ս Զ. Գրիգորյան, Վ. Ոսկանյան, Հայ-ռուսական հարաբերությունների պատմության պարբերացման մասին, «Պատմա-բանասիրական հանդես», 1972, № 3:

<sup>2</sup> Տե՛ս նույն տեղը, էջ 81:

<sup>3</sup> Նույն տեղը, էջ 78:

<sup>4</sup> Նույն տեղը:

<sup>5</sup> Տե՛ս Զ. Գրիգորյան, Վ. Ոսկանյան, Հայ-ռուսական հարաբերությունների պատմության պարբերացման մասին, «Պատմա-բանասիրական հանդես», 1972, № 3:



նի հոգւածում<sup>1</sup>: Հեղինակները հայ-ուսական հարաբերությունների պատմութիւնը՝ սկզբից մինչև XVIII դարը, բաժանում են 3 փուլերի: Առաջին փուլն ընդգրկում է Կիւսյան պետութեան և Ֆեոդալական մասնատվածութեան ժամանակաշրջանը, երկրորդը սկսվում է ուսական ազգային պետութեան կազմավորման տարիներից և շարունակվում մինչև XVII դարի վերջը, երրորդ փուլն ընդգրկում է XVIII դարը, երբ խորանում ու ամրապնդվում է հայերի ուսական կողմնորոշումը, և հայ ազատագրական շարժման բոլոր հոսանքները Հայաստանի ազատագրութեան բախտը կապում են Ռուսաստանի օգնութեան հետ: Արևելյան Հայաստանի Ռուսաստանին միացումով, գրում են հեղինակները, նոր փուլ բացվեց հայ-ուսական հարաբերութիւնների պատմութեան մեջ: Հայ հեղափոխական-դեմոկրատական շարժումը ուսականին միաձուլումով նրանց հարաբերութիւնների պատմութիւնը թեւակոխում է իր հեղափոխական-դեմոկրատական փուլը: Իսկ XIX դարի 90-ական թվականների երկրորդ կեսից հայ-ուսական հարաբերութիւնների պատմութիւնը թեւակոխում է մի նոր փուլ՝ զուգահիւսելով Ռուսաստանի հեղափոխական շարժումների պրոլետարական փուլին: Հոկտեմբերյան հեղափոխութեան հաղթանակով, գրում են հեղինակները, սկիզբ է դրվում հայ և ուս ժողովուրդների կապերի ու բարեկամական հարաբերութիւնների պատմութեան ամենանշանավոր փուլին, որը բաժանվում է 3 շրջանի:

Ռուսաստանի հետ Արևելյան Հայաստանի միացման հարցի լուսաբանման մասին մեր համառոտ շարադրանքն ավարտելուց առաջ հարկ ենք համարում անդրադառնալ նաև խորհրդահայ պատմագրութեան մեջ տեղ գտած որոշ տարալարծութիւններին:

Մինչև օրս միասնական կարծիք չկա հայերի ուսական կողմնորոշման ձևավորման ժամանակի վերաբերյալ: Գրան: շատերն են անդրադարձել՝ Ա. Գ. Հովհաննիսյան, Վ. Պարսամյան, Զ. Գրիգորյան, Վ. Ոսկանյան, Գ. Գալոյան և ուրիշներ, սակայն վերջին բառորդ դարում այդ հարցն ավելի հանգամանորեն քննարկվել է Զ. Գրիգորյանի կողմից: Վեր հանելով սոցիալ-տնտեսական և ռազմաքաղաքական այն գործոնները, որոնցով պայմանավորվել է հայերի ազատագրական շարժման ուսական

կողմնորոշման ձևավորումը, նա գտնում է, որ այն ապրել է կազմավորման, հասունացման բավականին երկարատև պրոցես և իր ձևավորմանը հասել է XVII դարի երրորդ քառորդին<sup>1</sup>: Զ. Գրիգորյանի կարծիքով, հայ ազատագրական շարժման ուսական կողմնորոշման ձևավորումը զուգահիւսել է նոր Ջուղայի հայ առևտրական ընկերութեան և ուսական արքունիքի հետ առևտրական պայմանագրի կնքման համար սկսված բանակցութիւններին<sup>2</sup>:

Հեղինակը սխալ է համարում երկար ժամանակ պատմական գրականութեան մեջ տարածված այն կարծիքը, ըստ որի հայերի ուսական կողմնորոշման սկզբնավորումը կապվում է Իսրայել Օրու «սոսկ անձնավորութեան և սուբյեկտիվ ցանկութիւնների հետ»<sup>3</sup>: «Հայ ազատագրական շարժման ուսական կողմնորոշումը,— գրում է նա,— արդյունք է ոչ թե ինչ-որ դիպվածի կամ քաղաքական թեկուզև ինչ-որ անհատ գործչի սուբյեկտիվ ցանկութեան, այլ պատմական զարգացման օրինաշափ պրոցեսի և պայմանավորվում է սոցիալ-տնտեսական ու ռազմաքաղաքական մի շարք գործոններով»<sup>4</sup>:

Անտարակույս, իրավացի է Զ. Գրիգորյանի դիտողութիւնն այն մասին, որ չի կարելի հայ ազատագրական շարժման ուսական կողմնորոշման սկզբնավորումը կապել Իսրայել Օրու սոսկ անձնավորութեան և նրա սուբյեկտիվ ցանկութիւնների կամ պատահական դիպվածի հետ: Սակայն, ցավոք, նա չի նշում, թե ովքեր են այդ պատմաբանները: Որքան հայտնի է, ոչ մի պատմաբան չի գրել, թե հայերի ուսական կողմնորոշման սկզբնավորումը եղել է Իսրայել Օրու սոսկ անձնավորութեան և սուբյեկտիվ ցանկութիւնների կամ ինչ-որ մի դիպվածի արդյունք:

Հայերի ուսական կողմնորոշման ձևավորման պրոլեմին բազմիցս անդրադարձել է նաև Վ. Պարսամյանը: Նա, ինչպես իր նախորդ, այնպես էլ 1978-ին հրատարակված աշխատութեան մեջ, գրում է, որ հայերի ուսական կողմնորոշումը ձևավորվել է XVII դարի վերջին և XVIII դարի սկզբին՝ բախտորոշ այդ իրա-

<sup>1</sup> Տե՛ս Զ. Գրիգորյան, Արևելյան Հայաստանի միացումը Ռուսաստանին և նրա պատմական նշանակութիւնը, էջ 86:

<sup>2</sup> Տե՛ս նույն տեղը, էջ 81:

<sup>3</sup> Նույն տեղը, էջ 78:

<sup>4</sup> Նույն տեղը:

<sup>1</sup> Տե՛ս Զ. Գրիգորյան, Վ. Ոսկանյան, Հայ-ուսական հարաբերութիւնների պատմութեան պարբերացման մասին, «Պատմա-բանասիրական հանդես», 1972, № 3:



դարձությունը կապելով հայ ազատագրական շարժման մեծ ռազմիրա Իսրայել Օրու գործունեության հետ: «Մի կողմից հուսախաբված Արևմտաֆի տերություններից,— գում է նա,— մյուս կողմից՝ հաշվի առնելով միջազգային հարաբերություններում Ռուսաստանի դերի բարձրացումը, Անդրկովկասի ժողովուրդների և ռուս ժողովրդի պատմական կապերն ու դրանց զուգակցման հետևանքները, Օրին կանգնեց նոր ուղու վրա, դարձավ հայերի ռուսական կողմնորոշման առաջամարտիկը, նրա ամենաչեքմ պաշտպանը ու ջատագովը»<sup>1</sup>: Մեկ այլ տեղ նա գրում է. «Օրին առաջինն էր, որ XVII դարի վերջում և XVIII դարի սկզբում հաստատուն հիմքերի վրա դրեց հայ-ռուսական քաղաքական հարաբերությունները, իր ժամանակակիցներին և ապագա սերունդներին պատգամեց հավերժ ռուս ժողովրդի հետ մեծ գաղափարը: Օրու ջանքերով հայերի ռուսական կողմնորոշումը դարձավ հայ ազատագրական պայքարի մայրուղի և գնալով ավելի ու ավելի արմատավորվեց հայ ժողովրդի մեջ»<sup>2</sup>:

Մենք բաժանում ենք հայերի ռուսական կողմնորոշման ժամանակի և Իսրայել Օրուն տրված վերահիշյալ զնահատականները: Մեր կարծիքով, հայ ազատագրական շարժման ռուսական կողմնորոշումը Իսրայել Օրու անվան հետ կապելը ամենևին չի նշանակում այն կապել նրա «սոսկ անձնավորության» կամ «սուբյեկտիվ ցանկությունների» հետ: Ի վերջո, Օրին էլ իր դարաշրջանի ծնունդն էր, այն հայ քաղաքական խոշոր գործիչը, որը, ինչպես նկատել է նաև պրոֆեսոր Վ. Գիլոյանը, «քաղաքագետի խորիմացությունը ըմբռնեց իր ժողովրդի պատմական զարգացման տենդենցը, որ իրերի բերումով նրան էր վիճակված XVIII դարի լուսաբացին որոշակի շրջադարձ կատարել հայ ազատագրական շարժման պատմության մեջ»<sup>3</sup> կամ՝ «XVIII դարը հայ ժողովրդի պատմության մեջ բախտորոշ նշանակություն ունեցավ: Այդ դարում քաղաքական շարժման բնույթը ստացավ հայ ժողովրդի ռուսական օրիննտացիան»<sup>4</sup>:

Հայ-ռուսական հարաբերությունների պատմության խորա-

գիտակ ակադեմիկոս Աշ. Հովհաննիսյանն իր «Դրվագներ հայ ազատագրական մտքի պատմության» արժեքավոր աշխատության մեջ գրել է. «Առաջին հայ մարդը չէր Օրին, որը քաղաքական ակնկալություններ էր լծորդում Ռուսաստանի հետ... Սակայն առաջին հայ քաղաքական գործիչն էր նա, որ XVIII դարի սկզբներին, վերանայելով և ճշգրտելով հայ ազատագրական շարժման քաղաքական ուղեգիծը, բացառապես Ռուսաստանի հետ կապեց Հայաստանի ազատագրման հեռանկարը»<sup>1</sup>:

Գ. Գալոյանի կարծիքով, Անդրկովկասում ռուսական կողմնորոշումը ծնունդ առնելով XV դարում, «աստիճանաբար ընդգրկել է Թուրքիայի և Պարսկաստանի կողմից ճնշված բոլոր սոցիալական խավերը՝ ժողովրդական լայն զանգվածներից սկսած մինչև ֆեոդալ իշխողները»<sup>2</sup>: Այդ տեսակետը վիճելի է:

Խորհրդահայ պատմագրության մեջ տարակարծություններ կան նաև հայերի, ինչպես նաև Անդրկովկասի մյուս ժողովուրդների ռուսական կողմնորոշման բնույթի հարցում: Այսպես, մեր նախորդ աշխատության մեջ դիտողություն էինք արել պատմական դիտությունների դոկտոր, պրոֆեսոր Պարույր Հարությունյանին, XVIII դարի առաջին քառորդի հայ ազատագրական շարժման պատմությանը նվիրված մենագրության հինգերորդ գլուխը «Շարժումը Ռուսաստանին միանալու համար» վերնագրելու առթիվ<sup>3</sup>:

Մ. Աղայանը ևս իր մենագրություններից մեկի հինգերորդ գլուխը վերնագրել է այսպես՝ «Անդրկովկասի ժողովուրդների պայքարը Ռուսաստանին միանալու համար»<sup>4</sup>:

Գ. Գալոյանը «Ռուսաստանը և Անդրկովկասի ժողովուրդները» մենագրության մեջ թեև առանձին գլուխ չի առանձնացրել, բայց գրել է, որ «Անդրկովկասի ժողովուրդները դարերով պայ-

<sup>1</sup> Վ. Պարսամյան, Ռուսաստանը և հայ ժողովրդի պատմական բախտը, էջ 7 (Ընդգծումները հեղինակինն են— Շ. Հ.):

<sup>2</sup> Նույն տեղը, էջ 17 (Ընդգծումը հեղինակինն է— Շ. Հ.):

<sup>3</sup> Վ. Գիլոյան, Հազարյանների հասարակական-քաղաքական գործունեության պատմությունից, Եր., 1966, էջ 5:

<sup>4</sup> Նույն տեղը:

<sup>1</sup> Աշ. Հովհաննիսյան, Դրվագներ հայ ազատագրական մտքի պատմության, գիրք երկրորդ, Եր., 1959, էջ 633:

<sup>2</sup> Գ. Գալոյան, Ռուսաստանը և Անդրկովկասի ժողովուրդները, էջ 124:

<sup>3</sup> Տե՛ս Арутюнян П., Освободительное движение армянского народа в первой четверти XVIII века, М., 1954:

<sup>4</sup> Տե՛ս Агаян Ц., Роль России в исторических судьбах армянского народа:



քարել են իրենց ստրկացնողների դեմ Ռուսաստանին միանալու համար»<sup>1</sup>:

Սակայն նկատենք, որ Գ. Գալոյանը մի այլ տեղ, այդ հարցում որոշակի տարբերություն դնելով պատմական տարբեր փուլերի միջև, գրում է. «XIX դարի առաջին տասնամյակները նշանավորվեցին Ռուսաստանի հետ միացման համար հայ ժողովրդի մղած նպատակասլաց և վճռական պայքարով»<sup>2</sup>: Մի այլ տեղ նա գրում է. «Զի կարելի համաձայնվել այն պատմաբանների հետ, ովքեր հայ ժողովրդի ազատագրական պայքարը այդ փուլում հանդեցնում են անկախությունը վերականգնելու մտադրությանը, ինչ զնով էլ լինի իր թագավորությունը վերստեղծելու ձգտմանը: Հայ ժողովրդի ազատագրական շարժման սթափ մտածող գործիչներից որևէ մեկը հազիվ թե նման հույսեր փայփայեր, քանի որ աչքի առաջ էր Վրաստանի օրինակը»<sup>3</sup>: Այնուհետև՝ «Հայերը, ինչպես և երկրամասի մյուս ժողովուրդները, իրենց վերածննդի հեռանկարները տեսնում էին Ռուսաստանի հովանավորության մեջ, «Հայկական թագավորության» վերականգնումը տվյալ փուլում որպես գործնական խնդիր առաջ չի քաշվել»<sup>4</sup>:

Այս հարցում այլ կարծիք ունի Վ. Պարսամյանը: «Հայերը, — գրում է նա, — դարեր շարունակ հերոսական պայքար մղելով պարսկական և թուրքական բռնակալության դեմ, ձգտել և ձրգտում էին վերականգնել Հայաստանի ինքնուրույնությունը և երբեք չէին հաշտվում այն մտքի հետ, որ պարսիկների լուծը թոթափելուց հետո այժմ էլ Ռուսաստանը պետք է զրկի ինքնուրույնությունից: Ռուսական զորքերի հետ նրանք հերոսաբար կռվել էին Հայաստանի ազատագրության, նրա լավ ապագայի համար և, հասկանալի է, բնավ չէին կարող հաշտվել այն մտքի հետ, թե Պարսկաստանի լծից ազատագրվելուց հետո այժմ պիտի ընկնեին ցարական Ռուսաստանի լծի տակ»<sup>5</sup>:

<sup>1</sup> Галоян Г., Россия и народы Закавказья. с. 429. (Հայերեն հրատարակության մեջ հեղինակը փոխել է այդ ձևակերպումը: «Ռուսաստանին միանալու համար», բառերի փոխարեն գրել է՝ «Ռուսաստանի օգնությամբ ազատագրվելու համար»: Տե՛ս ն.վ. ախ., էջ 521:

<sup>2</sup> Գ. Գալոյան, Ռուսաստանը և Անդրկովկասի ժողովուրդները, էջ 189:

<sup>3</sup> Գ. Գալոյան, նշվ. ուս. աշխ., էջ 162:

<sup>4</sup> Նույն տեղը, էջ 162—163:

<sup>5</sup> Վ. Պարսամյան, Ա. Ս. Գրիբոյեդովը և հայ-ռուսական հարաբերությունները, Եր., 1947, էջ 135—136:

Հիրավի, հայերի ռուսական կողմնորոշում ասելով պետք է հասկանալ ոչ թե Հայաստանը Ռուսաստանին միացնելու հայերի ձգտումը, այլ Ռուսաստանի օգնությամբ հայկական անկախ պետության ստեղծումը: Հայտնի է, որ հնդկահայ ազատագրական խմբակի ղեկավարներից Շ. Շահամիրյանը իր «Որոգայթ փառաց» աշխատության մեջ շարադրել է անկախ Հայաստանի սահմանադրական օրենքների մանրամասն նախագիծ: 1770-ական թվականներին Հ. Արղուիթյանը և Հ. Լազարյանը ջանքեր էին թափում Ռուսաստանի օգնությամբ վերականգնել հայկական պետությունը:

Մի հարց ևս: Տարիներ առաջ մենք առիթ ենք ունեցել մերժելու խորհրդահայ պատմագրության մեջ տեղ դրած այն տեսակետը, թե, իբր, Արևելյան Հայաստանի միացումը Ռուսաստանին արդյունք էր հայ և ռուս ժողովուրդների դարավոր բարեկամության<sup>1</sup>: Սակայն հարցի նման մոտեցումը շարունակվեց նաև 70-ական թվականներին, մանավանդ Ռուսաստանի հետ Արևելյան Հայաստանի միացման 150-ամյա հոբելյանի ժամանակ: Այսպես, օրինակ, Վ. Պարսամյանը ըստ ամենայնի վեր հանելով Ռուսաստանի հետ Արևելյան Հայաստանի միացման առաջադիմական նշանակությունը, գրում է, թե «Հայաստանի միացումը Ռուսաստանին հայ և ռուս ժողովուրդների դարավոր բարեկամության արգասիքն էր»<sup>2</sup>: Մեր կարծիքով, Արևելյան Հայաստանի միացումը Ռուսաստանին արգասիք էր նախ և առաջ ցարական Ռուսաստանի նվաճողական քաղաքականության, նրա մղած պատերազմներին Պարսկաստանի դեմ: Այլ բան է, որ ցարիզմի այդ քաղաքականությունը օբյեկտիվորեն նպաստում էր հայ ժողովրդի շահերին, նպաստում էր նրա մղած ազատագրական պայքարին, կամ որ հայ և ռուս ժողովուրդների դարավոր բարեկամությունը նպաստեց ռուսական զենքի հաղթանակին, Ռուսաստանի հետ Արևելյան Հայաստանի միացման գործին և այլն:

Այսպիսով, խորհրդահայ պատմագրության մեջ Ռուսաստանի հետ Արևելյան Հայաստանի միացման և հայ-ռուսական հարաբերությունների պրոբլեմի հետազոտության բնագավառում

<sup>1</sup> Տե՛ս Շ. Հաբուրյունյան, Պատմագիտության զարգացումը Խորհրդային Հայաստանում, էջ 251—252:

<sup>2</sup> Վ. Պարսամյան, Ռուսաստանը և հայ ժողովրդի պատմական բախտը, էջ 99:



վերջին երկուսու կես տասնամյակներում զգալի աշխատանք է կատարվել: Համոզված ենք, որ դրանով չի ավարտվում այդ գործը: Մատնանշված պրոբլեմը դեռ երկար ժամանակ կմնա խորհրդահայ պատմագրության ուշադրության կենտրոնում:

## 2. Հայաստանի սոցիալ-տնտեսական դրությունը XIX դարում և XX դարի սկզբին

Վերջին բառորդ դարում լուրջ առաջընթաց կատարվեց նաև Հայաստանի սոցիալ-տնտեսական կյանքի պատմության գիտական հետազոտության բնագավառում: Խորհրդահայ պատմագրության համար նշված ժամանակաշրջանում լուրջ ուսումնասիրության հարց դարձավ Արևմտյան Հայաստանի սոցիալ-տնտեսական կյանքը, մի բան, որը, ինչպես հայտնի է, մինչև 1950-ական թվականներին կեսերը գրեթե դուրս էր մնացել պատմաբանների ուշադրությունից:

Նշված ժամանակաշրջանում Հայաստանի սոցիալ-տնտեսական դրությունը լուսաբանվել է ինչպես հայ ժողովրդի ամբողջական պատմությանը նվիրված գրքերում, այնպես էլ առանձին մենագրություններում:

Խորհրդահայ պատմաբանները, փաստական հարուստ նյութերի հիման վրա, գիտական շրջանառության մեջ դնելով բազմաթիվ արժեքավոր սկզբնաղբյուրներ, ցույց են տվել հայ ժողովրդի սոցիալ-տնտեսական և իրավական-բաղաբական ծանր դրությունը թուրք-պարսկական բռնապետությունների տիրապետության տակ: Առանձին-առանձին բնություն են առնվել Արևելյան և Արևմտյան Հայաստանի վարչական բաժանումները, հողային հարաբերությունները, հարկային համակարգը, գյուղատնտեսության, արհեստագործության, արդյունագործության և արդյունաբերության վիճակը, քաղաքների զարգացումը, ինչպես նաև ազգային ճնշումներն ու հալածանքները: Բացահայտելով ռուսական ցարիզմի վարած ազգային-գաղութային քաղաքականությունը, միաժամանակ ցույց են տրվել Ռուսաստանի տիրապետության տակ անցնելուց հետո Արևելյան Հայաստանի սոցիալ-տնտեսական կյանքի առաջընթացը, հայ ժողովրդի այդ հատվածի անհամեմատ ապահով վիճակը:

XIX դարի սկզբից մինչև 1860-ական թվականներն ընկած ժամանակաշրջանի Հայաստանի սոցիալ-տնտեսական դրությունը լայնորեն լուսաբանված է Հայկական ԽՍՀ ԳԱ հրատարակած

«Հայ ժողովրդի պատմություն» V հատորում<sup>1</sup>: Արևելյան Հայաստանի մասին գրել են պրոֆ. Վ. Ռշտունին և Վ. Դիլոյանը, իսկ Արևմտյան Հայաստանի մասին՝ պրոֆ. Հ. Ղազարյանը:

Գտնելով, որ պարսկական տիրապետության վերջին շրջանում Արևելյան Հայաստանում տիրապետող հասարակական-տնտեսական ֆորմացիան շարունակում էր մնալ ֆեոդալականը՝ արևելյան ավատատիրությունը իր բնորոշ գծերով, հեղինակները հանգամանորեն ցույց են տվել այդ ժամանակաշրջանում Արևելյան Հայաստանում գոյություն ունեցող վարչակարգը, հողային հարաբերությունները, հարկային համակարգը, գյուղատնտեսության, արհեստագործության ու առևտրի վիճակը և այլն: Վ. Դիլոյանի կարծիքով, XIX դարի առաջին տասնամյակներում Արևելյան Հայաստանում գոյություն ունեին պետական, մուլբաղարական և թիւղարական հողատիրության ձևեր: Հողատիրության տարածված ձևը պետականն էր:

Հատորում ներկայացվում է Արևելյան Հայաստանի սոցիալ-տնտեսական կյանքի զարգացումը Ռուսաստանի տիրապետության ժամանակաշրջանում, երբ նպաստավոր պայմաններ են ստեղծվում գյուղատնտեսության, արհեստագործության, արդյունաբերության, առևտրի զարգացման համար: Նշվում է, որ Անդրկովկասով մեկ սփռված հայ ազգաբնակչությունը առաջնակարգ դեր էր խաղում երկրամասի և՛ արհեստային արտադրության, և՛ արդյունաբերության, և՛ առևտրի ասպարեզներում: Սակայն, չնայած այդ ամենին, Արևելյան Հայաստանը մնում էր որպես հետամնաց ագրարային երկիր, որտեղ արտադրության հիմնական ճյուղը գյուղատնտեսությունն էր: Հեղինակները միաժամանակ բացահայտել են ցարիզմի ազգային-գաղութային քաղաքականությունը Արևելյան Հայաստանում, վեր հանել գյուղացիական շարժումների պատմությունը:

Հայաստանի սոցիալ-տնտեսական կյանքի 1870—1917 թթ. պատմությունը լուսաբանված է «Հայ ժողովրդի պատմություն» VI հատորում<sup>2</sup>, որը գրել են Վ. Ռշտունին, Ա. Համբարյանը, Խ. Բարսեղյանը, Ն. Քավաբալյանը:

Ի տարբերություն նախորդ հատորի, այստեղ Հայաստանի

1 Տե՛ս Հայ ժողովրդի պատմություն, հ. V, Հայաստանը 1801—1870 թվականներին (պատ. խմբագիր՝ Մ. Աղայան), եր., 1974:

2 Տե՛ս Հայ ժողովրդի պատմություն, հ. VI, Հայաստանը 1870—1917 թվականներին (պատ. խմբագիր՝ Մ. Աղայան), եր., 1981:



սոցիալ-տնտեսական պատմությունը չի բաժանված հատվածների՝ արևելյանի և արևմտյանի, թեև դրանք գտնվում էին զարգացման տարբեր մակարդակների վրա:

Արևելյան Հայաստանում, գրված է հատորում, Ռուսաստանի բարերար ազդեցության պայմաններում, հայերն աճում ու առաջադիմում էին, մինչդեռ Արևմտյանում, սուլթանական կառավարության ազգահալած քաղաքականության հետևանքով, նվազում ու բնաջնջվում էին<sup>1</sup>: Այնուհետև շարադրվում է Հայաստանում 1870 թ. գյուղացիական ռեֆորմի համառոտ պատմությունը: Հանգամանորեն խոսվում է հողային հարաբերությունների, հարկային համակարգի, ինչպես նաև արդյունաբերության ու գյուղատնտեսության վիճակի մասին:

Հատորում քննվում է հայ բուրժուազիայի և պրոլետարիատի ձևավորման հարցը, շարադրվում է Հայաստանի այդ երկու հատվածների սոցիալ-տնտեսական դրությունը XX դարի սկզբին:

Պարսկական տիրապետության տակ Արևելյան Հայաստանի ծանր կացությունը և Ռուսաստանի հետ Արևելյան Հայաստանի միացումից հետո նրա տնտեսական կյանքի աշխուժացումը բազմակողմանիորեն լուսարանված են նաև Զ. Գրիգորյանի մեկնագրության մեջ<sup>2</sup>:

1960-ական թվականներին Արևելյան Հայաստանի գյուղացիության պատմության գիտական հետազոտության ուղղությամբ իր բեղմնավոր աշխատանքն է շարունակում սոցիալ-տնտեսական պատմության ճանաչված գիտակ Վ. Ռշտունին:

Ինչպես հայտնի է, նրա աշխատության առաջին մասը, որը լույս էր տեսել 1960 թվականին, ընդգրկում էր 1828—1870 թվականները: Այդ մասին խոսել ենք մեր նախորդ գրքում: 1968 թ. լույս է տեսնում պատմաբանի մենագրության երկրորդ մասը, որն ընդգրկում է Հայաստանի գյուղացիության հետոնեֆորմյան ժամանակաշրջանի պատմությունը<sup>3</sup>:

Հենց սկզբից նկատենք, որ նրա երկրորդ գրքի զգալի մասը կազմում է Հայաստանում գյուղացիական ռեֆորմի պատմու-

թյան վերաբերյալ հեղինակի մենագրությունը, որն առանձին գրքով լույս է տեսել 1947-ին՝ ուսերեկն: Այս աշխատության մասին ևս մենք խոսել ենք մեր նախորդ գրքում:

Անդրադառնալով ճորտատիրական իրավունքի վերացման անհրաժեշտությանը, Վ. Ռշտունին գտնում է, որ ինչպես Ռուսաստանում, Վրաստանում, Հայաստանում ևս (թեև ուղ փոքր մասշտաբով և թույլ շափով) առկա էին այն պայմանները, որոնց հետևանքով անխուսափելի դարձավ գյուղացիական ռեֆորմի իրականացումը: Նրա կարծիքով, առաջին հերթին դա տնտեսական զարգացման ուժն էր, որը դանդաղ, բայց բավականին նկատելի շափով երկիրը սղում էր դեպի ապրանքադրամական հարաբերությունների զարգացում և կապիտալիստական տնտեսության տարրերի առաջացում արդյունաբերության և գյուղատնտեսության մեջ: Ռեֆորմի անհրաժեշտությունը բխում էր նաև նրանից, որ ուժեղացել էին գյուղացիական ելույթները կալվածատերերի դեմ, որը մտահոգության առարկա էր ցարիզմի համար, քանի որ նա ձգտում էր գաղութի շահագործումը հարմարեցնել իշխող դասակարգերի հետոնեֆորմյան նկրտումներին<sup>2</sup>:

Խոսելով Անդրկովկասի գյուղացիական ռեֆորմի պատմագրական պրոբլեմների մասին, Վ. Ռշտունին գնահատում է Ա. Եսայանի, Հ. Թումանյանի, Մ. Աղոնցի, Մ. Աղայանի և այլոց կատարած գրական աշխատանքը, միաժամանակ անելով որոշ դիտողություններ: Օրինակ, նա չի ընդունում պրոֆ. Ա. Եսայանի այն տեսակետը, թե, իբր, Կովկասի իշխանությունները չէին շտապում գյուղացիական ռեֆորմ անցկացնել Անդրկովկասում և ամեն կերպ արգելակում էին դրա իրականացմանը: Պատմաբանն անընդունելի է համարում պրոֆ. Հ. Թումանյանի այն անվերապահ մոտեցումը, որի համաձայն նույնացվում են Անդրկովկասի գյուղացիության և կայսրության ներքին նահանգների գյուղացիական հուզումները: Վ. Ռշտունին գտնում է, որ պրոֆ. Մ. Աղոնցի այն պնդումը, թե, իբր, Անդրկովկասում ապրանքադրամական հարաբերությունների աճի հետ հողատերերը

1 Տե՛ս Հայ ժողովրդի պատմություն, հ. VI, էջ 24:  
2 Տե՛ս Զ. Գրիգորյան, Արևելյան Հայաստանի միացումը Ռուսաստանին և նրա պատմական նշանակությունը:  
3 Տե՛ս Վ. Ռշտունի, Ուրվագծեր Հայաստանի գյուղացիության պատմության (1826—1917 թթ.), մաս Բ (1870—1917), Եր., 1965:

1 Տե՛ս Рштуни В., Крестьянская реформа в Армении 1870 году, Е., 1947:  
2 Տե՛ս Վ. Ռշտունի, նշվ. աշխ., էջ 20:



խիստ մեծացնում են տուրքերի շափը և կոռուպիւն աշխատանքի հաշվին ընդարձակում սեփական հարկերը, ճիշտ չէ:

Աշխատութեան երկրորդ գլուխն ամբողջութեամբ նվիրված է Հայաստանում գյուղացիական ռեֆորմին: Այստեղ հեղինակին հաջողվել է բացահայտել դրա առանձնահատկությունները: Նա դրանցից ամենակարևորը համարում է այն, որ գյուղացին Հայաստանում զրկվեց օրենքով իրեն տրված հողաբաժինը թեկուզ փրկավճարով գնելու հնարավորությունից, որովհետև ցարիզմը, ի տարբերություն Ռուսաստանի, և մասամբ Վրաստանի, իր հողաբաժինը կալվածատերերից գնելու համար Հայաստանի գյուղացուն նյութական օժանդակություն ցույց չտվեց և նա մինչև 1912 թ. մնաց ժամանակավոր կախյալ դրություն մեջ<sup>1</sup>:

Աշխատութեան մեջ լայն տեղ է հատկացված հայ մամուլում և խորհրդահայ պատմագրության մեջ գյուղացիական ռեֆորմի արդյունքների վնասատականներին: Անդրադառնալով հայ հասարակական հոսանքների դիրքորոշմանը, Վ. Ռշտունին քննադատում է կղերաֆեոդալական հոսանքի ներկայացուցիչներին, որոնք գոհ էին ցարական ռեֆորմից: Նա քննադատական խոսք է ուղղում նաև հայ բուրժուական մամուլի հասցեին, որը թեև հեռու էր կանգնած կղերաֆեոդալական հոսանքի նման ցարիզմի անվերապահ խնկարկումից, սակայն հանդես չէր գալիս ցարական ռեֆորմի սկզբունքների դեմ:

Առանձին քննություն անելով Հայաստանի գյուղացիական ռեֆորմի հարցը խորհրդահայ պատմագրության մեջ, Վ. Ռշտունին ճիշտ է նկատում, որ Հայաստանի և, ընդհանրապես, Անդրկովկասի գյուղացիության հարցը մինչխորհրդային հայ պատմագրության ուղադրությանը չի արժանացել, բացառությամբ Դ. Անանունի: Նշելով այն դրականը, որ տվյալ պրոբլեմի լուսաբանման, մանավանդ հարուստ փաստական նյութեր կուտակելու գործում կատարել է Դ. Անանունը, պատմաբանը միաժամանակ անում է մի շարք քննադատական դիտողություններ: Այսպես, օրինակ, նա իրավացիորեն մերժում է Դ. Անանունի այն տեսակետը, թե, իբրև պարսկական, և՛ ռուսական տիրապետության ժամանակաշրջանում Հայաստանում գոյություն է ունեցել ճորտություն: Վ. Ռշտունին գտնում է, որ Դ. Անանունը Ռուսաստանի գյուղացիական ռեֆորմին անդրադառ-

նալիս մոռացություն է տալիս նրա դասակարգային-ճորտատիրական բնույթը, այնտեղ ծավալված դասակարգային մարտերը, ցարական և բուրժուական, գյուղացիական և հեղափոխական-դեմոկրատական, հակամարտ և իրարամերժ ծրագրերը և այլն: Նա անտեսել է նաև 1870 թվականին Հայաստանում և Ադրբեջանում ռեֆորմի շուրջ ծավալված պայքարը:

Գիտական որոշակի հետաքրքրություն են ներկայացնում Վ. Ռշտունու արտահայտած մտքերը իր ընդդիմախոս, ակադեմիկոս Ն. Գրուսինինի դիտողությունների վերաբերյալ<sup>2</sup>: Վ. Ռշտունին համաձայն լինելով իր գրախոսի մի շարք դիտողություններին և ճշտումներ մտցնելով իր աշխատության մեջ, միաժամանակ մի շարք հարցերում առարկում է նրան: Որո՞նք են այդ առարկությունները:

ա) Վ. Ռշտունին իրավացիորեն մերժում է ակադեմիկոս Ն. Գրուսինինի այն մեղադրանքը, թե, իբր, ինքը մանրամասն կանգ է առնում ցարիզմի գաղութային քաղաքականության բացասական կողմերի վրա, սակայն չի նկատում «Հայաստանի տնտեսական, քաղաքական և կուլտուրական մերձեցման օբյեկտիվ-առաջադիմական հետևանքներն ավելի առաջավոր պետություն հետ, ինչպիսին XIX դարի Ռուսաստանն էր Պարսկաստանի համեմատ»<sup>3</sup>:

բ) Անհիմն է ակադեմիկոս Ն. Գրուսինինի այն մեղադրանքը, թե, իբր, ինքը 1870 թ. գյուղացիական ռեֆորմին Հայաստանի (նաև Ադրբեջանի) համար նույն նշանակությունն է վերագրել, ինչ որ ունեցել է 1861 թ. ռեֆորմը Ռուսաստանի համար: «Իմ աշխատությունը ոչ մի հիմք չի տալիս վերոհիշյալ մեղադրանքի համար»<sup>2</sup>, — գրում է Վ. Ռշտունին:

գ) Հայ պատմաբանը չի համաձայնվում նաև Ն. Գրուսինինի այն դիտողությանը, թե 1870—1877 թթ. կանոնադրությունները շեն լիկվիդացրել գյուղացիական համայնքը<sup>3</sup>:

<sup>1</sup> Խոսքը վերաբերում է Ն. Գրուսինինի՝ Վ. Ռշտունու դոկտորական դիսերտացիայի պաշտպանության ժամանակ (1941 թ. մայիս) ընդդիմախոսական գրախոսությանը և «Советская книга» ամսագրի 1948 թ. № 1-ում հրատարակված գրախոսությանը՝ Վ. Ռշտունու «Крестьянская реформа в Армении» աշխատության մասին:

<sup>2</sup> Տե՛ս Վ. Ռշտունի, նշվ. աշխ., էջ 166:

<sup>3</sup> Նույն տեղը:

<sup>4</sup> Տե՛ս նույն տեղը, էջ 169—170:



Անդրադառնալով խորհրդահայ հեղինակներն Խ. Ավդալբեկյանի<sup>1</sup>, Ա. Եսայանի<sup>2</sup> աշխատություններին, Վ. Ռշտունին գրում է. «Երկու հեղինակներն էլ գյուղացիական ռեֆորմի գնահատության վերաբերյալ սխալ մոտեցում ունեն, որն անհարիր է խորհրդային պատմագրության մեջ անվիճելիորեն ընդունված տեսակետին»<sup>3</sup>: Խ. Ավդալբեկյանի կարծիքով, ցարիզմը 1870 թվականին գյուղացիական ռեֆորմ չի անցկացրել, այն Հայաստանում և Անդրկովկասում իրականացվել է միայն 1912 թվականին: Նույն սխալ կարծիքին է նաև Ա. Եսայանը, գտնելով, որ 1870 թ. կանոնագրությունը գյուղացիական ռեֆորմ չի կարելի համարել:

Վ. Ռշտունին անդրադառնում է նաև Հ. Թումանյանի<sup>4</sup>, Մ. Աղոնցի<sup>5</sup> և Մ. Եզանյանի<sup>6</sup> աշխատություններին, քննադատելով նրանց որոշ տեսակետները:

Վ. Ռշտունին հաջող է լուսաբանել Հայաստանում գյուղացիական ռեֆորմի արդյունքները: Նա ցույց է տվել ռեֆորմից հետո կալվածատիրական գյուղի վիճակը և կապիտալիստական տարրերի զարգացման պայմանները: Աշխատության մեջ բացահայտված են 1912 թ. դեկտեմբերի 20-ի ցարական օրենքի կենսագործման սոցիալ-դասակարգային էությունը, հետաքննության ժամանակաշրջանում ծավալված գյուղացիական շարժումները:

Թեև խորհրդահայ պատմաբանների կողմից (հատկապես՝ Վ. Ռշտունու) մեծ աշխատանք է կատարվել Արևելյան Հայաստանի գյուղացիության պատմության գիտական հետազոտման բնագավառում, սակայն շատ հարցեր դեռևս մնացել են չլուսաբանված: Այդ առթիվ հայ գյուղացիության պատմության երախտավորն իր «Ուրվագծեր Հայաստանի գյուղացիության պատմության» գրքում գրել է, թե շատ բան դեռ չի արված Հայաստանի

<sup>1</sup> Տե՛ս Խ. Ավդալբեկյան, Հողային հարցը Արևելյան Հայաստանում (1801—1917 թթ.), Եր., 1959:

<sup>2</sup> Տե՛ս Есаян А. Мулькардарское право в Армении, Е., 1948:

<sup>3</sup> Վ. Ռշտունի, նշվ. աշխ., էջ 169—170:

<sup>4</sup> Տե՛ս Туманян О., Экономическое развитие Армении, ч. I, Е., 1954:

<sup>5</sup> Տե՛ս Адонц М., Экономическое развитие Восточной Армении в XIX веке, Е., 1957:

<sup>6</sup> Տե՛ս Մ. Եզանյան, Հայաստանի հետաքննության ազդարային հարաբերությունները, Եր. 1964:

գյուղացիական շարժումների քիչ թե շատ լրիվ պատկերը տալու համար: Այս տեսակետից ուշադրության է արժանի պատմական գիտությունների թեկնածու Վ. Հովակիմյանի աշխատությունը<sup>1</sup>: Փաստական հարուստ տվյալների հիման վրա հեղինակը ցույց է տվել Արևելյան Հայաստանում գյուղացիության մղած պայքարը, որը հիմնականում ընթացել է երեք ուղղություններով՝ պայքար հողի համար, պայքար ցարիզմի հարկային քաղաքականության և տեղական իշխանությունների դեմ:

Ճիշտ է հեղինակի այն եզրահանգումը, որ եթե XIX դարի 80-ական թվականներին Ռուսաստանի գյուղացիական շարժումներում գերիշխողը զանգվածային ելույթների ակտիվ ձևերն էին, ապա Արևելյան Հայաստանում, ինչպես 80, այնպես էլ 90-ական թվականներին բնորոշ էր պասսիվ բնույթը: Դրա հիմնական պատճառն այն է, գրում է հեղինակը, որ գյուղացիությունը Արևելյան Հայաստանում չի ենթարկվել ճորտատիրական այնպիսի շահագործման, ինչպես Ռուսաստանում կամ Վրաստանում: Դրանից բացի, արևելահայ գյուղացիության կալվածատիրական հատվածն անհամեմատ ավելի փոքրաթիվ էր և որոշակի ուժ էր ներկայացնում: Արևելյան Հայաստանում բանվորական շարժման բացակայությունը նույնպես իր կնիքն էր դնում գյուղացիական զանգվածների պայքարի վրա: Ճիշտ են հեղինակի այն եզրահանգումները, որ XIX դարի վերջին Արևելյան Հայաստանի գյուղացիական շարժումներին բնորոշ են եղել անկազմակերպվածությունը, տարերայնությունը, անհետեվողականությունը: Պայքարի ժամանակ առաջ էին քաշվում ոչ թե քաղաքական, այլ տնտեսական պահանջներ:

Ինչպես նշեցինք, 1960—80-ական թվականներին խորհրդահայ պատմաբանները նշանակալից աշխատանք են կատարել ոչ միայն Արևելյան, այլև Արևմտյան Հայաստանի պատմության, հատկապես արևմտահայության սոցիալ-տնտեսական դրությունների և հետազոտման ուղղությամբ: Այստեղ իր մեծ ավանդն ունի պատմական գիտությունների ղեկավար, պրոֆեսոր Հ. Ղազարյանը: Այդ հարցին է նվիրված նրա մենագրությունը<sup>2</sup>, որը հիմնականում շարադրվել է նաև ՀԽՍՀ գիտությունների ակա-

<sup>1</sup> Տե՛ս Վ. Հովակիմյան, Գյուղացիական շարժումները Արևելյան Հայաստանում (1880—1890-ական թթ.), Եր., 1984:

<sup>2</sup> Տե՛ս Հ. Ղազարյան, Արևմտահայերի սոցիալ-տնտեսական և քաղաքական կացությունը 1800—1870 թթ., Եր., 1967:



գեմիայի հրատարակած «Հայ ժողովրդի պատմություն» V հատորում:

Աշխատության մեջ խստորեն քննադատված է թուրքական պատմագրությունը, որը կեղծում, խեղաթյուրում է հայ ժողովրդի պատմությունը: Թուրք պատմաբանները պնդում են, թե, իբր, Օսմանյան կայսրության հպատակ հայերը ազատ են եղել սոցիալ-քաղաքական ճնշումներից, ավելի լավ են ապրել, քան մահմեդականները: Այնուհետև, ցույց է տրվել տվյալ պորթլեմի ուսումնասիրման գործում եվրոպացի, ռուս և, առավել հանգամանորեն, հայ, այդ թվում՝ խորհրդահայ պատմաբանների կատարած աշխատանքը:

Զժխտելով եվրոպացի և ռուս հեղինակների հավաքած փաստական նյութի կարևորությունը Արևմտյան Հայաստանի պատմության համար, Հ. Ղազարյանը միաժամանակ քննադատում է նրանց մեծ մասին, որոնք, ելնելով իրենց թուրքասիրական հայացքներից, հանդես են բերել ոչ ճիշտ, միակողմանի մոտեցում: Պատմաբանը քննադատել է նաև հայ կղերաամիրայական, ազգային-պահպանողական և լիբերալ-բուրժուական կոնցեպցիաները:

Ըստ արժանվույն գնահատելով խորհրդահայ պատմաբաններ Աշ. Հովհաննիսյանի, Մ. Ներսիսյանի, Վ. Պարսամյանի, Ե. Սարգսյանի, Մ. Զուլալյանի և ուրիշների կատարած աշխատանքը, Հ. Ղազարյանը արդարացիորեն նշում է Լեոյի և Ա. Կարինյանի սխալները: Նա վաստակաշատ պատմաբան Լեոյի սխալներից մեկը համարում է այն, որ նա, ճիշտ բացահայտելով հայ ժողովրդի նկատմամբ Թուրքիայի վարած սոցիալական ու ազգային քաղաքականության էությունը, արևմտահայ գյուղացիությանը որակել է իբրև ճորտերի և նույնիսկ բացասել Թուրքիայում ազատ գյուղացիության գոյության փաստը: «Նա շտեմալ, որ 1840—1870-ական թվականներին, այսինքն՝ «Թանգիմաթի» կիրառության շրջանում, Թուրքիայում իրավականորեն ձևավորված հայ ճորտեր գրեթե չկային, իսկ փաստորեն ճորտացվածներն էլ կազմում էին գյուղացիության շնչին տոկոսը: Գյուղացիության հիմնական զանգվածը՝ հողատեր թե հողազուրկ, համենայն դեպս, ազատ գյուղացիներ էին»<sup>1</sup>:

Հ. Ղազարյանը առարկում է նաև Ա. Համբարյանին, որը

գտնում է, թե գյուղացիության ճորտացումը Արևմտյան Հայաստանում իրավապես ձևակերպված էր, որ XIX դարի սկզբին գյուղացիները գտնվում էին հիմնականում կախյալ, ճորտական և մասամբ ազատ վիճակում: Նրա կարծիքով, գյուղացիության կախվածությունը չի կարելի շփոթել լիակատար ճորտատիրության հետ: «Մահմեդական Արևելքում, այդ թվում և Թուրքիայի հպատակ երկրամասերում,— գրում է նա,— ճորտատիրությունը իրավաբանորեն ձևակերպված չէր»<sup>1</sup>: Սակայն, նշում է պատմաբանը, եթե գյուղացիության կիսաճորտ լինելը կարող է վիճարկման առարկա դառնալ, վիճարկող երկու կողմերի ձեռքին էլ կովաններ տալով, ապա փոքրաքանակ ստրուկների գոյությունն անվիճելի է: Նրա կարծիքով, սկսած խոր միջնադարից մինչև XX դարի սկիզբը Արևմտյան Հայաստանի գրեթե բոլոր նահանգներում ստրուկներ կային:

Արևմտյան Հայաստանի գյուղացիության ճորտության հարցում Ա. Համբարյանի և Հ. Ղազարյանի իրարամերժ տեսակետներն արժարժվել են նաև «Լենինյան ուղիով» ամսագրում<sup>2</sup>, Ա. Համբարյանը, առարկելով Հ. Ղազարյանին, անվերապահորեն գտնում է, թե «...ճորտությունը խորթ չէր Արևմտյան Հայաստանին: Նրա հիմնական հատկանիշը՝ անմիջական արտադրողին հողին ամրացնելը, անգամ ձևակերպված էր իրավապես»: Կամ՝ «... Արևմտյան Հայաստանում գյուղացիներին ամրակցել էին հողին, և օրենքով արգելում էին նրանց տեղաշարժերը»: Գրան հակառակ, Հ. Ղազարյանը, հենվելով փաստերի վրա, ժխտում է Թուրքիայում (նաև Արևմտյան Հայաստանում) ճորտության գոյությունը: «Մինչդեռ գյուղացիության ճորտացման, հողին ամրակցելու հանգամանքը,— գրում է նա,— բացառում են արևմտահայերի զանգվածային անարգել տեղաշարժերը, պանդխտությունը, գյուղացիության հոսքը Արևմտյան Հայաստանից դեպի Կ. Պոլիս, Զմյուռնիա, Ռուսաստան, նույնիսկ հեռավոր Ամերիկա»<sup>3</sup>: Իր պատասխանում Հ. Ղազարյանը տրամաբանական և համոզիչ չի համարում նաև Ա. Համբարյանի այն դրույթը, թե, իբր, XIX դարի վերջին քառորդում և XX դարի սկզբներին ֆեոդալական կարգերն ավելի են ուժեղանում Արև-

<sup>1</sup> Հ. Ղազարյան, նշվ. աշխ. էջ 94:

<sup>2</sup> Տե՛ս «Լենինյան ուղիով», 1972, № 7:

<sup>3</sup> Նույն տեղը, էջ 107—108:

<sup>1</sup> Հ. Ղազարյան, նշվ. աշխ., էջ 94:



մտյան Հայաստանում, գյուղացիները մեծ մասամբ ճորտացվում են կամ կախման մեջ ընկնում թուրք աղաներից, բուրդ բեկերից, ազատների թիվը նվազագույնի է հասնում<sup>1</sup>։

2. Ղազարյանի աշխատությունում զգալի տեղ է հատկացված հարկային, սոցիալական ու ազգային ճնշումների, հայերի քաղաքական իրավազրկության վերաբերյալ հարցերի լուսարանմանը։ Հարկային ծանր հարստահարությունների մասին խոսելիս հեղինակի տեսադաշտից չի վրիպել նաև հայ եկեղեցու, հոգևորականության հարկապահանջությունը, որը զալիս լրացնում էր հայ աշխատավորության համընդհանուր ճնշումն ու կեղեքումը։

Խոսելով Արևմտյան Հայաստանի և Կիլիկիայի քաղաքների, արդյունահանությունների և առևտրի մասին, հեղինակը, մի կողմից, ցույց է տալիս դրանց զարգացումը, իսկ մյուս կողմից՝ բացահայտում այն պատճառները, որոնք այս կամ այն չափով արգելակում էին դրանց առաջընթացը (պատերազմներն ու արշավանքները, միջցեղային կոիվները, զանգվածային արտագաղթերը, բնության արհավիրքները, բնակչության կյանքի ու գույքի անապահովությունը, եվրոպական ապրանքների ներհոսքը և այլն)։

2. Ղազարյանը Արևմտյան Հայաստանի սոցիալ-տնտեսական կյանքի շուրջ յոթնասուն տարվա պատմությունը բաժանում է երկու հիմնական պատմաշրջանի՝ XIX դարի առաջին երեք տասնամյակները և հետագա շորս տասնամյակը։ Այդ պատմաշրջանների միջև նա որոշակի որակական փոփոխություններ է նկատում, որոնք հատկապես կապված էին «Թանգիմաթի» գործադրության և դրա հետ կապված երկրում սոցիալ-քաղաքական տեղաշարժերի հետ։

Խոսելով հետխանգիմաթյան ժամանակաշրջանում Թուրքիայի արդյունաբերության և արհեստագործության մասին, հեղինակն այն կարծիքն է հայտնում, որ եթե ընդհանուր առմամբ Թուրքիայի տնտեսության այդ ճյուղերը, հատկապես արհեստագործությունը, անկում էին ապրում, ապա Արևմտյան Հայաստանում և Հայկական Կիլիկիայում դրանք ոչ միայն պահպանեցին իրենց զարգացման նախկին մակարդակը, այլև առաջընթաց քայլեր կատարեցին։ Պա, գրում է նա, ի թիվս այլ հանգա-

մանքների, պայմանավորված էր նաև առևտրաարհեստագործական միությունների՝ էսնաֆությունների գոյությունը, հայ արհեստավորների համախմբված գործունեությունը<sup>2</sup>։ Հայերը զգալի դեր էին խաղում Թուրքիայի արդյունաբերության, արհեստագործության և մանավանդ առևտրի բնագավառներում։

Արևմտյան Հայաստանի ագրարային հարաբերությունները XIX դարի երկրորդ կեսին և XX դարի սկզբին հանգամանորեն հետազոտված են պատմական գիտությունների ղոկտոր, պրոֆեսոր Ա. Համբարյանի արժեքավոր մենագրության մեջ<sup>3</sup>։ Միանգամայն ճիշտ է հեղինակի այն միտքը, թե թուրքական սուլթանները, վարելով հայատյաց և հայաջինջ քաղաքականություն, XIX դարի երկրորդ կեսին մի քանի անգամ փոփոխեցին Արևմտյան Հայաստանի վարչական կառուցվածքը, նպատակ ունենալով ստեղծել այնպիսի պայմաններ, որ մասնագրականներն ամենուրեք մեծամասնություն ստանան։ Քննության առնելով Թուրքիայում, և մասնավորապես Արևմտյան Հայաստանում, ապրող հայերի թվի վերաբերյալ տարբեր ու հակասական տրվյալները, պատմաբանը հանգում է այն ճիշտ եզրակացության, որ դրանք թուրքական կառավարության կողմից միտումնավոր էին կեղծ ներկայացվում։ Բնորոշ է, որ այդ տվյալները հաճախակի փոխվել են։ Այսպես, եթե, համաձայն Թուրքական պաշտոնական «սալնամեներ», 1870-ական թվականներին, մինչև ռուս-թուրքական պատերազմը, Ասիական Թուրքիայում ապրում էր 3 միլիոն 600 հազար հայ, ապա 1880 թվականին, երբ միջազգային դիվանագիտության մեջ առաջ եկավ Հայկական հարցը, Թուրքիայի արտաքին գործերի մինիստրությունը հաղորդեց, թե Արևմտյան Հայաստանում կա ընդամենը 780 հազար հայ, որը կաղմում է երկրի ամբողջ բնակչության 17 տոկոսը։ «Վերլուծելով բերված տվյալները,— գրում է Ա. Համբարյանը,— ամենից առաջ պետք է նշել, որ դրանք բոլորը միտումնավոր են։ Թուրքական կառավարությունը ռուս-թուրքական պատերազմից առաջ արհեստականորեն մեծացնում էր հայերի թիվը՝ նրանցից շատ հարկեր և տուրքեր հավաքելու, իսկ հետո աշխատում էր փոքրացնել այն՝ Հայկական հարցը միջազգային

<sup>1</sup> Տճ՝ 2. Ղազարյան, ն.վ. ա.խ., էջ 291։

<sup>2</sup> Տճ՝ Ա. Համբարյան, Ագրարային հարաբերությունները Արևմտյան Հայաստանում (1856—1914), Եր., 1965։

<sup>3</sup> Տճ՝ «Լենինյան ուղիով», 1972, № 7։



զիվանագիտության քննությունից հանելու նպատակով»<sup>1</sup>: Հեղինակի կարծիքով, թերի են նաև Կ. Պոլսի հայոց պատրիարքարանի տվյալները թուրքահայատակ հայերի թվի վերաբերյալ (2 միլիոն 660 հազար):

Անդրադառնալով հողատիրության ձևերի հարցին, Ա. Համբարյանը գտնում է, որ շնայած 1858 թ. ապրիլի 21-ի հողային օրենքն ուներ բուրժուական բնույթ, այնուամենայնիվ այն անխախտ թողեց թուրքիայում գոյություն ունեցող հողատիրության ձևերը (պետական, կալվածատիրական և եկեղեցական): Հենվելով փաստական տվյալների վրա, նա գտնում է, որ Արևմտյան Հայաստանում ֆեոդալական իշխող դասակարգը բաղկացած էր մեծ մասամբ քրդերից, հետո թուրքերից, իսկ այնուհետև՝ հայերից ու ասորիներից: Քուրդ հողատերերը կազմելով ֆեոդալների դասակարգի մեծամասնությունը, իրենց ձեռքում էին կենտրոնացրել Արևմտյան Հայաստանի կալվածատիրական հողերի մեծ մասը:

Ա. Համբարյանի կարծիքով, Արևմտյան Հայաստանի գյուղացիներն իրենց սոցիալական դրությունը բաժանվում էին չորս կատեգորիաների՝ ազատների, բատրակների, ֆեոդալական կախյալ գյուղացիների և ստրուկների: Ֆեոդալական կախյալ գյուղացիներն իրենց հերթին բաժանվում էին մի քանի կատեգորիաների. սրանցից մեկն էլ ճորտատիրությունն էր: Նա գտնում է, որ Արևմտյան Հայաստանում ճորտատիրությունը ոչ միայն գոյություն ուներ, այլև վավերացված էր իրավապես<sup>2</sup>: Սակայն, գրում է նա, եթե ուրիշ երկրներում գյուղացիներն ամրացված էին ճորտատերերին, ապա այստեղ՝ գյուղին կամ շրջանին: Պատմաբանը փաստեր է բերում նաև թուրքիայում, այդ թվում Արևմտյան Հայաստանում, XIX դարի երկրորդ կեսին ստրկության և ստրկավաճառության գոյության մասին: Նրա կարծիքով, Արևմտյան Հայաստանում պահպանված են եղել նաև նահապետական հարաբերությունների բազմաթիվ մնացորդներ, որոնք, մի կողմից, պայմանավորված էին ապրանքային արտադրության թույլ զարգացմամբ, իսկ մյուս կողմից՝ թուրքական կառավարության և աղանների ու բեյերի շահագրգռվածությամբ:

Անդրադառնալով ֆեոդալական հարկի ու ռենտայի հարցին,

Ա. Համբարյանը գտնում է, որ, ի տարբերություն ուրիշ երկրների, ուր կալվածատերերն իրենց գյուղացիներին բաժանել էին կոռային (աշխատավճարային), բահրային (արդյունավճարային) և դրամավճարային խմբերի, Արևմտյան Հայաստանում առանց նման տարազատման նրանք գյուղացիներին ստիպում էին կատարել թե՛ կոռային աշխատանք, և թե՛ բահրա ու դրամ վճարել: Չնայած դրան, գրում է նա, ֆեոդալական ռենտայի տարատեսակներից տիրապետողը բահրան էր: Ռենտայի այդ տեսակը ինչպես Ասիայի մի շարք երկրներում, այնպես էլ Հայաստանում իր իսկ բնույթով դանդաղեցնում էր տնտեսության զարգացումը:

Աշխատության մեջ հանգամանորեն քննվում է պետական հարկերի ու պարճակների հարցը: Նրա կարծիքով, արևմտահայությունը ենթարկվում էր հարկային դաժան հարստահարման, որն ավելի է ուժեղանում XIX դարի վերջին և XX դարի սկզբին. դա պայմանավորված էր, մի կողմից, թուրքիայի վերածումով եվրոպական պետությունների կիսագաղութի, իսկ մյուս կողմից՝ լուրբական կառավարության վարած հայաջինջ քաղաքականությանը: «Կառավարությունը, սաստկացնելով բնակչության հարկային ճնշումը, ձգտում էր հավաքել միջոցներ՝ մարելու իր միջազգային պարտքերը և դատարկել Արևմտյան Հայաստանը հայերից»<sup>1</sup>:

Ա. Համբարյանի աշխատության մեջ լայն տեղ է տրված Արևմտյան Հայաստանի տնտեսության պատմությանը (գյուղատնտեսություն, արդյունաբերություն, առևտուր): Այստեղ նա բացահայտում է արևմտյան տերությունների գաղութային և թուրքական կառավարության տնտեսական քաղաքականությունը: Միանգամայն ճիշտ է հեղինակի այն միտքը, թե XIX դարի երկրորդ կեսին և դարասկզբին արևմտյան տերությունները թուրքիայի հետ միասին տնտեսապես նվաճում էին նաև Արևմտյան Հայաստանը, տարածելով այնտեղ նաև իրենց քաղաքական ազդեցությունը: Այդ նպատակով նրանք Արևմտյան Հայաստանում հիմնում էին հյուպատոսություններ, ծավալում էին միսիոներական գործունեություն, աշխուժացնում էին առևտուրը և այլն:

Հանգամանորեն վերլուծվում է XIX դարի վերջին քառորդում սկսված ագրարային հարաբերությունների հետընթացը Արևմտյան Հայաստանում: Ընդարձակվում և ամրապնդվում էր

<sup>1</sup> Ա. Համբարյան, նշվ. աշխ., էջ 42:

<sup>2</sup> Տե՛ս նույն տեղը, էջ 75:

<sup>1</sup> Ա. Համբարյան, նշվ. աշխ., էջ 123:



կալվածատիրական հողատիրությունը, որը հիմնականում տեղի էր ունենում աշխատավոր գյուղացիության զանգվածային բնաշնչման և արտաքսման ճանապարհով: Մյուս կողմից՝ լայն շահերով տեղի էր ունենում ազատ գյուղացիների կիսաճորտացում ու ճորտացում: Ա. Համբարյանի կարծիքով, այն հիշեցնում էր Արևմտյան Եվրոպայում IX դարի ճորտատիրական իրավունքի հաստատման ժամանակաշրջանը: Չնայած XIX դարի երկրորդ կեսին և XX դարի սկզբին Արևմտյան Հայաստանում գոյանում էին կապիտալիզմի սաղմերը, բայց արտադրահարաբերությունների տեղաշարժերի գլխավոր և հիմնական ուղղությունը ոչ թե առաջընթացն էր՝ կապիտալիզմը, այլ հետընթացը՝ ֆեոդալիզմը: Ազրարային հարաբերությունների հետաճը, եզրակացնում է հեղինակը, խիստ ծանր անդրադարձավ գյուղացի աշխատավորական զանգվածների վրա: Նրանք ընկան մի այնպիսի դրություն մեջ, որ սոցիալական ու ազգային ազատագրումը դարձավ բացարձակապես անհնարին, եթե չմիջամտեին դեմոկրատական ուժերը:

Փաստական տվյալներով ցույց է տրվում, որ երիտթուրքերը շարունակեցին Աբդուլ Համիդի քաղաքականությունը: Նրանք բնակչությանը շտվեցին անձի ու գույքի ապահովություն, չլուծեցին ազգային ու ազրարային հարցերը, չվերացրին ճորտատիրությունը:

Գիտական հետաքրքրություն է ներկայացնում Ա. Համբարյանի կողմից Արևմտյան Հայաստանում ազրարային հարաբերությունների առանձնահատկությունների և ազրարային հարցի լուծման ուղիների ուշադրավ վերլուծությունը: Նշելով Թուրքիայի տիրապետության տակ գտնվող Արևմտյան Հայաստանի և ցարական Ռուսաստանի տիրապետության տակ գտնվող Արևելյան Հայաստանի ազրարային ուժիմների, տնտեսական զարգացման գոյություն ունեցող ընդհանուր գծերը, նմանությունները, նա միաժամանակ բացահայտում է դրանց տարբերություններն ու առանձնահատկությունները: Նրա կարծիքով, այդ առանձնահատկություններն են՝ ա) եթե Արևելյան Հայաստանում իշխում էր պետական հողատիրությունը, Արևմտյանում՝ կալվածատիրականը, բ) Արևմտյան Հայաստանում հողատերերը մեծ մասամբ իրենց հավատակից հպատակների թե՛ աշխարհիկ և թե՛ հոգևոր առաջնորդներն էին, ունեին զինված ջոկատներ, հավաքում էին աշխարհազոր և հաճախ վարում էին միջֆեոդա-

լական կռիվներ, իսկ Արևելյան Հայաստանում նրանք այդպիսի ֆունկցիաներ չունեին, զուրկ էին զինված ջոկատներ և միջֆեոդալական կռիվներ վարելու հնարավորություններից, գ) ինչպես Արևելյան, այնպես էլ Արևմտյան Հայաստանում հողատերերի մեծամասնությունը սեփական տնտեսություն չէր վարում, բայց, ի տարբերություն Արևելյան Հայաստանի, որտեղ սեփական տնտեսություն վարող հողատերերը հարկադիր աշխատանքը զուգակցում էին վարձու աշխատանքի հետ, Արևմտյան Հայաստանում դրանք այնքան էլ չէին զուգակցվում, ընդհակառակը, վերադարձ էր տեղի ունենում դեպի պրիմիտիվ աշխատավճարումներ, դ) եթե Արևելյան Հայաստանում աղաները ֆեոդալական ռենտան ստանալիս, որպես արտատնտեսական հարկազրանք, գործադրում էին առավելապես կիսարրությունը, ապա Արևմտյանում դրա հետ միասին առկա էր ճորտատիրությունը, ե) ի տարբերություն Արևելյան Հայաստանի, որտեղ գյուղացիների մեծ մասն ապրում էր պետական հողերի վրա և վարելահողերից օգտվում էր համայնական կաբգով, դրանք պարբերաբար բաժանելով միմյանց միջև, Արևմտյանում նրանց մեծ մասն ապրում էր կալվածատիրական հողերի վրա, իսկ վարելահողերից օգտվում էր ծխական եղանակով: Արևմտյան Հայաստանում գյուղացիները կարող էին վաճառել, նվիրել կամ գրավ դնել իրենց հողակտորները, իսկ Արևելյանում՝ զուրկ էին այդ իրավունքից, զ) Արևմտյան Հայաստանում նահապետական հարաբերություններն մնացուկներն ավելի շատ էին պահպանվել, քան Արևելյանում, է) Հայաստանի երկու հատվածներում էլ օգտվում էին գյուղատնտեսական հնամյա գործիքներից, բայց նրա Արևելյան հատվածում դրանք նկատելի արագությամբ արտամղվում էին նոր, կատարելագործված գործիքներով, ը) Արևելյան Հայաստանում գյուղացիները տնտեսապես ավելի ուժեղ էին, քան Արևմտյանում, թ) եթե Արևելյան Հայաստանում քայքայվում էին ֆեոդալական և զարգանում էին կապիտալիստական հարաբերությունները, ապա Արևմտյանում ֆեոդալական հարաբերությունները ոչ միայն չէին քայքայվում, այլև ամրապնդվում էին, ժ) Արևելյան Հայաստանը կուլտուրապես ավելի բարձր մակարդակի վրա էր գտնվում, քան Արևմտյանը:

1983 թ. հրատարակվեց Ա. Համբարյանի նոր աշխատությունը, որը ներկայացնում է Հայաստանի սոցիալ-տնտեսական



հարաբերությունների համառոտ պատմությունը<sup>1</sup>։ Անտարակույս, այն զբված է հեղինակի նախորդ աշխատությունների հիման վրա, հանդիսանալով դրանց համառոտ ամփոփումը։ Պատմաբանը շոշափել է նաև նոր հարցեր, գիտական շրջանառության մեջ դնելով արժեքավոր փաստեր։

Աշխատության մեջ լուսաբանվել է Հայաստանի XIX դարի երկրորդ կեսի և XX դարի սկզբի սոցիալ-տնտեսական զարգացումը։ Այստեղ քննարկվում են Արևելյան Հայաստանին վերաբերող հետևյալ հարցերը՝ բուրժուական ռեֆորմները, հողային հարաբերությունները, ցարիզմի ազդային, ագրարային և տրնտեսական քաղաքականությունը, կապիտալիզմի զարգացումը, բուրժուազիայի և պրոլետարիատի ձևավորումը, Արևմտյան Հայաստանի վարչական բաժանումն ու կառավարումը, սուլթանական կառավարության և երիտթուրքերի հողային և ազգային քաղաքականությունը, երկրամասի տնտեսական դրուվյունը և այլն։ Աշխատության մեջ բացահայտված են Արևելյան և Արևմտյան Հայաստանի սոցիալ-տնտեսական զարգացման առանձնահատկությունները։ Փաստական տվյալների հիման վրա ցույց է տրված, որ Ռուսաստանում ստեղծված բարենպաստ պայմանների շնորհիվ Արևելյան Հայաստանը հասել էր սոցիալ-տնտեսական զարգացման համեմատաբար բարձր աստիճանի, քան Թուրքիայի ծանր լծի տակ հեծող Հայաստանի արևմտյան հատվածը։

Արևմտահայերի սոցիալ-տնտեսական վիճակը XIX դարի 70—80-ական թվականներին լուսաբանված է պատմական գիտությունների թեկնածու Ռ. Հովհաննիսյանի մենագրության մեջ<sup>2</sup>։ Նրա կարծիքով, ընայած XIX դարի երկրորդ կեսին Թուրքիայի ժողովրդական տնտեսության հիմնական ճյուղը գյուղատնտեսությունն էր, այն էլ ամենահետամնաց վիճակում, այնուամենայնիվ երկիրը թևակոխել էր զարգացման կապիտալիստական ուղի։ Աշխատավորության ֆեոդալական շահագործմանն ավելանում էր կապիտալի անշափ և անլուր կողոպուտը։ Գյուղացիական խոշոր զանգվածները, որոնք կազմում էին բնակչության մեծ մասը, հողազուրկ էին։ Ռ. Հովհաննիսյանը ևս գտնում

է, որ քրդական շեխերի հարստահարություններին ենթակա հայկական առանձին գավառներում պահպանվել էին ճորտական հարաբերությունները<sup>3</sup>։ Աշխատավորների դրուվյունը չէր փոխվում նաև նրանից, որ երկրի տնտեսական ճյուղերի զգալի մասում իշխող դիրք էին զբաղում հայերը։ «Քուրդ և թուրք կեղեքիչների հետ միասին,— գրում է նա,— հայ աշխատավոր ժողովրդին հարստահարում և կողոպտում էին և հայ ֆեոդալն ու վաշխատուն»<sup>2</sup>։

Աշխատության մեջ բացահայտվել են Թուրքիայում վաշխատության զարգացման նախադրյալները, որոնցից մեկն էլ կառավարության հարկային դաժան քաղաքականությունն էր։ Իրավացի է պատմաբանը, երբ արևմտահայության սոցիալ-տնտեսական դրուվյունը ծանրացնող հանգամանքներից մեկն էլ համարում է եվրոպական և ամերիկյան միսիոններների գործունեությունը Արևմտյան Հայաստանում և կիրիկիայում։ Արևմտահայության սոցիալ-տնտեսական և քաղաքական ծանր դրուվյունը հետևանք էր զանգվածային պանդիստության։

Արևմտահայության վիճակն արտացոլված է նաև պրոֆ. Ս. Մարկոսյանի մենագրության մեջ<sup>3</sup>։ Ընդհանուր գծերով բնութագրելով Օսմանյան կայսրության էությունն ու նրա տեղը միջազգային հարաբերությունների ոլորտում, հեղինակը փաստական հարուստ նյութերի հիման վրա հանգամանորեն ցույց է տվել այդ լծի տակ արևմտահայ աշխատավորության տնտեսական և իրավական դրուվյունը։

Սկսած XIX դարի կեսերից, և հատկապես վերջին քառորդում, գրում է նա, Թուրքիայի բոլոր ժողովուրդների և առանձնապես հայ գյուղացիության կեղեքումն ահռելի չափերի էր հասել և տարեցտարի ավելի սոսկալի էր դառնում։ «Դրա հիմնական պատճառը,— գրում է նա,— մի կողմից, Թուրքիայի ներքին կյանքի ֆեոդալական հարաբերությունների և արտաքին կապիտալիստական հարաբերությունների, մյուս կողմից, վաշխատունական կապիտալի և ֆեոդալական հարաբերությունների յուրահատուկ սերտաճումն էր»<sup>4</sup>։

<sup>1</sup> Տե՛ս Ա. Համբարյան, Հայաստանի սոցիալ-տնտեսական հարաբերությունների համառոտ պատմություն (XIX դարի երկրորդ կես, XX դարի սկզբ), Եր., 1983։

<sup>2</sup> Տե՛ս Ռ. Հովհաննիսյան, Արևմտահայ ազգային-ազատագրական շարժումները և Կարինի «Պաշտպան հայրենյաց» կազմակերպությունը, Եր., 1965։

<sup>1</sup> Տե՛ս Ռ. Հովհաննիսյան, Արևմտահայ ազգային-ազատագրական շարժումները և Կարինի «Պաշտպան հայրենյաց» կազմակերպությունը, էջ 27։

<sup>2</sup> Նույն տեղը, էջ 42։

<sup>3</sup> Տե՛ս Ս. Մարկոսյան, Արևմտահայության վիճակը XIX դարի վերջերին, Թր., 1968։

<sup>4</sup> Նույն տեղը, էջ 92։



Անդրադառնալով հողային հարաբերությունների հարցին, Ս. Մարկոսյանը մերժում է պատմական գրականության մեջ գոյություն ունեցող այն կարծիքը (Լեո և ուրիշներ), թե, իբր, թիմարական հողատիրության վերացումը նշանակում է թուրքիայի ֆեոդալական հարաբերությունների վերացում և պետական հողատիրության ստեղծում: Նա թյուրիմացության արդյունք է համարում այն կարծիքը, ըստ որի թիմարական հողատիրության հիմքը կազմում էր մասնավոր սեփականության սկզբունքը, որի համաձայն էլ այդ մասնավոր-սեփականատիրական հողերը պետականացվեցին: «Այսպիսով, թիմարական հողերը ոչ թե թանգիմաթի հիման վրա դարձան պետական սեփականություն, այլ դրանից առաջ էլ նրանք պետական սեփականություն էին համարվում. բացի այդ, թիմարական հողերում կիրառվող սկզբունքները ոչ թե վերացան, այլ ընդգրկվեցին հողային նոր օրենքների մեջ»<sup>1</sup>: Ս. Մարկոսյանը թյուրիմացության արդյունք է համարում նաև թափու իրավունքը ինչ-որ նոր բան համարելը: Ընդհակառակը, գրում է նա, դա նույնքան հին էր, որքան և թիմարային հողատիրությունը, թերևս էլ ավելի հին, Հեղինակը գտնում է, որ թիմարական ֆեոդալական հողատիրության համակարգը, չնայած պաշտոնապես վերացել էր XIX դարի 40-ական թվականներին, սակայն, հատկապես, հայկական վիլայեթներում դեռ փաստորեն կիրառվում էր նույնիսկ 90-ական թվականներին: Ընդդեմ է, հայ աշխատավորությունը հարկ էր վճարում պետությանը, սակայն քուրդ աշիրեթապետերը առաջվա պես շարունակում էին հարստահարել նրան, ապօրինաբար նրա աշխատանքի արդյունքի մի ղզալի մասի տերուտնօրեն դառնալը Գոյություն ունեցող պաշտոնական հարկազանձման համակարգի հետևանքով, Արևմտյան Հայաստանի աշխատավորությունը անագորույն կեղեքման էր ենթարկվում ոչ միայն կապալառու-վաշխառուական կապիտալի ներկայացուցիչների, այլև նրանց հետ սերտաձած բարձր աստիճանավորների կողմից: Արևմտահայ գյուղացիության տնտեսական քայքայմանը մեծապես նրպաստում էին նաև ահռելի շափերի հասնող կողոպուտներն ու ավերումները, որ թուրքական կառավարության զրդմամբ ու հովանավորությամբ կատարում էին քրդական աշիրեթապետերը:

Ս. Մարկոսյանի աշխատության մեջ զգալի տեղ է հատկաց-

ված թուրքիայում հայերի իրավագրված հարցին: Թուրքահայտակ հայերը զրկված էին իրենց տարրական իրավունքները պաշտպանելու հնարավորությունից և պատահական չէ, որ Սան Ստեֆանոյի և Բեռլինի պայմանագրերով Բարձր Գոսն վրա պարտականություն էր գրվում, որպեսզի նա միջոցներ ձեռք առնի ապահովելու հայերի՝ քրդերից ու շերքեզներից պաշտպանվելու անվտանգությունը: Այսպիսի տարրական պաշտավորությունը, գրում է նա, «որն իր նմանը չունի միջազգային հարաբերությունների պատմության մեջ, միայն ծայրահեղորեն բարոյալքված պետության նկատմամբ կարող էր միջազգային ակտի նյութ ծառայել»<sup>2</sup>: Պատմական բազմաթիվ փաստեր հաստատում են, գրում է նա, որ հայերի նկատմամբ քրդերի ու շերքեզների կատարած հարստահարումներն ու անկարգությունները ոչ թե թուրքական իշխանությունների սոսկ անկարողության հետևանք էին, այլ բուն կառավարության կիրառած մի խարդախ, նախօրոք մշակված ճիվաղային քաղաքականության արդյունք: Դա հայ ժողովրդի բնաջնջման ծրագիր էր:

Պատմաբանի կարծիքով, թուրքահայտակ քրիստոնյաների, այդ թվում հայերի, լիակատար իրավագրվածության պատճառներից մեկն էլ ինքնապաշտպանության միջոցներից զրկված լինելն էր: Իսկ չէ՞ որ զինված հակառակորդի հարձակումից պաշտպանվելու միակ միջոցը զինված զիմադրությունն է, բայց դա հակասում էր թուրքիայի պետական օրենքին:

Արևմտահայության մի փոքրիկ հատվածի՝ զեյթունցիների սոցիալ-տնտեսական կյանքի մանրամասներ է հետազոտել պատմական գիտությունների դոկտոր, պրոֆեսոր Հ. Պողոսյանը՝ Զեյթունի պատմությանը նվիրված իր մենագրության մեջ<sup>2</sup>:

Հենվելով փաստական հարուստ տվյալների վրա, նա ցույց է տվել Զեյթունի վարչական կառավարման համակարգը, սոցիալական կարգը, բնակչության զրադմունքը, ապրելակերպը, կենցաղը, սովորույթները: Հ. Պողոսյանի կարծիքով, 1375 թվականից մինչև XIX դարի կեսերը Զեյթունում պահպանվել է այն հասարակական կառուցվածքը, որ գոյություն ուներ Կիլիկիայի հայկական թագավորության ժամանակ: Գտնվելով թուրքական լայնածավալ պետության սահմաններում, զավառակն ապրել է

<sup>1</sup> Տե՛ս Ս. Մարկոսյան, նշվ. աշխ., էջ 120:

<sup>2</sup> Տե՛ս Հ. Պողոսյան, Զեյթունի պատմությունը (1409—1921 թթ.), Եր., 1969:

<sup>1</sup> Ս. Մարկոսյան, նշվ. աշխ., էջ 80:



ինքնամփոփ կյանքով: Այստեղ թեև գյուղացիները ճորտացված չէին, բայց պարտավոր էին հարկեր վճարել իշխաններին, աշխատել նրանց տնտեսության մեջ, պատերազմի ժամանակ զինված հանդես գալ ընդհանուր թշնամու դեմ:

Դրուժյունը փոխվեց 1865-ից հետո: Լեռնականների վիճակն սկսեց ծանրանալ, նրանք զրկվեցին մի քանի դար շարունակ իրենց ունեցած ինքնավար կամ կիսանկախ վիճակից և սկսեցին կրել թուրքական ռազմաֆեոդալական բռնապետության ծանրը լուծը:

Հ. Պողոսյանի մեկ այլ ուշագրավ աշխատության մեջ լուսաբանվել է նաև Սասունի XIX դարի երկրորդ կեսի սոցիալ-տնտեսական կյանքը: Տրված է Սասունի ամբողջական պատմությունը՝ սկսած 1750-ից մինչև 1918 թվականը: Փաստական տվյալների հիման վրա հեղինակը գտնում է, որ, շնայած Սասունի լեռնականների ճնշող մեծամասնությունն ամբողջ XIX դարում գտնվել է թուրքական պետության սահմաններում, բայց ապրել է կիսանկախ վիճակում: Հենվելով իր մանրակրկիտ ուսումնասիրությունների վրա, պատմաբանը հանգել է այն եզրակացության, որ, թեև Սասունում գյուղացիներն ունեցել են իրենց հողակտորները, բայց հողի մեծ մասը պատկանել է գյուղական համայնքին: Աշխատության մեջ հանգամանորեն քննվում է հայքրդական հարաբերությունների հարցը: Մեծ տեղ է տրված պանդխտության հարցին:

Հ. Պողոսյանը շնորհակալ աշխատանք է կատարել նաև հայ ժողովրդի խոշոր և հնագույն բնօրրաններից մեկի՝ Վասպուրականի գավառի պատմության գիտական հետազոտության բնագավառում: Նրա «Վասպուրականի պատմությունից»<sup>2</sup> աշխատությունը նվիրված է նահանգի կեսդարյա պատմությանը, սակայն հեղինակը խնդիր չի դրել ներկայացնել այդ շրջանի պատմության բոլոր հարցերը: Հարուստ է աշխատության աղբյուրագիտական հենքը: Ուշագրավ է, որ թեև Վասպուրականի մասին անցյալում շատ գրքեր են հրատարակվել, բայց Հ. Պողոսյանը կատարել է բազմաթիվ ճշգրտումներ:

Փաստական հարուստ նյութերի հիման վրա հանգամանորեն ցույց է տրված նահանգի սոցիալ-տնտեսական կյանքը, բացա-

հայտվել է թուրքական բռնապետության հայահալած քաղաքականությունը: Լայն տեղ է տրված ազատագրական շարժումներին, ինչպես նաև մշակույթին: Ծիշտ է վարվել Հ. Պողոսյանը՝ Մ. Խրիմյանին բնութագրելով որպես հայ ազգային-ազատագրական շարժման ականավոր գործիչ:

Արևմտյան Հայաստանում օսմանյան կառավարության վարչական և ժողովրդագրական, ինչպես նաև տնտեսական ու ազգային ճնշման քաղաքականությունը լուսաբանվել է նաև պատմական գիտությունների դոկտոր, պրոֆեսոր Ե. Սարգսյանի արժեքավոր մենագրության մեջ<sup>1</sup>:

Փաստական-վիճակագրական տվյալներով ցույց է տրված, որ թուրքական կայսրության վարած վարչական և սոցիալ-տնտեսական քաղաքականության հետևանքով Արևմտյան Հայաստանում հայ բնակչության քանակն անընդհատ կրճատվում էր: Այսպես, եթե XVII դարում այնտեղ հայերը կազմում էին ամբողջ բնակչության 98, իսկ մահմեդականները՝ 2 տոկոսը, ապա 1915—1916 թթ. զանգվածային ջարդերի նախօրյակին՝ համամասպատասխանաբար 41 և 59 տոկոսը<sup>2</sup>:

Այդ փաստը, գրում է նա, անհերքելի ապացույցն է թուրքական կառավարության կողմից հայ բնակչության դաժան հետապնդումների ու հալածանքների, տնտեսական ստրկացման ու հարստահարման, բռնի թուրքացման, պլանաչափ բնաջնջման, հարկադրական արտագաղթի և այլն:

Ե. Սարգսյանը միաժամանակ ցույց է տալիս, որ թուրքական կառավարությունը, զանազան նպատակներով խեղաթյուրելով իրական փաստերը, մշտապես աշխատում է պակաս ցույց տալ հայ բնակչության քանակը: Թուրք պատմաբանները և զիմում են կեղծարարության, համոզելով իրենց ընթերցողներին, թե Արևմտյան Հայաստանում հայերը միշտ փոքրամասնություն են կազմել:

Աշխատության մեջ բազմաթիվ փաստեր են բերված թուրքական կառավարության վարած հողային և հարկային դաժան քաղաքականության մասին, ցույց է տրված, որ իշխանությունների

1 Տե՛ս Սարգսյան Ե., Политика Османского правительства в Западной Армении и державы в последней четверти XIX и начале XX вв., Е., 1972:

2 Տե՛ս Սարգսյան Ե., նշվ. աշխ., էջ 39:

1 Տե՛ս Հ. Պողոսյան, Սասունի պատմություն, նր., 1985:

2 Հ. Պողոսյան, Վասպուրականի պատմությունից, 1850—1980, նր., 1988:



թողտվութիամբ թուրք և քուրդ բեկերն ու աղաներն ինչպես էին զավթում հայերի հողերը:

Հայաստանի սոցիալ-տնտեսական կյանքի որոշ հարցեր լուսաբանված են նաև պատմական գիտությունների գոկտոր Վ. Աբրահամյանի աշխատության մեջ<sup>1</sup>: Այստեղ հիմնականում ցույց է տրվում XIX դարի կեսերին արհեստների, արդյունադրծության և առևտրի վիճակը ոչ միայն Արևելյան Հայաստանում, այլև Անդրկովկասի հայաբնակ մյուս վայրերում, գլխավորապես Քիֆլիսում: Աշխատության մեջ հանգամանորեն շարադրված է Անդրկովկասի քաղաքներում, մասնավորապես Արևելյան Հայաստանում արհեստների տեսակների և համբարային կազմակերպությունների մասին: Հենվելով վավերագրական տվյալների վրա, նա հանգում է այն եզրակացության, որ արհեստների բնագավառում, հատկապես XIX դարի 50-ական թվականներից սկսած, վայրէջք է նկատվում: Հեղինակը դա բացատրում է, մի կողմից, տեղական հումքի, հատկապես կաշվի պակասումով, իսկ մյուս կողմից՝ գործարանային ապրանքների ներմուծումով: Բնականաբար, գրում է նա, իրենց նախկին դերն ու աղղեցությունը կորցրել էին նաև համբարությունները:

Աշխատության մեջ լայն տեղ է տրված համբարության ներքին և վարչական կառուցվածքի լուսաբանմանը: Հեղինակի հիմնական եզրակացությունն այն է, որ «եթե XVIII—XIX դարերում համբարությունները խաղում էին պրոգրեսիվ դեր, ապա XX դարի սկզբներին, ընդհակառակը, դրանք խանգարում էին արդյունաբերության զարգացմանը»<sup>2</sup>: Աշխատությանը կցված են ուշագրավ վավերագրեր և լուսանկարներ:

Մենք հակիրճ թվարկեցինք այն ամենը, ինչ մեր պատմաբանները կատարել են XIX դարի և XX դարի սկզբի Հայաստանի սոցիալ-տնտեսական կյանքի գիտական հետազոտության բնագավառում: Ինչ խոսք, Հայաստանի սոցիալ-տնտեսական հարաբերությունների, մասնավորապես հողատիրության ձևերի, հարցում խորհրդահայ պատմագրության մեջ եղել են և կան նաև վիճելի, հակասական դրույթներ: Խորհրդահայ պատմաբանները

պետք է շարունակեն իրենց խոր ու բազմակողմանի հետազոտությունը այդ հարցերի վերջնական լուծման ուղղությամբ: Տարակարծություններ կան նաև սոցիալ-տնտեսական ֆորմացիաների հարցում: Օրինակ, 1972 թ. Երևանի համալսարանի հրատարակած «Հայ ժողովրդի պատմության» մեկհատորյակում XIX դարի սկզբից մինչև 1917 թվականը (գրքի երրորդ բաժինը) վերնագրված է «Հայաստանը կապիտալիզմի դարաշրջանում», որը ճիշտ է: Հասկանալի է, որ XIX դարի սկզբից մինչև 1870-ական թվականների սկզբը Հայաստանը չէր կարող գտնվել կապիտալիզմի դարաշրջանում, քանի որ Արևելյան Հայաստանը դարի առաջին երեք տասնամյակներին գտնվում էր ֆեոդալական Իրանի, այնուհետև ցարական Ռուսաստանի տիրապետության տակ, իսկ Ռուսաստանը կապիտալիզմի դարաշրջան է թևակոխել 1861-ից հետո: Ինչ վերաբերում է Արևմտյան Հայաստանին, որն ընկած էր Թուրքիայի տիրապետության տակ, ապա հանրահայտ է, որ ոչ միայն XIX դարի սկզբին, այլև մինչև XX դարը Թուրքիան ֆեոդալական երկիր էր:

Սոցիալ-տնտեսական ֆորմացիայի հարցում որոշակիությունը չկա նաև Հայկական ԽՍՀ գիտությունների ակադեմիայի հրատարակած «Հայ ժողովրդի պատմության» V հատորում, որտեղ հայ ժողովրդի պատմությունն սկսվում է XIX դարի սկզբից և հասնում մինչև 1870-ական թվականները: Հարց է առաջանում, այդ տասնամյակներին Հայաստանում սոցիալ-տնտեսական ի՞նչ ֆորմացիա գոյություն ուներ: Այդ մասին հատորում ոչ մի հիշատակություն չկա: Նախորդ, IV հատորը (XIII—XVIII դարեր) բնութագրված է ֆեոդալիզմի վայրէջքի ժամանակաշրջան: Ստացվում է, որ V հատորի հեղինակները այդ ֆորմացիան տարածում են նաև XIX դարի 70-ական թվականների վրա, մի բան, որը ճիշտ է:

Նույնը կարելի է ասել «Հայ ժողովրդի պատմություն» բուհական դասագրքի III հատորի մասին: Այստեղ XIX դարի երկրորդ կեսի պատմությունը (երկրորդ բաժին) վերնագրված է «Ֆեոդալական հարաբերությունների քայքայումը և կապիտալիզմի զարգացումը Հայաստանում», իսկ թե ինչպիսին էր առաջին կեսի հասարակական կարգը՝ բաց է մնում: Ի դեպ, «Հայ ժողովրդի պատմություն» բուհական դասագրքի II հատորում XIII—XVIII դարերը (բաժին երկրորդ) բնութագրված են որպես

<sup>1</sup> Տե՛ս Վ. Աբրահամյան, Հայ համբարությունները Անդրկովկասի քաղաքներում (XVIII—XX դարի սկզբում), Եր., 1971:

<sup>2</sup> Տե՛ս, նույն տեղը, էջ 46:

<sup>3</sup> Նույն տեղը, էջ 143:



«Ֆեոդալական հարաբերությունների լծացման և տնտեսական անկման շրջան»: Ստացվում է, որ այդ նույնը վերաբերում է XIX դարի առաջին կեսին, որը դարձյալ ճիշտ չէ:

### Յ. Հայ հասարակական-քաղաքական հոսանքները և ազատագրական շարժումները 1850—1860-ական թթ.

Խորհրդահայ պատմագրության ուշադրության արժանացած թեմաներից մեկն էլ հայ հասարակական-քաղաքական հոսանքների և հայ ազատագրական շարժումների պատմությունն է: Թե ինչ է արվել խորհրդահայ պատմագրության մեջ այդ կարևորագույն պրոբլեմների հետազոտության բնագավառում 1920-ական թվականներից մինչև 1963 թվականը, համառոտակի անդրադարձել ենք մեր նախորդ աշխատության մեջ: Հատկապես ցույց ենք տվել Լեոյի, Աշ. Հովհաննիսյանի, Վ. Ռշտունու, Մ. Ներսիսյանի, Վ. Պարսամյանի և մյուս պատմաբանների կատարած հսկայական աշխատանքը, միաժամանակ քննադատական դիտողություններ անելով նրանց որոշ դրույթների վերաբերյալ:

Մատնանշված պրոբլեմների գիտական հետազոտությունը շարունակվում էր նաև հետագայում: Վերջին երկուս ու կես տասնամյակներում հրապարակվել են նոր աշխատություններ:

Այս ենթագլխում քննության ենք ենթարկում 3 հարց՝ 1850—1860-ական թթ. հայ հասարակական-քաղաքական հոսանքների, արևմտահայերի ազգային սահմանադրության և 1862 թ. Զեյթունի ապստամբության պատմության լուսաբանումը պատմագրության մեջ:

1850—1860-ական թվականների արևելահայ հասարակական-քաղաքական հոսանքների հարցին անցած քսանհինգամյակում առաջինն անդրադարձել է Աշ. Հովհաննիսյանը<sup>1</sup>, որի հոդվածն այնուհետև զետեղվեց «Հայ ժողովրդի պատմության» V հատորում<sup>2</sup>: Տնտեսական ու քաղաքական փոփոխություններով էին պայմանավորված այդ տարիները, գրում է պատմաբանը, հայ հասարակական-քաղաքական կյանքում կատարվող լուրջ տեղաշարժերը: Նա հասարակական-քաղաքական հոսանքների հան-

դես գալը իրավացիորեն կապում է դասակարգային հարաբերությունների բյուրեղացման, նրանց որոշակի սահմանադատման հետ:

Ըստ Աշ. Հովհաննիսյանի, արևելահայ իրականության մեջ այդ ժամանակաշրջանում գոյություն են ունեցել հետևյալ չորս հոսանքները՝ կղերաաղայական, ազգային-պահպանողական, լիբերալ-բուրժուական և հեղափոխական-դեմոկրատական: Աշխատության մեջ առանձին-առանձին ցույց են տրված նրանց ներկայացուցիչների հայացքներն ու գործունեությունը:

Կղերաաղայական հոսանքը, նրա կարծիքով, հայ իրականության մեջ ձևավորվել է դեռևս իր բավական ազդեցիկ դիրքերը պահպանած հոգևորականության և աղայական վերնախավի զաշինքից, հոսանք, որը ջանում էր խոչընդոտել պատմության առաջընթացը, հանդես էր գալիս որպես իր դարն ապրած ֆեոդալական հարաբերությունների և միջնադարյան կաստայականության ջատագով: Ընդհանուր առմամբ հոսանքը բնութագրելով որպես ռեակցիոն, Աշ. Հովհաննիսյանը նշում է. «Միակողմանի կլիներ, սակայն, ի սկզբանե կղերաաղայական հոսանքի ներկայացուցիչներին դիտել իբրև միջնադարյան ֆեոդալական գաղափարախոսության ջատագովներ»<sup>1</sup>: Հայտնի է, շարունակում է նա, որ այդ հոսանքի ներկայացուցիչներն Ն. Աշտարակեցին և Խ. Լազարյանը ոչ միայն զգալի դեր խաղացին Հայաստանը Ռուսաստանին միացնելու գործում, այլև դարձան Թիֆլիսի ներսիսյան դպրոցի և Մոսկվայի Լազարյան ճեմարանի հիմնադիրներ, ռուսական կողմնորոշման պաշտպաններ: Սակայն իրագրությունը 40-ական թվականներից փոխվեց: Երկնչելով լիբերալ-բուրժուազիայի և, հատկապես, հասունացող դեմոկրատական հոսանքի առաջադրած պահանջներից, հայ իշխող այդ վերնախավերի պաշտպաններն ու նրանց շահախնդրությունների ձայնատարները կապվեցին ցարական բյուրոկրատիայի հետ, դիմագրավեցին ազատամտական գաղափարներին:

Այդուհանդերձ, հայ իրականության մեջ երկար կյանք չունեցավ կղերաաղայական հոսանքը: «Հետեֆորմյան տասնամյակներին, — գրում է նա, — զարգացող կապիտալիզմի հարվածների տակ Ռուսաստանի և Անդրկովկասի կղերաաղայական

<sup>1</sup> Տե՛ս Աշ. Հովհաննիսյան, XIX դարի 50—60-ական թթ. արևելահայ հասարակական-քաղաքական հոսանքները, ՊՔՀ, 1965, № 4, 5:

<sup>2</sup> Տե՛ս Հայ ժողովրդի պատմություն, հ. V, էջ 383—426:

<sup>1</sup> Հայ ժողովրդի պատմություն, հ. V, էջ 384:



միտքը թեևակոխեց իր կազմալուծման շրջանը»<sup>1</sup>։ Հետագայում կղերաաղայական դասի փոքրիշատե կենսունակ տարրերին մենում էր միայն համակերպվել հասարակական-տնտեսական կյանքում կապիտալիստական հեղարեկմանը և իրենց գոյատևման համար դիրքեր գրավել արևելահայ բուրժուազիայի շարքերում։ Հին կղերաաղայական և նոր բուրժուական ուժերի վերագործավորման նպատակն էր համախմբված ուժերով դիմազրավել հեղափոխական թափ ստացող դեմոկրատական ուժերին<sup>2</sup>։

1850—60-ական թվականների հասարակական-քաղաքական մշուս հոսանքը, ինչպես ասվեց, Աշ. Հովհաննիսյանը համարում է ազգային-պահպանողականը։ Նրա կարծիքով, չի կարելի այդ հոսանքը միացնել կղերաաղայական հոսանքին, թեև իր ժամանակին լիբերալ հրապարակախոսութունը, նրա դեմ իր ծավալած պայքարը դյուրացնելու մտայնությունը, նրան համառորեն ներկայացրել է «կղերապահպանողականություն» պիտակով։ «Պարզունականացնելով հակառակ հոսանքների դեմ իրենց հայացքների պաշտպանության գործը,— գրում է պատմաբանը,— լիբերալները զիտակցարար անտեսում էին ազգային-պահպանողականների դիրքավորման ինքնուրույնությունն ու առանձնահատկությունները»<sup>3</sup>։ Աշ. Հովհաննիսյանը փորձում է ցույց տալ, որ մի շարք էական հարցերում լուրջ տարբերություններ կային այդ երկու հոսանքների միջև։ Եթե կղերաաղայական ռեակցիան ազգի գոյության միակ հենարանն էր համարում հայաղական եկեղեցին, ապա ազգային-պահպանողականների համար գերագույն հեղինակությունը ոչ թե եկեղեցին էր, այլ նրան իր գոյության պատվարներից մեկը դարձնող ազգը։ Վտանգված համարելով ազգի ու եկեղեցու գոյությունը Ռուսաստանում, մասնավորապես կովասահայ միջավայրում, այդ հոսանքի ներհայացուցիչները յուրովի դիմակայում էին ցարիզմին, Կովկասում նրա գաղութային քաղաքականությունը<sup>4</sup>։

Անդրադառնալով լիբերալ-բուրժուական հոսանքին, Աշ. Հովհաննիսյանը գտնում է, որ 1850—1860-ական թվականներին այդ հոսանքի գործունեության հանգրվաններ դարձան ռուսահայ գաղ-

թավայրերը։ Պետերբուրգն ու Մոսկվան, նոր նախիջեանը, Ղրիմը, Աստրախանը, Ղզլարն ու Մոզդուկն ավելի անմիջականորեն էին կապված արևելահայ լիբերալների լուսավորական գործունեության հետ, քան Արևելյան Հայաստանի քաղաքները։ Հասկանալի է, շարունակում է նա, որ «Հյուսիսափայլը» ավելի շատ բաժանորդներ ուներ Ռուսաստանի հայ գաղթավայրերում, քան հայ առևտրականների այնպիսի տրանզիտային հանգրվաններում, ինչպիսիք Թիֆլիսն ու Շամախին, Ազուլիսն ու Շուշին էին<sup>1</sup>։ Բացահայտելով լիբերալ-բուրժուական հոսանքի պարագլուխ Ստ. Նազարյանի տեսակետների մի մասի առաջագեմ լինելը, բնութագրելով նրան որպես լուսավորիչ, Աշ. Հովհաննիսյանը միաժամանակ մատնանշում է նրա աշխարհայացքի սահմանափակությունը, հայ ժողովրդի ազատագրական պայքարի ժխտումը, ռեֆորմիստական հայեցակետը։ Նրա կարծիքով, Ստ. Նազարյան լուսավորիչը, մատնանշելով կապիտալիստական զարգացման ուղին, ելնում էր ոչ թե արևելահայ բուրժուազիայի դասակարգային շահերը պաշտպանելու նեղ մտահոգությունից, այլ արևելահայ հասարակական կյանքի բուրժուական ուղու հետ լծորդված ազգի ընդհանուր բարեկեցություն, նրա համախմբման ու ինքնապահովման մղումներից։

Կայնորեն է լուսաբանված հեղափոխական-դեմոկրատական հոսանքը։ Մ. Նալբանդյանի գլխավորած այդ հոսանքը, գրում է Աշ. Հովհաննիսյանը, կազմում էր ռուսական հեղափոխական դեմոկրատիային ընդառաջող ջոկատներից մեկը, որը պայքարի դրոշ բարձրացրեց ոչ միայն ցարական վարչակարգի, այլև ֆեոդալիզմի պաշտպանների ու հաշտվողական լիբերալների դեմ։ Ընշված ու հարստահարված ժողովրդական զանգվածների դասակարգային շահերը Նալբանդյանը տարբերանշում էր համաժողովրդական այն շահերից, որոնց պաշտպանության համար ժողովրդի անունից մինչ այդ հանդես էին գալիս միայն արևելահայ բուրժուազիայի պահպանողական և լիբերալ գաղափարախոսները<sup>2</sup>։ Հանգամանորեն շարադրելով մեծ հեղափոխական-դեմոկրատի հայացքները, պատմաբանը բարձր է գնահատել նրա գլխավորած հոսանքի խաղացած կարևոր դերը հայ ժո-

<sup>1</sup> Հայ ժողովրդի պատմություն, հ. V, էջ 388։

<sup>2</sup> Տե՛ս նույն տեղը։

<sup>3</sup> Նույն տեղը, էջ 389։

<sup>4</sup> Տե՛ս նույն տեղը։

<sup>1</sup> Տե՛ս Հայ ժողովրդի պատմություն, հ. V, էջ 397։

<sup>2</sup> Տե՛ս նույն տեղը, էջ 405։



դովրդի հասարակական-քաղաքական մտքի հետագա զարգացման պատմության մեջ:

XIX դարի 50—60-ական թվականների հայ հասարակական-քաղաքական հոսանքների պատմությունը անդրադարձել է նաև Վ. Պարսամյանը՝ «Հայ ժողովրդի պատմություն» մենագրության մեջ: Ի դեպ, ճիշտ է վարվել հեղինակը, երբ արևելահայ և արևմտահայ հասարակական-քաղաքական հոսանքների հարցը բընենել է միատեղ, մեկ ամբողջության մեջ:

Ղրիմի պատերազմից հետո, գրում է նա, համաշխարհային պատմության մեջ նշանակալից իրադարձություններ կատարվեցին, որոնք իրենց որոշակի ազդեցությունն ունեցան նաև հայկական կյանքի վրա: XIX դարի առաջին կեսի համեմատաբար դանդաղ ու խաղաղ զարգացմանը հաջորդում է հայ հասարակական կյանքի բուռն առաջընթացի, սուր պայքարի ու բախումների փոթորկալից մի շրջան: «XIX դարի կեսերին ստեղծված ներքին ու արտաքին կոնկրետ իրադրության պայմաններում, ավելի ու ավելի սահմանադատվում ու համախմբվում են պայքարող ուժերը, մշակվում են նրանց գաղափարախոսությունը, պայքարի ձևերն ու մեթոդները: Հասարակության սոցիալական շերտավորման և դասակարգային պայքարին համապատասխան ձևավորվում են հասարակական-քաղաքական հոսանքները»<sup>1</sup>:

Վ. Պարսամյանի կարծիքով, 1850—1860-ական թվականներին հայ հասարակության մեջ գոյություն են ունեցել երեք հիմնական հոսանքներ՝ կղերաֆեոդալական, լիբերալ-բուրժուական և հեղափոխական-դեմոկրատական: Աշխատության մեջ տրվում է դրանց բնութագիրը, նշվում ղեկավար գործիչների հայացքները, տրվում նրանց միջև եղած պայքարը:

Այսպես, պատմարանը կղերաֆեոդալական հոսանքը բնութագրում է որպես հայ կղերական, ֆեոդալական, շահագործող խավերի շահերի արտահայտիչ: Այդ հոսանքը, գրում է նա, հայ կյանքում ամենառեակցիոնն էր՝ ֆեոդալական, միապետական կարգերի, կյանքի հին, իր դարն ապրած ձևերի, կրփական դոգմաների ջատագովը: Այդ ուղղության պարագլուխներն ու նրանց

գաղափարակիցները՝ Գ. Ալվազովսկին, Հ. Չամուռճյանը, Մ. Մսերյանը, Ս. Զալալյանը, Ս. Մանդինյանը և ուրիշներ, ղեմ էին հայ ժողովրդի ազատագրական պայքարին, նրա առաջադիմությունը, աշխարհաբար լեզվին, աշխարհիկ գաղափարին: Նրանք եկեղեցին համարում էին ազգի գոյության միակ հենարանը, կրփն ու գրաբարը՝ ազգության սյուները: Նրա պարագլուխները կատաղի պայքար էին մղում առաջադեմ գործիչների ղեմ:

Լիբերալ-բուրժուական հոսանքը, նշում է հեղինակը, ձևավորվեց կապիտալիզմի զարգացման, հայ բուրժուազիայի տնտեսական, քաղաքական ու գաղափարական զիբբերի հաստատման ու ամրապնդման շրջանում: Այն պաշտպանում էր զարգացող բուրժուազիայի շահերը և պայքարում կղերաֆեոդալական հոսանքի ղեմ՝ հանուն հայ կյանքի եվրոպականացման-բուրժուականացման, ազգային կրթության, լուսավորության, գաղափարային, լեզվի, գրականության ու գիտության զարգացման:

Վ. Պարսամյանը բարձր է գնահատում առաջադիմական այդ հոսանքի պարագլուխ Ստ. Նազարյանի և նրա համախոհների խաղացած դերը հայ իրականության մեջ: Սակայն նա միաժամանակ նշում է, որ Ստ. Նազարյանը հասարակական-քաղաքական կյանքի մի շարք հարցերում հակադրվում էր Մ. Նալբանդյանին, ղեմ էր հեղափոխական շարժումներին, ապստամբությանը, մի խոսքով՝ ռեֆորմիստ էր:

Անդրադառնալով հեղափոխական-դեմոկրատական հոսանքին, հեղինակն այն բնութագրում է որպես 1850—1860-ական թվականների հայ հասարակական-քաղաքական կյանքի ամենաարմատական, ամենաառաջավոր ուղղություն, աշխատավորական լայն խավերի, հասարակ ժողովրդի շահերի արտահայտիչ: Ճիշտ են ցույց տրված այդ հոսանքի ծագման սոցիալ-քաղաքական նախադրյալները: Դրա երևան գալը, իրավացիորեն գրում է Պարսամյանը, հայ հասարակական կյանքի պատմության մեջ մի թռիչք էր, նոր ու ավելի բարձր փուլ, որի նախապատրաստման համար խոշոր դեր խաղացին Խ. Արուվյանն ու մյուս դեմոկրատ-լուսավորիչները: Այդ ուղղության առաջացման ու զարգացման համար մեծ նշանակություն ունեցան նաև Ռուսաստանի և Արևմտյան Եվրոպայի ազատագրական շարժումները, ռուսական հեղափոխական-դեմոկրատական ուղղության բարեբար ազդեցությունը: «Համարձակ կարելի է ասել, —

<sup>1</sup> Парсамян В., История армянского народа (1801—1900 гг.). с. 195. Այս մասին տե՛ս նաև՝ Վ. Պարսամյան, Պատմագիտական աշխատություններ, Եր., 1985, էջ 199:



գրում է նա,— որ հայ իրականության մեջ, մինչև մաբսիզմի հանդես գալը, հայ առաջավոր, հեղափոխական մտքի վրա ոչ մի ուղղություն այնպիսի մեծ ու բարեբար ազդեցություն չի ունեցել, ինչպես ռուսական հասարակական մտքի մինչմաբսիստական փուլի ամենաառաջավոր ուղղությունը՝ հեղափոխական-դեմոկրատական ուղղությունը»<sup>1</sup>: Դա, շարունակում է հեղինակը, վերաբերում է և՛ ռուս նարոդնիկությանը, և՛ արևմտաեվրոպական մանրբուրժուական սոցիալիստական ուղղություններին, որոնք, թեև որոշ չափով իրենց ազդեցությունն ունեցել են հայ հասարակական մտքի վրա, բայց երբեք տիրապետող ուղղություն չեն դարձել: Ըստ պատշաճի բացահայտվել է հոսանքի հիմնադիր ու պարագլուխ Մ. Նալբանդյանի և նրա համախոհների գաղափարախոսությունն ու գործունեությունը:

1850—1860-ական թվականների հայ հասարակական-քաղաքական հոսանքների պատմության մեջ զբաղվել է նաև Հ. Ղազարյանը: Արևմտահայերի 1800—1870 թթ. սոցիալ-տնտեսական և քաղաքական կացության մասին նրա մենագրության<sup>2</sup> վերջին գլուխը նվիրված է արևմտահայ հոսանքների քննարկմանը: Նա գտնում է, որ արևմտահայ իրականության մեջ գոյություն են ունեցել չորս հոսանքներ՝ կղերամիության, լիբերալ-բուրժուական, ազգային-պահպանողական և ազգային-դեմոկրատական: Ցույց են տրվել դրա երևան գալու տնտեսական ու քաղաքական նախադրյալները, գաղափարախոսությունը, գաղափարական պայքարը:

Կղերամիության հոսանքը, նշում է Հ. Ղազարյանը, գլխավորում էին Կ. Պոլսի ու Զմյուռնիայի հայ գաղթօջախներում, վեներտիկում ու վիեննայում խարսխված հետադեմ, անգամ անմեղ բարեշրջումներից երկնչող, երեսով դեպի պատմության հետախորրը շրջված գաղափարաբանները: Մինչև 30—40-ական թվականները, այսինքն՝ նախքան լուսավորչալ մտավորականության Եվրոպայից վերադարձը, սահմանադրական ու ժողովրդական, ազգային-ազատագրական շարժումները, հայկական մշակույթի մարզում նրանք դրական դեր էին խաղում: Այդ

հոսանքի մարդիկ, լինելով անվանի գիտնականներ, տիրապետելով մի քանի լեզուների, օգտվելով ազգի ներքին գործերը տնօրինելու մենատիրական իրավունքներից, սատարում էին ժամանակի իմաստով առաջավոր գաղափարներ, բացում էին հայկական դպրոցներ, հիմնում տպարաններ, տպագրում ու տարածում ինչպես ինքնուրույն, այնպես էլ թարգմանական գրքեր, նպաստելով արևմտահայերի ազգային գարթոնքին և օբյեկտիվորեն նախապայմաններ ստեղծելով ազգակազմավորման պրոցեսի համար<sup>1</sup>:

Անուրանալի է նրանց դերը նաև արևմտահայ աշխարհաբարի ձևավորման գործում: Ավելին, նրա կարծիքով, թուրքիայի հայ գաղթօջախներում այդ պրոցեսն ավելի վաղ սկսվեց և ավելի շուտ հաղթանակի հասավ, քան արևելահայ իրականության մեջ, ռուսահայ գաղթաշխարհում<sup>2</sup>: Դա բացատրվում է թուրքական սուլթանների բռնության մեջ: Սոցիալ-քաղաքական, առավել ևս ազգային ճնշումների ու կրոնական հալածանքների էին ենթարկվում ոչ միայն հայ աշխատավորական խավերը, այլև հայ ամիրաները, հոգևոր դասը, Կ. Պոլսի հայոց պատրիարքները: Ուստի նման ծանր պայմանները հայ վերնախավերին ևս մղում էին փրկության ելք որոնելու:

Այլ էր իրավիճակը դարակեսին, գրում է Հ. Ղազարյանը: Նոր պայմաններում հայ ամիրանները մշակեցին իրենց գաղափարաբանությունը, կազմավորեցին կղերամիության հոսանքը և ջանք շինաչեցին պաշտպանելու ֆեոդալական կաստայականությունը, դիմակայելու ինչպես առաջավոր գաղափարների ներթափանցմանը, այնպես էլ ժողովրդի քաղաքական ու սոցիալական ազատագրման պահանջներին: Կղերամիության հոսանքի պարագլուխները՝ Հ. Տերոյանցը, Մ. Տելիբեյանը, Ա. Հասունյանը և ուրիշներ, աստիճանաբար կապեր են հաստատում արևելահայ համախոհների՝ Մ. Մսերյանցի, Գ. Այվազովսկու և մյուսների հետ և ձգտում միասնական ճակատով դուրս գալ ոչ միայն Մ. Նալբանդյանի գլխավորած հոսանքի, այլև լիբերալ-բուրժուազիայի շափավոր պահանջների դեմ: Նրանք, գրում է հեղինակը, որպես կանոն, ունեին թուրքական կողմնորոշում և

<sup>1</sup> Парсамян В., Եվ. աշխ., էջ 203 (Ընդգծումը հեղինակին է— Շ. Հ.):

<sup>2</sup> Տե՛ս Հ. Ղազարյան, Արևմտահայերի սոցիալ-տնտեսական և քաղաքական կացությունը, 1800—1870 թթ., Եր., 1967:

<sup>1</sup> Տե՛ս Հ. Ղազարյան, Եվ. աշխ., էջ 541—542:

<sup>2</sup> Տե՛ս նույն տեղը, էջ 542:



ձգտում էին ամրացնել ֆեոդալական միապետության և լուսավորչական եկեղեցու խախտված հեղինակությունը:

Արևմտահայ լիբերալ-բուրժուական հոսանքը Հ. Ղազարյանը բնութագրում է որպես հայ գաղթօջախներում կենտրոնացված հայ առևտրական բուրժուազիայի շահերի արտահայտիչ: Այդ հոսանքի պարագլուխները հիմնականում նվրոպայում կրթություն ստացած այն երիտասարդներն էին, որոնք պայքարի դրոշ պարզեցին խավարամուլների, ֆեոդալիզմի պաշտպան կղերաամիրայականների դեմ: Շարագրելով վերջիններիս հայացքներն ու գործունեությունը, բացահայտելով նրանց գաղափարների մեջ կատարված փոփոխությունները, տարակարծությունները, պատմաբանը հանգում է այն հետևություն, որ այդ հոսանքը հեռու էր ժողովրդական շարժումներից, քաղաքական, առավել ևս՝ սոցիալական պայքարից, ասպարեզը թողնելով ազգային-դեմոկրատական ու նրանց ձախ թևը կազմող հեղափոխական գործիչներին:

XIX դարի կեսերին, գրում է Հ. Ղազարյանը, մեծացավ գավառահայ առևտրաարհեստագործական բուրժուազիայի դեքը: Այդ ժամանակ էլ գավառահայ մտավորականներից ձևավորվում է ազգային-պահպանողական հոսանքը, որի պարագլուխներն էին Մ. Խրիմյանը, Գ. Սրվանձաթյանը և ուրիշներ: Նրա կարծիքով, այդ հոսանքն իր հակառակորդների դեմ պայքարելու համար կապվում էր ժողովրդի հետ, աշխատում էր ստեղծել լուսամիտ եկեղեցականներ, բարձր պահել հոգևոր հիմնարկների դրոշը, դիրք ստանալ հայկական ներքին կյանքում, նույնիսկ դառնալ հանրային շահերի պաշտպան: Դեմոկրատական գծերով օժտված գավառահայ ազգային-պահպանողականները, գրում է Հ. Ղազարյանը, դատափետում էին վայրենաբարո թուրք վերնախավին, թուրք ազաներին, հայ վաշխառուներին, ջանք գործադրում հաղթահարելու գավառի տգիտությունը, խավարը, բայց վախենում էին մարտահրավեր նետել սուլթանական միահեծանությունը: Նրանք հեռու էին հեղափոխական հայացքներից, խուսափում էին ժողովրդի զանգվածային շարժումներից և այլն:

Արևմտահայ մյուս հոսանքը՝ ազգային-դեմոկրատականը, ըստ Հ. Ղազարյանի ձևավորվել է 1860-ական թվականների սկզբին և արտահայտում էր քաղաքային արհեստավորների, ոլանդոխտների ու աշխատավոր գյուղացիության շահերը: Նրա կարծիքով, այդ հոսանքն իր երկու՝ աջ և ձախ թևերով 1860-ական

թվականների արևմտահայ հասարակական-քաղաքական շարժումների մեջ ղեկավար դեր էր կատարում, ժողովրդին իր հետեվից տանում: Շատ խնդիրներում, գրում է նա, այս հոսանքի հետ էին գավառահայ ազգային-պահպանողականները, որոնք հետագա տասնամյակների սոցիալ-քաղաքական իրադարձությունների ազդեցությամբ թոթափում են պահպանողականության բեռը, շրջադարձ կատարում և երկնում հեղափոխական ընդհատակյա կազմակերպություններ: Հեղինակն առանձին-առանձին շարադրում է ազգային-դեմոկրատական հոսանքի նշանավոր ներկայացուցիչներ Ստ. Ոսկանյանի, Մ. Մամուրյանի, Գ. Զիլին-կիրյանի, Կ. Փանոսյանի, հեղափոխական-դեմոկրատներ Հ. Սվաճյանի, Ս. Թագվորյանի և ուրիշների հայացքները, բարձր գնահատում նրանց գործունեությունը, միաժամանակ բացահայտելով նրանց աշխարհայացքային ճեղքվածքները, թույլ կողմերը:

«Արևմտահայերի սոցիալ-տնտեսական և քաղաքական կացությունը» մենագրության շարադրանքը 1850—1860-ական թվականների հասարակական-քաղաքական հոսանքների մասին որոշ փոփոխություններով և կրճատումներով սպազորվել է նաև «Հայ ժողովրդի պատմության» V հատորում<sup>1</sup> և 1979-ին ռուսերեն հրատարակված մենագրության մեջ<sup>2</sup>: Վերջինիս մեջ շարադրված է նաև արևելահայ հասարակական-քաղաքական հոսանքների պատմությունը, որի հիմնական սկզբունքները համապատասխանում են «Հայ ժողովրդի պատմության» V հատորում Աշ. Հովհաննիսյանի արտահայտած բաժնի դրույթներին:

Այս աշխատությունից մեջ Հ. Ղազարյանն անդրադարձել է արևմտահայ հասարակական-քաղաքական հոսանքների կողմնորոշման հարցին: Նա գտնում է, որ եթե կղերամիրայական հոսանքը ժխտելով մեր ժողովրդի ազգային-ազատագրական պայքարի անհրաժեշտությունը, ուներ թուրքական կողմնորոշում, ապա լիբերալ-բուրժուազիան ու նրա հայացքների պաշտպանները՝ արևմտեվրոպական կողմնորոշում. եթե ազգային պահպանողականները, բնադատելով ցարիզմի ազգային գաղութային քաղաքականությունը, համակրում էին ռուս ժողովրդին, ապա ազգային դեմոկրատները ոչ միայն հանդես բերեցին ռուսական

<sup>1</sup> Տե՛ս Հայ ժողովրդի պատմություն, Կ. Վ, էջ 426—456:»

<sup>2</sup> Տե՛ս Казарян Г., Армянское общественно-политическое движение в 50—60-их годах XIX века в России, Е., 1979.



կողմնորոշում, այլև, մանավանդ նրանց ձախ թևը՝ հեղափոխական գեմոկրատները, պարզորոշ ըմբռնում էին երկու Ռուսաստանների գոյությունը և, հետևելով Մ. Նալբանդյանին, հայ ժողովրդի ազատագրումը կապում էին ռուսական հեղափոխական-գեմոկրատական և իտալական ազգային շարժման հաղթանակի հնարավորության հետ<sup>1</sup>:

Արժանի է ուշադրության անցյալ դարի 50—60-ական թվականների հեղափոխական շարժումների արևմտահայ տրիբունի՝ Հ. Սվաճյանի հարուստ կյանքի և գործունեության մասին Հ. Ղազարյանի մենագրությունը<sup>2</sup>:

Հ. Սվաճյանի մասին շատ է գրվել՝ թե՛ նախախորհրդային և թե՛ խորհրդահայ հեղինակների, այդ թվում՝ Հ. Ղազարյանի կողմից, սակայն այստեղ ի մի են բերված և ըստ պատշաճի վերլուծված բոլոր կարծիքները: Շատ հարցեր աշխատության մեջ նորովի են լուսարանվել:

Հ. Սվաճյանի գործունեությունը բաժանելով երկու շրջափուլերի, հեղինակը հանգում է այն եզրակացության, որ եթե 50-ական թվականներին նա դեռևս պաշտպանում էր շափավոր լուսավորական հայացքներ, ապա 60-ական թվականների սկզբից, գործարար կապեր հաստատելով Մ. Նալբանդյանի ու, նրա միջոցով, «Ղոնդոնի պրոպագանդիստների» հետ, հաստատականորեն կանգնեց հեղափոխական գեմոկրատիայի դիրքերում:

Կարևոր նշանակություն ունի Հ. Ղազարյանի՝ փաստերի հիման վրա կատարած այն եզրահանգումը, թե Հ. Սվաճյանը 1862 թ. օգոստոսի 1-ի 4. Պոլսի հակակառավարական ցույցի կազմակերպիչն էր, կապված էր գեյթունցիների հետ, ծրագրեր ուներ հակասուլթանական շարժումները զուգորդել հակաավստրիական և հակացարական հեղափոխական համընդհանուր պայքարին:

Անդրադառնալով հայ ազգային-ազատագրական շարժման բնույթի, շարժիչ ուժերի, առաջնորդի հարցերին, հեղինակն այն ճիշտ կարծիքն է հայտնել, որ դեկավարը՝ աշխատավորության շահերի պաշտպան, գեմոկրատական մտավորականությունն էր՝ Մ. Նալբանդյանի և Հ. Սվաճյանի հետևորդներն ու զինակիցները:

Հաջող է լուսարանված Նալբանդյան—Սվաճյան կապը, մաս-

նավորապես վերջինիս հեղափոխական գործունեությունը, խոր վերլուծության են ենթարկված Սվաճյանի հայացքները Հայաստանի տնտեսական զարգացման և հայ ժողովրդի սոցիալական ազատագրության ուղիների մասին:

Անկասկած, խորհրդահայ պատմաբանները զգալի աշխատանք են կատարել XIX դարի 50—60-ական թվականների հայ հասարակական-քաղաքական հոսանքների պատմության հետազոտության ուղղությամբ: Սակայն, ինչպես երևաց մեր շարադրանքից, այդ հարցի վերաբերյալ միասնական կարծիք գոյություն չունի: Եթե, օրինակ, Աշ. Հովհաննիսյանը գտնում է, որ այդ տարիներին արևելահայ իրականության մեջ գոյություն է ունեցել չորս հոսանք, և նույնը ընդունում են Հ. Ղազարյանն ու Զ. Գրիգորյանը<sup>3</sup>, ապա Վ. Պարսամյանի կարծիքով, գոյություն է ունեցել երեք հոսանք: Երեք հոսանք են ընդունում նաև Մ. Ներսիսյանը, Մ. Աղայանը և Գ. Գալոյանը<sup>2</sup>: Ի դեպ, տարիներ առաջ Մ. Ներսիսյանը գտնում էր, որ 1850—1870-ական թվականներին հայ ազատագրական շարժման մեջ առկա է եղել երկու հիմնական հասարակական-քաղաքական ուղղություն՝ հեղափոխական-գեմոկրատական, որն արտահայտել է գյուղացիության, ժողովրդական մասսայի շահերը, և բուրժուանացիոնալիստական, որն արտահայտել է հայ բուրժուազիայի դասակարգային նեղ շահերն ու իղձերը<sup>3</sup>: Այդ տեսակետը մենք ժամանակին սխալ ենք համարել մեր առաջին գրքում:

Փիլիսոփայական գիտությունների դոկտոր, պրոֆեսոր Հ. Գարրիելյանը ևս թոուցիկ կերպով անդրադարձել է հասարակական հոսանքների հարցին: Զրնգունելով պատմաբաններից և ոչ մեկի կարծիքը, նա առաջ է քաշել մի նոր տեսակետ, որին ոչ մի դեպքում չի կարելի համաձայնվել: Առարկելով Վ. Պարսամյանին և Մ. Ներսիսյանին, նա գրում է. «Մեր կարծիքով, ավելի ճիշտ կլինի, եթե մենք XIX դարի հայ իրականության մեջ եղած բազմաթիվ հոսանքները խմբավորենք երեք՝ պահպանո-

<sup>1</sup> Տե՛ս Զ. Գրիգորյան, Արևելյան Հայաստանի միացումը Ռուսաստանին և նրա պատմական նշանակությունը, էջ 381:

<sup>2</sup> Տե՛ս Հայ ժողովրդի պատմություն, խմբ. Մ. Ներսիսյանի, էջ 378, Մ. Աղայան, Հայ ժողովրդի ազատագրական պայքարի պատմությունից, Եր., 1976, էջ 39, Գ. Գալոյան, Ռուսաստանը և Անդրկովկասի ժողովուրդները, էջ 379, 383:

<sup>3</sup> Տե՛ս Մ. Ներսիսյան, Հայ ժողովրդի ազատագրական պայքարը թուրքական բռնապետության դեմ, Եր., 1955, էջ 25:

<sup>1</sup> Տե՛ս Казарян Г., նշվ. աշխ., էջ 340—341:

<sup>2</sup> Տե՛ս Հ. Ղազարյան, Հարություն Սվաճյանի կյանքը և գործունեությունը, Եր., 1986:



ղական, լիբերալ-բուրժուական և հեղափոխական-դեմոկրատական հոսանքների մեջ»<sup>1</sup>: Նա անհիմն կերպով առարկում է Վ. Պարսամյանին, որը գրել է, թե կղերաֆեոդալական հոսանքը, որը 1850—1860-ական թվականներին ջախջախիչ հարվածներ ստացավ հեղափոխական-դեմոկրատներից, և հատկապես, Նալբանդյանից, կապիտալիզմի զարգացման հետևանքով ավելի թուլացավ, մղվեց հետին պլան, կորցրեց իր երբեմնի ազդեցությունը, իսկ հետագա երկու տասնամյակներին այդ ուղղության դերը փաստորեն իրենց վրա էին վերցրել «Մեղու Հայաստանի» և «Նոր դար» թերթերի շուրջ համախմբված պահպանողականները, որոնք շարունակում էին պայքարել առաջադիմական ուժերի դեմ»<sup>2</sup>:

Հայ հասարակական-քաղաքական հոսանքների հարցում եղած բոլոր կարծիքներից մենք հակված ենք ճիշտ համարելու Վ. Պարսամյանի կարծիքը, բայց որի ազգային-պահպանողական հոսանքը ոչ թե հիմնական, այլ միջանկյալ՝ կիսակղերական, կիսաբուրժուական հոսանք է: Վ. Պարսամյանը գտնում է, որ հայ հասարակական-քաղաքական հոսանքները միատարր ու միաձուլվելի են, որ հիմնական հոսանքների ներսում տարբեր ժամանակներում, տարբեր հարցերի նկատմամբ դրսևորվել են արմատական և շահավոր հայացքներ: Նրա կարծիքով, հենց այդ տարբերություններն են նկատի ունեցել մեր որոշ պատմաբաններ և գրականագետներ, որոնք միջանկյալ ուղղությունները, նույնիսկ առանձին թերթերի պաշտպանած այս կամ այն տեսակետը, նույնացնում են հասարակական-քաղաքական հիմնական հոսանքների հետ: «Հասարակական-ֆաղափական հոսանքներն ինչպես ամենուրեք, այնպես էլ հայ իրականության մեջ, — իրավացիորեն գրում է նա, — սոցիալական և դասակարգային փոխհարաբերությունների ու պայքարի ծնունդ են, որոշակի սոցիալական շերտի, դասակարգի շահերի արտահայտիչ ու պաշտպան: Հասարակական հիմնական դասակարգերին համապատասխան գոյություն են ունեցել նաև հասարակական-ֆաղափական հիմնական հոսանքներ»<sup>3</sup>:

<sup>1</sup> Հ. Գաբրիելյան, Հայ պատմափոխության մտքի քննական տեսություն, Եր., 1966, էջ 219 (Ընդգծումը հեղինակին է — Շ. Հ.):

<sup>2</sup> Տե՛ս Վ. Պարսամյան, Հայ ազատագրական շարժումների պատմությունից, Եր., 1958, էջ 68:

<sup>3</sup> Վ. Պարսամյան, նշվ. աշխ., էջ 216 (Ընդգծումը հեղինակին է — Շ. Հ.):

Հարկ է նշել նաև, որ աննպատակահարմար է թվում մեզ, երբ «Հայ ժողովրդի պատմության» V հատորում, ինչպես նաև Հ. Ղազարյանի ուսեսերեն հրատարակված աշխատության մեջ, արևելահայ և արևմտահայ հասարակական-քաղաքական հոսանքների հարցը շարադրված է առանձին-առանձին: Կարծում ենք, որ հայ հասարակական մտքի մեջ նման արհեստական սահմանադրում ստեղծելու կարիք չկար, ճիշտ կլինեք հոսանքների պատմությունը քննել մեկ ամբողջության մեջ:

Խորհրդահայ պատմագրության մեջ միասնական տեսակետ չկա նաև արևմտահայերի ազգային սահմանադրության գնահատման հարցում:

Ռ. Հովհաննիսյանի կարծիքով, սահմանադրությունն իր սկզբունքներով առաջադիմական էր, բանի որ արևմտահայ կյանքում մտցնում էր մի այնպիսի արմատական փոփոխություն, ինչպիսին ժողովրդի ղեկավարման ֆունկցիան էր. կղերամիտության վերնախավից խլելով ժողովրդի ղեկավարման մենաշնորհը, այն հանձնվում էր ընտրությունը կազմվող Ազգային ժողովին: «Ազգային սահմանադրությունը, — գրում է նա, — իրենով նշանավորում էր հայ ժողովրդի քաղաքական զարթոնքը, իր հերթին նպաստում արևմտահայության քաղաքական-մշակութային նոր առաջընթացին, բարեգործական և ուսումնական հաստատությունների հիմնադրմանն ու ծավալմանը»<sup>1</sup>:

Սակայն Ռ. Հովհաննիսյանը միաժամանակ նշում է, որ արևմտահայ սահմանադրությունը ոչնչով չէր փոխում ժողովրդի ծանր վիճակը: Նրա կարծիքով, դրանով թուրքական կառավարությունը փորձեց ժողովրդին շեղել պայքարի ճշմարտացի ուղուց, և իր սոցիալական ու քաղաքական ազատագրման համար ոտքի ելած արևմտահայ ժողովրդին մղեց սահմանադրության վերափոխման համար ծավալված ներազգային պայքարի շավիղը:

Վ. Պարսամյանը գտնում է, որ արևմտահայերի Ազգային սահմանադրությունն իր ժամանակի պատմական պայմաններում առաջադիմական երևույթ էր: Արևմտահայ դեմոկրատների ու լուսավորիչների գլխավորած սահմանադրական շարժումն ուղղված էր ամիրաների ու բարձր հոգևորականության դեմ: Աշխա-

<sup>1</sup> Ռ. Հովհաննիսյան, Արևմտահայ ազգային-ազատագրական շարժումները և կարևոր «Պաշտպան հայրենյալ» կազմակերպությունը (XIX դարի 70—80-ական թթ.), Եր., 1965, էջ 30:



տավորական զանգվածները ձգտում էին ազատագրվել ազգային կեղեքիչների լծից, նրանց զրկել ազգային գործերի կառավարման մենաշնորհ իրավունքներից: Ինչպես իր նախորդ աշխատություններում, այստեղ ևս, տալով սահմանադրական շարժման 1860 և 1863 թվականների կանոնադրությունների համար մըզված սուր պայքարի պատմությունը, նա նշում է, որ սուլթանական կառավարության կողմից 1863 թվականին հաստատված կանոնադրության միջից հանվել էին արմատական պահանջները: Չնայած դրան, գրում է պատմաբանը, Ֆեոդալական Ռուրքիայի ծայրաստիճան հետամնաց իրականության ֆոնի վրա արևմտահայերի Ազգային սահմանադրությունը լուսավոր էջ էր, հայ հասարակական-քաղաքական մտքի հասունության արտահայտություն, առաջադիմական ուժերի հղթնական կղերամտիրական հոսանքի, ռեակցիայի պարագլուխ Զ. Չամուռճյանի և նրա զինակիցների դեմ:

Արևմտահայերի Ազգային սահմանադրությունը, գրում է Պարսամյանը, իսկական սահմանադրություն էր և չէր էլ կարող լինել: Դա արևմտահայերի ներքին կյանքին վերաբերող չափավոր մի կանոնադրություն էր, որը սուլթանական բռնակալության պայմաններում չկարողացավ և չէր էլ կարող ապահովել հայերի իրավունքները, նրանց կյանքն ու գույքը<sup>1</sup>:

Արևմտահայերի Ազգային սահմանադրությանը դրական գնահատական է տվել նաև Զ. Ղազարյանը: Նա գտնում է, որ այն նվաճվեց Պոլսի հայ արհեստավորների, օրամշակ բանվորների, բաղամահազար պանդուխտների և նրանց ղեկավարող հայ առաջադեմ մտավորականության պայքարի գնով, պայքար, որը տեղից շուրջ երկու տասնամյակ<sup>2</sup>: Ի դեպ, ինչպես Վ. Պարսամյանը, Զ. Ղազարյանը ևս իրավացիորեն ընդունում է, որ արևմտահայերի Ազգային սահմանադրությունը չէր համապատասխանում իր ներքին բովանդակությանը: Սահմանադրությունը ոչ թե սահմանափակում էր սուլթանի, պատրիարքի ու ամիրաների իրավունքները, այլ սոսկ հայկական համայնքի ներքին կյանքին վերաբերող մի կանոնադրություն էր, հետևաբար սուլթանական

ճնշումներից հայ ժողովրդի իրավունքների պաշտպանության տեսակետից իրենից քաղաքական արժեք չէր ներկայացնում: Սահմանադրությունը, գրում է Զ. Ղազարյանը, չէր ներկայացնում արևմտահայ աշխատավորության հավաքական կամքը, չէր արդարացնում նրա հույսերն ու ակնկալությունները: «Չնայած այս բոլորին,— իրավացիորեն գրում է Զ. Ղազարյանը,— արևելյան բռնապետների գաղջ տիրապետության պայմաններում, մեծ դժվարություններով, երկուստեք զոհաբառ պայքարով կյանքի կոչված Ազգային սահմանադրությունն առաջադիմական երևույթ էր: Այն պայքարի հրապարակ էր հանում ինչպես նորաստեղծ բուրժուազիային, այնպես էլ ժողովրդական զանգվածներին»<sup>3</sup>:

Նա իրավացիորեն քննադատության է ենթարկում հայ բուրժուական այն պատմաբաններին (Սարուխան, Ատոմ), որոնք սահմանադրությունը դիտում էին: որպես բարեխնամ սուլթանի գթություն ու շնորհի արդյունք, որպես նվեր արևմտահայությանը:

Անդրադառնալով սահմանադրության նկատմամբ հայ հասարակական հոսանքների դիրքորոշմանը, նրանց ղեկավար գործիչների հայացքների հետագա էվոլյուցիային, Զ. Ղազարյանը նշում է, որ ինչպես լիբերալ-բուրժուական հոսանքի ներկայացուցիչներ Գր. Օտյանը, Ն. Ռուսինյանը, Մ. Աղաթոնը, Գ. Պալյանը, մի խոսքով՝ նախկին լուսավորականները, այնպես էլ դեմոկրատական մտավորականությունը՝ Զ. Սվաճյանը, Կ. Փանոսյանը, Մ. Մամուրյանը, Գր. Զիրինկիրյանը, հայացքների և գործունեության երկու շրջան են ապրել: Եթե մինչև 1861 թվականը պոլսահայ լիբերալները և դեմոկրատները համաքայլ էին ընթանում, ապա դրանից հետո առաջինները սկսեցին սահմանադատվել դեմոկրատներից, ընդհանուր-ճակատ կազմել պահպանողականների հետ և ընդառաջել սահմանադրության վիրահատմանը: 1861—1863 թթ. սահմանադրական պայքարի նոր շրջափուլում դեմոկրատական հոսանքի ներկայացուցիչները դուրս եկան սահմանադրական պատրանքերի մշուշապատ ուղուց և, շարունակելով իրենց սահմանադրական շարժումը, միաժամանակ խստորեն քննադատեցին թլատված սահմանադրությունը: Սակայն դեմոկրատ գործիչները, շփտելով 1850-ական և հատկապես 60-ա-

<sup>1</sup> Sém. Парсамян В., История армянского народа (1801—1900 гг.), էջ 213—222:

<sup>2</sup> Sém. Զ. Ղազարյան, Արևմտահայերի սոցիալ-տնտեսական և քաղաքական կացությունը 1800—1870 թթ., էջ 456:

<sup>3</sup> Զ. Ղազարյան, Արևմտահայերի սոցիալ-տնտեսական և քաղաքական կացությունը 1800—1870 թթ., էջ 458:



կան թվականներին իրենց մղած սահմանադրական պայքարի դերը, պատռելով սահմանադրական պատրանքի քողը, եկան այն համոզման, որ ժողովրդի ազատագրման միակ միջոցը նրա կազմակերպված պայքարն է:

Հ. Ղազարյանի մենագրության այն հատվածը, որ վերաբերում է արևմտահայերի Ազգային սահմանադրությանը, շարադրված է նաև «Հայ ժողովրդի պատմություն» V հատորում:

Սակայն խորհրդահայ ոչ բոլոր պատմաբաններն են ճիշտ գնահատական տվել արևմտահայերի Ազգային սահմանադրությանը: Գրան բացասական վերաբերմունք են հանդես բերել Աշ. Հովհաննիսյանը, մասամբ՝ Մ. Ներսիսյանը և ուրիշներ: Այսպես, Աշ. Հովհաննիսյանը Մ. Նալբանդյանի «Անտիպ երկերի» մեկնաբանություններում սահմանադրությունը փաստորեն համարում է «նեակցիոն մի երևույթ՝ ուղղված ազգային-քաղաքական շարժումների դեմ: «Սահմանադրության հեղինակներն ու ղեկավարները, — գրում է նա, — «հայ» էին ծագումով, սակայն քաղաքականապես ըստ ամենայնի «թուրք»<sup>1</sup>: Թեև «Հայ ժողովրդի պատմություն» մեկհատորյակում XIX դարի երկրորդ կեսի ամբողջ պատմությունը վերաբերում է միայն արևմտահայությանը, այնուամենայնիվ ոչ մի խոսք չկա արևմտահայերի Ազգային սահմանադրության մասին:

Զի կարելի համաձայնվել պատմական գիտությունների գոլտոր Բ. Օհանջանյանի կողմից արևմտահայերի սահմանադրությանը տված խիստ բացասական գնահատականին: «Դասակարգային պայքարը նենգափոխվեց ազգային պայքարով, — գրում է նա, — ծավալվեց շարժում «Ազգային սահմանադրության» համար, մի շարժում, որը փաստորեն համաթուրքական ընդհանուր շարժումներից մեկուսացրեց հայկական համայնքը: Ազգային սահմանադրական պայքարն օգտակար էր հայ հոգևորականության և բուրժուազիայի շահերին»<sup>2</sup>: Մենք կասեինք հակառակը՝ հենց սահմանադրական շարժման մեջ էր արտահայտվում դասակարգային պայքարը: Եվ հետո՝ ի՞նչ համաթուրքական ընդհանուր շարժումներից մեկուսանալու մասին է խոսքը, կամ՝ ի՞նչ հիմք կա պնդելու, թե «Ազգային սահմանադրական

պայքարն օգտակար էր միայն հայ հոգևորականության և բուրժուազիայի շահերին»<sup>1</sup>: Թուրքական բռնապետության դաժան պայմաններում հայերի ազգային, հոգևոր, ներքին կյանքում որոշակի կարգ ու կանոն հաստատելը մի՞թե կարելի է որակել որպես «նեակցիոն երևույթ»: Ընդհանրապես նաև այն պնդում, երբ գրում է, թե «պատահական չէ, որ Թուրքիայի սուլթանն առանց լուրջ դիմադրություն հաստատեց այդ կանոնադրությունը»<sup>2</sup>: Պատմական փաստերը վկայում են, որ սուլթանը տարիներով ձգձգել էր սահմանադրության հաստատումը, իսկ հաստատելիս էլ՝ արմատական հողվածները կրճատել, նրա 150 հողվածներից թողնելով միայն 99-ը: Այնուհետև՝ պատմաբանը պնդում է, թե «սահմանադրությունը թուրքական սուլթանների ձեռքին մի վեճ է եղել կռվելու աշխատավորության դեմ, փաստերը շատ են»<sup>3</sup>: Ի՞նչ փաստերի մասին է խոսքը՝ դժվար է ասել:

Այժմ անդրադառնանք խորհրդահայ պատմագրության մեջ 1862 թ. Զեյթունի ապստամբության պատմության գիտական հետազոտման հարցին:

Զեյթունի ապստամբության պատմությանը անդրադարձել է Հ. Ղազարյանը<sup>4</sup>: Թուրքական սուլթանի լծից ազատագրվելու համար քրիստոնյա ազգերի, այդ թվում հայերի, ազատագրական շարժումները, իրավացիորեն գրում է հեղինակը, առաջադիմական էին, որովհետև ուղղված էին օրավուր ուժեղացող թուրքական բռնապետական մեքենայի դեմ: Գրանք համազգային ձև ու համադեմոկրատական բովանդակություն ունեին: Սակայն, ի տարբերություն XIX դարի երկրորդ քառորդի դիմադրական կռիվների, որոնք տեղական նշանակություն ունեին, գրում է նա, 1860-ական թվականների ազատագրական շարժումները, հատկապես 1862 թ. Զեյթունի ապստամբությունը, ստանում էին Հայաստանի երկու հատվածների բարոյական և նյութական լայն օգնությունը, արժանանում նրանց ջերմ համակրանքին:

Հ. Ղազարյանը ճիշտ պատասխան է տալիս այն հարցին, թե ինչու սուլթանական կառավարությունը, որը Ազիզ փաշայի կա-

1 Բ. Օհանջանյան, նշվ. աշխ., էջ 34:

2 Նույն տեղը:

3 Նույն տեղը, էջ 125:

4 ՏՆԿ Հ. Ղազարյան, Արևմտահայերի սոցիալ-տնտեսական և քաղաքական կացությունը, Հայ ժողովրդի պատմություն, հ. V:

1 Մ. Նալբանդյան, Անտիպ երկեր, Մոսկվա, 1935, էջ 411:

2 Բ. Օհանջանյան, Տեսական մարքսիզմի ժանր հրետանին, Եր., 1970, էջ 34:



տարյալ պարտութիւնից հետո որոշել էր վճռական հակահարձակման նախապատրաստվել, փոխեց իր ծրագիրը և փոխադարձ զիջումների գնով հաշտվեց Զեյթունի հետ: Խոսելով Զեյթունի խնդիրը փոխզիջումներով փակելու մասին, դրականապես գնահատելով Ֆրանսիական կառավարութեան միջնորդութիւնը, Շ. Ղազարյանը միաժամանակ քննադատում է այն պատմաբաններին, ովքեր փորձում են գունազարդել Նապոլեոն III-ի ավանդը այդ գործում, իսկական դրդապատճառները բացահայտելու փոխարեն նրա նվաճողական քաղաքականութիւնը ներկայացնում են որպես հայափրկիչ առաքելութիւն: Հենց այստեղ էլ նա ցույց է տալիս Ֆրանսիական կառավարութեան Կիլիկիայով հետաքրքրվելու իսկական պատճառները, մասնավորապես նշում դրա տնտեսական հիմքերը: Բացահայտելով Ֆրանսիայի այդ պատմաշրջանում վարած արևելյան քաղաքականութեան ներքին դրդապատճառները, նա գտնում է, որ չի կարելի հայերի նկատմամբ ունեցած դիրքորոշման հարցում հավասարութեան նշան դնել Ֆրանսիայի և հին ոճի գաղութատեր Անգլիայի միջև: «Երկուսով կրելով Մերձավոր արևելքում Ֆրանսիայի դիրքերի ամրապնդումից, — գրում է Շ. Ղազարյանը, — Անգլիան սուլթանական բռնատիրութեան դեր էր ստանձնում, թշնամաբար տրամադրվում հայ ժողովրդի ազգային-ազատագրական շարժումների, Զեյթունի ապստամբութեան հանդեպ, փոխարենն ստանալով «համեղ պատառներ»<sup>1</sup>:

Ճիշտ է նրա այն միտքը, թե եվրոպական մեծ պետութիւնները հայ ազատագրական շարժումներն օգտագործում էին այն դեպքում, երբ շահ ունեին, երբ պետականութիւնից զրկված ազգային վերազարթոնք ապրող ժողովրդին կարողանում էին ծառայեցնել իրենց նվաճողական գիտավորութիւններին: Ուրեմն, անկասկած, անկախ էլից, հաղթանակով պսակված Զեյթունի փառք բոլոր պարագաներում առաջին հերթին պատկանում էր գեյթունցուն, ապա և ողջ հայ ժողովրդին, երա առաջադեմ զավակներին և ոչ թե ուրիշ պետութեան կամ «հայասեր» անհատի»<sup>2</sup>:

Շ. Ղազարյանը մանրակրկիտ քննում է նաև հայ իրականութեան մեջ ապստամբութեան լայն արձագանքների հարցը, Զեյ-

<sup>1</sup> Շ. Ղազարյան, Արևմտահայերի սոցիալ-տնտեսական ու քաղաքական կացութիւնը, էջ 497:

<sup>2</sup> Շ. Ղազարյան, նշվ. աշխ., էջ 499. (Ընդգծումը հեղինակինն է— Շ. Շ.):

թունի հետ հայ գործիչների կապերը, Մ. Նալբանդյանի գաղափարամերձ մտավորականների Կ. Պոլսում ծավալած ընդհատակյա գործունեութիւնը և այլն: Նա ժխտում է այնտեղ գաղտնի կոմիտե հիմնված լինելու որոշ հեղինակների անհիմն ենթադրութիւնները: «Բայց շեղած տեղը, կորցրած հիմնականը, հենվելով կղերամիրայականների հրապարակած վայրկեան, մեղադրականի բնույթ ունեցող հողվածների վրա, մեր օրերում եղան մարդիկ, որոնք հյուսեցին իրենց վարկածները, կոմիտե փնտրեցին ամեն տեղ, և թյուրիմացութեան մեջ գցեցին բնթերցողներին»<sup>1</sup>:

XIX դարի 50—60-ական թվականների հայ ժողովրդի ազգային-ազատագրական շարժման պատմութիւնը Շ. Ղազարյանը շարադրել է նաև իր ուսերեն աշխատութեան մեջ, որը, ինչպես ասվել է, որոշ փոփոխութիւններով 1967 թվականին լույս տեսած հայերեն ուսումնասիրութիւնն է:

Զեյթունի 1862 թ. ապստամբութիւնն ավելի հանգամանորեն շարադրված է Շ. Պողոսյանի Զեյթունի ամբողջական պատմութեանը նվիրված մենագրութեան մեջ:

Հայտնի է, որ XIX դարի վերջերից սկսած Զեյթունի պատմութեան հետազոտութեան ուղղութեամբ նշանակալից աշխատանք են կատարել հայ պատմաբաններն ու բանասերները: Շ. Պողոսյանը վերլուծել է հրատարակված աշխատութիւնները, բացահայտել դրանց ինչպես արժանիքները, այնպես էլ տեղ գտած սխալներն ու թերութիւնները: Նա իրավացիորեն քննադատում է Ա. Պերպերյանին, Արտ. Կարինյանին և ուրիշներին, որոնք սխալ են բնութագրել լեռնականների ազատագրական պայքարը թուրքական բռնակալութեան դեմ:

Հենվելով իր կողմից հայտնաբերած մի շարք վավերագրերի տվյալների վրա, պատմաբանը Զեյթունի պատմութեան վերաբերյալ կատարել է բազմաթիվ արժեքավոր ճշգրտումներ, լուսաբանել մինչև այժմ մութ մնացած մանրամասներ: Ուշագրավ է, օրինակ, Երևանի Մատենադարանի կաթողիկոսական դիվանից հանված մի վավերագիրը, որը վկայում է զեյթունցիների ցանկութիւնը Ռուսաստանի հետ կապ պահպանելու և նրա հովանավորութիւնն ստանալու մասին<sup>2</sup>:

<sup>1</sup> Շ. Ղազարյան, նշվ. աշխ., էջ 520. (Ընդգծումը հեղինակինն է— Շ. Շ.):

<sup>2</sup> ՏՃԱ Շ. Պողոսյան, Զեյթունի պատմութիւնը, էջ 231:



Անդրադառնալով Զեյթունի 1862 թ. ապստամբության արդյունքներին, Ն. Պողոսյանը ճիշտ է նկատում, որ թեև ապստամբությունը հաղթանակեց և մեծ նշանակություն ունեցավ հայ ժողովրդի ազգային-ազատագրական շարժումները բորբոքելու տեսակետից, սակայն չի կարելի մոռանալ, որ դրանով էլ վերջացավ Զեյթունի մի քանի դար տևած ինքնավար վիճակը: «Այդուամենայնիվ,— գրում է նա,— թուրքական իշխանություններին եթե չհաջողվեց զենքով հպատակեցնել լեռնականներին, սակայն իրենց այդ վաղեմի ցանկությունը նրանք հասան ապստամբությունից հետո նուրբ քաղաքականության միջոցով և հաստատվեցին Զեյթունում»<sup>1</sup>: Դրանից հետո, շարունակում է Ն. Պողոսյանը, զեյթունցիների ամբողջ պայքարը XIX դարի ընթացքում մղվել է իրենց կորցրած կիսանկախությունը հետ ստանալու համար:

Աշխատության մեջ հանգամանորեն քննվում է հասունյանների և հակահասունյանների պայքարը, ցույց է տրվում Զեյթունում կաթոլիկության մուտքի հետևանքով լեռնականների պառակտման վնասակարությունը:

Խորհրդահայ պատմագրության մեջ շոշափվել է նաև հայ ազգի կազմավորման հարցը: Այդ հարցին առաջինն անդրադարձել է Վ. Պարսամյանը: Տալով ազգի մարքս-լենինյան բնորոշումը, նա գտնում է, որ ինչպես մյուս բոլոր ազգերը, այնպես էլ հայ ազգը կազմավորվել է բարձրացող կապիտալիզմի ժամանակաշրջանում, ֆեոդալական կարգերի փլատակների վրա: Հայ ազգի կազմավորման պրոցեսը, գրում է նա, որը երկարատև պատմական մի պրոցես է եղել, նույնպես կապված է կապիտալիզմի զարգացման, հայ ժողովրդի տնտեսական, քաղաքական ու մշակութային կյանքի վերելքի հետ: «Հայ բուրժուական ազգի կազմավորումը,— գրում է նա,— որը կապիտալիստական ճարտարությունների զարգացման արդյունք էր, իր ժամանակի համար պոզիտիվ երևույթ էր, առաջընթաց մի ֆայլ ֆեոդալիզմից կապիտալիզմին անցման ճանապարհին»<sup>2</sup>:

Վ. Պարսամյանի կարծիքով, հայ ազգը կազմավորվել է XIX դարի երկրորդ կեսին: Անշուշտ, նշում է հեղինակը, հայ ազգի

կազմավորումը տեղի էր ունենում պատմական ուրույն պայմաններում, ցարական Ռուսաստանի և սուլթանական Թուրքիայի տիրապետության տակ, հասարակական-քաղաքական տարբեր միջավայրում: «Թե՛ ցարական և թե՛, մանավանդ, սուլթանական բռնապետական կարգերը կաշկանդում, արգելափակում էին հայ ժողովրդի տնտեսական, քաղաքական ու կուլտուրական զարգացումը: Դա խիստ բացասաբար էր անդրադառնում նաև հայ բուրժուական ազգի կազմավորման նորմալ ընթացքի վրա»<sup>3</sup>:

Պրոֆ. Ն. Գաբրիելյանն իր աշխատություններում հայ ազգի կազմավորման հարցում մի շարք առարկություններ է անում Վ. Պարսամյանին, Մ. Ներսիսյանին և Աշ. Հովհաննիսյանին: Այսպես, նա հանդես է գալիս Վ. Պարսամյանի այն դրույթի դեմ, որ միայն կապիտալիզմի շրջանում է ձևավորվել հայ բուրժուական ազգը, երբ առկա էին ազգի բոլոր տարրերը: Առարկելով վերոհիշյալ պատմաբաններին, որոնք գտնում են, որ հայ ազգը կազմավորվել է XIX դարի երկրորդ կեսին, Ն. Գաբրիելյանը գտնում է, որ հայ բուրժուազիան ձևավորվել է XVII—XVIII դարերում, հետևաբար, այդ ժամանակ էլ կազմավորվել է բուրժուական ազգը<sup>4</sup>: Նույն միտքը նա արտահայտել է մեկ այլ աշխատության մեջ, սակայն այս անգամ հայ բուրժուական ազգի կազմավորման ժամանակաշրջանը բնորոշելով միայն XVIII դարը<sup>5</sup>:

Պնդելով, որ հայ բուրժուազիան և հայ բուրժուական ազգը կազմավորվել են XVII դարում, Ն. Գաբրիելյանն սխալ է համարում Վ. Պարսամյանի այն տեսակետը, թե չի կարելի թուրքական բռնակալության դեմ XIX դարի սկզբին հայ ժողովրդի մղած ազատագրական շարժումները կապել կապիտալիզմի զարգացման և բուրժուական ազգի կազմավորման հետ, քանի որ դրանք սկիզբ են առել կապիտալիզմի ու բուրժուական ազգի հանդես գալուց շատ առաջ<sup>6</sup>:

Հայ բուրժուական ազգի ձևավորման հարցը քննվում է նաև «Հայ ժողովրդի պատմության» VI հատորում: Հեղինակը՝ պրոֆ.

<sup>1</sup> Парсамян В. նշվ. աշխ., էջ 179:

<sup>2</sup> Տե՛ս Ն. Գաբրիելյան, Ազգերի և ազգային կուլտուրաների զարգացման օրինաչափությունները, Եր., 1973, էջ 110:

<sup>3</sup> Տե՛ս Ն. Գաբրիելյան, Հայ փոխադասական մտքի քննական տեսություն, էջ 79—80:

<sup>4</sup> Տե՛ս նույն տեղը, էջ 175:

<sup>1</sup> Ն. Պողոսյան, նշվ. աշխ., էջ 102:

<sup>2</sup> Парсамян В., История армянского народа (1801—1900 гг.), с. 179 (Ընդգծումը հեղինակինն է— Շ. Ն.):



Ն. Թավաբալյանը, նույնպես գտնում է, որ այն, որպես պատմական-հասարակական կատեգորիա, ձևավորվեց կապիտալիստական հարաբերությունների ծագման ու զարգացման ընթացքում: Նրա կարծիքով ևս, շնայած հայ խոշոր, գերազանցապես առևտրական բուրժուազիայի առանձին ներկայացուցիչներ հանդես էին եկել տակավին XVIII դարի երկրորդ կեսից, իսկ բուրժուազիան իր զարգացման առաջին քայլերն էր կատարում, այնուամենայնիվ հայ բուրժուական ազգի ձևավորումը տեղի է ունեցել դրանից մեկ դար հետո<sup>1</sup>:

Տալով ազգի հիմնական հատկանիշները, նա միաժամանակ շեշտել է հայ բուրժուական ազգի ձևավորման պրոցեսի առանձնահատկությունները՝ կապված, մասնավորապես, հայ ժողովրդի տարանջատ գոյավիճակի հետ:

Այսպիսով, շնայած որոշ տարակարծությունների, խորհրդահայ պատմաբանները մեծ ավանդ են ներդրել 1850—1860-ական թվականների հայ ազատագրական շարժումների, հայ հասարակական-քաղաքական մտքի պատմության լուսարանման բնագավառում:

#### 4. Հայկական հարցը և միջազգային դիվանագիտությունը

Այս պրոբլեմը ևս խորհրդահայ պատմաբանների ուշադրության կենտրոնում է եղել, պրոբլեմ, որի գիտական հետազոտությունը սկսվեց 1940—50-ական թվականներին: Մեր նախորդ աշխատության մեջ անդրադարձել ենք Բ. Բորյանի, Լեոյի, Աշ. Հովհաննիսյանի, Վ. Պարսամյանի, Խ. Բաղալյանի և ուրիշների արտահայտած կարծիքներին՝ ընդունելով կամ մերժելով դրանք:

Հայկական հարցի և նրա նկատմամբ միջազգային դիվանագիտության գրաված դիրքի լուսաբանման ուղղությամբ գիտահետազոտական աշխատանքն ավելի բեղմնավոր եղավ վերջին քառորդ դարում:

Այդ հարցին հանգամանորեն անդրադարձել է Ռ. Հովհաննիսյանը՝ «Արևմտահայ ազգային-ազատագրական շարժումները և Կարինի «Պաշտպան հայրենյաց» կազմակերպությունը» մենագրության մեջ, ինչպես նաև «Հայ ժողովրդի պատմության» VI հատորում: Նրա կարծիքով, Հայկական հարցը Արևմտյան Հա-

յաստանի բարենորոգումների, իսկ հետագայում ինքնավարության կամ անկախության խնդիր էր՝ ծնված Սան Ստեֆանոյում: Սակայն ոչ սուլթանական Թուրքիան, ոչ եվրոպական գաղութատիրական երկրները և ոչ էլ ցարական Ռուսաստանը, իրավացիորեն գրում է նա, հայ ժողովրդին ինքնավարություն կամ անկախություն տալու որևէ ցանկություն չունեին: Բացահայտելով մեծ տերությունների դիվանագիտական խաղերը, պատմաբանը նկատում է, որ տարբեր առիթներով նրանց առաջ քաշած կամ պաշտպանած Հայաստանի ինքնավարության պահանջը քաղաքական այս կամ այն նպատակը հետապնդող խաղ է եղել միայն:

Հենվելով որոշ աղբյուրների վրա, Ռ. Հովհաննիսյանը գրտնում է, որ հայկական պատվիրակությունը Բեռլին էր մեկնում սուլթանի գիտությամբ, իսկ կոնգրեսին ներկայացրած Հայաստանի ինքնավարության ծրագրին նախօրոք ծանոթացել և իր հավանություն էր տվել Աբդուլ Համիդը: «Թուրքական կառավարությունը, — գրում է նա, — կոնգրեսում հայերի ինքնավարության առաջընթացումը կարողացավ մոլորեցնել հայ գործիչներին, հետապնդելով Սան Ստեֆանոյի 16-րդ հոդվածի ձախողումը միայն»: Ռ. Հովհաննիսյանը ցույց է տալիս, թե Թուրքիայում ռազմաստրատեգիական և տնտեսական ինչպիսի շահեր ունեին Ֆրանսիան, Անգլիան, Գերմանիան, ուստի Հայկական հարցը լուծելու ուղղությամբ նրանցից և ոչ մեկը, բացի խոստումներից, ոչ մի քայլ չէր կատարում: Իսկ ցարական դիվանագիտությունը, գրում է նա, այդ հարցում երկզիմի քաղաքականություն էր վարում:

Հայկական հարցին անդրադարձել է Վ. Պարսամյանը «Հայ ժողովրդի պատմություն» մենագրության մեջ: Նրա կարծիքով, այն որպես միջազգային դիվանագիտության հարց ծագել է 1877—1878 թթ. ռուս-թուրքական պատերազմից հետո և սերտորեն կապված է Արևելյան հարցի հետ: Հայկական հարցն առաջին անգամ իր արտահայտությունն է գտել 1878 թ. Ռուսաստանի և Թուրքիայի միջև Սան Ստեֆանոյում կնքված հաշտության պայմանագրում: «Ուստի, — իրավացիորեն գրում է նա, — ճիշտ չեն այն հեղինակները, որոնք Հայկական հարցի ծագումը կապում են հայ ժողովրդի ծագման կամ միջին դարերի հայ

<sup>1</sup> Տե՛ս Հայ ժողովրդի պատմություն, հ. VI, էջ 92:

<sup>1</sup> Հայ ժողովրդի պատմություն, հ. VI, էջ 113:



ազատագրական պայքարի հետ»<sup>1</sup>։ Համաձայն ենք Վ. Պարսամ-  
յանի այն դրույթին, թե Հայկական հարցը ծագել ու միջազգա-  
յին դիվանագիտության մեջ մտել է որպես օսմանյան, Թուրքիա-  
յի լծի տակ գտնվող արևմտահայերին վերաբերող հարց, ուստի  
ո՛չ Սան Ստեֆանոյի և ո՛չ էլ Բեռլինի պայմանագրերում խոսք  
չկա և չէր կարող լինել Ռուսաստանի կամ Պարսկաստանի տի-  
րապետության տակ գտնվող հայերի մասին։

Համառոտակի լուսաբանելով Հայկական հարցի պատմու-  
թյունը, Վ. Պարսամյանը անդրադարձել է նաև միջազգային դի-  
վանագիտությանը, բացահայտել մեծ տերությունների թշնամա-  
կան դիրքորոշումը, նրանց դիվանագիտական խաղերը Հայկա-  
կան հարցը տապալելու ուղղությամբ։ Սան Ստեֆանոյի պայմա-  
նագրի 16-րդ հոդվածը փոխարինելով Բեռլինի 61-րդ հոդվա-  
ծով, մեծ տերությունները ոչ միայն չնպաստեցին Արևմտյան  
Հայաստանում ռեֆորմների իրականացմանը, գրում է նա, այլև,  
նրանց միջև եղած հակասությունների հետագա սրման հետևան-  
քով, այդ հարցը գնալով ավելի խճճվեց և նորանոր դժբախտու-  
թյուններ բերեց հայ ժողովրդին։ Վ. Պարսամյանը քննադատում  
է Լեոյին, Բ. Բորյանին, որոնք մեղադրում են Ռուսաստանին և  
16-րդ հոդվածը համարում «մեծագույն շարիք ու ոճիր»։ Իր  
ժամանակի պատմական պայմաններում, գրում է նա, երբ ար-  
յունարբու սուլթան Աբդուլ Համիդը ձգտում էր նույնիսկ աշխար-  
հագրական քարտեզից ջնջել Հայաստան անունը, իսկ Թուրքիայի  
մեծ վեզիր Քյամիլ փաշան ցինիկաբար հայտարարում էր, թե  
«Պետք է ջարդել այն բոլոր ձևափոխությունները, որոնք կարտասանեն  
Հայաստան բառը», 16-րդ հոդվածը հայերի համար դրական  
երևույթ էր<sup>2</sup>։

Հայկական հարցը և միջազգային դիվանագիտությունը 1870—  
1880-ական թվականներին բազմակողմանի և խորազնին հե-  
տազոտվել է պատմական գիտությունների դոկտոր, պրոֆեսոր  
Ջոն Կիրակոսյանի երկհատոր արժեքավոր մենագրության  
մեջ<sup>3</sup>։ Հարկ է նշել, որ նրա մենագրությունը գրված է գիտական

բարձր մակարդակով, բազմաթիվ և բազմաառնակ սկզբնաղ-  
բյուրների և գրականությունից տվյալների հիման վրա, աչքի է  
ընկնում կուռ շարագրանքով։ Օգտագործված են նաև մեծ թվով  
օտարալեզու աղբյուրներ և գրականություն, որոնք լույս են  
սփռում պրոբլեմի լուսաբանման վրա։ Աշխատության արժանիք-  
ները մեկն էլ քննադատական մոտեցումն է։

Մենագրության առաջին գրքում համառոտակի շոշափվում է  
Արևելյան հարցի պատմությունը, ցույց է տրվում, թե ինչպես  
տակավին 1877-78 թթ. ռուս-թուրքական պատերազմի նախօր-  
յակին արևմտահայության փաստական ճակատագիրը աղբու-  
սվում էր միջազգային բարդ իրավիճակին, ընկղմվում արևմտյան  
տերությունների միջազգային հակամարտության մեջ։ Այնու-  
հետև նա ներկայացնում է Հայկական հարցի առաջացման ու  
զարգացման պատմությունը, հանգամանորեն վերլուծում Սան  
Ստեֆանոյի հաշտության պայմանագրի 16-րդ և Բեռլինի պայ-  
մանագրի 61-րդ կետերի բովանդակությունը։ Առանձնապես լավ  
է լուսաբանվել դիվանագիտական այն մրցապայքարը, որ մղ-  
վում էր Սան Ստեֆանոյի հաշտությունից մինչև Բեռլինի կոնգ-  
րեսը։ Բացահայտվում է մեծ տերությունների, հատկապես՝ անգ-  
լիական, դիվանագիտությունը, որոնք ձգտում էին Ռուսաստանից  
խլել հաղթանակի պտուղները, առավելագույն օգուտ քաղել Օս-  
մանյան կայսրության ժառանգությունից։

Լավ է շարադրված հայոց պատվիրակության հեղհեղուկ ու  
հակասական ծրագրերով, անփորձություններով լի գործունեու-  
թյունը։ Ծիշտ է նկատել Ջ. Կիրակոսյանը, գրելով, որ դիվանա-  
գիտական պրակտիկան օտար էր հայկական պատվիրակության  
անդամներին։ «Պետականության բացակայությունը,— գրում է  
նա,— նշանակում է խարխափել անորոշության մեջ և լուկ հան-  
դես գալ խնդրատուի, այլ ոչ թե պահանջողի, մաքառողի դերում։  
Հղոր ազգային-ազատագրական շարժման գինված պայքարի,  
հավաքական ուժի, բռնուցքի բացակայությունը ի շիք էին դարձ-  
նում եվրոպական տերությունների կողմից հայկական հարցա-  
գրումներին լրջորեն վերաբերվելու հնարավորությունը»<sup>1</sup>։

Անդրադառնալով Արևմտյան Հայաստանի համար եվրոպա-  
կան դիվանագիտության օգնությամբ ակնկալվող բարեփոխու-  
թյունների հարցին, նա գրում է, որ այդ բարեփոխությունները

<sup>1</sup> Ջ. Կիրակոսյան, նշվ. աշխ., էջ 276։

<sup>1</sup> Парсаян В., История армянского народа (1801—1900 гг.), с. 280.

<sup>2</sup> Տե՛ս նույն աեղը, էջ 284։ (Ընդգծումը հեղինակինն է— Շ. Հ.)։

<sup>3</sup> Տե՛ս Ջ. Կիրակոսյան, Բուրժուական դիվանագիտությունը և Հայաստանը  
(XIX դարի 70-ական թթ.), Եր. 1978, Բուրժուական դիվանագիտությունը և  
Հայաստանը (XIX դարի 80-ական թթ.), Եր., 1980։



տարբեր ձևով էին ընկալվում տարբեր դասակարգերի ու խավերի կողմից: Հայ բուրժուազիան, օրինակ, նոր հնարավորություններ էր տեսնում իր տնտեսական բարգավաճման, նոր շուկաների, իր շահերին համապատասխան նոր դյուրությունների համար: Կ. Պոլսի հայ մտավորականներն ու պետական պաշտոնյաները մտածում էին իրենց ազդեցության ընդլայնման, պետական հիերարխիայում դիրք գրավելու, տիտղոսներ ստանալու մասին: Աշխատավոր դասակարգերն էին, որ ազգային ու սոցիալական կապանքները թոթափելու, ազբատության ու թշվառության ճիւղաններից ազատվելու երազներով էին մխիթարվում: Կ. Պոլսի հայ փողատեր վերնախավը շահազանց զգայուն էր արևմտանվորույթի գիվանագիտական գործողությունների նկատմամբ՝ սեփական շահը փնտրելու տեսակետից<sup>1</sup>:

Բացահայտելով թուրքական պետության հակահայկական, հակառուսական քաղաքականությունը, նա միաժամանակ ցույց է տալիս թուրքական կառավարության խորամանկ դիրքը հայկական պատվիրակությունը Բեռլին ուղարկելու հարցում. «Սա մի մաքիավելական մեթոդ էր, նենզ գիվանագիտություն»<sup>2</sup>:

Ինչպես շատ պատմաբաններ, Ջ. Կիրակոսյանը ևս ճիշտ է մատնանշում Բեռլինի պայմանագրի 61-րդ հոդվածի խիստ բացասական դերը հայ ժողովրդի քաղաքական կյանքում: Անդրադառնալով Բեռլինից հետո ստեղծված իրադրությունը, նա գրտնում է, որ այդ կոնգրեսից հայերը շոշափելի ոչինչ չստացան, փոխարենը շահելով թուրքական իշխանությունների բացահայտ թշնամությունը: Սուլթան Համիդը որոշակի հակահայկական քաղաքականություն որդեգրեց: «Սկսվում է զուլումի շրջանը, որը տասնամյակների ընթացքում ուժասպառ արեց արևմտահայությանը»<sup>3</sup>:

Ջ. Կիրակոսյանի մենագրության երկրորդ գիրքն ընդգրկում է XIX դարի 80-ական թվականները, մի տասնամյակ, որը նա բնութագրում է որպես հուլիսի ու հուսիսարևմտյան, պայքարի ու նախապատրաստությունների ժամանակաշրջան: Մի կողմից՝ սպասելիքներ գիվանագիտությունից, տերություններից, գրում է նա, մյուս կողմից՝ հուսախաբություն նրանցից, ատելություն

բուրժուական գիվանագիտության, աշխարհի հզորների բարբերի հանդեպ և ժողովրդի ազատագրության սեփական ուղիների որոնումներ, իր ուժերին կոթնելու զարգացումներ: Այստեղ ևս բացահայտելով արևմտանվորույթի գիվանագիտության գործողությունների հակաժողովրդական էությունը, միաժամանակ ցույց է տրվում եվրոպական դեմոկրատական շրջանների հումանիստական դիրքորոշումը: «Պատմագիտության շահերը պահանջում են,— գրում է նա,— դասակարգային, կուսակցական դիրքերից տարբերություն դնել Հայկական հարցում իմպերիալիստների և եվրոպական, ռուսական առաջագեմ հասարակական, քաղաքական ուժերի խաղացած դերի միջև»<sup>4</sup>:

Աշխատության մեջ նկարագրված է Արևմտյան Հայաստանի 80-ական թվականների ծանր վիճակը: Թուրքական կայսրության ներքին դրությունը դառնում է աղետալի, գրում է պետմաբանը, երկրի տնտեսական քայքայման հետ մեկտեղ ուժեղանում է տերությունների տնտեսական-ֆինանսական ներխուժումը, սկզբնավորվում է սուլթան Աբդուլ Համիդի հայահալած քաղաքականությունը: Բարձր Գուռը արհեստականորեն հրահրում է քրդական վերնախավի հակահայկական մոլուցք: Պուսահայ վերնախավի մեջ առաջանում է պառակտում: Օգտագործելով գլխավորապես ժամանակի մամուլի նյութերը, Ջ. Կիրակոսյանը հարուստ փաստերով շարադրել է Հայկական հարցը լուծելու վերաբերյալ հայ գործիչների կարծիքները:

Աշխատության մեջ հեղինակը ցույց է տվել միջազգային հարաբերությունների զարգացումը Բեռլինի կոնգրեսից հետո, մեծ տերություններից յուրաքանչյուրի քաղաքականությունը, ընդգծել միջազգային քաղաքականության մեջ Գերմանիայի դերի մեծացումը, Հայկական հարցի արծարծումը մեծ տերությունների, հատկապես Անգլիայի և Ռուսաստանի կառավարությունների կողմից:

Հայկական հարցը և եվրոպական գիվանագիտությունը 1890-ական թվականներին քննվում է Ջ. Կիրակոսյանի մի այլ աշխատության մեջ, որը նվիրված է երիտթուրքերի քաղաքականու-

<sup>1</sup> Տե՛ս Ջ. Կիրակոսյան, նշվ. աշխ., էջ 208—209:

<sup>2</sup> Նույն տեղը, էջ 245:

<sup>3</sup> Նույն տեղը, էջ 320:

<sup>4</sup> Ջ. Կիրակոսյան, նշվ. աշխ., էջ 347:



թյան քննադատությունը<sup>1</sup>։ Այստեղ ևս ցույց է տրված եվրոպական դիվանագիտության երկդիմի վարքագիծը Հայկական հարցում, որը փորձում էր օգտագործել այն իր սեփական շահերի, սուլթանի վրա ճնշում գործադրելու, նրա պետության վրա իր ազդեցությունը տարածելու, տնտեսական ու քաղաքական օգուտներ քաղելու համար։

Արևելյան հարցի գոյությունը ամբողջ ընթացքում մեծ է եղել Ռուսաստանի արտաքին քաղաքականության դերը։ Աշխատության մեջ բացահայտվում է ցարական կառավարության դիրքորոշումը Հայկական հարցի նկատմամբ։ Հակառակ նրա վարած հետադիմական քաղաքականությանը, ուստի առաջադեմ հասարակական ուժերը մեծագույն համակրանքով էին վերաբերվում հայ տառապյալ ժողովրդին, արևմտահայության ազատագրմանը։ Զ. Կիրակոսյանի կարծիքով, XIX դարի 90-ական թվականներին, թուրքական բռնակալության դեմ հայոց ազատագրական մաքառումների ժամանակ, եվրոպական դիվանագիտության սարքած խաղերի մեջ ամենակտիվ դերը պատկանում էր Լոնդոնին<sup>2</sup>։ Բայց, միևնույն ժամանակ, սուլթանի գլխավոր հենարանը և օժանդակողը կայզերական Գերմանիան էր։ Սուլթանին աջակցողների թվում էին նաև Ֆրանսիան ու ԱՄՆ-ը։ Վերջինիս կառավարությունը հայոց ողբերգության պահին, ինչպես գրում է Զ. Կիրակոսյանը, պլատոնական դիրք էր զբաղեցրել։ Այսպիսով, գրում է նա, պաշտոնական Արևմուտքը միայն ողբշնչեց մեծ մարդասպանին, ոչնչով չկանխելով հայոց ողբերգությունը։

Հայկական հարցի, օսմանյան բռնակալության դեմ հայ ժողովրդի մղած ազատագրական պայքարի նկատմամբ արևմտյան մեծ տերությունների նենգ քաղաքականությունը համոզիչ փաստերով քննադատում է պատմական գիտությունների գոկտոր Զ. Վարդանյանը։

Նրա մենագրության մեջ լայն տեղ է տրված նաև ցարիզմի քաղաքականության մերկացմանը։ «Արևմտահայ ժողովրդի ծանր ողբերգության խոշոր մեղավորներից էր նաև ցարիզմը, — գրում է նա։ — Յարական ռազմաֆեոդալական բյուրոկրատիան,

հակառակ ուստի ժողովրդի ու նրա առաջավոր խավերի կամքի, վարում էր հակահայկական քաղաքականություն»<sup>3</sup>։

Աշխատության մեջ դիտողություն կա Լեոյի այն տեսակետի առթիվ, ըստ որի Հայկական հարցի պատմությունը հայ ազգի պատմությունն է սկզբից մինչև մեր օրերը<sup>4</sup>։ Այդտեղից էլ Զ. Վարդանյանի եզրակացությունը. «Հետևապես ճիշտ չեն նրանք, ովքեր հայերի ազատագրական շարժումները շփոթում են Հայկական հարցի հետ»<sup>5</sup>։

Տեղին է ասել, որ, իրոք, այդ սխալը բավականին տարածված է խորհրդահայ պատմական գրականության մեջ։ Օրինակ, Ե. Սարգսյանը, «Օսմանյան կառավարության քաղաքականությունը Արևմտյան Հայաստանում և պետությունները XIX դարի վերջին քառորդին և XX դարի սկզբին» մենագրության մեջ պատշաճ տեղ հատկացնելով հայ ազատագրական շարժումներին և Հայկական հարցի նկատմամբ մեծ տերությունների քաղաքականությանը, գտնում է, որ սուլթանական բռնապետության դեմ հայ ժողովրդի մղած ազգային-ազատագրական պայքարը «հենց Հայկական հարցի բովանդակությունն է եղել»<sup>6</sup> և կամ թե՛ «հենց դա Հայկական հարցն է»<sup>7</sup>։

Մեր կարծիքով, չի կարելի շփոթել «Հայկական հարց» և «հայ ազգային-ազատագրական շարժումներ» կամ «հայերի ազգային-ազատագրական պայքար» հասկացությունները։ Հայտնի է, որ այն ձևակերպվել է, նախ, Սան Ստեֆանոյում, ապա մեծ տերությունների դիվանագիտական բարձրագույն ոլորտում՝ Բեռլինի կոնգրեսում, ուստի այն երբեք չի կարելի նույնացնել հայ ազատագրական շարժումների հետ։

Եթե ընդունենք, որ Հայկական հարցը հայ ժողովրդի ազատագրության հարցն էր, ապա համապատասխանաբար պետք է

<sup>1</sup> Զ. Վարդանյան, Արևմտահայերի ազատագրության հարցը և հասարակական-քաղաքական հոսանքները XIX դարի վերջին քառորդում, Եր., 1967, էջ 245։

<sup>2</sup> Տե՛ս Առ, Հայոց հարցի վավերագրերը, Քիֆլիս 1915, էջ 1։ Հայտնի է, որ Լեոն Հայկական հարցի առաջամասն ժամանակի վերաբերյալ ունեցել է տարբեր կարծիքներ։ Նա մի դեպքում գրում է, թե «Հայոց հարցն ունի 25 դարի պատմություն», և որ «Հայկական հարցը այնքան հին է, որքան հին է հայ ազգը», մի ուրիշ տեղ՝ «Հայոց հարցը առաջացել է 1862 թվականին Զեյթունի ապստամբության ժամանակ», իսկ մի այլ տեղ՝ «Հայոց հարցը ծնվել է կես դար առաջ, այսինքն՝ 1877—78 թթ. ուստի-թուրքական պատերազմի ժամանակ»։

<sup>3</sup> Զ. Վարդանյան, նշվ. աշխ., էջ 14։

<sup>4</sup> Տե՛ս Տարկիսյան Է., Политика османского правительства..., էջ 5։

<sup>5</sup> Տե՛ս նույն տեղը, էջ 6։

<sup>1</sup> Տե՛ս Զ. Կիրակոսյան, Երիտթուրքերը պատմության դատաստանի առաջ, Եր., 1982։

<sup>2</sup> Տե՛ս նույն տեղը, էջ 76։



ընդունենք, որ Արևելյան հարցն էլ Արևելքի ժողովուրդների ազատագրության հարցն է եղել: Մինչդեռ հայտնի է, որ Արևելյան հարց տերմինը, որն առաջին անգամ օգտագործվել է 1822 թ. Սրբազան դաշինքի Վերոնայի կոնգրեսում, դիվանագիտության մեջ հասկացվում էր Օսմանյան կայսրության բաժանման համար մեծ տերությունների միջև ծավալված պայքարի հարց:

Ե. Սարգսյանը տեղին է քննադատում այն թուրք պետական գործիչներին ու պատմաբաններին, ովքեր պնդել ու պնդում են, թե, իբր, թուրքական լծի դեմ արևմտահայերի մղած ազգային-ազատագրական շարժումները տեղի են ունեցել Լոնդոնի անգլո-հայկական ընկերության և հնչակյան ու դաշնակցական կուսակցությունների ագիտացիայի շնորհիվ, արհեստականորեն, առանց հիմնավոր պատճառների: Կասկած լինել չի կարող՝ այդ շարժումները արհեստականորեն չէին հրահրվում, դրանք Օսմանյան կայսրության կառավարող վերնախավերի քաղաքականության՝ Արևմտյան Հայաստանում և Կիլիկիայում իրականացվող հայերի ազգային և սոցիալական անտանելի կեղեքման, տնտեսական քայքայման, բռնի ձուլման ու ֆիզիկական ոչնչացման, հետեվանք էին: Ճիշտ է նրա այն միտքը, թե Արևմտյան Հայաստանի և Կիլիկիայի բնակչությունը, չհաշտվելով թուրքական ֆեոդալաբուրժուական վարչակարգին, մշտապես պայքար էր մղում իր ազգային ազատագրման համար: Սակայն շենք կարող համաձայնվել նրա այն դրույթին, թե «դրանով հերքվում է պատմական դրականության մեջ գոյություն ունեցող այն կարծիքը, որը ժխտում է արևմտահայերի ազգային-ազատագրական պայքարը, այսինքն՝ Հայկական հարցի օրինաչափությունները»<sup>1</sup>:

Անհամոզիչ է Ե. Սարգսյանի այն միտքը, թե ովքեր գտնում են, որ Հայկական հարցը միջազգային դիվանագիտության հարց է և առաջ է քաշվել մեծ տերությունների կողմից, ապա նրանք դրանով ժխտում են արևմտահայերի ազգային-ազատագրական շարժումները:

Կրկնում ենք, չի կարելի «հայ ազատագրական շարժում» հասկացությունը նույնացնել «Հայկական հարցի» հետ: Որքան մեզ հայտնի է, չկա մի պատմաբան, որը ժխտեր հայերի ազատագրական շարժման գոյությունը: Այլ բան է ասել, որ Հայկական հարցը, որպես միջազգային դիվանագիտության հարց՝ ծա-

գել է ոչ առանց հիմքի, և որ այն չէր լինի, եթե չլիներ նաև հայերի ազատագրական պայքարը: Անտարակույս, դրանք իրարից անջատելի չի կարելի, բայց նույնացնել, նույնպես չի կարելի:

«Հայկական հարց» և «արևմտահայության ազատագրման հարց» հասկացությունները նույնացված են նաև Մ. Արզումանյանի առաջին համաշխարհային պատերազմի ժամանակաշրջանի պատմությանը նվիրված աշխատության մեջ: Նա հենց այդպես էլ գրում է. «Հայկական հարցը ըստ էության արևմտահայության ազատագրման հարցն էր»<sup>2</sup>:

«Հայկական խորհրդային հանրագիտարանի» VI հատորում զետեղված «Հայկական հարց» հոդվածում Զ. Կիրակոսյանը ևս գրում է, որ Հայկական հարցը «թուրքական լծից արևմտահայության ազատագրման, հայ ժողովրդի ինքնորոշման ու սեփական պետականությունն ստեղծելու համար մղված պայքարի անվանումն է դիվանագիտության պատմության մեջ» (էջ 185):

Հայկական հարցի էությունը ճիշտ չի բնութագրված նաև Կ. Թառոյանի մենագրության մեջ: «Հայկական հարցը, — գրում է նա, — իր բուն էությամբ արտահայտում էր արևմտահայության աշխատավոր մասսայի դարավոր ձգտումները՝ վերջ դնել օսմանյան սուլթանների, թուրք աղաների ամեն տեսակ բռնություններին, ձեռք բերել տնտեսական ու քաղաքական ազատություն, պաշտպանել և ապահովել արևմտահայ աշխատավորների մարդկային արժանապատվությունը, նորմալ պայմաններ ստեղծել նրանց հետագա դարգացման համար»<sup>3</sup>: Այստեղ նույնպես բացարձակորեն շփոթված են «Հայկական հարց» և «հայ ազատագրական շարժումներ» հասկացությունները:

Նույնը կարելի է ասել թուրքագետ-բանասեր Մ. Քոչարի վերաբերյալ: «Այդ ժամանակաշրջանում, — գրում է նա, — հայ-թուրքական հարաբերությունների հիմքում ընկած կնճռոտ պրոբլեմը Արևմտյան Հայաստանի ազատագրման հարցն էր, որը միջազգային հարաբերությունների ոլորտում մտել է «Հայկական հարց» անունով»<sup>3</sup>: Մի այլ տեղ նա գրում է. «Հայկական հարցի

<sup>1</sup> Մ. Արզումանյան, Հայաստան, 1914—1917 թթ., Եր., 1969, էջ 657:

<sup>2</sup> Կ. Թառոյան, Արևմտահայերի ազատագրական պայքարը XIX դարի վերջերին և XX դարի սկզբներին, Եր., 1980, էջ 71:

<sup>3</sup> Կոչար Մ., Армяно-турецкие общественно-политические отношения и армянский вопрос в конце XIX—начале XX веков, Е., 1988, с. 3.

<sup>1</sup> Саркисян Е., նշվ. աշխ., էջ 6:



էութիւնը հայկական պետականութեան վերականգնումն էր պատմական Հայաստանի տարածքում<sup>1</sup>: Ո՛չ: Հայկական հարցը ո՛չ Արեւմտյան Հայաստանի ազատագրման և ո՛չ էլ հայկական պետականութեան վերականգնման հարցն էր: Հայկական հարցը, ինչպէս ասացինք, մեծ տերութիւնների կողմից միջազգային դիվանագիտութեան մեջ առաջ քաշված այն հարցն էր, որը վերաբերում էր Արեւմտյան Հայաստանում բարեփոխումներ կատարելուն: Հենց այդ էլ Սան Ստեֆանոյի 16-րդ և Բեռլինի 61-րդ կետերի բովանդակութիւնն էր կաղմում: Մի՞թե պարզ չէ, որ դիվանագիտական այդ բարձրագույն ատյանում ոչ մեկի մտքով չէր անցնում վերականգնել հայկական պետականութիւնը պատմական Հայաստանի տարածքում կամ Արեւմտյան Հայաստանի ազատագրումը, ինչպէս գրում է Մ. Քոչարը: Այլ բան է, որ այդ բարդ, խճճված հարցը զարգացման տարբեր փուլեր ունենալով, տարբեր ձև ու բովանդակութիւն ունեցավ:

Վերջին տարիներին Հայկական հարցի ծագման ժամանակի մասին խորհրդահայ պատմագրութեան մեջ առաջ քաշվեց նոր տեսակետ: Ինչպէս հայտնի է, ըստ պատմագրութեան մեջ ընդունված տեսակետի Հայկական հարցը ծագել է 1877—1878 թթ. ռուս-թուրքական պատերազմի ժամանակ, և իր արտահայտութիւնը գտել Սան Ստեֆանոյի և Բեռլինի պայմանագրերում: Գ. Գալոյանը գտնում է, որ այն ծագել է 1555 թ.<sup>2</sup> Թուրքիայի և Պարսկաստանի միջև կնքված Ամասիայի պայմանագրով: «Այդ օրերից իսկ Հայկական հարցը դարձավ արեւմտյան խոշոր տերութիւնների դիվանագիտական մեքենայութիւնների առարկա», — գրում է նա<sup>3</sup>:

Նույն կարծիքին է պատմական գիտութիւնների ղոկտոր, պրոֆեսոր Լ. Խուրշուդյանը: Գ. Գալոյանի ներքոհիշյալ աշխատութեան վերաբերյալ իր գրախոսական հոդվածում նա գրում է. «Այսպիսով, Գ. Գալոյանը հերքում է այն տիրապետող կարծիքը, որի համաձայն Հայկական հարցը սկիզբ է առել 1877—1878 թթ. պատերազմով և վերաբերվում է միայն Արեւմտյան Հայաստանին»<sup>3</sup>:

Հայտնի և նորահայտ վավերագրերի հիման վրա Ս. Մարկոս-

յանի աշխատութեան մեջ բացահայտված է մեծ տերութիւնների նենգ քաղաքականութիւնը հայ ժողովրդի նկատմամբ: Այդտեղ նա հանգամանորեն վերլուծում է նաև Սան Ստեֆանոյի պայմանագրի 16-րդ և Բեռլինի պայմանագրի 61-րդ հոդվածները և կատարում մի շարք արժեքավոր դիտողութիւններ: Ճիշտ է նրա դիտողութիւնը բեկիցացի ճանաչված իրավագետ Ռուլեն-ժեկմենի այն տեսակետի մասին, ըստ որի Բեռլինի պայմանագրի 61-րդ հոդվածը «Սան Ստեֆանոյի տրակտատի նույն 16-րդ հոդվածն է, միայն ավելի ծավալուն և ճշգրիտ որոշված»: Առարկելով այդ սխալ մեկնաբանութեան դեմ, Ս. Մարկոսյանը իրավացիորեն գրում է, որ «Բեռլինի տրակտատի 61-րդ հոդվածի բովանդակութիւնը Սան Ստեֆանոյի տրակտատի 16-րդ հոդվածի ոչ միայն «ավելի ծավալուն և ավելի ճշգրիտ» տարբերակը չէր, այլ նրա խեղաթյուրումն էր ի վնաս հայ ժողովրդի: Անզիական դիվանագիտութիւնը Կիպրոսի վերաբերյալ կոնվենցիայով իր վրա վերցրած պարտականութեամբ փրկեց իր հովանավորյալ Թուրքիային»<sup>1</sup>:

Հեղինակը ցույց է տալիս, որ Արեւելքում ցարական Ռուսաստանի և Անգլիայի միջև օրըստօրե ուժեղացող հակասութիւններն ու համառ պայքարը նպաստում էին թուրքական կառավարութեան հայահալած և հայաջինջ քաղաքականութեան իրականացմանը: Տեսնելով, որ Հայկական բարձրավանդակը Անգլիայի համար դառնում է Ռուսաստանի դեմ գործելու ստրատեգիական կետ, ցարիզմը 1890-ական թվականներին ձգտում էր Հայկական հարցը թողնել որպէս սոսկ Թուրքիայի ներքին հարց, առանց Անգլիայի կամ որևէ այլ պետութեան հովանավորութեան: «Երժ-բախտութիւնն այն էր, — գրում է նա, — որ հայերին հովանավորելու պատրվակով հանդես էին եկել տարամերժ շահերով երկու ոխերիմ ախոյան»<sup>2</sup>:

Բացահայտելով Հայկական հարցի լուծման նկատմամբ ցարական դիվանագիտութեան դիրքորոշումը, Ս. Մարկոսյանն ուշագրավ տվյալներ է բերում ռուս առաջադեմ մտածողների կարծիքներից, մարդիկ, որոնք ժամանակին դատապարտել են այդ քաղաքականութիւնը:

Ի դեպ, խորհրդահայ որոշ պատմաբաններ սխալմամբ

<sup>1</sup> Кочар М., ն.վ. աշխ., էջ 17:

<sup>2</sup> Գ. Գալոյան, Պատմութեան օտոուղիներում, էջ 76:

<sup>3</sup> «Գրական թերթ», 30 սեպտեմբերի 1983 թ.:

<sup>1</sup> Ս. Մարկոսյան, Արեւմտահայութեան վիճակը XIX դարի վերջերին, էջ 289:

<sup>2</sup> Նույն աւղբ, էջ 313:



մասնավորապես ԳԴԷ-ի արխիվներից հանված մի շարք կարևոր վավերագրերով:

Արևմտյան Հայաստանում անգլիական իմպերիալիզմի քաղաքականությունից բացահայտմանն է նվիրված պատմական գիտությունների թեկնածու Լ. Բայրամյանի մենագրությունը<sup>1</sup>: Հանգամանորեն վերլուծելով անգլիական իմպերիալիզմի տնտեսական և ռազմաստրատեգիական շահերը Թուրքիայում և Արևմուտյան Հայաստանում, հեղինակը ցույց է տվել, որ անգլիական կառավարությունը, շնայած նրա ղեկավարների ու ղիվանագետների երկգիմի ու շողքորթ հայտարարություններին, ամեն կերպ ձգտում էր հայ ժողովրդին պահել Օսմանյան կայսրության կազմում: Աշխատության զգալի մասը նվիրված է Հայկական հարցի նկատմամբ Անգլիայի դիրքորոշմանը, այն դիտվում է որպես «ռեակցիոն ու թշնամական»<sup>1</sup>:

## 5. Հասարակական-քաղաքական պայքարը, ազգային-ազատագրական շարժումները 1870—1890-ական թվականներին: Քաղաքական կուսակցությունների ձևավորումը

Խորհրդահայ պատմաբանները վերջին երկուս ու կես տասնամյակում զգալի աշխատանք են կատարել XIX դարի 70—90-ական թվականների ազգային-ազատագրական շարժումների, հասարակական հոսանքների և քաղաքական կուսակցությունների ձևավորման պատմության գիտական հետազոտության ուղղությամբ:

Ինչպես հայտնի է, երկար ժամանակ խորհրդահայ պատմագրության և գրականագիտության մեջ թույլ տրված կոպիտ սխալներից մեկն էլ արտահայտվել է XIX դարի երկրորդ կեսի հայ ազատագրական շարժման, հատկապես այդ շարժման գաղափարախոսներ Բաֆֆու, Ռ. Պատկանյանի, Գր. Արծրունու և մյուսների գնահատման հարցում: Օրինակ, Մ. Ներսիսյանը 1953 թ. հունվարի 13-ին հանդես գալով «Խորհրդային: Հայաստան» թերթում, ինքնաքննադատաբար նշում է, որ իր աշխատություններում հայ ազգային-ազատագրական շարժումը մեկ-

նարանել է որպես ժողովրդագեմոկրատական շարժում: «Փոխանակ վճարաբ ու հետևողականորեն մերկացնելու և ցույց տալու Պատկանյանի և Բաֆֆու բուրժուական նացիոնալիզմի ռեակցիոն էությունը,— գրում է նա,— ես նրանց պատկերել եմ որպես պրոգրեսիվ դեմոկրատներ: Ես սխալ գնահատական եմ տվել նաև մի շարք բուրժուանացիոնալիստական խմբակներին և նրանց գործիչներին»<sup>2</sup>:

1950-ական թվականների կեսերից շտկվեցին թույլ տրված այդ սխալները: Բաֆֆու վեպերն ու պատմվածքները, գրում է Վ. Պարսամյանը, ծառայել են հայ ժողովրդի, առաջին հերթին թուրքական բռնապետության դաժան լծի տակ հեծող արևմտահայերի ազատագրմանը: «Լինելով ջերմ հայրենասեր և ազգային-դեմոկրատական հայացքների տեր, Բաֆֆին իր գրվածքներում, ինչպես և հրապարակախոսական հոդվածներում, խիստ քննադատում է պարսկական ու թուրքական հետամնաց ֆեոդալական կարգերը, եվրոպական մեծ տերությունների գաղութային քաղաքականությունը<sup>1</sup>: Նույն բարձր գնահատականն է տրվում նաև Ռ. Պատկանյանին. «Ռ. Պատկանյանը հայ ժողովրդի ազգային-ազատագրական պայքարի ամենաընդունակ գաղափարախոսներից էր, նրա ազատասիրական ու հայրենասիրական պոեզիան այդ պայքարի ձեռնարկն էր»<sup>2</sup>: Նման ճիշտ գնահատականներ են տվել նաև խորհրդահայ մյուս պատմաբաններն ու գրականագետները:

Արդ փորձենք ցույց տալ, թե խորհրդահայ պատմագրության մեջ ինչպես են լուսաբանվել վերոհիշյալ հարցերը վերջին քառորդ դարում: Նախ՝ հայ ազատագրական խմբակների մասին:

Արևմտահայ ազգային-ազատագրական շարժումների ֆոնի

\* Ի դեպ, այդ նույն նամակում Մ. Ներսիսյանը գրում է նաև հետևյալը. «Հանդես գալով «Ազգային ազատագրական շարժումը և հասարակական-քաղաքական հոսանքները Հայաստանում XIX դարի երկրորդ կեսին» գեկուցումով, ես լիակատար հնարավորություն ունեի վճարաբ ընդունելու իմ սխալները: Սակայն ես այդ շեմ արել եմ զեկուցումը ինքնաքննադատական չէր: Միաժամանակ ես խիստ և ծավալուն քննադատության շնորհակցի Լեոյի, Աշոտ Հովհաննիսյանի և ուրիշ պատմաբանների ու գրականագետների հակագիտական, բուրժուական-նացիոնալիստական կոնցեպցիաները, մարդիկ, որոնք կոպիտ սխալներ են թույլ տվել հայ ժողովրդի և հայ գրականության պատմության հարցերում»:

<sup>1</sup> Парсамян В., История армянского народа (1801—1900 гг.), с. 362.

<sup>2</sup> Նույն տեղը, էջ 360 (Ընդգծումը հեղինակինն է—Շ. Հ.):

<sup>1</sup> Տե՛ս Լ. Բայրամյան, Արևմտյան Հայաստանը անգլիական իմպերիալիզմի պլաններում XIX դարի վերջին քառորդում, Եր., 1982:

<sup>2</sup> Նույն տեղը, էջ 124:



վրա հայ ազատագրական խմբակների, առանձնապես Կարինի «Պաշտպան հայրենյաց» կազմակերպության, գործունեության լուսաբանությանն է նվիրված Ռ. Հովհաննիսյանի մեծագրությունը<sup>1</sup>: Հեղինակը իրավամբ այդ կազմակերպությունը համարում է 70—80-ական թվականների արևմտահայ ազատագրական շարժումների վերընթացի փառապատկար: «Պաշտպան հայրենյացի»<sup>2</sup> որպես արևմտահայ ազգային-ազատագրական շարժման քիչ թե շատ համասփյուռ կազմակերպության գործունեությունը, գրում է նա, նշանակալի երևույթ էր հայ իրականության մեջ և նոր ճանապարհ էր հարթում արևմտահայ ժողովրդի գալիք հերոսամարտերի համար<sup>3</sup>:

Ռ. Հովհաննիսյանը գտնում է, որ այդ կազմակերպության շարժիչ ուժը քաղաքի արհեստավորական դասն էր և շրջակա գյուղացիությունը: «Այն գալիս է նորից հաստատելու,— գրում է նա,— որ Արևմտյան Հայաստանի ազատագրմամբ առաջին հերթին շահագրգռված էր կրկնակի ճնշման տակ գտնվող հայ աշխատավոր դասակարգը, քանզի ազատագրված ու անկախ հայրենիքից հույժ առաջնահերթ ու անհրաժեշտ սպասելիքներ նա ուներ»<sup>4</sup>:

Հանգամանորեն շարադրելով այդ կազմակերպության գործունեությունը, նա թյուրիմացության արդյունք է համարում «Նորքի» 1926 թ. № 2-ում «Պաշտպան հայրենյացի» անդամների մասին Արտ. Կարինյանի ոչ ճիշտ գնահատականը, այսինքն՝ իրր նրանք բացառապես «քաղաքացիք» էին՝ «արհեստավորներ» և «վաճառականներ», իսկ քիչ ավելի ներքև կազմակերպությունը համարում է «մի խումբ վաճառականների պատահական ձեռնարկություն»<sup>5</sup>: Ռ. Հովհաննիսյանը սխալ է համարում այն կարծիքը, թե, իբր, կազմակերպությունը ղեկավարվել է Քիֆլիսից՝ Բ. Նավասարդյանի միջոցով (լեռ), կամ 1878—1880-ական թվականների արևմտահայ շարժումները կազմակերպել է Բ. Նավասարդյանը (Կ. Նշկյան): Հեղինակը սխալ է համարում նաև մյուս ծայրահեղ կարծիքը, ըստ որի զուտ պատահական է եղել

կազմակերպության և Քիֆլիսի գործիչների կապը (Ա. Գյուլխանդանյան)<sup>6</sup>:

Հայ ազգային-ազատագրական խմբակների ու կազմակերպությունների գործունեությունը Ռ. Հովհաննիսյանը լուսաբանում է նաև «Հայ ժողովրդի պատմության» բազմահատորյակի VI հատորում: Այստեղ նա, նախ և առաջ, կանգ է առնում Վանի «Միություն ի փրկություն» գաղտնի ընկերության գործունեության վրա: Նշելով արևմտահայ իրականության մեջ ստեղծված մի քանի այլ ընկերությունների մասին, հեղինակը անդրադառնում է նաև Արևելյան Հայաստանում ստեղծված ընկերություններին: Նրա կարծիքով, թեև սոցիալական խայտաբղետ կազմունեցող այդ խմբակների անդամների միջև քաղաքական ու գաղափարական միասնություն չկար, բայց նրանց ընդհանուր նպատակը մեկն էր՝ ազատագրված տեսնել իրենց հայրենիքը:

Ռ. Հովհաննիսյանն ավելի լայնորեն բացահայտել է 1877—1878 թթ. ռուս-թուրքական պատերազմից հետո հայ իրականության մեջ ստեղծված մի շարք ազատագրական ու հայրենասիրական խմբակների ու կազմակերպությունների գործունեությունը: Դրանց շարքում իր ուրույն տեղն ունի Կարինի «Պաշտպան հայրենյացը»:

«Հայ ժողովրդի պատմության» VI հատորում մի ամբողջ գլուխ նվիրված է 1890-ական թվականների ազգային-ազատագրական շարժումների պատմությանը: Այս բաժնի հեղինակներն են Ռ. Հովհաննիսյանը և Մ. Աղայանը: Այստեղ նկարագրված են թուրքական կառավարության հայահալած քաղաքականությունը, նրա կազմակերպած հայկական ջարդերը: Այդ բոլորի դեմ ոտքի է կանգնում արևմտահայությունը, ծավալվում են ժողովրդական շարժումները: Թուրքական կառավարության հայահալած քաղաքականության դեմ ուղղված ժողովրդական հուզումները լայն թափ ստացան հատկապես Սասունում և Զեյթունում: Հատորում լայն տեղ է տրված Սասունի 1894 թ. հերոսամարտին, Զեյթունի 1895 թ. ապստամբությանը, Վանի 1896 թ. ինքնապաշտպանությանը: Նկարագրելով 1890-ական, հատկապես 1895 թ. աշնանը սկսված զանգվածային ջարդերը, հեղինակներն իրավացիորեն քննադատում են մեծ տերություններին, որոնք, ղեկավարվելով սոսկ իրենց շահագիտական նպատակներով, գործնական քայլեր չարեցին կասեցնելու հայ ժողովրդի ֆիզիկական բնաջնջումը:

<sup>1</sup> Տե՛ս Ռ. Հովհաննիսյան, *Արևմտահայ ազգային-ազատագրական շարժումները և Կարինի «Պաշտպան հայրենյաց» կազմակերպությունը* (XIX դարի 70—80-ական թթ.):

<sup>2</sup> Տե՛ս *Նույն տեղը*, էջ 330:

<sup>3</sup> *Նույն տեղը*, էջ 307—308:

<sup>4</sup> Տե՛ս *Նույն տեղը*, էջ 307:



Ազատագրական խմբակների ու կազմակերպությունների գործունեությունը լուսաբանել է նաև Վ. Պարսամյանը: Նախ տրբվում է Ալեքսանդրապոլի և Ղարաթլիխայի՝ Արևելյան Հայաստանի առաջին ազատագրական խմբակների գործունեության վերլուծությունը: Նրա կարծիքով, արևելահայ ազատագրական խմբակներն ազգային-գեմոկրատական, հայրենասիրական բնույթ ունեին: Նրանց նպատակն էր համախմբել գեմոկրատական տարրերին, պայքարել ցարիզմի ու սուլթանիզմի դեմ Հայաստանի ազատության ու անկախության համար: Հարկ է նշել, որ վերոհիշյալ խմբակների գործունեությունը խորհրդահայ պատմագրության մեջ առաջինն ուսումնասիրել և առանձին զբրբով հրատարակել է Վ. Պարսամյանը գեռես 1936-ին:

1972 թ. հրատարակված մենագրության մեջ շարադրվում է Վանի, Կարինի, Մոսկվայի, Թիֆլիսի ազատագրական խմբակների գործունեության պատմությունը: Առանձնապես բարձր է գնահատվում Կարինի «Պաշտպան հայրենյաց» գաղտնի ընկերությունը, որը բնութագրվում է որպես Կարինի հայ աշխատավորության առաջին հայրենասիրական, ազատագրական կազմակերպություն: Վ. Պարսամյանը գտնում է, որ ընկերության հետ կապված մի շարք հարցեր ուսումնասիրման և ճշգրտման կարիք ունեն: Օրինակ, նա անհավանական է համարում այն կարծիքը, թե այդ ընկերության անդամների թիվը հասել է շուրջ 5 հազարի:

Բարձր գնահատելով Թիֆլիսի հայրենասիրական խմբակի գործունեությունը, վերլուծելով նրանց հակացարական հայտնի թուրքիկի բովանդակությունը, պատմաբանը միաժամանակ նշում է, որ այդ թուրքիկը դերժ շէր առանձին սխալներից, կղերական և ազգայնական մտայնությունից: Գրքում ցույց է տրբված, թե ազգային-գեմոկրատական, հայրենասիրական խմբակի քայքայումից հետո ինչ ուղղությամբ ընթացան նրա անդամները: Գերազանցապես Հայկական հարցով տոգորված մարդիկ (Քր. Միքայելյան և ուրիշներ), գրում է Պարսամյանը, մի քանի տարի անց հիմնադրում են դաշնակցություն կուսակցությունը, իսկ Գ. Ղարաջյանը և ուրիշներ, Հայկական հարցը համարելով գրեթե իրենց՝ արևմտահայերի ազատագրման գործ, ընտրում են քաղաքական գործունեության նոր ուղի, հարում սոցիալիստական, մարքսիստական ուղղությանը<sup>1</sup>:

XIX դարի երկրորդ կեսի հայ ազգային-ազատագրական շարժումների բնույթի և հարակից հարցերի մասին շատ է զբրբվել: Վերջին բսանհինգամյակի ընթացքում այդ կարևոր պրբրբլեմը շարունակում էր մնալ խորհրդահայ պատմաբանների ուշագրության կենտրոնում: Այդ հարցը շոշափվում է Ռ. Հովհաննիսյանի 1965-ին հրատարակված աշխատության մեջ: Ճիշտ է նրա այն գրույթը, թե թուրքական բռնապետության դեմ խմորբվող հայ ազատագրական շարժումները XIX դարի 60—70-ական թվականներից սկսած դառնում են ոչ միայն արևմտահայ, այլև արևելահայ հատվածի սեփական գործը. ըստ որում, իրավացիորեն ավելացնում է Ռ. Հովհաննիսյանը, ազատամարտի ելած հայ ժողովրդի նպատակը ոչ թե այս կամ այն պետությունը միանալու ցանկությունն էր, այլ ազատ ու անկախ հայրենիք վերստեղծելու իր դարավոր բաղձանքի իրականացումը<sup>1</sup>:

Անդրադառնալով արևմտահայերի ազատագրական, ժողովրդական շարժումների բնույթին, Նա գտնում է, որ այն ըստ էության գյուղացիական, բուրժուազեմոկրատական հեղափոխություն էր, որի զլխավոր շարժիչ ուժը արևմտահայ գյուղացիությունն էր ու քաղաքի արհեստավոր դասը: Շարժմանը փարվել էր հայ ազգային բուրժուազիան, ինչպես նաև առաջադեմ մտավորականությունը: Սակայն, գրում է հեղինակը, շլինելով ազատագրական շարժման հիմնական շարժիչ ուժը, հայ բուրժուազիան փորձում էր իր ձեռքում պահել պայքարի մարտական ու գաղափարական դրոշը, հավակնում էր ազգային միանությունն ձգտող հայ ժողովրդի առաջնորդը դառնալ:

Մեջբերելով կապիտալիզմի վերելքի ժամանակաշրջանում բուրժուազիայի առաջադիմականության և հեղափոխականության մասին լենինյան գրույթը, Ռ. Հովհաննիսյանը սխալմամբ գտնում է, որ ազգային կերպարանքը գրեթե կորցրած բուրժուազիան, շնչին բացառությամբ, սուլթանական ու ցարական կարգերի մեջ էր տեսնում իր գոյության հենարանը: Չընդունելով ամեն մի հեղափոխական-գեմոկրատական շարժում, նրանք հիմնականում ընդդիմադիր էին նաև հայ ազգային-ազատագրական պայքարին<sup>2</sup>: Չնայած դրան, գրում է նա, ինչպես հարստահարվող մյուս ժողովուրդների, այնպես էլ հայ ժողովրդի ազգային

<sup>1</sup> Տե՛ս Ս. Պարսամյան, История армянского народа, էջ 214:

<sup>1</sup> Տե՛ս Ռ. Հովհաննիսյան, նշվ. աշխ., էջ 86:

<sup>2</sup> Տե՛ս նույն տեղը, էջ 8:



շարժումն առաջադիմական էր ոչ միայն նախաիմպերիալիստական, այլև իմպերիալիզմի ժամանակաշրջանում<sup>1</sup>:

Աշխատութեան մեջ նոր փառտերով հաստատվում է այն միտքը, որ արևմտահայ ազատագրական շարժումը հայաստահարվող ժողովրդի ինքնարուխ բողոքի անմիջական արդյունքն էր և խմորվել ու ծնունդ էր առել գավառահայ աշխատավորութեան տառապանքներից: «Հայ ազատագրական շարժումները,— գրում է նա,— լինելով միավորման ձգտող հայ ժողովրդի սոցիալական ու քաղաքական զարգացման արդյունք, միաժամանակ ոչ թե պատճառ, այլ հետևանք էին այն դարավոր բացարձակ կեղեքումների, որոնք զանգվածորեն ու արդեն այլ ձևերով՝ միաձուլման ու ջարդի մեթոդներով, գրսեորվեցին հատկապես թուրքական բուրժուազիայի աշխուժացման շրջանում՝ XIX դարի 70-ական թվականներին, և առավել սուր կերպարանք ստացան Բեռլինի կոնգրեսից հետո»<sup>2</sup>:

Աշխատութեան մեջ Ռ. Հովհաննիսյանը քննադատում է ինչպես նախախորհրդային, այնպես էլ խորհրդահայ հեղինակների աշխատութուններում հայ ազատագրական շարժման գնահատման հարցում տեղ գտած սխալ մեկնաբանությունները (Սարուխան, Ե. Գեղամյան, Լեո, Արտ. Կարինյան, Ա. Ոսկերչյան և ուրիշներ): Առանձնապես մատնանշում է արևմտահայ ազատագրական շարժումը գրսից հրահրելու սխալ տեսակետը (Լեո, Արտ. Կարինյան):

Աշխատութեան մեջ շարագրված է նաև 1870—80-ական թվականների հայ ազատագրական շարժումների պատմությունը: Այստեղ հեղինակը շոշափում է թուրքական լծի տակ հեծող ժողովուրդների համագործակցության խնդիրը: Փաստեր են բերվում հայ գործիչների այն փորձերի մասին, որոնց նպատակն է եղել ստեղծելու հայ-բուրգ-ասորի դաշնակցություն, որը, սակայն, արդյունք չի տվել: Թուրքական կառավարությունը քրդական շարժումներն ուղղում էր հայ ժողովրդի դեմ: Հեղինակը նշում է, որ, ցավոք, գործնական քայլեր չկատարվեցին միասնական պայքարի մեջ ընդգրկելու նաև արաբներին և Փոքր Ասիա աքսորված բուլղար հեղափոխականներին: «Պայքարի իրենց ղեգեքումներում, ժամանակի հայ գործիչները,— գրում է նա,— թեպետ նշմարեցին, բայց չկարողացան հասնել հարըս-

տահարվող մյուս ժողովուրդների հետ համընդհանուր ճակատ կազմելուն: Ուստի արևմտահայ ազգային-ազատագրական շարժումը մեկուսացած մնաց դրացի բուրգ, ասորի, հույն, արաբ ժողովուրդների ազատագրական պայքարից և նրանց հետ միասին էլ չկարողացավ դուրս գալ ազատագրական շարժման մայրուղի»<sup>1</sup>:

Հիմնականում նույն բովանդակությունն ունի «Հայ ժողովրդի պատմության» VI հատորում Ռ. Հովհաննիսյանի գրած բաժինը, որը վերաբերում է 1870—1880-ական թվականների ազգային-ազատագրական շարժումների պատմությանը: Այստեղ քննվում են հետևյալ հարցերը. ազգային ճնշումներն ու հալածանքները և ազատագրական շարժումները 70-ական թվականներին, ազգային-ազատագրական շարժումների վերելքը 1877—1878 թթ. ռուս-թուրքական պատերազմից հետո, ազատագրական, հայրենասիրական խմբակներն ու կազմակերպությունները, թուրքական լծի տակ հեծող ժողովուրդների համագործակցության խընդիրը և, վերջապես, ազգային-ազատագրական շարժումների հարցը հայ հասարակական մտքի գնահատմամբ:

Մակայն հատորում բավականաչափ պարզ չի տրված թուրքական բռնապետության դեմ հայ ժողովրդի մղած ազգային-ազատագրական շարժման բնույթը: Այնտեղ ճիշտ է ասված, որ հայ ժողովրդի ազատագրական պայքարը, ազգային-ազատագրական բնույթով հանդերձ, ուներ և դասակարգային բովանդակություն, որչափով որ իր սուր ծայրով ուղղված էր ոչ միայն քաղաքական, այլև սոցիալական անարդարությունների դեմ: Այնուհետև ասված է, թե այն ըստ էության գյուղացիական, բուրժուազեմոկրատական շարժում էր, և որ նրա գլխավոր ու առաջատար ուժը արևմտահայ գյուղացիությունն էր<sup>2</sup>: Այդ բոլորը ճիշտ է, բայց ո՞վ էր այդ շարժման ղեկավարը. հատորում, այդ հարցին պատասխան չի տրված:

Խորհրդահայ պատմագրության մեջ վերջին տարիներին հիմնականում ճիշտ է գնահատվում XIX դարի 80—90-ական թվականների հայ ազատագրական պայքարի ձևերից մեկը՝ հայդուկային շարժումը: Այդ հարցին անդրադարձել է Ռ. Հովհաննիսյանը ինչպես 1965-ին հրատարակված աշխատության, այնպես էլ «Հայ ժողովրդի պատմության» վեցերորդ հատորի մեջ:

<sup>1</sup> Ռ. Հովհաննիսյան, նշվ. աշխ., էջ 255:

<sup>2</sup> Տե՛ս Հայ ժողովրդի պատմություն, հ. VI, էջ 129:

<sup>1</sup> Տե՛ս Ռ. Հովհաննիսյան, նշվ. աշխ., էջ 64—65:

<sup>2</sup> Նույն տեղը, էջ 10:



Հեղինակը բարձր է գնահատում հայդուկային շարժումը: Նա շարադրում է Բաֆֆու խոսքերը, թե հայդուկային շարժումը բռնակալական լծի տակ ճնշված ու հարստահարված, մարդկային բոլոր իրավունքները կորցրած ժողովրդի բողոքն էր, ստրուկի ըմբոստացումը իշխողի բարբարոսությունից դեմ<sup>1</sup>: Հարկ է նշել, որ Ռ. Հովհաննիսյանի կողմից հայդուկային շարժման հարցի շոշափումը գրական երևույթ է, քանի որ 1920—1960-ական թվականներին մեր պատմական գրականության մեջ այդ մասին գոյություն ուներ բացասական կարծիք:

Հայդուկային-ֆիդայական շարժումը ազգային-ազատագրական պայքարի ըմբոստ ու արդարացի մի ձև էր, իր դասակարգային բնույթով հակաֆեոդալական, գյուղացիական-դեմոկրատական շարժում: «Ակզբնապես գրսևորվելով որպես տեղական հարստահարիչների դեմ ժողովրդի ինքնապաշտպանության համար զենքի դիմած փոքրաթիվ խմբերի պարտիզանական պայքար,— գրում է Ռ. Հովհաննիսյանը,— այն ուղղվեց այդ կեղեքիչներին հովանավորող պետական պաշտոնեություն ու կառավարության դեմ, ապա դարձավ օսմանյան բռնապետությունը թոթափելու ձգտող հայ ազատամարտի տարերային ու հախուռն պայքարի կրողը»<sup>2</sup>:

VI հատորում 90-ական թվականների վերջերին ծավալված հայդուկային շարժման մասին գրել է Մ. Աղայանը: Նա գտնում է, որ այդ շարժումը թուրքական բռնապետության դեմ Բալկաններում (չեթնիկների) և Արևմտյան Հայաստանում (ֆիդայիների) ազգային-ազատագրական և գյուղացիության դասակարգային պայքարի յուրահատուկ ձև էր: Այն տիրող կարգերի դեմ ուղղված ժողովրդի բողոքն էր, նրա ընդլվումը<sup>3</sup>: «Հայդուկային շարժումը,— գրում է Մ. Աղայանը,— հայ ժողովրդի ազատագրական պայքարի պատմության մեջ կարևոր տեղ է գրավում: Այն բարձր է պահել հայ ազատագրական պայքարի ոգին, ժողովրդին ներշնչել, որ նա կարող է ազատագրվել միմիայն պայքարի ճանապարհով»<sup>4</sup>: Հատորում ուշագրավ տեղեկություններ են հաղորդվում հայդուկային շարժման ակնաւոր դեմքերի՝ Աղրյուր Սերոբի, Հրայրի (Արմենակ Ղազարյան), Անդրանիկ

Օզանյանի, Գևորգ Չաուշի և ժողովրդի ծոցից ելած շատ այլ մարտիկների գործողությունների մասին:

Հայդուկային շարժմանը ճիշտ գնահատական է տվել Մ. Արզումանյանը, այն համարելով հայ ժողովրդի հերոսական ազատագրական պայքարի արտահայտություն: Ինչպես բոլոր ճնշված ժողովուրդները, իրավացիորեն գրում է նա, այնպես էլ հայերն ունեցել են խիզախ հայդուկներ, որոնք անձնվեր պայքար են մղել թուրքական ոստիանների ու բռնադատիչների դեմ: Սակայն հայդուկային շարժումը, նշում է նա, չի կարելի դարձնել պաշտամունք ու մշտական գործելակերպ, որովհետև նա, ինքնբուստինքյան վերցրած, ժողովրդին չի բերել ու չի կարող բերել ազատագրում<sup>5</sup>: Նրա կարծիքով, հայդուկային շարժումը կարելի է դիտել որպես ճնշված ժողովրդի ազգային-ազատագրական շարժման երախայրիք, նրա նախնական, տարերային փուլի արտահայտություն, երբ հանդես են գալիս անձնվեր, հայրենասեր մարդիկ, բայց նրանք դեռ չգիտեն, թե որն է ազատագրման ճիշտ ուղին: Նա գրում է, որ շնայած հայդուկային շարժումը բավականին ուժեղ է եղել Բուլղարիայում, սակայն բուլղարական ազգային-ազատագրական շարժման ճանաչված գործիչ Վ. Լևակու կարծիքով, հայդուկային տակտիկական անցած փուլ է, ուստի ժողովրդին պետք է կազմակերպել զանգվածային ելույթի<sup>6</sup>:

Հայդուկային շարժումը բարձր է գնահատել նաև Զ. Կիրակոսյանը: Հայդուկները, գրում է նա, բուն երկրի ժողովրդի ծնունդն էին, հարազատ զավակները, որոնք վրիժառուներ էին դարձել պաշտպանելու աշխատավոր մարդկանց շահերը պորտաբույծ կողոպտիչներից: «Նրանք բոլորն էլ կռվում ու զոհվում էին կռվի դաշտում հանուն հայրենի երկրի ազատության»<sup>7</sup>:

Խորհրդահայ պատմաբաններից հայդուկային շարժման հարցին ավելի հանգամանորեն անդրադարձել է Հ. Պողոսյանը՝ Սասունի պատմությանը նվիրված աշխատության մեջ: «Հայ ժողովրդի համար ստեղծված ծանր վիճակը,— գրում է նա,— ստիպում էր հայրենասեր երիտասարդներին հայդուկային խմբեր կազմել և ոտքի ելնել օսմանյան կառավարության դեմ»: Մուշ-Սասունում, այնուհետև գրում է Հ. Պողոսյանը, առաջին հայդուկային կամ ֆիդայական կազմակերպված խմբերը հանդես եկան

<sup>1</sup> Տե՛ս Ռ. Հովհաննիսյան, նշվ. աշխ., էջ 253:

<sup>2</sup> Հայ ժողովրդի պատմություն, հ. VI, էջ 150:

<sup>3</sup> Տե՛ս նույն տեղը, էջ 287—288:

<sup>4</sup> Նույն տեղը, էջ 288:

<sup>1</sup> Տե՛ս Մ. Արզումանյան, Հայաստան, 1914—1917, էջ 118:

<sup>2</sup> Տե՛ս նույն տեղը, էջ 118:

<sup>3</sup> Զ. Կիրակոսյան, Բուրժուական դիվանագիտությունը և Հայաստանը, դիրք 2, էջ 193:



1880-ական թվականներին<sup>1</sup>: Ճիշտ է նկատել պատմաբանը՝ հայ-դուկները սարերն էին բարձրացել ոչ թե ինչ-որ մի կուսակցության կազմակերպչական աշխատանքի կամ արտաքին ուժերի ազդեցության տակ, այլ դաժան բռնությունները շտանելու պատճառով: Նա ֆիդայական շարժման գլխավոր կենտրոններ է համարում Զեյթունը, Սասունը, Վասպուրականը: Լ. Պողոսյանը, գտնում է, որ հայկական ֆիդայական շարժումը կրում էր բուրձրարական և բալկանյան մյուս ժողովուրդների շարժման ազդեցությունը:

Բացահայտելով հայդուկային խմբերի դործունեությունը, նշելով, որ այն ինքնապաշտպանության միջոց էր, հեղինակը միաժամանակ հանգում է այն ճիշտ եզրակացության, որ նրանց պայքարը ժողովուրդին ազատագրելու միջոց չէ, այդ ճանապարհով ոչ մի ժողովուրդ, այդ թվում նաև արևմտահայերը, օսմանյան լծից չէր ազատվի<sup>2</sup>:

Լ. Պողոսյանի աշխատության ամենաընդարձակ բաժինը նվիրված է XIX դարի վերջի և XX դարի սկզբի Սասունի ազգային-ազատագրական պայքարին: Շարագրելով սասունցիների 1894 թ. ապստամբության պատմությունը, հեղինակը գտնում է, որ իր ուսումնասիրությունները ցույց են տվել, որ լեռնականների ինքնապաշտպանական կռիվները սկսվել են դեռևս 1891 թվականին, որ 1894 թ. հերոսական դիմադրությունը ամենաբարձր և վերջին կետն էր<sup>3</sup>:

Պողոսյանի աշխատության մեջ հանգամանորեն շարադրված է նաև 1895—1896 թթ. հայկական կոտորածների և, հատկապես, Սասունի 1904 թ. և 1915 թ. հերոսամարտերի պատմությունը:

Ինչպես տեսնում ենք, խորհրդահայ պատմաբանների ճնշող մեծամասնությունը դրական դնահատական է տվել հայդուկային շարժմանը, մինչդեռ, հակառակ դրան, կան նաև բացասական կարծիք ունեցող պատմաբաններ (Լ. Վարդանյան, Բ. Օհանջանյան և այլք): Այսպես, Բ. Օհանջանյանը, դատապարտելով հայդուկային շարժումը, այն համարում է դաշնակցության որդեգրած գործելակերպ, որը բխում է նրա տեղորիստական գործունեությունից: «Զկարողանալով ըմբռնել հասարակական զարգացման օրինաչափությունները,— գրում է նա,— Արևմտյան

Հայաստանը սուլթանական լծից ազատագրելու ուղիները, դաշնակցությունն իր ձևավորման սկզբից գերադասեց հայդուկային պարտիզանական պայքարի ձևը<sup>4</sup>:

Իսկ ինչպե՞ս են հայ պատմաբանները լուսաբանել 1870—1890-ական թվականների հայ հասարակական-քաղաքական շոսանքների պատմությունը, ինչպե՞ս են գնահատել հայ ազատագրական շարժման գաղափարախոսությունը նորաստեղծ հայ քաղաքական կուսակցությունները, նրանց դիրքորոշումը հայ ազատագրական շարժման նկատմամբ:

Ժամանակագրական տեսակետից այդ հարցերին առաջինն անդրադարձել է Ռ. Հովհաննիսյանը՝ 1965-ին հրատարակված իր աշխատության մեջ: Նրա կարծիքով, XIX դարի 70—80-ական թվականների հայ ազատագրական շարժումների գաղափարախոսության առանցքը զինված պայքարի, մեծ տերությունների նկատմամբ դիրքորոշման և ազատագրական շարժման սոցիալական բովանդակության ու նրանց առնչության հարցն էր<sup>5</sup>:

Աշխատության մեջ ցույց է արվում Բաֆթու, Ռ. Պատկանյանի, Գր. Արծրունու, ինչպես նաև Լ. Պարոնյանի, Մերենցի, Ա. Թոխմախյանի, Մուրացանի, Պ. Պողոսյանի, Ղ. Աղայանի և մյուսների դիրքորոշումը զինված պայքարի միջոցով ազատության հասնելու հարցում: Սակայն ազատագրական շարժման առաջնթացի իր ճանապարհին, գրում է նա, հայ լիբերալ և դեմոկրատական ուղղության գործիչներն անհաշտ պայքարի մեջ էին ազգային-պահպանողականների և կղերահետադիմականների հետ:

Բացահայտելով մեծ տերությունների նկատմամբ տարբեր ուղղության պատկանող հայ գործիչների ունեցած դիրքորոշումը, հատկապես Բեռլինի կոնգրեսից հետո, Ռ. Հովհաննիսյանը, գտնում է, որ մեծ զարված ստացավ եվրոպական դիրքորոշումը: Առավել զանգվածային էր ռուսական կողմնորոշումը, որի ամենագործունեա ներկայացուցիչը Գր. Արծրունին էր<sup>6</sup>: Սակայն, վերջինս արևմտահայերի ազատագրությունը կապում էր ցարիզմի նվաճողական քաղաքականության հետ և չունեի ցարիզմին ըմրոստանալու որևէ հայեցակետ:

<sup>1</sup> Բ. Սեհակյան, Գաշնակցությունն առանց դիմախի, Եր., 1980, էջ 16:

<sup>2</sup> Տե՛ս Ռ. Հովհաննիսյան, Արևմտահայ ազգային-ազատագրական շարժումները... էջ 257:

<sup>3</sup> Տե՛ս նույն տեղը, էջ 271:

<sup>1</sup> Տե՛ս Լ. Պողոսյան, Սասունի պատմություն, էջ 169—170:

<sup>2</sup> Տե՛ս նույն տեղը, էջ 180:

<sup>3</sup> Տե՛ս նույն տեղը, էջ 183:



Հայկական որոշ շրջաններ, նշում է հեղինակը, հատկապես Բ. Դուան ծառայության մեջ գտնվող հայ պաշտոնյաները, ունեցել են թուրքական դիրքորոշում, սակայն ինչպես բոլոր ողջախոհ հայ գործիչները, այնպես էլ ժողովրդական զանգվածները, երկու պետություններին համեմատելիս, հարկավ, գերապատվությունը միշտ էլ տալիս էին Ռուսաստանին:

Ազգային-ազատագրական շարժումների և հասարակական-քաղաքական հոսանքների հարցը քննվում է նաև Հ. Վարդանյանի մենագրության մեջ<sup>1</sup>:

Հայերի ազգային-ազատագրական շարժումները, որոնք նոր էրանգ ու թափ ստացան 1877—1878 թթ. ռուս-թուրքական պատերազմից և Բեռլինի կոնգրեսից հետո, իրավացիորեն գրում է Հ. Վարդանյանը, արդյունք էին օսմանյան Թուրքիայի հայաջինջ քաղաքականության, որի մեթոդներն էին՝ սոցիալական ու ազգային ճնշման ուժեղացումը, անողոք հարստահարությունները, հարկերի ու տուրքերի եռապատկումը, մարդկանց հողազրկումն ու արտաքսումը, բռնի իսլամացումն ու կոտորածները: Ենեելով վերոհիշյալից, հեղինակը ընդգծում է, որ «հայ ժողովրդի ազգային-ազատագրական շարժումն ինքնաբերական էր և ոչ թե արհեստական մղումների, առանձին մարդկանց ցանկությունների կամ դրսից եղած ներգործությունների արդյունք, ինչպես կարծում էին առանձին ազգային նիսիստները և պատմության թուրքական կեղծարարները»<sup>2</sup>: Ճիշտ է երա այն եզրակացությունը, թե հայերի ազատագրական շարժումները պատասխան էին սուլթանական կառավարության հայաջինջ քաղաքականության և զուտ ինքնապաշտպանական նպատակ էին հետապնդում<sup>3</sup>:

Նա ճիշտ է քննադատում Լեոյին, որը հայ ժողովրդի ազգային-ազատագրական շարժումները դիտում էր որպես որոշ գրողների ու հրատարակատեսների սուբյեկտիվ կամեցողության թելադրանք, որպես նրանց ալեկոծող մտքերի հետևանք:

Հ. Վարդանյանի աշխատության մեջ տեղ են գտել նաև մի քաղք վիճելի տեսակետներ, անհաջող ձևակերպումներ: Դժվար է համաձայնվել Սպանդար Սպանդարյանին և «Նոր դարին» նրա

տված ծայրահեղ բացասական գնահատականներին: «Այսպիսով,— գրում է նա,— Սպանդար Սպանդարյանը բացահայտորեն կանգնած էր հայ ժողովրդի թշնամիների պաշտպանության դիրքերում և իր գաղափարախոսությունը արդարացնում է սուլթանական կառավարության հայաջինջ քաղաքականությունը»<sup>4</sup>: Չի կարելի նույնացնել «Մեղու Հայաստանի» և «Նոր դար» թերթերը, տարբերություն շտեմելով նրանց քարոզած գաղափարների միջև (տե՛ս մենագրության 6-րդ գլուխը):

Հայտնի է, որ Ս. Սպանդարյանը ունեցել է հակացարական տրամադրություններ, հաճախ հակադրվել է ցարական կառավարության ազգային քաղաքականությանը: «Նոր դարի» էջերում լայն տեղ էր հատկացնում արևմտահայության ծանր կացության լուսաբանմանը, հայկական կոտորածներին, խստորեն քննադատում արևմտյան դիվանագիտության վնասակար դերը Հայկական հարցում: Պատահական չէ, որ թերթի գրական բաժնում հաճախակի տպագրվել են ոչ միայն հայ, այլև ռուս և արևմտաեվրոպացի գրողների ստեղծագործություններ: Նրա ուշադրությունից չեն վրիպել նաև գիտության, արվեստի, կրթական գործին վերաբերող հարցերը: Ահա թե այդ մասին ինչ է գրել նրա «որդին» Սուրեն Սպանդարյանը իր նամակներից մեկում. «Ոչ իմ հայրս և ոչ էլ նրա ուղղությունը հասարակական-քաղաքական տեսակետից ոչ միայն չէին վայելում կառավարության աջակցությունը, այլ միշտ հալածվում էին ամենադաժան կերպով... Կառավարությունը հալածում էր «պահպանողականությունը» («կոնսերվատիզմը») և հովանավորում հայկական «լիբերալիզմը», որովհետև այն ժամանակները իր տեսակետից նա տեսնում էր «թշնամուն» պահպանողականության և ոչ թե լիբերալիզմի մեջ: Լիբերալիզմը ժխտում էր հայկական կյանքի «հիմունքները», իսկ կոնսերվատիզմը պաշտպանում էր այն՝ կառավարության ճնշման և ռուսիֆիկացիայի դեմ»<sup>5</sup>:

Հետևելով Աշ. Հովհաննիսյանին, Հ. Վարդանյանը սխալ գնահատական է տալիս նաև Կ. Մարքսի և Ֆ. էնգելսի «Կոմունիստական կուսակցության մանիֆեստի» հայերեն թարգմանիչ, սոցիալ-դեմոկրատ, իր ժողովրդի ազատագրության գործին նվիրված Հ. Աթաբեկյանցին: «Նա,— գրում է հեղինակը,— մարք-

<sup>1</sup> Տե՛ս Հ. Վարդանյան, Արևմտահայերի ազատագրության հարցը և հայ հասարակական-քաղաքական հոսանքները XIX դարի վերջին քառորդում:

<sup>2</sup> Նույն տեղը, էջ 104:

<sup>3</sup> Տե՛ս նույն տեղը, էջ 122:

<sup>4</sup> Հ. Վարդանյան, նշվ. աշխ., էջ 285:

<sup>5</sup> Հայ ժողովրդի պատմություն, հ. VI էջ 868:



«իզմի իսկական բարեկամը չէր»։ Նա հայերի ուշադրությունը բեկեռում էր դեպի Հայկական դատը, «նա կանգնած էր բուրժուական նացիոնալիզմի պատճառով»<sup>1</sup> և այլն։ Մի՞թե հայերի ուշադրությունը Հայկական դատի վրա բեկեռելը բուրժուական նացիոնալիզմ է նշանակում։ Չէ՞ որ դա ամենից առաջ համազգային գործ էր։

Հայ ժողովրդի ազատագրական պայքարի պատմության հետ սերտորեն առնչվող մի կարևոր հարցի է անդրադարձել պատմական գիտությունների դոկտոր Կ. Քարամյանը<sup>2</sup>։ Աշխատությունը կրում է պատմաբանական բնույթ և հեղինակը փորձում է ինչ-որ շահով նոր խոսք ասել պատմագրության մեջ։ Նա քննադատում է այն պատմաբաններին, ովքեր գտնում են, թե, իբր, արևմտահայերի ազատագրական շարժումներն իրական հող չեն ունեցել, ներմուծվել են դրսից՝ արևելահայերի կամ մեծ տերությունների միջոցով և, իբր, այդ պատճառով էլ պարտություն են մատնվել։ Չընդունելով այդ տեսակետը, Կ. Քարամյանը հիմնավորում է ազգային-ազատագրական շարժումների օրինաչափությունը հայ իրականության մեջ։ Նա գտնում է, որ հայ ազգային-ազատագրական շարժումը օրինաչափ էր և արդյունք պարսկա-թուրքական բռնակալական տիրապետության։ Կ. Քարամյանը քննադատում է այն հեղինակներին (Ա. Մակարյան և ուրիշներ), ովքեր գտնում են, որ նոր դարաշրջանում հայ ազգային-ազատագրական շարժումը Արևմտյան Հայաստանում առաջագիմական չէր, որովհետև ղեկավարվում էր ռուսահայ սեպեցիոն բուրժուազիայի և նրա կուսակցության՝ գաշնակցության կողմից։

Պատմաբանը քննադատում է նաև այն հեղինակներին, ովքեր, ելնելով արևմտահայ ազգային-ազատագրական շարժումների պարտության փաստից, Մեծ եղեռնի իրողությունից, հախուռն կերպով դատապարտում են այդ շարժման գործիչներին, «փոխանակ երկյուղածորեն խոնարհվելու նրանց գործի ու հիշատակի առաջ»<sup>3</sup>։ Մի այլ տեղ նա գրում է, թե սխալվում են այն հեղինակները, որոնք XIX դարի վերջերից սկսած հայկական մեծազանգված դժբախտություններն ու արմենոցիդը վերագրում

են ազգային-ազատագրական շարժման, հայ քաղաքական գործիչների տակտիկական սխալներին, հայերի անջատողական ճրգտումներին և այլն։ Դրանք վայել են միայն թուրքական ինքնարդարացման ջանքերին<sup>1</sup>։

Կ. Քարամյանը հակադրական է համարում Ե. Գեղամյանի, Բ. Բորյանի, Արտ. Կարինյանի և ուրիշների այն մոտեցումը, ըստ որի թուրքական տիրապետության դեմ հայ ժողովրդի մղած պայքարը ազգային, սոցիալ-տնտեսական և կրոնական հալածանքների առկայությամբ բացատրելու փոխարեն թուրքական կամայականությունները, անընդհատ թալանն ու կոտորածները բացատրում են հայ ազգային-ազատագրական շարժումով, որն էլ, իբր, սկսվել է 1878 թվականից<sup>2</sup>։ Նա քննադատում է նաև Լեոյին, որը թուրքերի ջարդարարությունը բացատրում է որպես հայ ռայայի շարժումների, հայ ազգային-ազատագրական պայքարի հակազդեցություն<sup>3</sup>։

Համաձայն ենք Կ. Քարամյանի նաև այն տեսակետին, թե, խոսելով ազգային-ազատագրական շարժումների մասին, չի կարելի թուրքական բռնապետության դեմ ժողովրդի մղած ինքնապաշտպանական զոյամարտերը որակել որպես ապստամբություններ։ Դա, գրում է նա, նպաստում է թուրք դահիճների ինքնարդարացմանը՝ «Հայերն ապստամբեցին, մենք էլ ջարդեցինք»։

XIX դարի երկրորդ կեսի հայ հասարակական մտքի և քաղաքական հոսանքների հարցին անդրադարձել է պրոֆ. Վ. Ավետիսյանն իր մենագրության մեջ<sup>4</sup>։ Նա ցույց է տվել ռուսական հեղափոխական շարժումների դերը հայ հասարակական-մտավոր կյանքում։ Քննելով Մ. Նալբանդյանի հայացքները, Վ. Ավետիսյանը նշում է, թե նա առաջինն էր, որ առաջ քաշեց հայ ժողովրդի ազատագրական պայքարը ռուսական և եվրոպական դեմոկրատական հեղափոխական շարժումներին համաձուլելու անհրաժեշտության գաղափարը, հակադրվելով նրանց, ովքեր հայ ազգային-ազատագրական շարժման բարեհաջող ելքը կապում

1 Չ. Արզումանյան, Արևմտահայերի ազատագրության հարցը..., էջ 345։  
2 Տե՛ս Կ. Քարամյան, Հայ ժողովրդի ազատագրական պայքարի օրինաչափության հարցի շուրջը, Եր., 1969։  
3 Տե՛ս Նույն տեղը, էջ 68։

1 Տե՛ս Կ. Քարամյան, նշվ. աշխ., էջ 96—97։  
2 Տե՛ս Նույն տեղը, էջ 98—99։  
3 Տե՛ս Նույն տեղը, էջ 104։  
4 Տե՛ս Վ. Ավետիսյան, Հայ հասարակական մտքի զարգացման մարտունակության փուլի սկզբնավորումը, Եր., 1976։



էին կապիտալիստական մեծ տերութիւնները դիվանագիտական ու ռազմական միջամտութեան հետ:

Սակայն Վ. Ավետիսյանը բուրժուապահանգողական և լիբերալ-բուրժուական հոսանքները համարում է ինքնուրույն հոսանքներ, մի բան, որի հետ դժգոհ է համաձայնվել<sup>1</sup>:

Վերլուծելով Գր. Արծրունու հայացքները, քննադատելով հեղափոխութեան և սոցիալիզմի նկատմամբ նրա բացասական գիրքորոշումը, հեղինակը նկատում է, որ Գր. Արծրունին և 70—80-ական թվականների նրա համախոհները Արևմտյան Հայաստանի ազատագրման հարցում հանդես էին գալիս ժողովրդական դինված ելույթների, ապստամբութունների կողմնակիցներ, որ «Մշակի» էջերում նա հաճույքով էր տպագրում Բաֆֆու վեպերը, պրոպագանդելով թուրքական լծից դինված ապստամբութունների, հայդուկային շարժման միջոցով հայ ժողովրդի ազատագրման գաղափարը<sup>2</sup>: Սակայն այստեղ նա միաժամանակ անհարկի քննադատում է Գր. Արծրունուն, որ նա այդ հարցում պաշտպանում է ռուսական ցարիզմի հետ համագործակցելու տեսակետը: Ինչո՞ւ ցարիզմը նպաստեց Բալկանյան ժողովուրդների ազատագրական պայքարին իր սեփական շահերից ելնելով, իսկ հայերի պայքարին չէր կարող նպաստել: Բացի այդ, Վ. Ավետիսյանը, վկայակոչելով Վ. Ի. Լենինի հայտնի դրույթը ազգային-ազատագրական շարժումների առաջադիմական լինելու մասին<sup>3</sup>, միաժամանակ խիստ բացասաբար է արտահայտվում հայ բուրժուազիայի մասին, որը «չլինելով հեղափոխական, այլ ընդհակառակը, վախկոտ և ցարիզմին հարմարվող, այդ պայմաններում իր տնտեսական գործունեությունը ազատ ծավալելու և քաղաքական տիրապետություն ձեռք բերելու հույսերը սկսեց կապել Արևմտյան Հայաստանում (Թուրքահայաստանում) հայկական անկախ կամ ինքնավար պետության ստեղծման հետ»<sup>4</sup>:

Մի՞թե Արևմտյան Հայաստանում հայկական պետություն ստեղծելու հայկական բուրժուազիայի այդ ցանկությունը հակասում էր հայ ժողովրդի շահերին: Իհարկե, ոչ: Մի այլ տեղ Վ. Ավետիսյանը, դարձյալ հենվելով Վ. Ի. Լենինի վերոհիշյալ

դրույթին, թե գլխավոր դասակարգը, որ դուրս է գալիս արևելյան տարածական հիմնարկների դեմ, բուրժուազիան էր և նրա պայքարը պրոպեհիվ է<sup>1</sup>, միաժամանակ նրա հետագա շարադրանքից երևում է, թե իբր այդ ասվածը չի վերաբերում հայ բուրժուազիային՝ ո՞չ նրա արևմտահայ և ո՞չ էլ արևելահայ հատվածին: Ավելին, նա այդ հարցում հենվում է Աշ. Հովհաննիսյանի 1921 թ. հրատարակած «Հրեշավոր թյուրիմացություն» հոդվածի<sup>2</sup> այն դրույթին, որը, մեր կարծիքով, հիմնովին սխալ է: Ըստ Աշ. Հովհաննիսյանի, եթե Արևմտյան Հայաստանը ազատագրվեր, ապա այն առևտրաարդյունաբերական կապիտալի շրջանառության մի նոր գաղութ պիտի դառնար ուսասանայ բուրժուազիայի համար, որ, իբր, արևմտահայ աշխատավորությունը կդառնար ոչ թե անկախ իշխանության սուբյեկտ, այլ ազատ հարստահարման օբյեկտ: Սա, մեր կարծիքով, սխալ տեսակետ է:

XIX դարի 80-ական թվականների հայ ազգային-ազատագրական շարժման գաղափարախոսությունը հարցերը մանրակերպիկ քննության է առել Զ. Կիրակոսյանն իր «Բուրժուական դիվանագիտությունը և Հայաստանը» մենագրության երկրորդ գրքում: Այստեղ նա ցույց է տվել, որ հայ իրականության մեջ խորանում էր հիասթափությունը եվրոպական դիվանագիտությունից: Հեռատես մտածողները դիվանագիտական խոստումների մեջ չէ որ տեսնում էին սեփական ժողովրդի ազատագրության ուղին: Նրանցից մեկը, իրավացիորեն գրում է Կիրակոսյանը, Բաֆֆին էր, որը Բեռլինի տրակտատի 61-րդ կետը մեռած դեղատոմս էր անվանում:

Նա բարձր է գնահատում Բաֆֆու գաղափարախոսությունը, հանգամանորեն վերլուծում է այն, ցույց տալով, որ տարիների ընթացքում նրա մոտ բյուրեղացել է արևմտահայ հեղափոխական գաղափարը: Մեծ գրողն ու քաղաքացին հակասութանական ապստամբության մեջ էր փնտրում արևմտահայության ազատագրությունը: «Բաֆֆին կոտմ էր Հայաստանի քաղաքական ապագայի գաղափարը, — գրում է Զ. Կիրակոսյանը, — ան-

<sup>1</sup> Տե՛ս Վ. Ավետիսյան, նշվ. աշխ., էջ 106, 128:

<sup>2</sup> Տե՛ս նույն տեղը, էջ 131:

<sup>3</sup> Տե՛ս Վ. Ի. Լենին, ԵԼԺ, հ. 26, էջ 172:

<sup>4</sup> Վ. Ավետիսյան, նշվ. աշխ., էջ 157—158:

<sup>1</sup> Տե՛ս Վ. Ավետիսյան, նշվ. աշխ., էջ 212:

<sup>2</sup> «Կոմունիստ», 1921, № 86:



հրաժեշտ համարելով եկեղեցին ազգից տարբեր հռչակել, զարկ տալ ազգային միասնությունը հանուն նոր, ազատ Հայաստանի»<sup>1</sup>:

Ջ. Կիրակոսյանը Գր. Արծրունուն բնութագրելով որպես 1880-ական թվականների սկզբի հայկական լիբերալիզմի ամենակարկառուն ներկայացուցիչը, միաժամանակ ցույց է տալիս նրա ռեֆորմիզմը, ցարական կառավարության քաղաքականությունը հարմարվելու դիրքորոշումը: Նա ևս մերժում է պատմագիտություն մեջ տեղ գտած այն տեսակետը, թե արևմտահայության ազատագրության գաղափարախոսությունը կովկասահայության ծնունդն էր, Գամառ-Քաթիպայի և Բաֆֆու, Գր. Արծրունու և մյուսների հոգևոր ղավակը: Ինչ խոսք, գրում է նա, որ էական է եղել նրանց խոսքի ուժը, բայց մի՞թե կարելի է անտեսել Մկրտիչ Խրիմյանի ու Ներսես Վարժապետյանի, Մերենցի, Մկրտիչ Փորթուզալյանի ու Գարեգին Սրվանձտյանի դերը: Եվ հետո՝ ինչպե՞ս կարելի է շնկատել Խրիմյանի «Վանդույժի», «Հայգույժի» խաղացած դերը, «Մշակի» ու «Արձագանքի» էջերում Արփ. Արփիարյանի մարտաշունչ հրապարակախոսությունը: Կովկասում Խ. Պատկանյանից ոչ պակաս գիտեին Պեշիկթաշլյանին, Գուրջանին, Ալիշանին և այլն<sup>2</sup>:

Ջ. Կիրակոսյանը քննադատում է թուրք հրապարակախոսների, պամարանների, որոնք, կեղծելով պատմությունը, պնդում են, թե հայկական ազգային-ազատագրական շարժումը ներմուծված է ցարական Ռուսաստանի գրգռությունների շնորհիվ, ռուսահայերի միջոցով<sup>3</sup>: «Հայկական ազատագրական շարժումն օտարերկրյա բանսարկությունների ու զավազրությունների գործիք համարել, — գրում է նա, — նշանակում է մեղանշել պատմական իրականության, մարդկային բանականության դեմ»<sup>4</sup>: Նա փաստերով հիմնավորում է այդ դրույթը:

Պատմաբանի կարծիքով, XIX դարի 80-ական թվականների կեսերից արևմտահայության ազատագրության գաղափարախոսությունն ու պրակտիկան թեկուխում էին իրենց զարգացման մի նոր փուլ: Հայոց հասարակական-քաղաքական ուժերը, գրում է նա, անդրանիկ քայլերն էին անում կազմակերպվելու ժամա-

նակի պահանջներին համապատասխան: Անդրկովկասում, թե՛ Արևմտյան Հայաստանում, Ռուսաստանի տարբեր կենտրոններում, թե՛ Եվրոպայի մայրաքաղաքներում ստեղծվում էին խմբեր, կազմակերպություններ: Տեղի էին ունենում ժողովներ, վիճարանություններ: Ակտիվ դեր էին խաղում ուսանողները, որոնց քննարկման կիզակետում էր նախ և առաջ հայրենիք ունենալու, օտարների լուծք թոթափելու խնդիրը<sup>1</sup>:

Այս դրույթներից հետո Ջ. Կիրակոսյանը նշում է, որ ազգային զարթոնքի, սեփական հայրենիք ունենալու, ժողովրդի երկու գլխավոր հատվածները միավորելու պրոցեսի լուսաբանման ու մեկնաբանման բնագավառում միշտ չէ որ ճիշտ տեսակետներ են զարգացվել: «Գլխավորն այն է, — գրում է նա, — որ մեր ժողովուրդն իրավունք ուներ ունենալու իր հայրենիքը, իր սեփական օջախը»<sup>2</sup>, իսկ նպատակին հասնելու ձգտումը միանգամայն օբյեկտիվ անհրաժեշտություն էր: Տասնյակ տարիների ընթացքում խեղաթյուրված, աղճատված մտտեցումներն ու բնութագրումները խճողել և մթագնել են պատմական պրոցեսի իրական պատկերը<sup>3</sup>:

Ջ. Կիրակոսյանը քննադատում է մի շարք պատմաբանների, որոնք 1920—30-ական թվականներին որդեգրել էին այն մակերեսային, բուն խնդրի էությունից չբխող տեսակետը, թե թուրքահայաստանով շահագրգռված էին ռուսահայ բուրժուազիան ու նրա կուսակցությունները: «Ըստ էության ժխտվում է այն տարրական ճշմարտությունը, — գրում է նա, — որ արևմտահայ գանգվածները ձգտում էին ազատագրվել թուրքական լծից, որ հայ ժողովրդի քաղաքական զարթոնքի արդյունքն էր միասնական հայրենիք ունենալու մտայնությունը»<sup>4</sup>:

Նա նկատում է, որ այդ կարգի սխալներ թույլ են տրվել նաև 1970-ական թվականներին: Օրինակ, նա սխալ է համարում Մ. Աղայանի մտտեցումը, երբ վերջինս «հայ ազատագրական պայքարի գրսևորումները, նրա գործիչներին դատապարտում է, քննադատում կանխակալ բանաձևերի մեջ խցկելու միտումով»<sup>5</sup>: Սխալ է համարում նաև Վ. Ավետիսյանի պնդումը, թե Արևմուտ-

<sup>1</sup> Ջ. Կիրակոսյան, Բուրժուական դիվանագիտությունը և Հայաստանը, գիրք 2, էջ 163:

<sup>2</sup> Տե՛ս նույն տեղը, էջ 167:

<sup>3</sup> Տե՛ս նույն տեղը, էջ 168:

<sup>4</sup> Նույն տեղը, էջ 169:

<sup>1</sup> Տե՛ս Ջ. Կիրակոսյան, նշվ. աշխ., էջ 184:

<sup>2</sup> Նույն տեղը:

<sup>3</sup> Տե՛ս նույն տեղը, էջ 185:

<sup>4</sup> Նույն տեղը, էջ 186:

<sup>5</sup> Նույն տեղը: Ջ. Կիրակոսյանը նկատի ունի Մ. Աղայանի «Հա ժողովրդի ազատագրական պայքարի պատմությունից» աշխատությունը, էջ 17—18:



յան Հայաստանում հայկական անկախ կամ ինքնավար պետության ստեղծումը պայմանավորված էր ցարիզմի կողմից հալածական հայ բուրժուազիայի «վախկոտություններ», ցարիզմին «հարմարվելով», նրա ոչ հեղափոխականությունը<sup>1</sup>։ Հակառակ վերահիշյալ պնդմանը, Ջ. Կիրակոսյանը իրավացիորեն գտնում է, որ «հայրենիք ուզում էր ժողովուրդը։ Արևմտյան Հայաստանի ազատագրումը տեղում էին հայ ժողովրդի բոլոր հասվածները, նրա բոլոր առաջադիմական ուժերը»<sup>2</sup>։

Արևմտահայության ազգային-ազատագրական պայքարը, գրում է Կիրակոսյանը, հակաֆեոդալական էր, ուղղված թուրքական միապետական բռնակալության դեմ, ուներ շեշտված տնտեսական, դասակարգային բնույթ։ Այդ պայքարի գլխավոր շարժիչ ուժը աշխատավոր գյուղացիությունն էր, արհեստավորությունը, գավառահայ մասնաբուրժուազիան։ Սակայն բուրժուազիան հանդես եկավ ազգի համընդհանուր շահերն արտահայտողի դերով։ Ուշագրավ է նրա այն միտքը, թե իրազարժությունների պատմատրամաբանական ըմբռնման ու գնահատման մեթոդական սկզբունքները պահանջում են, որպեսզի ամեն ինչ և ամեն ոք քննարկվեն, մեկնաբանվեն իրենց միջավայրին ու պայմաններին համապատասխան, տվյալ պահի քաղաքական մթնոլորտի շրջանակներում։ «Միանգամայն թյուր հասկացության տեղիք է տրվում,— գրում է նա,— երբ ավելի ուշ ժամանակների շահանքներով ու կատեգորիաներով քննվում են նախորդ շրջանի դձայքերն ու դեմքերի գործերը»<sup>3</sup>։ Թիւլաքը և Գանդին՝ Հնդկաստանում, այնուհետև գրում է նա, Սուն՝ Յաթսենը՝ Չինաստանում, Արաբի փաշան՝ Եգիպտոսում, Եփրեմ խանը և Սաթթար խանը՝ Իրանում, սրանք բոլորն էլ բուրժուազիաների գործիչներ են, որոնց գաղափարներն ու գործերը բարձր են գնահատվում մարքս-լենինյան պատմագիտության մեջ։ «Նույնպիսի մոտեցում պետք է լինի հայ ժողովրդի ազատագրման համար մաքառած գործիչներին»<sup>4</sup>, իրավացիորեն

գրում է պատմաբանը։ Թուրքիայի նոր պատմությունը նվիրված քաղաքացիական ուսումնասիրություններում, շարունակում է նա իր միտքը, նույնիսկ դրվատական խոսք է ասվում մինչև թուրքական գաղափարախոսության գաղափարներից մեկի՝ Ալի Սուլթանի հասցեին, որը 1878-ին փորձեց դավադրության միջոցով գահընկեց անել սուլթան Համիդին և նրան փոխարինել կիսախելագար Մուրադով, մինչդեռ հայ մարտիկները սուլթանների, ցարիզմի կործանման մեջ էին տեսնում ազգի փրկությունը, մասնակցում էին դարաշրջանի հեղափոխական տարրեր ուղղություններին, դառնում էին ժողովրդանվեր, գիտակից մարտիկներ։ Հայոց հասարակական, քաղաքական զարգացումը, գրում է Ջ. Կիրակոսյանը, նախ և առաջ պտտվում էր հայրենիք, տերիտորիա, ինքնուրույնություն ունենալու, Արևմտյան Հայաստանի ազատագրելու խնդիրների շուրջը։

Ջ. Կիրակոսյանը հանգամանորեն քննում է նաև «Արմենիա» և «Հնչակ» թերթերի էջերում արևմտահայության ազատագրման խնդիրը, ցույց տալիս «Արմենիա» թերթի դերը Եվրոպայում ծավալված հայանպաստ շարժման գործում։ Նա դրականորեն է արտահայտվում Մկրտիչ Փորթուզյանի և նրա «Արմենիայի» մասին։ «Արմենիան»,— գրում է նա,— առաջին թերթն էր, որ ժողովրդի տառապանքների ու բողոքների մասին խոսեց բարձրաձայն, վառեց հայ գաղութների մեջ ազգասիրության և հայրենասիրության կրակը։ Թերթը միմյանց մերձեցրեց մեր ժողովրդի տարրեր հատվածներին, նրանց կապեց հայրենիքի դարդ ու ցավի հետ»<sup>1</sup>։ Նա քննադատում է այն հետազոտողներին, ովքեր փորձել են խաթարել «Արմենիայի» տեղը հայ հասարակական-քաղաքական մտքի պատմության մեջ, նսեմացնել նրա խաղացած ակտիվ դերը արևմտահայության ազատագրական գաղափարախոսության զարգացման, ժողովրդին գործնական քայլերի մղելու ուղղությամբ։

Իր այդ միտքն ապացուցելու համար նա հանգամանորեն վերլուծում է «Արմենիայում» տպագրված նյութերի բովանդակությունը։ «Միայն կլինի պատմական այն պայմաններում «Արմենիային» ավելի մեծ պահանջներ առաջադրել,— գրում է նա։— Կարևորն այն է, թե նա հրապարակ իջնելով, իր փայփայած հարցադրումներով, առաջադրած մտքերով առաջադիմական

<sup>1</sup> Տե՛ս Ջ. Կիրակոսյան, նշվ. աշխ., էջ 186։ Ջ. Կիրակոսյանը նկատի ունի Վ. Ավետիսյանի «Հայ հասարակական մտքի զարգացման մարքս-լենինյան փուլի սկզբնավորումը» աշխատությունը, էջ 157—158։

<sup>2</sup> Ջ. Կիրակոսյան, նշվ. աշխ., էջ 186—187։

<sup>3</sup> Նույն տեղը, էջ 186—187։

<sup>4</sup> Նույն տեղը, էջ 189։

1 Ջ. Կիրակոսյան, նշվ. աշխ., էջ 246։



դեր էր խաղում, թե ոչ: Պատասխանը միայն մեկն է՝ առաջադրմական»<sup>1</sup>:

Անդրադառնալով «Հնչակին», Ջ. Կիրակոսյանը գտնում է, որ «Արմենիայի», «Հայաստանի» համեմատ այն ավելի արմատական դիրք գրավեց: Թերթը հենց սկզբից, գրում է նա, ժխտեց Արևմտյան Հայաստանի ազատագրության խնդրում արևմտաեվրոպական գիվանագիտության դրական դերի հնարավորությունը, հակվեց ժողովրդի կողմից սեփական ուժերի վրա կոթնելու տեսակետին:

1870—1890-ական թվականների հայ հասարակական-քաղաքական հոսանքների հարցը քննվում է նաև Գ. Գալոյանի «Ռուսաստանը և Անդրկովկասի ժողովուրդները» ու «Պատմության քառուղիներում» մեծագրությունների մեջ: Նա XIX դարի վերջին քառորդում Հայաստանի հասարակական-քաղաքական կյանքում աչքի ընկնող դեր է հատկացնում «Մշակ» լրագրին և նրա խմբագիր Գր. Արծրունուն: «Մշակը» պայքար էր մղում հողերականության և ֆեոդալական հարաբերությունների մնացորդների դեմ, հանդես էր գալիս երկրի բուրժուական զարգացման օգտին: Նշելով, որ Գր. Արծրունին արևմտահայերի ազատագրության հույսը կապում էր Ռուսաստանի հետ, Գ. Գալոյանը, միաժամանակ, քննադատում է նրա սխալ դիրքորոշումը ցարական կառավարության հանդեպ: Հաջող է տրված ազգային-պահպանողականների և նրանց «Փորձ» ու «Արձագանք» պարբերականների գաղափարական-քաղաքական ուղղվածության գնահատականը: Նշելով, ինչպես ինքն է գրում, ազգային ու քաղաքական պայքարի հստակ պլատֆորմից զուրկ այդ հոսանքի խոցելի տեղերը, պատմաբանը միաժամանակ իրավացիորեն գտնում է, որ «Այսուհանդերձ չի կարելի ուրանալ օրյեկտիվորեն այն առաջադրմական դերը, որ կատարել են այդ օրգանները հայ հասարակական կյանքում: Ազատությունից զրկված հայ ժողովրդի համար նրանք եղել են ժամանակի այն ամբիոնը, որոնք ստիպել են լսել ժողովրդի զայրույթը և հույզերի ձայնը»<sup>2</sup>:

Անդրադառնալով 1877—78 թթ. ռուս-թուրքական պատերազմին, Գ. Գալոյանը գտնում է, որ, ընայած ցարիզմի զավթո-

ղական նկրտումներին, այդ պատերազմը թուրքական լծի տակ հեծող արևմտահայերի և Անդրկովկասի ժողովուրդների համար ուներ արդարացի, ազատագրական բնույթ<sup>3</sup>: Նրա կարծիքով, Անդրկովկասի ժողովուրդները իր ժամանակին այն դիտել են որպես ազատագրական պատերազմ: Սա, մեր կարծիքով, ճիշտ տեսակետ է: Ուշագրավ է Գ. Գալոյանի այն միտքը, թե ռազմական գործողությունների կովկաս-փոքրասիական բեմահարթակում ռուսական զորքերի հաջողությունն առաջին հերթին պետք է բացատրել նրանով, որ նրանք այնտեղ ամենուրեք զգում էին ժողովրդի պաշտպանությունը: «Ժողովրդի աչքում նրանք ոչ թե նվաճողներ էին,— գրում է նա,— այլ ազատարարներ: Ավելին, Անդրկովկասի ժողովուրդները լավ էին հասկանում, որ եթե թուրքական զորքերին շահողվեց ներխուժել իրենց սահմանները, ապա դրա մեջ իրենք պարտական են ռուսական բանակին»<sup>3</sup>:

Խոսելով հայ քաղաքական կուսակցությունների երևան գալու մասին, Գ. Գալոյանը նկատում է, որ այն XIX դարի երկրորդ կեսի ազգային-ազատագրական շարժման զարգացման հետեվանք էր:

1870—1890-ական թվականների հայ հասարակական-քաղաքական հոսանքների հարցը քննվում է Աշ. Հովհաննիսյանի և Մ. Աղայանի կողմից՝ «Հայ ժողովրդի պատմության» VI հատորում: Նրանց կարծիքով, այդ ժամանակաշրջանում հայ հասարակական-քաղաքական հոսանքները տնտեսական և սոցիալական, քաղաքական ու գաղափարական խնդիրներով բաժանվում էին հիմնականում երեք խմբերի՝ պահպանողական, լիբերալ-բուրժուական և դեմոկրատական: Այնուհետև բնութագրվում են այդ հոսանքները առանձին-առանձին:

Հատորում ասված է, որ այդ տարիներին արևելահայ իրականության մեջ ազգային-պահպանողական հոսանքն արտահայտում էր տեղական մանր ու միջին արդյունաբերողների, կավածատերերի և առևտրական բուրժուազիայի սոցիալական շահերը: Պահպանողականներն օգտվում էին եկեղեցու հեղինակությունից, բուրժուական արտադրական հարաբերությունների

<sup>1</sup> Տե՛ս Գ. Գալոյան, Ռուսաստանը և Անդրկովկասի ժողովուրդները, էջ 403—404:

<sup>2</sup> Տե՛ս նույն տեղը, էջ 404:

<sup>3</sup> Նույն տեղը, էջ 407:

<sup>1</sup> Ջ. Կիրակոսյան, Նշվ. աշխ., էջ 279:

<sup>2</sup> Գ. Գալոյան, Պատմության քառուղիներում, էջ 119—120:



զարգացման մեջ նշմարելով ցարական-պետական քաղաքական-նության հաղթանակը, նրանց խիստ անհանգստացնում էին նաև ցարիզմի սաստկացող հալածանքները՝ հայոց լեզվի, դպրոցների, մշակույթի օջախների նկատմամբ և, ի տարբերություն լիբերալների, ավելի ակտիվ պայքար էին մղում ցարիզմի ազգահալած քաղաքականության դեմ: Նրանք թերահավատորեն էին վերաբերվում եվրոպական պետությունների անշահախնդիր օգնությունը:

Արևելահայ իրականության հասարակական առաջընթացի մեջ, գրում են հեղինակները, ազգային պահպանողականները կողմնակից էին Անդրկովկասում կապիտալիստական հարաբերությունների զարգացմանը՝ սակայն տեղական ուժերի ժիջոցով: Աշխատավորական զանգվածների սոցիալական պայքարի հարցերում նրանք ամբողջովին կանգնած էին գոյություն ունեցող կարգերի պաշտպանության դիրքերում<sup>1</sup>:

Հեղինակների կարծիքով, ազգային-պահպանողական հոսանքի, նրա տպագիր օրգանների ու խմբագիր-հրատարակախոսների տեսակետները միշտ չէ, որ հայ կյանքի մի շարք երեվույթների զնահատման հարցում համընկնում էին: Այսպես, հայ պահպանողականների մի մասը (Աբգար Հովհաննիսյանի «Փորձի» և «Արձագանքի» շուրջ համախմբվածները) ձախ թևն էին կազմում և, դրանով իսկ, միջին դիրք գրավում հայ պահպանողականության և լիբերալիզմի միջև:

Լիբերալ-բուրժուական հոսանքը արտահայտում էր զարգացող բուրժուազիայի շահերը և քանի որ, ինչպես գրում են հեղինակները, հայ բուրժուազիան թույլ էր ու երկշոտ, նա իր գոյությունը պաշտպանելու համար հակված էր տիրող կարգերի հլու կամակատարը դառնալու<sup>2</sup>: Նրանց կարծիքով, ի տարբերություն պահպանողական հոսանքի, լիբերալ-բուրժուական հոսանքն իր զասակարգային արմատներով դպալի չափով կապված էր հայ գաղթավայրերի և Անդրկովկասի հայաշատ կենտրոնների հետ: Սոցիալական ու քաղաքական պայքարի հարցերում լիբերալ-բուրժուական հոսանքը կանգնած էր ռեֆորմիստական դիրքերում: Հեղինակները գտնում են, որ եթե արևելահայ լիբերալ-բուրժուական հոսանքի պարագլուխը Գր. Արծրունին էր, ապա

արևմտահայ իրականության մեջ լիբերալ ուղղությունը շարունակում էին գլխավորել Ն. Ռուսինյանը, Սերվիչենը, Գ. Օտյանը և ուրիշներ<sup>3</sup>:

Հայ դեմոկրատական հոսանքի գաղափարախոսությունը, այնուհետև գրում են նրանք, իր արտահայտությունը գտավ 70—90-ական թվականների հայ դեմոկրատ գրողներ Ռ. Պատկանյանի, Բաֆֆու, Հ. Պարոնյանի, Արփ. Արփիարյանի, Ղ. Աղայանի, Գ. Չիլինկիրյանի, Մ. Մամուրյանի երկերում և հրատարակախոսական աշխատություններում: Դրանց գլխավոր ներկայացուցիչը Բաֆֆին էր<sup>4</sup>, Ըստ հեղինակների մինչիմպերիալիստական դարաշրջանում առաջադիմական էր ոչ միայն դեմոկրատիզմը որպես հասարակական-քաղաքական հոսանք, այլև լիբերալիզմը, իսկ ձնշված ազգերի մոտ, որպեսին էր հայ ժողովուրդը, համադեմոկրատական միտում ուներ նաև նացիոնալիզմը, որպես ազգային ինքնագիտակցության ազդակ<sup>5</sup>: Հայ դեմոկրատական մտավորականության գլխավոր մտահոգությունը ժողովրդի սոցիալական և ազգային ազատագրության հարցն էր, բայց քանի որ արևմտահայությունը համեմատաբար ծանր պայմաններում էր ապրում, ուստի նա ավելի էր մտահոգված արևմտահայ հատվածի ազգային ազատագրության հարցով: Հեղինակների կարծիքով, 1870—1880-ական թվականների արևելահայ դեմոկրատական հոսանքի առաջատարները նարոդնիկներն էին, առաջավոր մտավորականությունը, հատկապես ուսանող երիտասարդությունը: Ընդհանուր է նրանց այն հետևությունը, որ Անդրկովկասի տարատիճան մտավորականության ներկայացուցիչները, ուստի ժողովրդի զավակների հետ գործելով նարոդնիկական խրմբակներում, պայքարում էին այն նույն խնդիրների կենսագործման համար, ինչ ամբողջ Ռուսաստանի հասարակական զարգացման հիմնական ուղղությունն էր պայքարում հանուն բուրժուադեմոկրատական հեղափոխության, ագրարային հարցի լուծման: «Բայց ի տարբերություն Ռուսաստանի, որի քաղաքական պայքարի հիմնական խնդիրը ագրարային հարցն էր, Անդրկովկասի նարոդնիկական խմբակներին մտահոգում էր նաև ազգային հարցը, ազգային-ազատագրական շարժումների ճակատագիրը»<sup>6</sup>:

<sup>1</sup> Տե՛ս Հայ ժողովրդի պատմություն, հ. VI, էջ 166:

<sup>2</sup> Տե՛ս նույն տեղը:

<sup>3</sup> Տե՛ս նույն տեղը, էջ 166—167:

<sup>4</sup> Նույն տեղը, էջ 172:

<sup>1</sup> Տե՛ս Հայ ժողովրդի պատմություն, հ. VI, էջ 163:

<sup>2</sup> Տե՛ս նույն տեղը, էջ 165:



Հատորում խոսվում է հայ իրականության մեջ ստեղծված նարոդնիկական խմբակների, նրանց ծրագրերի ու գործունեության մասին, սակայն դժվար է համաձայնվել հեղինակների հետ, որոնք 1882 թ. Քիֆլիսում կազմակերպված խմբակը նարոդնիկական են համարում<sup>1</sup>: Մեր կարծիքով, այն ոչ թե նարոդնիկական, այլ ազգային-դեմոկրատական, հայրենասիրական էր: Նույնը կարելի է ասել Մոսկվայի հայ ուսանողների հիմնադրած «Հայրենասերների միության» մասին: Այլ բան է, որ այդ խմբակների վրա ուժեղ էր նարոդնիկության ազդեցությունը:

Հայ քաղաքական կուսակցությունների ձևավորման, նրանց հետագա գործունեության մասին շատ պատմաբաններ, այլ հեղինակներ են գրել սկսած 1920-ական թվականներից: Սակայն հարկ է նշել, որ ինչպես հայ քաղաքական մյուս կուսակցությունների, հատկապես հայ իրականության մեջ ամենաազդեցիկ կուսակցության՝ դաշնակցության մասին եղել են հակասական, սկզբունքորեն իրարամերձ կարծիքներ, որոնք այսօր էլ շարունակվում են:

Հայտնի է, որ 1920-ական թվականներին սուր բանավեճ սկսվեց դաշնակցության սոցիալական էության հարցում: Աշ. Հովհաննիսյանը իր մի քանի աշխատություններում պնդում էր, որ դաշնակցությունը մանրրուրժական կուսակցություն է<sup>2</sup>: Այս տեսակետի դեմ հանդես եկան Արտ. Կարինյանը, Հ. Ազատյանը, Հ. Եկավյանը, Ք. Մանդալյանը, Գ. Վանանդեցին, Գ. Աբովը և ուրիշներ, պնդելով, որ դաշնակցությունը հայ խոշոր բուրժուազիայի մարտական կուսակցություն է եղել:

Դեռ ավելին, 1930-ական թվականների սկզբներին խորհրդահայ երիտասարդ պատմաբաններից մեկը նրան բնութագրել է որպես ֆաշիստական կուսակցություն, ըստ որում՝ իր հիմնադրման օրից սկսած: «Դաշնակցությունը որպես հայ բուրժուազիայի ֆաշիստական կուսակցություն, — գրել է նա, — իր իսկական դեմքով և էությունը հանդես է եկել ու գործել իր գոյության գրեթե քառասունամյա ողջ պատմության շրջանում, սկսած դեռևս

<sup>1</sup> Տե՛ս Հայ ժողովրդի պատմություն, հ. VI, էջ 179:

<sup>2</sup> Տե՛ս Աշ. Հովհաննիսյան, Դաշնակցության իդեոլոգիայի ընթացիկ կուրսը, «Նորք», գիրք կրթորդ, 1923, Դաշնակցության սոցիալական ծագումը, նույն տեղը, գիրք առաջին, 1927, Դաշնակցության առիթով, Մոսկվա, 1929:

իր՝ որպես կուսակցություն, կազմակերպման առաջին իսկ օրերից»<sup>1</sup>:

Հիմարտության դեմ շեղանշելու համար ասե՛ք, որ դաշնակցությունը ֆաշիստական անվանելը հիշյալ պատմաբանի նախաձեռնությունը չի եղել, այլ նա հիմք է ընդունել ՀԿ(Բ)Կ Կենտկոմի 1928 թ. նոյեմբերյան պլենումի բանաձևը, որի մեջ ասված է հետևյալը. «Դաշնակցությունը եղել է և է հայ բուրժուազիայի իդեերի ու ձգտումների արտահայտիչն ու մարտական կուսակցությունը: Նա կատարել է և կատարում է համաշխարհային իմպերիալիզմին սպասավորելու ամենասուր պաշտոնը: Դաշնակիզմը բուրժուական ազգայնական-շովինիստական-հակահեղափոխական իդեոլոգիան է: Նա հայ իրականության ֆաշիզմն է»<sup>2</sup>: Սակայն, ինչպես տեսանք, բանաձևում չի ասվում, թե դաշնակցությունը ֆաշիստական կուսակցություն է եղել իր սկզբնավորման օրից, այսինքն՝ 1890 թվականից, երբ դեռևս ֆաշիզմն էլ չկար: Մի՞թե կարելի է անցյալ դարավերջին կյանքի թելադրանքով ստեղծված և իրեն հայ ժողովրդի ազատագրական պայքարին նվիրած կուսակցությունը ֆաշիստական անվանել: Զե՛ որ դա բացարձակ արսուրդ է:

Շուրջ շորս տասնամյակ լուրջունից հետո, 1960-ական թվականների սկզբին, նորից արծարծվեց դաշնակցության սոցիալական ծագման հարցը: Մի քանի պատմաբաններ առաջ քաշեցին 1920-ական թվականներին մերժված այն տեսակետը, թե դաշնակցությունը մանրրուրժական կուսակցություն է<sup>3</sup>:

Այժմ համառոտակի շարադրենք հայկական քաղաքական կուսակցությունների մասին խորհրդահայ պատմաբանների կարծիքները վերջին քսանհինգամյակում:

<sup>1</sup> Մ. Ներսիսյան, Դաշնակցական «դրախտավայրը կամ սովի ու մահվան ախարհը», Եր., 1932, էջ 1:

<sup>2</sup> Ա. Խաչյան, Մեր իդեոլոգիական պայքարի հիմնական խնդիրները, Եր., 1933, էջ 23:

<sup>3</sup> Տե՛ս Գ. Հարությունովի և Ս. Պոսելյանիի հոդվածը «Вопросы истории» ամսագրում (1963, № 3), Լ. Խուրշուլյանի ղոկոտրական դիսերտացիայի ավտոռեֆերատը, էջ 18: Տե՛ս նաև Ռ. Հովհաննիսյան, Արևմտահայ ազգային-ազատագրական շարժումները և Կարինի «Պաշտպան հայրենայց» կազմակերպությունը, էջ 9, Ա. Համբարյան, Ազրաթային հարաբերությունները Արևմտյան Հայաստանում, էջ 267, Վ. Միխայլյան, Ղրիմի հայկական դադութի պատմությունը, հ. II, էջ 260:



Հայ քաղաքական կուսակցությունների ծրագրերն ու գործելակերպը՝ կապված արևմտահայերի XIX դարավերջի ազատագրության հարցի հետ, հանգամանորեն քննում է նաև Հ. Վարդանյանը: Նա փաստալից տվյալների հիման վրա առանձին-առանձին բնութագրում է այդ կուսակցությունների գործունեությունը նշված ժամանակահատվածում: Նա բարձր է գնահատում արմենականների օրգան «Արմենիա» թերթը, գտնելով, որ այն նշանակալից դեր է խաղացել հայ ժողովրդի ազգային-ազատագրական պայքարի գաղափարախոսության պրոպագանդման, հայերի ինքնագիտակցության բարձրացման և սուլթանական կառավարության հարձակումների դեմ նրանց ինքնապաշտպանության կազմակերպման գործում: Խոսելով Մ. Փորթուգալյանի գործունեության մասին, նա գրում է. «Մ. Փորթուգալյանը հանդիսացել է արևմտահայ ազատագրական պայքարի լավագույն գաղափարախոսներից մեկը»<sup>1</sup>:

Վերլուծելով «Վարդապետարանի» հիմնական դրույթները, Հ. Վարդանյանը հատկապես ընդգծում է այն միտքը, որ «Վարդապետարանը» հայերի ազգային-ազատագրական պայքարի հարցում հենվում էր ժողովրդի ուժերի վրա, նա ազգի ազատագրության հույսը հիմնականում կապում էր այդ ուժերի անձնուրաց ու հերոսական պայքարի հետ:

Ներկայացնելով հնչակյան կուսակցության բնութագիրը, պատմաբանն այդ կուսակցությունը համարում է մանրրուբուսական, որի սոցիալական հիմքը գյուղացիությունն է եղել: Խրատորեն քննադատելով հնչակյան կուսակցությանը, գտնում է, որ նա վարում էր անարխիստական, դավադրական և տեղորի քաղաքականություն, նա հնչակյանների ծրագիրը համարում է անբովանդակ ֆրազ: Նա մեղադրում է հնչակյաններին այն բանի համար, որ նրանք հույսը դնում էին նաև արևմտյան տերությունների, առաջին հերթին՝ Անգլիայի վրա, չհասկանալով եվրոպական դիվանագիտության շահամուլ բնույթը:

Աշխատության մեջ ավելի խիստ է քննադատված դաշնակցություն կուսակցությունը, նրա գործելակերպը: Նրա քաղաքականությունը, գրում է Հ. Վարդանյանը, արկածախնդրական էր, միանգամայն կորստարեր հայ ժողովրդի համար: Դաշնակցու-

թյունը չհրաժարվեց սրի ու զենքի քաղաքականությունից, վնասակար էր նաև եվրոպական դիվանագիտությունը փարվելը:

Մի երկու դիտողություն: Նախ, Հ. Վարդանյանը սխալվում է այդ կուսակցություններին ազգայնական անվանելով: Պետք է որոշակի տարբերություն դնել ազգային և ազգայնական հասկացությունների միջև: Ճիշտ չէ նաև նրա այն միտքը, թե «Հրնչակյանները կոչվում էին սոցիալիստ-հեղափոխականներ»<sup>2</sup>: Սոցիալիստ-հեղափոխականներ էսէռներն էին, իսկ հնչակյանները իրենց անվանում էին «սոցիալ-դեմոկրատներ»: Մերժելի է նաև Հ. Վարդանյանի այն միտքը, թե «դաշնակցականները կովկասահայ ժողովրդի վզին էին փաթաթում արևմտահայ ժողովրդի ազատագրության հարցը»<sup>3</sup>: Իսկ ինչու է պատմաբանը կարծում, որ արևմտահայ ժողովրդի ազատագրության հարցը կովկասահայերի վզին փաթաթված հարց էր: Ոչ, այն համազգային, համաժողովրդական հարց էր:

XIX դարի 90-ական թվականների հայ ազատագրական շարժումների նկատմամբ հայ քաղաքական կուսակցությունների դիրքորոշմանն անդրադարձել է Ս. Մարկոսյանը՝ արևմտահայությանը նվիրված իր մենագրության մեջ<sup>4</sup>: Նա քննադատում է հնչակյաններին և դաշնակցականներին, որոնք իրենց անհեռատես, ոչ ճիշտ գործողություններով առիթ էին տալիս թուրքական կառավարությանը կազմակերպելու հայկական ջարդեր: «Թուրքական կառավարությանը, — գրում է Ս. Մարկոսյանը, — անհրաժեշտ էին թեկուզ շնչին առիթներ՝ օրինական հիմք ստեղծելու հայերի բնաջնջման իր ճիվաղային քաղաքականությունն ու գործունեությունը Եվրոպայի աչքում արդարացնելու համար: Հնչակյաններն այդ առիթը տալիս էին ոչ թե քաղաքական ապստամբություններ կազմակերպելով, այլ իրենց գրական հոխորտանքներով և երբեմն անիմաստ ու պրովոկացիայի համար նյութի, ծառայող դավադրություններով»<sup>5</sup>:

Պատմաբանի կարծիքով, վերոհիշյալ հայ «հեղափոխականները», հռչակելով հեղափոխություն և ապստամբություն բռնեք, ճիշտ չէին ըմբռնում, խեղաթյուրում էին այդ վեհ գաղա-

<sup>1</sup> Հ. Վարդանյան, ն.վ. ախ., էջ 296:

<sup>2</sup> Նույն տեղը, էջ 331:

<sup>3</sup> Տե՛ս Ս. Մարկոսյան, Արևմտահայության վիճակը XIX դարի վերջերին, Եր., 1965:

<sup>4</sup> Նույն տեղը, էջ 192—193:

<sup>1</sup> Հ. Վարդանյան, Արևմտահայերի ազատագրության հարցը..., էջ 289:



փարնների բովանդակությունը: Նրանք, գրում է Մարկոսյանը, հեղափոխությունն ու ապստամբությունը դիտում էին ոչ թե ժողովրդական զանգվածների ակտիվ շարժում ընդդեմ տիրող կարգերի, այլ մտավորականների զավաղրական գործողություն, կտրված ժողովրդական զանգվածների պայքարից: Նրանց հիմնական նպատակն էր տեռորիստական գործողությունների միջոցով ստիպել եվրոպական դիվանագիտությանը զբաղվելու Հայկական հարցով: Դա էլ, շարունակում է նա, նրանք անվանում էին հեղափոխություն և ապստամբություն: Բայց իրականում դա որևէ առնչություն չունի ոչ հեղափոխության, ոչ էլ ապստամբության հետ: Այդ բառերը շփազանց շատ էին հրուշակվում ինչպես «Հնչակի», այնպես էլ «Դրոշակի» էջերում: «Դավադրական կույթները», — գրում է Ս. Մարկոսյանը, — առանց մասսաների հեղափոխական կազմակերպման, դեռ ոչ մի երկրում և ոչ մի անգամ օգուտ չեն բերել ազատության համար մղվող պայքարում, բացի վնասից: Իսկ թուրքական պայմաններում, երբ հայերի ազատագրական իղձերի դեմ կանգնած էին՝ սկսած եվրոպական ֆինանսական կապիտալից, սուլթանիզմից, արևելյան տիպի ֆեոդալական հարաբերություններից մինչև քրդական քոչվորական ֆեոդալիզմը, զավաղրական «հեղափոխությունը» կարող էր միայն կործանարար ազդեցություն ունենալ հայ աշխատավոր գյուղացիության համար, չբերելով որևէ օգուտ հայ ժողովրդի ազատագրական տենչանքին»<sup>1</sup>:

Հայ քաղաքական կուսակցությունների ձևավորման հարցին անդրադարձել է Վ. Պարսամյանը «Հայ ժողովրդի պատմության» մեջ: Այստեղ նա համառոտակիորեն խոսում է հայ քաղաքական կուսակցությունների ոչ միայն ձևավորման, այլև նրանց ծրագրերի ու գործելակերպի մասին: Վերլուծելով արմենականների ծրագիրը, որ կոչվում էր «Վարդապետարան Հայաստանի ազատության», ցույց է տվել այդ կուսակցության նպատակներն ու խնդիրները: Նրանց ծրագրի հիմքում, գրում է Վ. Պարսամյանը, ընկած էր Հայաստանի ազատության և անկախության գաղափարը: Նրանց նպատակն էր Հայաստանն ազատագրել օտար բռնակալների լծից և ստեղծել բուրժուազեմոկրատական կարգեր: Վ. Պարսամյանը միաժամանակ մատնանշում է այդ կուսակցության ծրագրի և գործելակերպի խոցելի կողմերը: «Բայց նրանց

ծրագիրը, — շարունակում է հեղինակը, — տակավին շատ հեղհեղուկ էր, հստակ պատկերացում չունեին ոչ միայն ապագա ազատագրված Հայաստանի սոցիալական ու քաղաքական հարաբերությունների, այլև նրա ազատագրման ուղիների մասին»<sup>1</sup>: Պատմաբանը բացահայտում է նաև այն հակասությունը, որ կար արմենականների ծրագրում: Չէ՞ որ նրանք մի կողմից կանգնած էին Հայաստանը զենքով ազատագրելու դիրքերում, իսկ մյուս կողմից գտնում էին, թե դա կարելի է անել մեծ տերությունների օգնությամբ, նույնիսկ փողով: Նրա կարծիքով, արմենականների կուսակցությունը ազգային-ազատագրական կազմակերպություն էր, որը արևմտահայ իրականության մեջ իր ժամանակի պատմական պայմաններում առաջադիմական դեր էր կատարում՝ արահայտելով հայ բուրժուազիայի, գյուղացիության ու ղեմոկրատական մյուս խավերի շահերը:

Անդրադառնալով հնչակյան կուսակցության ձևավորմանը<sup>2</sup>, Վ. Պարսամյանը գտնում է, որ հնչակյանները գտնվում էին մի կողմից մարքսիզմի (նկատի ունի Պլեխանովի և նրա խմբի հետ ունեցած կապերը), իսկ մյուս կողմից՝ մանրբուրժուական սոցիալիզմի ու նարոզնիկության ազդեցության տակ: Նա վերլուծել է հնչակյան կուսակցության ծրագիրը, բայց որի գլխավոր մտտակա նպատակը Հայկական հարցի լուծումն էր, Արևմտյան Հայաստանի ազատագրումը: Այդ նպատակին հասնելու միջոցը նրանք համարում էին հեղափոխությունը, զինված պայքարը: Նա բննադատում է նրանց պայքարի ձևերը, որոնք սխալ էին և ցանկալի արդյունք տալ չէին կարող: Գտնելով, որ հնչակյաններն այս կամ այն շահով պրոպագանդել են մարքսիզմը, Վ. Պարսամյանը սխալ է համարում այն հեղինակների կարծիքը, որոնք նրանց համարում են հակահեղափոխականներ, բուրժուական նացիոնալիստներ: Հնչակյան կուսակցությունը, գրում է Վ. Պարսամյանը, իրականում եղել է մանրբուրժուական ազգային կուսակցություն: Սոցիալիզմը նրանց համար եղել է հեռավոր ապագայի խնդիր: 1896 թ. Լոնդոնի համաժողովում հնչակյանները պառակտվեցին, ստեղծվեց վերակազմյալ հնչակյանների կազմակերպությունը: 1905 թվականից և Հոկտեմբերյան հեղա-

<sup>1</sup> Парсамян В., История армянского народа (1801—1900 гг.), с. 317.

<sup>2</sup> Տե՛ս նույն տեղը, էջ 319—322:

<sup>1</sup> Ս. Մարկոսյան, Եջվ. աշխ., էջ 257—258:



փոխութիւնից հետո աշխատավորական, հեղափոխական տարրերը հնչակյաններից հեռացան և մտան կոմունիստական կուսակցութեան շարքերը: Գրքում բնութագրված է դաշնակցութիւն կուսակցութեան ծագումն ու դասակարգային էությունը: Գաշնակցութիւն կուսակցութիւնը, գրում է Պարսամյանը, հանդես եկավ հայ բուրժուական ազգի զարգացման և նրա գաղափարական ազդեցութեան տարածման շրջանում: Նրա պարագլուխները արմենականների ու հնչակյանների նման հանդես եկան ազգային-ազատագրական դրոշով: Նրանց գաղափարախոսական ու պրակտիկ գործունեութեան հիմքում հիմնականում ընկած էր ոչ թե սոցիալ-դասակարգային, այլ ազգային գաղափարը: Նկարագրելով դաշնակցութեան պայքարի ձևերն ու մեթոդները՝ ցույցեր, արշավանքներ, զինված ելույթներ, տեղորոշական ակտեր և այլն, Պարսամյանը գտնում է, որ այդ կուսակցութիւնը իր ազգայնական քաղաքականութեամբ մեծ վնասներ է հասցրել հայ ժողովրդի ազգային-ազատագրական և հեղափոխական պայքարին:

Հայ քաղաքական կուսակցութիւնների ձևավորման, նրանց ծրագրերի ու գործունեութեանը վերաբերող հարցերը հանգամանորեն քննում է նաև Վ. Ավետիսյանը: Խոսելով հնչակյան կուսակցութեան ձևավորման մասին, նա գրում է. «Հնչակյան կուսակցութիւնը կազմակերպվեց և զարգացավ երկու հիմքի վրա՝ սոցիալիստական և նացիոնալիստական, ընդ որում առաջինը լոկ տեսական նշանակութիւն ուներ, իսկ երկրորդը՝ գործնական»<sup>1</sup>: Յույց տալով հայ իրականութեան մեջ մարքսիզմի տարածման ուղղութեամբ հնչակյան գործիչների կատարած աշխատանքը, միաժամանակ նկատում է թե՛ «Սրանով հանդերձ հրնչակյան կուսակցութիւնը ոչ իր աշխարհայացքով, ոչ էլ գործնականում չդարձավ մարքսիստական: Մարքսիզմը նա չընդունեց որպէս գործողութեան ուղեցույց, այլ լոկ մի թեորիա, որը նա փորձում էր օգտագործել հայկական «ազգային հեղափոխութիւնը» «հիմնավորելու» և պրոպագանդելու համար»<sup>2</sup>: Հայերի մասնակի ցույցերի ու ապստամբութիւնների միջոցով եվրոպական պետութիւնների միջամտութիւնը շահելու և Հայկական հարցը լուծելու հնչակյան կուսակցութեան տակտիկական ձախող-

վեց: Չնայած դրան, գրում է Վ. Ավետիսյանը, այդ կուսակցութիւնը շարունակեց թմբկահարել իր գործելակերպը, նոր ապստամբութեան կոչեր անել և դարձյալ ազատագրման հարցը կապել եվրոպական իմպերիալիստական պետութիւնների միջամտութիւնների հետ: Հնչակյանների նման վարքագիծը, շարունակում է նա, հայ ժողովրդի մեջ սին պատրանքներ էր սերմանում եվրոպական իմպերիալիստական զիշատիչ պետութիւնների ազատարար դերի մասին, դրդում նրան անխոհեմ, Թուրքիայի մյուս ժողովուրդներից մեկուսացած, ցարուցրիվ ելույթների, որոնք որպէս պատրվակ օգտագործում էր սուլթանական արյունոտ ռեժիմը հայերին անխնա բնաջնջելու ու կոտորելու՝:

Վ. Ավետիսյանը հանդիմանում է հնչակյան կուսակցութեան ինչպէս անցյալի, այնպէս էլ ժամանակակից տեսաբաններին, որոնք պնդում են, թե, իբր, հայ իրականութեան մեջ մարքսիզմի առաջին տարածողներն իրենք են եղել: Հայտնի է, գրում է պատմաբանը, որ ռուսական իրականութեան մեջ ևս ռուս նարոդիկները դեռ մարքսիստներից առաջ թարգմանել և տարածել էին Մարքսի ու էնգելսի որոշ երկեր, դրականորէս արտահայտվել Մարքսի և էնգելսի մասին: «Կոմունիստական կուսակցութեան մանիֆեստն» առաջին անգամ 1869 թ. Բակուինն է թարգմանել ռուսերեն, որը բնավ մարքսիստ չէր: «Կապիտալը» թարգմանել է նարոդիկ Նիկ-ոնը: Բայց ոչ ոք ռուսական իրականութեան մեջ նարոդիկներին չի հայտարարել մարքսիստներ կամ մարքսիզմի տարածողներ:

Անդրադառնալով դաշնակցութեանը, Վ. Ավետիսյանը գրտնում է, որ չնայած գոյութիւն ունեցող երանգներին, դաշնակցութեան հիմնադիրներն իրենց գաղափարախոսութեամբ նույն մշակականներն էին: Գաշնակցութիւնը մերժում էր դասակարգային պայքարը, իր երևան գալու առաջին իսկ օրերից դաշինք էր հաստատել հայ բուրժուազիայի, հայ հոգևորականութեան և օտարերկրյա կապիտալի հետ: Հեղինակը դատապարտում է Հայկական հարցի լուծման գործում դաշնակցութեան քաղաքականութիւնը, այն համարում է արկածախնդրական:

Վ. Ավետիսյանը համառոտակիրորեն քննում է նաև դաշնակցութեան դասակարգային էութեան հարցը, մեջբերումներ կա-

<sup>1</sup> Վ. Ավետիսյան, ն.մ. աշխ., էջ 130:

<sup>2</sup> Նույն տեղը, էջ 176:

<sup>1</sup> Տե՛ս Վ. Ավետիսյան, ն.մ. աշխ., էջ 180:

<sup>2</sup> Տե՛ս նույն տեղը, էջ 186:



տարելով հայ մարքսիստներին: Սակայն որոշակիորեն ոչինչ չի ասում՝ դաշնակցությունը բուրժուական, թե՞ մանրբուրժուական կուսակցություն էր: Նա միայն նշում է, որ դաշնակցության կազմը, լինելով խաչտաբղետ, մեծ մասամբ մանրբուրժուական էր<sup>1</sup>: Մի այլ տեղ նա գրում է. «Մարքսիստ-լենինյանները, երբ խոսել են դաշնակցության մասին որպես մանրբուրժուական կուսակցության, նկատի են ունեցել գլխավորապես նրա կազմը, մանրբուրժուական տարրերի գերակշռությունը նրա շարքերում»<sup>2</sup>: Քննադատելով դաշնակցությանը, հեղինակը, երբեմն խտացնելով գույները, ծայրահեղություն մեջ է ընկնում: Այսպես, նա դաշնակցությունը համարում է հայկական ֆաշիզմ<sup>3</sup>, դաշնակցականներին անվանում բաշիբոզուկներ, ենիշերիններ կամ՝ հայոց ազգային բռնակալություն իր միլիտարիզմով և այլն<sup>4</sup>:

Ի դեպ, դաշնակցության մասին խորհրդահայ շատ պատմաբաններ են գրել, բայց դրանցից միայն երկուսն են դաշնակցությանը ֆաշիստական անվանել՝ Մ. Ներսիսյանը 1930-ական թվականներին և Վ. Ավետիսյանը՝ 1960-ական թվականներին:

Բ. Օհանջանյանը ևս ընկնելով ծայրահեղություն մեջ, դաշնակցության գործունեության մեջ շտեմնելով ոչ մի էվոլյուցիա, գրել է, թե «դաշնակցության ամբողջ պատմությունը այդ կուսակցության ձևավորման սկզբից մինչև այսօր ժողովրդի շահերին դավաճանելու քաղաքականության քստմենելի պատմություն է»<sup>5</sup>:

Բանն այն է, որ մի շարք պատմաբաններ ևս անտեսում են այն հայտնի ճշմարտությունը, որ հայ քաղաքական կուսակցությունները, ինչպես և ամեն մի պատմական երևույթ, էվոլյուցիա են ապրել, հետևաբար դրանց գնահատականները տալիս պետք է հանդես բերել պատմական մոտեցում: Վ. Ի. Լենինը հիշեցնում էր, որ «... հարցին գիտականորեն մոտենալու առումով ամենակարևորն է՝ շմոռանալ հիմնական պատմական կապը, յուրաքանչյուր հարցին նայել այն տեսակետից, թե տվյալ որոշակի երևույթը պատմության մեջ ինչպես է ծագել, իր դար-

գացման ընթացքում ինչպիսի գլխավոր փուլեր է անցել այդ երևույթը և դրա զարգացման տեսակետից նայել, թե տվյալ բանն ինչ է դարձել այժմ»<sup>1</sup>:

Դաշնակցության հասցեին զանազան պիտակներով լի են նաև Բ. Օհանջանյանի աշխատությունները՝ ենիշերիններ, բաշիբոզուկներ, շտուրատաններ, գյազաններ, ոչնչություն և այլն<sup>2</sup>: Կարծում ենք, որ գիտապատմական գրականության մեջ նման մոտեցումը դատապարտելի է<sup>3</sup>: Դժվար է համաձայնվել Բ. Օհանջանյանի այն կարծիքին, թե դաշնակցություն կուսակցության հիմնադիրները՝ Ք. Միքայելյանը, Ս. Զավարյանը և Ս. Զորյանը բուրժուական մտավորականության ներկայացուցիչներն էին<sup>4</sup>: Մեր կարծիքով, նրանք ազգային-դեմոկրատական մտավորականության ներկայացուցիչներն էին: Համոզիչ չէ նրա այն պնդումը, թե «Արևմտյան Հայաստանի ազատագրման ծրագրի առաջադրմամբ կովկասահայ բուրժուազիան և նրա կուսակցությունը փորձեցին մի գնդակով երկու նապաստակ որսալ. նախ՝ հեղափոխական շարժումներից հեռու պահել հայ պրոլետարիատին ու մանրբուրժուական խավերին, երկրորդ՝ դասակարգային գիտակցության փոխարեն նրանց մեջ սերմանել նացիոնալիստական գաղափարախոսություն»<sup>5</sup>:

Աշ. Հովհաննիսյանը և Մ. Աղայանը անդրադառնալով հայ քաղաքական կուսակցությունների ձևավորման հարցին, ցույց տալով դրանց հանդես գալու նախադրյալները, գտնում են, որ արմենականները հանդես գալով որպես հայ ազգային-ազատագրական պայքարի ջատագով, չգարձան կազմակերպված, կուռ կուսակցություն: Հեղինակները առաջին հայ քաղաքական կուսակցությունը համարում են հնչակյանը<sup>6</sup>: Ի դեպ, հնչակյան կու-

1 Վ. Ի. Լենին, ԵԼԺ, հ. 39, էջ 83:

2 Տե՛ս Բ. Օհանջանյան, Դաշնակցությունն առանց դիմակի, «Հայաստան», Երևան, 1980, էջ 60, 62:

3 Պետք է նշել, որ նույն տեղը երևույթը առկա է նաև դաշնակցական պատմագիրների մոտ: Օրինակ, Ս. Վրացյանի «Հայաստանի հանրապետություններ» աշխատության մեջ հաճախակի կարելի է հանդիպել բուլշևիկների հասցեին զանազան վիրավորական արտահայտությունների՝ բարբարոսներ, դահիճներ, մարդասպաններ, գազաններ, շարագործներ, XX դարի հոներ, զավթիչներ, ազգուրացներ, պրովոկատորներ, բուլշևիկյան լուծ և այլն:

4 Տե՛ս նույն տեղը, էջ 9:

5 Նույն տեղը, էջ 11:

6 Տե՛ս Հայ ժողովրդի պատմություն, հ. VI, էջ 188:

1 Տե՛ս Վ. Ավետիսյան, նշվ. աշխ., էջ 194:

2 Նույն տեղը, էջ 205:

3 Տե՛ս նույն տեղը, էջ 217:

4 Տե՛ս նույն տեղը, էջ 201:

5 Բ. Օհանջանյան, Տեսական մարքսիզմի ծանր հրետանին, Սր., 1970, էջ



սակցութիւնը հայ առաջին քաղաքական կուսակցութիւնն է համարվել նաև Մ. Աղայանի «Հայ ժողովրդի ազատագրական պայքարի պատմութիւնից» գրքում<sup>1</sup>: Սակայն ղեկավար է անվերապահորեն համաձայնվել այդ կարծիքին, քանի որ արմենականները մշակել էին արևմտահայութեանը թուրքական բռնապետութեան լծից ազատագրելու իրենց ծրագիրն ու գործելակերպը: Արմենականներին կուսակցութիւն չեն համարում նաև ուրիշ պատմաբաններ<sup>2</sup>: Մեր կարծիքով, ավելի ճիշտ է արմենականներին համարել ոչ մասսայական, կուռ կուսակցութիւն: Ընդ որում պետք է նկատի ունենալ, որ արմենականները, որպէս կուսակցութիւն, շարունակում էին գործել նաև հետագայում՝ բայց արդեն այլ անուններով: 1908 թ. արևմտահայութեան միջավայրում, արմենականների կուսակցութեան հիմքի վրա ձևավորվեց մի կազմակերպութիւն, որը հայտնի է «Հայ սահմանադրական ռամկավար կուսակցութիւն» անունով, իսկ 1921-ին այն վերակազմվեց որպէս ռամկավար-ազատական կուսակցութիւն:

Հեղինակները քննադատել են հնչակյան կուսակցութեան ծրագրային դրույթները և գործելակերպը: Նրանք գտնում են, որ հնչակյանների նարոզնիկական ուտոպիական սոցիալիզմը ընդհանուր ոչինչ չունի մարքսիզմի հետ, քանի որ նրանք ամբողջովին ընդունում էին նարոզնիկ-անարխիստների բակունիւյան պայքարի միջոցները, բունտարարութիւնը, տեռորը<sup>3</sup>: Նրանց կարծիքով, հնչակյան կուսակցութեան գործելակերպը վնասակար էր հայ ժողովրդի սոցիալական և ազգային-ազատագրական պայքարի համար:

Չի կարելի չնկատել, որ հեղինակներն ամբողջապէս անտեսել են նրանց կատարած դրական աշխատանքը հայ իրականութեան մեջ մարքսիզմի տարածման, մարքսիստական գրականութեան թարգմանութեան ու հրատարակութեան ուղղութեամբ: Կարծում ենք, որ հնչակյանների գործունեութեան գնահատման հարցում հանդես բերված խիստ բացասական և միակողմանի մտաւեցումը հակասում է պատմութեան օրյեկտիվ լուսաբանման սկզբունքներին:

Դաշնակցութիւնը բնութագրված է որպէս բուրժուազգայ-

նական կուսակցութիւն, որը հանդես եկավ որպէս բուրժուազիայի ազգային շահերի պաշտպան: Հայ բուրժուազիան և նրա կուսակցութիւնը ժողովրդական լայն ղանգվածների աջակցութիւնն ստանալու համար իրենց հռչակեցին համազգային շահերի արտահայտիչներ: Հեղինակները գտնում են, որ «դաշնակցութիւնը որդեգրեց լիբերալ նարոզնիկութեան գործելակերպը և հատկապէս անարխիստական ամբոխավարութիւնն ու տեռորը»<sup>4</sup>: Վերլուծելով դաշնակցութեան ծրագիրը և գործելակերպը, նրանք գտնում են, որ այն ճիշտ ուղի չէր հայ ժողովրդի ազատագրութեան համար:

Հեղինակների կարծիքով, դաշնակցութիւնը կազմակերպվել է ոչ միայն վերասերված նարոզնիկների ու լիբերալների համագործակցութեամբ, այլև պահպանողականների աջակցութեամբ: Քննադատված է դաշնակցութեան ծրագրային այն դրույթը, ըստ որի թուրքական լծից հայ ժողովրդի ազատագրումը հնարավոր է ոչ միայն սոսկ զիվանագիտական ճանապարհով, այլ նաև ապստամբութեան միջոցով: Դաշնակցութիւնը սոցիալիստական գաղափարների թշնամի էր և մերժում էր Արևմտյան Հայաստանում այդ գաղափարների տարածումը: Իբրև այդ հարցի ամփոփում, հատորում ասված է, որ դաշնակցութիւնը, ժխտելով դասակարգային պայքարը, ազգային-ազատագրման խնդիրը դիտում էր սոցիալական հեղափոխութիւնից անկախ: Հայ ժողովրդի ազատագրման հարցը կապելով իմպերիալիստական տերութիւնների շարաբաստիկ միջամտութեան հետ, կիրառելով գործունեութեան արկածախնդրային ձևեր ու միջոցներ, հայերի պայքարն անջատելով ճնշված ժողովուրդների համընդհանուր պայքարից. դաշնակցութիւնը հայ ժողովրդին կանգնեցնում էր փակուղու առջև: Նրա հրահրած անջատելու իլույթները, եվրոպայի հայանպաստ միջամտութեան ապարդյուն ակնկալութիւնները, հայկական ինքնավարութիւն ստեղծելու անհիմն հույսերը ոչ մի արդյունք չտվեցին, կազմալուծեցին հայ ժողովրդի ազատագրական պայքարը: Իր գործունեութեամբ դաշնակցութիւնը հայ բանվորներին և գյուղացիութեանը շեղում էր հեղափոխական պայքարի ուղուց, ձախողում նրանց սոցիալական և ազգային-

<sup>1</sup> Տե՛ս Մ. Աղայան, Հայ ժողովրդի ազատագրական պայքարի պատմութիւնից, էջ 82:

<sup>2</sup> Տե՛ս Հայ ժողովրդի պատմութիւն (մեկհատորյակ), էջ 371:

<sup>3</sup> Տե՛ս Հայ ժողովրդի պատմութիւն, հ. VI, էջ 191:

<sup>4</sup> Հայ ժողովրդի պատմութիւն, հ. VI, էջ 194—195:



ազատագրական պայքարը, ամբողջովին արտահայտում բուրժուազիայի շահերը<sup>1</sup>:

«Հայ ժողովրդի պատմության» VI հատորում խստորեն քննադատված է հայ քաղաքական կուսակցությունների, մասնավորապես դաշնակցության, նաև հետագա գործունեությունը: Խոսելով 1890-ական թվականների հայկական ջարդերի և մեծ տերությունների քաղաքականության մասին, Մ. Աղայանը գրտնում է, որ, ընայած դառը փորձերին, հայ քաղաքական կուսակցությունները հայ ժողովրդի հույսը դարձյալ կապում էին մեծ տերությունների օգնության հետ: «Այդ տեսակետից, — գրում է նա, — հատկապես վնասակար դեր էր խաղում դաշնակցությունը»<sup>2</sup>:

Ի դեպ, մեր աշխատության մեջ հաճախ ենք անդրադառնում խորհրդահայ պատմաբանների՝ դաշնակցությանը տրված խիստ բացասական գնահատականներին, որոնց հետ այսօր անվերապահորեն չի կարելի համաձայնվել: Դրանք արմատական վերանայման կարիք ունեն: Դա է պահանջում արդի կյանքը, պատմական ճշմարտությունը: Իհարկե, դա բնավ չի նշանակում, թե մենք բացառում ենք դաշնակցության գաղափարաբանության և գործունեության խոցելի կողմերը, լուրջ սայթաքումները:

Տասնամյակներ հետո խորհրդահայ պատմագրության մեջ կրկին առաջ քաշվեց դաշնակցություն կուսակցության սոցիալական էության գնահատման հարցը: Խոսքն, առաջին հերթին, վերաբերում է Լ. Խուրշուդյանի հոդվածին<sup>3</sup>:

Լ. Խուրշուդյանը գտնում է, որ Վ. Ի. Լենինը և Կովկասի հեղափոխական շարժման ղեկավարները՝ Ստ. Շահումյանը, Բ. Կնունյանցը, Ալ. Մյասնիկյանը, Մ. Յիսկայան, Ս. Կասյանը, Ա. Մոսկովյանը, Աշ. Հովհաննիսյանը և ուրիշներ, դաշնակցություն կուսակցության սոցիալական էությունը բնութագրել են որպես մանրբուրժուական: Նման գնահատական տալու համար նրանք հիմք են ընդունել այդ կուսակցության ծրագիրը, սոցիալական կազմը և գործունեությունը:

Անդրադառնալով դաշնակցության սոցիալական էության առթիվ 1920-ական թվականներին սեղի ունեցած բանավեճին և ՀԿ(Բ)Կ Կենտկոմի 1928 թ. նոյեմբերյան պլենումի հայտնի բանաձևին, նա հանգել է այն եզրակացության, որ այդ բանաձևը ամբողջապես հակասում է դաշնակցություն կուսակցությանը Վ. Ի. Լենինի և հայ լենինյանների տված գնահատականին<sup>1</sup>: Փաստական տվյալների հիման վրա Լ. Խուրշուդյանը համոզիչ հիմնավորում է իր այդ տեսակետը: Նա գտնում է, որ դաշնակցություն կուսակցության դասակարգային էության լենինյան գնահատականը անհատի պաշտամունքի և հետագա տարիներին խորհրդահայ պատմագրության մեջ վարչահրամայական մեթոդներով կեղծվել է: Դեռ ավելին, շատերը հալածվել են լենինյան տեսակետը պաշտպանելու համար:

Լ. Խուրշուդյանը նշում է, որ եթե Մոսկվայում հրատարակվող պատմագիտական շատ ուսումնասիրություններում դաշնակցության սոցիալական էության գնահատականը տրվում է ըստ Վ. Ի. Լենինի, ապա այդ հարցը խորհրդահայ պատմագրության մեջ շարունակում է մնալ դեռևս փակ գոտում: Ինչ խոսք, պատմագիտական և գաղափարախոսական տեսակետից այդ կարևոր հարցի շուրջ պետք է ծավալել լայն գիտավեճ: Այս անգամ սկիզբը Լ. Խուրշուդյանն է դրել: Մենք համամիտ ենք այն կարծիքին, որ դաշնակցությունը, անկախ նրա վարած քաղաքականությունից, իր սոցիալական ծագումով և դասակարգային էությամբ մանրբուրժուական կուսակցություն է, քանի որ նա գործել է հիմնականում գյուղացիության (Հայաստանը գյուղացիական երկիր էր) և մանրբուրժուական աշխատավորական այլ շերտերի միջավայրում, իր սոցիալական կազմը նույնպես մանրբուրժուական է եղել, այսինքն՝ կուսակցության մեջ գերակշռում էր մանրբուրժուական տարրը: Բայց դա չի նշանակում, թե դաշնակցությունը արտահայտել է միայն մանր բուրժուազիայի շահերը: 1920 թ. հետո նա սփյուռքում ծավալեց իր հակախորհրդային գործունեությունը, Խորհրդային Հայաստանի նկատմամբ բռնելով թշնամական դիրք (բացառությամբ վերջին տարիների):

Այժմ կանգ առնենք մեկ այլ հարցի վրա: Թուրքական բռնապետությունից հայ ժողովրդի ազատագրման մասին խոսելիս խորհրդահայ մի շարք պատմաբաններ իրենց աշխատություննե-

<sup>1</sup> Տե՛ս հայ ժողովրդի պատմություն, հ. VI, էջ 198:

<sup>2</sup> Նույն տեղը, էջ 279:

<sup>3</sup> Տե՛ս Хуршудян Л., К вопросу о ленинской оценке социальной сущности партии Дашнакцутюн, «Вестник общественных наук», № 7, 1988, էջ 12—31:



րում անդրադարձել են Հ. Աթաբեկյանցին՝ 1895 թ. նոյեմբերի 23-ին Ֆ. Էնգելսի հղած պատասխանին: Սակայն, ցավոք, այդ պատմաբաններից ոչ բոլորն են ստույգ ներկայացնում Էնգելսի նամակի բովանդակությունը, պարզապես աղավաղում են նրա խոսքերը:

Այսպես, Լ. Բայրամյանը իր աշխատության մեջ ցույց է տալիս, որ «ոչ իմպերիալիստական պետությունների քաղաքականություն, ո՛չ էլ ազգայնական կուսակցությունների գործունեություն, այլ, ինչպես մարգարեաբար նշել է Ֆ. Էնգելսը Հ. Աթաբեկյանցին գրած նամակում, օսմանյան բռնապետության տապալման և Ռուսաստանում սոցիալիստական հեղափոխության հաղթանակի մեջ էր հայ ժողովրդի փրկությունը»<sup>1</sup>: Նախ ասենք, որ Ֆ. Էնգելսը վերոհիշյալ նամակում չի գրել, թե հայ ժողովրդի փրկությունը օսմանյան բռնապետության տապալման մեջ է և ոչ էլ՝ Ռուսաստանում սոցիալիստական հեղափոխության հաղթանակի մեջ: Ի դեպ, աշխատության 281-րդ էջում Ֆ. Էնգելսից բերված քաղվածքը նույնպես աղավաղված է: Երկրորդ անգամ գրելով, թե իրականացավ Ֆ. Էնգելսի մարգարեական կանխատեսումը, Լ. Բայրամյանը հետևյալ մեջբերումն է կատարում. «Հայ ժողովրդի ազատագրությունը կախված է ռուսական հեղափոխության հաջողությունից և ցարիզմի տապալումից» և տողատակին ցույց է տրված Մարքսի և Էնգելսի երկերի 39-րդ հատորի 270—271 էջերը, որտեղ այլ կերպ է գրված: Այնտեղ ասված է. «Իմ անհատական անկեղծ կարծիքն այն է, որ Հայաստանի ազատագրությունը թուրքերից, ինչպես և ռուսներից հնարավոր է միմիայն այն օրը, եթե տապալվի ռուսական ցարիզմը»<sup>2</sup>:

Ի դեպ, նման աղավաղում անդգուշորեն թույլ է տվել նաև մեր անվանի պատմաբաններից մեկը՝ Ա. Մնացականյանը: «Վ. Ի. Լենինը և հայ ժողովրդի ազատագրական պայքարը» մեղադրության մեջ նա նշել է, թե, իբր, Ֆ. Էնգելսը գրել է, որ «հայ ժողովրդի ազատագրումը ցարիզմի և սուլթանիզմի լծից հնարավոր կզառնա, երբ կտապալվեն միապետական կարգերը»<sup>3</sup>:

Սակայն բանն այն է, որ Էնգելսը հայ ժողովրդի ազատագրումը տեսնում էր ոչ թե ցարիզմի և սուլթանիզմի տապալման, այլ միայն ցարիզմի տապալման մեջ:

Վերոհիշյալ հարցին խորհրդահայ պատմաբաններից առաջինն անդրադարձել է Աշ. Հովհաննիսյանը, որը մեծ ներդրում ունի հայ ազատագրական շարժման, նրա գաղափարախոսությունից գիտական հետազոտության բնագավառում: Նրա գրչին են պատկանում բազմաթիվ արժեքավոր աշխատություններ: Չնայած դրան, հարկ է նշել, որ մեծավաստակ պատմաբանը այդ հարցերում թույլ է տվել նաև սխալներ, որոնք գալիս են դեռևս 1920-ական թվականներից:

«Պատմագիտության զարգացումը խորհրդային Հայաստանում» մեր աշխատության մեջ անդրադառնալով «Էնգելսը և հայկական հարցը» գրքին, առարկելի ենք համարել նրա այն կարծիքը, թե իբր միայն ցարիզմի դեմ մղած հայերի ազգային-ազատագրական պայքարն է առաջադիմական: Նա գրում է, թե հայ ազգային շարժումը «պատմականորեն անհաշտ բախման մեջ է գտնվել ցարիզմի անկման համար մղվող հեղափոխական պայքարի հետ»<sup>4</sup>:

Արևմտահայության ազգային-ազատագրական շարժման նրկատմամբ նույն բացասական տեսակետը Աշ. Հովհաննիսյանը արտահայտեց նաև հետագայում: Այսպես, օրինակ, մամուլում տպագրված իր հոդվածներից մեկում<sup>5</sup> նա հայ ազատագրական շարժումն անհիմն կերպով բաժանում է արևելահայ և արևմտահայ հատվածների: Նա գտնում է, որ հայ ազգի տերիտորիալ բաժանվածության հետևանքով մենք ունեցել ենք ազգային-ազատագրական երկու շարժում: Իրովհետև իրերի պատմական բերումով մեր երկիրը բաժանվել է Թուրքիայի և Ռուսաստանի միջև, գրում է նա, որոնցից առաջինը հետամնաց, իսկ երկրորդը համեմատաբար զարգացած պետություն էր, այդ պատճառով էլ արևմտահայերի շարժումը կողմնորոշվեց դեպի Բելոլինի դաշնագրության 61-րդ հոդվածի հետ կապված ակնկալությունները և ավարտվեց 1915 թվականի հայկական եղեռնի ամբողջ ողբերգությունամբ, իսկ արևելահայերի շարժումը լծորդվեց Ռուսաստանի բազմազգ բանվորների և գյուղացիների հեղափոխական շարժ-

<sup>1</sup> Լ. Բայրամյան, Արևմտյան Հայաստանը անդլիական իմպերիալիզմի պլաններում, էջ 5, 6:

<sup>2</sup> К. Маркс и Ф. Энгельс, Соч., т. 39, с. 271.

<sup>3</sup> Ա. Մնացականյան, Վ. Ի. Լենինը և հայ ժողովրդի ազատագրական պայքարը, Եր., 1963, էջ 30:

<sup>4</sup> Ե. Հարությունյան, ԻՉՎ. աշխ., էջ 301:

<sup>5</sup> Տե՛ս «Խորհրդային Հայաստան», 1967, № 259:



ման հետ և լիակատար հաղթանակի հասավ Հոկտեմբերյան սոցիալիստական հեղափոխության շնորհիվ: Այսպիսով, ըստ Աշ. Հովհաննիսյանի դուրս է գալիս, որ հայկական եղեռնի ողբերգությունը հետևանք էր արևմտահայերի ազատագրական շարժման: Սա արմատական սխալ է:

Հենվելով Ֆ. Էնգելսի հայտնի դրույթին, թե թուրքերից և ռուսներից Հայաստանի ազատագրումը կարող է տեղի ունենալ միմիայն ռուսական ցարիզմի տապալման օրը, ինչպես նաև հիմք ընդունելով հայ մարքսիստներից (Ա. Ամիրյան և ուրիշներ) բերած որոշ քաղվածքներ, Հ. Վարդանյանը ևս գտնում է, որ արևմտահայության ազատագրության միակ հնարավոր ուղին ցարիզմի կործանումն էր: Այդ տեսակետը հիմնավորելու համար նա իր մենագրության մեջ բազմաթիվ քաղվածքներ է բերում Ա. Ամիրյանի (Ա. Մուսվյան) «Գաշնակցության կրիզիսը» գրքից, սակայն մենք դժվարանում ենք դրանք ճիշտ համարել: Օրինակ, Ամիրյանը գրել է, թե «Տաճկահայաստանի ազատագրումը պետք է ձեռք բերվի ոչ այնքան Սասունի բանաստեղծական և զեղատեսիլ լեռների վրա, որքան Պետերբուրգի և Քիֆլիսի պրոզայի փողոցների վրա»<sup>1</sup>, կամ՝ դիմելով Անդրանիկին, Ամիրյանը կոչ է անում՝ մտեք «Ռուսաստանի մեծ հեղափոխության գոտ հորձանքների մեջ, այնտեղ կգտնեք դուք ազատությունը ձեր դժբախտ երկրի», կամ՝ կոչ անելով արևմտահայությանը, Ամիրյանը գրել է. «Ելեք փշրելու բռնապետական այն հսկա սպանդանոցը, որի անունն է ցարիզմ» և այլն: Դուրս է գալիս, որ արևմտահայերը պետք է իրենց երկրից գնային Ռուսաստան, կովեին ցարիզմի դեմ և հետո վերագառնային Արևմտյան Հայաստան սուլթանիզմի դեմ կովելու համար:

Այսպիսով, ստացվում է այնպես, որ Էնգելսը և նրան հետևող վերոհիշյալ պատմաբանները գտնում են, որ հայ ժողովրդի ազատագրության համար հարկ չկար պայքարել թուրքական բռնապետության դեմ, քանի որ արևմտահայերի ազատագրության հարցը կախված էր բացառապես ցարիզմի տապալման հետ: Այս վարժիքին չենք կարող համաձայնվել:

Հետագա իրադարձությունները ցույց տվեցին, որ Էնգելսի կանխագուշակումը ճիշտ դուրս եկավ միայն արևելահայության համար, իսկ արևմտահայությունը ոչ միայն չազատագրվեց

թուրքական լծից, այլև զանգվածաբար բնաջնջվեց, մնացածները զրկվեցին իրենց հողից, հայրենիքից: Այս հայտնի իրողությունից հետո մի՞թե անհարկի չէ և. Բայրամյանի այն պնդումը, թե իրր իրականացավ Էնգելսի մարգարեական կանխատեսումը: Այն էլ ավելացնենք, որ թուրքական լուծը շատ ավելի ծանր էր ու դաժան, քան ցարականը:

## 6. Արևմտահայերի ազատագրական շարժումները XIX դարի վերջերին և XX դարի արշալույսին

XIX դարի վերջերի և XX դարասկզբի հայ հասարակական-քաղաքական կյանքի մի շարք կսրերոր հարցերի, այդ թվում արևմտահայերի ազատագրական շարժմանն անդրադարձել է Մ. Աղայանը՝ «Հայ ժողովրդի ազատագրական պայքարի պատմությունից» մենագրության մեջ: Այստեղ նա համառոտակի ներկայացնում է 1877—1878 թթ. ռուս-թուրքական պատերազմի ժամանակ և նրանից հետո ծավալված հայ ազատագրական շարժումների պատմությունը: Արևմտահայության ազատագրական շարժումները, գրում է Մ. Աղայանը, իրենց սոցիալ-դասակարգային բովանդակությամբ լինելով հակասուլթանական և հակաֆեոդալական, զեմոկրատական բնույթ էին կրում, ունեին առաջադիմական նշանակություն<sup>1</sup>:

Նշելով, որ հայ ազատագրական շարժման համար ոգևորիչ էր Բալկանյան ժողովուրդների և հատկապես բուլղարների օրինակը, Մ. Աղայանը միաժամանակ ցույց է տալիս դրանց մի շարք յուրահատկություններն ու տարբերությունները: Նա գրտնում է, որ եթե բուլղարների պայքարը արժանանում էր շրջապատի սլավոն ժողովուրդների պաշտպանությունը, ազատագրական շարժումը կրում էր համաժողովրդական բնույթ, և որ նրանք անմիջական ռազմական օգնություն էին ստանում Ռուսաստանից, ապա հայկական շարժումը անհամեմատ աննպաստ պայմաններում էր գտնվում: Հայերն ապրում էին թուրք և քուրդ բնակչությամբ շրջապատված, նրանց շարժումը համընդհանուր բնույթ չունեցավ և շարժանացավ շրջապատի մահմեդական հոծ

<sup>1</sup> Հ. Վարդանյան, Արևմտահայերի ազատագրության հարցը... էջ 275:

<sup>1</sup> Տե՛ս Մ. Աղայան, նշվ. աշխ., էջ 82:



բնակչության պաշտպանությանը: Բացասական դեր էր խաղում կրոնական մոլեռանդությունը: Բուրժուազգալական կուսակցությունների վարած քաղաքականությունը ևս արգելակում էր ճնշված ժողովուրդների միասնական ճակատ կազմելու գործը<sup>1</sup>: Քանի որ Արևմտյան Հայաստանի աշխարհագրական, տնտեսական, ազգային, էթնիկական, կրոնական և դիվանագիտական պայմաններն ու հարաբերություններն այլ էին, քան Բալկաններում, հետևաբար հայ ժողովրդի ազատագրական պայքարը չպսակվեց հաջողությամբ<sup>2</sup>:

Անդրադառնալով 1890-ական թվականների հայկական ջարդերին, պատմաբանը հայերի ինքնապաշտպանական, հատկապես Սասունի հերոսամարտերի ֆոնի վրա վեր է հանում Անդրանիկի գործունեությունը: Աշխատության մեջ քննվում են XX դարի սկզբին կատարված մի շարք անցքեր, որոնք անմիջականորեն կապված են հայ ժողովրդի պատմության հետ՝ հեղափոխական պայքարի ուժեղացումն Անդրկովկասում, երիտթուրքերի քաղաքականությունը հայերի նկատմամբ, Բալկանյան պատերազմները, Հայկական հարցը առաջին համաշխարհային պատերազմի նախօրյակին և այլն: Այս բոլոր հարցերի լուսաբանման առանցքը Անդրանիկի գործունեությունն է:

XIX դարի վերջի և XX դարի սկզբի արևմտահայերի ազատագրական պայքարի պատմությանն են նվիրված պատմական դիտությունների թեկնածու Կ. Քառոյանի երկու մեծագրությունները<sup>3</sup>: Թեև դրանք, ըստ էության, նախորդ հեղինակների աշխատությունների գրեթե կրկնությունն են, սակայն պարունակում են մի շարք նորություններ: Նրա երկրորդ աշխատության մեջ ճշտորեն բացահայտված են արևմտահայերի ազատագրական պայքարի սոցիալ-տնտեսական և քաղաքական պատճառները, որոնք բխում էին սուլթանական կառավարության տնտեսական ու ազգային քաղաքականությունից:

Անդրադառնալով արևմտահայ գաղթականներին նյութական

օգնություն ցույց տալու հարցին, նա նկատում է, որ Արևմտյան Հայաստանում և Թուրքիայի հայաբնակ վայրերում հիմնավորված կաթոլիկ ու բողոքական միսիոներների, նրանց կազմակերպությունների օգնությունն անշահախնդիր չէր, որ այն կատարվում էր կրոնաքաղաքական նպատակներով, դավանափոխ լինելու պայմանով: Միսիոներների օգնությունը, որքանով որ կարևոր նշանակություն ունեցավ որք, անտուն, մահվան բերանն ընկած հայ մանուկների ու տառապալանների կյանքը փրկելու համար, այնուամենայնիվ, «դրանով նրանք օբյեկտիվորեն աջակցում էին սուլթանին ու նրա կառավարությանը, որովհետև արևմտահայ բնակչությանը բաժանում էին տարբեր, իրար թշնամի խմբերի, քայքայում էին վերջիններիս ուժերը և հեշտացնում թուրքական ջարդարարների կողմից նրանց ազատագրական շարժումների ճնշման գործը»<sup>4</sup>:

Արևմտահայերի ազատագրական շարժումները երիտթուրքերի իշխանության ժամանակաշրջանում լուսաբանված են Ա. Համբարյանի մեծագրության մեջ<sup>5</sup>: Հանգամանորեն վերլուծելով երիտթուրքերի ազգային և հողային քաղաքականությունը Արևմտյան Հայաստանում, պատմաբանը անդրադարձել է այնպիսի հարցերի, որոնք համեմատաբար թույլ են լուսաբանվել խորհրդահայ պատմագրության մեջ: Դրանք են՝ Արևմտյան Հայաստանի քաղաքային աշխատավորության ելույթները, գյուղացիական շարժումները, զինվորական հուզումները, հայ քաղաքական շրջանների դիրքորոշումը 1908—1914 թվականներին և այլն: Կայն տեղ է տրված քրդերի, թուրքերի և ասորիների հասարակական-քաղաքական շարժումներին: Որոշ չափով վեր է հանված Արևմտյան Հայաստանի ժողովուրդների համագործակցությունը:

Ա. Համբարյանը երիտթուրքերի տիրապետության ժամանակաշրջանի արևմտահայ ազգային-ազատագրական ու սոցիալական շարժումները դիտում է որպես անցյալում եղած շարժումների օրգանական շարունակություն: «Եվ չէր կարող այլ կերպ լինել,— գրում է նա,— քանի որ 1908 թ. թեև Թուրքիայում կատարվել էր հեղաշրջում, կապիտալիստական հարաբերություն-

1 Տե՛ս Մ. Ալայան, նշվ. աշխ., էջ 91—92:

2 Տե՛ս նույն տեղը, էջ 11:

3 Տե՛ս Կ. Քառոյան, Ժողովրդական շարժումները Սասունում, Եր., 1968, Արևմտահայերի ազատագրական պայքարը XIX դարի վերջերին և XX դարի սկզբներին, Եր., 1980:

4 Կ. Քառոյան, Արևմտահայերի ազատագրական պայքարը... էջ 178:

5 Տե՛ս Ա. Համբարյան, Երիտթուրքերի ազգային և հողային քաղաքականությունը և ազատագրական շարժումները Արևմտյան Հայաստանում (1908—1914), Եր., 1979:



ներք XX դարի սկզբին, XIX դարի երկրորդ կեսի համեմատությամբ, որոշ շահով առաջադիմել էին, սակայն դեռ պահպանվել էին թուրքական բռնապետությունն ու ֆեոդալական կարգերի տիրապետությունը<sup>1</sup>: Նա միաժամանակ գտնում է, որ արևմտահայության ազատագրական շարժումներն անցյալի համեմատությամբ, երիտթուրքերի կառավարման տարիներին ունեին որոշ տարբերություններ: Այս շրջանում ավելի ակտիվ էին դրսևորվում քաղաքային բնակչության շարժումները, ավելի մարտական բնույթ էին կրում գյուղացիական հուզումները, աշխուժանում էին Արևմտյան Հայաստանի ժողովուրդների համագործակցության փորձերը: Արևմտահայ բուրժուազիան ուներ ավելի շեշտված ուսական կողմնորոշում, որը պայմանավորված էր 1913—1914 թթ. Հայկական հարցի վերաբացումով և այլն: Ընդհանրելով, որ երիտթուրքերը արևմտահայերի ազատագրական շարժումները կանխելու, իրենց դիրքերը ամրապնդելու և հեղինակություն ձեռք բերելու համար սկզբում որոշ բարեփոխություններ կատարեցին Արևմտյան Հայաստանում, հեղինակը միաժամանակ ցույց է տալիս, որ նրանք, հասնելով իրենց նպատակին, դրսևորեցին իրենց իսկական դեմքը, հայահալած և հայաջինջ քաղաքականությունը:

Վերլուծված է հայ քաղաքական կուսակցությունների՝ դաշնակցականների, հնչակյանների, լազմանադրական-ոսմկավարների, հայ լիբերալների և արևմտահայ դեմոկրատական մտավորականության առանձին ներկայացուցիչների, հատկապես՝ Գր. Զոհրապի հասարակական-քաղաքական դիրքորոշումը 1908 թ. երիտթուրքական հեղափոխությունից հետո:

Ա. Համբարյանը հանգում է այն հետևություններ, թե բուրժուազիան ու ֆեոդալական ղեկավար ուժերը անընդունակ են հաստատելու ազգերի հավասար համագործակցություն և իրենց վարքագծով աշխատավոր զանգվածներին ավելի շատ հեռացնում են իրարից, քան մերձեցնում: «Հասարակական-քաղաքական միակ ուժը, — գրում է նա, — որ կարող էր կռել ու կոփել ազգերի իսկական համագործակցությունն ու եղբայրությունը, պրոլետարիատն էր ու նրա կուսակցությունը, որոնցից մեկը, սակայն, թուրքիայում և Արևմտյան Հայաստանում պատմական կոնկրետ

պատճառներով դեռ թույլ էր ձևավորված, իսկ մյուսը՝ չէր առաջացել<sup>2</sup>»:

Արևմտահայերի XX դարի սկզբի ազատագրական շարժումները քննվում են նաև «Հայ ժողովրդի պատմության» VI հատորում (հեղինակներ՝ Ն. Կարապետյան, Ա. Համբարյան): Շարագրելով այդ շարժումների պարտության պատճառները, հեղինակները հանգել են այն եզրակացության, որ հայ ազգային-ազատագրական պայքարը զրկված էր ընդհանուր ճակատ ստեղծելու հնարավորությունից, շունք համազգային միասնական ղեկավարություն, ինքնապաշտպանության զորեղ միջոցներ: Քաղաքական կուսակցությունների ու հոսանքների միջև համագործակցության ընդհանուր ծրագիր գոյություն չունեի<sup>3</sup>: Թեև հաշվի էր առնվում Բալկանյան ժողովուրդների ազատագրության փորձը, այդ գործում, առաջին հերթին, Ռուսաստանի խաղացած դիվանագիտական և ռազմական դերը, բայց անտեսվում էր այն հանգամանքը, որ XX դարի սկզբին փոխվել էր միջազգային դրությունը և կատարվել էին քաղաքական ուժերի նոր տեղաշարժեր<sup>4</sup>:

Հատորում խոսվում է նաև հայ ազատագրական շարժման արձագանքների մասին: Բնորոշ օրինակներ կան հայ ժողովրդի պաշտպանության օգտին միջազգային տարբեր համաժողովներում, պառլամենտներում Եվրոպայի սոցիալիստական կուսակցությունների շատ ականավոր ներկայացուցիչների ելույթներից: Ընդգծված է 1905—1907 թթ. ռուսական հեղափոխության ազդեցությունը Եվրոպայի ու Ասիայի, այդ թվում Թուրքիայի հեղափոխական-ազատագրական պայքարի զարգացման վրա:

Այստեղ քննվում է նաև դարասկզբին ծավալված հայդուկային շարժման հարցը: Պետք է ասել, որ այդ հարցին անդրադարձել են նաև պատմաբաններ Մ. Աղայանը, Կ. Թառոյանը և ուրիշներ, որոնք բոլորն էլ դրական գնահատական են տվել հայդուկային շարժմանը: Ն. Կարապետյանը գտնում է, որ հայդուկային կոիվները և ապստամբական բռնկումները, ինքնապաշտպանական մարտերը թեև չհանգեցրին օսմանյան լծից հայ ժողովրդի ազատագրությանը, բայց և այնպես արթնացրին ժո-

<sup>1</sup> Ա. Համբարյան, նշվ. աշխ., էջ 290.

<sup>2</sup> Տե՛ս Հայ ժողովրդի պատմություն, հ. VI, էջ 472:

<sup>3</sup> Տե՛ս նույն տեղը:

<sup>1</sup> Ա. Համբարյան, նշվ. աշխ., էջ 7:



ղովորդին: Դա պայքար էր, առանց որի ոչ մի ժողովուրդ չի կարողացել ազատագրվել: «Այդ շարժումների պատմական նշանակությունը նախ և առաջ այն է, — գրում է նա, — որ դրանք թույլ շտվեցին, որ հայերի իրավագույն վիճակը հանգեցնի ստրկամիտ հնազանդություն և ժողովրդի մեջ միշտ վառ պահեցին ազատաբաղձ ոգին»<sup>1</sup>:

Արևմտահայության նկատմամբ երիտթուրքերի կեղծ ուռեակցիոն քաղաքականությունը համակողմանիորեն բացահայտել է Ջ. Կիրակոսյանը<sup>2</sup>:

Փաստական հարուստ տվյալների հիման վրա նա ցույց է տվել, թե ինչ իրադրության մեջ հանդես եկան երիտթուրքերը, ինչ ուսակցիոն գաղափարախոսություն էին պաշտպանում ու ձգտում իրականացնել: Գրքում զգալի տեղ է տրված նրանց և հայ քաղաքական կուսակցությունների միջև սկսված կապերին, որոնք աղետարեր հետևանքներ ունեցան հայ ազատագրական շարժման համար հատկապես 1908—1914 թթ., մի ժամանակաշրջան, երբ նրանք իշխանության զուլխ էին կանգնել:

Ջ. Կիրակոսյանը մերկացնում է երիտթուրքերի այն պնդումը, թե, իբր, հայ և թուրքահայատակ մյուս ոչ թուրք ժողովուրդների ազատագրական շարժումները դիվանագիտական բանասարկությունների արգելուք են: Սուլթանական լուծը թոթափելու հայերի ցանկությունը նրանք համարում էին անընդունելի: Երիտթուրքերը ձգտում էին հայերի ազատագրական շարժումը ծառայեցնել իրենց նպատակներին, չեզոքացնելով նրանց ինքնուրույն նպատակադրումներն ու ձգտումները: Որոշ իրադրությունների մեջ, գրում է հեղինակը, երիտթուրքերի ղեկավարները եվրոպական հասարակական կարծիքին դուր գալու համար կեղծում էին, հայերի համակիրներ ձևանում:

Երիտթուրքերի գաղափարախոսության սկզբունքներն են եղել օսմանիզմը, պանթուրքիզմը, նաև պանիսլամիզմը: Յուրյց տալով, որ ղեկուս 1920-ական թվականներին խորհրդային արևելագիտություն մեջ (Ի. Բուտաև, Գուրկո-Կրյաժին) տիրապետող տեսակետ էր թուրքական նացիֆուլիզմի վերասերումը թուրք ազգի մեծապետական շովինիզմի՝ օտոմանիզմի, որն օժտված

էր իմպերիալիզմին հատուկ գծերով, Ջ. Կիրակոսյանը իրավացիորեն քննադատում է ժամանակակից այն հեղինակներին, ովքեր հանդես են բերում մաղթսիզմ-լենինիզմին անհարիր մոտեցում, փորձելով մեղմել թուրքիզմը, նրան օժտել դրական գծերով, արդարացնել նրա շովինիստական սանձարձակ էությունը<sup>1</sup>: Պատմաբանը համաձայն է նրանց հետ, ովքեր նացիզմը համեմատում են պանթուրքիզմի հետ, քանի որ երկուսն էլ առաջ են քաշում տիրող ռասայի գաղափարը, տեղոր կիրառելով բոլոր նրանց դեմ, ովքեր չեն պատկանում այդ ռասային<sup>2</sup>: Աշխատության մեջ բացահայտված են նաև երիտթուրք-սիոնիստական առնչությունները, ցույց է տրված, որ Թուրքիայի հակահայկական քաղաքականության մեջ սիոնիստները որոշակի դեր էին խաղում. «Առաջին համաշխարհային պատերազմի տարիներին, — գրում է Ջ. Կիրակոսյանը, — պաշտպանելով երիտթուրքերի հայասպան քաղաքականությունը, սիոնիստների պարագլուխները ձգտում էին այդ ճանապարհով իրականացնել սեփական սլանները: 1914—1916 թթ. առանձնապես ակտիվ էին գերմանական հրեաների ղեկավարները, որոնք փարվել էին կայզեր մերձավորարևելյան քաղաքականությունը»<sup>3</sup>:

Ջ. Կիրակոսյանը լուսաբանել է նաև հայ ազգային կուսակցությունների գործելակերպը երիտթուրքերի տիրապետության ժամանակաշրջանում: Նա խստորեն քննադատում է դաշնակցության պարագլուխներին՝ երիտթուրքերի հետ համագործակցելու համար: Պատմությունն ապացուցեց, գրում է նա, որ իթթիհատի հետ դաշնակցության համագործակցությունը անհեռատես, ազգավնաս գործելակերպ էր, որը նպաստեց թուրքական հայակործան քաղաքականության իրականացմանը<sup>4</sup>: Իթթիհատի նկատմամբ այլ դիրք բռնեց հնչակյան կուսակցությունը: Նրա ղեկավարները հրաժարվեցին գործակցել երիտթուրքերի հետ և պատահական չէ, որ վերջիններս դաժան հաշվեհարդար տեսան հնչակյան ղեկավարների հետ: Ջ. Կիրակոսյանը խստորեն քննադատում է դաշնակցական այն հեղինակներին (Կ. Սասունի և ուրիշներ), որոնք իրենց վարքագիծը մասամբ արդարացնելու

<sup>1</sup> Հայ ժողովրդի պատմություն, հ. VI, էջ 478:

<sup>2</sup> Տե՛ս Ջ. Կիրակոսյան, երիտթուրքերը պատմության դատասանի առջ, Եր., 1982:

<sup>1</sup> Տե՛ս Ջ. Կիրակոսյան, նշվ. աշխ., էջ 218:

<sup>2</sup> Տե՛ս նույն տեղը, էջ 228:

<sup>3</sup> Նույն տեղը, էջ 245:

<sup>4</sup> Տե՛ս նույն տեղը, էջ 336:



նպատակով, հետին թվով գրում են, թե, իբր իթթիհատի հետ դաշնակցութեան համագործակցութիւնը 1911-ի աշնանը արդեն խզված էր: Նա գտնում է, որ այդ դաշինքը շարունակվեց մինչև 1913, նույնիսկ 1914 թվականը:

Մեր կարծիքով, այս տեսակետը, որը նույնպես արտահայտել են իրենց աշխատութիւններում ուրիշ պատմաբաններ (Շ. Վարդանյան, Վ. Ավետիսյան, Բ. Օհանջանյան) վերանայման և ճշգրտման կարիք ունի:

Հարցին պատմական մոտեցում ցուցաբերելու դեպքում պարզ կդառնա, որ դաշնակցութիւնը, որն իր առջև խնդիր էր դրել արևմտահայութեանը ազատագրել արյունարբու սուլթան Աբդուլ Համիդի ժանր լծից, շէր կարող շմասնակցել դարասկզբին երիտթուրքերի գլխավորած հակասուլթանական ճակատին, թուրքական հեղափոխութեանը: Իսկ այդ հեղափոխութիւնը քանի որ մղվում էր միապետութեան դեմ, առաջադիմական էր: Այլ բան է, որ երիտթուրքերը հետագայում դրժեցին հայերին տված իրենց խոստումները և 1909 թ. գարնանը կազմակերպեցին Ազանայի ջարդը, իսկ օգտվելով պատերազմական իրադրութիւնից՝ հայկական Մեծ եղեռնը:

Գաշնակցութեան աններելի սխալն այն էր, որ նա Ազանայի ջարդերից հետո, մինչև 1911 թվականը, շարունակում էր համագործակցութիւնը երիտթուրքերի հետ: Զ. Կիրակոսյանի այն պնդումը, թե այդ համագործակցութիւնը շարունակվեց մինչև 1913 և նույնիսկ 1914 թվականը, վերաբերում է ոչ թե ամբողջ կուսակցութեանը, այլ նրա առանձին գործիչներին:

Հայ ժողովրդի XIX դարի և XX դարի սկզբի ազատագրական պայքարի հարցին է նվիրված Գ. Ղարիբջանյանի աշխատութիւններից մեկը<sup>1</sup>: Նա ջերմ է արտահայտվում հայդուկային շարժման, նրա ականավոր ղեկավարների մասին: Աշխատութեան մեջ քննվում է Աթաբեկյանցի նամակը Յ. Էնգելսին և վեջինիս պատասխանը, խոսվում է հայկական կոտորածների, աշխարհի առաջադեմ մարդկանց բողոքների մասին:

Գ. Ղարիբջանյանը ցույց է տալիս, որ 90-ական թվականներից մինչև 1920 թ. ազգային-ազատագրական շարժումները թևակոխում են նոր փուլ, սերտորեն կապվելով հեղափոխական շար-

<sup>1</sup> Տե՛ս Գ. Ղարիբջանյան, Հայ ժողովրդի ազատագրական պայքարը XIX դարի վերջին և XX դարի սկզբին, Եր., 1886:

ժումների հետ: Նա բացահայտում է 1905—1907 թթ. հեղափոխութեան և հայ ժողովրդի ազատագրական պայքարի առնչութիւնները: Մենագրութեան էջերում այնուհետև վեր են հանվում հայ ժողովրդի ազատագրական պայքարի հետագա դրվագները:

Հայ ժողովրդի ազատագրական պայքարի պատմութեանն ու թուրքական պատմագրութեան կեղծարարութեան մերկացմանը նվիրված աշխատութիւնների մեջ իր ուրույն տեղն ունի Ս. Պողոսյանի արժեքավոր մենագրութիւնը<sup>1</sup>: Կառուցված լինելով փաստական հարուստ նյութերի հիման վրա, այն ունի բանավիճային բնույթ: Ըստ որում, բանավեճը տեղի է ունենում ոչ թե խորհրդահայ պատմաբանների, այլ ինչպես թուրքական, այնպես էլ Արևմուտքի պատմաբանների, քաղաքական գործիչների, դիվանագետների և այլոց հետ:

Ուշադրութեան արժանի է այն հանգամանքը, որ Ս. Պողոսյանը երկար ժամանակ աշխատելով հայկական ռադիոյի և հեռուստատեսութեան կոմիտեում, հնարավորութիւն է ունեցել հետևել թուրքական ռադիոյի և հեռուստատեսութեան հաղորդումներին, և իր աշխատութեան համար լայնորեն և հմտորեն օգտագործել վերջին տարիների այն ձայնագրութիւններն ու տեսագրութիւնները, որոնք վերաբերվում են հայերին և Հայաստանին: Հմտորեն օգտագործելով ավելալ պրոբլեմների լուսաբանման ասպարեզում խորհրդահայ պատմագրութեան նվաճումները, հեղինակը բնավ չի ընթացել տրորված ճանապարհով: Աշխատութիւնն աչքի է ընկնում փաստերի ու մտքերի թարմութեամբ, ուշագրավ ընդհանրացումներով: Առկա են հեղինակի բանավիճելու մեծ կարողութիւնը և կուռ տրամաբանութիւնը:

Աշխատութիւնը բաղկացած է երկու հիմնական բաժիններից: Առաջինում հանգամանորեն քննվում են Օսմանյան կայսրութեան հայահալած քաղաքականութեան սաստկացման, հայ ազատագրական զաղափարների տարածման ու ինքնապաշտպանական կռիւների պատմութիւնը, իսկ երկրորդում մերկացվում են հայերի ցեղասպանութեան պատմութեան կեղծարարները:

Հանրահայտ և նոր փաստերով մերկացված է Հայկական հարցի նկատմամբ մեծ տերութիւնների, առաջին հերթին՝ Անգլիայի, հակահայկական դիրքորոշումը: Յուրջ է տրվում այն գործարքը, որ կատարեցին նրանք թուրքիայի հետ՝ ընդդեմ Ռու-

<sup>1</sup> Տե՛ս Ս. Պողոսյան, Գոյատեման պայքարի քառուղիներում, Եր., 1988:



սաստանի: Դիպուկ է Ս. Պողոսյանի այն բնորոշումը, թե «Բեռլինում կատարվեց պատմության մեջ հազվագեղ հանդիպող մի երևույթ, երբ պատերազմող ազգերի աթոռները զբաղեցրել էին պատերազմին մասնակցություն չունեցած երկրների ներկայացուցիչները, որոնցից ոմանք, առանց մի կաթիլ արյուն թափելու, կարկանդակի ամենախոշոր պատառները ստացան»<sup>1</sup>:

Ճիշտ է Ս. Պողոսյանի այն եզրահանգումը, որ XIX դարի երկրորդ կեսին, մի կողմից Օսմանյան կայսրության ներքին ճգնաժամի, իսկ մյուս կողմից Մերձավոր արևելքում մեծ տեղությունների գաղութատիրական, զավթողական քաղաքականության հետևանքով թուրքական տիրապետության տակ գտնվող ժողովուրդների, մասնավորապես հայ ժողովրդի համար սկսվեց սոցիալական և ազգային ճնշումների ու հալածանքների նոր ժամանակաշրջան՝ զուլումի տարիները:

Անդրադառնալով հայկական շարժերի նախապատրաստման հարցին, Ս. Պողոսյանը շարադրում է անգլիական դիվանագետների խորհրդով «Համիդիե» հեծելազորային զնդերի կազմակերպման պատմությունը: Աշխատության մեջ ճիշտ է տրված այն հարցի պատասխանը, թե ինչպես թուրքական կառավարությանը հաջողվեց քրդերին հրահրել հայերի դեմ: Այդ հարցում հեղինակը իրավացիորեն գտնում է, որ կարևոր դեր խաղացին ոչ միայն մահմեդական մուսուլմանությունը և անպաշտպան բրիտանյաներին թալանելու նրանց ընչաքաղցությունը, այլև այն հանգամանքը, որ սուլթանին հաջողվեց քրդերին համոզել այն գաղափարը, թե, իբր, նրանց բնօրրանը Հայաստանն է, որ հայերը եկվորներ են և ուզում են Քրդստանը Հայաստան դարձնել, որ քուրդ ժողովրդի գոյատևումը հնարավոր է միայն Հայկական բարձրավանդակում:

Ս. Պողոսյանի աշխատության մեջ լայն տեղ է հատկացված ֆիդայական շարժման պատմության լուսաբանությանը: Թուրքական յաթաղանի դեմ հայ ժողովրդի ինքնապաշտպանական պայքարում առանձնահատուկ դեր են խաղացել հայդուկները: Ս. Պողոսյանը իրավացիորեն դիպուկ բնորոշում է տվել «հայդուկ» հասկացությանը: Հայդուկները, գրում է նա, ժողովրդի փրկության զոհասեղանին բարձրացած այն գլուխացիներն էին, որոնք, հրաժարվելով անձնական կյանքից, հեռացել

էին տնից ու հարազատներից, Լիբայացի սար ու քարի հետ, որպեսզի փրկեին մարդկանց, բարբարոսներին թույլ շտային անպատիժ սպանելու ու ոչնչացնելու հայերին: Հայդուկային առաջին սակավաթիվ խմբերի հանդես գալը, նկատում է հեղինակը, մի կայծ էր, որից բռնկվեց ինքնապաշտպանական կռիվների հետագա հրդեհը:

Աշխատության մեջ առանձնակի բնություն է առնվում հայ քաղաքական կուսակցությունների և ազգային-ազատագրական շարժման փոխհարաբերությունների հարցը: Հեղինակի կարծիքով, ի տարբերություն հայ քաղաքական կուսակցությունների գլխավորած պայքարի, հայդուկային շարժումը դեռևս չունեւ որոշակի հեռանկար նախատեսող քաղաքական ծրագրի: Հայդուկները վրեժխնդիր էին լինում հայ ժողովրդին հասցված բազում վայրագությունների համար և իրենց գործունեությամբ վառ էին պահում նրա ազատատենչ ոգին: Հայ քաղաքական կուսակցությունները, շարունակում է հեղինակը, մասնավորապես դաշնակցությունը, ամեն կերպ աշխատում էին իրենց ձեռքը վերցնել հայդուկային շարժման ղեկավարությունը, սակայն պայքարի նպատակների ու մեթոդների հարցում դաշնակցության ու հայդուկային շարժման միջև լուրջ տարաձայնություններ ու հակասություններ կային: Նրանց և դաշնակցության միջև երբեմն քախումներ էին տեղի ունենում: Բացի այդ, եթե հայդուկային կամ ֆիդայական շարժման համար բնորոշը պարտիզանական կռիվներն էին, ապա դաշնակցության համար՝ կազմակերպչական աշխատանքը՝ ապստամբության նախապատրաստումը, ինչպես նաև ցուցադրական կռիվներն ու ահաբեկչությունները:

Անդրադառնալով առանձին հայդուկների ու նրանց գլխավորած շարժման գնահատման հարցին, Ս. Պողոսյանը ճիշտ է նկատում, որ գոյություն ունեն էրկու իրարամերժ կարծիքներ: Ոմանք, և առաջին հերթին այդ շարժման մասնակիցներն ու ժամանակակիցների մի մասը, գերազնահատում են նրա դերը և գտնում, որ հայդուկային խմբերը ի վիճակի էին դեռ երկար ժամանակ մաքառելու և խոչընդոտելու կոտորածները: Մյուսները, այդ թվում որոշ մասնագետ պատմաբաններ, նսեմացնում են, իսկ ոմանք նույնիսկ խեղաթյուրում են այդ շարժման նշանակությունը, նրան վարկաբեկիչ գնահատականներ տալիս և ձգտում են մեր ժողովրդի նոր շրջանի պատմությունից այն

<sup>1</sup> Ս. Պողոսյան, նշվ. աշխ., էջ 98:



«գուրս մղել», չնկատել<sup>1</sup>: Ս. Պողոսյանը հանգամանորեն ներկայացնելով հայ ժողովրդի ազատագրական պայքարը, նորովի է ներկայացնում մի շարք պորթլեմների:

Ուշագրավ է Ս. Պողոսյանի այն միտքը, թե թուրքական պատմագրությունը հայերի ինքնապաշտպանական կռիվների և հայրուկային շարժման մեջ ճգնում է տեսնել միայն ազգային նպատակագրումներ, մինչդեռ այդ շարժումը ոչ միայն ազգային, այլև իր հիմքում նաև սոցիալական էր ու դասակարգային: Այն գյուղացիական էր, նրա գլխավոր շարժիչ ուժը աղքատ ու միջակ գյուղացիությունն էր: «Շարժումն ուղղված էր ոչ միայն թուրքական իշխանությունների հայաչինջ քաղաքականության, այլ նաև թուրք ու քուրդ բեգերի, շեխների, փաշաների, աղաների, հոգևոր ու աշխարհիկ մյուս ֆեոդալների ճնշումների, շահագործման ու հարստահարությունների դեմ»<sup>2</sup>:

Հանգամանորեն շարադրելով 1894 և 1904 թթ. իրադարձությունները, Ս. Պողոսյանը ճիշտ է նկատում, որ սխալ է հայագիտական որոշ աշխատություններում դրանք ապստամբություններ անվանելը, մասնավաճ, առաջինը հնչակյանների, երկրորդը՝ դաշնակների ապստամբություններ: Իրականում դրանք ոչ թե ապստամբություններ են եղել, այլ ինքնապաշտպանական կռիվներ:

XIX դարի վերջին տասնամյակների և XX դարի սկզբի հայթուրքական հասարակական-քաղաքական հարաբերությունների պատմության կնճռոտ, վիճահարույց մի շարք պորթլեմների հետազոտությունն է նվիրված Մերի Քոչարի մենագրությունը<sup>3</sup>:

Հենվելով հայկական, ռուսական և թուրքական սկզբնաղբյուրների և հատկապես գրականության վրա, Մ. Քոչարը զարգացնում է այն ճիշտ կոնցեպցիան, թե ժամանակակից թուրքական կյանքի պատմաբանները, կաշվից դուրս գալով, կեղծում են մեր ժողովրդի նոր պատմությունը, նպատակ ունենալով արգարացնել ոչ միայն երիտթուրքերին, այլև արյունարբու Համիդին, հայերի ցեղասպանության մեղքը բարդելով ոչ թե ջարդարարների, այլ ջարդվողների վրա: Հեղինակը թուրք պատմաբաններ

րից վկայակոչված քաղվածքներով ընթերցողին համոզում է, որ այդ վայ-պատմաբանները այսօր էլ փորձում են շեղել համաշխարհային հասարակայնության կարծիքը, ճգնելով ապացուցել, թե Արևմտյան Հայաստանը (նրանց հորջորջմամբ՝ Արևելյան Անատոլիան) ի սկզբանե եղել է թուրքական, և հայ ժողովուրդն իրավունք չունի այն համարելու իր պատմական հայրենիքը: Այս տեսակետից ելնելով, հարկ է նշել, որ Մ. Քոչարի մենագրությունն ունի ոչ միայն գիտական, այլև քաղաքական, արդիական նշանակություն:

Մենագրության մեջ հեղինակը ներկայացնում է Օսմանյան կայսրության սոցիալ-տնտեսական վիճակը հետազոտվող ժամանակահատվածում: Ցույց է տրվում, որ երկրի վիճակը նախապայմաններ ստեղծեց կենտրոնական քաղաքներում (հատկապես՝ արտասահմանում) ձևավորելու թուրքական ազգայնական և հայկական ազգային-քաղաքական կուսակցություններ, որոնք Բարձրագույն Դռան հետ բանակցությունների մեջ էին և ձգտում էին սկզբում ռեֆորմներ պահել նրանից:

Ցույց է տրվում նաև, որ հայ քաղաքական կուսակցությունները սուլթան Համիդի հետ բանակցություններից հուսախաբված, գերադասեցին դիմել պայքարի գինված մեթոդների և զարկ տվեցին ազգային-ազատագրական շարժմանը, ձգտելով դրան մասնակից դարձնել թուրք և քուրդ ժողովուրդներին: 90-ականների հայկական ջարդերը հուսախաբ արեցին նրանց հույսերը: Պայքարի միակ ու գերադասելի մեթոդը մնաց ապստամբությունը, իհարկե, չբացատրելով դրսի, մասնավորապես եվրոպական տերությունների օգնությունը: Լայն տեղ է հատկացված երիտթուրքերի և հայ քաղաքական կուսակցությունների փոխհարաբերությունների պատմությանը ինչպես մինչև 1908 թ. թուրքական հեղափոխությունը, այնպես էլ դրանից հետո: Մ. Քոչարը կարողանում է առավել հիմնավորել իր նախորդների զարգացրած այն կոնցեպցիան, թե հայ ժողովրդի նկատմամբ երիտթուրքերի վարած ազգային և ազրարային քաղաքականությունը ոչ միայն չէր տարբերվում Համիդի ջարդարարությունից, այլև նրա շարունակությունն էր ավելի խորամանկ ձևով: Դրա վկայությունը Ադանայի 30 հազար անմեղ հայերի կոտորածն էր «հեղափոխական թուրքերի» ձեռքերով:

Աշխատության մեջ քննվում են Հայկական հարցի սկզբնավորման, նրա զարգացման, եվրոպական տերությունների և,

<sup>1</sup> Տե՛ս Ս. Պողոսյան, նշվ. աշխ., էջ 196—197:

<sup>2</sup> Նույն տեղը, էջ 199—200:

<sup>3</sup> Տե՛ս Кочар М. Армяно-турецкие общественно-политические отношения и Армянский вопрос в конце XIX—начале XX веков. Е., 1988.



հատկապես, ցարական Ռուսաստանի դիրքորոշմանը վերաբերող հարցերը: Այսպիսով, Մ. Քոշարի մենագրությունը բազմապլան է, շոշափում է շատ հարցեր, փորձում յուրովի պատասխան տալ դրանց, սակայն, ցավոք, այդ պրոբլեմները միշտ չէ որ ստանում են գիտական պատշաճ լուծում, համոզիչ պատասխաններ:

Աշխատության լուրջ թերություններից է այն, որ նրանում բացակայում է պատմագրական ակնարկը: Հեղինակը բավարարվել է միայն աշխատության վերջում զետեղված 550 գրքերի ցանկով, մինչդեռ հարկավոր էր աշխատության սկզբնամասում տալ աղբյուրների ու գրականության տեսություն, որտեղ ցույց տրվեր և գնահատվեր այդ ծավալուն թեմայի գիտական հետազոտման բնագավառում իրենից առաջ պատմաբանների կատարած աշխատանքը:

Գրքում չափազանց քիչ տեղ է տրված արխիվային նյութերին: Կան նաև փաստական սխալներ: Նշենք դրանցից մի քանիսը միայն\*:

## 7. Մարքսիզմի տարածումը հալ իրականության մեջ, հեղափոխական շարժումները Հայաստանում XIX դարի վերջին— XX դարի սկզբին

Հայ իրականության մեջ մարքսիզմի տարածումն ու Հայաստանում հեղափոխական շարժումների պատմությունը խորհրդա-

\* Աշխատության մեջ գրված է Սան Ստեֆանոյի և Բեռլինի կոնգրեսներ (էջ 18), մինչդեռ Սան Ստեֆանոյում կոնգրես չի եղել, այլ այնտեղ միայն ստորագրվել է ուս-թուրքական պայմանագիրը: Աշխատության 35-րդ էջում ասված է, որ Զեյթունում ստեղծվեց հեղափոխական կառավարություն, կազմվեց 20 հոգուց բաղկացած հեղափոխական խորհուրդ և այլն, մինչդեռ հանրահայտ է, որ Զեյթունի շարժումը հեղափոխություն չէր, այլ համիդյան շարդարություն էր, որ Զեյթունում դաշնակցությունը գումարել է իր շորթորդ կոնգրեսը (էջ 131), մինչդեռ դա ոչ թե կոնգրես էր, այլ համագումար և այն գումարվել է ոչ թե վանում, այլ վիճենայում: 1901 թ. լույս է տեսել նշանավոր ուղեգրող Անդրանիկի աշխատությունը, որը վերնագրված է «Տերսիմ»: Գրքի գրականության ցանկի 223-րդ համարում գրված է Անդրանիկ Գերսիմ, Ճանապարհորդություններ և տեղեկություններ, Քիֆլիս, 1900: Այստեղից ստացվում է, որ Անդրանիկը հեղինակի անունն է, իսկ Գերսիմը՝ ազգանունը և այդ գիրքը լույս է տեսել 1900 թվականին: Այսպիսով, մեկ առողի մեջ հեղինակը թույլ է տվել փաստերի երեք սխալ:

հայ պատմագրության ուշադրության արժանացած թեմաներից է, որը սկիզբ է առել դեռևս 1920-ական թվականներից: Այս գործում մեծ է Եր. Մելիք-Յուլյանի, Գ. Ղարաջյանի, Թ. Ավդալբեկյանի, Ե. Խալեյանի, Վ. Ավետիսյանի, Խ. Բարսեղյանի, Լ. Արրահամյանի, Ա. Մնացականյանի, Վ. Պարսամյանի, Մ. Աղաջյանի, Գ. Հարությունովի և ուրիշների կատարած աշխատանքը:

1960-ական թվականների կեսերից սկսած մատնանշված պրոբլեմի գիտական հետազոտության ուղղությամբ նոր քայլեր կատարվեցին:

Հայաստանում մարքսիզմի տարածման ամբողջական պատմությունը աղբյուրագիտական հարուստ հենքի վրա տվել է պատմական գիտությունների դոկտոր, պրոֆեսոր Խ. Բարսեղյանը<sup>1</sup>: Վերոհիշյալ երկու գրքերը փոփոխություններով և լրացումներով հրատարակվել են նաև ռուսերեն<sup>2</sup>:

Առաջին գրքում լուսարանված են հայ իրականության մեջ մարքսիզմի տարածման սոցիալ-տնտեսական և զաղափարական նախադրյալները: Այստեղ հանդամանորեն ցույց են տրված արդյունաբերական հայ պրոլետարիատի ձևավորումը, բանվորական շարժման առաջին քայլերը: Ռուսաստանի պրոլետարիատի դասակարգային պայքարի ֆոնի վրա քննարկվում են նարոդնիկություն, «լեզալ մարքսիզմի», հայ հասարակական-քաղաքական հոսանքների ու կուսակցությունների գործունեության հետ կապված հարցերը: Լայն տեղ է տրված հայ իրականության մեջ մարքսիզմի զարգացման լենինյան փուլի սկզբնաշրջանի պրոբլեմներին՝ մարքսիստական խմբակների, լենինյան իսկրայական սոցիալ-դեմոկրատական կազմակերպությունների գործունեություն, մարքսիստական գրականության հրատարակմանը և Հայաստանում բոլշևիկյան կազմակերպությունների ձևավորման պատմությունը:

Ճիշտ է Խ. Բարսեղյանի այն միտքը, թե Հայաստանում և հայ իրականության մեջ հեղափոխական մարքսիզմի, գիտական կո-

<sup>1</sup> Տե՛ս Խ. Բարսեղյան, Մարքսիզմի տարածումը Հայաստանում, գիրք առաջին (1880-ական թթ.— 1904), Եր., 1967, նույնի՝ Մարքսիզմի տարածումը Հայաստանում, գիրք երկրորդ: Պայքար մարքս-լենինյան զաղափարների հաղթանակի համար (1905—1920), Եր., 1975:

<sup>2</sup> Տե՛ս Барсегян Х., История распространения марксизма-ленинизма в Армении (1880—1907 гг.), книга первая, Е., 1978, книга вторая (1907—1920 гг.), Е., 1981:



մունիզմի գաղափարների առաջին և հետևողական տարածող-ները եղել են լենինյանները, բոլշևիկյան կազմակերպությունները: Ուշագրավ է նաև այն, որ Հայաստանում մարքսիզմի տարածում ասելով պատմաբանը հասկանում է ոչ միայն մարքսիստական գրականության հայերեն թարգմանությունը (ինչպես մինչև այդ էր ըմբռնվել), այլև հայ հասարակական մտքի մարքս-լենինյան փուլը, ուտոպիական ու մանրբուրժուական սոցիալիզմի, բուրժուական գաղափարախոսության դեմ հայ լենինյանների մղած պայքարը, մարքսիստական տեսության հարցերի զարգացումն ու պրոպագանդան, սոցիալիզմի միացումը բանվորական շարժմանը, սոցիալ-դեմոկրատական կազմակերպությունների առաջացումը, բանվորական հեղափոխական և ագրարային շարժումների ծավալումը և բազմաթիվ այլ հարցեր<sup>1</sup>:

Խ. Բարսեղյանը գտնում է, որ Հայաստանում մարքսիզմի տարածումը, բացի ընդհանուր օրինաչափություններից, ունեցել է նաև իր առանձնահատկությունները, որոնք կապված են հայ ժողովրդի երկու հատվածների՝ արևելահայ և արևմտահայ աշխատավոր զանգվածների հասարակական զարգացման հետ: Հարկ է նշել, որ նա, ինչպես ինքն է գրում, ոչ թե գունազարդել, հաղթարշավի է վերածել հայ իրականության մեջ մարքսիզմի տարածումը, որը կլինեք պատմության խեղաթյուրում, այլ բացահայտել է այդ պրոցեսում իբրամերժ հոսանքների միջև տեղի ունեցած սուր տարածայնություններն ու բախումները, խոտորումներն ու նահանջները:

Մենագրության մեջ տրված է թեմայի վերաբերյալ եղած գրականության ու աղբյուրների, այդ թվում սփյուռքահայ հեղինակների գործերի պատմաքննական վերլուծությունը, վեր հանվել գրանց ինչպես արժանիքները, այնպես էլ բացթողումները:

Խ. Բարսեղյանի մենագրության երկրորդ գիրքն ընդգրկում է Հայաստանում մարքս-լենինյան գաղափարների հետագա տարածման և նրանց հաղթանակի համար մղված պայքարի ժամանակաշրջանը՝ 1905—1920 թվականները: Ռուսաստանի պրոլետարիատի գասակարգային պայքարի ֆոնի վրա ցույց են տրված Հայաստանում բոլշևիկյան կազմակերպությունների ղեկավարու-

թյամբ ծավալված հեղափոխական շարժումները, վեր է հանված հայ ականավոր մարքսիստ-լենինյաններ Ստ. Շահումյանի, Բ. Կնունյանցի, Ս. Սպանդարյանի և ուրիշների տեսական-պրոպագանդիստական գործունեությունը, նրանց գրական ժառանգության հսկայական նշանակությունը Հայաստանում մարքս-լենինյան գաղափարների տարածման գործում:

Մարքս-լենինյան մեթոդաբանական դիրքերից քննադատված է բուրժուական ու մանրբուրժուական գաղափարախոսությունը: Լայն տեղ է հատկացված դաշնակցության, հնչակյանների, սպեցիֆիկների գաղափարական և պրակտիկ գործունեության քննադատությանը:

Հարկ է նշել, որ Խ. Բարսեղյանը Հայաստանում մարքսիզմ-լենինիզմի տարածման պատմությունը սերտորեն կապել է նրա գաղափարների հիմքերի վրա ստեղծված բոլշևիկյան կուսակցության պատմության հետ: Օգտագործելով հսկայական քանակությամբ գրականություն և, մանավանդ, արխիվային նյութեր ու փաստաթղթեր, որոնց զգալի մասն առաջին անգամ է գիտական շրջանառության մեջ դրվում, պատմաբանը մի շարք հարցերի տալիս է ներ պատասխան, ընդարձակ ծանոթագրություններում կատարում է կարևոր ճշգրտումներ՝ արժեքավոր ավանդ ներդնելով խորհրդահայ պատմականակցական գրականության մեջ: Այդուհանդերձ, աշխատությունը զերծ չէ թերություններից: Այսպես, հայ հասարակական-քաղաքական հոսանքների մասին Խ. Բարսեղյանը գրում է. «Հասարակական զարգացման խաչուղիներում բախվում էին քաղաքական տարբեր հոսանքներ, այդ թվում նարոյնիկական, լիբերալ-բուրժուական, պահպանողական և կղերաազայական»<sup>1</sup>: Մեր կարծիքով, նարոյնիկությունը հայ իրականության մեջ հասարակական-քաղաքական առանձին հոսանք չի եղել: Անտեսված է ազգային-դեմոկրատական հոսանքը, որը 1870—90-ական թվականներին կարևոր դեր էր խաղում հայ իրականության մեջ: Այնուհետև լինելով ճանաչված աղբյուրագետ ու խորագիտակ մատենագետ, նա իր աշխատության ծանոթագրություններում վկայակոչել է մեծ քանակությամբ աղբյուրներ ու գրականություն, առանձին գրքերի և հոդվածների վերաբերյալ արել բազմաթիվ ճիշտ գիտողություններ, սակայն այդ սկզբունքին նա ոչ միշտ է հետևել:

<sup>1</sup> Տե՛ս Խ. Բարսեղյան, Մարքսիզմի տարածումը Հայաստանում, գիրք առաջին, էջ 9—10:

<sup>1</sup> Խ. Բարսեղյան, նշվ. աշխ., գիրք առաջին, էջ 132:



Օրինակ, իրավացիորեն բարձր գնահատելով և Աբովյանին, միևնույն ժամանակ տողատակին վկայակոչում է Աշ. Հովհաննիսյանի «և Աբովյան» գիրքը, ուր խիստ բացասական գնահատական է տրված մեծ գրողին: Այլ առթիվ մենք քննադատել ենք Աշ. Հովհաննիսյանի աշխատությունը, գրելով, թե «Ա. Հովհաննիսյանը և Աբովյանին նվիրված աշխատության մեջ ոչ ճիշտ գնահատական է տվել հայ մեծ լուսավորչին: Ակսել Բակունցին մեղադրելով այն բանում, որ նա ջանք է թափել «Աբովյանի անհայտ բացակայումը» գրքում և Աբովյանին ներկայացնել որպես դեմոկրատ, պրոգրեսիվ դեմք. Աշ. Հովհաննիսյանը և Աբովյանին բնութագրում է որպես ռեակցիոն գաղափարախոս, նրա գլուխգործոցը՝ «Վերք Հայաստանի» վեպը, համարում է ցարական էքսպանսիայի գովերգություն, բուրժուական նացիոնալիզմի նախերգանք»<sup>1</sup>: Այնուհետև մենք գրել ենք. «Չի կարելի համաձայնել հեղինակի այն խոսքերին, թե «ժառանգ կանգնելով Աբովյանի հայդուկային գաղափարախոսությունը, Բաֆֆին վերհանեց նրա մարտական նացիոնալիզմը, խառնելով սրան լիբերալիզմի ֆրոդեոլոգիան»<sup>2</sup>: Կարծում ենք, ընթերցողներին ճիշտ կողմնորոշելու համար պետք է տողատակին այդ մասին նշվեր: Ճիշտ կլիներ նաև, եթե գրքի խմբագիր Աշ. Հովհաննիսյանը ևս ծանոթագրության մեջ հանդես գար իր սխալ տեսակետի քննադատությամբ: Դա է պահանջում գիտական մոտեցումը:

Պրոֆ. և Բարսեղյանի գրչին է պատկանում նաև «Հայ ժողովրդի պատմություն» VI հատորում հայ իրականության մեջ մարքսիզմի տարածման վերաբերյալ գլուխը: Պատմաբանի կարծիքով, Ռուսաստանում և Անդրկովկասում մարքսիզմի տարածումն արդենք էր կապիտալիզմի զարգացման, սոցիալ-տնտեսական կյանքի առաջընթացի, բանվոր դասակարգի քաղաքական պայքարի սրման ու հասարակական առաջավոր մտքի ինքնուրույն որոնումների<sup>3</sup>: Այնուհետև համառոտակի խոսվում է մարքսիստական, սոցիալ-դեմոկրատական գրականությունը հայերեն հրատարակելու առաջին փորձերի մասին: Ի տարբերություն որոշ հեղինակների, որոնք գտնում են, թե հայ իրականության մեջ մարքսիզմը տարածվել է 1880—90-ական թվական-

ներին, այն կապելով հնչական կուսակցության անվան հետ, և Բարսեղյանը այդ տարիներին կատարված գործողություններն անվանում է լոկ նախաքայլեր, որոնք 1900-ական թվականներին սկիզբ դրեցին մարքսիզմի տարածմանը:

Հատորում ցույց է տրված «Հայ բանվոր հեղափոխականների ասո-կացիայի» և հայ իրականության մեջ բանվորական առաջին մարքսիստական խմբակների կազմավորումն ու նրանց գործունեությունը: Հեղինակի կարծիքով, «Հայ բանվոր հեղափոխականների ասոցիացիան» թեև հայ իրականության մեջ 1890-ական թվականներին սկզբնավորվող հեղափոխական սոցիալ-դեմոկրատական կազմակերպություններից չէր, բայց իր գործունեությամբ որոշ հող նախապատրաստեց սոցիալ-դեմոկրատական խմբակների առաջացման համար<sup>1</sup>: Թեև հայ իրականության մեջ ձևավորված բանվորական անդրանիկ խմբակները քաղաքականապես չէին հասունացել և դեռևս չէին ազատվել տնտեսական պայքարի մտայնությունից, գրում է նա, այնուամենայնիվ, որոշակի դրական դեր խաղացին:

Հատորում լայնորեն է լուսարանված սոցիալ-դեմոկրատական, լենինյան իսկրայական կազմակերպությունների ձևավորման և Անդրկովկասում ու Հայաստանում ծավալված հեղափոխական շարժումների պատմությունը:

Լավ են ներկայացված ռուսական առաջին հեղափոխության նախօրյակին Հայաստանում տեղի ունեցած բանվորական և գլուխացիական շարժումների, ինչպես նաև հայկական եկեղեցական կայվածքների բռնագրավման առթիվ 1903—1904 թվականներին Անդրկովկասում ծավալված ժողովրդական ելույթները: Հայ ժողովրդի ծավալած հակացարական ղանգվածային շարժումը, գրում է և Բարսեղյանը, դասակարգային խոր արմատներ ուներ: Դա ցարիզմի ռեակցիոն քաղաքականության դեմ հայ ժողովրդի դժգոհության պոռթկումն էր: Իր բովանդակությամբ ու բնույթով այն ազգային-ազատագրական շարժում էր ընդդեմ ցարիզմի քաղաքականության<sup>2</sup>:

Հայ իրականության մեջ մարքս-լենինյան ուսմունքի տարածման պատմության գիտական հետազոտության բնագավառում կարևոր ավանդ է ներդրել Վ. Ավետիսյանը: Այդ պրորբե-

<sup>1</sup> Ն. Հաբոբյանյան, Պատմագրության դարգացումը և որհրդային Հայաստանում, էջ 278:

<sup>2</sup> Նույն տեղը, էջ 278—279:

<sup>3</sup> Տե՛ս Հայ ժողովրդի պատմություն, հ. VI, էջ 215:

<sup>1</sup> Տե՛ս Հայ ժողովրդի պատմություն, հ. VI, էջ 225:

<sup>2</sup> Տե՛ս նույն տեղը, էջ 356:



մին է նվիրված հետմահու հրատարակված նրա մենագրությունը<sup>1</sup>։ Անտարակույս, ինչպես նշում է Ավետիսյանը, հայ հասարակական մտքի մարքս-լենինյան սկզբնավորման պատմության հետազոտությունը կազմում է Հայաստանում մարքսիզմ-լենինիզմի տարածման պրոբլեմի կարևոր մասը և ունի արդիական նշանակություն։ Հայ հասարակական մտքի բեղմնավորումը մարքս-լենինյան գաղափարներով, գրում է նա, նոր դարագլուխ րացեց ժողովրդի պատմության, նրա հասարակական ու մտավոր զարգացման մեջ։

Փաստական հարուստ նյութի հիման վրա Վ. Ավետիսյանը վեր է հանել Հայաստանում մարքսիզմ-լենինիզմի տարածման սոցիալ-տնտեսական և քաղաքական նախադրյալները, հայ պրոլետարիատի, բանվորական շարժման և սոցիալ-դեմոկրատական կազմակերպությունների սկզբնավորման պատմությունը։ Ուշագրավ է նրա այն եզրահանգումը, թե Հայաստանում մարքսիզմի տարածման և սոցիալ-դեմոկրատական կազմակերպությունների առաջացման նախադրյալներն ու պայմանները հետազոտելիս անհրաժեշտ է հաշվի առնել հայ ժողովրդի դրության այն առանձնահատկությունը, որ նա այդ ժամանակաշրջանում բաժանված էր տնտեսական ու մշակութային տարբեր մակարդակի վրա գտնվող պետությունների միջև։ «Այս հանգամանքը շատ բանով բնորոշում էր հայ հասարակական մտքի, քաղաքական հոսանքների ու կուսակցությունների պայքարի հարցերն ու ուղղությունը»<sup>2</sup>։

Վ. Ավետիսյանի աշխատության մեջ լայն տեղ է հատկացված Հայաստանում գիտական սոցիալիզմի գաղափարների տարածման, մարքսիզմի զարգացման լենինյան փուլի սկզբնավորման և սոցիալ-դեմոկրատական առաջին կազմակերպությունների ստեղծման պատմությանը։ Յուրյ է տրված եվրոպայում և Ռուսաստանում ծավալված մարքսիստական մտքի և բանվորական շարժման ազդեցությունը հայկական կյանքի, գլխավորապես պարբերական մամուլի վրա։

Շարադրելով «Հայ բանվոր հեղափոխականների ասոցիացիայի» մասին իր մտքերը, վերլուծելով նրա կատարած որոշ

գրական աշխատանքը, հեղինակը, սակայն, հակված է մնացել 1956 թ. «Լենինյան ուղիով» ամսագրում տպագրված բանավիճային հոդվածի դիրքերի վրա, հոդված, ուր նա, բանավիճելով Ա. Մնացականյանի հետ, բացասական գնահատական էր տվել «Ասոցիացիային»։ Այս հարցում մենք հակված ենք Ա. Մնացականյանի կարծիքին։

Աշխատության մեջ ցույց է տրված, որ XX դարակզբին Անդրկովկասում ևս վերելք են ապրում հեղափոխական շարժումները, սոցիալ-դեմոկրատական կազմակերպությունները համախմբվում են լենինյան «Իսկրայի» շուրջը, Հայաստանում տարածվում են լենինյան-իսկրայական գաղափարները, վերլուծված է «Հայ սոցիալ-դեմոկրատների միություն» մանիֆեստին Վ. Ի. Լենինի տված գնահատականը։

Անդրադառնալով XX դարի սկզբին Անդրկովկասում ծավալված բանվորական ցույցերին ու գործադուլներին, Վ. Ավետիսյանը քննադատում է հնչակյան և դաշնակցական կուսակցություններին, որոնք գտնում էին, թե հայ պրոլետարիատի այդ պայքարը բացասաբար կանդաղառնա Արևմտյան Հայաստանի համար իրենց ծավալած գործունեության վրա, կշեղի հասարակության ուշադրությունը «համազգային հարցից», կպառակտի ու կչլլատի իրենց ուժերը։

Պատմաբանի կարծիքով, Կովկասի հայ սոցիալ-դեմոկրատները՝ Ստ. Շահումյանը, Բ. Կնունյանցը, Ս. Սպանդարյանը և մյուսները, հայ աշխատավոր զանգվածներին համառուսաստանյան հեղափոխական շարժումներին ակտիվ մասնակցելու կոչ անելով, բնավ դեմ չէին արևմտահայության ազատագրությանը, միայն, հենվելով Ֆ. Էնգելսի հայտնի դրույթի վրա, գտնում էին, որ այն կարող է իրականացվել միայն ռուսական ցարիզմի տապալման շնորհիվ։ «Ֆ. Էնգելսի նամակը, — գրում է Վ. Ավետիսյանը, — պարունակում էր այն խորիմաստ միտքը, որ սուլթանական լծից Արևմտյան Հայաստանի ազատագրումը սերտորեն կապված է ռուսական հեղափոխության ելքի հետ։ Էնգելսը պարզ պատկերացնում էր, որ հայ ժողովուրդն ապրում էր ներքին և միջազգային այնպիսի պայմաններում, կոր միայն իր ջանքերով և մեկուսացած պայքարով, առանց արտաքին ուժերի, առաջին հերթին Թուրքիայի անմիջական հարևան երկրի՝ Ռուսաստանի օգնության, չի կարող անկախություն նվաճել։ Արևմտահայերի անկախությանը բացարձակ թշնամիներ էին թե՛

<sup>1</sup> ՏՃ՝ Վ. Ավետիսյան, Հայ հասարակական մտքի զարգացման մարքս-լենինյան փուլի սկզբնավորումը, Եր., 1976։

<sup>2</sup> Նույն տեղը, էջ 23։



ցարական Ռուսաստանը և թե՛ Թուրքիայի վրա ազդեցություն տարածած իմպերիալիստական Գերմանիան, Ֆրանսիան, Անգլիան»<sup>1</sup>: Ռուսական հեղափոխությունը, այնուհետև շարունակում է նա, և դրա հետևանքով ստեղծված դեմոկրատական Ռուսաստանը, շահագրգռված կլինե՞ր զարկ տալու Թուրքիայում ազատագրական շարժումներին և ռեալ օգնություն ցույց տալու սուլթանական լծից փրկվելու համար մարտի ելած ժողովուրդներին:

Այդ կապակցությամբ Վ. Ավետիսյանը դիտողություն է անում նրանց, ովքեր վերջին տարիներին բանավոր և գրավոր ելույթներում փորձում են քննադատական վերաբերմունք ցույց տալ բոլշևիկների, մասնավորապես հայ բոլշևիկների Հայկական հարցում վարած քաղաքականությանը: Նրանք նույնիսկ փորձում են կշտամբել բոլշևիկներին այն բանի համար, որ, իբր, վերջիններս գործունեություն չեն ծավալել Արևմտյան Հայաստանում և սահմանափակվել են սոսկ Անդրկովկասով<sup>2</sup>: Հեղինակը գտնում է, որ այդ մեղադրանքն իր ցայտուն արտահայտությունն է գտել Կ. Քարամյանի «Արևմտահայերի դրությունը, «Հայկական հարցը» և միջազգային դիվանագիտությունը XIX դարի վերջին քառորդում և XX դարի սկզբին» գոկտորական դիսերտացիայում, որի ավտոռեֆերատում գրված է. «Դժբախտությունը նրանում է, որ մարքսիզմը Թուրքիայում շարմատակալեց, իսկ սոցիալ-դեմոկրատիան, ինչպես և հայ սոցիալ-դեմոկրատները իրենց գործունեության շառավիղը սահմանափակեցին Ռուսական կայսրության տերիտորիայով: Հայ մարքսիստները Արևմտյան Հայաստան համարյա շուղարկեցին քաղաքականապես պատրաստված իրենց գործիչներին՝ արևմտահայերին պատրաստելու և հայ ժողովրդի երկու մասի միացյալ պայքարի անհրաժեշտության մասին պրոպագանդելու համար: Հայ մարքսիստները անհրաժեշտ չափով շուտամնասիրեցին Արևմտյան Հայաստանի առանձնահատուկ դրությունը: Գլխավորն անտեսվում էր և այն հանգամանքը, որ Թուրքիայում բուրժուական հարաբերությունների թույլ զարգացման հետևանքով չկար այնպիսի պրոլետարիատ, որը կարողանար դառնալ հեղափոխական շարժման ղեկավար և կազմակերպիչ ուժ:

Հայտնի է, որ ցարիզմը ընկավ պրոլետարիատի հարվածների ներքո, բայց արևմտահայերը ոչ միայն չփրկվեցին, այլև զանգվածորեն ոչնչացվեցին, զրկվեցին իրենց հայրենիքից: Կասկած չկա, որ նույն վիճակն էր սպասում նաև արևելահայերին, եթե Ռուսաստանում ուշանար Հոկտեմբերյան սոցիալիստական մեծ հեղափոխության հաղթանակը»<sup>1</sup>: «Այս ընդարձակ քաղվածքը, որ մենք բերեցինք,— գրում է Վ. Ավետիսյանը,— լի է հակասական մտքերով, և բոլորովին տեղին չեն ՌՍԴԲԿ-ի հասցեին հեղինակի արած մեղադրանքները»<sup>2</sup>:

Մենք առարկելի ենք համարում Վ. Ավետիսյանի դիտողությունը Կ. Քարամյանի առաջ քաշած համարձակ և ճիշտ դրույթի վերաբերյալ: Որ հայ բոլշևիկները, տարված Ռուսաստանի հեղափոխական շարժումներով, գրեթե անտեսել են արևմտահայերի ազատագրական շարժումները, դա փաստ է: Նրանք գտնում էին, որ հայ ազգային քաղաքական կուսակցությունները, որոնք գլխավորում էին այդ շարժումները, իբր դրանով ջլատում էին հայ ժողովրդի միասնական ուժերը ցարիզմի դեմ մղվող պայքարում: Մեր կարծիքով, հենց դրանով կարելի է բացատրել այն, որ մինչև այժմ մեղանում մշտապես զրվատվել են միայն այն հայ գործիչները, ովքեր պայքարել են ցարիզմի, ժամանակավոր կառավարության և հետո՝ դաշնակցական վարչակարգի դեմ և համարվել հեղափոխականներ, իսկ թուրքական բռնակալների դեմ մղված ազատագրական պայքարում աչքի ընկած գործիչները, հայ ֆիդայիները, մնացել են ստվերում:

Անդրադառնալով հայ իրականության մեջ բոլշևիկյան գաղափարական և կազմակերպական սկզբունքների պրոպագանդաման հարցին, Վ. Ավետիսյանը ցույց է տալիս այն մեծածավալ աշխատանքը, որ Վ. Ի. Լենինի նախաձեռնությամբ կատարվում էր հայոց լեզվով սոցիալ-դեմոկրատական գրականության հրատարակության գործի կազմակերպման ուղղությամբ: Փաստական նյութերի հիման վրա բացահայտվում է դարասկզբի հեղափոխական շարժումների վերելքի ժամանակաշրջանում հայ ազգայնական կուսակցությունների, առաջին հերթին դաշնակցության կերպարանափոխությունները, բացահայտվում դրանց իս-

<sup>1</sup> Վ. Ավետիսյան, նշվ. աշխ., էջ 401:

<sup>2</sup> Տե՛ս նույն տեղը, էջ 407:

<sup>1</sup> Վ. Ավետիսյան, նշվ. աշխ., էջ 408:

<sup>2</sup> Նույն տեղը:



կական պատճառները: Ներկայացված է նաև «սպեցիֆիկների» դեմ մարքսիստ-լենինյանների մղած պայքարը:

Անդրկովկասում մարքսիզմի տարածման գործում ռուս մարքսիստների գործունեությունը լուսաբանված է Վ. Մախլյանի մենագրության մեջ<sup>1</sup>:

Որոշ աշխատանք է կատարվել Հայաստանում 1905—1907 թթ. հեղափոխական շարժումների պատմության ուսումնասիրության բնագավառում: Դեռևս 1950-ական թվականներին ռուսական առաջին հեղափոխության 50-ամյակի կապակցությամբ հրատարակվեցին Վ. Պարսամյանի, Մ. Աղայանի, Գ. Հարությունովի և ուրիշների աշխատությունները, իսկ այդ կարևոր հարցի գիտական հետազոտությունը շարունակվեց նաև հետագայում:

1964 թ. հրատարակվեց պատմական գիտությունների թեկնածու Գ. Մուրադյանի մենագրությունը<sup>2</sup>: Բնութագրելով XIX դարի վերջերի և XX դարի սկզբի Հայաստանի սոցիալ-տնտեսական դրության ընդհանուր վիճակը, նա հանգամանորեն շարադրել է 1905—1907 թվականների Հայաստանի հեղափոխական շարժումների պատմությունը: Նկատի ունենալով, որ այդ թեմայի վերաբերյալ հրատարակվել են շատ աշխատություններ, հեղինակը ձգտել է իր մենագրության մեջ ավելի հանգամանորեն քննել հեղափոխական շարժումների հետ առնչվող արևելահայ իրականության քաղաքացիական պատմության մի շարք հարցեր, ինչպես՝ Կովկասում փոխարքայության վերականգնումը, հայ բուրժուազիայի, ինչպես Գ. Մուրադյանն է գրում, լիբերալ հովերի և «օպոզիցիոն» տրամադրությունների դրսևորումը և 1905 թ. հոկտեմբերի 17-ի մանիֆեստից հետո դրանց մարումը, 1903 թ. հունիսի 12-ի օրենքի վերացումը, Առաջին և երկրորդ պետական դումաների ընտրությունների ժամանակաշրջանում Անդրկովկասի քաղաքական իրավիճակը, Դումայում հայ պատգամավորների ելույթները և այլն: Այս կապակցությամբ հեղինակն օգտագործել է հրապարակի վրա եղած գրականությունն ու նոր աղբյուրներ, այդ թվում՝ Պետական դումայի սղագրական արձանագրությունները, արխիվային վավերագրեր:

<sup>1</sup> С. В. Майлян В., Деятельность русских марксистов в Закавказье (с 1885 года по 1903 год), Е., 1984:

<sup>2</sup> С. В. Գ. Մուրադյան, Հայաստանը ռուսական առաջին հեղափոխության տարիներին (1905—1907), Եր., 1964:

Ելնելով մարքս-լենինյան դիրքերից, Գ. Մուրադյանը քննադատության է ենթարկում ռուսական առաջին հեղափոխության տարիներին հայ քաղաքական կուսակցությունների գործունեությունը: Նա անդրադարձել է նաև էջմիածնի 1906 թ. «Ազգային հիմնադիր կենտրոնական ժողովի» կամ «Համագումարի» հետ կապված հարցերին և լուսաբանել քաղաքական կուսակցությունների, հատկապես դաշնակցության ու հայ բոլշևիկների վերաբերմունքն ու տակտիկան:

Գ. Մուրադյանը բացահայտել է Անդրկովկասում, այդ թվում Հայաստանում կազմակերպված զինված ապստամբություն տեղի չունենալու պատճառները, որոնք են՝ Անդրկովկասում, բացառությամբ Բաքվի, շատեղծվեցին խորհուրդներ, որոնք զինված ապստամբության մարմիններ կդառնային, հեղափոխական շարժումներին զգալի վնաս հասցրին Անդրկովկասի մենշևիկները իրենց օպորտունիստական դավաճանական տակտիկայով, պրոլետարիատի շահերը լիբերալ բուրժուազիային հարմարեցնելու քաղաքականությամբ: Բացասական դեր խաղացին նաև ազգամիջյան կոտորածները և հայ ու ադրբեջանական ազգայնականների գործունեությունը:

Գ. Մուրադյանը մեծ ջանք է գործադրել մի շարք փաստական ճշգրտումներ կատարելու ուղղությամբ: Նա կարևոր գիտողություններ է արել 1955-ին Մոսկվայում հրատարակված «Համառուսական քաղաքական գործադուր 1905 թ. հոկտեմբերին» փաստաթղթերի և նյութերի ժողովածուի վերաբերյալ, ժողովածու, որի 495 և 655 էջերում սխալ ու միակողմանի են բնութագրված հայ-ադրբեջանական ընդհարումների պատճառները: «Դրանց հեղինակները նշում են, — գրում է նա, — որ Կովկասում ընդհարումները կազմակերպում էր ցարիզմը հայկական բուրժուանացիոնալիստական դաշնակցության կուսակցության աջակցությամբ: Այդ պնդումը ճիշտ լինելով հանդերձ, թերի է, որովհետև չպետք է մոռանալ, որ դաշնակցականների հետ այդ եղբայրաբարդ կռիվների համար հավասարաչափ պատասխանատվություն են կրում նաև ադրբեջանական նացիոնալիստները, պանիսլամիստները, որոնք դաշնակցականների նման գործում էին կառավարության հետ ձեռք ձեռքի տված»<sup>1</sup>:

<sup>1</sup> Գ. Մուրադյան, նշվ. աշխ., էջ 128—129:



Ընդհանուր առմամբ ճիշտ գնահատելով հետազոտվող ժամանակաշրջանի պատմական իրադարձությունները, առանձին դեպքերում Գ. Մուրադյանը որոշ հարցերում հանդես է բերում ծայրահեղ խիստ, ըստ էության ոչ ճիշտ մոտեցում: Օրինակ, նա բացասաբար է խոսում 1905 թ. մարտին Ռուսաստանի Մինիստրների խորհրդին և Կովկասյան փոխարքային ներկայացված Երևանի քաղաքային դումայի 28 կետից բաղկացած և 1905 թ. ապրիլին հայաբնակ 24 կենտրոնների ներկայացուցիչների Թիֆլիսում կայացած ժողովի 20 կետից կազմված խնդրագրերի կամ պահանջագրերի մասին, որոնք, մեր կարծիքով, ամբողջովին բխում են ժողովրդի, այդ թվում նաև հայ բուրժուազիայի շահերից: Ահա վերոհիշյալ խնդրագրերի մի քանի պահանջներ՝ ընդհանուր, հավասար, ուղղակի և գաղտնի ձայնատվության սկզբունքով Սահմանադիր ժողովի գումարում, մահապատժի վերացում, հողի ազգայնացում, արքունական տուրքի վերացում և արքունական ազատ հողերի վրա տեղական հողազուրկ և սակավահող գյուղացիների բնակության հաստատում, ընդհանուր, պարտադիր, ձրի տարրական ուսուցման սահմանում, հայկական բոլոր եկեղեցական ու ծխական դպրոցների, բարեգործական, կրթական և հասարակական հիմնարկությունների անհապաղ վերաբացում, ժողովների, հավաքների գործադուլների, միությունների ազատության, անձի անձեռնմխելիության ապահովում, բանվորական աշխատանքի պայմանների բարելավում, 8-ժամյա բանվորական օրվա սահմանում, դասակարգային առանձնաշնորհումների, կրոնական սահմանափակումների վերացում, տղամարդու հետ կանանց հավասար իրավունքի հաստատում, խղճի, մայրենի լեզվի ազատության, հայ եկեղեցիներից և դպրոցներից խլված վալվածքների, գույքի և դրամի վերադարձի ապահովում, ռուսական հպատակություն ընդունած արևմտահայ գաղթականների վերաբերյալ սահմանափակիչ օրենսդրության վերացում և նրանց Անդրկովկասի սահմաններում ուրիշ հպատակների հետ հավասար հողաբաժիններ տալու իրավունքի շնորհում և այլն<sup>1</sup>: Սրանց թվարկումից հետո համոզիչ է Գ. Մուրադյանի այն պնդումը, թե «իրականում դրանք (այդ պահանջները — Շ. Լ.) արտահայտում էին հայ ունե-

վոր դասակարգերի շահերն ու նրանց մտավորականության լիբերալ բաղձանքները»<sup>1</sup>:

Գ. Մուրադյանի գրչին են պատկանում նաև «Հայ ժողովրդի պատմության» VI հատորի «Հեղափոխական շարժումները Արևելյան Հայաստանում 1905—1907 թթ.» և «Արևելյան Հայաստանը հեղափոխական նոր վերելքի տարիներին» գլուխները:

Մատնանշված թեման է շոշափում նաև պատմական գիտությունների թեկնածու Հասմիկ Հարությունյանի ռուսերեն մենագրությունը, որտեղ լուսաբանվում է ռուսական առաջին հեղափոխության տարիներին Հայաստանում ծավալված պայքարի համառոտ պատմությունը<sup>2</sup>:

Ոչ միայն Հայաստանի, այլև ամբողջ Անդրկովկասի բանվորական շարժումներին և ազգային հարցի լուծման ուղիների վերլուծությանն է նվիրված Գ. Գալոյանի ռուսերեն մենագրությունը<sup>3</sup>, որն ընդգրկում է 1900—1922 թվականները: Հարուստ է աշխատության աղբյուրագիտական հենքը՝ օգտագործված են մեծ քանակությամբ գրականություն և արժեքավոր վավերագրեր, որոնց մի զգալի մասը առաջին անգամ է մտնում գիտական շրջանառության մեջ:

Աշխատությունը գրված է համառուսաստանյան բանվորական շարժումների և կոմունիստական կուսակցության պատմության ընդհանուր ֆոնի վրա: Նա Ռուսաստանի պրոլետարական շարժման հետ է կապում ոչ միայն Անդրկովկասի բանվորական, այլև երկրամասի ժողովուրդների ազգային-ազատագրական շարժումը: Նա այն կարծիքն է հայտնում, թե ռուսական բանվոր դասակարգի ազատագրական պայքարի ներգործության շնորհիվ Անկրկովկասի ժողովուրդների ազգային-ազատագրական շարժումն աստիճանաբար ազատվում էր բուրժուազգայնական կուսակցությունների ազդեցությունից: Գ. Գալոյանը հարկ եղած շափով բացահայտել է Անդրկովկասի ժողովուրդների ազգային-ազատագրական պայքարի առանձնահատկություններն ու յուրահատուկ խնդիրները՝ կապված երկրամասի պատմական զարգացման ընթացքի հետ:

<sup>1</sup> Գ. Մուրադյան, նշվ. աշխ., էջ 99:

<sup>2</sup> Տե՛ս Արությունյան Ա., Революционное движение в Армении, 1905—1907 гг., Е., 1970:

<sup>3</sup> Տե՛ս Գալոյան Գ., Рабочее движение и национальный вопрос в Закавказье, 1900—1922 гг., Е., 1969:

<sup>1</sup> Տե՛ս Գ. Մուրադյան, նշվ. աշխ., էջ 91—98:



Աշխատութեան մեջ հանգամանորեն քննվում է 1903 թ. հու- նիսի 12-ի ցարական օրենքի կապակցութեամբ Անդրկովկասով մեկ ծավալված հակացարական շարժումների հարցը: Ներկա- յացված է Անդրկովկասի բուրժուազգայնական և մանրբուր- ժուական կուսակցութիւնների, առանձնապէս դաշնակցութեան դիրքն ու գործունեութիւնը:

Խոսելով դաշնակցութեան մասին, պատմաբանը նշում է, որ եթե այդ կուսակցութիւնը մինչ այդ իր գլխավոր խնդիրը հա- մարում էր արևմտահայ դատի պաշտպանութիւնը, ապա ցա- րիզմի գաղութային քաղաքականութեան խորացման և հայ ժո- դովրդի ազգային-ազատագրական պայքարի վերելքի պայման- ներում պաշտոնապէս ընդունում է նաև ցարիզմի դեմ պայքարի անհրաժեշտութիւնը: Ընդ որում, նրա կարծիքով, դաշնակցու- թիւնը ոչ միայն հակակառավարական, այլև ընդհանրապէս հա- կառուսական ագիտացիա էր մղում<sup>1</sup>:

Գ. Գալոյանի աշխատութեան մեջ լայն տեղ է հատկացված ռուսական առաջին հեղափոխութեան ժամանակաշրջանում Ան- գրկովկասի ժողովուրդների հեղափոխական շարժումների և ազգային-ազատագրական պայքարի պատմութեան լուսաբան- մանը:

Անդրադառնալով հայ-ադրբեջանական ընդհարումներին, Գ. Գալոյանը գտնում է, որ դրանք էլ հմտորեն կազմակերպում էր ցարիզմը՝ աշխատավորութեան ուշադրութիւնը հեղափոխա- կան շարժումներից շեղելու նպատակով: Սակայն, գրում է նա, ցարիզմին չէր հաջողվի հայ-ադրբեջանական ջարդեր կազմա- կերպել, եթե պանիսլամիստներն ու դաշնակցութիւնը դրա հա- մար որոշ հող չստեղծեին: Յույց է տրված բոլշևիկների պայ- քարն ընդդեմ ազգային թշնամանքի բորբոքման: Այստեղ էլ ներ- կայացված է այդ ջարդերի դատապարտման և դադարեցման ուղ- ղութեամբ առաջադեմ մտածողների գործունեութիւնը:

Աշխատութեան մեջ քննութեան են առնվել Անդրկովկասում ծավալված ազատագրական շարժումները ստոլիպինյան ռեակ- ցիայի տարիներին: Լուսաբանվել է բոլշևիկյան կազմակերպու- թիւնների գործունեութիւնը նոր, առավել ծանր պայմաննե- րում, մի ժամանակամիջոց, երբ նրանք հարկադրված էին հան- դես գալ ոչ միայն ցարիզմի, այլև մենշևիկ լիկվիդատորների, օտղովիստների, ուլտիմատիստների և հակալենինյան այլ հո-

<sup>1</sup> Տե՛ս Գ. Գալոյան, նշվ. աշխ., էջ 38:

սանքների, ինչպէս նաև բուրժուական և բուրժուազգայնական կուսակցութիւնների դեմ, որոնք հեղափոխութեան պարտու- թիւնից հետո արդեն աջակցում էին ինքնակալութեանը, բացա- հայտորեն դեմ նետելով իրենց «դեմոկրատական» բողբ<sup>1</sup>: Լավ են լուսաբանված դաշնակցական և հնչակյան կուսակցութիւնների միջև առաջ եկած պառակտումները, նրանց ղեկավար գործիչ- ների լուրջ տարաձայնութիւններն ու վեճերը: Նույնը վերաբե- րում է նաև սպեցիֆիկներին՝ Հայկական սոցիալ-դեմոկրատա- կան բանվորական կազմակերպութեանը:

Վերոհիշյալ հարցերը քննվում են նաև Գ. Գալոյանի «Պատ- մութեան քառուղիներում» աշխատութեան մեջ: Ամբողջ Անդր- կովկասում մոլեգնում էր բուրժուական նացիոնալիզմը, գրում է նա, ցարական պրոպագանդան, բուրժուական մամուլն ամեն կերպ ուռճացնում էին ժողովուրդների միջև եղած «ազգային», «կրոնական» և «տնտեսական հակասութիւնները», ձգտում պա- ռակտել բանվորական, հեղափոխական և ազգային-ազատագրա- կան շարժումները: «Բուրժուական նացիոնալիզմը կհասնէր իր նպատակին, — այնուհետև գրում է հեղինակը, — եթե լենինի ստեղծած կուսակցութիւնը հանդես չզար պրոլետարական ին- տերնացիոնալիզմի իր գաղափարախոսութեամբ և չհամախմբեր Ռուսաստանի բոլոր ազգերի աշխատավորներին ռուսական պրո- լետարիատի շուրջը՝ դասակարգային ընդհանուր շահերի հողի վրա»<sup>2</sup>:

Անդրադառնալով Անդրկովկասում գործող մանրբուրժուական և բուրժուական կուսակցութիւնների գործունեութեանը, Գ. Գա- լոյանը հանգում է այն եզրակացութեանը, որ նրանցից յուրա- քանչյուրը, արտահայտելով իր ազգային բուրժուազիայի տար- բեր խավերի շահերը, ձգտում էր պառակտում մտցնել երկրա- մասի պրոլետարիատի ազգային ջոկատների միջև և իր ազգի ազգային շարժումները, որոնք ըստ վտեճյան բուրժուադեմոկ- րատական էին, հակադրել ռուսական բանվորական շարժմանը<sup>3</sup>:

Ավելի կոնկրետ խոսելով հայ քաղաքական կուսակցութիւն- ների գործելակերպի մասին, պատմաբանը գտնում է, որ ոչ դաշնակցականները և ոչ էլ հնչակյանները չզարձան և չէին կա- բող դառնալ հայ ժողովրդի ազգային արմատական շահերի ար-

<sup>1</sup> Տե՛ս Գ. Գալոյան, նշվ. աշխ., էջ 111:

<sup>2</sup> Գ. Գալոյան, Պատմութեան քառուղիներում, էջ 139—140:

<sup>3</sup> Նույն տեղը, էջ 141:



տահայտիչն այն պարզ պատճառով, որ նրանք կանգնած չէին հայ աշխատավոր զանգվածների սոցիալական շահերի պաշտպանության դիրքերում և իրենց նեղ-ազգայնական ծրագրերով ու պրակտիկ գործունեություններով հայ ժողովրդի ազգային-ազատագրական պայքարը կանգնեցրել էին փակուղու առջև<sup>1</sup>:

Որոշ աշխատանք է կատարվել Անդրկովկասի հեղափոխական շարժումներին երիտասարդության մասնակցության լուսարանման ուղղությամբ: Այդ գործում որոշակի ներդրում ունի պատմական գիտությունների դոկտոր, պրոֆեսոր Շ. Օհանջանյանը: 1968-ին հրատարակվեց նրա մենագրությունը<sup>2</sup>, որ ներկայացված են ուսական առաջին հեղափոխության տարիներին Անդրկովկասի երիտասարդության հեղափոխական շարժումները: Լույս է տեսել նաև նրա նոր աշխատությունը, որ շարագրված է Անդրկովկասի երիտասարդության հեղափոխական շարժումների պատմությունը XIX դարի 90-ական թվականներից մինչև Հոկտեմբերյան հեղափոխությունն ընկած ժամանակաշրջանը<sup>3</sup>:

Հայաստանում և ամբողջ Անդրկովկասում XIX դարի վերջին և XX դարի սկզբներին ծավալված երիտասարդության հեղափոխական շարժումների պատմության լուսարանմանն է նվիրված նաև պատմական գիտությունների թեկնածու Ե. Սահակյանի աշխատությունը<sup>4</sup>:

## 8. Հայաստանը առաջին համաշխարհային պատերազմի տարիներին

«Պատմագիտության զարգացումը հորհրդային Հայաստանում» մեր առաջին մենագրության մեջ մատնանշված հարցին համեմատաբար քիչ տեղ է հատկացվել, քանի որ այն ժամանակ քիչ էր նաև հրապարակի վրա եղած գրականությունը: Այնտեղ անդրադարձել էինք Ե. Սարգսյանի ուսերեն լույսընծայած աշխատությանը, որը 1964-ին որոշ լրացումներով վերա-

հրատարակվեց հայերեն<sup>1</sup>: Մասամբ անդրադարձել էինք նաև Լեոյի, Ար. Մնացականյանի և ուրիշների աշխատություններին: Վերջին քառորդ դարի ընթացքում առաջին համաշխարհային պատերազմի տարիների հայ ժողովրդի պատմության վերաբերյալ հարուստ գրականություն է ստեղծվել: 1965 թ. լույս է տեսել Զ. Կիրակոսյանի մենագրությունը<sup>2</sup>, որը վերահրատարակվել է 1967-ին. 1971-ին այն տպագրվեց նաև ուսերեն:

Մենագրության մեջ փաստական հարուստ ատաղձի հիման վրա ցույց է տրված արևմտահայության ծանր գոյավիճակը պատերազմի նախօրյակին: Հանգամանորեն քննելով փաստերը, Կիրակոսյանը հանգում է այն եզրակացությանը, որ ոչ ոք չի կարող ապացուցել, որ թուրք աշխատավորը կուլտուրական և առևտսական տեսակետից ավելի լավ պայմաններում էր ապրում, քան հայ աշխատավորը և որ թուրք կամ քուրդ մարաբան կարող էր խաղաղ հարևան լինել այլազգի իր սոցիալական եղբայրների հետ, սակայն դրան խանգարում էր այն, որ դարերի ընթացքում թուրքիայի շահագործող վերնախավը մահմեդական զանգվածներին ներշնչում էր, որ քրիստոնյան ընտրյալ չէ մարգարեից, այլ գլավուր է՝ անհավատ, արժանի ոտնահարման ու ոչնչացման:

Մենագրության մեջ զգալի տեղ է հատկացված 1915 թ. Մեծ Լեզոնի՝ արևմտահայության ցեղասպանության պատմությանը: Անդրադառնալով այն հարցին, թե թուրքական կառավարությունը ե՞րբ որոշեց և ինչի՞ց զրդված ձեռնամուխ եղավ հայ ժողովրդի զանգվածային տեղահանություններին ու ջարդերին, գիտնականը գրում է՝ քննադատական թուրքական ծրագիրը խարքսված էր նախորդ ամբողջ ժամանակաշրջանում կիրառված ջարդարարական քաղաքականության վրա, օրգանապես բխում էր նրանից: Պատերազմը պարզապես պատեհ առիթ էր, որ պետք է ձերբազատեր թուրքական կառավարողներին ժողովրդասպան պլանն իրականացնելու և, միաժամանակ, այն պատերազմական իրավիճակով պատճառաբանելու համար: «Իրենց անիրազեկու-

1 Տե՛ս Գ. Գալոյան, Պատմության քառուղիներում, էջ 141:

2 Տե՛ս Շ. Օհանջանյան, Անդրկովկասի երիտասարդության հեղափոխական շարժումների պատմությունից (1905—1907), Եր., 1968:

3 Տե՛ս Оганджания Ш., Революционное движение молодежи Закавказья (1890—1917 гг.), Е., 1975:

4 Տե՛ս Саакян Е., Революционные движения молодежи в Армении и в Закавказье в конце XIX—начале XX вв., Е., 1987:

1 Տե՛ս Ե. Սարգսյան, Թուրքիան և նրա նվաճողական քաղաքականությունը Անդրկովկասում (1914—1918), Եր., 1964:

2 Տե՛ս Զ. Կիրակոսյան, Առաջին համաշխարհային պատերազմը և արևմտահայությունը (1914—1916 թթ.), Եր., 1965:



թյունն են դրսևորում այն մարդիկ,— գրում է նա,— որոնք, տուրք տալով թուրքական ստահոդ պնդումներին, հավատում են, որ թուրքական կառավարողներն իրր թե ստիպված էին այդպիսի քայլերի դիմել, ելնելով պատերազմական ծանր կացությունից և հայերի կողմից թուրքական պետությունը սպառնացող վտանգի կանխման շահերից»<sup>1</sup>: Սակայն ամենևին չարդարացնելով այն արկածախնդրական, քաղաքական տեսակետից այնքան վնասակար գործելակերպը, որ պատերազմի սկզբից որդեգրել էր կովկասահայ բուրժուազիան, Ջ. Կիրակոսյանը գտնում է, որ անկախ դրանից թուրքական կառավարողներն արդեն որոշել էին կենսագործել իրենց վաղեմի ծրագիրը՝ բնաջնջել Օսմանյան կայսրության հայերին, յուրովի՝ կոտորածների միջոցով լուծել Հայկական հարցը<sup>2</sup>: Իր այդ միտքը հիմնավորելու համար հեղինակը բերում է մի շարք համոզիչ փաստեր: Հիրավի, 1915 թ. օգոստոսի 31-ին Թալեաթը ցինիկորեն հայտարարել է, թե այդ հարցը «լուծեցին» երեք ամսում, որը չէր կարողացել անել Աբդուլ Համիդը երեսուն տարում: Թալեաթին լրացնում էր մյուս բորենին՝ էնվերը, պահանջելով մահի ճիրաններից մազապուրծ եղած և կենդանի մնացած հայերին ցրել կայսրության տարբեր մասերում, նրանց ձուլել թուրքերի հետ: Ի դեպ, պետք է համաձայնել Ջ. Կիրակոսյանի այն կարծիքին, որ որոշ հեղինակներ տուրք են տվել այն անհիմն տեսակետին, թե Ջեմալ փաշան պակաս հայատյաց էր, որ նա այնպիսի դաժանություն չէր զբոսևորում, ինչպես երիտթուրքերի այլ պարագլուխներ: Սակայն միայն Ուրֆայի սպանդը ամբողջապես հերքում է այդ առասպելը:

Ճիշտ է նկատել Ջ. Կիրակոսյանը՝ ավանդույթի ուժով պատմագրության մեջ մինչև այսօր էլ հիշատակվում է միայն 1915 թ. եղեռնը, մինչդեռ սարսափելի կոտորածներն ու հանցագործությունները նոր թափով շարունակվել են 1916 թվականին՝ մասնավորապես Միջագետքի, Սիրիայի անապատներում<sup>3</sup>:

Հետևելով պատմաբան Ջոզեֆ Գուլմանին, նա հանգում է այն եզրակացության, որ համաշխարհային պատմության մեջ 1915 թ. Մեծ եղեռնը կարելի է համեմատել միայն երկրորդ հա-

մաշխարհային պատերազմի տարիներին գերմանական ֆաշիստների կողմից կազմակերպված վեց միլիոն հրեաների ջարդի, Մայդանեկի, Օսվենցիմի, Մաուլթհաուզենի և մահվան այլ ճամբարներում կատարված ավելի մեծ մասշտաբի զանգվածային մարդասպանությունների հետ:

Մյուս պատմաբանների նման Ջ. Կիրակոսյանը ևս անդրադառնում է հայերի տեղահանության և կոտորածի վերաբերյալ վիճակագրությանը՝ հենվելով զլիսավորապես Լեփսիուսի և Թեոդիկի «Ամենուն տարեցույցներում» հրապարակած տվյալների վրա: Մենագրության մեջ բացահայտվել է միջազգային իմպերիալիզմի դիրքորոշումը հայ ժողովրդի կոտորածների նկատմամբ: Կոնկրետ փաստերով ցույց է տրված, թե կայքերական Գերմանիան ինչպես էր հովանավորում և խրախուսում թուրքական կառավարողների հակահայկական քաղաքականությունը:

Ջ. Կիրակոսյանը իրավացիորեն գտնում է, որ արևմտահայության ցեղասպանության դործում արտաքուստ կարծես թե այլ էր Անգլիայի դիրքորոշումը, բայց, ըստ էության, նա ոչ պակաս բացասական դեր խաղաց: Գրքում բերված բազմաթիվ փաստերը լիովին հաստատում են հեղինակի վերոհիշյալ եզրակացությունը: «Պատմությունը կրկին ու կրկին հաստատեց այն ճշմարտությունը,— եզրակացնում է նա,— որ միջազգային իմպերիալիզմը Հայկական հարցը միշտ էլ որպես մի խրտվիլակ է օգտագործել Թուրքիային վախեցնելու, նրան ստիպելու ա՛նել այն, ինչ որ համապատասխանում էր եվրոպական մեծ տերությունների շահերին»<sup>1</sup>:

Անդրադառնալով ցարական Ռուսաստանի քաղաքականությանը, Ջ. Կիրակոսյանը գրում է, որ ինչպես բոլոր մեծ տերությունները, այնպես էլ Ռուսաստանը վարում էր, Վ. Ի. Լենինի արտահայտությամբ, «... իմպերիալիստական, կապիտալիստական պատերազմ, ավազակային պատերազմ, պատերազմ փոքր և ուրիշ ժողովուրդներին ճնշելու համար, պատերազմ՝ հօգուտ կապիտալիստների շահույթի...»<sup>2</sup>: Այնուամենայնիվ, արևմտահայության զանգվածային ոչնչացումը ոչ միայն չէր բխում Արևմտյան Հայաստանում Ռուսաստանի հետապնդած նպատակներից, այլև չէր համընկնում նրա պլաններին<sup>3</sup>: Սակայն գրքում

<sup>1</sup> Ջ. Կիրակոսյան, նշվ. աշխ., էջ 231:

<sup>2</sup> Տե՛ս նույն տեղը, էջ 231:

<sup>3</sup> Տե՛ս նույն տեղը, էջ 336:

<sup>1</sup> Ջ. Կիրակոսյան, նշվ. աշխ., էջ 387:

<sup>2</sup> Վ. Ի. Լենին, ԵԼԺ, հ. 27, էջ 280:

<sup>3</sup> Տե՛ս Ջ. Կիրակոսյան, նշվ. աշխ., էջ 400—411:



բազմաթիվ փաստեր են բերվում, որոնք ցույց են տալիս, որ ցարական իշխանություններն Արևմտյան Հայաստանի գրաված տարածքում փախստական հայերին արգելում էին վերադառնալ իրենց հայրենի հողը, փոխարենը Ալաշկերտի, Բայազետի, Գիադինի հովիտներում իրականացնելով հատկապես Գոնի ու Կուբանի կազակներին բնակեցնելու իրենց ծրագիրը:

Ջ. Կիրակոսյանը քննադատում է հայ քաղաքական կուսակցությունների ու հոսանքների, մասնավորապես դաշնակցության, պատերազմի տարիներին որդեգրած գործելակերպը: Այս հարցը նա ավարտում է Ստ. Շահումյանի հետևյալ դրույթով. «... շնորհիվ հենց այն հանգամանքի, որ հայ ազգային կուսակցությունները գործիք ու խաղալիք էին մի կողմից՝ ռուս կառավարության, մյուս կողմից՝ կովկասահայ բուրժուազիայի ձեռքին, նրանց գործունեությունն այնքան կորստաբեր հետևանք ունեցավ տաճկահայերի համար և այնքան վնասակար էր նաև կովկասահայ ժողովրդական մասսաների համար»<sup>1</sup>:

Բնորոշ է, նշում է հեղինակը, որ դեռևս իր ժամանակին հաջ իրականության մեջ ուժեղացել էր հուսախաբույթյունը, ծավալվել էր քննադատությունը ցարիզմի և իմպերիալիստական մյուս մեծ տերությունների սուտ խոստումներին հավատ ընծայած ու նրանց հետ գործարքի մեջ մտած մարդկանց ու կազմակերպությունների հասցեին: «Շուտով խլրտումն ընդգրկեց հայկական հասարակական, քաղաքական բոլոր շրջանները, — գրում է նա: — Սկսվեց սեփական վարքագծի վերագնահատման, փոխադարձ ամբաստանությունների, հրապարակային հարձակումների ու բախումների մի շրջան... Գլխավոր ամբաստանյալ էր հռչակվում դաշնակցությունը»<sup>2</sup>:

Դաշնակցության սխալ գործելակերպը հետագայում քննադատվեց նաև այդ նույն կուսակցության և մյուս կուսակցությունների ղեկավար գործիչների կողմից՝ Կ. Սասունի, Ա. Զիլինգարյան (Ռ. Դարբինյան), Պողոս-Նուբար փաշա, Հ. Առաքելյան, Գ. Անանուն և ուրիշներ:

Առաջին համաշխարհային պատերազմի և նրանից հետո ընկած ժամանակաշրջանում երիտթուրքերի հայահալած քաղաքականությունը հայկական և օտար հավաստի աղբյուրների և հա-

րուստ գրականության հիման վրա հաջողություններ բացահայտված է Ջ. Կիրակոսյանի «Երիտթուրքերը պատմության դատաստանի առաջ» մենագրության երկրորդ գրքում<sup>1</sup>:

Նկատի ունենալով, որ հայերի ցեղասպանության մասին շատ է գրվել, Ջ. Կիրակոսյանը հարկ չի համարել աշխատության մեջ տալ դեպքերի ամբողջական շարադրանքը, այլ գլխավոր ուշադրությունը բևեռել է երիտթուրքական շարժարարների այն որոշումների ու գործողությունների վրա, որոնք բնորոշում են հայերի ոչնչացման կանխամտածված բնույթը: «Մենք դրանով իսկ, — գրում է նա, — հերքում ենք այսօրվա թուրքական քաղաքական պրոպագանդայի ձիգերը՝ խճողելու փաստերը, կեղծելու պատմական իրականությունը, արդարացնելու երիտթուրքերի մարդատյաց բարքերը»<sup>2</sup>:

Անդրադառնալով Հոկտեմբերյան հեղափոխությունից հետո արևմտահայության վիճակին, վեր հանելով Հայկական հարցի լուծման ուղղությամբ Խորհրդային Ռուսաստանի կառավարության միջոցառումները, պատմաբանը միաժամանակ ցույց է տվել, որ 1918 թվականին դեռ շարունակվում էր հայոց գենոցիդը, որ պանթուրքիզմը գործողության մեջ էր, և որ երիտթուրքերը խորհրդային ինտերվենցիայի առաջին իրականացնողներն էին:

Ջ. Կիրակոսյանի աշխատության մեջ լայն տեղ է հատկացված երիտթուրքական ոճրագործների դատավարությանը: Ուշագրավ է, նկատում է հեղինակը, որ երիտթուրքական կառավարության անկումից հետո թուրքական պետական իշխանություններն իրենք են դատապարտել երիտթուրքերի ոճրագործությունները: Դատավարության ընթացքում, նշում է նա, շատ փաստերով ապացուցվեց, որ երիտթուրքերն են կազմակերպել հայերի բռնի տեղահանությունները և կոտորածները:

Աշխատության մեջ պատմական փաստերի հիշատակումով ցույց է տրված, որ թեև խորտակվեց Օսմանյան կայսրությունը, բայց հայասպանությունը շարունակվում էր, որ քեմալականները երիտթուրքերի քաղաքականության շարունակողներն ու իրականացնողներն էին: Բնորոշ է, գրում է Ջ. Կիրակոսյանը, որ

<sup>1</sup> Տե՛ս Ջ. Կիրակոսյան, Երիտթուրքերը պատմության դատաստանի առաջ (1915-ից մինչև մեր օրերը), գիրք 2, Եր., 1983: Հեղինակի երկհատորանոց աշխատությունը մեկ գրքով լույս տեսավ նաև ռուսերեն:

<sup>2</sup> Նույն տեղը, էջ 19:

<sup>1</sup> Ստ. Շահումյան, Երկեր, հ. 2, Եր., 1957, էջ 409:

<sup>2</sup> Ջ. Կիրակոսյան, նշվ. աշխ., էջ 421:



Քեմալի առաջին վարիները համարյա ամբողջությամբ կազմված էր երեկվա իթթիհատականներից: Անդրադառնալով Քալեաթի սպանության հարցին, նա դիպուկ կերպով գրում է, թե համաշխարհային հասարակական կարծիքը շարունակում է դատապարտել Քալեաթին, իսկ թուրքական կառավարությունը ներքան հիշում ու մեծարում է այնպես, ինչպես կանեին ազգային հերոսների նկատմամբ<sup>1</sup>:

1918—1922 թթ., գրում է Ջ. Կիրակոսյանը, երիտթուրքերի և քեմալականների մահաբեր հարվածներից հայ ժողովուրդը կորցրեց 500 հազար մարդ: «Թուրքիզմի գլխավոր նպատակներից մեկը, — գրում է նա, — հայ ժողովրդին հայրենիք ունենալու իրավունքից զրկելն էր»<sup>2</sup>: Պանթուրքիզմը ուզում էր խեղդել Հայաստանը: Հայաստանի քնաջնջումը, շարունակում է նա, մի միջոց էր միացնելու Թուրքիան ասիական մահմեդականության հետ, դեպի արևելք պանթուրքիզմի ճանապարհը բացելու համար:

Աշխատության մեջ քննվում են նաև խորհրդա-հայկական, խորհրդա-թուրքական հարաբերությունների, քեմալականների հարձակման և այլ հարցեր:

Մեր կարծիքով, Ջ. Կիրակոսյանի երկհատորանոց մենագրությունը ոչ միայն գիտական, այլև գաղափարական-քաղաքական ուղղվածության տեսակետից կարևոր ավանդ է խորհրդա-դահայ պատմագրության մեջ:

Առաջին համաշխարհային պատերազմի տարիների Հայաստանի պատմությունը հանգամանորեն շարադրված է պատմական գիտությունների դոկտոր, պրոֆեսոր Մ. Արզումանյանի ծավալուն աշխատության մեջ<sup>3</sup>: Այդ ուսումնասիրությունն աչքի է ընկնում փաստերի առատությամբ, կուռ ընդհանրացումներով, մի շարք հարցերի նորովի մեկնաբանություններով:

Աշխատության սկզբում ցույց է տրված պատերազմի նախօրեին Հայաստանի սոցիալ-տնտեսական և քաղաքական դրությունը:

Հաջող է ներկայացված այդ ժամանակաշրջանում ծավալված Հայկական հարցի վերլուծությունը, բացահայտված է այդ հարցի վերաբերյալ մեծ տերությունների դիրքորոշումը:

<sup>1</sup> Տե՛ս Ջ. Կիրակոսյան, նշվ. աշխ., գիրք երկրորդ, էջ 258:

<sup>2</sup> Նույն տեղը, էջ 262:

<sup>3</sup> Տե՛ս Մ. Արզումանյան, Հայաստան, 1914—1917, Եր., 1969:

Ներկայացնելով Արևմտյան Հայաստանում իմպերիալիստական տերությունների զավթողական պլանները, նա հանգամանորեն վերլուծում է պատերազմի նկատմամբ հայ բուրժուազիայի, հայկական քաղաքական կուսակցությունների վերաբերմունքը: Նշելով պատերազմի իմպերիալիստական, զավթողական բնույթը, նա գտնում է, որ հայ բուրժուազիան ևս, ելնելով իր շահերից, պատերազմի ջատագով էր դարձել: Նույնն էր անում դաշնակցությունը: Հայ բուրժուազիան իր շահերով սերտորեն կապված էր ցարիզմի, անգլիական ու ֆրանսիական կապիտալի հետ և պատերազմի հենց սկզբից պաշտպանեց Անտանտի պետություններին: Բնորոշ է, որ դաշնակցությունը որոշեց հրաժարվել ցարիզմի դեմ ուղղված ամեն մի ելույթից, իսկ դրան ի պատասխան, ցարական կառավարությունն էլ բանտերից ազատեց նախկինում ձերբակալված դաշնակցականներին՝ ծառայեցնելով նրանց իր ազրեսիվ նպատակներն իրագործելու համար:

Հանգամանորեն շարադրված են Կովկասյան ճակատի ռազմական գործողությունները: Առանձին քննության առարկա է դարձել ռուսական զորքերի կողմից Թուրքիայի գրաված տարածքի հայկական նահանգների տնօրինման հարցը: Ըիշտ է հեղինակի այն դիտողությունը, թե Արևմտյան Հայաստանի մեծ մասը գրավելով, ռուսական ցարիզմը բոլորովին էլ չէր մտածում նրան անկախություն կամ ինքնավարություն տալու մասին: «Ներա նպատակն էր այն պարզապես կցել Ռուսական կայսրությանը և ենթարկել գաղութային ճնշման»<sup>1</sup>:

Աշխատության ամենաընդարձակ բաժինը նվիրված է Մեծ եղեռնի պատմությանը: Այստեղ հանգամանորեն խոսվում է հայերի քնաջնջման թուրք-գերմանական ծրագրի մասին, ըստ խոշոր բնակավայրերի առանձին-առանձին շարադրվում է արևմտահայության բռնազաղթի ու կոտորածների, ինչպես նաև հայերի ինքնապաշտպանական կոիվների պատմությունը:

Երիտթուրքերի հայաջինջ քաղաքականությունը պատահական երևույթ չէր, իրավացիորեն նկատում է Մ. Արզումանյանը, այլ բռնակալական Թուրքիայի մշտապես իրականացվող հայասպան գծի անմիջական շարունակությունը՝ բարձրացրած գերադրական աստիճանի:

<sup>1</sup> Մ. Արզումանյան, նշվ. աշխ., էջ 267:



Անդրադառնալով Մեծ եղեռնի ժամանակ զոհված հայերի քանակի հարցին, հեղինակը գտնում է, որ թուրքական աղբյուրները բացարձակապես կեղծում են փաստերը և հիմնականում ժխտում հայկական կոտորածները: Նույնը իրենց հուշագրություններում են անում երիտթուրքերի պարագլուխները, թուրքական պետության հետադա ղեկավար գործիչները: Փաստերի վրա հենված հավաստի աղբյուրները համարելով օտարերկրացի Գիբբոնսի, Լեփսիուսի, Մորգենթաուի, Մանդելշտամի, Ֆայսել էլ Ղոսեյնի և ուրիշ բարեխիղճ, անկողմնակալ հետազոտողների տվյալները, Մ. Արզումանյանը միաժամանակ քննադատում է այն օտարերկրացիներին, ովքեր կաշառվում են թուրքական շրջանների կողմից:

Հայկական եղեռնի գործում, բնականաբար, ամենագլխավոր հանցագործ համարելով թուրքական բռնակալությունը, պատմաբանը միաժամանակ առաջ է քաշում հետևյալ հարցը՝ արդո՞ք թուրք ժողովուրդը մեղք ունե՞ր դրանում: Նրա կարծիքով, այդ տեսակետից սխալ կլինի հավասարության նշան դնել թուրքական բռնակալ կառավարողների, իշխող դասակարգերի և աշխատավոր զանգվածների միջև: Չնայած Մ. Արզումանյանը փաստեր է բերում առանձին վայրերում թուրք բնակչության կողմից հայերին ցույց տրված օգնության մասին, որոնց ճնշող մեծամասնությունը դեմ էր իշխանությունների քաղաքականությանը, սակայն միաժամանակ գտնում է, որ «կարեկցանքի ու օգնության առանձին դեպքերը եղանակ չտեղծեցին և մեծ ռեիսկազմակերպվեց հետամնաց ու մոլեռանդ թուրք ժողովուրդի, ինչպես նաև մնացած մուսուլմանների (չերքեզների, քրդերի և մյուսների) մասնակցությամբ»<sup>1</sup>: Ավելին, «երբ որևէ ժողովուրդ հանդուրժում է ռեակցիոն կառավարությանը, թեկուզ խաբվում նրա կողմից և այս կամ այն չափով կատարում է նրա կամքը, դրանով իսկ ինքը դառնում է շարիքի մեղսակից, որը քավելու միակ միջոցը այդ կառավարության տապալումն է, վնասի հատուցումը, արդարության վերականգնումը»<sup>2</sup>:

Պատմաբանի կարծիքով, «թուրք ժողովուրդը պետք է իր մեղքը քավի նրանով, որ դատապարտի հայկական կոտորածները,

պատժի նրա հանցավորներին և ուղղի պատմական անարդարությունը»<sup>1</sup>:

Վկայակոչելով գերմանացի կոմունիստ գործիչ Ա. Աբուշի՝ «Մի ազգի կեղծ ուղին» աշխատության այն խոսքերը, թե «Գերմանացիները պետք է հատուցեն նրա համար, ինչ ավերվել է նրանց ձեռքով», Մ. Արզումանյանը գրում է. «Դա վերաբերում է նաև թուրք ժողովուրդին, որը ժամանակին դարձավ կույր գործիք իր բռնակալ ղեկավարների ձեռքին, որոնք, արատավորեցին նրա պատմությունը»<sup>2</sup>:

Մ. Արզումանյանը գտնում է, որ հայկական եղեռնի երկրորդ զխավոր հանցավորն ու պատասխանատուն իմպերիալիստական Գերմանիան էր<sup>3</sup>: Արևմտահայության բնաջնջման մեջ հանցավոր են նաև մյուս երկրների իմպերիալիստները: «Հատկապես դիվային էր ու ոճրագործ նենգամիտ Անգլիայի դերը»<sup>4</sup>: «Պակաս՝ հանցավոր չէր նաև Ֆրանսիական իմպերիալիզմը»<sup>5</sup>: «Ամերիկայի Միացյալ Նահանգներն էլ փաստորեն անտարբեր մնացին հայ ժողովուրդի մղձավանջի նկատմամբ»<sup>6</sup>: «Հայկական կոտորածների հարցում հանցավոր էր նաև ռուսական ցարիզմը»<sup>7</sup>: Հայ ժողովուրդի ողբերգության պատասխանատվությունը դրվում է նաև «ազգային ղեկավարների»՝ հայ քաղաքական կուսակցությունների վրա, եղրափակում է հեղինակը:

Մ. Արզումանյանի աշխատության մեջ հատուկ քննության է ենթարկվում նաև հայաստանի հանցավորների պատասխանատվության հարցը, որն ունի ոչ միայն պատմագիտական, այլև քաղաքական ու գործնական նշանակություն: Քանի որ, գրում է նա, ժամանակին մարդասպանները, շնչին բացառությամբ, չպատժվեցին, դատավարություն չկազմակերպվեց, որովհետև պատժողները պետք է լինեին հենց իրենք հանցավորները, ուստի նա արդարացի է համարում բոլոր տեղորիստական գործողությունները՝ ուղղված հայկական կոտորածների կազմակերպիչների դեմ: Այն հարցին, թե՞ չէ՞ որ մենք ժխ-

1 Մ. Արզումանյան, նշվ. աշխ., էջ 515:

2 Նույն տեղը, էջ 640:

3 Տե՛ս Մ. Արզումանյան, նշվ. աշխ., էջ 515:

4 Նույն տեղը, էջ 531:

5 Նույն տեղը, էջ 536:

6 Նույն տեղը:

7 Նույն տեղը, էջ 542:

1 Մ. Արզումանյան, նշվ. աշխ., էջ 513 (ընդգծ. հեղ. — Շ. Հ.):

2 Նույն տեղը, էջ 514:



տում ենք անհատական տեղորի տակտիկան, Մ. Արզումանյանը պատասխանում է այսպես. «Խորամուխ եղեք կոնկրետ փաստերի մեջ, և կտեսնեք, որ դրանք սովորական տեղորիստական ակտեր չէին, այլ այն ժամանակվա պայմաններում արդարացի ժողովրդավրիժառուական գործողություններ»<sup>1</sup>:

Աշխատություն մեջ ճիշտ գնահատական է տրված արևմտահայերի ինքնապաշտպանական կռիվներին: Չնայած առաջին համաշխարհային պատերազմն ուներ թալանչիական բնույթ, Հայաստանը գտնվում էր իմպերիալիստական պետությունների հակասությունների կծիկում, այնուամենայնիվ, գրում է պատմաբանը, Մեծ եղեռնի օրերին արևմտահայության մղած զոյամարտերը, նրա ինքնապաշտպանությունը պետք է դիտել որպես հայ ժողովրդի ազգային-ազատագրական պայքարի հերոսական դրվագներ:

Հաջող է բացահայտված Հայկական հարցի նկատմամբ առաջին համաշխարհային պատերազմի ժամանակ միջազգային դիվանագիտության նենգ ու խարդախ բնույթը: Քանի որ պատերազմն անարդարացի, թալանչիական էր, իրավացիորեն գրում է նա, ուստի կովոդ պետությունների դիվանագիտությունն էլ ամբողջովին ծառայում էր նրանց ազդեցիկ նպատակներին: Ցույց է տրվում, որ Ռուսաստանը, Անգլիան և Ֆրանսիան այս անգամ ես Հայկական հարցն օգտագործում էին իրենց իմպերիալիստական շահերի համար և ամենևին էլ մտահոգված չէին զրա արդարացի լուծմամբ: Ավազի վրա էր կառուցվում Հայաստանին ինքնավարություն տալու մասին ցարական կառավարության կեղծ խոստումը: Ավելի վատ էր անգլո-ֆրանսիական՝ Սալքս-Պիկոյի գաղտնի համաձայնագիրը, որը Հայաստանը մասնատելու մի նոր փորձ էր:

Համաձայն լինելով Արևմտյան Հայաստանում ցարական կառավարության զավթողական քաղաքականություն վարելու մասին Մ. Արզումանյանի տեսակետներին, այնուամենայնիվ, առարկելի ենք համարում նրա այն պնդումը, թե ինչպես անարդարացի էր Արևմտյան Հայաստանը դարեր շարունակ թուրքիայի լծի տակ մնալը, այնպես էլ պատերազմի ժամանակ ռուսա-

կան զորքերի կողմից այն գրավելը<sup>1</sup>: Դա ճիշտ համեմատությունն չէ:

Առաջին համաշխարհային պատերազմի Կովկասյան ռազմաճակատի պատմությունը հանգամանորեն լուսաբանված է պատմական գիտությունների դոկտոր, պրոֆեսոր Ա. Հարությունյանի մենագրության մեջ<sup>2</sup>, որի էջերում պատմաբանը բարեխղճորեն օգտագործել է մեծ քանակությամբ արխիվային նոր վավերագրեր: Աշխատությունն աչքի է ընկնում փաստական նյութի հարստությամբ, մի շարք պորտլեմների նորովի մեկնաբանություններով: Տվյալ թեմայի վերաբերյալ ստեղծվել է մեծ քանակությամբ գրականություն (Վ. Պարսամյան, Ե. Սարգսյան, Զ. Կիրակոսյան, Մ. Արզումանյան և ուրիշներ), սակայն չժխտելով այդ ուղղությամբ կատարված աշխատանքը, հարկ է նշել, որ Ա. Հարությունյանի մենագրությունն իր ծավալով, հարցերի լայն ընդգրկումով, պատերազմական գործողությունների ռազմագիտական վերլուծություններով ամենամբողջականն է:

Ա. Հարությունյանը, խոսելով մինչ այդ հրատարակված աշխատությունների արժանիքների մասին, միաժամանակ քննադատական մոտեցում է հանդես բերել, մի բան, որ ոչ բոլոր պատմաբաններն են անում: Այսպես, նա առաջին համաշխարհային պատերազմի Կովկասյան ռազմաճակատի պատմության հեղինակավոր մասնագետ համարելով զեներալ-լեյտենանտ, պատմական գիտությունների դոկտոր, պրոֆեսոր Ն. Կորսունին, նշելով նրա դերը խորհրդային ռազմական պատմագրության մեջ, միաժամանակ կատարում է մի շարք լուրջ դիտողություններ: Օրինակ, Կորսունը 1914—1917 թթ. ռուս-թուրքական պատերազմի մասին խոսելիս, ելնելով Մ. Պոկրովսկու սխալ կոնցեպցիայից, գտնում է, որ Ռուսաստանը չէր ցանկանում հաշտություն կնքել թուրքիայի հետ, այլ, ընդհակառակն, ձգտում էր նրան ներգրավել պատերազմի մեջ նեղուցները և Հայաստանը գրավելու համար: Ծիշտ է նաև Ա. Հարությունյանի այն դիտողությունը, թե Կորսունը գերազնահատում է ցարական Ռուսաստանի դիվանագիտական պայքարի նշանակությունը Արևմտյան Հայաստանում ռեֆորմներ անցկացնելու գործում, այն համարելով Ռուսաստանի դիվանագիտության մեծագույն արդյունք:

<sup>1</sup> Մ. Արզումանյան, նշվ. աշխ., էջ 634:

<sup>1</sup> Տե՛ս Մ. Արզումանյան, նշվ. աշխ., էջ 753:

<sup>2</sup> Տե՛ս Арутюнян А., Кавказский фронт. 1914—1917 гг., Е., 1971.



«Ռուսաստանը, — գրում է պատմաբանը, — ոչ մի «մեծագույն արդյունքների» չհասավ, քանի որ ռեֆորմները և այդ ուղղությամբ կատարված բոլոր միջոցառումները թուրքիայի կողմից ձախողվեցին, իսկ պատերազմը վերջնականապես թաղեց ռեֆորմների հետ կապված բոլոր նախագծերը»<sup>1</sup>:

Հեղինակը անհամոզիչ է համարում նաև Կովկասի և Ռուսաստանի մուսուլմանական բնակչության վրա պանիսլամական պրոպագանդայի ունեցած ազդեցության մասին Կորսունի պրնցիպալը: «Պանիսլամիզմի ազդեցության տակ, — գրում է Ա. Հարությունյանը, — թուրքական կառավարող շրջանները որոշ հաջողությունների հասան Ռուսական կայսրության բնակչության մեջ իրենց կողմնակիցներին հավաքագրելու գործում: Սակայն պատմական ճշմարտությունը խոսում է այն մասին, որ Ռուսաստանի մուսուլմանական բնակչության հիմնական զանգվածը համերաշխ է ապրել իր հարևան ժողովուրդների հետ և առանձին ձգտում հանդես չի բերել անջատվելու Ռուսաստանից թուրքիայի օգտին»<sup>2</sup>:

Ա. Հարությունյանը համոզիչ չի համարում նաև Օտտոմանյան կայսրության, առանձնապես մերձակատային տարածքում ապրող հայերի դրության մասին Կորսունի դատողությունները: Գրքում բերվում են մի քանի ստույգ փաստաթղթեր, որոնք խոսում են այն մասին, որ թուրքական կառավարությունն իր առջև խնդիր էր դրել ոչնչացնել հայ բնակչությանը<sup>3</sup>:

Հեղինակը ճիշտ դիտողություն է անում նաև Մ. Պոկրովսկուն այն բանի համար, որ նա գրել է, թե, իբր, էնվեր փաշան ցանկացել է Ռուսաստանի հետ ռազմական դաշինք կնքել, առաջարկել է թուրքական բանակի օգնությունը: «Ոչ ոք Ռուսաստանին թուրքական բանակ չի առաջարկել, — գրում է Ա. Հարությունյանը, — որովհետև նա վաղուց էր գործում գերմանական գեներալների ու ծովակալների ղեկավարության ներքո»<sup>4</sup>:

Ընդգծելով, որ խորհրդային ռազմական նշանավոր պատմաբան Ա. Զայոնչկովսկու աշխատությունները լավագույններն են առաջին համաշխարհային պատերազմի մասին, հայ հեղինակը

միաժամանակ ցավալի է համարում այն, որ դրանցում քիչ ուշադրություն է դարձված Կովկասյան ռազմաճակատին:

Ա. Հարությունյանը գնահատում է նաև խորհրդահայ պատմաբաններ Ե. Սարգսյանի, Զ. Կիրակոսյանի, Վ. Պարսամյանի, Ա. Մնացականյանի, Մ. Արզումանյանի, Ռ. Մանուկյանի և ուրիշների աշխատությունները, առանձնապես արժեքավոր համարելով Ե. Սարգսյանի մենագրությունը<sup>1</sup>: Վերջինը «խորհրդային պատմաբանների մեջ առաջինն էր, որ ցույց տվեց երիտթուրքական պարագլուխների ազդեցիկությունը, նրանց նվաճողական քաղաքականությունն Անդրկովկասում և դրանով նշանակալի հարված հասցրեց նրանց, ովքեր առանց հիմքի առաջին համաշխարհային պատերազմում թուրքիային ներկայացրել են անմեղ գառան տեսքով կամ գերմանացիների կույր զոհ»<sup>2</sup>:

Նշելով, որ մեր երկրում թուրքիայի պատմության խոշոր մասնագետ են համարում Ա. Միլլերին, որի գրչին են պատկանում մի շարք հետազոտություններ, Ա. Հարությունյանը միաժամանակ նկատում է, որ նա սխալ մոտեցում է հանդես բերում պատմական մի քանի փաստերի և անձնավորությունների նրկատմամբ: Օրինակ, Միլլերը քիչ է օգտագործում Ռուսաստանի պետական արխիվների նյութերը և մեծ մասամբ հենվում է թուրքական հրատարակությունների վրա, որոնք գրված են բացահայտ միտումնավորությամբ և փաստերի կեղծությամբ:

Աշխատության մեջ քննադատված են նաև արտասահմանյան հեղինակները, այդ թվում՝ Զեմալ փաշան, որը, ինչպես հայտնի է, իր հուշերում, կեղծելով պատմությունը, լիովին արգարացնում է հայերի նկատմամբ առաջին համաշխարհային պատերազմում թուրքական կառավարության քաղաքականությունը:

Մենագրության մեջ հանգամանորեն լուսաբանվել են հետևյալ հարցերը. ռազմաքաղաքական իրադրությունը Մերձավոր արևելքում առաջին համաշխարհային պատերազմի նախօրյակին, թուրքիայի ռազմական պատրաստությունների ուժեղացումը, դիվանագիտական պատերազմը Ռուսաստանի և թուրքիայի

<sup>1</sup> Арутюнян А., *նշվ. աշխ.*, էջ 7:

<sup>2</sup> Նույն տեղը, էջ 8:

<sup>3</sup> Տե՛ս նույն տեղը, էջ 9:

<sup>4</sup> Նույն տեղը, էջ 10:

<sup>1</sup> Տե՛ս Саркисян Е., Экспансионистская политика Османской империи в Закавказье накануне и в годы первой мировой войны. Е., 1962:

<sup>2</sup> Арутюнян А., *նշվ. աշխ.*, էջ 11:



միջև, ռազմական գործողությունները Կովկասյան ռազմաճակատում 1914—1917 թթ., հայ կամավորական ջոկատների գործունեությունը, ցարական ու ժամանակավոր կառավարությունների քաղաքականությունը և ռազմական հրամանատարության միջոցառումները Արևմտյան Հայաստանի գրաված տարածքի կառավարման ուղղությամբ:

Պատմաբանը քննում է Անտանտի դեմ Թուրքիայի հանդեպ գալու պատճառները: Ա. Հարությունյանի կարծիքով, 1930—40-ական թվականների մի շարք պատմաբանների եզրակացություններն ու ընդհանրացումները եղել են անհիմն: Նա նկատի ունի գլխավորապես Մ. Պոկրովսկուն, որը գրել է, թե, Ռուսաստանի պատերազմի մեջ մտնելու ամենաառաջին պատճառը նրա ձգտումն էր գրավել Կ. Պոլիսն ու Դարդանեղը, որ ռուսական կառավարությունը ցանկանում էր Թուրքիային ներքաշել պատերազմի մեջ ընդդեմ Անտանտի: Բանն այն է, որ միայն Պոկրովսկին չէր այդպես գրում: Տուրք տալով Մ. Պոկրովսկու սխալ տեսակետին, ռազմական պատմաբաններն առաջին համաշխարհային պատերազմի պատմության վերաբերյալ իրենց աշխատություններում երկար ժամանակ հետևում էին այդ կոնցեպցիային:

Այսպես, Ա. Զայոնշկովսկին 1938-ին հրատարակած իր «1914—1918 թթ. համաշխարհային պատերազմը» ուսումնասիրությունում պատերազմի մեջ մտնելու Ռուսաստանի ձգտումը դիտել է որպես ռուսական իմպերիալիզմի գաղութային ցանկությունների իրականացման միջոց: Գերմանական ռազմական պատմաբան Գ. Լորիեի նույն ժամանակ ռուսերեն հրատարակված գրքի առաջաբանում ոչ ավել, ոչ պակաս գրված է, թե, իբր, Թուրքական կառավարությունը էնվեր փաշայի բերանով 1914 թ. հուլիսի 27-ին (օգոստոսի 9) հայտարարել է, որ Թուրքիան Ռուսաստանի հետ դաշինքի մեջ է: «Յուրաքանչյուր խելամիտ մարդու հասկանալի է,— գրում է Ա. Հարությունյանը,— որ օգոստոսյան ծանր օրերին ցարական Ռուսաստանը երբեք չէր պայքարի «նոր հակառակորդներ ձեռք բերելու համար»<sup>1</sup>:

Համաշխարհային պատերազմի մեջ Թուրքիայի մտնելու պատճառների մասին ավելի տարածված կարծիքն այն է, գրում է հեղինակը, որ այդ երկիրն, իբր, ամբողջովին գտնվում էր Գերմանիայի գրկում և գործում էր նրա ճնշման տակ: Դրանով

թերազնահատվում են թուրք կառավարիչների զավթողական ձգտումները: Ա. Հարությունյանը գտնում է, որ արխիվային փաստաթղթերը և հավաստի մյուս աղբյուրները ժխտում են նման ոչ գիտական մեկնաբանությունները: Փաստական նյութերի հիման վրա գիտականորեն հիմնավորելով իր տեսակետը, Ա. Հարությունյանը իրավացիորեն գտնում է, որ այս բոլորից հետո անհասկանալի ու միանգամայն անհամոզիչ է հնչում Մ. Պոկրովսկու այն կարծիքը, թե «...պատերազմն անմիջականորեն պրովոկացիայի է ենթարկվել ռուսական զինվորական կուսակցության կողմից»<sup>1</sup>:

Ա. Հարությունյանի մենագրության վերջում ցույց է տրված Կովկասյան բանակի վրա 1917 թ. Փետրվարյան բուրժուազեմոկրատական հեղափոխության ազդեցությունը, զորքի և հրամանատարների միջև ստեղծված քաղաքական տրամադրությունը, ռազմաճակատի փլուզումն ու քայքայումը: Նշվում է, որ ժամանակավոր կառավարությունը շարունակում էր ցարիզմի քաղաքականությունը: Այդ իմաստով բնորոշ է Միլյուկովի օրինակը: Նա ցարական կառավարության մեջ օպոզիցիոն դիրք էր գրավել, ժամանակին հանդես էր գալիս Հայկական հարցը արդարացի լուծելու մասին ճառերով, բայց երբ դարձավ ժամանակավոր կառավարության արտաքին գործերի մինիստր, ոչ մի քայլ չարեց իր արտահայտած տեսակետները կենսագործելու ուղղությամբ:

Առաջին համաշխարհային պատերազմի ժամանակաշրջանի հայ ժողովրդի պատմության մի շարք կարևոր հարցեր են քննվում Մ. Աղայանի՝ «Հայ ժողովրդի ազատագրական պայքարի պատմությունից» աշխատության 7—8-րդ գլուխներում: Այստեղ նա վերլուծում է հայ քաղաքական կուսակցությունների դիրքորոշումը և դատապարտում նրանց, առաջին հերթին՝ դաշնակցության գործունեությունը, այնուհետև նա շարադրում է հայ կամավորական ջոկատների մարտական գործողությունները, Մուշի, Սասունի, Զեյթունի և այլ վայրերի ինքնապաշտպանական կռիվները և ավելի հանգամանորեն խոսում Մեծ եղեռնի մասին:

Մ. Աղայանը ճակատագրական սխալ է համարում դաշնակ-

<sup>1</sup> Арутюнян А., նշվ. աշխ., էջ 84:

<sup>1</sup> Слѣа Арутюнян А., նշվ. աշխ., էջ 90:



ցության դիրքորոշումը՝ թուրքական լծից Արևմտյան Հայաստանի ազատագրումը կապելով ցարական Ռուսաստանի, իմպերիալիստական պատերազմում Անտանտի հաղթանակների հետ: «Պարզ է,— գրում է նա,— որ դաշնակցականների այդ դիրքն ապակողմնորոշում էր հայ աշխատավորական զանգվածներին, նրանց մեջ սխալ պատրանք ստեղծում, նրանց նվիրական հույսերը կապում Անտանտի իմպերիալիստների հաղթանակների հետ, որն իրականում այնքան շարիքներ ու ողբերգություններ բերեց հայ ժողովրդին»<sup>1</sup>:

Անդրադառնալով ռուսական զորքերի նահանջի պատմությունը, ճիշտ նշելով, որ այն սարսափելի ծանր վիճակ ստեղծեց հայ ժողովրդի համար, մեր կարծիքով, պատմաբանը շատ ճիշտ է, երբ դրա ամբողջ մեղքը գցում է նահանջող ռուսական բանակի վրա: «Դա սովորական նահանջ չէր,— գրում է նա:— Դա մի ամբողջ ժողովրդի բնաջնջում էր, այն ժողովրդի, որն իր հույսը կապել էր ռուսական բանակի հետ: Իսկ հիմա այդ բանակը նահանջում էր՝ խուլ ու համր այն ողբերգության հանդեպ, որին մատնվում էր իր փրկության հույսը նրա հետ կապող ժողովուրդը...»<sup>2</sup>:

Կարծում ենք հիմնավորված չէ նաև Անդրանիկի այն հայտարարությունը, որին Ս. Աղայանը լիովին համամիտ է, այսինքն՝ ռուսական բանակի նահանջի պատճառը դավաճան Տիգրան Գևոյանցի կեղծ տեղեկագիրն էր թուրքական բանակի 11 դիվիզիա մարտի դաշտ դուրս բերելու մասին<sup>3</sup>:

Առաջին համաշխարհային պատերազմի տարիների Հայաստանի պատմության իրադարձություններին լայն տեղ է հատկացված նաև «Հայ ժողովրդի պատմություն» VI հատորում: Գրքի տվյալ գլխի հեղինակներ Ե. Սարգսյանը և Հ. Պետրոսյանը ցույց են տվել Կովկասյան ճակատի ռազմական գործողությունները, վեր հանելով պատերազմին հայերի մասնակցությունը:

Շարադրելով արևմտահայերի զանգվածային ջարդերն ու տեղահանությունները, Ե. Սարգսյանը նշում է, որ արևմտահայության ֆիզիկական բնաջնջման իր հրեշավոր ծրագիրը թուրքական բռնակալությունը մշակել էր դեռևս անցյալ դարի վերջե-

րին: Ճիշտ է նաև այն եզրահանգումը, որ արևմտահայության ողբերգական ճակատագիրը հետևանք էր ոչ միայն թուրքիայի հասարակական-քաղաքական հետամնացության և նրա կառավարողների պանթուրքական նկրտումների, այլև մեծ տերությունների իմպերիալիստական ներհակությունների<sup>1</sup>:

Հայտնի է, որ հայկական ջարդերի ժամանակ մի շարք վայրերում արևմտահայերը ինքնապաշտպանական հերոսական մարտեր ծավալեցին թշնամու գերազանց ուժերի դեմ, սակայն նրանք կոնկրետ ծրագիր չունեին, գործում էին տարերայնորեն, միմյանցից անջատ: Այն հարցին, թե այդ ինքնապաշտպանական կռիվները հայերի համար օգտակար եղան, թե ոչ, Ե. Սարգսյանը պատասխանում է. «Ընդհանուր առմամբ այն վայրերում, ուր հայերն իրենց կյանքը փրկելու համար զենքի դիմեցին, ղզալիտրեն ավելի քիչ տուժեցին, քան էրը անտրտունը կատարում էին թուրքական իշխանությունների կարգադրությունները»<sup>2</sup>: Հեղինակը արդարացիորեն բնագատում է թուրքիայի պաշտոնական պատմագրությանը, որը հանդգնում է արդարացնել 1915—1916 թթ. երիտթուրքերի հայաջինջ քաղաքականությունը, իսկ կոտորածները բացատրում հայերի «ապստամբություններով»:

Հատորում համառոտակի լուսաբանվում են նաև պատերազմի տարիներին միջազգային դիվանագիտությունն ու Հայկական հարցը, պատերազմի նկատմամբ հայ քաղաքական կուսակցությունների, այդ թվում՝ դաշնակցության վերաբերմունքը, Արևելյան Հայաստանի տնտեսական դրության վատթարացումը, դասակարգային պայքարի սրումը և այլ հարցեր: Մասնակի տեղ է տրված նաև փետրվարյան հեղափոխությունից հետո ընկած ժամանակաշրջանի հրատապ հարցերի լուսաբանմանը: Սակայն, շնայած դրան, ինչպես նկատել է հատորի գրախոս պրոֆ. Հ. Մելիքյանը, այդ ժամանակաշրջանի մի շարք կարևոր հարցերը դուրս են մնացել կամ շոշափվել են հարևանցիորեն: «Այդպես է բանը Հոկտեմբերյան հեղափոխության նախապատրաստման ժամանակաշրջանի իրադարձություններով ու նշանակությամբ հարուստ պատմության հարցում: Այդ բաժնում շրջանցվել են նորովի մեկնաբանված մի շարք պրոբլեմներ ու գիտական շր-

<sup>1</sup> Ս. Աղայան, նշվ. աշխ., էջ 371:

<sup>2</sup> Նույն տեղը, էջ 425:

<sup>3</sup> Տե՛ս նույն տեղը, էջ 542:

<sup>1</sup> Տե՛ս Հայ ժողովրդի պատմություն, հ. VI, էջ 560:

<sup>2</sup> Նույն տեղը, էջ 579:



ջանառության մեջ դրված բազմաթիվ նոր փաստեր»<sup>1</sup>։ Հ. Մելիք-  
յանը նկատում է, որ անուշադրության են մատնվել Կարսի մար-  
զում, Արևմտյան Հայաստանում, նաև Երևանի նահանգում շուրջ  
մեկմիլիոնանոց Կովկասյան բանակի հետ առնչվող և հատկա-  
պես նրանում ծավալված հեղափոխական շարժման հարցերը,  
որով, ինչպես գրում է նա, «կամա թե ակամա աղքատացել է  
Հայաստանի պատմությունը»։

Գիտական որոշակի հետաքրքրություն է ներկայացնում  
պատմական գիտությունների թեկնածու Շ. Թորոսյանի մենա-  
գրությունը՝ նվիրված Կիլիկիայի հայերի ազգային-ազատագրա-  
կան շարժման պատմությանը<sup>2</sup>։

Հայերի ցեղասպանության պատմության, մասնավորապես  
այդ պատմության կեղծարարության մերկացման ասպարեզում  
առանձնահատուկ նշանակություն ունի Ս. Պողոսյանի «Գոյա-  
տեման պայքարի քառուղիներում» մենագրությունը։ Գրքի երկ-  
րորդ մասում հարուստ փաստերի հիման վրա ցույց է տրվում,  
թե ինչպես թուրքական կառավարությունը հայերի բնաջնջումը  
դարձրել էր պետական քաղաքականություն և առաջին համ սշ-  
խարհային պատերազմի տարիներին իրականացրեց Մեծ եղեռ-  
նը։ Հայերի ցեղասպանության պատմությունը կեղծելու և այն  
ժխտելու փորձերը, գրում է հեղինակը, նոր չեն։ Աշխատության  
մեջ այդ մասին բազմաթիվ փաստեր են հրապարակված։

Հայ ժողովրդի, նրա պատմության ու մշակույթի վրա զանգ-  
վածային հարձակումը, իրավացիորեն գրում է Ս. Պողոսյանը,  
դարձել է պետական քաղաքականություն։ Այն ունի երկու գըլ-  
խավոր խնդիր՝ ժխտել, որ Արևմտյան Հայաստանն է հայերի  
բնօրրանը և, որ թուրքերը հայ ժողովրդի նկատմամբ իրակա-  
նացրել են ցեղասպանություն<sup>3</sup>։

Բանն այն է, որ այդ գործին լծվել են ոչ միայն թուրք, այլև  
թուրքիայի կողմից կաշառված Արևմուտքի շատ պատմաբան-  
ներ, քաղաքական գործիչներ ու դիվանագետներ։ «Թուրքիայի  
հակահայկական պրոպագանդան,— գրել է նա,— համաշափ է

գործում Արևմուտքի հակախորհրդային պրոպագանդայի հետ»<sup>1</sup>։  
Դա ապացուցելու համար, ավելացնում է հեղինակը, փաստերի  
պակաս չի զգացվում։

1979 թ. Կ. Պոլսում անգլերեն հրատարակված Հ. էրզենի  
«Արևելյան Անատոլիան և ուրարտացիները» գրքում հեղինակը  
Արևելյան Անատոլիա է համարում նաև Հայկական բարձրավան-  
դակը։ Առանձնապես նա պնդում է, թե, իբր, խուրիները և  
ուրարտացիները ևս թուրքական ծագում ունեն։ 1982-ին Թուր-  
քիայում հրատարակված «Վանի պատմությունը և թուրք-բրդերի  
վերաբերյալ հետազոտությունները» գրքում ասված է, որ էր-  
մանիստան երկիրը հայերը յուրացրել են և Արարատ սարը հա-  
մարել իրենց խորհրդանիշը։ «Հայ ժողովուրդը և թուրք ժողո-  
վրդին ստրկացնելու փորձերը» գրքում ասվում է, որ Բիհիսթու-  
նի արձանագրությունը ոչ մի կապ չունի հայերի հետ, որ այդ  
երկրում ապրողները խոսել են թուրքերենին մոտ լեզվով։ Այդ  
գրքում թուրք են համարվում նույնիսկ Գրիգոր Լուսավորիչն ու  
Արշակունիները, որ հայոց գրերը ստեղծել են թուրքական ծա-  
գում ունեցողները և այլն։

Աշխատության մեջ շարադրված է հայկական ցեղասպանու-  
թյան փաստաշատ և զարհուրելի պատմությունը, ցույց է տրվել  
երիտթուրքերի ռեակցիոն քաղաքականությունը։ Անդրադառնա-  
լով հայերի բռնի տեղահանություններին, Ս. Պողոսյանը իրա-  
վացիորեն այն ևս համարում է ցեղասպանություն։

Աշխատության մեջ ցույց է սրված նաև աշխարհի առաջա-  
դեմ մարդկության զրական վերաբերմունքը հայ ժողովրդի  
նկատմամբ։ Փաստեր են բերված այն մասին, որ առաջադեմ  
գործիչների հրատարակած գրքերում ու հոդվածներում խստա-  
գույնս զատապարտվում է հայերի ցեղասպանությունը, մեր-  
կացվում թուրքական կեղծարարությունը։

Հարկ է նշել, որ թուրքական պատմագրության կեղծարարու-  
թյան մերկացման ուղղությամբ մեծ աշխատանք են կատարում  
նաև Հայկական ԽՍՀ ԳԱ արևելագիտության ինստիտուտի թուր-  
քագետները։ Նրանց աշխատություններում հակահարված է  
տրվում Թուրքիայում և Արևմուտքի երկրներում հրատարակված  
հակահայկական գրքերի ու մամուլում տպագրված հոդվածների  
հեղինակներին։

<sup>1</sup> Ս. Պողոսյան, նշվ. աշխ., էջ 295։

<sup>1</sup> «Լրբեր» հասարակական գիտությունների, № 3, 1982, էջ 98։

<sup>2</sup> Տե՛ս Շ. Թորոսյան, Կիլիկիայի հայերի ազգային-ազատագրական շար-  
ժումը 1915—1920 թթ., Եր., 1987։

<sup>3</sup> Տե՛ս Ս. Պողոսյան, նշվ. աշխ., էջ 308։



Առաջին համաշխարհային պատերազմի տարիների հայ ժողովրդի պատմությունը նվիրված աշխատություններում ավել կամ պակաս չափով շոշափվել է նաև հայկական կամավորական շարժման հարցը: Առանձին աշխատություններում վեր են հանվել կամավորական ջոկատների մարտական գործողությունները:

Սակայն հենց սկզբից ասենք, որ 1920—1930-ական թվականներին (լեռ, Ա. Կարինյան, Բ. Բորյան և ուրիշներ) հայկական կամավորական շարժմանը տրվում էր խիստ բացասական գնահատական, քանզի այդ շարժումը բացարձակապես կապվում էր դաշնակցության գործունեության հետ, այն դիտվում էր որպես սոսկ դաշնակցական արկածախնդրություն:

1960-ական թվականների կեսերից սկսած, ի տարբերություն 1920—30-ական թվականների բացարձակ բացասական գնահատականի, պատմաբանների գերակշռող մասը նկատում է հայ կամավորական շարժման նաև դրական կողմը:

1960-ական թվականներին այդ հարցին առաջինն անդրադարձել է Ջ. Կիրակոսյանը:

Բացահայտելով Մերձավոր արևելքում, Արևմտյան Հայաստանում ցարիզմի հետապնդած ռազմաքաղաքական նպատակները, կամավորական խմբեր կազմակերպելու ուղղությամբ Կովկասի փոխարքայության կանակատարը դարձած կովկասահայ բուրժուազիայի ու դաշնակցության ջանքերը, միաժամանակ վկայակոչելով կամավորական շարժման նկատմամբ Կովկասի, այդ թվում՝ հայ բոլշևիկների բացասական դիրքորոշումը, Ջ. Կիրակոսյանը դրական չի համարում այդ շարժումը: Նրա կարծիքով, կամավորական խմբեր ստեղծելով, ցարական կառավարությունը ոչ միայն նպասակ ուներ ռազմական աջակցություն ցույց տալ Կովկասյան ռազմաճակատում գործող ռուսական բանակին, այլև թուլացնել հայ ժողովրդի ազգային-ազատագրական պայքարը, շեղբացնել Անդրկովկասի հակացարական ուժերը: «Կամավորական շարժումը,— գրում է նա,— թե՛ ֆաղափակ, թե՛ դիվանագիտական, թե՛ տակտիկական տեսակետից անհեռառես ֆաղափակաբարձ արդյունք էր»<sup>1</sup>: Կամավորական շարժումը չկշռադատված և անկազմակերպ մի

մարտահրավեր էր, որ անխուսափելիորեն միայն վնաս էր հասցնելու հայ ժողովրդին: «Ռազմական տեսակետից,— գրում է նա,— ի՞նչ կարող էր տալ մի քանի հազար մարդուց բաղկացած հայ կամավորությունը, երբ Կովկասյան ճակատում գործում էր ռուսական մի քանի հարյուր հազարանոց բանակ, եթե ոչ միայն թուրքական մոլեռանդ շովինիզմի էլ ավելի գրգռում: Ինչի՞ համար էր հայկական կամավորությունը,— շարունակում է նա,— երբ ռուսական բանակում Ռուսաստանի մյուս ժողովուրդների հետ միասին իմպերիալիստական սպանդանոց էին քշվում տասնյակ հազարավոր հայ երիտասարդներ»<sup>1</sup>:

Սակայն պատմաբանն իրավացի է, երբ նշում է, որ պետք է տարբերություն դնել կամավորական շարժման քաղաքական կազմակերպիչների և այդ շարժման տասնյակ ու հազարավոր շարքային, խիզախ մարտիկների, զորահրամանատարների միջև: «Վերջիններս կովի դաշտ էին մեկնել ազնիվ միտումով, արևմտահայ իրենց եղբայրներին թուրքական լծից ազատելու մտադրությամբ»<sup>2</sup>: Մենք ևս համամիտ ենք այս կարծիքին:

Վ. Պարսամյանը, խոսելով Կովկասյան ռազմաճակատի պատերազմական գործողություններին հայերի, այդ թվում կամավորական ջոկատների մասնակցության մասին, գրում է. «Պատերազմը չափազանց ծանր ու անելանելի կացության մեջ դրեց հայ ժողովրդին, նա գտնվում էր Ռուսաստանի և Թուրքիայի տիրապետության տակ, զուրկ պետական իշխանությունից, իր բախտը ազատ, անկախ տնօրինելու իրավունքից»<sup>3</sup>: Պատերազմող կողմերը հայերից պահանջում էին միանալ իրենց և կովել թշնամու դեմ: Յարական կառավարությունը Կովկասի փոխարքա Վորոնցով-Պաշկովի միջոցով հայերից պահանջեց ստեղծել կամավորական խմբեր Թուրքիայի դեմ կովելու համար: Յարական կառավարությունը հայերին խարում էր Արևմտյան Հայաստանը թուրքական լծից ազատագրելու կեղծ խոստումներով:

Թիֆլիսի հայոց Ազգային բյուրոյի, հայ բուրժուազիայի, կղերականության ու դաշնակցության ղեկավարները, որոնք իրենց ձեռքն էին վերցրել հայ ժողովրդի բախտի տնօրինությունը, կուրորեն ընկան հին ազվես Վորոնցով-Պաշկովի թա-

<sup>1</sup> Ջ. Կիրակոսյան, Առաջին համաշխարհային պատերազմը և արևմտահայությունը, էջ 426 (Ընդգծումը հեղինակինն է— Շ. Ն.):

<sup>1</sup> Ջ. Կիրակոսյան, նշվ. աշխ., էջ 426—427:

<sup>2</sup> Նույն տեղը, էջ 427:

<sup>3</sup> Վ. Պարսամյան, Հայ ժողովրդի պատմություն, 5. III, էջ 443:



կարգը, գործիք դարձան նրա ձեռքին և ավելորդ ու վնասակար քայլերի դիմեցին: Յարական կառավարության օգնությամբ նրանք ձեռնամուխ եղան հայ կամավորական խմբերի կազմակերպմանը, որն ավելի զրգոնց թուրք ջարդարարների<sup>1</sup>: Պատմաբանը վկայակոչում է հայ բոլշևիկներին, որոնք դեմ էին կամավորական խմբեր կազմակերպելուն. նրանք գտնում էին, որ ապարդյուն է անցնելու հայերի հավելյալ արյունը: «Պատերազմի բարդ ու լարված իրադրության պայմաններում, — գրում է նա, — Ազգային բյուրոյի, հայ բուրժուազիայի ու դաշնակցության պարագլուխները շատ անհեռատես ու անշրջահայաց գործեցին: Ամենակարևորն ու ամենազլխավորը՝ նրանք բազմակողմանիորեն հաշվի չառան արևմտահայությանը սպառնացող ահավոր վտանգը կանխելու, պատերազմից նվազագույն կորուստներով դուրս գալու հնարավորությունները: Հայ բուրժուազիայի կարճամիտ «քաղաքագետներն» ու «գիվանագետները» չէին տեսնում, որ ժողովրդին սպառնացող վտանգը շատ մեծ է, իսկ դա կանխելու կամ վերացնելու հնարավորությունը շատ փոքր»<sup>2</sup>: Հայերը դառն փորձով համոզվել էին, որ ոչ մի լավ բան չի կարելի սպասել թուրք ջարդարարներից, իսկ, մյուս կողմից, հավատացած էին, որ Ռուսաստանն ու նրա դաշնակիցները հաղթելու են և մեծ հույսեր էին կապում նրանց հետ: Չնայած դրան, Պարսամյանը բարձր է գնահատում հայ կամավորական ջոկատների մարտական գործողությունները: «Հայկական զինված ջոկատները ռուսական և դաշնակից բանակների շարքերում արիարար կոչվում էին ընդհանուր թշնամու դեմ, — գրում է նա: — Հայ ազատագրական շարժման լեգենդար հերոս Անդրանիկի զինվորները մարտնչում էին թուրք ջարդարարների դեմ, պաշտպանում հայերի կյանքը, գույքն ու պատիվը: 1914—1915 թվականներին Արևմտյան Հայաստանում մղված կռիվների ժամանակ իրենց մարտական սխրագործություններով աչքի ընկան նաև Վարդանի, Քեռու և մյուսների կամավորական խմբերի մարտիկները: Հայ կամավորները, որոնց թիվը հասնում էր 8 հազարի, մեծ օգնություն ցույց տվեցին Կովկասյան ռազմաճակատում գործող ռուսական զորքերին: Նրանք օգնության հասան Վանի հերոս պաշտպաններին, տասնյակ հազարավոր արև-

մտահայերի, այդ թվում կանանց ու երեխաների, փրկեցին թուրքական վանդալների ձանկերից»<sup>1</sup>:

Այսպիսով, Վ. Պարսամյանը, մի կողմից, քննադատում է ցարական կառավարության ու նրա կամակատար հայ կղերաբուրժուական վերնախավի անհեռատես, կորստաբեր քաղաքականությունը, իսկ, մյուս կողմից, բարձր է գնահատում հայ կամավորական ջոկատների մարտական սխրագործությունները, նրանց հայրենանվեր գործն ու գաղափարը:

Կամավորական շարժման հարցը լայն քննարկման է ենթարկվել նաև Մ. Արզումանյանի մենագրության մեջ: Նա խրատորեն քննադատում է դաշնակցությանը, որը ցարական կառավարության աջակցությամբ ձեռնամուխ էր եղել կամավորական ջոկատների կազմակերպմանը: Նա գտնում է, որ կամավորական խմբերի կազմակերպումը կատարվեց ոչ թե ցարական իշխանությունների (Կովկասյան փոխարքայության) սոսկ հավանությամբ, այլ ուղղակի ցուցումով: «Այդպես էր տվյալ պահին շահավետ ռուսական ցարիզմին, այլ կերպ նա անմիջապես կարգվեր նման ջոկատների ստեղծումը»<sup>3</sup>: Մ. Արզումանյանը քննադատում է նաև հնչակյան կուսակցությանը, հայ կադետներին, լիբերալներին, որոնք նույնպես ոչ մի ջանք չէին ինչպես կամավորական շարժման կազմակերպման ուղղությամբ:

Պատմաբանն այն կարծիքն է հայտնում, թե ցարիզմը, հայ ազգայնականների աջակցությամբ ստեղծելով կամավորական ջոկատներ, հետապնդում էր ոչ այնքան ռազմական, որքան քաղաքական նպատակ: «Յարիզմին բոլորովին չէր հետաքրքրում արևմտահայության փրկության հրատապ խնդիրը, — իրավացիորեն գրում է նա, — այլ կերպ նա Կովկասյան ռազմաճակատում կկենտրոնացներ ռուսական բանակ կանչված 250 հազար հայերին, որոնք հերոսաբար կկովեին իրենց դարավոր թշնամու դեմ, և իրենք կազատագրեին իրենց եղբայրներին ու քույրերին»<sup>4</sup>: Իսկ ինչո՞ւ ցարական կառավարությունը չգնաց այդ քայլին: Այդ հարցին նա տալիս է հետևյալ պատասխանը. որովհետև հայերը կունենային կենտրոնացված զինվորական ուժ՝ իր որոշակի ռազ-

<sup>1</sup> Վ. Պարսամյան, նշվ. աշխ., էջ 445:

<sup>2</sup> ՏԵ՛ս Մ. Արզումանյան, Հայաստան, 1914—1917, էջ 179:

<sup>3</sup> Նույն տեղը:

<sup>4</sup> Նույն տեղը, էջ 183:

<sup>1</sup> ՏԵ՛ս Վ. Պարսամյան, նշվ. աշխ., էջ 444:

<sup>2</sup> Նույն տեղը, էջ 444:



մական հաղթանակներով, որի հետ հարկ կլինե՞ր հաշվի նստել և «ընդառաջել» հայ ժողովրդի ազգային իղձերի կատարմանը՝ թեկուզ ինքնավարութուն տալու պայմանով: Այլ բան էր կամավորական շարժումը, շարունակում է Մ. Արզումանյանը, որը սոսկ սիմվոլիկ նշանակություն ուներ: Գրանով ցարիզմը նպատակ ուներ ամբողջ աշխարհի առաջ հաստատել իր մղած պատերազմի «ուսահայրենասիրական բնույթը», քրիստոնյա նահատակի նկատմամբ «մարդասիրությունը» և այլն:

Նշելով, որ կամավորական ջոկատների գործունեությունն էլ ավելի զրգռեց թուրք բարբարոսներին, մի նոր պատրվակ դառնալով նրանց հայաջինջ քաղաքականության համար, պատմաբանը ճիշտ է նկատում. «Անշուշտ, հիմնովին սխալ է ու վնասակար այն տեսակետը, թե, իբր, կամավորական շարժումը կամ արևմտահայերի որևէ էլույթ դարձավ նրանց կործանման պատճառը: Դա թուրք բռնակալների ու նրանց հովանավորների հորինածն է, որպեսզի արդարացեն իրենց՝ պետական քաղաքականության աստիճանին հասած հայաջինջ քաղաքականությունը, որը չի դիմանում և ոչ մի քննադատության»<sup>2</sup>:

Հարկ է նշել, որ Մ. Արզումանյանը, ինչպես և խորհրդահայ գրեթե բոլոր այն պատմաբանները, ովքեր բացասական զնահատական են տվել կամավորական շարժմանը, միաժամանակ նշել են, որ հայ կամավորներն ազնվորեն ուզում էին անձնվեր պայքարի գնով օգնել իրենց հայրենակիցների ազատագրմանը: Արզումանյանի կարծիքով, նրանք ընդհանուր ոչինչ չունեին դաշնակցության ծրագրերի ու նպատակների հետ: «Հարկավոր էր որոշ ժամանակ, — գրում է նա, — մինչև որ նրանք սեփական փորձով համոզվեին դաշնակցության կործանարար քաղաքականության մեջ, հաղթահարելի իրենց պատրանքները և կանգնեին ճիշտ ճանապարհի վրա»<sup>3</sup>:

Մ. Արզումանյանը աշխատության մեջ համեմատում է 1826—1828 թթ. ուսուպարսկական, 1827—78 թթ. ուսութուրքական պատերազմների ու առաջին համաշխարհային պատերազմի տարիների կամավորական շարժումները, ընդգծելով, որ դրանք նույնատիպ չեն: Անշուշտ, գրում է

նա, շարժման մասնակիցների հիմնական զանգվածի տրամադրությունների տեսակետից, այսինքն՝ հայ ժողովրդին օգնելու նկատառումով, բոլոր դեպքերում պատկերը նույնն է: Բայց չպետք է մոռանալ, այնուհետև գրում է նա, որ միևնույն երեվույթը տեղի էր ունենում պատմական տարբեր պայմաններում, որոնք իրենց կնիքն են դնում շարժման ընթացքի և ելքի վրա:

Ընդունելով, որ XIX դարի վերոհիշյալ պատերազմներն առաջադիմական նշանակություն ունեցան հայ ժողովրդի համար, հեղինակը միևնույն ժամանակ նշում է, որ թեև ցարիզմն այն ժամանակ էլ ուներ զավթողական նպատակներ և նրան հաջողվում էր այս կամ այն շափով իրականացնել Արևելքում իր նվաճողական քաղաքականությունը, որը օբյեկտիվորեն նպաստում էր տեղի ճնշված ժողովուրդների, մասնավորապես հայերի, ֆիզիկական զուլության պահպանմանը, տնտեսական ու կուլտուրական համեմատական զարգացմանը, ապա XX դարում՝ իմպերիալիզմի դարաշրջանում, դրությունը փոխվեց: Նրա կարծիքով, Ռուսաստանն այլևս անկարող էր թեկուզ նվաճման ճանապարհով ամրանալ Արևմտյան Հայաստանում, որովհետև, նախ՝ դրան խանգարում էին մյուս իմպերիալիստական պետությունները, և երկրորդ՝ ռուսական ցարիզմն ապրում էր խոր ճգնաժամ, երկիրը զնում էր դեպի հեղափոխություն և գլխավոր հարց էր դարձել ցարիզմի ու կապիտալիզմի տապալումը: Քանի որ Ռուսաստանում հասունանում էր սոցիալական մեծ հեղափոխություն և նրա ելքից էր կախված բազմաթիվ ժողովուրդների, այդ թվում նաև հայերի ազատագրումը, ուստի սխալ կլինե՞ր նրանց ուշադրությունը շեղել այդ հիմնական հարցից և այս կամ այն շափով պաշտպանել ցարիզմի նվաճողական քաղաքականությունը Մերձավոր արևելքում: «Շենց այդ տեսանկյունով էլ կամավորական շարժումը չէր արդարացնում իրեն: Մենք այն սխալ ենք համարում ոչ թե նրա բազմաթիվ մասնակիցների ազնիվ ձգտումների ու անձնվեր պայքարի համար և ոչ էլ նրա համար, որ կամավորական ջոկատները օբյեկտիվորեն գոյություն ունենալուց հետո զգալի օգնություն կազմակերպեցին արևմտահայերի հարկադրական գաղթի հեարավորին շափ ապահովմանը, այլ նրա համար, որ կամավորական շարժումը հիմնականում ի սպաս դրվեց ռուսական ցարիզմի ու արևմտյան իմպերիալիզմի ագրեսիվ նպատակներին, այսինքն՝ այն պե-

<sup>1</sup> Տե՛ս Մ. Արզումանյան, Հայաստան, 1914—1917, էջ 183:

<sup>2</sup> Նույն տեղը, էջ 184:

<sup>3</sup> Նույն տեղը, էջ 185:

<sup>1</sup> Տե՛ս Մ. Արզումանյան, Եղվ. աշխ., էջ 189:



տութուններին, որոնք Բամելով հայ ժողովրդի հյութերը, նրան իրական օգնություն ցույց չտվին և լավագույն դեպքում բավա-  
բարվեցին կեղծ խոստումներով»<sup>1</sup>:

Մ. Արզումանյանի կարծիքով, չպետք է շահագանցեն կա-  
մավորական ջոկատների ռազմական դերը, որովհետև նրանք  
վճռական նշանակություն չունեցան պատերազմի ամբողջ ըն-  
թացքի վրա: Բայց միաժամանակ նա գտնում է (և մենք ևս հա-  
մաձայն ենք), որ այն պետք է կազմակերպվեր ոչ թե լայնորեն  
լեգալացված ու ռեկլամացված, որը խայծ-պատրվակ դարձավ  
թուրք ջարդարարների համար, այլ գաղտնի, ու այնուհետև տե-  
ղափոխվեր Արևմտյան Հայաստան: Մ. Արզումանյանը նշում է  
նաև այն մասին, որ դեռ պատերազմի սկզբին արևմտա-  
հայ շատ մտածողներ դեմ էին արևելահայ գործիչների կազմա-  
կերպած կամավորական շարժմանը, այն համարում էին անխոր-  
հուրդ քայլ: Նա հիշատակում է նաև 1915 թ. հոկտեմբերին Բաք-  
վում հրավիրված երկրամասի բոլշևիկյան կազմակերպություն-  
ների կոնֆերանսի որոշումը, որով դատապարտվում էր հայկա-  
կան կամավորական ջոկատների ստեղծումը<sup>2</sup>: Մ. Արզումանյա-  
նը նշում է, որ կամավորական ջոկատների ստեղծումն արև-  
մտահայերի համար վնասակար և անթույլատրելի է համարվել  
նաև 1915 թ. փետրվարին Թիֆլիսում Աղզային բյուրոյի կողմից  
հրավիրված Հայկական համագումարում հրապարակված բոլ-  
շևիկյան դեկլարացիայում<sup>3</sup>:

Չնայած դրան, Մ. Արզումանյանի աշխատության մեջ Կով-  
կասյան ռազմաճակատի ռազմական գործողությունների ընդ-  
հանուր ֆոնի վրա վեր է հանված հայ կամավորական ջոկատ-  
ների մարտական գործողությունները, նշված է նաև, որ Կով-  
կասյան ռազմաճակատում ռուսական բանակի հաջողություննե-  
րին մեծապես նպաստեցին հայ կամավորական ջոկատները կամ  
գնդերը, որոնք զբաղվում էին ոչ միայն հետախուզությանը,  
այլև մարտական լուրջ գործողություններ էին մղում թուրքա-  
կան զորքերի դեմ<sup>4</sup>:

Հայ կամավորական խմբերի ստեղծման հարցին հպանցիկ

անդրադարձել է նաև Գ. Գալոյանը<sup>1</sup>, սակայն նա հատուկ քննու-  
թյան չի առնում խորհրդահայ պատմագրության մեջ այդ վի-  
ճելի հարցը: 1982-ին հրատարակված աշխատության մեջ նա  
արդարացիորեն քննադատության է ենթարկում ժամանակակից  
թուրքական պատմագրության կեղծիքները, որը փորձում է հա-  
յերի ցեղասպանության հանցավոր քաղաքականությունն արդա-  
րացնել կամավորական ջոկատներին հայերի մասնակցության  
վկայակոչումով: Պատմաբանը միանգամայն ճիշտ է նկատում,  
որ պատմական գրականության մեջ վավերագրերով մերկացված  
էր պատմական գրականության մեջ վավերագրերով մերկացված  
էր հասարակական կարծիքն ապակողմնորոշող այդ կեղծիքը և  
միաժամանակ իրավացիորեն գրում է. «Կամավորական շար-  
ժումը վշտի ու տառապանքի դատապարտված ժողովրդի ցաս-  
ման հուսահատ արտահայտություն է եղել միայն»<sup>2</sup>:

Գ. Գալոյանը նշում է, որ ցարական իշխանությունները հա-  
յերի հայրենասիրական այդ շարժումը ձգտում էին օգտագործել  
միայն իրենց ռազմական խնդիրների լուծման համար, «և երբ  
կամավորական շարժումը համաժողովրդական շարժման բնույթ  
ստացավ, նրանք դիմեցին արհեստական միջոցների՝ նեղացնե-  
լու այդ շարժման շրջանակները, վախենալով, որ պատերազմն  
ավարտվելուց հետո հայերը կարող էին ինքնավարության իրա-  
վունք պահանջել»<sup>3</sup>:

Կամավորական շարժման հարցը լայնորեն է լուսաբանված  
նաև Մ. Աղայանի «Հայ ժողովրդի ազատագրական պայքարի  
պատմությունից» աշխատության մեջ: Անշուշտ, գրում է նա,  
ցարիզմը հայերի կամավորական շարժումն օգտագործում էր իր  
մերձավորարևելյան ծրագրերի իրականացման համար: Սակայն,  
իրավացիորեն գրում է նա, կամավորները Արևմտյան Հայաս-  
տանը ազատագրելու հույսերով խանգավառված հայրենասեր-  
ներ էին, «որոնք զենքը ձեռքներին պատերազմի թո՛հ ու բո՛հի  
մեջ մտան, որպեսզի օգնեն ռուսական բանակին՝ նրա հաղթա-  
նակի հետ կապելով նաև սեփական ժողովրդի ազատագրության  
հնարավորությունները»<sup>4</sup>: Աշխատությունում Կովկասյան ռազ-

<sup>1</sup> Մ. Արզումանյան, նշվ. աշխ., էջ 190—191 (ընդգծումը հեղինակինն է— Շ. Շ.):

<sup>2</sup> Տե՛ս նույն տեղը, էջ 201—202:

<sup>3</sup> Տե՛ս նույն տեղը, էջ 214:

<sup>4</sup> Տե՛ս նույն տեղը, էջ 258:

<sup>1</sup> Տե՛ս Գալոյան Գ., Рабочее движение и национальный вопрос в Закавказье, էջ 179:

<sup>2</sup> Գ. Գալոյան, Պատմության քառուղիներում, էջ 187:

<sup>3</sup> Նույն տեղը, էջ 182:

<sup>4</sup> Մ. Աղայան, Հայ ժողովրդի ազատագրական պայքարի պատմությունից, էջ 377:



մաճակատի պատերազմական գործողությունների ընդհանուր ֆոնի վրա վեր է հանված հայ կամավորների հերոսական սիրագործությունները, ըստ արժանվույն բարձր է գնահատված Անդրանիկի դերը: Մ. Աղայանը վկայակոչում է փաստեր, որոնք ցույց են տալիս, որ ռուսական բանակի հրամանատարությունը ստվերի տակ էր թողնում հայ կամավորների, մասնավորապես Անդրանիկի ջոկատի մարտական ակտիվ գործողությունները, ինչպես հարկն է չէր գնահատում նրանց դերը:

Իր մենագրության մեջ հայ կամավորական շարժման պատմությունը մի ամբողջ գլուխ է նվիրել Ա. Հարությունյանը: Մեր կարծիքով, խորհրդահայ պատմաբաններից հայ կամավորական շարժմանը հիմնականում գրական գնահատական է տվել միայն Ա. Հարությունյանը: Թեև նա հենց սկզբից էլ նշում է, որ հայ բուլշևիկները, էլնելով պատերազմի բնույթի մասին լենինյան գնահատականից, բացասական վերաբերմունք են հանդես բերել ռուսական բանակի կազմում կամավորական ջոկատների կազմակերպման նկատմամբ: Նրանք, գրում է նա, այդ միջոցառումը դիտում էին որպես ցարական կառավարության զավթողական քաղաքականության աջակցություն: Այնուհետև շարունակելով իր միտքը, գրում է. «Հայկական ազգայնական կուսակցությունների նախաձեռնությունը, իր ձեռքը վերցնելու կամավորական ջոկատների ղեկավարությունը և ցարական կառավարության (ի դեմս Կովկասի փոխարքա Վորոնցով-Դաշկովի) ձգտումը այդ շարժումը օգտագործել իմպերիալիստական նպատակների համար, լիովին հակասության մեջ էր գտնվում շարքային կամավորների բնական, ազնիվ ցանկությունների հետ՝ օգնել իր արևմտյան եղբայրներին թուրքական զեսպոտիզմի դեմ մղված նրանց պայքարում»<sup>1</sup>: Սակայն, այնուհետև գրում է նա, անկախ հայ բուլշևիկների կամքից ու ցանկությունից, Վորոնցով-Դաշկովի աջակցությամբ կամավորական ջոկատներ ստեղծվեցին, որոնք մասնակցեցին Կովկասյան ռազմաճակատի մարտական գործողություններին:

Ա. Հարությունյանը զովեստով է խոսում XIX դարի ռուս-պարսկական և ռուս-թուրքական պատերազմներում հայ կամավորական ջոկատների մասին, անտեսելով, իհարկե, այն հայտոների իրողությունը, որ XIX դարի 70-ական թվականների վերջից

սկսած մինչև XX դարի սկիզբը նույն ռազմաքաղաքական իրագրությունը չէր, աշխարհը դեռևս չէր թևակոխել իմպերիալիզմի և սոցիալիստական հեղափոխությունների դարաշրջան:

Դրվատելով հայ կամավորական ջոկատների մարտական գործողությունները, Ա. Հարությունյանը գտնում է, որ յուրաքանչյուր ջոկատի մարտական ուղու ուսումնասիրությունը բերում է այն եզրակացություն, որ նրանցից ոչ մեկը մյուսին չի գիշում խիզախության, զինվորական պարտքի գիտակցության տեսակետից:

Անդրադառնալով այն հարցին, թե՞ եթե առաջին համաշխարհահային պատերազմի տարիներին ռուսական բանակում կովում էին մոտ 300 հազար հայեր, ինչու էր հայ հասարակության ուշադրությունը գամված այն 8—9 հազար\* կամավորների վրա, որը, փաստորեն, աննշան բանակ էր ռազմաճակատներում կրո-

\* Պատմական գրականության մեջ հայ կամավորների թիվը տարբեր է: Գաբրիել Լազյանը «Հայաստանը և հայկական դատը» իր գրքում (Կահիրե, 1946, էջ 186—193) գրում է, որ մինչև 1915 թ. փետրվարը բաշխել մարմնի կողմից կամավորական ջոկատներ է ուղարկվել 4500 մարդ: Նույն հեղինակը, հենվելով Ս. Հարությունյանի, Ալ. Խատիսյանի և Մեսրոպ Եպիսկոպոսի՝ Վորոնցով-Դաշկովի հղած զեկուցագրի վրա, գրում է, որ 1915 թ. հոկտեմբերին ձևավորվել էր 6 ջոկատ 5 հազար անձնակազմով: Կովկասյան ռազմաճակատի մասնակց, ռուսական բանակի զինեթալ-մայոր Գ. Կարգանովը 1927 թ. Փարիզում ֆրանսերեն հրատարակած «Հայերի մասնակցությունը առաջին համաշխարհային պատերազմի Կովկասյան ռազմաճակատին» գրքում (էջ 10) հաստատում է, որ սկզբնական շրջանում հայկական կամավորական ջոկատներում կար 2500 մարդ, իսկ հետագայում ջոկատների անձնակազմը հասավ 9 հազարի: Լեոն՝ «Թուրքահայ հեղափոխության զաղափարարանությունը» աշխատության մեջ (հ. 1, էջ 129—130) հայ կամավորների թիվը հասցնելով 6000-ի, այնուհետև գրում է. «Եթե դրանց վրա ավելացնենք այն կամավորներին, որոնք գտնվում էին անգլո-ֆրանսիական բանակի մեջ, կստանանք մոտ 9—10 հազար հոգի»: Զ. Կիրակոսյանը, հիմք ընդունելով Ե. Գեղամյանի «Հայերի ազատագրական շարժումները XX դարում կամ հայկական հարցի յոթերորդ շրջանը» (մաս 2, 1917, Բաքու, էջ 601) և «Զորավար Անդրանիկի Կովկասյան ճակատի պատմական օրագրությունը 1914—1917 թթ.» (Բոստոն, 1924, էջ 7) գրքերի տվյալները, գրում է, որ 1914 թ. աշնանը կամավորական շուրջ խմբելում կար 3082, իսկ 1915-ի աշնանը՝ արևելային մի փաստաթղթում ցույց է տրված 5 հազար: Վ. Պարսամյանը՝ «Հայ ժողովրդի պատմություն» բուհական դասագրքում (էջ 445) ցույց է տալիս 8 հազար: Մ. Արղումանյանը, հենվելով «Армянский вестник»-ի № 14, էջ 8, 1917 թ. տվյալների վրա, հայ կամավորների թիվը համարում է 10 հազար: Նույնքան է ցույց տվել նաև Մ. Ներսիսյանը (տե՛ս «Հայ ժողովրդի պատմություն», 1972, էջ 428):

<sup>1</sup> Арутюнян А., Кавказский фронт, с. 291.



վող հայերի ընդհանուր թվի հաճեմատությունը, պատմաբանը տալիս է հետևյալ ուշագրավ պատասխանը.

1. Գրեթե բոլոր զորամիավորումներում, գլխավորապես Արևմտյան և մասամբ Կովկասյան ռազմաճակատներում, մտնելով դինվորական ծառայության մեջ, հայերը «չէին երևում» ռուսական ռազմազգ բանակի ընդհանուր ծովի մեջ:

2. Կամավորական ջոկատները պատերազմի հորիզոնում հանդես էին գալիս որպես միացյալ ազգային զորամասեր, ջոկատների անձնակազմը համալրվում էր կամավորության հիման վրա:

3. Մի բան է բանակ զորակոչվել պարտադիր զինապարտության օրենքի համաձայն, այսինքն՝ հրամանով, իսկ երբեմն էլ ստիպողաբար, այլ բան է՝ կամովին, սեփական ցանկությամբ կանգնել ազգային կովող բանակի մարտական շարքերում, ժողովուրդների պատմության շրջադարձային փուլերը ծնում են կամավորներ, որոնք խորհրդանշում են իրենց ժողովրդի կամքն ու ձգտումները: Այդպես է եղել նաև հայոց պատմության մեջ ռուս-թուրքական և ռուս-պարսկական պատերազմների ժամանակ:

Հայկական կամավորական ջոկատների մարտական գործողությունների մասին գրված առաջին և երկրորդ կովկասյան բանակի առանձին հրամանատարներ: Ա. Հարությունյանը նշում է, որ դա հեռու էր կառավարության և գլխավոր հրամանատարության պաշտոնական կարծիք լինելուց, քանի որ ցարական իշխանությունները հայ կամավորական շարժումը դիտում էին միայն որպես իրենց արտաքին քաղաքական ձգտումների իրականացմանը նպաստող գործիք:

Հեղինակի կարծիքով, չնայած հայ ժողովրդի նկատմամբ ցարական կառավարության վարած գաղութային քաղաքականությանը, հայերը չէին կարող ծավալվող իրադարձություններից հեռու մնալ: Հասկանալի է, գրում է նա, որ հայ ժողովուրդը չէր կարող սպասել, կողքից նայել, թե Սարիզամիշի, Գիլմանի, էրզրումի, Ալաշկերտի մարտերում, չլսված ծանր պայմաններում, 20—30 աստիճան սառնամանիքում հայ ժողովրդի հարբստահարիչների դեմ ռուս զինվորներն ինչպես էին կոչվում և զոհվում: Մի՞թե հասկանալի չէ, շարունակում է նա, որ նման պայմաններում անհնարին էր շեղորոշություն պահպանել: Տվյալ կոնկրետ դեպքում միակ հույսը կապված էր ռուսական զենքի հաղ-

թանակի հետ: Կամավորներին հենց այդ համոզումն էր ստիպում կովել ռուսական բանակի կազմում<sup>1</sup>:

Մեր կարծիքով, ճիշտ է Ա. Հարությունյանը, երբ գրում է, որ չնայած հազարավոր մարդկային կյանք խլած այդ պայթարը ցանկալի արդյունք չտվեց, բայց մեծ դեր խաղաց: Մի՞թե ճնշված ժողովուրդների պատմության մեջ քիչ դեպքեր կան, երբ մարդիկ զենքի են դիմել, կովել են մարտի դաշտում, բայց արտաքին ու ներքին ինչ-ինչ պատճառներով հաջողության չեն հասել: Մի՞թե հետագա սերունդներն իրավունք ունեն դրա համար դատապարտել նրանց:

Այսպիսով, բարձր գնահատելով հայ կամավորական ջոկատների մարտական գործողությունները, միաժամանակ նշելով դրանց կազմակերպման ցարիզմի նպատակը, Ա. Հարությունյանը գրում է. «Կարևոր ենք համարում մեկ անգամ ևս ընդգծել, որ մի բան է ցարիզմի ձգտումը փոքր ժողովուրդներին իր գաղութային քաղաքականության շահերին ծառայեցնելը և միանգամայն այլ բան է շարքային մարդու բնական, ազնիվ ցանկությունը կամավոր մարտի գնալ, համոզված լինելով, որ նա կընկնի իր արյունակից եղբայրներին ազատագրելու համար»<sup>2</sup>:

Առաջին համաշխարհային պատերազմի առանձնահատկությունների լենինյան վերլուծության լույսով հայերի ազատագրական շարժման որոշ հարցերի է անդրադարձել Հայկական ԽՍՀ ԳԱ ակադեմիկոս Գ. Ղարիբջանյանը<sup>3</sup>: Այստեղ նա դրականորեն է գնահատում հայ կամավորական շարժումը, կամավորներին իրավացիորեն անվանելով հայրենասերներ: Անդրկովկասում և Ռուսաստանի տարբեր վայրերում բնակվող հազարավոր հայ հայրենասերներ, գրում է նա, մտնելով կամավորական ջոկատների մեջ, գտնում էին, որ դա ազգային-ազատագրական շարժմանը մասնակցելու հնարավորություն է տալիս: «Մեծ նշանակություն ունի այն հանգամանքը, որ ռուսական զենքը բազմիցս փրկել էր հայ ժողովրդին ասիական բռնակալների կոտորածներից և այդ պատճառով էլ հայ հայրենասերները թուրքիայի դեմ Ռուսաստանի հաղթանակի հետ էին կապում թուրքական տիրապե-

1 Տե՛ս Арутюнян А., նշվ. աշխ., էջ 321:

2 Նույն տեղը, էջ 322:

3 Տե՛ս Գ. Ղարիբջանյան, Հայերի ազատագրական շարժումը առաջին համաշխարհային պատերազմի առանձնահատկությունների լենինյան վերլուծության լույսի տակ, «Թանրեր Երևանի համալսարանի», № 2, 1972:



տուժյան դարավոր ստրկությունից ազատագրվելու բոլոր հույսերը»<sup>1</sup>։

Մեջբերումներ կատարելով Վ. Տերյանից և Հ. Թումանյանից, գիտնականը թուրքական բռնակալության դեմ պատերազմի տարիներին բռնկված հայ ժողովրդի ազգային-ազատագրական պայքարը համարում է միանգամայն օրինաշարի երևույթ<sup>2</sup>։ Յիտելով Ա. Միկոյանի խոսքերը, թե «մենք՝ առավել մարտականորեն տրամադրված աշակերտներս, հայ կամավորական ջոկատների մեջ տեսնում էինք ազգային-ազատագրական շարժմանը մասնակցելու հնարավորություն», նա գրվատանքով է խոսում շատ ներսոսյանցիների, այդ թվում հենց նրա՝ Ա. Միկոյանի մասին, որոնք որպես կամավորներ մեկնեցին ռազմաճակատ, համալրելով Անդրանիկի ջոկատը։ Հայ կամավորների շարքում, այնուհետև գրում է նա, արևմտահայերի ազատագրության համար անձնվիրաբար մարտնչում էր նաև Հայկ Բժշկյանը (Գայը)։

Գ. Ղարիբջանյանը հայ կամավորական շարժմանը դրական գնահատական է տվել նաև հետագայում հրատարակած մենագրություններից մեկում<sup>3</sup>։ «Հայ կամավորները, — գրում է նա, — անձնվիրաբար պայքարում էին թուրքական զավթիչներից իրենց հայրենի հողի ազատագրման համար»<sup>4</sup>։ Անձնական խիզախության համար, շարունակում է նա, նրանցից մոտ հինգ հարյուր մարդ արժանանում է Գեորգիևյան խաչի ու մեդալների։ Նրանց շարքերում կոփվեցին խորհրդային բանակի հմուտ զորավարներ Հայկ Բժշկյանն ու Հովհաննես Բաղրամյանը։

Ե. Սարգսյանի կարծիքով, Կովկասյան ռազմաճակատում ծավալված պատերազմական գործողություններին հայ ժողովրդի ակտիվ մասնակցությունը պայմանավորված էր Արևմտյան Հայաստանն ազատագրելու նրա վաղեմի բաղձանքով։ Նրա կարծիքով, պատերազմի սկզբից լայն թափ ստացած կամավորական շարժումը ժողովրդական զանգվածների ինքնաբուխ պոռթկումն էր, ազգային ազատագրության համար նրա մղած

պայքարի տրամաբանական շարունակությունը<sup>1</sup>։ Ծիշտ է նկատում պատմաբանը, որ Արևմտյան Հայաստանի ազատագրությունը հուզում էր ողջ հայությունը, ուստի պատահական չէր, որ կամավորական շարժումը լայն արձագանք գտավ ոչ միայն Ռուսական կայսրության, այլև ամբողջ աշխարհի հայերի շրջանում։ «Հայ կամավորները զինվորագրվում էին Անտանտի պետություններին, — իրավացիորեն գրում է Սարգսյանը, — ոչ թե նպաստելու նրանց իմպերիալիստական նպատակների կենսագործմանը, այլ այն հույսով ու հավատով, որ այդ պետությունների օգնությամբ կկարողանան Արևմտյան Հայաստանը ազատագրել թուրքական բիրտ լծից»<sup>2</sup>։

Շարադրելով Սարիղամիշի, Դիլմանի, Խոյի, Վանի, Մուշի, Բիթլիսի, էրզրումի և Երզնկայի ճակատամարտերում հայ կամավորական ջոկատների մարտական գործողությունները, տասնյակ հազարավոր զաղթականներին նրանց ցույց տված օգնությունը, Ե. Սարգսյանը միաժամանակ ներկայացրել է այդ ջոկատների նկատմամբ ցարական կառավարության անվստահությունը։ Պատահական չէ, որ 1915 թ. վերջերին ցարիզմը ցրում է այդ ջոկատները, ռուսական զորամիավորումներում ստեղծելով հրաձգային գումարտակներ։ Այդ քաղաքականությունը, նշում է հեղինակը, խիստ զժգոհություն առաջ բերեց կամավորների շրջանում։ Նրանց մեծ մասը հեռացավ ռազմաճակատից, շքանկանալով մասնակցել իմպերիալիստական սպանդին։ «Այդ մեկ անգամ ևս վկայում է այն իրողությունը, որ հայ կամավորները մտահոգված էին միայն իրենց հայրենիքի ազատագրման և ոչ թե ցարիզմի նվաճողական պլանների իրագործման հարցով»<sup>3</sup>։

Դաշնակցության գործունեության քննադատությանը նվիրված իրենց գրքերում կամավորական շարժմանը հանրավի խիստ բացասական գնահատական են տվել Բ. Անանիկյանը<sup>4</sup> և Բ. Օհանջանյանը<sup>5</sup>։ Մեր կարծիքով, այդ շարժումը կազմակերպող ղեկավարներին քննադատելու հետ միասին չի կարելի ստվեր գցել հայ կամավորների հերոսության ու անձնազոհության, արևմտահայ եղբայրներին ինչ-որ չափով օգտակար

<sup>1</sup> Գ. Ղարիբջանյան, Հայերի ազատագրական շարժումը առաջին համաշխարհային պատերազմի առանձնահատկությունների լենինյան վերլուծության լույսի տակ, «Բանբեր Երևանի համալսարանի», № 2, 1972։

<sup>2</sup> Տե՛ս նույն տեղը, էջ 28։

<sup>3</sup> Տե՛ս Գ. Ղարիբջանյան, Հայ ժողովրդի ազատագրական պայքարը XIX դարի վերջին և XX դարի սկզբին, Եր., 1986։

<sup>4</sup> Նույն տեղը, էջ 70—71։

<sup>1</sup> Տե՛ս Հայ ժողովրդի պատմություն, հ. VI, էջ 546։

<sup>2</sup> Նույն տեղը, էջ 547—548։

<sup>3</sup> Նույն տեղը, էջ 552—553։

<sup>4</sup> Տե՛ս Բ. Անանիկյան, Դաշնակցության զաղափարական-քաղաքական կրակը, Եր., 1974։

<sup>5</sup> Տե՛ս Բ. Օհանջանյան, Դաշնակցությունն առանց դիմակի, Եր., 1980։



լինելու նրանց ազնիվ ու անկեղծ ցանկության վրա: Աշխատության մեջ այդ մասին ակնարկ անգամ չկա: Բ. Օհանջանյանը գտնում է, որ Կովկասյան ռազմաճակատի ռուսական կեսմիլիոնանոց բանակում կամավորական խմբերն աննշան թիվ էին կազմում, որոնք չէին կարող փոխել պատերազմի ընթացքը, կանխել հայ բնակչության զանգվածային կոտորածները: Կամավորական խմբերի ստեղծումը, գրում է նա, թուրքական կառավարությունն օգտագործեց պրովոկացիոն նպատակներով: Այն, շարունակում է հեղինակը, իրրև թե սրեց նաև Անդրկովկասի ժողովուրդների ազգային հարաբերությունները:

Հայ կամավորական շարժման նկատմամբ Բ. Օհանջանյանը նույնպիսի բացասական դիրքորոշում է հանդես բերել նաև Ստ. Ծահումյանին նվիրված իր գրքույկում<sup>1</sup>: «Մոռացության տալով պատմության դասերը, — գրում է նա, — վերջին տարիներին մեր պատմաբաններից ոմանք հայ կամավորական շարժումը համարեցին հայ ազատագրական շարժման գրվազներից և այն էլ կարևոր գրվազներից մեկը, սկսեցին մեծարել նրանց հրամանատարների խիզախությունները, երկինք բարձրացնել այդ շարժման ակտիվ մասնակիցներին»<sup>2</sup>: Հիմազուրկ մեղադրանք:

Հանրագումարի բերելով կամավորական շարժմանը խորհրդագահայ պատմագրության մեջ տրված գնահատականները, հանգում ենք հետևյալ եզրակացության:

**Առաջին.** Ի տարբերություն նախկինում տրված բացասական գնահատականին, վերջին քսանհինգամյակում մեր պատմաբանները, շնչին բացառությամբ, գրվատել են հայ կամավորական ջոկատների հայրենասիրական գործունեությունը, բարձր գնահատել նրանց մարտական սխրագործությունները Կովկասյան ռազմաճակատում: Երկրորդ. Այդ նույն պատմաբանների, զլխավորապես Ջ. Կիրակոսյանի, Վ. Պարսամյանի, Մ. Արզումանյանի կարծիքով, այնուամենայնիվ, այդ շարժումը անհեռատես քայլ էր, կործանարար քաղաքականություն, որը շտվեց սպասված արդյունքը, շարդարացրեց ժողովրդի հույսերը: Երրորդ. Տուրք տալով ժամանակին իշխող կարծիքին, վերոհիշյալ պատմաբանները այդ հարցում հավասարապես մեղադրել են թե՛ ցարիզմի, Կովկասյան փոխարքայության, և թե՛ հայ քաղաքական կու-

սակցությունների, զլխավորապես դաշնակցության քաղաքականությունը:

Ելնելով անցյալի իրողությունները նորովի լուսարանելու սկզբունքից, հարկ է նշել, որ այն ժամանակ, երբ ռուսական բանակը Կովկասյան ռազմաճակատում կովում էր մեր դարավոր թշնամու դեմ, ոչ մի հայ, առավել ևս հայ քաղաքական կուսակցություն, չէր կարող անտարբեր դիտորդի դիրք զբաղել և մասնակցություն չունենալ հայրենիքի ազատագրման սուրբ գործին: Այս է մեր կարծիքը: Ի դեպ, մենք ևս ժամանակին տուրք ենք տվել այդ հարցում եղած սխալ մտայնությանը<sup>1</sup>:

Առաջին համաշխարհային իմպերիալիստական պատերազմի տարիներին առավել հրատապ դարձավ ազգային հարցը: Անդրադառնալով դրան, Գ. Գալոյանը<sup>2</sup> գրում է, որ դեռևս պատերազմի նախօրյակին Ռուսաստանում, այդ թվում Անդրկովկասում, ազգային հարցը սրվել էր: Եվ, մի կողմից, մեծապետական շովինիզմը, իսկ մյուս կողմից բուրժուական նացիոնալիզմը խիստ վտանգավոր էին թե՛ բանվորական շարժման և թե՛ ազգային-ազատագրական պայքարի համար: Կուսակցության ազգային ծրագրի դեմ սկսված արշավանքին, միացել էին նաև հակալենինյան տարբեր հոսանքները: Չնայած դրան, գրում է պատմաբանը, երկրամասի պրոլետարիատը բոլշևիկների ղեկավարությամբ շարունակում էր պայքարը ինչպես մեծապետական շովինիզմի, այնպես էլ տեղական բուրժուական նացիոնալիզմի դեմ հանուն պրոլետարական ինտերնացիոնալիզմի: Գ. Գալոյանի աշխատության մեջ հանգամանորեն շարադրված է լենինյան ցուցումների հիման վրա կուլտուր-ազգային ավտոնոմիայի տեսության դեմ կովկասյան բոլշևիկների, հատկապես Ստ. Ծահումյանի պայքարը:

Կովկասյան բանակում առաջին համաշխարհային պատերազմի տարիներին ծավալված հեղափոխական շարժումների հարցը, զլխավորապես արխիվային հարուստ տվյալների հիման վրա, հանգամանորեն քննվում է պատմական գիտությունների դոկտոր, պրոֆեսոր Հ. Մելիքյանի գրքում<sup>3</sup>:

<sup>1</sup> Տե՛ս Ե. Հառայունյան, Պատմագիտության զարգացումը և որհրդային Հայաստանում, էջ 308:

<sup>2</sup> Տե՛ս Գալոյան Գ., Рабочее движение и национальный вопрос в Закавказье.

<sup>3</sup> Տե՛ս Հ. Մելիքյան, Հեղափոխական շարժումները Կովկասյան բանակում (1914—1917), Եր., 1973:

<sup>1</sup> Տե՛ս Բ. Օհանջանյան, Տեսական մարքսիզմի ծանր հրետանին, Եր., 1970:

<sup>2</sup> Նույն տեղը, էջ 70:



Նշված հարցը շարադրված է ինչպես Ռուսաստանի, այնպես էլ երկրամասի պատմական իրադարձությունների, բանվորական և գյուղացիական շարժումների հետ սերտորեն շաղկապված: Համակողմանիորեն բացահայտված են Կովկասյան բանակում հեղափոխական շարժումների պատճառները, բնթացքը և, մասնավորապես, բուլշևիկների գործունեությունը: Իսկ դրանք հետաքրքրություն են ներկայացնում նաև այն պատճառով, որ Կովկասյան բանակի ռազմական գործողությունները տեղի էին ունենում Արևմտյան Հայաստանում և այս կամ այն շափով առնչվում էին հայ ժողովրդին հուզող պրոբլեմներին: Ավելին՝ աշխատության շորրորդ գլխում («Բանակի վերաբերմունքը արևմտահայության ողբերգությանը») ցույց է տրված, որ թուրքական լծի տակ հեծող հայ ժողովրդի զանգվածային կոտորածը հսկայական ազդեցություն գործեց ցարական բանակի զինվորների հեղափոխական-դեմոկրատական հոգեբանության հասունացման վրա: «Շարքային զինվորների ճնշող մեծամասնությունը գաղնություններ ապրեց հայ ժողովրդին հասած այդ ողբերգությունը, նրանք ամեն կերպ աշխատում էին օգնել հայերին, հոգատարություններ շրջապատել և Կովկասյան բանակի գրաված շրջաններում բարբարոսների նոր վայրագություններից փրկել ղեպի Արևելյան Հայաստան գաղթող հայ աշխատավորներին»: Ուշագրավ է հեղինակի այն միտքը, թե ժողովրդի տառապանքների նկատմամբ շարքային զինվորների մարդկային վարքագծին ուղղակիորեն հակադրվում էր, շնչին բացառությամբ, Կովկասյան բանակի բարձրաստիճան հրամանատարության վարքագիծը:

Քննարկված գրեթե բոլոր աշխատություններում լուսաբանվել է նաև մեծ տերությունների քաղաքականությունը Արևմտյան Հայաստանի հարցում: Այս տեսակետից ուշադրության է արժանի պատմական գիտությունների թեկնածու Ս. Հակոբյանի աշխատությունը<sup>3</sup>, ուր շարադրված են իմպերիալիստական մեծ տերություններից յուրաքանչյուրի ծրագրերը, պատերազմական իրադրությունն ավելի նպաստավոր ձևով իրենց շահերին ծառայեցնելու հարցը և այլն:

<sup>1</sup> Զ. Մելիքյան, նշվ. աշխ. էջ 113:

<sup>2</sup> Տե՛ս նույն տեղը, էջ 116:

<sup>3</sup> Տե՛ս Ա. Ա. Առաքյան, Западная Армения в планах империалистических держав в период первой мировой войны. Е., 1967.

Աշխատության մեջ մանրամասն խոսվում է հատկապես կալդեերական Գերմանիայի պլանների մասին, և ցույց տրվում նրա դերը արևմտահայերի բռնի տեղահանման և զանգվածային կոտորածների կազմակերպելու գործում: «Սակայն պաշտոնական իմպերիալիստական Գերմանիայից բացի, — գրում է նա, — գոյություն ուներ և ուրիշ՝ բանվորական և դեմոկրատական Գերմանիա և նրա վերաբերմունքը Հայկական հարցի, արևմտահայերի ճակատագրի նկատմամբ միանգամայն այլ է եղել»<sup>1</sup>: Նա վկայակոչում է հատկապես Կ. Լիրկենխտին, որը համարձակորեն մերկացնում էր գերմանական կառավարության քաղաքականությունը:

Արևմտյան Հայաստանը, գրում է հեղինակը, անգլիական և ֆրանսիական իմպերիալիստների նվաճողական պլաններում նույնպես կարևոր դեր էր խաղում ինչպես քաղաքական և ռազմաստրատեգիական, այնպես էլ առևտրատնտեսական տեսակետից:

Գրքում լայն տեղ է հատկացված նաև Արևմտյան Հայաստանի նկատմամբ ցարական Ռուսաստանի քաղաքականությունը: Պատերազմական գործողությունների շնորհիվ գրավելով Արևմտյան Հայաստանը, ռուսական ցարիզմը վարում էր այն գաղութացնելու քաղաքականություն: Աշխատության մեջ բացահայտված են նաև Արևմտյան Հայաստանը բռնագրավելու մասին Անտանտի պետությունների բանակցությունները, ցույց են տրված այն բաժանելու վերաբերյալ գաղտնի պայմանագրերը: Թուրք-գերմանական զավթիչների նվաճողական քաղաքականությունն է ներկայացված Խ. Բադալյանի աշխատության մեջ<sup>2</sup>: Գրքում օգտագործված են որոշ նոր վավերագրեր:

Համառոտակի ներկայացնելով 1915 թ. Մեծ եղեռնը և արևմտահայերի ինքնապաշտպանական գոյամարտերը, Ա. Մնացականյանն իր մենագրության մեջ<sup>3</sup> փորձել է պատասխանել հետևյալ հարցին՝ ի՞նչն էր արևմտահայերին խանդարում ծամանակին համախմբվելու և պաշտպանվելու իթիհատական ռասիստների հարձակումներից: Նրա կարծիքով, դրա համար կարևոր պատճառ. առաջին՝ աշխարհի մեծ տերությունների դիվա-

<sup>1</sup> Տե՛ս Ա. Առաքյան, Западная Армения в планах империалистических держав в первой мировой войне. Е., 1967, էջ 65:

<sup>2</sup> Տե՛ս Ա. Առաքյան, Турецко-германская экспансия в Закавказье (1914—1918 гг.). Е., 1980:

<sup>3</sup> Տե՛ս Ա. Առաքյան, Մենագրություն, Հայ ժողովրդի ողբերգությունը ռուս և համաշխարհային հասարակական մտքի գնահատմամբ, Եր., 1965:



նագիտութիւնը խաբեց հայ ժողովրդին և նրան կանգնեցրեց աղետի առաջ, երկրորդ՝ թուրքական ռասիստների կուսակցութիւնը՝ իթթիհատը, ավելի խորամանկ և նենգ գտնվեց, քան կարծում էին հայկական ազգային կազմակերպութիւններն ու նրանց ղեկավարները, մտավորականութիւնն ու հոգևորականութիւնը, երրորդ՝ արևմտահայութեան ազատագրական շարժման զլուխ կանգնած հայ քաղաքական կուսակցութիւններն ու հոսանքները մինչև վերջ էլ չկարգացան հաղթահարել այն հակասութիւնները, որոնք արգելակում էին համազգային միասնական ճակատի կազմակերպմանը: Իրավացի է պատմաբանը, երբ գրում է, թե այդ միասնական ճակատը պետք է ստեղծվեր ոչ միայն հայ քաղաքական կուսակցութիւնների ու արևմտահայերի միջև, այլև նրանց ոչ թուրքահայատակ մյուս ճնշված ազգերի միջև: Չէ որ հայի հետ միասին շահագործվում և ճնշվում էին արաբ, բուրդ, ասորի, հույն և ուրիշ ազգերի աշխատավորները: Իրականում դաշնակցութիւնը հայկական շարժումը և հայ աշխատավորութեանը մեկուսացնում էր ճնշված մյուս ժողովուրդների պայքարից<sup>1</sup>, գրում է հեղինակը:

Խոսելով վանի հերոսական ինքնապաշտպանութեան մասին, Ա. Մնացականյանը քննադատութեան է ենթարկում պատմութեան թուրքական կեղծարարներին, որոնք ճգնում են այդ և մյուս գոյամարտերը ներկայացնել որպէս «զավազրութիւն» կամ «ապստամբութիւն» թուրքական պետութեան դեմ և վերջինս, իբր, հարկադրված էր կանխել հայերի սպառնալիքը, կազմակերպելով նրանց տեղահանումներն ու ջարդերը:

Աշխատութեան մեջ վկայակոչումներ կան այն մասին, թե ամբողջ աշխարհում ինչպիսի լայն արձագանք են գտել հայ ժողովրդի 1890—1920 թթ. ողբերգութիւնները, մասնավորապէս՝ առաջին աշխարհամարտի ժամանակ արևմտահայութեան դանդաղածային բռնագաղթն ու կոտորածները: Փաստական հարուստ տվյալներով ցույց է տրված, որ եթե իմպերիալիստական պետութիւնները եղեռնին մոտենում էին իրենց շահագրիտական Իկատառումներով, «հայերի պաշտպանի» կեղծ դիմակ հագնելով հովանավորում էին թուրք-օսմանյան բռնակալների գաղանային արարքները, ապա աշխարհի ժողովուրդների առաջադեմ ներկայացուցիչները, փոքր ազգերի բարեկամները դատապարտում էին թուրքական իշխանութիւնների հայաջինջ քաղաքակա-

նութիւնը, դիմազերծ անում հայկական կոտորածներ կազմակերպողներին:

Առանձին-առանձին խոսվում է այդ գործիչներից շատերի մասին: Դրանք էին. Ռուսաստանում՝ Մաքսիմ Գորկին, Յուրի Վեսելովսկին, Վալերի Բրյուսովը, ակադեմիկոսներ Վ. Ա. Գորդլևսկին, Ե. Վ. Տարլեն, Ֆրանսիայում՝ Անատոլ Ֆրանսը, Ժան Ժորեսը, Ռոմեն Ռոլանը, Անրի Բարբիս, Գերմանիայում՝ Կարլ Լիբկնեխտը, ամերիկյան գիտնական Հերբերտ Գիբոնսը, Ժուռնալիստ Ջոն Ռիդը, անգլիացի հրապարակախոս Թոմսոնը, արաբ գրող Ֆայզը և Դուսեինը, նորվեգացի մեծ գիտնական Ֆրիտյոֆ Նանսենը, ավստրիացի գրող Ֆրանց Վերֆելը և ուրիշներ: Ուշագրավ է Ա. Մնացականյանի այն միտքը, թե ի հակադրութիւն ռուս և համաշխարհային առաջադիմական մտքի այս և մյուս լականավոր ներկայացուցիչների արտահայտութեամբ կարծիքի, պատմութեանը հայտնի են նաև այլ արտահայտութիւններ: «Հիշենք,— գրում է նա,— զնդապետ Հաուզի հուշագրութիւնները և Վիլսոնի տասնչորս կետերը, Ասեսոնի և Ջերարդի դեմագոգիկ ելույթները, Գլադստոնի և Լյույդ Ջորջի ճառերը, Կլեմանսոյի հողվածները և Միլերանի նոտաները, Կերենսկու թուրքահայաստանի կառավարման «կանոնադրութիւնը» և Միլյուկովի կեղծ հավաստիացումները Հայկական հարցի, արևմտահայութեան բռնագաղթի և կոտորածների մասին»<sup>2</sup>:

Առաջին աշխարհամարտի տարիներին և դրանից էլ առաջ հայ ժողովրդի կրած ողբերգութիւնների առթիվ աշխարհի առաջադեմ հասարակայնութեան այդ բողոքին անդրադարձել է նաև Գ. Ղարիբջանյանը<sup>2</sup>:

Գրքույկում ասվում է, որ հայ ժողովրդի նկատմամբ իրականացված թուրքական բարբարոսութիւնների դեմ իրենց բողոքի ձայնն են բարձրացրել գերմանական սոցիալ-դեմոկրատական հայտնի գործիչներ Ա. Բեքեյը և Վ. Լիբկնեխտը: Սուլթան Աբդուլ Համիդին հորջորջելով մարդասպան, մեծ ոճրագործ, արյունոտ սուլթան, նրանք դատապարտել են նաև արևմտաեվրոպական պետութիւնների փարիսեցիութիւնը: Նրանք, անարգանքի սլունին գամելով թուրքիայի գերիշխանութեան տակ գտնվող ազգերի դաժան հալածողներին, միաժամանակ կողմնա-

<sup>1</sup> Ա. Մնացականյան, նշվ. աշխ., էջ 200:

<sup>2</sup> Տե՛ս Գ. Ղարիբջանյան, Կարլ Լիբկնեխտը և Ռոզա Լյուքսեմբուրգը հայ ժողովրդի մասին, Եր., 1971:

<sup>1</sup> Տե՛ս Ա. Մնացականյան, նշվ. աշխ., էջ 56—58:



կից չեն եղել թուրքական կառավարության դեմ նրանց պայքարին, դրանք համարելով ցարիզմի մեքենայությունների արդյունք: Նրանց կարծիքով, դրանով Ռուսաստանը կուժեղանար և, որպես Եվրոպայի ժանդարմ ավելի կընդլայներ իր հարձակումները հեղափոխական ուժերի դեմ: Նրանք կողմնակից էին Քուրբիայի հաղթանակին: «Լյուբսեմբուրգը, — գրում է Գ. Ղարիբջանյանը, — վճռականորեն մերժեց նման տեսակետը որպես հին շաբլոն»<sup>1</sup>:

Գ. Ղարիբջանյանը վերլուծել է «Սաքսոնական բանվորական լրագիր» սոցիալ-դեմոկրատական թերթում Ռ. Լյուբսեմբուրգի 1896 թ. տպագրած «Ազգային պայքարը Քուրբիայում և սոցիալ-դեմոկրատիան» հոդվածը<sup>2</sup>: Ռ. Լյուբսեմբուրգը մերժում է սոցիալ-դեմոկրատական մամուլում արտահայտված այն կարծիքը, թե, իբր, Քուրբիայում այն ժամանակ տեղի ունեցած իրադարձությունները (հայկական կոտորածներ, հույների և հայերի ապստամբություններ և այլն) դիվանագիտական մեքենայությունների արդյունք են մասնավորապես Ռուսաստանի կողմից: Քուրբիայում ազգային-ազատագրական շարժումները Լյուբսեմբուրգը համարում է պատմական, բնական անհրաժեշտություն, դարի անարդարությունից և շահագործումից լեռան շափ դիզված բոցավառ նյութի պայթյուն, որի հետևանքով Քուրբիան պետք է խորտակվի և ստեղծվեն նոր պետություններ: Ուշագրավ է, որ Ռ. Լյուբսեմբուրգը գտնում էր, որ թուրքական պետության կործանումը պետք է տեղի ունենա ոչ թե դասակարգային պայքարի, այլ ազգային-ազատագրական շարժումների հետևանքով:

Գրքույկում հետաքրքիր փաստեր կան Կ. Լիբկնիխտի և Ռ. Լյուբսեմբուրգի հայ գործիչների հետ ունեցած անձնական կապերի մասին: Բացահայտված են հայկական կոտորածների ժամանակ հայ ժողովրդի հանդեպ նրանց համակրանքը, թուրք դահիճների ու նրանց հովանավորող Գերմանիայի և մյուս իմպերիալիստական պետությունների քաղաքականության նկատմամբ խիստ բացասական վերաբերմունքը:

Պատերազմի նկատմամբ հայ քաղաքական կուսակցությունների դիրքորոշման հարցին հանգամանորեն անդրադարձել է նաև Մ. Աղայանը՝ «Հայկական քաղաքական կուսակցություններ

ըր առաջին համաշխարհային պատերազմում» հոդվածում<sup>3</sup>: Ընդհանուր առմամբ ճիշտ է վերլուծված այդ կուսակցությունների դիրքորոշումը՝ Անտանտին հավատ տածելու, Հայկական հարցի լուծումը նրա հաղթանակի հետ կապելու տեսակետից: Սակայն դժվար է համաձայնվել Մ. Աղայանի հնչակյաններին տրված գնահատականի հետ: Նա անհարկի դատապարտում է հնչակյան օրգան «Երիտասարդ Հայաստան» թերթում 1914 թ. օգոստոս-սեպտեմբեր ամիսներին տպագրված մի շարք հոդվածներ: Դրանցից մեկում պաշտպանվում է Անտանտի հաղթանակը: Մի՞թե ճիշտ կլինի հակառակը պնդել: Իհարկե ո՛չ: Ինչ խոսք, Անտանտը նույնպես վարում էր նվաճողական քաղաքականություն, սակայն, մեր կարծիքով, հայ ժողովրդի համար նախընտրելի էր նրա, քան թուրք-գերմանական բռնկի հաղթանակը, որն ավելի ծանր հետևանքներ կունենար: Անտարակույս, ճիշտը լենինյան տակտիկան էր՝ իմպերիալիստական պատերազմը վերածել քաղաքացիականի:

Առաջին համաշխարհային պատերազմի, նրան նախորդող ու հաջորդող տարիների (1860—1920 թթ.) թուրքական ազգային բուրժուազիայի գաղափարաբանության և քաղաքականության հարցերը հանգամանորեն քննվում են Հայկական ԽՍՀ ԳԱ թղթակից անդամ Հր. Սիմոնյանի ուշագրավ մենագրությունում<sup>4</sup>: Հարուստ է մենագրության աղբյուրագիտական հենքը: Գիտական շրջանառության մեջ են դրվել բազմաթիվ նոր վավերագրեր:

Անտարակույս, նշված մենագրությունը միայն Քուրբիայի պատմությանը չի վերաբերում: Ինչպես ընդգծում է հեղինակը, թուրք ազգային բուրժուազիայի առաջացման և ձևավորման պատմական այդ ժամանակահատվածը հարուստ է այնպիսի իրադարձություններով, որոնք բախտորոշ նշանակություն ունեցան նաև հայ ժողովրդի համար: Այդ ժամանակաշրջանին են վերաբերում հայ ժողովրդի հիմնական՝ արևմտյան հատվածի գերմարդկային ճիզերը՝ դուրս գալու թուրքական տիրապետության պայմաններում ստեղծված ահավոր կացությունից:

«1860—1920-ական թվականներն ընդգրկող ժամանակահատվածը ոչ միայն ձևակառուցողական եղավ արևմտահայության հա-

<sup>1</sup> Գ. Ղարիբջանյան, նշվ. աշխ., էջ 14:

<sup>2</sup> Այս հոդվածը տարիներ առաջ Գ. Ղարիբջանյանը հայտնաբերել է Բեռլինում, երբ նա շանդլանում էր գերմանական սոցիալ-դեմոկրատական մամուլին:

<sup>1</sup> Տե՛ս Первая мировая война 1914—1918 (сборник статей), М., «Наука», 1968.

<sup>2</sup> Տե՛ս Հր. Սիմոնյան, թուրք ազգային բուրժուազիայի գաղափարաբանությունը և քաղաքականությունը, Եր., 1986:



մար, այլև իր խոր կնիքը թողեց ողջ հայ ժողովրդի հոգեկան աշխարհի վրա»<sup>1</sup>:

Հանգամանորեն վերլուծելով օսմանիզմի, իսլամիզմի, պան-իսլամիզմի, թուրքիզմի և պանթուրքիզմի էությունը, պատմաբանը համոզիչ փաստերով և կուռ եղբահանգումներով ցույց է տալիս, որ այդ ռեակցիոն ուսմունքներն ուղղված են եղել ոչ թուրք ժողովուրդների, առաջին հերթին՝ հայերի դեմ:

Բազմաթիվ փաստերի հիման վրա նա հանգում է այն ճիշտ եզրակացությունը, թե «Արևմտահայաստանում սկսված ազատագրական շարժման և թուրքական բռնակալության տակ հեծող իր եղբայրների նկատմամբ կովկասահայության բուռն համակրանքի հողի վրա ձևավորվեց հայ ժողովրդի ազգային-ազատագրական շարժման գաղափարաբանությունը, որի սկզբնավորողը ռուսահայ առաջագեմ մտավորականությունն էր»<sup>2</sup>:

Ճիշտ է, խորհրդահայ պատմագրության մեջ բավականաչափ լուսաբանված է երիտթուրքերի հանդես գալու, նրանց հետ դաշնակցականների մերձեցման, ինչպես նաև իշխանության գլուխ անցնելուց հետո նրանց վարած ռեակցիոն հակահայկական քաղաքականության պատմությունը, սակայն հեղինակի աշխատության մեջ մի շարք հարցեր լուսաբանված են նորովի:

Խոսելով պատերազմող երկու խմբավորումների մասին, Հր. Սիմոնյանը միևնույն ժամանակ իրավացիորեն սխալ է համարում այն կարծիքը, թե իբր, երիտթուրքերը հլու-հնազանդ էին իրենց գերմանական բարեկամներին և կատարում էին այն, ինչ ցանկանում էր Գերմանիան: Բանն այն է, զրու՞մ է նա, որ թուրքիան էլ ուներ իր նվաճողական ծրագրերը: Նա ձգտում էր առաջին հերթին զրավել Արևելյան Հայաստանն ու ամբողջ Անդրկովկասը, հատկապես Բաբուն ու նրա նավթային հարստությունները: Հր. Սիմոնյանն իրավացիորեն հանգում է այն մտքին, որ համաշխարհային պատերազմում հայ ժողովրդի համար միևնույնը չէր, թե ով կհաղթանակի: Երկու կողմերի համար էլ պատերազմը իմպերիալիստական էր, զրու՞մ է նա, բայց՝ «եթե պատերազմում Ռուսաստանի դեմ թուրքիայի հաջողությունը մահաբեր էր հայության համար, ապա թուրքիայի դեմ ռուսական բանակի հաղթանակը, ընդհակառակն, հայ ժողովրդի հազ-

<sup>1</sup> Հր. Սիմոնյան, Թուրք ազգային բուրժուազիայի գաղափարաբանությունը և քաղաքականությունը, էջ 5:

<sup>2</sup> Նույն տեղը, էջ 74:

թանակն էր, քանի որ այդ բանակը, թեկուզ ցարական, նրան ազատություն էր բերելու օսմանյան դարավոր բռնակալությունից, և նա ժամ առաջ էր փափագում տեսնել այդ ազատությունը»<sup>1</sup>:

Պատմաբանը զգալի տեղ է հատկացրել աշխատավորների ինտերնացիոնալ բարեկամության հարցին, գրելով, որ այդ արջունալի օրերին իրենց կյանքը վտանգելու գնով հայերին ձեռք էին մեկնում արաբ, հույն, քուրդ, թուրք, աշխատավոր, հարեստահարվող մարդիկ:

Առաջին աշխարհամարտի սարիներին արևմտահայության կրած անլուր տառապանքների հարցը ևս բազմակողմանիորեն արծարծվել է խորհրդահայ պատմական գրականության մեջ: Պատմաբանները շեշտը գրել են մարդկային և նյութական, իսկ Հր. Սիմոնյանը նաև հոգևոր մշակույթի ոլորտում կրած կորուստների վրա: Եվ պատահական չէր աշխարհի առաջագեմ հասարակայնության դատապարտող բողոքի ձայնը ընդդեմ թուրք բարբարոսների վայրենությունների:

Աշխատության մեջ վերլուծված է 1917 թ. վերջին և 1918 թ. սկզբին ռուսական բանակի՝ Կովկասյան ռազմաճակատից հետքաշվելու պատճառների հարցը:

Չնայած խորհրդահայ շատ պատմաբանների աշխատություններում քննվել են Արևելյան Հայաստանի պրոլետարիատի պատմության հետ կապված բազմաթիվ հարցեր, այնուամենայնիվ մինչև վերջերս հրապարակվել վրա չկար մի ամբողջական աշխատություն: Այս տեսակետից ուշադրության է արժանի Ա. Համբարյանի, Գ. Մուրադյանի և Ա. Սիմոնյանի աշխատությունը<sup>2</sup>: Այն ընդգրկում է XVIII դարի վերջին քառորդից մինչև Հոկտեմբերյան հեղափոխությունն ընկած ժամանակաշրջանը:

Ինչ խոսք, աշխատության հեղինակները օգտագործել են մինչև այդ ստեղծված հարուստ գրականությունը, գիտական շրջանառության մեջ են զրվել բազմաթիվ վավերագրական-վիճակագրական նոր տվյալներ: Աշխատությունը զրված է ռուսաստանյան պրոլետարիատի պատմության ֆոնի վրա, նրա հետ սերտորեն առնչված:

Իրավացի են հեղինակները, երբ նշում են, որ թեև Արևելյան

<sup>1</sup> Հր. Սիմոնյան, նշվ. աշխ., էջ 341:

<sup>2</sup> Տե՛ս Ա. Համբարյան, Գ. Մուրադյան, Ա. Սիմոնյան, Արևելյան Հայաստանի պրոլետարիատի պատմություն, Եր., 1988:



Հայաստանում պրոլետարիատի սահմանավորման տարրերն առաջացել են XVIII դարի վերջին քառորդում և քիչ թե շատ աճում են նրա Ռուսաստանին միանալուց հետո, բայց իբրև դասակարգ այն ձևավորվում ու զարգանում է հետեֆորմյան շրջանում, մասնավորապես XIX դարի վերջին և XX դարի սկզբին<sup>1</sup>։ Համատեղ քննելով պրոլետարիատի ձևավորման սոցիալ-տնտեսական պայմանները, նրանք նկատում են, որ «... Արևելյան Հայաստանը պատմական կոնկրետ պայմանների ներգործության հետևանքով թեև Ռուսաստանի թույլ զարգացած շրջաններից էր և համեմատաբար ուշ մտավ կապիտալիստական մեքենայացված արտադրության պրոցեսի մեջ, այնուամենայնիվ ունեցավ արդյունաբերական մի շարք նշանավոր կենտրոններ, որոնք XIX դարի վերջին և XX դարի սկզբին դարձան պրոլետարիատի կազմավորման օջախներ»<sup>2</sup>։

Այնուհետև առանձին-առանձին քննվում է արդյունաբերական (հեղինակ՝ Ա. Միմոնյան), գյուղական պրոլետարիատի ձևավորումն ու դրուժյունը, գյուղում դասակարգային պայքարի հարցը (հեղինակ՝ Ա. Համբարյան) և բանվորական շարժումներն ու հեղափոխական սոցիալ-դեմոկրատական կազմակերպությունները Հայաստանում XIX դարի վերջին և XX դարի սկզբին (հեղինակ՝ Գ. Մուրադյան)։ Աշխատուժյունն ունի հարուստ հավելված։

### 9. Հայկական գաղթավայրերի պատմությունը

Ինչպես հայտնի է, վաղ միջնադարից սկսած մայր երկրից պարբերաբար կատարվող զանգվածային բռնագաղթների ու արտագաղթների հետևանքով աշխարհի տարբեր վայրերում ստեղծվել են հոծ բնակչություն ունեցող հայկական գաղթօջախներ։ Անտարակույս, հայկական գաղթավայրերի առաջացումն ունեցել է իր սոցիալ-տնտեսական և քաղաքական պատճառները։ Դրանցից գլխավորը Հայաստանի վրա հաջորդաբար կրկնվող արշավանքներն ու ավերածություններն էին, որոնք հայ բնակչության համար ստեղծել էին կյանքի և գույքի անապահով վիճակ։ Հեռանալով մայր հայրենիքից, նրանք գաղթօջախներում որոշակի դեր են խաղացել ազգային մշակույթի, հասարակական-

քաղաքական կյանքի հետագա զարգացման գործում։ Ուստի հասկանալի է, թե ինչու հայկական գաղթավայրերի պատմությունը դիտվում է որպես հայ ժողովրդի ամբողջական պատմության անբաժանելի մասը։ Ծիշտ է նկատել ականավոր պատմաբան Լեոն՝ հայոց պատմությունը VI դարից արդեն միայն Հայաստանի պատմությունը չէ, այլ ընդգրկում է նաև թափառիկ հայուժյան պատմությունը։

Պետք է նշել, որ մեզանում այս կարևոր հարցի վրա տասնամյակներ շարունակ հարկ եղած ուշադրություն չէր դարձվել։

Հայ գաղթավայրերի պատմության գիտական հետազոտությունն բնագավառում լուրջ նվաճումներ ունի սփյուռքահայ պատմագրուժյունը։ 1920—1950-ական թվականներին սփյուռքում հրատարակվել են մի շարք արժեքավոր աշխատություններ։ Այդ մասին գրել ենք մեր նախորդ՝ «Պատմագիտության զարգացումը խորհրդային Հայաստանում» մենագրության մեջ։ Սփյուռքում վերջին երկու տասնամյակում այդ ուղղությամբ հսկայական աշխատանք է կատարվել։ Կարելի է ասել, որ յուրաքանչյուր գաղթավայրի մասին հրատարակված են առանձին գրքեր՝ երբեմն նույնիսկ հատորներ։ Մինչև 1960-ական թվականների սկիզբը որոշ աշխատանք են կատարել նաև խորհրդահայ պատմաբաններ՝ Ս. Տեր-Ավետիսյանը, Լ. Խաչիկյանը, Վ. Գրիգորյանը, Վ. Ոսկանյանը, Ռ. Աբրահամյանը, Վ. Խաչատրյանը, Ա. Անասյանը, Ս. Քոլանջյանը, ինչպես նաև Յա. Գաշկեիչը, Ա. Յուխտը և ուրիշներ։ 60-ական թվականների կեսերից նոր թափստացավ հայ գաղթօջախների պատմության հետազոտությունը։

Այս կարևոր գործում լուրջ ավանդ ունի պատմական գիտությունների դեկտոր պրոֆեսոր Ա. Աբրահամյանը։ Խորհրդահայ պատմաբաններից նա առաջինն էր, որ ձեռնամուխ եղավ հայ գաղթավայրերի ամբողջական պատմության շարադրման շնորհակալ գործին։ 1960-ական թվականների կեսերին հրատարակվեց նրա երկհատորանոց աշխատությունը<sup>1</sup>։

Աշխատության առաջին հատորն ընդգրկում է հայ գաղթա-

<sup>1</sup> Տե՛ս Ա. Համբարյան, Գ. Մուրադյան, Ա. Միմոնյան, Արևելյան Հայաստանի պրոլետարիատի պատմություն, էջ 6—7։

<sup>2</sup> Նույն տեղը, էջ 42։

<sup>1</sup> Տե՛ս Ա. Աբրահամյան, Համառոտ ուրվագիծ հայ գաղթավայրերի պատմության, հ. Ա. Եր., 1964, հ. Բ., Եր. 1967։ Երկրորդ հատորի մի շարք գլուխներ, գաղված գլխավորապես Արևելքի և Աֆրիկայի հայ գաղթավայրերի հետ, գրել է հեղինակի որդին՝ պատմական գիտությունների դեկտոր, պրոֆեսոր Թ. Աբրահամյանը։



վայրերի հին և միջին դարերի, իսկ երկրորդը՝ նոր շրջանի պատմությունը:

Առաջին հատորի ներածականում նա քննում է այն հարցը՝ թե սփյուռքահայության պատմությունն ինչու է ինքը անվանում հայ գաղթավայրերի պատմություն: Եգիպտահայ վաստակաշատ պատմաբան Ա. Ալպոյաճյանն անվանել է «Հայ գաղթականության պատմություն», իսկ Ա. Արրահամյանը գտնում է, որ իր աշխատությունն այդպես չէր կարող վերնադրվել, որովհետև իր նպատակն է եղել շարադրել ոչ միայն գաղթի, գաղթականության, այլև գաղթօջախների պատմությունը: Նա անընդունելի է համարում նաև պատմական գրականության մեջ հաճախ գործածվող «Հայ գաղթօջախների պատմություն» անվանումը, այն համարելով մյուս ծայրահեղությունը, քանի որ խնդրո առարկան միայն այն օջախների պատմությունը չէ, ուր հաստատվելու գործել են հայ համայնքները, այլ նաև հայ բնակչության գաղթի, ինչպես և տվյալ բնակավայրերի ներքին պատմությունն է: Ա. Արրահամյանը անընդունելի է համարում նաև «Հայ գաղթի պատմություն» անվանումը:

Անտարակույս, մեծ ջանքեր, նախանձելի ջանասիրություն է պահանջվել նման մի աշխատություն ստեղծելու համար, քանի որ խոսքը վերաբերում է աշխարհով մեկ ցրված հայության ավելի քան 30 հայկական գաղթավայրերի պատմությանը, գաղթավայրեր, որոնցից մի քանիսը հազարավայրի պատմություն ունի: Աշխատությունը գրված է փաստական հարուստ նյութերի հիման վրա, պատմական իրադարձությունների ճշմարտացի վերլուծումներով:

Ի տարբերություն որոշ ուսումնասիրողների գիտական արատավոր մեթոդի, ըստ որի այս կամ այն գաղթօջախի պատմությունը վեր է ածվել տվյալ վայրերում հանդես եկած միայն մեծատունների, քաղաքական բարձր դիրքի հասած առանձին անհատների, խոջանքի և բարձրաստիճան այլ անձնավորությունների, ինչպես ասում են, հայ երևելիների պատմության, Ա. Աբրահամյանը ճիշտ ուղի է բնորել, և սփյուռքահայության պատմությունը ներկայացրել է իր սոցիալ-տնտեսական ու քաղաքական կյանքով, հայ գաղթավայրերում ստեղծված մշակութային ակնառու արժեքներով: Նա քննադատում է այն պատմաբաններին, որոնք ազգային սնապարծություն են հանդես բերում,

գերազնահատում են հայ գաղթավայրերի խաղացած դերը տրվյալ երկրի քաղաքական, տնտեսական և մշակութային կյանքում:

Պատմաբանը հայ գաղթօջախների պատմության ուսումնասիրության անհրաժեշտությունը բացատրում է հետևյալ դրոժոններով. առաջին՝ այն ունի կարևոր նշանակություն բուն հայրենի երկրի պատմության ամբողջացման համար: Առանց այդ պատմության ուսումնասիրման անկարելի է բազմակողմանիորեն լուսաբանել Հայաստանի հետ կապված այնպիսի կարևոր հարցեր, ինչպիսիք են սոցիալական և ազատագրական շարժումները, հայ և մյուս ժողովուրդների փոխհարաբերությունները, մշակութային փոխազդեցությունները և այլն, որոնց մեջ իրենց մասն ու բաժինն ունեն նաև գաղթավայրերը<sup>1</sup>: Երկրորդ՝ XI—XVII դարերում, երբ Հայաստանում ստեղծված ծանր դրության հետևանքով հայ ժողովուրդը զրկված էր մշակույթի որևէ բնագավառում խիզախ նախաձեռնություն հանդես բերելու հնարավորությունից, գաղթահայությունն էր, որ կարողանում էր ծավալել իր ստեղծագործական ունակությունները: Ուստի հայ ժողովրդի ստեղծագործական վաստակները վեր հանելու և ճիշտ գնահատելու համար անհրաժեշտ է Հայաստանի պատմության հարցերի մշակման հետ միասին համակողմանիորեն լուսաբանել նաև հայ գաղթականության պատմությունը<sup>2</sup>: Երրորդ՝ քանի որ պատմական գիտության առաջնահերթ խնդիրն է ուսումնասիրել անցյալում ժողովրդի տնտեսական, քաղաքական ու մշակութային փոխհարաբերությունները, ուստի սփյուռքահայության պատմությունն այդ տեսակետից հարուստ և ուսանելի ժառանգություն ունի: Գաղթավայրերի պատմությունը նաև կարևոր ուղեցույց է հայ և հարևան ժողովուրդների հարաբերությունների պատմության համար: Այդ իմաստով հայ գաղթավայրերի պատմությունը ձեռք է բերում որոշակի արդիականություն<sup>3</sup>:

Աշխատության մեջ հատուկ քննության է առնվում նաև հայ գաղթականության առաջացման պատճառների հարցը, որը հայագիտության մեջ վաղուց ի վեր վիճաբանության առարկա է ձեղել: Այստեղ Ա. Արրահամյանը բերում է գոյություն ունեցող մի քանի տեսություններ, իսկ վերջում հայտնում իր կարծիքը: Այդ տեսություններից են.

<sup>1</sup> Տե՛ս Ա. Աբրահամյան, նշվ. աշխ., հ. Ա, էջ 8:

<sup>2</sup> Տե՛ս նույն տեղը:

<sup>3</sup> Տե՛ս նույն տեղը, էջ 8—9:



ա) Հայ պատական պատմագրությունը Հայաստանի քաղաքական անկախութեան անկումը և հայ բնակչութեան արտագաղթը բացատրել է հայ ժողովրդի՝ աստժո առջև թույլ տված «օրինազանցութեամբ», նրա գործած «ծով մեղքերով»: Այդպես է գրեց լեհահայ պատմիչ Հովհաննես Ավագերեցը:

բ) XVII դարի պատմիչ Առաքել Գավրիթեցին հայ գաղթականութեան առաջացման պատճառը կապում է հայկական պետականութեան անկման հետ:

գ) Անցյալի հայ հասարակական մտքի խոշոր դեմքերից մեկը՝ Մովսես Բաղրամյանը, իր «Նոր տետրակ, որ կոչի յորդորակ» աշխատութեան մեջ, մերժելով Հովհաննես Ավագերեցի տեսութիւնը, գտնում է, որ հայերի գաղթեցման առաջին պատճառը ժողովրդի անմիարանութիւնն ու անհամբարաշխութիւնն էր:

դ) Մեկ այլ վարկածով հայերի արտագաղթը կապվում է առևտրական կապիտալի շահերի հետ: Ըստ այդ տեսութեան, միջին դարերում, երբ առևտրական տարանցիկ մայրուղին փոխում է իր նախկին ուղղութիւնը և հեռանում է Հայաստանից, երկրում հայ առևտրականների գործունեութեան համար ստեղծվում են անբարենպաստ պայմաններ, որն էլ հարկադրում է նրանց գաղթելու արտասահման<sup>1</sup>:

ե) Գաղթականութեան առաջացման հարցում հայագետներից ոմանք մեծ տեղ են տվել Հայաստանի աշխարհագրական դիրքին: Այդ կարծիքն է արտահայտել Ա. Ալպոյաճյանը, գրելով՝ որ Հայաստանի աշխարհագրութիւնը հայ գաղթականութեան պատճառների պատճառն է: Հայաստանի աշխարհագրական գործոնին կարևոր տեղ է տվել նաև ակադեմիկոս Հ. Մանանդյանը, նկատի ունենալով նրա բուֆերային վիճակը<sup>2</sup>:

Վերոհիշյալ բոլոր տեսութիւնները քննարկելուց հետո Ա. Աբրահամյանը իրավացիորեն գրում է. «Թվարկված բոլոր տեսակի գաղթականութիւնն էլ այս կամ այն շահով կորստաբեր է եղել փոքրաթիվ հայ ժողովրդի համար: Սակայն նշված գաղթականութեան բոլոր ձևերի մեջ ամենից ահռելին, ամենից կորուստաբերը՝ օտար տիրակալների Հայաստանում ստեղծած անտանելի ծանր գրութեան հետևանքով առաջացած զանգվածային գաղթն է եղել, որի ժամանակ հարյուր հազարավոր հայ բնակ-

չութիւն հարկադրված է եղել գնալ և բնակութիւն հաստատել օտար հորիզոններում»:

Մենագրութեան արժանիքներից է նաև այն, որ նա հայկական գաղթավայրերի պատմութիւնը չի կտրել հյուրընկալող երկրի պատմական միջավայրից, նրա սոցիալ-տնտեսական և քաղաքական իրավիճակից: Նա ցույց է տվել հայ գաղթականութեան մասնակցութիւնը տվյալ երկրի հասարակական և մշակութային կյանքին որպես երախտագիտական պարտք: Հանդես բերելով դասակարգային մտեցում, նա գտնում է, որ թեև գաղթավայրի հայ հարուստների մեջ եղել են հայ համայնքի հետ կապված և ազնիվ նպատակներով հանրօգուտ գործեր կատարող անձնավորութիւններ, սակայն, որպես կանոն, նրանց մեծ մասն իր անձնական և դասակարգային շահերի թելադրանքով սերտորեն կապված է եղել ոչ թե հայ համայնքների, այլ տեղի օտարազգի ֆեոդալական կամ բուրժուական մեծահարուստ շրջանների հետ և մերվել է նրանց: Մինչդեռ գաղթավայրի հայ աշխատավորութիւնը կապված է եղել տեղի աշխատավորութեան հետ և ընթացել է նրան համաքայլ<sup>3</sup>:

Մենագրութեան երկրորդ հատորում շարադրված է հայկական շուրջ 20 գաղթավայրերի համառոտ պատմութիւնը: Այստեղ չի տրված Թիֆլիսի, Բաքվի, Նոր Նախիջևանի, Կ. Պոլսի, Ջմյուռնիայի գաղթավայրերի պատմութիւնն այն պատճառաբանութեամբ, որ մինչև խորհրդային կարգերի հաստատումը հայ հասարակական կյանքին ընթացք, ուղղութիւն տվողը դրանք են եղել, այդ վայրերում են ծայր առել և դրսևորվել սոցիալական և ազատագրական շարժումները, դրանք են հանդիսացել հայ մշակութի խոշոր կենտրոնները, այդ վայրերում են կենտրոնացված եղել հայ մտավորականութեան առաջավոր շուկատները և այլն: Այնուհետև նա գրում է. «Հայկական այդ հատվածների պատմութիւնը անխցելիորեն կապված է հայրենի երկրի նոր շրջանի պատմութեան հետ և նրա կարևոր մասն է կազմում»<sup>3</sup>:

Այստեղ շեն արտացոլվել նաև հայկական այն գաղթավայրերը, որոնք գտնվել են ԽՍՀՄ տարածքում: Ա. Աբրահամյանը գտնում է, որ Հոկտեմբերյան հեղափոխութիւնից հետո, երբ

<sup>1</sup> Ա. Աբրահամյան, նշվ. աշխ., էջ 13:

<sup>2</sup> Տե՛ս նույն տեղը, հ. Բ, էջ 9:

<sup>3</sup> նույն տեղը, էջ 10:

<sup>1</sup> Տե՛ս Ա. Աբրահամյան, նշվ. աշխ., հ, Ա, էջ 10:

<sup>2</sup> Տե՛ս նույն տեղը, էջ 12:



խորհրդային ժողովուրդները միավորվեցին մեկ միասնական ընտանիքի մեջ և դարձան այդ դաշինքի իրավահավասար անդամները, Ռուսաստանում, Ուկրաինայում, Վրաստանում, Ադրբեջանում և մյուս հանրապետություններում եղած հաջհամայնքները կորցրին իրենց նախկին նշանակությունը իբրև գաղթավայր:

Հարկ է նշել, որ ընդհանուր առմամբ Ա. Աբրահամյանի աշխատությունն ունի նաև առանձին թերություններ և բացեր: Նախ, բացակայում է սկզբնաղբյուրների և գրականության տեսությունը: Չի կարելի անտեսել նախախորհրդային և խորհրդային շրջանում գաղթավայրերի պատմությանը նվիրված բազմաթիվ (այդ թվում ընդհանրացնող) արժեքավոր աշխատությունները: Կարծում ենք, որ այնքան էլ հիմնավորված չէ նրա բացատրությունը հորհրդային Միության (Նոր Նախիջևան, Աստրախան, Հյուսիսային Կովկաս, Ղրիմ և այլն), ինչպես նաև Կ. Պոլսի, Զմյուռնիայի և այլ գաղթավայրերի պատմությունը գրքի երկրորդ հատորում չզետեղելը:

Մեծ է Հայկական ԽՍՀ ԳԱ պատմության ինստիտուտի կատարած աշխատանքը հայ գաղթավայրերի հետազոտման բնագավառում: «Հայ ժողովրդի պատմության» IV—VI հատորներում, որոնք հրատարակել են 1972—1981 թթ., ընդարձակ բաժիններ են հատկացված հայ գաղթավայրերի պատմությանը: Ուշագրավ է, որ այդ կարևոր գործին ձեռնամուխ է եղել գիտական աշխատողների մի ամբողջ կոլեկտիվ:

Նկատի ունենալով այն հանգամանքը, որ մեր աշխատությունը վերաբերում է նոր և նորագույն ժամանակաշրջանին, ուստի կխոսենք միայն V և VI հատորների մասին, որոնցից մեկը՝ ընդգրկում է 1800—1870, իսկ մյուսը՝ 1870—1917 թվականները:

«Հայ ժողովրդի պատմության» V հատորի գաղթավայրերին նվիրված բաժնում շարադրվում է Ռուսաստանի, Արևմտյան Եվրոպայի, Պարսկաստանի, Հնդկաստանի, Մերձավոր արևելքի և Աֆրիկայի, իսկ VI հատորում՝ Ռուսաստանի, Արևմտյան Եվրոպայի, Ամերիկայի, Ասիայի և Աֆրիկայի հայկական գաղթավայրերի համառոտ պատմությունը: Պատմությունը շարադրելիս Վ. Բարխուդարյանը, Վ. Խաչատրյանը, Վ. Աղոբաշյանը, Վ. Միքայելյանը, Հ. Ղազարյանը, Ա. Գրիգորյանը, Ս. Հովնանյանը, Ս. Աղայանը, Ս. Քոլանջյանը, Ժ. Անանյանը, Մ. Բարլոյանը, Վ.

Փարթամյանը, Ա. Աբրահամյանը, Ռ. Աբրահամյանը, Գ. Հարությունյանը և Հ. Թոփուզյանն օգտագործել են մեծ քանակությամբ փաստական նյութեր, կարևոր սկզբնաղբյուրներ, հարուստ գրականություն: Շարադրանքը կատարված է գիտական պատշաճ մակարդակով:

Հատորներում շարադրված են գաղթավայրերի ձևավորման, նրանց ներքին կյանքի փոփոխությունների պատմությունը: «Կապիտալիստական հարաբերությունների զարգացումը այն երկրներում, որտեղ ապաստան էին գտել բնաշխարհը թողած հայ զանգվածները, — կարգում ենք V հատորում, — սոցիալ-դասակարգային նոր երանգավորում էր հաղորդում այդ գաղթավայրերին, փոխում նրանց դասակարգային դեմքը»<sup>1</sup>:

Ճիշտ են նկատել հեղինակները՝ Արևելյան Հայաստանից բնակչության արտահոսքը հետևանք էր կապիտալիզմի զարգացման: Արդյունաբերական փոքրիշատե խոշոր կենտրոնների բացակայությունն ունեցրելված հայ գյուղացիությանն ուղղում էր դեպի Բաքու, Թիֆլիս, ինչպես նաև կենտրոնական Ռուսաստանի քաղաքները: Այլ էր դրությունն Արևմտյան Հայաստանում: Արտագաղթին այնտեղ առավել զանգվածային էր, որն արդյունք էր թուրքական բռնապետական կարգերի հարկային ծանր քաղաքականության և անօրինակ կեղեքումների, թուրք պաշտոնյաների վայրագությունների: Սրանց հոսանքն ուղղվում էր առաջին հերթին Կոստանդնուպոլիս և Զմյուռնիա<sup>2</sup>:

Արևմտահայերի մի զգալի մասը հաստատվում է Սիրիայում, Լիբանանում և, մասնավորապես, Եփրատոսում, ուր համեմատաբար ավելի նպաստավոր պայմաններ էին ստեղծվել: Պարսկահայ գաղթավայրերի բնակչությունը խիստ կրճատվում է, մի կողմից, Արևելյան Հայաստան գաղթելու, իսկ մյուս կողմից՝ հայկական խոշորագույն գաղթօջախների, հատկապես Նոր Զուղայի, անկման հետևանքով հարկադրված էին մեկնել Հնդկաստան, ուր ևս նպաստավոր պայմաններ չկային:

Հատորում ցույց է տրված, որ կապիտալիստական հարաբերությունների ձևավորման ժամանակաշրջանում նկատելի զարգացում ապրեցին Նոր Նախիջևանի, Աստրախանի, Ղրիմի, Մոսկվայի, Պետերբուրգի և Հյուսիսային Կովկասի հայ գաղթօջախները: «Ռուսաստանի հայ գաղթօջախները, — իրավացիորեն

<sup>1</sup> Հայ ժողովրդի պատմություն, հ. V, էջ 461:

<sup>2</sup> Տե՛ս նույն տեղը:



գրում են հեղինակները,— կարևոր դեր կատարեցին ինչպես արևելահայ հասարակական-քաղաքական ու մշակութային կյանքում, այնպես էլ հայ-ուսական հարաբերություններում<sup>1</sup>։

XVIII դարում լեհահայերի կաթոլիկացման պատճառով, XIX դարի սկզբին, գրված է հատորում, վերացել էր լեհահայ գաղութը, իսկ մի քանի տասնամյակ անց դադարեց գոյություն ունենալ նաև հունգարահայ գաղութը, որը 1848—1849 թթ. հունգարական հեղափոխությանը մասնակցելու համար ռեակցիոն ուժերի կողմից հայերին խստորեն պատժելու արդյունք էր։ Դրան հակառակ ներքին զարգացում ապրեցին Բուլղարիայի և Դանուբյան իշխանությունների հայկական գաղթավայրերը։ Կապիտալիզմի վերընթաց զարգացման ժամանակաշրջանում հայկական գաղթօջախներ ստեղծվեցին Անգլիայում, Ֆրանսիայում, Գերմանիայում<sup>2</sup>։

Հեղինակները ճիշտ են նկատել, որ կապիտալիզմի առաջնփացն իր որոշակի կնիքը դրեց նաև հայ գաղթավայրերի ազգաբնակչության դասակարգային կազմի վրա։ «Եթե նախորդ դարերում,— գրում են նրանք,— դաղութների հայ բնակչությունը հիմնականում ներկայացված էր առևտրականներով ու արհեստավորներով, ապա այժմ նրանց կողքին սկսում են հանդես գալ նաև արդյունաբերողներ, գործարանային բանվորներ»<sup>3</sup>։ Վերջիններիս շարքերը լրացնում էին, մի կողմից, ունեղրված արհեստավորները, իսկ, մյուս կողմից, հայրենիքից հեռացող պանդուխտների նորանոր քարավանները։

Հեղինակները հանգում են այն եզրակացության, որ հայկական գաղթավայրերի սոցիալ-տնտեսական կյանքում առաջացած վերոհիշյալ երևույթները, ինչպես նաև այդ երկրների ներքին կյանքում եղած խոշոր տեղաշարժերը չէին կարող բարերար ազդեցություն չունենալ հայկական գաղթավայրերի մշակութային կյանքի վրա։ «Հայկական գաղթավայրերում,— գրում են նրանք,— բացվեցին բազմաթիվ դպրոցներ, ստեղծվեցին տպարաններ, սկսեցին հրատարակվել պարբերականներ, հիմնվեցին թատերախմբեր և մշակութային այլ հիմնարկություններ, աշխուժացավ հասարակական-քաղաքական միտքը»<sup>4</sup>։

«Հայ ժողովրդի պատմության» VI հատորում նշվում է, որ XIX դարի վերջին երեսնամյակում և XX դարի սկզբներին բուրժուական հարաբերությունների առաջընթացը, արդյունաբերական և ապա մոնոպոլիստական կապիտալիզմի տիրապետությունն իր գրոշմը դրեց տարբեր երկրների ու ժողովուրդների սոցիալ-տնտեսական և հասարակական-քաղաքական կյանքի զարգացման վրա։ Խոշոր արդյունաբերության հարվածներին տակ, այնուհետև ասված է հատորում, քայքայվում և հետին պլան էր մղվում հայկական գաղթավայրերի տնտեսության կարևոր ճյուղը՝ արհեստագործությունը։ Սոցիալ-տնտեսական նոր կարգն ազդում է նաև հայկական գաղթավայրերի ինքնարավ կյանքի, նրանց ինքնավարությունների վերացման վրա։

Ինչպես նշում են հեղինակները, այդ ժամանակաշրջանում խորանում ու սրվում են սոցիալ-դասակարգային հարաբերությունները, հայկական գանդավածները ներգրավվում են հյուրընկալող երկրների դասակարգային պայքարի, հեղափոխական շարժումների ոլորտի մեջ։ Վերոհիշյալ հանգամանքների, ինչպես նաև Թուրքիայում սկսված կոտորածների ու արևմտահայության արտագաղթի հետևանքով ստվարանում են մի շարք հայկական գաղթօջախներ և, ընդհակառակն, քայքայվում կամ թուլանում են մյուսները<sup>1</sup>։ Այսպես, հատորում ցույց է տրված, որ իրենց աշխույժ և լիաթոք կյանքով շարունակում էին գոյատևել նոր նախիջևանի, Մոսկվայի, Պետերբուրգի, Հյուսիսային Կովկասի, Ղրիմի և Ռուսաստանի այլ վայրերի հայկական գաղթօջախները։

Խոշոր տեղաշարժեր էին կատարվում նաև Եվրոպայի հայկական գաղթավայրերի կյանքում, գրում են հեղինակները։ Նոր ժամանակների պահանջներին համապատասխան աշխուժանում էր միջին դարերից սկզբնավորված Բուլղարիայի, Ռումինիայի հայկական գաղթավայրերի հասարակական-մշակութային կյանքը։ Շարունակում էին աճել Արևմտյան Եվրոպայի խոշոր կապիտալիստական երկրների հայկական գաղթօջախները։ Ֆրանսիայում, Անգլիայում և Ամերիկայի Միացյալ Նահանգներում։ Ասիայի և Աֆրիկայի գաղթավայրերից շարունակում էին գոյատևել Հնդկաստանի, Բիրմայի, Ինդոնեզիայի, Եթովպիայի, Ավստրալիայի և այլ երկրների հայկական համայնքները, սակայն դրանք այնքան էլ նշանակալից դեր չէին կատարում։ Դրան հա-

<sup>1</sup> Հայ ժողովրդի պատմություն, հ. V, էջ 462։

<sup>2</sup> Տե՛ս նույն տեղը, էջ 464։

<sup>3</sup> Նույն տեղը։

<sup>4</sup> Նույն տեղը, էջ 465։

<sup>1</sup> Տե՛ս Հայ ժողովրդի պատմություն, հ. VI, էջ 629։



կառակ լիաթոր կյանքով էին ապրում Իրանի, Միրիայի, Լիբանանի և Եգիպտոսի հայկական գաղթավայրերը, որոնք ստվարանում էին գերազանցապես արևմտահայերի գանդավածային արտագաղթի հաշվին:

Վերջին քսանհինգամյակում գրվել և հրատարակվել են նաև առանձին մենագրություններ ու գիտական հոդվածներ, նվիրված այս կամ այն գաղթավայրի պատմությանը: Ի դեպ, հայ գաղթավայրերի մասին առանձին հրատարակված մենագրությունների հեղինակներից շատերը «Հայ ժողովրդի պատմության» V—VI հատորներում զետեղված հայ գաղթավայրերի պատմության հեղինակներն են: Անդրադառնանք դրանց ավելի մանրամասնորեն:

Հայ ժողովրդի պատմության մեջ ուրույն տեղ է գրավում Նոր Նախիջևանի գաղթօջախը, որի 80-ամյա պատմությանն է նվիրված Վ. Բարխուդարյանի մենագրության առաջին գիրքը<sup>1</sup>: Նրանում ցույց է տրված, որ այդ գաղթօջախն ստեղծվել է ոչ թե որպես օտար զավթիչների հալածական քաղաքականությունից ազատվելու, կյանքի ծանր պայմաններից խուսափելու համար հայերի մի ապաստան, ինչպես մյուս գաղթօջախները, այլ որպես արդյունք ցարական Ռուսաստանի տնտեսական և քաղաքական շահախնդրությունների: Հեղինակն իրավացիորեն գտնում է, որ ռուսական կայսրությունը, Դոնի ավազանում մեկուսի կյանքով, անխառն ազգաբնակչությամբ հաստատված հայությունը ինքնավարության, տնտեսական և իրավաքաղաքական առանձնաշնորհումներ արտոնելով, հեռավոր նպատակներ էր հետապնդում: «Ղրիմի խանությունը թուլացնելու,— գրում է նա,— Նովոռոսիան բնակեցնելու, տնտեսապես յուրացնելու և թուրք-թաթարական արշավանքների դեմ քրիստոնյա պատվար ունենալու մտահոգությամբ, ցարական Ռուսաստանը կազմակերպեց Ղրիմի քրիստոնյա բնակչության գաղթը»<sup>2</sup>:

Անդրադառնալով Նոր Նախիջևանի գաղթօջախի վերաբերյալ նախախորհրդային և հետհոկտեմբերյան ժամանակաշրջանում հրատարակված աշխատությունների պատմաբանական գլեխընթացությանը, պատմաբանը ցույց է տվել ինչպես դրանց արժանիքները, այնպես էլ թերություններն ու սխալները: Նա-

խախորհրդային տարիներին հրատարակված գրականության հիմնական թերությունը հեղինակը համարում է դրանցում գաղթօջախի սոցիալ-տնտեսական հարցերի անտեսումը, նշում է դրանց մի մասի ազգագրական բնույթը և այլն: Խորհրդային ժամանակաշրջանում, ինչպես հայտնի է, մինչև վերջերս հայ գաղթավայրերի պատմությամբ չեն զբաղվել: Միայն առանձին հեղինակներ թուցիկ կերպով անդրադարձել են այս կամ այն հարցին: Խոսելով ռուս հեղինակների, մասնավորապես՝ մարքսիստ-պատմաբանների մասին, հեղինակը նշում է, որ Նոր Նախիջևանը որպես ինքնավարություն ունեցող մի գաղթօջախ, հիմնականում դուրս է մնացել նրանց տեսադաշտից: «Մինչդեռ հայ դանդավածի անցած ուղու քիչ թե շատ հանգամանալից ուսումնասիրությունը,— գրում է նա,— մեծապես կնպաստեր Դոնի ավազանի և առհասարակ Մերձագոլյան շրջանի տնտեսական դարգացման մասին ամբողջական պատկերացում կազմելուն»:

Եթե ռուս հեղինակներին աշխատություններում քիչ է խոսվել հայկական գաղթօջախի մասին, իսկ հայ հեղինակները հիմնական ուշադրությունը դարձնելով գաղթօջախի կարևոր անցքերի վրա, և դրանով կամայական անտեսել են բնապատմական այն միջավայրը, տնտեսական այն անմիջական պայմանները, ուր ապրել ու աշխատել են Դոնի հայերը, ապա դրան հակառակ Վ. Բարխուդարյանը հիմնական գծերով ներկայացրել է Նոր Նախիջևանի հայ համայնքի համակողմանի պատմությունը՝ սերտորեն շաղկապելով այն տվյալ դարաշրջանի սոցիալ-տնտեսական ու քաղաքական առանցքային իրադարձությունների հետ:

Մենագրության մեջ շարադրված է Ղրիմահայերի գաղթի և Նոր Նախիջևանի հիմնադրման պատմությունը, ցույց է տրված գաղթօջախի ներքին կյանքը, գյուղատնտեսություն, արհեստագործություն, արդյունաբերություն և առևտրի դարգացման ընթացքը:

Աշխատության մեջ լայն տեղ է հատկացված ոչ միայն գաղթօջախի ներքին կյանքի, այլև հայ-ռուսական փոխհարաբերությունների հարցի լուսաբանմանը: Ինչպես Նոր Նախիջևանը, այնպես էլ ռուսահայ մյուս գաղթօջախները աշխուժորեն արձագանքել ու մասնակցել են ռուսական հասարակական կյանքի

<sup>1</sup> Տե՛ս Վ. Բարխուդարյան, Նոր Նախիջևանի հայկական գաղթի պատմություն (1779—1881 թթ.), Եր., 1967:

<sup>2</sup> Նույն տեղը, էջ 120:

<sup>1</sup> Վ. Բարխուդարյան, նշվ. աշխ., էջ 20:



բոլոր գլխավոր իրադարձություններին: Այստեղ վեր է հանված գաղթօջախի մասնակցությունը 1812 թ. հայրենական և 1853—56 թթ. Ղրիմի պատերազմներին: Կոնկրետ փաստերով լուսաբանված են նաև նոր նախիջևանի հաստատած կապերը մայր հայրենիքի և ռուսահայ մյուս գաղթօջախների հետ:

Անդրադառնալով գաղթավայրի սոցիալ-տնտեսական վիճակին, հասարակական-քաղաքական պայքարի հարցերին, Վ. Բարխուդարյանը բնութայն է առնում Արամով-Արղուժյան հակամարտության հարցը և, հակառակ Ա. Կարինյանի ու Ս. Արեշյանի կարծիքների, գտնում է, որ այդ հակամարտությունը ոչ թե գաղթօջախի աշխատավոր ներքնախավերի վարագործված պայքարն էր շահագործող դասերի դեմ, ինչպես գրել են վերոհիշյալ հեղինակները, այլ պարզապես սոցիալական սանդուղքի վերին աստիճանին գտնվող երկու աղաների առավելապես անձնական բնույթ ունեցող հակասություններն էին<sup>1</sup>:

1885 թ. հրատարակվեց Վ. Բարխուդարյանի մենագրության երկրորդ գիրքը<sup>2</sup>, ուր շարադրված է գաղթօջախի պատմությունը հետոնեֆորմյան ժամանակաշրջանում՝ մինչև 1917 թվականը: Այստեղ էլ հեղինակը հանգամանորեն լուսաբանում է գաղթօջախի սոցիալ-տնտեսական, հասարակական-քաղաքական և մշակութային կյանքը:

Փաստական հարուստ նյութի հիման վրա ցույց է տրվում, որ եթե նախաոնեֆորմյան ժամանակաշրջանում ինքնավար գաղթօջախը օգտվում էր կայսերական առանձնաշնորհումներից, քաղաքը շրջակա հայկական գյուղերի հետ կազմում էր վարչատնտեսական մի ամբողջություն, պահպանում էր հայկական բարքերն ու սովորությունները, ազգային նկարագիրը և այլն, ապա 1861 թ. գյուղացիական ռեֆորմից հետո դրությունը շեշտակի փոխվեց: 1860-ական թթ. ընթացքում, գրում է հեղինակը, նկատելիորեն սահմանափակվեցին գաղթօջախի առանձնաշնորհումները, իսկ 1870 թ. վերացվեց հայկական մագիստրատը, հետևաբար և նոր նախիջևանի ինքնավարությունը: Սկսվում է գաղթօջախի պատմության նոր փուլը:

Աշխատության մեջ ցույց է տրվում, որ հետոնեֆորմյան շրջ-

ջանում կապիտալիստական հարաբերությունների զարգացումն իր գրոշմն է դնում ինչպես ամբողջ երկրի, այնպես էլ հարավային Ռուսաստանի, այդ թվում՝ նոր նախիջևանի սոցիալ-տնտեսական և հասարակական-քաղաքական կյանքի վրա: Հեղինակը ճիշտ է նկատել, որ թեպետ ռեֆորմից հետո կապիտալիզմը զարգանում էր ամբողջ կայսրությունում, բայց հարավային երկրամասը, այդ թվում նոր նախիջևանը, առավելապես ազդարային բնույթ ուներ: Այստեղ լուսաբանվում է նաև գաղթօջախում գյուղատնտեսության, արդյունաբերության և առևտրի զարգացման հարցը, բացահայտվում սոցիալական շերտավորման պրոցեսը:

Անդրադառնալով նոր նախիջևանի հասարակական կյանքին, Վ. Բարխուդարյանը ընդգծում է այն հայտնի իրողությունը, որ հայկական այդ համայնքը հայ ժողովրդին տվել է հասարակական-քաղաքական և մշակութի գործիչների մի ամբողջ համատեղություն: Նրանցից շատերը ոչ միայն ճանաչված դեմքեր են եղել հայ իրականության մեջ, այլև ունեցել են համառուսաստանյան ճանաչում:

Աշխատության մեջ վեր է հանված հայկական գաղթօջախի դերը հայ-ռուսական կապերի ամրապնդման գործում: Գտնվելով Ռուսական կայսրության մեջ և կազմելով նրա անբաժանելի մասնիկը, Գոնի հայկական համայնքը, գրում է պատմաբանը, մշտապես արձագանքել և իր համեստ հնարավորությունների սահմաններում մասնակցել է ռուսական հասարակական-քաղաքական կյանքի գլխավոր իրադարձություններին: Դա առաջին հերթին զրսնորվել է երկրին սպառնացող արտաքին վտանգների՝ պատերազմների ժամանակ: Ցույց է տրված նաև Գոնի հայ գաղթօջախի մասնակցությունը՝ թուրքական լծից արևմտահայության ազատագրության, հայ գաղթականությանը օգնություն ցույց տալու գործում:

Հեղինակի ուշադրությունից չի վրիպել նարոդնիկական շարժման ազդեցությունը հայ գաղթօջախի հասարակական կյանքի վրա: Սակայն, նշում է նա, եթե արևելահայ նարոդնիկական խմբակներն ու նարոդնիկական գաղափարներով տարված առաջադեմ երիտասարդությունը սոցիալական խնդիրներին զուգընթաց գրեթե ամենուրեք դնում էին նաև ազգային ազատագրության խնդիրներ, ապա այս գաղթօջախում նարոդնիկական կազմակերպությունները ազգային խնդիրներ չէին շոշա-

<sup>1</sup> Տե՛ս Վ. Բարխուդարյան, նշվ. աշխ., էջ 361:  
<sup>2</sup> Տե՛ս Վ. Բարխուդարյան, նոր նախիջևանի հայկական գաղութի պատմություն (1861—1917 թթ.), Եր., 1985:



փում և մնում են փաստորեն միայն սոցիալական պայքարի ուղորտում:

Այդ երևույթի հիմնական պատճառը Գոնի երիտասարդության վրա համառուսաստանյան նարոդնիկական շարժման դեկավարների գաղափարական և քաղաքական ազդեցությունն էր և Անդրկովկասի թուրքիայից համեմատաբար հեռու լինելը<sup>1</sup>: Աշխատություն մեջ լայն տեղ է տրված նաև գաղթօջախի պատմությունը պրոլետարական և հեղափոխական շարժումների ժամանակաշրջանում՝ ընդհուպ մինչև 1917 թվականը:

Ղրիմի հայկական գաղթօջախի պատմությունն է նվիրված պատմական գիտությունների դոկտոր, պրոֆ. Վ. Միքայելյանի երկհատորանոց մենագրությունը<sup>2</sup>: Ժամանակագրական տեսակետից մենագրության առաջին հատորն ընդգրկում է գաղթավայրի պատմությունը նրա սկզբնավորումից մինչև հայերի վերաբնակեցումը Ղրիմից և գաղթավայրի վերացումը, այսինքն՝ մինչև 1778 թվականը: Պատմաբանի կարծիքով, Տավրիկիայում (Ղրիմի թերակղզում) դարեր շարունակ գոյատևած հայ գաղութը եղել է գաղթական հայություն ամենախոշոր բեկորներից մեկը: Սվեյխն, «Տավրիկիան,— գրում է նա,— եղել է այն կամրջակը, որի վրայով միջին դարերում անցել են հայ գաղթականական շատ հոսանքներ, սկիզբ դնելով կամ թե լրացնելով Արևելյան Եվրոպայի և նույնիսկ Կոնստանդնուպոլսի հայ գաղթավայրերը»<sup>3</sup>:

Մենագրության մեջ տրված է Ղրիմահայ գաղութի վերաբերյալ եղած գրականության և աղբյուրների պատմաբանական վերլուծությունը: Նշելով Ք. Քուշնարյանի, Մ. Բժշկյանի, Հ. Տեր-Աբրահամյանի, Ա. Ալպոյաճյանի և ուրիշների, ինչպես նաև երկու տասնյակի հասնող ուսուստարազգի հեղինակների աշխատությունները, որոնց մեջ ավել կամ պակաս չափով շարադրվել է Ղրիմահայ գաղութի պատմությունը, Վ. Միքայելյանն, այնուամենայնիվ, դրանք չի համարում գաղութի ամբողջական պատմություն թե՛ իրենց մեթոդաբանությամբ և թե՛ փաստական նյութի ընդգրկումով:

Ինչ խոսք, Վ. Միքայելյանի հետ կարելի է համաձայնվել: Պարզ է, որ վերոհիշյալ հեղինակներից ոչ մեկն իր առջև խնդիր չի դրել շարադրելու Ղրիմահայ գաղթավայրի ամբողջական պատմությունը, մի բան, որին ձեռնամուխ է եղել ինքը, սակայն դժվար է համաձայնվել նրա այն մտքին, թե «Ղրիմի հայկական գաղութի պատմությունը տակավին չակոսված մի խոսքն է»<sup>1</sup>:

Ղրիմահայ գաղթավայրի նոր պատմությունը շարադրվել է մենագրության երկրորդ հատորում: Քանի որ 1778 թ. արտագաղթին հաջորդած մեկ-երկու տասնամյակներում գաղթավայրը փաստորեն դադարել էր գոյություն ունենալուց, ուստի զբոսի երկրորդ հատորն սկսվում է գաղթավայրի վերականգնման հարցի լուսաբանությամբ: Այստեղ բացահայտվում են սոցիալտնտեսական այն շարժառիթները, որոնք հայերին ստիպում էին թողնել նոր նախիջևանը, ուր նրանք գնացել էին ոչ իրենց ցանկությամբ, և անցել Ղրիմ: Սակայն, շնայած նոր նախիջևանից Ղրիմ հայերի կատարած վերաբնակեցմանը, գրում է հեղինակը, այնուհանդերձ, XIX—XX դարերում Ղրիմահայության մեջ գերակշռողը ոչ թե նրանք, այլ Արևմտյան Հայաստանից և թուրքիայի տարբեր քաղաքներից և շրջաններից տարբեր ժամանակներում գանգվածաբար կամ առանձին ընտանիքներով Տավրիկիա գաղթած հայերն էին<sup>2</sup>: Հայերը, այնուհետև գրում է նա, Արևմտյան Հայաստանից և թուրքիայի շրջաններից հեռանում էին ինչպես տնտեսական ու քաղաքական հետզհետե սաստկացող ծանր պայմանների ու հետապնդումների, այնպես էլ Ղրիմի թերակղզին առևտրի, արհեստագործության, ալգեզործության և շերամապահության զարգացման համար նպաստավոր դիրք ունենալու պատճառով: Ընդ որում թուրքիայից Ղրիմ հայերի տեղափոխությունները շավարտվեցին XVIII դարի վերջին 2—3 տասնամյակներով, այլ դրանք պարբերական բնույթ ընդունեցին ամբողջ XIX դարում և հաջորդ հարյուրամյակի առաջին տասնամյակում, ընդհուպ մինչև առաջին համաշխարհային պատերազմը:

<sup>1</sup> Վ. Միքայելյան, նշվ. աշխ., հ. I, էջ 6: Նկատենք, որ զբոսի առաջին հատորի վերջում գետնգլած աղբյուրների և գրականության ցանկում ցույց է տրվել 27 հայերեն, 65 ռուսերեն և 6 օտար լեզվով տպագիր աղբյուր, 54 անուն հայերեն, 164 ռուսերեն և 9 օտար լեզվով գրականություն, ընդամենը 325 անուն, էլ ի՞նչ խոսքանի մասին է խոսքը:

<sup>2</sup> Տե՛ս նույն տեղը, հ. II, էջ 46:

<sup>1</sup> Տե՛ս Վ. Բաբխույազյան, նշվ. աշխ., էջ 229—230:

<sup>2</sup> Տե՛ս Վ. Միքայելյան, Ղրիմի հայկական գաղութի պատմություն, հ. I, Եր., 1964, հ. II, 1970: Աշխատությունը մեկ գրքով լույս է տեսել նաև ռուսերեն:

<sup>3</sup> Նույն տեղը, էջ 5—6:



Մենագրութեան մեջ մեծ տեղ է հատկացված Ղրիմահայերի տնտեսական գործունեութեան լուսաբանմանը: Այստեղ ցույց է տրված, որ Ղրիմահայերը անցյալ դարի վերջերին և XX դարի սկզբներին, կապված լինելով ռուսական ներքին շուկայի և Արևելքի երկրների, հատկապես Քուրքիայի առևտրաարհեստագործական միջավայրի հետ, անկախ թերակղզու ազգաբնակչութեան մեջ ունեցած իրենց ոչ մեծ քանակից, զգալի մասնակցութիւն են ցուցաբերել Տավրիկյան նահանգի ներքին և արտաքին առևտրին: Ղրիմահայոց տնտեսական կյանքում կարևոր տեղ են զբաղեցնում նաև արհեստագործութիւնն ու գյուղատնտեսական զբաղմունքները, զիստավորապես այդգործութիւնը:

Նշելով, որ Ղրիմում գոյութիւն ունեցող խոշոր հողատերերի բավականին բազմաքանակ մի խավ, որի ներկայացուցիչներն իրենց նախնիների տիրույթների պապենական ժառանգորդները չէին (ինչպես սովորաբար լինում էր), Վ. Միքայելյանը գտնում է, որ Ղրիմում հայ խոշոր հողատիրութիւնը առաջացել է շնորհիվ առևտրական կապիտալի և գոյութիւն ունեւորող ժառանգական ֆեոդալական ինստիտուտ<sup>1</sup>:

Անդրադառնալով Ղրիմահայերի հասարակական-քաղաքական կյանքի լուսաբանմանը, նա նշում է, որ նրանց մտահոգում էր ոչ միայն «տեղական», այլև ամբողջ հայութեանը վերաբերող քաղաքական, ազգային, մշակութային ու կրօնական հարցերը, նաև համառուսական կյանքի կարևորագույն իրադարձութիւնները:

Աշխատութեան մեջ լուսաբանված է Գաբրիել վարդապետ Այվազովսկու գործունեութիւնը: Յույց է տրված նրա զբաղմունքները կաթողիկոսութեան դեմ մղվող պայքարում, իսախայան ուսումնարանի և հայ օրիորդների համար դպրոցների հիմնադրման, ազգային միաբանութիւն ստեղծելու նպատակով իսախայան ուսումնարանի դռները նաև կաթողիկոսական բողոքական հայ եկեղեցիների առաջ բացելու, եկեղեցական գումարների շուրջ տարիների պատմութիւնն ունեցող վեճերի կարգավորման, նախիջեվան-Բեսարաբիայի հայ-լուսավորչական թեմի կենտրոնը Քիշնևից Թեոդոսիա փոխադրելու և այլ գործերում:

Ինչպես հայտնի է, խորհրդահայ պատմագրութեան մեջ Գ. Այվազովսկու գործունեութեանը հիմնականում բացասական գնահատական է տրվել: Այլ գիրքերից է մոտեցել հարցին Վ. Միքա-

յելյանը: Նա փորձել է տալ նրա գործունեութեան գնահատականը: Խոսքը չի վերաբերում մի հոգևորական գործչի հասարակական-քաղաքական հայացքներին, գրում է նա, որը սերտորեն կապված էր հայ հարուստ վերնախավին, ցարական արքունիքի և բարձր պաշտոնեւորութեան հետ: Վերջիններիս օգնութեան ու հայրենի եկեղեցու շուրջը համախմբելու հետ էր նա առնչում իր ազգային-կրթական նպատակների իրագործումը, հայ մշակութաբարձր զարգացումը<sup>2</sup>:

Վ. Միքայելյանը Գ. Այվազովսկու գնահատականի հարցում ելնում է պատմագիտական-մեթոդաբանական այն ճիշտ գրույթից, որ չի կարելի անցյալի այս կամ այն գործչին ներկայացնել իր ապրած ժամանակից դուրս պահանջներ, կամ թե նրանց համար չափանիշ ընդունել առաջավոր մտածողներին: «Պատմաբանի պարտքն է,— իրավացիորեն գրում է նա,— լուսաբանել մեր անցյալի պատմութիւնն իր ամբողջութեան մեջ, գործիչներին գնահատել նրանց խաղացած դերով՝ դրական, թե բացասական, միշտ մոռացութեան շտախով դասակարգային մոտեցումը և այն հանգամանքը, որ նրանք եղել են իրենց դասակարգի և էպոխայի ծնունդը»<sup>3</sup>: Վ. Միքայելյանի կարծիքով, որի հետ լիապես համաձայն ենք, անհատի գործունեութեան բացասական կողմերի նշումը չպետք է անտեսի նրա կատարած զբաղմունքի գործը և ընդհակառակը: Բոլոր պարագաներում չպիտի ղեկավարվել միայն ժխտելու կամ դրվատելու սկզբունքով: Հենվելով մի քանի ստույգ վավերագրերի վրա, պատմաբանը գտնում է, որ Մ. Նալբանդյանի ձեռքով ղեկավարվող ղեկավարվող «մատնիչ» պիտակը: Սակայն դա, այնուհետև գրում է նա, «չի կարող վերացնել հետադիմական այն դիրքավորումը, որ բռնել էր թեմի առաջնորդ Գ. Այվազովսկին Մ. Նալբանդյանի և «Հյուսիսափայլի» հանդեպ»<sup>3</sup>:

Մենագրութեան մեջ շեշտվում է, որ ռուսական առաջին հեղափոխութեանը հաջորդած տարիներին Ղրիմահայութեան մեջ միայն հնչական կուսակցութիւնն էր ծավալել իր գործունեութիւնը, իսկ դաշնակցութեան ներկայացուցիչներն այդ ժամանակ Ղրիմում ոչինչ չկարողացան անել:

<sup>1</sup> Տե՛ս Վ. Միքայելյան, նշվ. աշխ., էջ 200—201:

<sup>2</sup> Նույն տեղը, էջ 202:

<sup>3</sup> Նույն տեղը, էջ 230:

<sup>1</sup> Տե՛ս Վ. Միքայելյան, նշվ. աշխ., էջ 92—93:



Ուշագրավ են գրքում բերված այն փաստերը, որոնք վկայում են Ղրիմի 1853—1856 թթ. և 1877—1878 թթ. ռուս-թուրքական պատերազմներին ղրիմահայության մասնակցության մասին, որը, ինչ խոսք, նպաստում էր ռուսական ղենքի հաղթանակին: Մասնավորապես նշվում է հայազգի ծովակալ Ղազար Արծաթագործյանի (կազար Սերբերյակով) մատուցած ծառայությունների մասին:

Վ. Միրայեյլյանը շնորհակալ գործ է կատարել առանձին գրքով շարադրելով XIX դարի առաջին կեսի ռուսական ռազմածովային նավատորմի այդ նշանավոր ղեմքի՝ հայ առաջին ծովակալի կյանքի ու գործունեության պատմությունը<sup>1</sup>: Այն գրված է հայ-ռուսական հարաբերությունների լայն ֆոնի վրա:

Հայ-բուլղարական պատմական կապերին և XIX դարի երկրորդ կեսի բուլղարահայ գաղթավայրի պատմությանն է նվիրված պատմական գիտությունների դոկտոր, պրոֆեսոր Ս. Հովնանյանի մենագրությունը<sup>2</sup>:

Անդրադառնալով ավելի հեռավոր պատմական անցյալին, պատմաբանը մի շարք տվյալների հիման վրա գտնում է, որ հայ-բուլղարական կապերը ծնվել են վաղնջական ժամանակներից և ունեն հարուստ պատմություն: Նրա կարծիքով, ղենես մեր թվականության երկրորդ դարում բուլղար ժողովրդի նախնիները, մտնելով պատմական ասպարեզ և բնակություն հաստատելով մերձագոյվյան տափաստանների տարածքներում, սերտ, անմիջական կապերի մեջ են մտնում հայ ժողովրդի հետ<sup>3</sup>: Փաստերը ցույց են տալիս, գրում է նա, որ հայերը V դարից սկսած դանգվածաբար բնակություն են հաստատել Բալկանյան թերակղզում և հիմնել իրենց բազմամարդ գաղթավայրը<sup>4</sup>:

Անցնելով իր ուսումնասիրության հիմնական ժամանակաշրջանի՝ XIX դարի երկրորդ կեսի վերլուծմանը, Ս. Հովնանյանը լուսաբանել է բուլղարահայ գաղթավայրի պատմությունը՝ այն սերտորեն առնչելով Բուլղարիայի պատմության հետ: Կոնկրետ

փաստերով նա ցույց է տվել հայերի վերաբերմունքը բուլղար ժողովրդի ազգային-քաղաքական զարթոնքի նկատմամբ: Որպես դրա առհավատչյա նա բերում է այն փաստը, որ 1840—70-ական թվականներին Կ. Պոլսում բուլղարական գրականություն հրատարակող 13 տպարաններից 7-ը պատկանում էր հայերին: Ավելին, օտարալեզու 214 բուլղարական գրքերից 202-ը տպագրվել է հայկական տպարաններում: Վերոհիշյալ տվյալները վկայում են, գրում է հեղինակը, որ հրատարակիչները նշանակալից դեր են խաղացել բուլղարական գրականության հրատարակման գործում՝ բուլղար ժողովրդի համար ծանր սարիններին օժանդակելով նրանց ազգային լուսավորության գործին:

Աշխատությունում լայնորեն է վեր հանված հայերի գործակցությունն ու ակտիվ մասնակցությունը թուրքական լծի դեմ բուլղար ժողովրդի մղած պայքարում: Յույց է տրված, որ XIX դարի կեսերի հայ-բուլղարական բարեկամության դարբնոց էր դարձել Արևմտյան Հայաստանի Դիարբեքի քաղաքը, ուր աբսորված էին ավելի քան 200 բուլղար հեղափոխականներ:

Բուլղար և հայ ժողովուրդների մարտական զինակցությունը վառ կերպով արտացոլվել է 1877—78 թթ. ռուս-թուրքական պատերազմի ժամանակ: Թեև ազատագրվելով թուրքական լծից բուլղար և հայ ժողովուրդների ճակատագրերը բաժանվեցին, նշում է պատմաբանը, և բուլղար ժողովուրդը ձեռնամուխ եղավ ազգային պետականության վերստեղծմանը, իսկ հայ ժողովուրդը մնաց ցարական Ռուսաստանի և սուլթանական Թուրքիայի միջև անդամահատված, բայց այդ երկու ժողովուրդների միջև շարունակվեց բարեկամությունն ու փոխօգնությունը: Չէ՞ որ Բուլղարիայի ազատագրումը թուրքական լծից նաև բուլղարահայերի ազատագրում էր, որը Լպաստեց հայկական գաղթօջախի սոցիալ-քաղաքական առաջընթացին:

Շարադրելով XIX դարի 80-ական թվականների բուլղարահայ գաղթավայրի պատմությունը, Ս. Հովնանյանը ցույց է տվել նրա դերը Բուլղարիայի տնտեսական կյանքում, առանձնապես առևտրի, արհեստների և երկրագործության բնագավառներում: Անդրադառնալով հայկական գաղթավայրի ներքին կյանքի հարցերին, Ս. Հովնանյանը վեր է հանել մահմեդական ֆանատիզմի ոտնձգություններից ազատագրված գրիգոր-լուսավորչական կեղեցեցու խաղաղած դերը Բուլղարիայի հայկական համայնքի

<sup>1</sup> Տե՛ս Վ. Միրայեյլյան, Մովակալ Լ. Մ Սերբերյակով (Ղազար Մարկոսի Արծաթագործյան), Եր., 1979:

<sup>2</sup> Տե՛ս Օվնանյան Ս. Армяно-болгарские исторические связи и армянские колонии в Болгарии во второй половине XIX века, Е., 1968.

<sup>3</sup> Տե՛ս նույն տեղը, էջ 17:

<sup>4</sup> Տե՛ս նույն տեղը, էջ 40:



հողերը կյանքում: Սակայն, գրում է նա, թուրքական լծից երկրի ազատագրումը և դրա հետ կապված հայերի նկատմամբ ազգային-կրոնական հալածանքների դադարեցումը հանգեցրեց նրան, որ հայկական եկեղեցին Բուլղարիայում սկսեց աստիճանաբար կորցնել այն նշանակությունը, որ դարերի ընթացքում խաղացել էր նա հայ գաղթօջախների ազգային նկարագիրը պահելու գործում<sup>1</sup>:

Թուրքական լծից Բուլղարիայի ազատագրումը զգալիորեն նպաստեց հայկական գաղթավայրի կուլտուր-լուսավորական կյանքի՝ առանձնապես ազգային դպրոցների գործունեության աշխուժացմանը: Մենագրության մեջ բացահայտված է այն կարևոր դերը, որ խաղացել են ժողովրդական դպրոցները հայկական գաղթավայրի ազգային և կուլտուրական կյանքում: Գրա հետ մեկտեղ ցույց է տրված կուլտուր-լուսավորական ընկերությունների, հայկական գրադարան-ընթերցարանների ստեղծումը գաղթօջախում: Լայնորեն լուսաբանված է գաղթօջախի ազգային-դեմոկրատական շարժման վերելքը 1882 թ. Վառնայում կազմակերպված «Հայրենասիրական ընկերության» և նրա տպագիր «Իրավունք» թերթի գործունեությունը: Ցույց է տրված նաև Մարսելի «Արմենիա» թերթի նշանակալից դերը գաղթավայրի ազգային-դեմոկրատական շարժման գործում, ինչպես նաև բուլղարահայերի դերը Մ. Փորթուգալյանի գլխավորած նվրուպայի հայ հայրենասերների միության ձևավորման համար մղված պայքարում: Հեղինակի ուշագրությունից չի վրիպել նաև բուլղարահայերի հասարակական-քաղաքական կյանքի վրա քաղաքական կուսակցությունների, մասնավորապես արմենականների ու հնչակյանների ազդեցությունը:

Ս. Հովնանյանի մենագրության մեջ ուշագրավ փաստեր կան 1890-ական թվականների կեսերի հայկական ջարդերի բուլղարական արձագանքների մասին: Հայերի պաշտպանության համար ծավալվող շարժումը գլխավորում էր բուլղարական սոցիալ-դեմոկրատական կուսակցությունը, որն ստեղծվել էր 1891 թ. Գ. Բլագոևի գլխավորությամբ: Շուտով այդ շարժման մեջ են ներգրավվում բուլղարական հասարակայնության լայն շրջանները: Հայ ժողովրդի ողբերգությունը, գրում է հեղինակը, արձագանք գտավ նաև բուլղար առաջադեմ բանաստեղծների

ստեղծագործությունների մեջ: Ուշագրավ է հատկապես Պ. Յավորովի հայտնի «Հայերը» բանաստեղծությունը:

Թուրքական կառավարության վարած հայահալած ու հայաջինջ քաղաքականության հետևանքով հայ ժողովրդի մի զգալի մասը նորից հարկադրված է լինում թողնել մայր հայրենիքը և բռնել գաղթի ճանապարհը: 1894—1896 թթ. ջարդերի ժամանակաշրջանում արտագաղթում է ոչ լրիվ տվյալներով ավելի քան 50 հազար հայկական ընտանիք, որից 20 հազարը՝ Բուլղարիա: Աշխատությունում բերված փաստերը վկայում են բուլղարահայերի, մասնավորապես նոր գաղթածների, ծանր դրության մասին: Բարեգործության անվան տակ այստեղ իրենց սև գործն էին անում արևմտյան պետությունների կողմից ուղարկված մեծ թվով միսիոներներ:

Աշխատության մեջ բացահայտված է նաև այն իրողությունը, որ եթե Բուլղարիայի սոցիալ-դեմոկրատական կազմակերպությունը վճռականորեն հանդես էր գալիս հայ գաղթականության պաշտպանության դիրքերում, սպա բուրժուական կուսակցությունները, երկրի ծանր դրությունը բացատրելով հայ գաղթականների ներհոսքով, փորձում էին ազգային թշնամանք հրահրել, օգտագործելով ազգայնական մամուլն ու իշխանության մարմինները, այդ թվում և պառլամենտը:

Հայ-բուլղարական բարեկամության պատմության ուշագրավ էջեր է լուսաբանված Զ. Ղասաբյանի գրքուկում<sup>1</sup>: Նրանում վեր են հանված հայ և բուլղար ժողովուրդների պատմական դարավոր կապերը: Հեղինակը առանձնապես կանգ է առել ազգային-ազատագրական շարժումների ժամանակաշրջանում երկու ժողովուրդների համատեղ պայքարի հարցի վրա ընդդեմ օսմանյան դարավոր լծի: Գրքուկում լայն տեղ է տրված հետհոկտեմբերյան ժամանակաշրջանում հայ-բուլղարական բարեկամության, բուլղարահայ գաղթօջախի պատմության հետ կապված հարցերին:

Շարունակելով իր արդյունավետ աշխատանքը և գիտական շրջանառության մեջ դնելով բազմաթիվ նոր, արժեքավոր փաստեր, Զ. Ղասաբյանը լույս ընծայեց բուլղարահայ համայնքի պատմությանը նվիրված ավելի ամբողջական և ուշագրավ մի

<sup>1</sup> Տե՛ս Զ. Ղասաբյան, Հայ-բուլղարական բարեկամության պատմությունից, Եր., 1978:

<sup>1</sup> Տե՛ս Овнянн С., նշվ. աշխ., էջ 165:



աշխատություն<sup>1</sup>: Այստեղ հանգամանորեն լուսարանված է բուլղարահայ համայնքի սոցիալ-տնտեսական, հասարակական-քաղաքական և մշակութային կյանքը:

Աշխատության մեջ բացահայտված է բուլղարահայերի ակտիվ մասնակցությունը բուլղար ժողովրդի սոցիալական պայքարին, Բուլղարիայում ֆաշիզմի և կապիտալիզմի տապալման, սոցիալիստական կարգերի հաստատման համար մղված պայքարին: Հեղինակի ուշադրությունից չի վրիպել լուսարանելու բուլղարահայ համայնքի կապերը մայր հայրենիքի հետ, ինչպես նաև անդրադառնալու բուլղարահայերի ներգաղթին հոռհրդային Հայաստան:

Գրիգորիուպոլիսի հայկական գաղթավայրի պատմությանն է նվիրված պատմական գիտությունների թեկնածու Ժ. Անանյանի մենագրությունը<sup>2</sup>: Այն գրված է արխիվային վավերագրերի հիման վրա, որոնց զգալի մասը նոր է մտնում գիտական շրջանառության մեջ: Ուշագրավ է հեղինակի այն միտքը, որ Գրիգորիուպոլիսի պատմության ուսումնասիրությունը կարևորություն ունի ոչ միայն հայ-ուսական, այլև հայ-ուկրաինական, հայ-մոլդավական կապերի ստեղծման տեսակետից: Ուստի, գրում է նա, Գրիգորիուպոլիսի հայկական գաղութի պատմությունը կարևոր է ոչ միայն հայագիտության, այլև ուսական, ուկրաինական և մոլդավական պատմագրության համար:

Աշխատության մեջ ցույց են տրվում գաղթավայրի հիմնադրման նախադրյալները, նրա սոցիալական ու իրավական հարաբերությունները, տնտեսական ու հասարակական կյանքը: Այն գրված է ինչպես Ռուսաստանի, այնպես էլ Հայաստանի պատմության հետ սերտորեն առնչված, մանավանդ վեր է հանված գաղթօջախի հայերի մասնակցությունը XIX դարի առաջին երեք տասնամյակներում հայ ժողովրդի մղած ազատագրական պայքարին: Հետաքրքիր է, որ ինչպես Գրիգորիուպոլիսի, այնպես էլ Ռուսաստանի մյուս գաղթօջախների բնակիչները, Ռուսաստանը համարելով իրենց երկրորդ հայրենիքը, ակտիվորեն մասնակցել են 1812 թ. հայրենական և ռուս-պարսկական ու ռուս-թուրքական պատերազմներին: Միևնույն ժամանակ հեղի-

նակը ցույց է տվել, որ ինչպես Ռուսաստանի մյուս հայկական գաղթօջախների, այնպես և Գրիգորիուպոլիսի հայերը հիասթափվեցին 1826—1828 թթ. ռուս-պարսկական պատերազմից հետո ցարական կառավարությունից այն պատճառով, որ շատեղծվեց նրանց փափագած անկախ հայկական պետություն<sup>1</sup>:

Ժ. Անանյանի կարծիքով Գրիգորիուպոլիսի գաղթօջախի պատմական զարգացման հիմնական փուլերը համընկել են Ռուսաստանի մյուս հայկական գաղթօջախների զարգացման փուլերին, միայն այն տարբերությամբ, որ Գրիգորիուպոլիսի զարգացումն ընթանում էր ավելի արագ և այդ այն պատճառով, որ հայկական գաղթավայրերի նկատմամբ ցարիզմի վարած ներքին քաղաքականությունը այստեղ իրեն ավելի էր զգացնել տալիս: Սակայն, գրում է նա, այս գաղթօջախը փաստորեն տնտեսական և քաղաքական դեր է խաղացել մինչև XIX դարի առաջին կեսը, որից հետո թուլացել է նրա քաղաքական նշանակությունը, իսկ 1860—1870-ական թվականներից վերացել են նաև հայկական ինքնավարության մարմինների վերջին մնացորդները:

Հյուսիսային Կովկասի հայկական գաղթօջախներից մեկի՝ Արմավիրի պատմությանն է նվիրված պատմական գիտությունների թեկնածու Լ. Պողոսյանի մենագրությունը<sup>2</sup>: Հյուսիսային Կովկասի պատմության ընդհանուր ֆոնի վրա նրանում լուսարանված են գաղթօջախի ստեղծման քաղաքական, սոցիալ-տնտեսական նախադրյալները, նրա տնտեսական, հասարակական-քաղաքական և մշակութային կյանքը: Ցույց է տրված հատկապես Արմավիրի հայ գաղթօջախի մասնակցությունը Ռուսաստանի հեղափոխական շարժումներին: Փաստական նյութերի հիման վրա քննվում են գաղթօջախի կապերը Հայաստանի հետ:

Եզրիպատահայ գաղթավայրի պատմությունը շարադրված է պատմական գիտությունների թեկնածու Հ. Թոփուզյանի մենագրության մեջ<sup>3</sup>: Ժամանակակրական առումով այն ընդգրկում է եզրիպատահայ գաղթավայրի բազմադարյան պատմության ուշա-

<sup>1</sup> Տե՛ս Անանյան Ջ., նշվ. աշխ., էջ 266:

<sup>2</sup> Տե՛ս Погосян Л., Армянская колония Армавир, Е., 1981:

<sup>3</sup> Տե՛ս Հ. Թոփուզյան, Եզրիպատահայ հայկական գաղութի պատմություն (1805—1952), Եր., 1978:

<sup>1</sup> Տե՛ս Զ. Ղասարյան, Անարկներ բուլղարահայ համայնքի պատմության (1896—1970), Եր., 1986:

<sup>2</sup> Տե՛ս Անանյան Ջ., Армянская колония Григориполь, Е., 1969:



գրավ հատվածը՝ XIX դարի սկզբներից, այսինքն՝ Եգիպտոսի նոր պատմությունից, մինչև 1952 թվականի հակամարտության արևմտական-հակաֆեոդալական հեղափոխությունը: Աշխատությունում քննվում են եգիպտահայ գաղթավայրի պատմության հիմնական հարցերը՝ գաղթավայրի ներքին կյանքի զարգացումը, սոցիալ-տնտեսական և քաղաքական դրությունը, հայ-եգիպտական հարաբերությունները, եգիպտահայ քաղաքական կազմակերպությունները, նրանց դերը Հայկական հարցում և եգիպտահայ մշակույթը: Այն գրված է պարբերական մամուլի տվյալների, զգալի քանակությամբ արխիվային, այդ թվում՝ մի շարք նոր հայտնաբերված վավերագրերի, հայ և օտար լեզուներով հրատարակված գրականության խորագնին ուսումնասիրության հիման վրա: Միաժամանակ քննադատական մոտեցում է հանդես բերվել օգտագործված աղբյուրների ու գրականության նկատմամբ: Օրինակ, Հ. Թոփուզյանը առարկում է մի շարք հեղինակների, այդ թվում բազմապատակ պատմաբան Ա. Ալպոյաճյանին, որոնք XIX դարի առաջին կեսի եգիպտահայ գաղութի վերելքը բացատրում են Մոհամեդ Ալիի՝ հայերի նկատմամբ ունեցած սիրալիր վերաբերմունքով: Նրա կարծիքով, դրա համար կային ավելի լուրջ պատճառներ: «Եգիպտահայ գաղութի վերելքը, — գրում է նա, — հիմնականում արդյունք էր այն բարեփոխումների, որ առաջացան Մոհամեդ Ալիի (1805—1849) իրականացրած վարչական և տնտեսական ռեֆորմներով»<sup>1</sup>: Հ. Թոփուզյանը ցույց է տվել, որ եգիպտահայերը չէին ապրում ինքնամիտք, մեկուսացված համայնքի կյանքով: Մասնակցելով Եգիպտոսի սոցիալական, տնտեսական և քաղաքական կյանքի զարգացմանը, նրանք կերտել են նաև ուշագրավ արժեքներ: Եգիպտահայ գաղթավայրի պատմությունը սերտորեն կապելով Եգիպտոսի բուն պատմության հետ, Հ. Թոփուզյանը ցույց է տվել, թե ինչպես գաղութահայության վիճակը ամեն անգամ վատանում էր, երբ օտարերկրյա պետությունները ուժեղացնում էին իրենց միջամտությունը Եգիպտոսի ներքին գործերին: Աշխատության մեջ վեր է հանվել հայերի մասնակցությունը Եգիպտոսի անկախության համար մղված պայքարին, որը նոր թափ ստացավ անցյալ դարի սկզբներին: XIX դարի վերջին և XX դարի սկզբներին, գրում է նա, երբ վերսկսվում է հայ

գաղթականների հոսքը Եգիպտոս, էլ ավելի է մեծանում նրանց մասնակցությունը երկրի տնտեսական կյանքում:

Առանձին քննության առնելով այն հարցը, թե եգիպտահայերն ի՞նչ մասնակցություն են ունեցել Հայկական հարցի լուծման համար մղված համազգային պայքարին, հեղինակը գտնում է, որ եգիպտահայ հասարակայնության տարբեր խավեր պահանջում էին Բեռլինի պայմանագրի 61-րդ հոդվածի համաձայն բարելավումներ կատարել Արևմտյան Հայաստանում, սակայն տարբեր ձևով էին պատկերացնում դրա կենսագործումը: Կղերապահականողական վերնախավը, գրում է նա, հետևելով Կ. Պոլսի հայոց պատրիարքարանի քաղաքականությանը, թուրքական կառավարությունից էր սպասում արևմտահայերի վիճակի բարելավումը: Բուրժուական լիբերալները, արտահայտելով եվրոպական կապիտալի հետ կապված գաղութահայ առևտրական բուրժուազիայի շահերը, հայ ժողովրդի արևմտահայ հատվածի դրության բարելավումը ակնկալում էին եվրոպայից, հատկապես Անգլիայից: Ազգային ղեմկրատական գաղափարներով սոցորված խավերը, որոնց առավել համարձակ ներկայացուցիչները համախմբված էին «Հառաջագիմասեր» քնկերության մեջ, հայ ժողովրդի ազատությունը կապում էին Ռուսաստանի հետ<sup>1</sup>:

Աշխատության մեջ շոշափվում է նաև XX դարի սկզբներից եգիպտահայ գաղթավայրում գործող հնչակյան, սահմանադրական ռամկավար և դաշնակցություն կուսակցությունների գործունեությունը:

Շարունակելով արարական արևելքի երկրների հայ գաղթօջախների պատմության ուսումնասիրության ուղղությամբ իր շնորհակալ աշխատանքը, Հ. Թոփուզյանը հրապարակի վրա գրեց ծանրակշիռ մի նոր աշխատություն<sup>2</sup>: Այստեղ էլ հեղինակն օգտագործել և գիտական շրջանառության մեջ է դրել տարբեր լեզուներով բազմաթիվ սկզբնաղբյուրներ ու գրականություն: Գաղթօջախների պատմությունը քննվում է Մերձավոր արևելքի և համաշխարհային իրադարձությունների ֆոնի վրա: Այն սերտորեն կապվում է նաև արևմտահայության պատմության հետ: Աշխատության մեջ վերլուծվում են Սիրիայի և Լիբանանի սոցիալ-դասակարգային հարաբերությունները:

<sup>1</sup> Տե՛ս Հ. Թոփուզյան, նշվ. աշխ., էջ 151:

<sup>2</sup> Տե՛ս Հ. Թոփուզյան, Սիրիայի և Լիբանանի հայկական գաղթօջախների պատմություն (1841—1946), Եր., 1986:

<sup>1</sup> Հ. Թոփուզյան, նշվ. աշխ., էջ 14:



Չնայած սփյուռքահայ և խորհրդահայ պատմական գրականություն մեջ բավականաչափ լուսաբանված է հայերի նկատմամբ թուրքական ջարդարարների արյունարբու քաղաքականությունը, բացահայտված են նրանց բռնի տեղահանություններն ու հայակույլ քաղաքականությունը, ինչպես նաև ինքնապաշտպանական կռիվները, այդուհանդերձ հեղինակը արժեքավոր նյութերով նոր լրացումներ է կատարում: Մասնավորապես նորովի են ներկայացվում Մուսա լեռան հերոսամարտի պատմության շատ էջեր:

Հարուստ է աշխատության այն բաժինը, որը նվիրված է հայաշատ այդ երկու գաղթավայրերի 1918—1946 թթ. պատմությանը: Այստեղ հանգամանորեն խոսվում է Արևմտյան Հայաստանից և Կիլիկիայից հայ գաղթականության ներհոսի, որահավաքի, հայ դեմոկրատական կազմակերպությունների, քաղաքական կուսակցությունների կազմավորման, հայ-արաբական հարաբերությունների, նրանց համատեղ մղած հակաիմպերիալիստական պայքարի, Խորհրդային Հայաստանի հետ ունեցած առնչությունների և հայրենադարձության մասին:

Հայկական ԽՍՀ գիտությունների ակադեմիայում կուրելտիվ աշխատանք է կատարվել Ուկրաինայի հայկական գաղթօջախի պատմության ուսումնասիրության ուղղությամբ: Այդ կարևոր գործում ներգրավվել են նաև ուկրաինական գիտնականները: Գրա լավագույն վկայությունն են 1960-ական թվականներին Կիևում և Երևանում կազմակերպված հայ-ուկրաինական կապերի ու գաղթավայրերի պատմությանը նվիրված երեք զիւական նստաշրջանները, որտեղ զեկուցումներով հանդես են եկել հիմնականում հայ և ուկրաինացի գիտնականները: Այդ նստաշրջանների նյութերը հրատարակվել են երեք գրքերով՝ «Ուկրաինական և հայ ժողովուրդների պատմական կապերը և բարեկամությունը» ընդհանուր վերնագրով:

Հայ գաղթավայրերի պատմության ուսումնասիրության բնագավառում խորհրդահայ պատմաբանների կատարած աշխատանքը լուսաբանված է Վ. Ոսկանյանի և Վ. Բարխուդարյանի հոդվածում<sup>1</sup>: Հեղինակները ցույց են տվել ոչ միայն կատարվածը, այլև մատնանշել թերություններն ու բացերը:

Հոդվածում, մի կողմից, իրավացիորեն դիտողություն է արված գաղթավայրերի պատմությանը զբաղվող պատմաբանների՝ վերջիններս պետք է խուսափեն նկատվող երկու ծայրահեղություններից՝ գաղթավայրի պատմությունը շքնարկել տվյալ երկրի սոցիալ-տնտեսական և հասարակական-քաղաքական ընդհանուր միջավայրից կտրված և, մյուս կողմից, այդ պատմությունը շտաբալուծել երկրի ընդհանուր պատմության ու երկրորդական նշանակություն ունեցող մանրամասների մեջ: Ճիշտ է նաև այն, որ ուսումնասիրողները, խորանալով իրենց զբաղեցնող թեմաների մեջ, երբեմն այնքան են տարվում հետազոտվող նյութով, որ չափազանցության մեջ են ընկնում տվյալ գաղթավայրի խաղացած դերի գնահատման հարցում:

## 10. Աղբյուրների հրատարակումը

Անցած երկուս ու կես տասնամյակներում շոշափելի աշխատանք է կատարվել նաև նոր պատմության վերաբերյալ կարևոր փաստաթղթերի ժողովածուներ հրատարակելու ուղղությամբ:

Հայկական ԽՍՀ ԳԱ պատմության ինստիտուտը երկհատուրանոց արժեքավոր ժողովածուներ է հրատարակել հայ ժողովրդի կյանքում բախտորոշ դեր խաղացած պատմական իրադարձության՝ Ռուսաստանի հետ Արևելյան Հայաստանի միացման վերաբերյալ<sup>1</sup>: Դրանցում զետեղված են գիտական-քաղաքական կարևոր նշանակություն ունեցող վավերագրական բազմաթիվ նյութեր, որոնք լույս են սփռում XIX դարի սկզբի հայ ժողովրդի տնտեսական և սոցիալ-քաղաքական կյանքի պատմության վրա:

Հարկ է նշել, որ այստեղ զետեղված վավերագրերի զգալի մասը հրատարակվում է առաջին անգամ, խոսքի վասպանված են ժողովածուների հրատարակման համար սահմանված բոլոր կանոնները:

1985 թ. հրատարակվեց «Դեկաբրիստները Հայաստանի և Անդրկովկասի մասին» ժողովածուի առաջին մասը<sup>2</sup>, ուր ամ-

<sup>1</sup> Տե՛ս Վ. Присоединение Восточной Армении к России. Сборник документов, том I (1801—1830), Е., 1972, том II, Е., 1978.

<sup>2</sup> Տե՛ս Декабристы об Армении и Закавказье (сборник документов и материалов), часть первая, сост. и ред. проф. М. Г. Нерсисян, Е., 1985:

<sup>1</sup> Տե՛ս Վ. Ոսկանյան, Վ. Բարխուդարյան, Հայ գաղթավայրեր խորհրդահայ պատմագրության մեջ, ՀԽՍՀ ԳԱ «Լրաբեր», № 4, 1968:



ստեղծված են հայտնի ղեկաբրիստներ Ե. Լաշինովի, Մ. Պուշչինի և Ա. Գանգբերովի գրառումներն ու հիշողությունները: Այստեղ տեղ է գտել նաև արժեքավոր փաստաթղթերի մի հավելված Չեռնիգովյան զնդի այն շարքային զինվորների մասին, որոնք մասնակցել են 1825 թ. ղեկաեմբերի 14-ին Պետերբուրգի Սե-նատի հրապարակում տեղի ունեցած ապստամբությունը:

Անտարակույս, ժողովածուի փաստաթղթերը մեծ արժեք ունեն Կովկասի 1820-ական թվականների ռազմաքաղաքական կացություն, ինչպես նաև սոցիալ-տնտեսական կյանքի ուսում-նասիրման համար: Դրանք վկայում են ժամանակի հայ նշանա-վոր գործիչների հետ ղեկաբրիստների ունեցած կապերի, անձ-նական ծանոթությունների մասին: Բացի այդ, վավերագրերից ձրևում է, որ ղեկաբրիստները մտահոգված էին Պարսկաստանի և Թուրքիայի լծից Անդրկովկասի ժողովուրդների ազատագրման հարցով և համոզված էին, որ ռուսական զենքի հաղթանակը քախտորոշ նշանակություն կարող է ունենալ այդ ժողովուրդնե-րի հետագա ճակատագրի համար:

Արժեքավոր ժողովածու է հրատարակվել հայկական ցեղա-սպանություն մասին<sup>1</sup> (կազմողներ՝ Մ. Ներսիսյան և Ռ. Սահակ-յան):

Առաջին մասում ղեկողված վավերագրերը պատմում են սուլթան Աբդուլ Համիդի իշխանության (1876—1908 թթ.) ժա-մանակաշրջանի հայկական կոտորածների, երկրորդ մասը (1909—1918 թթ.) երիտթուրքերի կողմից կազմակերպված հայ-կական զանգվածային ջարդերի մասին:

Ժողովածուի առաջաբանում մասնավորապես ասված է, որ XIX դարի վերջին և XX դարի սկզբին հայ ժողովուրդը ծանր ող-բերգություն ապրեց: Այդ ժամանակաշրջանում Օսմանյան կայս-րության մեջ բարբարոսաբար կոտորվեց շուրջ երկու միլիոն հայ և լրիվ ամալացավ ամբողջ Արևմտյան (Թուրքական) Հայաստա-նը: Այդ սոսկալի ողբերգությունը, նշվում է այնտեղ, աննախա-ղեպ էր համաշխարհային պատմության մեջ:

Հենվելով փաստական հարուստ տվյալների վրա, ժողովա-ծուի առաջաբանում ցույց են արված հայերի զանգվածային ջարդերի պատճառները: Այստեղ հիշատակվում է արյունարբու

սուլթան Համիդի հաճախ կրկնվող այն ցինիկ հայտարարույթու-նը, թե Հայկական հարցը լուծելու համար հարկավոր է ջարդել հայ ժողովրդին: Աբդուլ Համիդի արյունալի քաղաքականույթու-նը, գրում է առաջաբանի հեղինակ Մ. Ներսիսյանը, ամբողջովին ժառանգեցին նրա հետնորդները՝ երիտթուրքերը: «Լինելով կա-տաղի շովինիստներ ու պանթուրքիստներ, նրանք ավելի դա-ժան եղան»<sup>1</sup>:

Անդրադառնալով զոհված հայերի ընդհանուր թվին, պատ-մարանը գտնում է, որ այդ հարցի մանրակրկիտ ուսումնասի-րությունը կասկած չի հարուցում, որ կարմիր սուլթանի իշխա-նության տարիներին զոհվել է շուրջ 300 հազար, իսկ երիտթուր-քերի կառավարման տարիներին՝ մեկկես միլիոն հայ: Մո-տավորապես 800 հազար գաղթականներ ապաստան գտան Կով-կասում, Արաբական արևելքում և ուրիշ երկրներում: Բնորոշ է- այնուհետև գրում է Մ. Ներսիսյանը, որ եթե 1870-ական թվա-կաններին Արևմտյան Հայաստանում և ընդհանրապես ամբողջ թուրքական կայսրությունում ապրում էր ավելի քան 3 միլիոն հայ, ապա 1918 թվականին՝ ընդամենը 200 հազար: Հենց դա զենոցիդի քաղաքականություն էր<sup>2</sup>:

Ինչպես նշվում է առաջաբանում, երիտթուրքերի կառավարու-թյանը հովանավորում էր Թուրքիայի «ղաշնակից» կազմակերպական Գերմանիան: Ելնելով Մերձավոր արևելքում և Կովկասում իր ազդեցիվ պլաններից, Գերմանիան ամեն կերպ աջակցում էր թուրքական վանդալներին հայ բնակչության բռնազաղթն ու ջարդերը կազմակերպելու գործում: Անպաշտպան հայերի նկատ-մամբ փարիսեցիական դիրք էին զրավել եվրոպական մյուս տե-րությունները, ինչպես նաև Ամերիկայի Միացյալ Նահանգները: Դրան հակառակ, ասված է առաջաբանում, հայ ժողովրդի ող-բերգության դեմ իրենց բողոքի ձայնը բարձրացրին ժամա-նակի առաջադեմ ուժերը:

Ժողովածուում ղեկողված փաստաթղթերն ու նյութերը վերց-ված են տարբեր աղբյուրներից, ունեն տարբեր արժեքներ և նշանակություն: Ընդհանուր առմամբ դրանք ձիշտ պատկերա-ցում են տալիս հայ ժողովրդի մեծագույն ողբերգության մա-սին, սակայն, ավելացնում է նա, մի շարք նյութեր բովանդա-

<sup>1</sup> Տե՛ս: Геноцид армян в Османской империи (сборник документов и материалов под ред. проф. М. Г. Нерсисяна), Е., 19-6:

<sup>1</sup> Геноцид армян..., с. 8.

<sup>2</sup> Տե՛ս նույն տեղը, էջ XI—XII:



կում են այնպիսի պնդումներ, որոնց հետ չի կարելի համաձայնվել: Այսպես, գրում է նա, հատկապես սուլթան Աբդուլ Համիդի իշխանության ժամանակին վերաբերող առանձին վավերագրերում ընթերցողը չի գտնի պարզ և ճիշտ բացատրություն հայկական կոտորածների մասին: Դրանցում գերագնահատվում է «խաժամուժի մուսուլմանաֆանատիզմը» և քրդական ցեղերի «հակվածությունը կողոպուտի նկատմամբ»<sup>1</sup>: Մինչդեռ, իրավացիորեն գրում է առաջաբանի հեղինակը, լավ հայտնի է, որ հայերի բոլոր զանգվածային շարժերի կազմակերպիչները եղել են թուրքական կառավարությունն ու նրա տեղական մարմինները, որոնք իրենց առաջ նպատակ էին դրել բոլոր միջոցներով կենսագործել հայերի ցեղասպանության քաղաքականությունը, մի բան, որը անցյալ դարի վերջերից սկսած դարձել էր Թուրքիայի պետական քաղաքականությունը:

Մի շարք նյութեր, գրում է Մ. Ներսիսյանը, կարող են այնպիսի տպավորություն թողնել, որ իբր մեծ տերությունները լըր-չորեն մտահոգված են եղել Արևմտյան Հայաստանում կատարված արյունալի իրադարձություններով, իբր նրանք քայլեր են կատարել Հայկական հարցի լուծման ուղղությամբ: «Այդ, — գրում է նա, — մեզմ ասած, բացահայտ անճշտություն է, որը տարածել են «քաղաքակիրթ» տերությունների պաշտոնական և անպաշտոն ներկայացուցիչները»<sup>2</sup>: Կարդալով մի շարք վավերագրեր, ասված է առաջաբանում, կարելի է հանգել այն եզրակացության, որ իբր թուրքական կառավարության արյունոտ քաղաքականությունը չի հանդիպել հայերի արժանի դիմադրությանը: Մինչդեռ այդպիսի եզրակացությունը սխալ կլինի: Չնայած ծանր պայմաններին և ուժերի անհավասարությանը, հայերը, ինչպես ցույց են տալիս փաստերը, մեկ անգամ չէ, որ դեմքը ձեռքին դուրս են եկել համիդյան և երիտթուրքական դահիճների դեմ, հերոսաբար կռվել հանուն իրենց պատվի, ազգային արժանապատվության, ֆիզիկական գոյության:

1982 թ. լույս տեսավ ժողովածուի երկրորդ, լրացված հրատարակությունը: Այստեղ ամփոփվել են նոր, արժեքավոր վավերագրական նյութեր, որոնք նոր լույս են սփռում հայկական կոտորածների պատմության վրա:

Որոշ դրույթներով լրացվել, հրատարակվել է նաև ժողովածուի առաջաբանը: Այսպես, նոր վավերագրերով ու նոր ուժով է մերկացվում երիտթուրքերի քաղաքականությունը: Երիտթուրքերի պարագլուխները, ասվում է առաջաբանում, մինչև իշխանության գլուխ անցնելը կեղծավորաբար հաճախ էին խոսում ազատության, ժողովուրդների եղբայրության, դեմոկրատիայի մասին, սակայն երբ իշխանություն ձեռք բերեցին, դարձան դատան բռնակալներ և շարժարարներ: Ժողովածուում մեծ տեղ է հատկացված հայկական բնակչության բռնագաղթի փաստերին: Քերված են ֆրանսիական հրապարակախոս Ռենե Պինոնի և Թուրքիայում ԱՄՆ-ի դեսպան Հ. Մորգենթաուի, գերմանացի դոկտոր Լեփսիուսի և ուրիշների ասույթներն այն մասին, որ բռնագաղթը հայերին կողոպտելու և բնաջնջելու մեթոդներից մեկն էր: «Արտոը ոչնչացում է»՝ ասված է Թալեսթ փաշայի հրամաններից մեկում: Ժողովածուի առաջաբանում վերոհիշյալ միտքը հաստատող տվյալներ են բերված: Օրինակ, 18 հազար բռնագաղթած էրզրումի հայերից նշանակման վայրն են հասել ընդամենը 150 մարդ: Խարբերդի, Ակնի, Թոքաթի և Սեքաստիայի 18 հազար տեղահանվածներից կենդանի են մնացել միայն 350-ը և այլն: Ուշագրավ փաստեր կան այն մասին, որոնք երիտթուրքերի շտեմնված բարբարոսությունները շատ բանով նմանեցնում են երկրորդ համաշխարհային պատերազմի տարիներին հիտլերականների կատարած ոճրագործություններին:

Առաջաբանի վերջում նշվում է, որ հայերի ցեղասպանության մասին տարբեր երկրներում, տարբեր ազգությունների ներկայացուցիչների կողմից հրատարակվել է հսկայական գրականություն՝ գիտական աշխատություններ, ակնարկներ, հիշողություններ, հոդվածներ, նյութերի ժողովածուներ և այլն: Բավականին արժեքավոր նյութեր գրվեցին, իսկ հետո նաև հրատարակվեցին 1965 և 1975 թվականներին՝ Մեծ եղեռնի հիսնամյա և վաթսուամյա տարելիցներին: Սակայն, գրում է Մ. Ներսիսյանը, դարմանալի է, որ ժամանակակից Թուրքիայի շատ պետական գործիչներ և մտավորականներ, կեղծելով պատմական իրողությունը, ջանում են ժխտել հայերի ցեղասպանությունը թուրքական կայսրության մեջ: «Ինչ կասեն պատմության կեղծարարները, —

<sup>1</sup> Տե՛ս Դեոցիա ձրմյառ... էջ XIV:

<sup>2</sup> Նույն տեղը, էջ XX:



գրում է նա,— այս ժողովածուի անհերքելի վավերագրերի դիմաց»<sup>1</sup>։

Երկար ժամանակ զգացվում էր Հայաստանին վերաբերող միջազգային դիվանագիտական փաստաթղթերի, պայմանագրերի հայերենով հրատարակվելու անհրաժեշտությունը։ Այդ տեսակետից դրվատանքի է արժանի 1972-ին հրատարակված ժողովածուն, որը կազմել են Ջ. Կիրակոսյանը և Ռ. Սահակյանը<sup>2</sup>։

Ժողովածուի մեջ ղետեղված նյութերն ընդգրկում են պատմական մի մեծ ժամանակաշրջան՝ 1828 թ. Թուրքմենչայի պայմանագրից մինչև 1922—1923 թթ. Լոզանի կոնֆերանսում Հայկական հարցի քննարկումը։ Այն բաղկացած է երեք մասից։ Առաջին մասը՝ Հայաստանը միջազգային դիվանագիտության փաստաթղթերում, որը ժողովածուի ամենահարուստ մասն է, ներառում է 1828—1917 թվականները, երկրորդը՝ Հայաստանը խորհրդային արտաքին քաղաքականության փաստաթղթերում, ընդգրկում է 1917—1922 թվականները՝ Հոկտեմբերյան հեղափոխությունից մինչև ԽՍՀՄ-ի կազմավորումը և երրորդը՝ վերնագրված է «Արևմտասկզբայական դիվանագիտությունը և Հայաստանը 1918—1923 թթ.»։

Անշուշտ, դժվար կլիներ մեկ, թեկուզև նման ստվարածավալ ժողովածուի մեջ ղետեղել Հայաստանին, Հայկական հարցին վերաբերող դիվանագիտական բոլոր փաստաթղթերը, ուստի ժողովածուն կազմողները ընդգրկել են առավել կարևոր, բացառապես պետական, պաշտոնական փաստաթղթերը՝ պայմանագրեր, համաձայնագրեր, վերջնագրեր, հուշագրեր, դեսպանների և դիվանագիտական այլ պաշտոնատար անձանց ղեկուցագրեր, գրագրություններ, նոթագրություններ, արձանագրություններ և այլն։

Ժողովածուի ընդարձակ առաջաբանը գրել է Ջ. Կիրակոսյանը։ Այն պատմական համառոտ ակնարկ է, որն ընդգրկում է XIX դարի սկզբներից մինչև 1920-ական թվականների սկիզբն ընկած ժամանակաշրջանը։ Անկախությունից և պետականությունից զուրկ հայ ժողովուրդը, նշում է պատմաբանը, չէր կա-

րող միջազգային հարաբերություններում, դիվանագիտական պրակտիկայում սուբյեկտ հանդիսանալ, ուստի նա եղել է մեծ տերությունների ռազմական բախումների, դիվանագիտական մրցապայքարի օբյեկտ։

Բնութագրելով Թուրքմենչայի և Ադրիանապոլսի պայմանագրերը հայ ժողովրդի համար, Ջ. Կիրակոսյանը գրում է, որ եթե առաջին պայմանագրով Արևելյան Հայաստանը միացավ Ռուսաստանին, որն առաջադիմական դեր խաղաց հայ ժողովրդի ճակատագրում, ապա երկրորդ պայմանագրով Արևմտյան Հայաստանը շարունակեց մնալ Թուրքիայի տիրապետության տակ, ենթարկվելով զանգվածային բռնագաղթի և բնաջնջման։ Ադրիանապոլսի պայմանագրում, նշում է նա, արտահայտվեց ռուսական ղեկավարների հաջողության և եվրոպական դիվանագիտության քաջասական դերի իրարամերժ բնույթը։ Հայտնի է, որ եվրոպական տերությունների, առաջին հերթին Անգլիայի, ճնշման տակ Ռուսաստանն Օսմանյան կայսրությանը վերադարձրեց Կարսը, Բայազետը, Էրզրումը։

Ժողովածուի մեջ շատ կարևոր վավերագրեր կան Հայկական հարցի վերաբերյալ, այդ թվում Սան Ստեֆանոյի և Բեռլինի պայմանագրերը։ Սրանք այն փաստաթղթերն էին, իրավացիորեն գրում է Ջ. Կիրակոսյանը, որոնցով սկիզբ է առնում Հայոց հարցի դիվանագիտական պատմությունը, հայ հասարակական-քաղաքական կյանքում եվրոպական դիվանագիտության օգնությունը Թուրքական լուծը թողնելու, հայերի անկախությունն ապահովելու մտայնությունն ու գործելակերպը։ «Սա այն 16-րդ և 61-րդ հոդվածներն են,— գրում է Ջ. Կիրակոսյանը,— որոնք տանամայակներ շարունակ օրորելու էին հայկական ազգային ու ազգայնական կուսակցություններին, հոգևոր սնունդ էին հանդիսանալու նրանց ռոմանտիկ ծրագրերի համար, թվալու էին իրագործելի, բայց մնալու էին և մնացին անօգուտ թղթի կտորներ, բացի վնասից, ոչ մի լավ բան չտալով բազմաշարքար հայ ժողովրդին»<sup>1</sup>։

Այս բաժնում բերված վավերագրերի հիման վրա Ջ. Կիրակոսյանը հանգում է այն եզրակացության, որ «հայությունը կարծում էր, թե այսուհետև Հայաստանը դառնալու է եվրոպական տերությունների մտահոգության առարկա։ Իրականում հա-

<sup>1</sup> Геноцид армян..., с. 16.

<sup>2</sup> Տե՛ս Հայաստանը միջազգային դիվանագիտության և խորհրդային արտաքին քաղաքականության փաստաթղթերում (1828—1923 թթ.), պրոֆ. Ջ. Կիրակոսյանի խմբագրությամբ, Եր., 1972։

<sup>1</sup> Հայաստանը միջազգային դիվանագիտության... էջ 18։



յերը դառնում էին դիվանագիտական առուծախի առարկա»<sup>1</sup>։ Եվրոպական իմպերիալիստների համար Հայկական հարցը սոսկ միջոց էր ուզած ժամանակ Օսմանյան կայսրության ներքին գործերին միջամտելու համար։

Ժողովածուում լայնորեն են ներկայացված առաջին համաշխարհային պատերազմի նախօրյակին 1912—1914 թթ. Հայկական հարցի վերաբացմանը, հայկական բարենորոգումներին վերաբերող միջազգային դիվանագիտության փաստաթղթերը։ «Հայկական հասարակական կարծիքի վարդազույն սպասումները և եվրոպական տերությունների շահագիտական դիրքորոշման տարբերությունն է,— գրում է նա,— որ աչքի է զարնում ժողովածուի էջերում բերված վավերագրերում»<sup>2</sup>։

Ժողովածուում զետեղված փաստաթղթերը պարզում են Մեծ եղեռնի որոշ մանրամասներ, հատկապես հայ ժողովրդի սղերբություն մեջ եվրոպական դիվանագիտության նենգ դերը։

Խորհրդային արտաքին քաղաքականության փաստաթղթերը բացահայտում են Հայաստանի շահերը պաշտպանելու Մոսկվայի ջանքերը։ Այդ բաժնում բերված են Հայաստանին վերաբերող լենինյան ասույթները, որոնք վկայում են պրոլետարիատի առաջնորդի սկզբունքային դիրքորոշումը հայ ժողովրդի ազատագրության հարցում։ Ջ. Կիրակոսյանը իրավացիորեն նշում է, որ «Թուրքահայաստանի մասին» խորհրդային կառավարության դեկրետը նոր ժամանակների դիվանագիտության պատմության մեջ, միջազգային հարաբերությունների պրակտիկայում առաջին փաստաթուղթն էր, որով ճանաչվում էր հայ ժողովրդի ազատ ինքնորոշման, սեփական պետականություն ստեղծելու իրավունքը<sup>3</sup>։ Որոշակի հետաքրքրություն են ներկայացնում 1920—1921 թթ. խորհրդա-թուրքական (քեմալական) հարաբերություններում Հայաստանին վերաբերող դիվանագիտական փաստաթղթերը։

Կարևոր փաստաթղթեր և նյութեր է պարունակում պրոֆ. Խ. Բաղալյանի կազմած ժողովածուն<sup>4</sup>, որը հիմնականում 1962-ին

հայերեն լույս տեսած ժողովածուի ուսերեն հրատարակությունն է որոշ լրացումներով<sup>1</sup>։

Հրատարակվել են նաև մի շարք ժողովածուներ, որոնց մեջ զետեղվել են բուլղարական մամուլի նյութերը Անդրկովկասի և Հայաստանի մասին<sup>2</sup>։

Գիտական որոշակի արժեք է ներկայացնում պրոֆ. Թ. Հակոբյանի կազմած ժողովածուն, ուր ամփոփված են Երևան քաղաքի պատմության վերաբերյալ բազմաթիվ կարևոր վավերագրեր<sup>3</sup>։ Ժողովածուն ընդգրկում է Արևելյան Հայաստանի միացումից մինչև Հոկտեմբերյան հեղափոխությունն ընկած ժամանակաշրջանի պատմությունը։ Նրանում զետեղված նյութերը ակնառու կերպով ցույց են տալիս Երևանի զարգացումն այդ ժամանակաշրջանում։ Փաստաթղթերը ժողովածուում դասավորված են ըստ թեմատիկայի և ժամանակագրական կարգի։ Ժողովածուում ամփոփված են Երևանի քաղաքական պատմության, վարչական վիճակի, սոցիալ-տնտեսական ու մշակութային էջանքի, հեղափոխական-ազատագրական շարժումների և այլ բնագավառների վերաբերյալ արժեքավոր փաստաթղթեր։

## 11. Հայ մշակույթի պատմությունը

Մեծ է հայ պատմաբանների ավանդը ոչ միայն մեր ժողովրդի սոցիալ-տնտեսական ու քաղաքական, այլև մշակույթի պատմության գիտական հետազոտության բնագավառում։

Այդ կարևոր պրոբլեմը լուսաբանվել է ինչպես հայ ժողովրդի պատմությանը նվիրված ամբողջական աշխատություններում, այնպես էլ առանձին մենագրություններում ու գիտական հոդվածներում։

Հայկական մշակույթի պատմությունը համառոտակի շարադրված է Երևանի պետական համալսարանի հրատարակած

<sup>1</sup> Տե՛ս Գերմանա-թուրքական օկուպանտները Հայաստանում 1918 թ., Եր., 1962։

<sup>2</sup> Տե՛ս Центральные газеты РСДРП о Закавказье. 1905 г. (сборник), Е., 1965. «Правда» (1912—октябрь 1917) «Социаль-демократ» (1908—1917) о Закавказье (сборник), Е., 1968. Большевицские газеты «Пролетарий» и «Звезда» о Закавказье (1906—1912) (сборник), Е., 1970. «Правда» об Армении (сборник), Е., 1973։

<sup>3</sup> Տե՛ս Թ. Հակոբյան, Երևանի զարգացումը Արևելյան Ռուսաստանի հետ միավորվելուց հետո (Փաստաթղթերի ժողովածու), Եր., 1978։

<sup>1</sup> Հայաստանը միջազգային դիվանագիտության... էջ 21։

<sup>2</sup> Նույն տեղը, էջ 35։

<sup>3</sup> Տե՛ս նույն տեղը, էջ 43—44։

<sup>4</sup> Տե՛ս Из истории иностранной интервенции в Армении в 1918 году, Е., 1970։



«Հայ ժողովրդի պատմության» մեկհատորյակում: Այստեղ Մ. Ներսիսյանը նշում է, որ XIX դարում հայկական մշակույթը զգալի վերելք ապրեց, նկատելի հաջողություններ ունեցան զբարոցական գործը, մամուլն ու գիտությունը, զարգացան գրականությունն ու արվեստը: Միանգամայն ճիշտ է նրա այն կարծիքը, թե ինչպես նախորդ մի քանի դարերի ընթացքում, այնպես էլ այս ժամանակահատվածում մշակութային օջախները մեծ մասամբ գտնվում էին բուն Հայաստանի սահմաններից դուրս՝ հայ գաղթավայրերում:

Մ. Ներսիսյանը ևս անցյալ դարի երկրորդ կեսին հայ մշակույթի վերելքին նպաստող գործոններ է համարում կապիտալիզմի զարգացումը, հայ ժողովրդի, որպես ազգություն, կազմավորման պրոցեսի ավարտումը, ազգային-ազատագրական շարժումները, դասակարգային պայքարի սրումը: Հայ ժողովրդի հասարակական-քաղաքական կյանքի զարթոնքին նպաստել են նաև Ռուսաստանի, Ֆրանսիայի և Իտալիայի հեղափոխական շարժումները և այլն: Նրա կարծիքով, արևելահայ մշակույթի զարգացման վրա առանձնապես զգալի ազդեցություն ունեցավ ռուսական առաջավոր և հարուստ մշակույթը, իսկ արևմտահայ մշակույթի վրա՝ ֆրանսիականը:

Անշուշտ, գիրքը կշահեր, եթե տեղ հատկացվեր 1900—1917 թթ. հայ մշակույթի հարուստ պատմությանը, հայ պրոլետարական գրականության սկզբնավորմանը: Ճիշտ է, Գր. Զոհրապի, Գ. Վարուժանի, Միամանթոյի անունները հիշատակվում են, բայց այլ զլխում՝ եղեռնի կապակցությամբ, իսկ հայ գրականության այնպիսի ականավոր դեմքեր, ինչպիսիք են Մուրացանը, Մեծարենցը, Տերչանը, Փափաղյանը, բնավ չեն հիշատակվում: Ոչինչ չի ասված նաև մշակույթի մյուս կարևոր ճյուղերի՝ արվեստի, պարբերական մամուլի, հրապարակախոսության, դպրոցական գործի, գիտության զարգացման մասին:

Հայ մշակույթի պատմությունը համեմատաբար ավելի ծավալուն է շարադրված «Հայ ժողովրդի պատմության» V և VI հատորներում: V հատորի այդ բաժնի հեղինակներ, գիտության գոհաբերներ Գ. Ստեփանյանը (լուսավորություն, գիտություն,

մամուլ, թատրոն), Ս. Սարինյանը (գրականություն), Մ. Ղազարյանը (կերպարվեստ), Մ. Մուրադյանը (երաժշտություն) և Վ. Հարությունյանն (ճարտարապետություն) ընդգծել են այն իրողությունը, թե թուրք-պարսկական տիրապետության ժամանակաշրջանում Հայաստանի համար ստեղծված ծանր պայմանների պատճառով XVIII դարի վերջին տասնամյակներում և XIX դարի արշալույսին մտավոր աշխուժություն է նկատվում մայր հայրենիքից հեռու հայ գաղթօջախներում, ինչպես Ռուսաստանի, այնպես էլ Անդրկովկասի հայաբնակ վայրերում: Ըստ ամենայնի է գնահատված Ռուսաստանին Անդրկովկասի միացումը, որը բարերար ազդեցություն ունեցավ ոչ միայն հայ, այլև երկրամասի մյուս ժողովուրդների մտավոր կյանքի վրա: Եթե մինչ այդ իշխող կղերական գաղափարախոսությունն էր, ասված է այնտեղ, ապա Ռուսաստանին միանալուց հետո երկրամասում ապրող ժողովուրդների մտավոր զարգացման համար անհամեմատ լայն հեռանկարներ բացվեցին: Ռուսաստանից Կովկաս էին թափանցում առաջավոր գաղափարներ:

Հատորում մեծ նշանակություն է տրված հայկական տպարանների ստեղծմանն ու նրանց եռանդուն գործունեությանը, վերջիններիս դերին՝ լուսավորության, գիտության և մամուլի զարգացման գործում:

Դրվատանքով է խոսվում Կ. Պոլսում ստեղծված հարյուրից ավելի այն ընկերությունների մասին, որոնք հսկայածավալ գործ կատարեցին լուսավորության, կրթության, ինչպես նաև արվեստի զարգացման ուղղությամբ:

Դպրոցների, նրանց խաղացած դրական դերի մասին խոսելիս Գ. Ստեփանյանը բացահայտել է այն պայքարը, որ մղվում էր դպրոցի աշխարհականացման համար, այն հալածանքը, որ ծավալում էր հայ եկեղեցին նոր գաղափարներ բարոզող մանկավարժների, հայ լուսավորիչների դեմ: XIX դարի հայկական նշանավոր դպրոցների մասին խոսելիս Գ. Ստեփանյանը հատկապես բարձր է գնահատում Լազարյան ճեմարանի գործունեությունը, թեև, նրա կարծիքով, նշանավոր այդ կրթօջախի բոլոր առավելություններով հանդերձ չէր կարող կատարել այն դերը, ինչ կատարեց հայ իրականության ծոցում հիմնադրված լուսավորության այնպիսի օջախ, ինչպիսին Թիֆլիսի Ներսիսյան դպրոցն էր:

Հաջող է շարադրված հայ պարբերական մամուլի բաժինը:

\* Ի դեպ, հեղինակները, հաշվի առնելով մեր գիտությունները (տե՛ս «Լենինյան ուղիով», 1974, № 4), գիրքը վերահրատարակելիս լրացրել են այդ բացը՝ առանձին գլուխ նվիրելով XX դարի սկզբի հայ մշակույթի պատմությանը:



Այստեղ բացահայտված է հատկապես առաջադիմական, ղեմուկրրատական մամուլի խաղացած դերը հայ հասարակական-քաղաքական և մշակութային կյանքում: Հայ պարբերական հրատարակությունները բնութագրված են որպես տարբեր հոսանքների գաղափարակիրներ, որոնք շեշտված դիրքորոշում են ունեցել հասարակական-քաղաքական հրատապ այնպիսի խնդիրների նկատմամբ, ինչպիսիք էին ազրարային հարցը, հայ ժողովրդի ազգային-ազատագրական պայքարի, ազգային մշակույթի զարգացման, աշխարհաբար գրական լեզվի մշակման հարցերը և այլն<sup>1</sup>:

Գ. Ստեփանյանը բարձր է գնահատում Մխիթարյան կաթուղի վարդապետների հրատարակած պարբերականները, հատկապես «Բազմավեպը», գտնելով, որ այն աշխարհիկ հակում է ունեցել և, լինելով հայերին սրտամոտ, արձագանքել է նրա առաջավոր գաղափարներին (հատկապես 20—40-ական թվականներին): «Մեղու Հայաստանի» թերթը, նրա կարծիքով, սկզբում արևելահայ կղերավատական, իսկ հետո ազգային-պահպանողական ուղղության պարբերական էր, թեև ավելի ուշ, մասնավորապես Պ. Սիմոնյանի խմբագրության շրջանում, տպագրում էր նաև առաջադիմական հոդվածներ: Հայ իրակախության մեջ Բեյինսկու գաղափարները մուտք են գործել շնորհիվ այդտեղ տպագրված նյութերի: Նույնը կարելի է ասել «Կոունկ հայոց աշխարհին» պարբերականի մասին: «Մնալով հանդերձ ազգային-պահպանողական հոսանքի գաղափարախոս,— գրում է Գ. Ստեփանյանը,— այն իր էջերում լայն տեղ է տալիս ղեմուկրատական խավերի տրամադրություններն արտահայտող գրողներին, հրապարակախոսներին»<sup>2</sup>:

Մշակույթի բաժնում հաջող է շարադրված նաև հայագիտությանը նվիրված մասը: Այստեղ վեր է հանված ինչպես հայ, այնպես էլ օտարազգի հայագետների բեղմնավոր գործունեությունը: Գիտական բարձր մակարդակով են գրված գրականությունը և արվեստին վերաբերող գլուխները:

1870—1917 թթ. հայկական մշակույթի պատմությունը շարադրված է «Հայ ժողովրդի պատմություն» VI հատորում: Նրա հեղինակներն են՝ Վ. Երկանյանը (ընդհանուր ակնարկ, դպրոց, պատմագիտություն), Մ. Մկրյանը (գրականություն), Ս. Մելիք-

սեթյանը (թատրոն), Մ. Մուրադյանը (երաժշտություն), Վ. Հարությունյանը (ճարտարապետություն), Մ. Ղազարյանը (կերպարվեստ), Խ. Բարսեղյանը և Գ. Մաղոյանը (մամուլ), Ս. Հարությունյանը (հայագիտություն), Գ. Կարախանյանը (հնագիտություն), Գ. Վարդումյանը (ազգագրություն), Ն. Թովմասյանը (տնտեսագիտություն), Վ. Սեյանը (փիլիսոփայություն) և մի խումբ այլ գիտնականներ՝ Վ. Ազատյանը, Բ. Թումանյանը և Մարջանյանը, է. Մալխասյանը, Ա. Կծոյանը (բնական գիտություններ): Իրավացիորեն նշվում է, որ յուրաքանչյուր տնտեսական ու հասարակական ժամանակաշրջան իր կնիքն է դնում մշակույթի զարգացման վրա: Եթե նախկինում բուրժուական հարաբերությունները հայ իրականության մեջ առավել դրսևորվում էին հայկական գաղթօջախներում, ապա XIX դարի կեսերից այդ հարաբերությունները թափանցում են նաև Հայաստան, ուր ավելի էին ծավալվել ազատագրական շարժումները, ուժեղացել հայ ժողովրդի ազգային համախմբման պրոցեսը և այլն: Այդ ամենն էլ պայմանավորում էր հայկական մշակույթի աննախընթաց զարգացումը: Հայկական հարցի արձարծումները նոր խնդիրներ են առաջադրում մշակույթի գործիչներին:

Հատորում ճիշտ է նշված, որ այդ ժամանակաշրջանի հայկական մշակույթի զարգացումն ուներ մի շարք առանձնահատկություններ: Գրանցից մեկն այն էր, որ դարեր շարունակ պետականությունից զրկված հայ ժողովրդի գիտության ու մշակույթի գործիչները հիմնականում գործում էին կրոնական հաստատությունների շրջանակներում: Նոր ժամանակներում, սակայն, կյանքի ընդհանուր առաջընթացը, Ռուսաստանում և Եվրոպայում կրթություն ստացած երիտասարդ մտավորականության ջանքերը, առաջադիմական գաղափարների տարածումը, կղերաֆեոդալական գաղափարախոսության ղեմ ծավալված պայքարը մեծապես նպաստեցին հասարակական նախաձեռնության զարգացմանը: Հրապարակ եկան ընկերություններ ու միություններ, որոնք կարևոր դեր խաղացին լուսավորության տարածման, գրականության ու արվեստի զարգացման գործում: Հիշատակվում է նաև այն հանգամանքը, որ հայ ժողովրդը պատմության ճակատագրի բերումով բաժանված լինելով երկու հիմնական հատվածների, ստիպված էր իր մշակույթը

<sup>1</sup> Տե՛ս Հայ ժողովրդի պատմություն, հ. V, էջ 589:

<sup>2</sup> Նույն տեղը, էջ 584:

<sup>1</sup> Տե՛ս Հայ ժողովրդի պատմություն, հ. VI, էջ 749—750:



դարգացնել հասարակական-քայաքական տարրեր պայմաններում: Դրան ավելացրած նաև այն, որ նրա մի խոշոր հատվածը՝ գաղութահայությունը, հայրենիքից դուրս նույնպես ստեղծել է մշակութային նշանակալի արժեքներ:

Թեև նման պայմաններում զարգացող հայկական մշակույթն ունեցավ իր արտահայտման տարրեր ձևերն ու դրսևորումները, ասված է հատորում, այնուամենայնիվ նրա համար բնորոշ էին ընդգծված ընդհանրությունները: «Այդ միասնական, համընդհանրության ամենաէական հիմքերն էին ողջ հայ ժողովրդի դարերով պահպանած հոգևոր ընդհանրությունը, բազմադարյան մշակույթի հարազատ ավանդույթների պահպանումն ու փոխանցումը նոր սերունդներին, միասնական հայրենիքից զրկված ժողովրդի սոցիալական ու ազգային ազատագրության, գոյատևման ու միավորման անմար ձգտումը»<sup>1</sup>: Հատորում նշվում է, որ նախորդ տասնամյակներում հայկական մշակույթը հիմնականում զարգանում էր բուն հայրենիքի սահմաններից դուրս: Արևելահայ մշակույթի առաջավոր գործիչներն ապրում ու ստեղծագործում էին մեծ մասամբ Մոսկվայում, Պետերբուրգում, Քիֆիսում, Նոր Նախիջևանում, Ղրիմում, Աստրախանում, Կալկաթայում: Արևմտահայ մշակույթի կենտրոնը Կ. Պոլիսն էր, որտեղ գործում էր գրողների, հրատարակիչների, արվեստագետների, մանկավարժների մեծ մասը: Նշանավոր կենտրոններ էին նաև Ջմյուռնիան, Փարիզը, Երուսաղեմը, Կահիրեն, Վենետիկը և Վիեննան<sup>2</sup>:

Սակայն 1870-ական թվականներից սկսած կրթական ու մշակութային շարժումը թափանցեց հայկական գավառները, ստեղծվեցին ու աշխուժացան նոր օջախներ (Երևան, Ալեքսանդրապոլ, Շուշի, Վան, Կարին): 1915 թվականից հետո թուրքական կառավարության կաղամակերպած արևմտահայության բնաջնջման ու արտաքսման հետևանքով փաստորեն դադարեց հայ ժողովրդի այդ խոշոր հատվածի մշակութային կյանքը: Սակայն մեծ ջանքերի շնորհիվ արևմտահայ մշակույթն սկսեց զարգանալ սփյուռքում, սկզբնավորվեց սփյուռքահայ մշակույթը: Հատորում առանձին-առանձին խոսվում է արևելահայ ու արևմը-

տահայ դպրոցների մասին, ընդ որում արևելահայ դպրոցը՝ շնորհիվ ռուսական առաջավոր մանկավարժական մտքի բարբարա ազդեցության, կարողացավ համեմատաբար ավելի կազմակերպված ընթացք ստանալ, միջնդեռ արևմտահայը, որ զարգանում էր առավելապես ֆրանսիականի ազդեցության տակ, թուրքական իրականության հետամնացության ու բռնության պայմաններում ավելի երերուն էր ու ոչ միասնական:

Խոսելով Լազարյան և Գևորգյան ձեմարանների մասին, հատորում ընդգծված է նրանց կարևոր դերը ինչպես կադրերի պատրաստման, այնպես էլ արևելագիտության ու հայագիտության զարգացման գործում: Միաժամանակ նշվում է, որ 1880-ական թվականների սկզբից Ռուսաստանում ծայր առած ռեակցիան իրեն զգացնել տվեց նաև ազգային ծայրամասերում: Սկսվեցին հալածանքները՝ փակվեց դպրոցների մեծ մասը, որն ավելի խստացավ դարասկզբին: Իսկ արևմտահայ դպրոցի զարգացմանը խոչընդոտում էր համիդյան վարչակարգը: Այդ դժնդակ ու ծանր պայմաններում դպրոցական գործին օգնում էին հասարակական ընկերությունները, որոնց թիվը արագորեն աճում էր: Նշվում է Կ. Պոլսի Կեդրոնական, Կարինի Սանասարյան, Վանի Երամյան, Վենետիկի Մուրադ-Ռաֆայելյան վարժարանների դերը արևմտահայության լուսավորության գործում:

Հայ գրականությանը նվիրված բաժնում պրոֆ. Մ. Մկրյանը ճիշտ է նկատում, որ շնայած հայ ժողովուրդը ապրում էր տնտեսական ու քաղաքական զարգացման տարբեր աստիճանների վրա գտնվող պետությունների տիրապետության տակ, բայց նրա երկու հատվածներում գրականության հիմնական խնդիրները զուգահիշյում էին: XIX դարի 70—80-ական թվականներից, ասված է հատորում, հայ գրականությունը զարգացման մի նոր բարձր շրջան է թևակոխում, երբ իշխող գրական ժանրերը դառնում են արձակը և դրամատուրգիան: Դա, իհարկե, հեղինակի կարծիքով, չի նշանակում, թե պոեզիան գադարեց էր հրապարակ բերել աչքի ընկնող դեմքեր: Դեռ ավելին, դարասկզբին պոեզիան դառնում է հասարակականորեն ավելի կարևոր և իշխող ժանր: Այդ ժամանակաշրջանի հայ գրականության զարգացումը, այնուհետև գրում է գրականագետը, առանձնապես

<sup>1</sup> Հայ ժողովրդի պատմություն, հ. VI, էջ 750:

<sup>2</sup> Տե՛ս նույն տեղը:

<sup>1</sup> Տե՛ս Հայ ժողովրդի պատմություն, հ. VI, էջ 755:



Նշանավորվում է պրոլետարական պոեզիայի, սոցիալիստական ռեալիզմի մեթոդի քնարերգության սկզբնավորմամբ: Հեղինակը հակիրճ, բայց գիտականորեն բնութագրում է հայ գրականության բոլոր նշանավոր դեմքերին, վեր հանում նրանց ունեցած դերը հայ ժողովրդի հասարակական-քաղաքական ու կուլտուր-կրթական կյանքում:

Հաջող է շարագրված արվեստի բաժինը: Չնայած քաղաքական աննպաստ պայմաններին, թատերական գործիչները մեծ ջանքեր են գործադրում զրա զարգացման ու խորացման ուղղությամբ: Տալով հայ երաժշտության զարգացման պատկերը, հեղինակը եղրակացնում է. «Այսպիսով, հայկական երաժշտությունը, դուրս գալով զարգացման լայն ճանապարհ և առաջնորդվելով երաժշտական արվեստի առաջավոր սկզբունքներով՝ ժողովրդայնությունից, ռեալիզմով և դեմոկրատական բովանդակությամբ, հասավ նշանակալից արդյունքների»<sup>1</sup>:

Հարուստ նյութ է պարունակում հայ ճարտարապետությանը նվիրված մասը: Պրոֆ. Վ. Հարությունյանը ճիշտ է նկատել, որ հայ ժողովրդի արևելյան և արևմտյան հատվածների սոցիալ-տնտեսական և քաղաքական կյանքի տարբեր իրավիճակները պայմանավորել են քաղաքաշինության ու ճարտարապետության զարգացման տարբեր ընթացքը. արևելյանում՝ համեմատական առաջընթացը, արևմտյանում՝ դադար ու ավերածությունը:

Արվեստագիտական բարձր մակարդակով է շարագրված կերպարվեստի բաժինը: Հեղինակը ցույց է տվել, որ XIX դարի սկզբին աննախընթաց զարգացում է ապրել հայ կերպարվեստը: Հանդես են գալիս առանձին ստեղծագործողներ, որոնց արվեստը ստանում է հասարակական լայն հնչելություն: Դրանց մեջ առանձնահատուկ տեղ է գրավում Հ. Ալվազովսկին: «Ընդհանուր գծերով, — եզրափակում է հեղինակը, — նախախորհրդային ժամանակաշրջանի հայ կերպարվեստը դեմոկրատական էր, ինտերնացիոնալ, ժամանակին համահնչյուն, ժողովրդի կյանքին ու ճակատագրին սերտորեն շաղկապված, քաղաքացիական հնչելությամբ օժտված, առանձնահատկություններ, որոնք բարձրացրին նրա դերն ու նշանակությունը հասարակական կյանքում»<sup>2</sup>:

Մամուլին նվիրված հակիրճ ակնարկում ցույց է տրված, որ հայ մշակույթի ընդհանուր վերելքի հետ միասին աճում էր նաև պարբերական մամուլը: Այդ աճն արդյունք էր կյանքի ընդհանուր զարգացման, հայ ժողովրդի բուռն զարթոնքի, հայկական գաղթօջախների ուժեղացման, քաղաքական կուսակցությունների առաջացման, դասակարգային պայքարի ծավալման:

Հայ պարբերական մամուլի պատմության մեջ նոր էջ է կազմում բոլշևիկյան մամուլը:

«Հայ ժողովրդի պատմության» VI հատորի մշակույթի բաժնի վերջին գլուխը նվիրված է գիտությունը՝ իր տարբեր ճյուղերով: Սկզբում խոսվում է պատմագիտության մասին: Ցույց են տրված այն ազդակները, որոնց շնորհիվ նշված ժամանակաշրջանում աստիճանաբար տիրապետող է դառնում բուրժուական պատմագիտական միտքը, որը նշանակալի դեր է խաղում հայ ժողովրդի պատմության կղերաֆեոդալական կոնցեսյանները հաղթահարելու գործում:

Նշելով, որ դեռևս 1860—70-ական թվականներին հայ բուրժուական պատմագիտությունն ավելի շատ պահպանողական բնույթ ուներ և ինչ որ չափով կառած էր մնում հին պատմագիտությունից, հեղինակը ցույց է տալիս, որ հաջորդ տասնամյակներում հատկապես լիբերալ-բուրժուական պատմագիտությունը ակնառու նվաճումների հասավ: Արձագանքելով ժամանակի առաջադրած պահանջներին, հայ ժողովրդի ծավալվող ազգային-ազատագրական շարժումներին, գրում է հեղինակը, լիբերալ-բուրժուական պատմաբանները, ի տարբերություն պահպանողական պատմաբանների, սկսեցին քննադատական մոտեցում հանդես բերել հին հայկական աղբյուրների նկատմամբ և աշխատեցին նորովի վերլուծել պատմական փաստերն ու երեվույթները: Եթե պահպանողական պատմաբանները, գրված է հատորում, հատուկ ուշադրություն էին դարձնում ականավոր պատմական դեմքերի՝ թագավորների, զորավարների, կաթողիկոսների գործունեության լուսաբանմանը, ապա նրանք ուշադրություն դարձրին նաև սոցիալական հարաբերությունների ու ազատագրական շարժումների, հասարակական մտքի ու մշակույթի զարգացման հարցերին: Փորձեր արվեցին ստեղծելու հայ ժողովրդի ամբողջական քննական պատմություն<sup>1</sup>:

<sup>1</sup> Հայ ժողովրդի պատմություն, հ. VI, էջ 843:

<sup>2</sup> Նույն տեղը, էջ 865:

<sup>1</sup> Տե՛ս Հայ ժողովրդի պատմություն, հ. VI, 882—883:



Չնայած դրան, նկատում է հեղինակը, թեև բուրժուական պատմագիտությունն զգալի գործ կատարեց նյութի կուտակման, հայ ժողովրդի պատմության առանձին պորթլեմների մշակման ու լուսաբանման ուղղությամբ, այնուամենայնիվ այդ պատմագիտությունը չկարողացավ գիտական բացատրություն տալ հասարակական զարգացման ընթացքին, շտեսավ կամ չցանկացավ տեսնել պատմության հիմնական շարժիչ ուժի՝ ժողովրդական զանգվածների դերը, անտեսեց անտեսական զարգացումը, դասակարգային պայքարը և այլն: Հեղինակը նշում է հայ մարքսիստների կատարած հսկայական աշխատանքը պատմագիտության մեջ մարքս-լենինյան գաղափարախոսությունն արմատավորելու ուղղությամբ: Մեր կարծիքով, այս ճիշտ բնութագրումից հետո պետք է վերջակետ դրվեր, որովհետև հագրվ թե հնարավոր է համաձայնվել նրա այն մտքին, թե «նրանք դրեցին գիտական պատմագրության հիմքերը»<sup>1</sup>: Ստացվում է, որ մինչև հայ մարքսիստների հանդես գալը հայ պատմագիտությունը գիտական չի եղել: Եթե այդպես է, ապա ինչով բացատրել, որ հեղինակը հայ մարքսիստներից առաջ եղած գրեթե բոլոր պատմաբաններին համարում է անվանի գիտնական, ականավոր գիտնական, գիտությունը նվիրված հայագետ և այլն: Կարծում ենք, ճիշտ կլինեք գրել, որ նրանք գրել են հայ մարքսիստական պատմագրության հիմքերը: Հարկ է նշել, որ հատորում ճիշտ է վերհանված հայ պատմաբանների ծառայությունները, արժեքավորված նրանց գիտական վաստակը:

Հատորում հաջող են շարադրված նաև գիտության մյուս էլուղերը՝ հայագիտությունը, հնագիտությունը, ազգագրությունը, տնտեսագիտական և փիլիսոփայական միտքը, բնական գիտությունները:

Ինչպես ասվեց, վերոհիշյալ ընդհանրացնող աշխատություններից բացի, հայ մշակույթի հարցերի մասին հրապարակվել են նաև առանձին մենագրություններ:

Հայկական մշակույթի պատմության գիտական հետազոտության բնագավառում որոշակի վաստակ ունի պատմական գիտությունների թեկնածու Վ. Երկանյանը: Նրա գրչին են պատկանում երկու մենագրություններ, որոնցից առաջինը նվիրված է

Անդրկովկասում 1870—1905 թթ. հայ դպրոցի պատմությանը<sup>1</sup>, իսկ երկրորդում շարադրված է հայկական մշակույթի պատմությունը XIX դարի սկզբից մինչև 1917 թվականը<sup>2</sup>:

Առաջին գրքում հանգամանորեն քննության են առնված հայ ժողովրդի արևելյան հատվածում տեղի ունեցած կրթալուսավորական շարժման հարցերը, լուսաբանվում են ազգային նոր դպրոցի կազմավորման ու նրա համար մղված հասարակական պայքարի խնդիրները: Ինչպես ցույց է տալիս աշխատության վերնագիրը, նրանում հայ դպրոցի պատմությունը շարադրված է Անդրկովկասի մասշտաբով: Եվ դա հասկանալի է, քանի որ բուն Արևելյան Հայաստանից բացի մեծ թվով հայեր ապրում էին Անդրկովկասի խոշոր կենտրոններում: Հեղինակը ճիշտ է նկատել, որ նախորդ ժամանակաշրջաններում հայերի լուսավորական օջախները ստեղծվում և գործում էին հայրենիքից դուրս, օտար երկնակամարների տակ (Էվրոպական երկրներ, Հնդկաստան, Մոսկվա, Ղրիմ և այլն): Ազգային ինքնաճանաչողության խորացմանը զուգընթաց, գրում է նա, հայ լուսավորական գործիչները զգացին կրթությունը, դպրոցները ժողովրդի բնակության բուն շրջանին մոտեցնելու կենսական անհրաժեշտությունը և լայն պրոպագանդա ծավալեցին այդ ուղղությամբ: Եվ պատահական չէ, որ հենց Անդրկովկասում են կենտրոնանում ազգային կրթական գործիչների հիմնական ուժերը:

Հանգամանորեն շարադրելով հայկական դպրոցական գործի ծավալումն ու զարգացումը Անդրկովկասում, Վ. Երկանյանը ցույց է տվել նաև հայ մանկավարժական մտքի զարգացումը, դրվատանքի խոսք ասել հայ առաջադեմ մանկավարժների մասին: Աշխատության մեջ լուսաբանվում է ցարիզմի հակաժողովրդական, ռեակցիոն քաղաքականությունը հայ ազգային կրթության նկատմամբ, հատկապես 1880-ական թվականներին, ներկայացված է նաև հայ ժողովրդի պայքարը այդ քաղաքականության դեմ, որն առանձնապես մեծ ուժով բորբոքվեց 1903 թ. հունիսի 12-ի օրենքի առթիվ:

Վ. Երկանյանի մյուս աշխատությունը, ինչպես ասվեց,

<sup>1</sup> Տե՛ս Վ. Երկանյան, Պայքար հայկական նոր դպրոցի համար Անդրկովկասում (1870—1905), Եր., 1970:

<sup>2</sup> Տե՛ս Վ. Երկանյան, Հայկական մշակույթը 1800—1917 թթ., Եր., 1982, Խույնը՝ ռուս., Եր., 1985:

<sup>1</sup> Տե՛ս Հայ ժողովրդի պատմություն, հ. VI, էջ 883:



նվիրված է հայ մշակույթի պատմությանը: Այն գիտահանրամատչելի բնույթ ունի և քանի որ այստեղ հարցերի ուսումնասիրման շրջանակը բավականաչափ լայն է, ուստի հեղինակը չի կարողացել խուսափել որոշ սխեմատիզմից:

Աշխատության սկզբում տրված է հայ նոր մշակույթի զարգացման ընդհանուր գծերի վերլուծությունը, մշակութային կենտրոնների ու օջախների պատմությունը և ապա ուրվագծված են հայ մշակույթի՝ լուսավորության, գրատպության, պարբերական մամուլի, գիտության, գրականության և արվեստի զարգացման ընդհանուր պատկերը: Մենագրության վերջում հեղինակը հանգում է այն կարևոր եզրակացության, թե XIX դարի հայկական մշակույթն իր աստիճանական վերընթաց զարգացմամբ, արժեքների կուտակմամբ ամուր հիմք հանդիսացավ XX դարի առաջին երկու տասնամյակների ստեղծագործական խոշոր նվաճումների համար, որն իր հերթին նպաստեց հաջորդ շրջանի՝ սոցիալիստական մշակույթի ձևավորմանն ու վերելքին:

Հայ պարբերական մամուլի, դպրոցների, գիտության, գրականության ու արվեստի զարգացման պատմությունը համառոտակի շարադրել է նաև Վ. Պարսամյանը<sup>1</sup>:

Վ. Պարսամյանը նախ և առաջ նշում է, որ հայ ժողովուրդը, որը վաղնջական ժամանակներից ի վեր արարել էր համաշխարհային նշանակություն ունեցող կոթողներ, Թուրքիայի և Պարսկաստանի լծի տակ ընկնելով, զրկվել էր մշակութային իր հարուստ ժառանգությունը պահպանելու և զարգացնելու տարրական պայմաններից: Անցյալ դարի սկզբներից, այնուհետև շարունակում է նա, մշակութային կյանքը նկատելիորեն աշխուժանում է հայկական գաղթավայրերում:

Հայ մշակույթի զարգացման համար նպաստավոր պայմաններ են ստեղծվում Ռուսաստանի հետ Արևելյան Հայաստանի միացումից հետո:

Այստեղ կարևոր դեր է խաղում ռուսական մշակույթի բարերար ազդեցությունը: Ընդգծվում է Մոսկվայի, Պետերբուրգի, Նոր Նախիջևանի, Աստրախանի, Գորպատի, ինչպես նաև Թիֆլիսի և Կ. Պոլսի դերը որպես հայ մշակույթի զարգացման աչքի ընկնող կենտրոններ: Չնայած կաթոլիկական դավանանքին, հայկական տպագրության, լեզվի, գրականության, գիտության

ու արվեստի զարգացման գործում զգալի ներդրում ունեն նաև վենետիկի ու Վիեննայի Մխիթարյան միաբանությունները: Բարձր է գնահատվում նաև հնդկահայ գաղթօջախի դերը:

Գրքում որոշակիորեն ընդգծված է Մոսկվայի Լազարյան ճեմարանի, Թիֆլիսի Ներսիսյան դպրոցի և Էջմիածնի Գևորգյան ճեմարանի խաղացած դերը հայ ժողովրդի մտավոր զարգացման, նրա հասարակական-քաղաքական կյանքում: Հայ մշակույթը XIX դարի երկրորդ կեսին աննախընթաց վերելք է ապրում, լուսավորության, գրականության և արվեստի ասպարեզներում ձեռք են բերվում խոշոր նվաճումներ: Պատմաբանի կարծիքով, մշակույթի զարգացումը սերտորեն կապված էր հայ ժողովրդի սոցիալ-տնտեսական կյանքում առաջացած փոփոխությունների հետ: «Ֆեոդալական հարաբերությունների քայքայումը և կապիտալիզմի զարգացումը, հայ բուրժուական ազգի կազմավորումը և ազգային-ազատագրական շարժումների վերելքը, դասակարգային պայքարի սրումը, տնտեսական, քաղաքական և կուլտուրական կապերի ընդլայնումն ու ամրապնդումը հարևան ժողովուրդների, Ռուսաստանի և Արևմտյան Եվրոպայի հետ,— այդ ամենը կարևոր նախադրյալներ հանդիսացան հայկական կուլտուրայի զարգացման համար»<sup>1</sup>:

Անցյալ դարի երկրորդ կեսի հայ հասարակական-քաղաքական մտքի ու մշակույթի զարգացման գործում հեղինակը նշում է նաև ռուսական և համաշխարհային առաջավոր մտքի, դասական գրականության, գիտության ու արվեստի բուռն վերելքի, ինչպես նաև հայկական մշակույթի հասարակական-քաղաքական աճող դերի նշանակությունը: Հայ մշակույթի զարգացումը որոշակի նախադրյալների հետ է կապվում նաև հետագա ժամանակաշրջանում:

XIX դարի վերջին և XX դարասկզբին Հայաստանի սոցիալտնտեսական կյանքում տեղի ունեցող փոփոխությունները, 1905—1907 թվականների հեղափոխությունը, առաջին համաշխարհային պատերազմը, հայ ժողովրդի Մեծ եղեռնը, փետրվարյան հեղափոխությունը իրենց կնիքն են դնում հայկական մշակույթի վրա, լայն արձագանք գտնում պարբերական մամուլի էջերում, գրականության և արվեստի մեջ:

Լազարյանների մշակութային գործունեությունը լուսաբան-

<sup>1</sup> Տե՛ս Парсамян В., История армянского народа, гл. VI, XIV:

<sup>1</sup> Парсамян В., նշվ. աշխ., էջ 174:



ված է պրոֆ. Վ. Գրիցյանի «Լազարյանների հասարակական-քաղաքական գործունեության պատմությունից» մենագրության մեջ: Այստեղ շարադրված է Լազարյան ճեմարանի հիմնադրման ուշագրավ պատմությունը, վեր է հանված նրա դերը հայ իրականության մեջ: Լազարյան ճեմարանը հայ իրականության մեջ առաջին անգամ ստեղծված լիարժեք դպրոց էր, բնույթով՝ աշխարհիկ, իսկ դարգացման համար ուներ նախապես մշակված իր հիմնական ուղղությունները: Դրանք էին՝ դավանական և ազգային խտրականության բացառում, բնական գիտությունների և օտար լեզուների ուսուցում, դպրոցի աշխարհականացում և ուսուցման առաջավոր մեթոդների կիրառում: Ճեմարանի պատմությունը, գրում է հեղինակը, առավել հետաքրքիր է այն տեսակետից, որ նրա հիմնադիրները, Ֆեոդալական Ռուսաստանի ազնվականական վերնախավին պատկանելով հանդերձ, ստեղծեցին ուսումնական մի հաստատություն, ուր տեղ շունքեր նրանց ապրած ժամանակաշրջանի համար այնքան բնորոշ դասային, ազգային և կրոնական անհանդուրժողականությունը: Այնտեղ հավասարապես կրթություն էին ստանում հայ, վրացի և ռուս պատանիները՝ անկախ ազգային պատկանելությունից, իսկ դասավանդում էին տարբեր ազգությունների և դավանանքի պատկանող անձինք: Աշխատությունում շարադրված է ոչ միայն ճեմարանի ուսումնական, այլև գիտական, գլխավորապես հայագիտական, հրատարակչական գործունեությունը, բացահայտված է նրա դերը հայ-ռուսական կապերի, հայ մշակույթի, հասարակական մտքի զարգացման գործում:

Հայկական մշակույթի պատմությունը ավել կամ պակաս շարժվել լուսաբանվել է նաև հայ գաղթավայրերի մասին գրված աշխատություններում՝ Ա. Աբրահամյանի երկհատորանոց մենագրության մեջ, «Հայ ժողովրդի պատմության» բազմահատորյակի՝ հայ գաղթավայրերի պատմությանը նվիրված բաժիններում, հնչյալ և գաղթօջախների մասին հրատարակված առանձին մենագրություններում:

Այսպես, Վ. Բարխուդարյանի Նոր Նախիջևանին նվիրված աշխատության մեջ ցույց է տրված, որ գաղթօջախում ստեղծվել էր բավական ինքնատիպ մշակույթ, որը նշանակալից երեւույթ էր բովանդակ հայ կյանքում: Նրա կարծիքով, գաղթօջախի մշակույթն իր բովանդակությամբ գերազանցապես հայկական էր, մասնավանդ մինչև XIX դարի երկրորդ կեսը: Դա բա-

ցատրվում է մայր հայրենիքից արգասավորվող կենսական կապերի գոյությամբ և հայաշատ այլևայլ վայրերի հետ ունեցած շփումներով<sup>1</sup>, գրում է հեղինակը:

Աշխատության մեջ լուսաբանված է Նոր Նախիջևանի հայ գաղթօջախի դպրոցի և տպագրության վիճակը, ներկայացված են նրա մշակութային կապերը ռուսական կենտրոնների հետ:

Հետեռնֆորմյան ժամանակաշրջանում (1861—1917 թթ.) Նոր Նախիջևանի հայկական գաղթօջախի մշակութային կյանքը լուսաբանված է Վ. Բարխուդարյանի մենագրության երկրորդ գրքում: Այստեղ համակողմանիորեն բացահայտված է ռուսական դեմոկրատական մշակույթի բարերար ազդեցությունը հայ մշակույթի վրա, ընդգծված է ինչպես հասարակական, այնպես էլ մշակույթի ասպարեզում երկու նշանավոր հայրենակիցների՝ Մ. Նալբանդյանի և Ռ. Պատկանյանի խոշոր դերը: Հանգամանորեն լուսաբանվում է կրթության, մամուլի, գրականության և արվեստի զարգացումը գաղթօջախում:

Վ. Միքայելյանի մենագրության մեջ պատշաճ տեղ է հատկացված ղրիմահայ գաղթավայրի մշակույթի պատմությանը: Այստեղ հանգամանորեն խոսվում է ծխական դպրոցների, խալիպյան ուսումնարանի, տպարանի, պարբերական մամուլի, ճարտարապետության և մշակույթի այլ բնագավառների մասին: Հեղինակն իրավացիորեն ընդգծում է, որ ղրիմահայ մշակույթի բնութագիրը թերի կմնար, եթե, թեկուզ, համառոտակի չհիշատակվեն այն ներկայացուցիչները, որոնցից մի քանիսի ստեղծագործության համբավը դուրս է եկել հայկական, անգամ համառուսական շրջանակներից և ստացել միջազգային ճանաչում: Այն հարցին, թե ինչու՞ փոքրաթիվ ղրիմահայության միջից ծնվեցին մշակույթի նշանավոր շատ գործիչներ, հեղինակը բացատրում է նպաստող երկու հանգամանքներով: Նախ, ղրիմահայերը լայն հնարավորություններ ունեին մոտիկից հաղորդակցվելու մշակույթի ռուսական և եվրոպական կենտրոններին և հայ մշակութային օջախների, մասնավորապես Կ. Պոլսի և Թիֆլիսի հետ, և երկրորդ, որը հիմնական ազդակն էր, ղրիմահայ գաղթավայրը ավելի սերտորեն էր ներքաշվել կապիտալիստական հարաբերությունների մեջ, հանգամանք, որը չէր կարող թափ շահագորդել նաև մշակույթի զարգացմանը: Այնուհետև

<sup>1</sup> Տե՛ս Վ. Բարխուդարյան, նշվ. աշխ., էջ 403:



հեղինակը կանգ է առնում զրիմահայերից սերված արվեստագետներ Լ. Այվազովսկու, Ալ. Սպենդիարյանի, Քր. Կարա-Մուրզայի, է. Մահտեսյանի, Լ. Նալբանդյանի ստեղծագործությունների վրա, խոսում է XIX դարում Ղրիմում գործող հայագետներ Մ. Բժշկյանի, Ք. Քուչնարյանի և ուրիշների մասին:

Լ. Թոփուզյանի մենագրության մեջ եգիպտահայ մշակույթի պատմությունը բաժանված է երեք շրջանի:

Խոսելով առաջին շրջանի մասին, նա գտնում է, որ այդ ժամանակաշրջանում եգիպտահայ մշակույթը բարձրացավ գաղութի սոցիալ-տնտեսական զարգացման համապատասխան մակարդակի վրա: Աշխատության մեջ ցույց է տրվում դպրոցահասակ երեխաների կրթության և դաստիարակության ուղղութիւնը կատարված առաջընթացը: Այդ ժամանակաշրջանում է սկզբնաձևում եգիպտահայ պարբերական մամուլը: Հիշատակության է արժանի եգիպտահայերի ստեղծած Մատենադարանը և զանձատունը (թանգարանը): Հեղինակն ընդգծում է, որ եգիպտահայերը նպաստել են նաև եգիպտական մշակույթի զարգացմանը, կերտել են ճարտարապետական հուշարձաններ, ինչպես նաև օգնության ձեռք են մեկնել տարբեր երկրների հայկական մշակութային հիմնարկներին:

Քննարկվող երկրորդ ժամանակաշրջանում, հեղինակի կարծիքով, Եգիպտոսը դարձավ գաղութահայ մշակութային խոշոր օջախներից մեկը: Նա գտնում է, որ եգիպտահայ մշակույթի զարգացմանը հիմնականում նպաստում էին արևմտահայ մտավորականության այն ներկայացուցիչները, որոնք թուրքական հալածանքներից փախչելով ապաստանել էին Եգիպտոսում: Սակայն, ավելացնում է նա, չպետք է անտեսել նաև արևմտյան մշակույթի ազդեցությունը, որի ծավալման և խորացման գործում դեր էին խաղում Եգիպտոսում մշտական բնակություն հաստատած բազմահազար եվրոպացիները: «Նրանց դպրոցները,— գրում է Լ. Թոփուզյանը,— մամուլի օրգանները, հրատարակչությունները, թատրոնները, գրադարանները կարևոր դեր էին կատարում տեղական բնակչության մշակույթի մակարդակի բարձրացման գործում»<sup>1</sup>:

Բուլղարիայի, Սիրիայի և Լիբանանի հայկական գաղթօջախների մշակութային կյանքը համառոտակի լուսաբանված է Զ.

Ղասաբյանի և Լ. Թոփուզյանի՝ վերոհիշյալ գաղթօջախների պատմությունը նվիրված մենագրություններում:

Հայկական մշակույթի և հասարակական մտքի, գիտության տարբեր բնագավառների պատմությանն են նվիրված նաև բանասերների, գրականագետների ու արվեստաբանների<sup>1</sup>, մանկավարժների<sup>2</sup>, փիլիսոփաների<sup>3</sup> և այլոց աշխատությունները, որոնք լրացնում, հարստացնում են հայ ժողովրդի ամբողջական պատմությունը, մանավանդ նրա մշակութային կյանքի առանձին կողմերը:

\* \* \*

Այսպիսով, խորհրդահայ պատմաբաններն անցած քսանհինգամյակում զգալի աշխատանք են կատարել հայ ժողովրդի նոր պատմության հիմնական պրոբլեմների լուսաբանման բնագավառում:

Կավ է հետազոտվել Արևելյան Հայաստանի Ռուսաստանին միացման պատմությունը, ըստ ամենայնի վեր է հանվել միացման առաջադիմական նշանակությունը (Վ. Պարսամյան, Զ. Գրիգորյան, Գ. Գալոյան, Մ. Ներսիսյան և ուրիշներ): Հետազոտվել է ինչպես Արևելյան, այնպես էլ Արևմտյան Հայաստանի սոցիալ-տնտեսական դրությունը (Վ. Ռշտունի, Ս. Մարկոսյան, Լ. Ղազարյան, Ա. Համբարյան և ուրիշներ):

<sup>1</sup> Տե՛ս Հայ նոր գրականության պատմ., հ. V, նր., 1964—1979: Պ. Հակոբյան, Խաչատուր Աբովյան, նր. 1967, Գ. Ստեփանյան, Ուրվագծեր արևմտահայ թատրոնի պատմ., հ. 2, նր., 1969, հ. 3, 1975: Մ. Մխիթարյան, XIX դարի երկրորդ կեսի արևելահայ մամուլի պատմությունից («Փորձ», «Արձագանք»), նր., 1976, Ա. Առշարունի, Մոսկվայի հայ մամուլը, նր., 1971, նույնի՝ Մոսկվայի համալսարանը և հայ առաջավոր մտավորականությունը, նր., 1982, Григорян К., Из истории русско-армянских литературных и культурных отношений (X—начало XX вв.), 1974. Даронян С. М. Налбандян и русские революционные демократы, Е., 1980:

<sup>2</sup> Տե՛ս Գ. Նազիկյան, Արևմտահայ մանկավարժական միտքն ու դպրոցը, նր., 1969, Ա. Իգնատյան, Լազարյան ճեմարան, նր., 1969, Գ. Հառուրյունյան, Արևելահայ մանկավարժական միտքը XIX դարի երկրորդ կեսին, Ս. Խաչոյան, Արևելյան դպրոցները 1830—1920 թվականներին, նր., 1987:

<sup>3</sup> Տե՛ս Լ. Գաբրիելյան, Հայ պատմափիլիսոփայական մտքի քննական տեսությունը, նր., 1976, Նույնի՝ Ազգերի և ազգային կուլտուրաների զարգացման օրինաչափությունները, նր., 1973, Նույնի՝ Հայ փիլիսոփայության պատմ., նր., 1976:

<sup>1</sup> Լ. Թոփուզյան, եջվ. աշխ., էջ 183:



Քիչ չեն նվաճումները հայ ազատագրական շարժումների, հասարակական-քաղաքական հոսանքների, Հայկական հարցի և միջազգային դիվանագիտության (Ա. Գ. Հովհաննիսյան, Վ. Պարսամյան, Ռ. Հովհաննիսյան, Հ. Ղազարյան, Մ. Աղայան, Զ. Կիրակոսյան, Հ. Պողոսյան և ուրիշներ), ինչպես նաև հայ իրականության մեջ մարքսիզմի տարածման և հեղափոխական շարժումների պատմության հետազոտման ուղղությամբ (Խ. Բարսեղյան, Վ. Ավետիսյան, Գ. Գալոյան, Գ. Ղարիբջանյան և այլք):

Մեծ աշխատանք է կատարվել առաջին համաշխարհային պատերազմի տարիների Հայաստանի պատմության լուսաբանման ուղղությամբ: Համակողմանիորեն ու հարուստ փաստական նյութի հիման վրա մերկացվել է Թուրքիայի հայահալած և հայաջինջ քաղաքականությունը (Զ. Կիրակոսյան, Մ. Արզումանյան, Ա. Հարությունյան, Ե. Սարգսյան, Մ. Աղայան, Հր. Սիմոնյան և ուրիշներ):

Գոհացուցիչ կարելի է համարել հայ գաղթավայրերի (Ա. Աբրահամյան, Վ. Բարխուդարյան, Վ. Միքայելյան, Հ. Թոփուզյան, Ս. Հովնանյան) կարևոր աղբյուրների հրատարակման (Մ. Ներսիսյան, Զ. Կիրակոսյան) և հայ մշակույթի պատմության լուսաբանման ուղղությամբ կատարված աշխատանքը:

Մեր ուժերի ներածին շափ ցույց ենք տվել ինչպես կատարված դրականը, այնպես էլ թույլ տրված սխալները, վիճելի պրոբլեմները:

ԳՆՈՒՆ ԵՐԿՐՈՐԿ

### Հոկտեմբերյան հեղափոխությունը և խորհրդային կարգերի հաստատումն ու ամրապնդումը Հայաստանում (1917—1921 թթ.)

Հոկտեմբերյան սոցիալիստական մեծ հեղափոխության պատմական հաղթանակով նոր դարաշրջան սկսվեց համաշխարհային պատմության մեջ: «Բայց մենք իրավունք ունենք հպարտանալու և հպարտանում ենք նրանով, — գրել է հեղափոխության առաջնորդ Վ. Ի. Լենինը, — որ մեզ երջանկություն բաժին ընկավ սկսելու խորհրդային պետության կառուցումը, սկսելու դրանով համաշխարհային պատմության նոր դարաշրջան»<sup>1</sup>:

Հոկտեմբերյան հեղափոխությունը, Ռուսաստանում տապալելով կապիտալիստների ու կալվածատերերի տիրապետությունը, ազդարարեց ազգային-գաղութային ճնշման վերացումը, հռչակեց ազգային հավասարության սկզբունքը:

Հոկտեմբերյան հեղափոխությունը ինչպես աշխարհի շատ ժողովուրդների, այնպես էլ բազմաշարժար հայ ժողովրդի առջև բացեց նոր հորիզոններ: Հայաստանի աշխատավորությունը խանդավառությամբ դիմավորեց հեղափոխության հաղթանակի լուրը և պայքարի ելավ հանուն խորհրդային կարգերի հաստատման: Սակայն ներքին և արտաքին աննպաստ մի շարք հանգամանքների պատճառով խորհրդային կարգերի հաստատումը Հայաստանում և ամբողջ Անդրկովկասում մի քանի տարով ուշացավ: 1918—1920 թթ. Հայաստանում իշխանության գլուխ կանգնեցին դաշնակցականները: Այդ տարիներին աշխատավորության վիճակը ավելի ծանրացավ:

Հայաստանի աշխատավոր զանգվածները կոմունիստական կուսակցության ղեկավարությամբ, խորհրդային Ռուսաստանի

<sup>1</sup> Վ. Ի. Լենին, Եժժ, հ. 44, էջ 177:



(1917—1941): «Հայ ժողովրդի պատմություն» հիմքում հիմնականում ընկած են 1954—1960 թվականներին հրատարակված «Ուրվագծեր խորհրդային Հայաստանի պատմության» երեք պրակները<sup>1</sup>: Հեղինակները լրացրել և բարելավել են նախկին շարադրանքը: Հատորի պատրաստմանը ներգրավվել են նոր պատմաբաններ: Այսպես, Ն. էլչիրեկյանի և Ա. Հակոբյանի հետ միասին հատորի առաջին բաժնի զգալի մասը գրել է Գ. Գալոյանը: Այն նվիրված է բարդ և իրադարձություններով հարուստ մի ժամանակաշրջանի՝ 1917—1921 թթ. պատմությանը: Հեղինակները հանգամանորեն վերլուծել են Հոկտեմբերյան հեղափոխությունից հետո Հայաստանում ստեղծված իրադրությունը, բացահայտել են Անդրկովկասի կոմիսարիատի և սեյմի ռեակցիոն քաղաքականությունը: Հարուստ տվյալների հիման վրացույց է տրված Հայաստանի սոցիալ-տնտեսական կյանքի պատկերը, մասնավորապես աշխատավորության համար ստեղծված ծանր դրությունը: Գաշնակցականների կառավարության արտաքին քաղաքականությանը նվիրված հատվածում հեղինակները նոր փաստերով բացահայտել են Հայաստանում և ամբողջ Անդրկովկասում անգլո-ամերիկյան իմպերիալիզմի նենգ գործունեությունը, դաշնակցականների և սպիտակգվարդիականների կապերը:

Հատորում հանգամանորեն շարադրված է 1917—1920 թթ. Հայաստանի հեղափոխական շարժումների և, հատկապես, Մալխյան ապստամբության պատմությունը:

Ուշագրավ է, որ Գ. Գալոյանը օգտագործելով մինչ այդ հրատարակված աղբյուրներն ու գրականությունը, զիտական շրջանառության մեջ է դրել նոր տվյալներ և մի շարք հարցերի տվել նոր մեկնաբանություններ:

Հատորում շարադրված են 1920 թ. աշնան իրադարձությունները և մասնավորապես, խորհրդային կարգերի հաստատման պատմությունը: Հայաստանում քաղաքացիական կռիվների պատ-

մությունը շարադրվել է հատորի 5-րդ գլխում (հեղինակ՝ Ա. Հակոբյան):

«Հայ ժողովրդի պատմության» VII հատորի առաջին բաժնի հեղինակները, ի տարբերություն խորհրդահայ պատմագրության մեջ 1920—1930-ական թվականներին տեղ գտած սխալի, թե՛ մեթոդաբանական և թե՛ պատմաքաղաքական տեսակետից սկզբունքային ճիշտ մոտեցում են հանդես բերել՝ Հայաստանի 1917—1921 թթ. պատմությունը քննելով Ռուսաստանի և Անդրկովկասի պատմության ընդհանուր ֆոնի վրա: Նրանք միանգամայն ճիշտ են, երբ Հայաստանում խորհրդային կարգերի հաստատումը դիտել են որպես Հոկտեմբերյան սոցիալիստական մեծ հեղափոխության հաղթանակ նախկին ցարական Ռուսաստանի ժայռամասերից մեկում: Այստեղ ևս նրանք համակողմանիորեն վեր են հանել Հոկտեմբերյան հեղափոխության բախտորոշ նշանակությունը հայ ժողովրդի կյանքում: Հատորում պարզորոշ երևում է խորհրդային Ռուսաստանի եղբայրական օգնությունը հայ ժողովրդին նրա մղած հերոսական պայքարում:

Սակայն հատորը զուրկ չէ թերություններից: Այսպես, անբավարար են վերլուծված Արևմտյան Հայաստանի մասին խորհրդային Ռուսաստանի ընդունած դեկրետի չիրականացվելու պատճառները, աղոտ է լուսաբանված Սարգսյան պատի հերոսամարտը: Հատորում կան նաև բազմաթիվ սխալներ, որոնք, անտարակույս, առաջին հերթին հետևանք են լճացման տարիներին պատմության շատ հարցերի ճշմարտացի լուսաբանման գործում առկա արգելքների: Այդպիսի հարցերից են, օրինակ, Արևելքի ժողովուրդների 1920 թ. սեպտեմբերին Բաքվում տեղի ունեցած առաջին համագումարի հակահայկական բնույթի բացահայտումը, 1921 թ. մարտի 16-ի խորհրդա-թուրքական պայմանագրի ծանր և անարդարացի լինելը հայ ժողովրդի համար, կուսակցության Անդրերկրկոմի 1921 թ. հուլիսի 5-ի անարդարացի որոշումը Լեռնային Ղարաբաղի մասին, Հայկական հարցում Ստալինի թուրքամետ քաղաքականությունը և այլն:

Հարկ է, որ մեր ժողովրդի պատմության վերոհիշյալ և հարակից հարցերը լուսաբանվեն նորովի՝ օգտվելով այսօր մեզ ընձեռած հնարավորությունից:

Կան նաև փաստական որոշ անճշտություններ<sup>1</sup>:

<sup>1</sup> 121-րդ էջում գրված է, որ ղեկտեմբերի 4-ին հեղկոմի անգամները, 271

<sup>1</sup> Տե՛ս «Հայ ժողովրդի պատմություն», հ. VII, եր., 1967:

<sup>2</sup> «Ուրվագծերի» առաջին պրակի հեղինակներն են Ն. էլչիրեկյանը և Ա. Հակոբյանը, երկրորդինը՝ Վ. Մելիքսեթյանը և Ն. Կարապետյանը, երրորդինը՝ Ծ. Աղայանը և Ե. Խալիպանը:



Հայ ժողովրդի 1917—21 թթ. պատմությունը շարադրված է նաև «Հայ ժողովրդի պատմություն» բուհական դասագրքի IV հատորում, որն ընդգրկում է հայ ժողովրդի պատմությունը 1917 թվականից մինչև 1968 թվականը<sup>1</sup>, և «Հայ ժողովրդի պատմության» բուհական նոր դասագրքում<sup>2</sup>: 1917—1921 թթ. պատմությանն է նվիրված նաև Երևանի համալսարանի հրատարակած «Հայ ժողովրդի պատմության»<sup>3</sup> շորորոգ բաժնի 21-րդ գլուխը: Զժխտելով նշված գրքի արժանիքները, հարկ ենք համարում կանգ առնել այդ ժամանակաշրջանի պատմությանը նվիրված հատվածի մի շարք սխալների ու թերությունների վրա<sup>4</sup>:

Նախ, ճիշտ չի վերնագրված գրքի 4-րդ բաժինը: Այսպես, Հայաստանի հանրապետության ժամանակաշրջանի (1918—1920 թթ.) պատմությունը շարադրված է «Հայաստանը Խորհրդային Սոցիալիստական Հանրապետություն» խորագրի տակ: 1917—1920 թթ. պատմությունը պետք է շարադրվեր առանձին բաժնում՝ «Հոկտեմբերյան հեղափոխությունը և խորհրդային

ապստամբները և նրանց օգնության եկած խորհրդային զորամասերը մտնում են Երևան, մինչդեռ Խորհրդային զորամասերը Երևան են մտել ոչ թե ղեկավարների 4-ին, այլ 6-ին: Խորհուրդների համառուսաստանյան VIII համագումարում Լենինը գեկուցումով հանդես է եկել ոչ թե 1920 թ. դեկտեմբերի 2-ին (էջ 122), այլ 22-ին:

1922 թ. նոյեմբերին Երևանում գումարվում է ոչ թե Հայաստանի գյուղացիական (էջ 187), այլ գյուղատնտեսական համագումար: ՀեՍՀ ժողկոմխորհի ղեկիւրտը հրապարակվեց ոչ թե 1921 թ. հունիսի 20-ին (էջ 194), այլ հուլիսի 20-ին: Փր. Նանսենը ոչ թե շվեդացի գիտնական է (էջ 234), այլ նորվեգացի: Այդը լճի ջրհան կայանի գործարկումը տեղի է ունեցել ոչ թե 1929 թվականին (էջ 265), այլ 1927 թվականին: 460-րդ էջում գրված է, որ 1932 թ. Հայաստանում գործում էր ավելի քան 470 գրադարան, մինչդեռ 466-րդ էջում ցույց է տրված 388: 503-րդ էջում գրված է, որ 1924 թ. Էկրան բարձրացավ «Խորհրդային Հայաստան» առաջին կինոակնարկը, մինչդեռ պետք է լինի 1925 թվականին: 514-րդ էջում գրված է, որ հեղափոխական Ռուսաստանի նկարչչների ասոցիացիայի հայկական բաժանմունքը ստեղծվել է 1926 թվականին, մինչդեռ պետք է լինի 1927 թ. և այլն, և այլն:

<sup>1</sup> Տե՛ս Ե. Լարուսյունյան, Հայ ժողովրդի պատմություն, հ. IV, Եր., 1970:

<sup>2</sup> Տե՛ս Վ. Պարսամյան, Ե. Լարուսյունյան, Հայ ժողովրդի պատմություն (1801—1978), Եր., 1979:

<sup>3</sup> Հայ ժողովրդի պատմություն (խմբ.՝ պրոֆ. Մ. Ներսիսյան), Եր., 1972:

<sup>4</sup> Այդ մասին տե՛ս մեր քննադատական հոդվածը՝ «Լենինյան ուղիով», № 4, 1974:

կարգերի հաստատումը Հայաստանում» վերնագրով, 1920 թ. նոյեմբերից հետո եղած ժամանակաշրջանի համար թողնելով 4-րդ բաժնի վերնագիրը: Զէ՛ որ Հայկական ԽՍՀ-ն ստեղծվել է հենց այդ ժամանակ:

Ինչպես նախորդ, այնպես էլ հետհոկտեմբերյան ժամանակաշրջանին հատկացված բաժնում լուսթյան են մատնված մի շարք կարևոր իրադարձություններ, փաստեր: Այստեղ, օրինակ, բոլորովին չի հիշատակված Հայկական գործերի կոմիսարիատը, որը մեծ դեր է խաղացել հայ աշխատավորությանը խորհրդային իշխանության շուրջը համախմբելու, թուրքական արյունոտ յաթաղանից մազապուրծ և Խորհրդային Ռուսաստանում ապաստանած հարյուր-հազարավոր հայ գաղթականությանը նյութական ու բարոյական օգնություն կազմակերպելու գործում: Ոչ մի խոսք չի ասվում նաև Ռուսաստանում ապրող հայերի՝ Հոկտեմբերյան հեղափոխությանը և ներքին ու արտաքին թշնամիներից սոցիալիստական հայրենիքի պաշտպանությանը ակտիվ մասնակցելու մասին: Հիշատակություն չկա նաև 1918 թ. սկզբներին ստեղծված Հայաստանի կոմունիստական կուսակցության մասին, որը նույնպես քաղաքական-պրոպագանդիստական լայն աշխատանք է ծավալել Ռուսաստանի և Կովկասի հայ գաղթականության շրջանում, եղել է Կոմիտեերնի հիմնադիր 17 կոմկուսակցություններից մեկը:

Հայտնի է, որ Հայաստանի հեղափոխական շարժումները, Հայաստանում խորհրդային կարգերի հաստատումը սերտորեն շաղկապված են եղել ամբողջ Անդրկովկասի հեղափոխական շարժումների, երկրամասում խորհրդային կարգերի հաստատման հետ, սակայն, խախտելով այդ միասնական, օրգանական ամբողջությունը, ցավոք, գրքում չի հիշատակվել նույնիսկ Բաքվի կոմունայի մասին, կոմունա, որը խորհրդային իշխանության միջնաբերդը, սոցիալիստական հեղափոխության փարոսն էր Անդրկովկասում: Հայտնի է, որ Բաքվի կոմունայի ստեղծման համար, ի թիվս Անդրկովկասի մյուս ժողովուրդների, հերոսաբար պայքարում էին նաև հայ ժողովրդի զավակները: Անկասկած, կոմունան շոշափում էր նաև հայ ժողովրդի շահերը: Դուրս են մնացել նաև այնպիսի անուններ, ինչպես՝ Ստ. Շահումյան,



Ա. Զափարիձե, Ի. Ֆիոլետով, Գ. Կորզանով, Ս. Օրշոնիկիձե, Ս. Կիրով, Ա. Միկոյան, որոնք աչքի ընկնող դեր են խաղացել Անգլերկովկասում, այդ թվում Հայաստանում խորհրդային կարգերի հաստատման, Անգլերկովկասի ժողովուրդների միջև համերաշխության ամրապնդման գործում: Ավելին, հատորում չկան այնպիսի գործիչների անուններ, ինչպիսիք են հեղափոխության լեգենդար հերոս Ս. Տեր-Պետրոսյանը՝ Կամոն, Ռուսաստանում քաղաքացիական կռիվների գորավարներ Հ. Բժշկյանը՝ Գայը, Գ. Ոսկանյանը, հայկական գործերի կոմիսար, ականավոր հեղափոխական Վ. Ավանեսովը, նրա տեղակալ, կոմունիստ բանաստեղծ Վ. Տերյանը և շատ ու շատ ուրիշներ:

Այսքանից հետո տարօրինակ է հնչում գրքի նախաբանի այն վերապահումը, թե «նմանօրինակ աշխատության մեջ կլուսաբանվեն ժողովրդի պատմության միայն կարևոր էջերն ու զբովագները և բնականաբար շատ հարցեր, դեպքեր ու դեմքեր տեղ չեն գտնի նրանում»<sup>1</sup>:

Գրքում չափազանց ազոտ է լուսաբանված Հայաստանի հեղափոխական շարժումների պատմության վաղ դրվագներից մեկը՝ Մայիսյան ապստամբությունը, ինչպես նաև Հայաստանում 1921 թ. քաղաքացիական կռիվների իրադարձությունները: Ի դեպ, թերի և միակողմանի են ցույց տրված Մայիսյան ապստամբության պարտության պատճառները:

<sup>1</sup> Հայ ժողովրդի պատմություն, էջ 6: Հեղինակները այստեղ ևս հաշի են առել մեր դիտողությունները: Այսպես, եթե այնտեղ չկային Կամոյի, Գայի, Ավանեսովի, Վ. Տերյանի անունները, ապա ուսուցիչները հրատարակության մեջ նրանք հիշատակված են մի քանի անգամ, նույնիսկ բերված է Վ. Տերյանից մի քանաստեղծություն: Եթե հայերեն հրատարակության մեջ նույնիսկ չկային Բաբվի կոմունա, 26 կոմիսարներ բառերը և Ստ. Շահումյանի անունը՝ 1918 թ. պատմության մեջ, ապա այստեղ ավելի քան կես էջ է ավելացված Բաբվի կոմունայի մասին, նշելով ոչ միայն Շահումյանի, այլև Զափարիձեի, Կորզանովի, Ֆիոլետովի անունները: Մի քանի տեղ հիշատակված են նաև Օրշոնիկիձեի, Կիրովի և Միկոյանի անունները:

Գրքում անբավարար է վեր հանված Վ. Ի. Լենինի դերը հայ ժողովրդի ազատագրման գործում: Աննշան տեղ է տրված Հայաստանում խորհրդային կարգերի հաստատման ու ամրապնդման համար մարտնչած խորհրդային Ռուսաստանի 11-րդ բանակի ռազմական գործողություններին: Վերոհիշյալ աշխատության մեջ չես գտնում կարմիր բանակի մարտիկներից և հրամանատարներից ոչ մեկի անունը՝ Վելիկանովի, Մալկաչանովի, Նեստերևի, Երմոլենկոյի, Յանիշևսկու, Կուրիշկոյի, Տոգոբակու և ուրիշների անունները:

Գրքում կան նաև փաստական սխալներ\*:

\* 446-րդ էջում գրված է. «Մայիսի 12-ին թուրքերը գրավեցին Սարգարապատի բերդը»: Այստեղ երկու սխալ կա: Նախ՝ ոչ թե մայիսի 12-ին, այլ 21-ին, և հետո ի՞նչ բերդի մասին է խոսքը: XIX դարի սկզբին Երևանի սարդարի ժամանակ կառուցված բերդը վաղուց ավերակի էր վերածվել, ուստի ոչ մի բերդ գոյություն չունի, որ թուրքերը գրավեին: Պետք էր գրել Սարգարապատ գյուղը և ոչ թե բերդը: 449-րդ էջում ասված է, որ 1919 թ. երկրում ցանքատարածությունը, 1913 թ. համեմատությամբ, կրճատվել էր 2,1 անգամ, մինչդեռ կրճատվել էր ավելի քան 4 անգամ: 470-րդ էջում գրված է, թե 1921 թ. փետրվար-մարտ ամիսներին Մոսկվայում տեղի ունեցած խորհրդա-թուրքական կոնֆերանսին մասնակցում էր խորհրդային Հայաստանի պատվիրակությունը Ա. Բեկզադյանի գլխավորությամբ: Իրականում այդպիսի բան տեղի չի ունեցել, Թուրքական պատվիրակությունը պատրվակ բռնելով այն, որ իբր՝ քանի որ խորհրդային Հայաստանը անկախ պետություն չէ, կարևորապես դեմ դուրս եկավ այդ կոնֆերանսին հայկական պատվիրակության մասնակցությանը, որի պատճառով և այն չմասնակցեց կոնֆերանսին: Այդ հարցում պակաս բացասական դեր չխաղաց նաև դաշնակցականների Փետրվարյան խռովությունը, որը շարժմանը օգտագործվում էր թուրքական զիջանագիտության կողմից: «Հայրենիքի փրկության կոմիտեի» նախագահ Ս. Վրացյանը հեռագրում է Մոսկվա, թե Ա. Բեկզադյանն իրավունք չունի հանդես գալու Հայաստանի անունից:

474-րդ էջում գրված է, թե 1921 թ. մայիսին Հայաստանի ժողովխորհի նախագահ է նշանակվում Ալ. Մյասնիկյանը, «որը մինչ այդ աշխատում էր խորհրդային Բելոռուսիայում որպես հանրապետության Կենտրոնական գործադիր կոմիտեի նախագահ»: Մյասնիկյանը Բելոռուսիայում Կենտրոնկոմի նախագահ է եղել 1919 թ. սկզբին: Նույն տարվա զարնանից նա փոխադրվել է Մոսկվա և աշխատել կուսակցության Մուկվայի կոմիտեում, նախ՝ որպես ռազմական կազմակերպիչ, ապա՝ քաղկոմի քարտուղար: 1920 թ. նա նշանակվում է Արևմտյան ռազմաճակատի քաղվարչության պետ՝ միաժամանակ մնալով որ-



Այժմ անդրադառնանք վերջին բառորդ դարում հայ պատմաբանների այն մենագրություններին, որոնք նվիրված են տվյալ ժամանակաշրջանի պատմության լուսաբանմանը:

### 1. Իրադրությունը Անդրկովկասում և Հայաստանում Հոկտեմբերյան հեղափոխությունից հետո

Այս խորագրի տակ քննության ենք առնելու խորհրդահայ պատմագրության մեջ լուսաբանված հետևյալ հարցերը՝ Անդրկովկասում Հոկտեմբերյան հեղափոխության ուղանալու պատճառները, Խորհրդային Ռուսաստանի կառավարության դեկրետը «Թուրքահայաստանի մասին», Թուրքական հարձակումը Հայաստանի վրա, հայ ժողովրդի պայքարը Թուրքական զավթիչների դեմ, Բաքվի կոմունան:

Ամենից առաջ նշենք, որ տվյալ ժամանակաշրջանին վերաբերող խորհրդահայ բոլոր պատմաբանների աշխատություններում բոլոր արժանավույն վեր է հանված Հոկտեմբերյան հեղափոխության դերը, նրա բախտորոշ նշանակությունը ճնշված բոլոր ժողովուրդների, այդ թվում և հայ ժողովրդի ազատագրական պայքարում: Սակայն, ինչպես հայտնի է, Անդրկովկասում Հոկտեմբերյան հեղափոխության հաղթանակի ուղանալու պատճառների հարցը ոչ միայն խորհրդահայ, այլև Անդրկովկասի մյուս պատմաբանների կողմից վիճելի հարցերից մեկն է: Հայտնի է, որ դեռևս 50-ական թվականներին այն գիտական մեծ բանավեճի առարկա դարձավ: 1958 թ. դեկտեմբերին Բաքվում տեղի է ունեցել ԽՍՀՄ գիտությունների ակադեմիայի պատմական գիտության բաժանմունքի և Հայաստանի, Վրաստանի ու Ադրբեջանի ԳԱ պատմության ինստիտուտների միացյալ գիտական նստաշրջան՝ նվիրված Հոկտեմբերյան հեղափոխության պրոբլեմների ուսումնասիրությանը Անդրկովկասում<sup>1</sup>: Նստաշրջանում

<sup>1</sup> Այն Մոսկվայի քաղկոմի քարտուղար: 1920 թ. սկզբներին, մոտ 2 ամիս, նա աշխատում է որպես տրանսպորտի գլխավոր քաղվարչության պետ, որից հետո մտքի լիզաջիտն կարգով ուղարկվում է Հայաստան: Այսպիսով, Մյասնիկյանը Հայաստան է եկել ոչ թե Բելոռուսիայից, այլ Մոսկվայից:

<sup>1</sup> Տե՛ս Լ. Խաչադրյան, Գիտական սեփա՝ նվիրված Հոկտեմբերյան հեղափոխության պրոբլեմների ուսումնասիրությանը Անդրկովկասում, ՀեՍՀ ԳԱ «Տեղեկագիր», № 3, 1959: Ուֆֆե Ա., Конференция историков в Баку, «Вопросы истории», 1959, № 6:

մի շարք հարցերի շուրջ բանավեճ տեղի ունեցավ, որոնցից հիմնականը վերաբերում էր Անդրկովկասում հեղափոխական իրագրության առկայության և խորհրդային իշխանության հաղթանակի ուղացման պատճառներին:

Գիտական նստաշրջանում տրված զեկուցումներից, հաղորդումներից ու ելույթներից բացի, այդ հարցի շուրջ մամուլում տպագրվեցին մի շարք հոդվածներ<sup>1</sup>: Բանավեճի մասնակիցների մի խումբ (Ա. Սուրգույաձե, Ա. Հակոբյան և ուրիշներ) գտնում էր, որ 1917 թ. վերջերին և 1918 թ. սկզբներին երկրամասում գինված ապստամբության միջոցով իշխանությունը զրավելու և խորհրդային իշխանություն հաստատելու անհրաժեշտ պայմաններ չեն եղել երկրամասի տնտեսական հետամնացության, բանվոր դասակարգի սակավաթիվ և թույլ լինելու ու բնակչության ազգային խայտարղետության պատճառով: Ուստի, նրանց կարծիքով, ճիշտ է եղել ՌԿ(բ)Կ կովկասյան երկրային կոմիտեի կողմնորոշումը հեղափոխության խաղաղ զարգացման վերաբերյալ: Պատմաբանների մյուս խումբը (Լ. Խորշուդյան, Ս. Կարապետյան, Ս. Խարմանդարյան և ուրիշներ), շփոթելով Անդրկովկասի սոցիալ-տնտեսական զարգացման առանձնահատկությունները, գտնում է, որ 1917 թ. վերջին և 1918 թ. սկզբներին առկա էին բոլոր օբյեկտիվ և սուբյեկտիվ պայմանները իշխանությունը բուլճերիկների կողմից զրավելու համար: Նրանք գտնում են, որ այդ նույն կարծիքին են եղել Լենինը, Շահումյանը և կուսակցության Կենտկոմը, սակայն բուլճերիկների երկրկոմի մեծամասնության սխալ քաղաքականության պատճառով ձեռքից բաց է թողնվել իշխանությունը զրավելու հարմար պահը:

Չստանալով իր վերջնական և սպառիչ լուծումը, այդ հարցը շարունակվեց արժարծվել պատմագրության մեջ նաև վերջին քսանհինգամյակում:

Գ. Գալոյանը, վեր հանելով Հոկտեմբերյան հեղափոխության նշանակությունը Անդրկովկասում ազգային հարցի լուծման

<sup>1</sup> Տե՛ս Кольцов П., Родионов П., Хармандарян С., Церцвадзе Ш., Из истории коммунистической организации Закавказья, «Вопросы истории КПСС», 1962, № 6, Карапетян С., К вопросу о причинах поддержки победы Октябрьской революции в Армении, «Известия» АН Арм. ССР, 1962, № 12: Այս մասին տե՛ս նաև մեր «Պատմագիտության զարգացումը Խորհրդային Հայաստանում» մենագրություն, էջ 399—402:



գործում և նշելով, որ երկրամասի բոլշևիկյան կազմակերպությունները գլխավորում էին խորհրդային իշխանության հաստատման համար մղվող պայքարը, անդրադառնում է նաև հաղթանակի ուշացման պատճառների հարցին: «Սակայն խորհրդային իշխանության հաղթանակը Անդրկովկասում բազմաթիվ ներքին և արտաքին պատճառներով ուշացավ»<sup>1</sup>, այդ պատճառով էլ, շարունակում է նա, Հեղափոխության հեղափոխության հաղթանակից մինչև Ադրբեջանում, Հայաստանում և Վրաստանում խորհրդային իշխանության հաստատումը Անդրկովկասի ժողովուրդների ազգային-ազատագրական պայքարը բուրժուական նացիոնալիզմի և բանվորագյուղացիական հեղափոխության միջև գոտեմարտի բնույթ էր կրում: Բուրժուազոգյանական կուսակցություններն ու նրանց իմպերիալիստական հովանավորները, որոնք ազգային թշնամանք էին բորբոքում ժողովուրդների միջև, ձգտում էին ջլատել երկրամասի աշխատավորության բանվորագյուղացիական միասնական ճակատը, սեպ խրել ազատագրված Ռուսաստանի պրոլետարիատի և բղկտված Կովկասի աշխատավոր զանգվածների միջև:

Պատմաբանի կարծիքով, Անդրկովկասում Հեղափոխության հեղափոխության հաղթանակի ուշացման պատճառների մեջ պետք է հաշվի առնել այն հանգամանքը, որ Հյուսիսային Կովկասի հակահեղափոխական զորափակով (կորդոն) երկրամասն անջատված էր Ռուսաստանից, իսկ հարավից թուրքական զորքերն էին արշավում: Անդրկովկասում, գրում է նա, տնօրինում էին ոչ միայն գերմանացիները, այլև անգլո-ամերիկյան և ֆրանսիական իմպերիալիստները, որոնք ձգտում էին նվաճել երկրամասը: «Այդ բոլորը, ինչպես նաև երկրամասի բնակչության մանրբուրժուական կազմը բարդացրին դրությունը, ազգայնական հակահեղափոխությունը հնարավորություն տալով ժամանակավորապես ուժեղացնելու իր դիրքերը»<sup>2</sup>:

Ճիշտ է նկատել Գ. Գալոյանը, նշելով, որ Անդրկովկասում հեղափոխական իրադրությունն իր ժամանակին չօգտագործվեց, այսինքն՝ Թիֆլիսի զինանոցը, փաստորեն, մենշևիկներին տրվեց, կուսակցության երկրային կոմիտեում տեղի ունեցած տարածայ-

նությունների հետևանքով իշխանությունը զինված ճանապարհով վերցնելու հարցում վճռականություն հանդես չբերվեց, չօգտագործվեց հեղափոխական բանակը:

Հեղափոխության հեղափոխության բախտորոշ դերը Անդրկովկասի ժողովուրդների վերածննդի գործում լուսաբանված է Գ. Գալոյանի մեկ այլ աշխատության մեջ<sup>1</sup>, որը, փաստորեն, նրա «Ռուսաստանը և Անդրկովկասի ժողովուրդները» մենագրության տրամաբանական շարունակությունն է: Այստեղ ցույց է տրված Վրաստանի, Ադրբեջանի և Հայաստանի Ռուսաստանին միանալու վերջնական բեղմնավոր արդյունքը, բազմակողմանիորեն ներկայացված է Հեղափոխության հեղափոխության նշանակությունը նրանց սոցիալական ու ազգային զարթոնքի գործում, ընդգծված է ռուս ժողովրդի դերը այդ հարցում և այլն:

Անդրկովկասում Հեղափոխության հեղափոխության հաղթանակի ուշացման պատճառների հարցը հանգամանորեն քննում է նաև Հ. Մելիքյանը<sup>2</sup>:

Անդրադառնալով այդ հարցին, նա հանգում է այն հետևության, որ բոլշևիկացման բուռն պրոցեսն ապրած Կովկասյան բանակը Հեղափոխության հեղափոխությունից հետո, աշխատավորական զանգվածների աճող համակրանքի պայմաններում, պատրաստ էր երկրամասում պաշտպանելու սոցիալիստական հեղափոխության գործը: Բազմաթիվ նոր փաստերով նա աշխատում է շտկել դեռևս շարունակվող այն թշուր կարծիքը, որով ժայրաստիճան նվազեցվում են Կովկասյան բանակում հեղափոխական շարժման մասշտաբներն ու թափը: Այսպիսով, հակառակ մի շարք պատմաբանների, հեղինակը, հաշվի առնելով օբյեկտիվ և սուբյեկտիվ գործոնների առկայությունը, հիմնավորում է այն դրույթը, որ 1917 թ. վերջերին և 1918 թ. սկզբներին Անդրկովկասում խորհրդային կարգերի հաստատման համար ստեղծվել էր ռեալ հնարավորություն, որ հենց այդ ժամանակ հեղափոխության կողմն անցած Կովկասյան բանակը, երկրամասի հեղափո-

<sup>1</sup> Галоян Г., Рабочее движение и национальный вопрос в Закавказье, с. 217.

<sup>2</sup> Նույն տեղը:

<sup>1</sup> Տե՛ս Գալոյան Գ., Октябрьская революция и возрождение народов Закавказья, М., 1977.

<sup>2</sup> Տե՛ս Հ. Մելիքյան, Հեղափոխության հեղափոխության և Կովկասյան բանակը, Եր., 1970:



խական մյուս ուժերի հետ համագործակցած, ճիշտ ու համարձակ տակտիկայի կիրառման ղեկավար կարող էր ապահովել հեղափոխության հաղթանակը երկրամասում:

Հիրավի, հեղափոխական բանակի խելացի օգտագործմամբ կարելի էր տապալել Անդրկովկասում հակահեղափոխական բռնությունը և, ինչպես հեղինակն է գրում, «Հենվելով հեղափոխական Բաքվի, բոլշևիկյան բանակի, աշխատավորների աճող համակրանքի վրա, Թիֆլիսում և այս ողջ երկրամասում հնարավոր կլինեին հաստատել խորհրդային իշխանություն»<sup>1</sup>: Երկրամասում խորհրդային կարգերի հաստատումը կձախողեր անդրկովկասյան ռեակցիայի ղիվային պլանները, երկրամասը ժամանակավորապես չէր անջատվի խորհրդային Ռուսաստանից, հակահեղափոխության տապալումը Թիֆլիսում կնպաստեր Բաքվի խորհրդային իշխանության ամրապնդմանը, կկանխվեր թուրքական վայրագ էքսպանսիան՝ ահա շ. Մելիքյանի ճիշտ եզրահանգումը:

Սակայն շ. Մելիքյանի մոտ առկա է երկրամասի տեղական առանձնահատկությունների թերազնահատման միտում: Դժվար է համաձայնվել նրա այն մտքին, թե այդ նույն առանձնահատկությունները հիմնականում կային նաև 1920—1921 թվականներին: Եթե այդպես է, ապա աշխատավորների հեղափոխական-ազատագրական շարժումը ինչո՞ւ հաջողությամբ պսակվեց<sup>2</sup>: Մեր կարծիքով, 1920—1921 թթ. Անդրկովկասում խորհրդային կարգերի հաստատման համար կային այնպիսի պայմաններ, որոնք չկային 1917-ին: Դրանց մեջ հիմնականը խորհրդային Ռուսաստանի, նրա զինված ուժերի եղբայրական օգնությունն էր, մի հանգամանք, որը 1917-ին գոյություն չուներ:

Քանի որ շ. Մելիքյանի ինչպես այս, այնպես էլ 1975 թ. լույս տեսած «Հեղափոխական շարժումները Կովկասյան բանակում (1914—1918 թթ.)» մենագրության մեջ բացակայում է պրոբլեմի աղբյուրագիտությունն ու պատմագրությունը, հեղինակն այն քննարկել է առանձին գրքույկով<sup>3</sup>:

Այստեղ նա հանգամանորեն վերլուծում է իր աշխատության վերաբերյալ տասնամյակների ընթացքում հրատարակված աղ-

բյուրներն ու, հատկապես, գրականությունը: Բարձր գնահատելով շատ հեղինակների կատարած դրական աշխատանքը պրոբլեմի լուսաբանման գործում, նա միաժամանակ կատարում է արժեքավոր դիտողություններ: Հիմնական դիտողությունը վերաբերում է Հոկտեմբերյան հեղափոխությունից հետո Անդրկովկասում ստեղծված իրադրության հարցին: Նա չի ընդունում այն պատմաբանների կարծիքը, որոնք ժխտում են այդ ժամանակ հեղափոխական իրադրության առկայությունը և գտնում, որ հնարավոր չէր իշխանությունը զինված ապստամբության միջոցով գրավելը:

Մելիքյանը մերժում է Ֆ. Մախարաձեի այն կարծիքը, թե իբր բանակը չէր աջակցում իշխանությունը գրավելու գործին: Հեղինակը քննադատական խիստ դիտողություններ է անում հատկապես Ռ. Մանուկյանի աշխատության վերաբերյալ<sup>4</sup>, գտնելով, որ դրանում միանգամայն անբավարար են լուսաբանված զինվորների հեղափոխական շարժումների հարցերը փետրվարյան հեղափոխության ժամանակաշրջանում: «Ռ. Մանուկյանի աշխատության մեջ,— գրում է նա,— կան սկզբունքային սխալներ, որոնք ելակետային նշանակություն ունեն»<sup>5</sup>: Օրինակ, շ. Մելիքյանը գտնում է, որ իրականությանը չի համապատասխանում Ռ. Մանուկյանի այն պնդումը, թե, իբր, Կովկասյան բանակի առաջին համագումարից հետո բոլշևիկները չենթարկվեցին համագումարի որոշումներին և շարունակեցին պահպանել բոլշևիկյան զինվորական կազմակերպությունները: Ռ. Մանուկյանը չի բացահայտել բանակում բոլշևիկյան կազմակերպությունների թերությունները: շ. Մելիքյանը գտնում է, որ իր և Ռ. Մանուկյանի գրությունների միջև սկզբունքային տարբերությունը արտահայտվում է Անդրկովկասի բոլշևիկների համագումարի կողմից բոլշևիկների VI համագումարի, զինված ապստամբության, Կովկասում իշխանության գրավման մեթոդի, այդ հարցում Ստ. Շահումյանի գործելակերպի և այլ հարցերում: շ. Մելիքյանը, առարկում է Ռ. Մանուկյանին, որը անհիմն կերպով գտնում է, թե Ստ. Շահումյանը, ՌՍԴ(բ)Կ Կովկասյան առաջին համագումարը, հաշվի առնելով Կովկասի տնտեսական ու քաղաքական

<sup>1</sup> Շ. Մելիքյան, նշվ. աշխ., էջ 587:

<sup>2</sup> Տե՛ս նույն տեղը, էջ 588:

<sup>3</sup> Տե՛ս Меликян Г., Источниковедение и историография революционного движения в Кавказской армии в 1914—1918 гг., Е., 1972:

<sup>4</sup> Տե՛ս Ռ. Մանուկյան, Բոլշևիկների հեղափոխական աշխատանքը Կովկասյան բանակում (1917 թ. փետրվար—1918 թ. փետրվար), եր., 1969:

<sup>5</sup> Մ. Մելիքյան նշվ. աշխ., էջ 40:



պայմանները, տվյալ պահին կանգնած էին սոցիալիստական հեղափոխության խաղաղ զարգացման տեսակետին:

2. Մեկիբյանի կարծիքով, Ռ. Մանուկյանը քննադատական մոտեցում չունենալով Սահմանադիր ժողովի ընտրությունների արդյունքների նկատմամբ, հանգում է այն սխալ եզրակացության, թե, իբր, «ռազմաճակատում գտնվող շարքային զինվորների բացարձակ մեծամասնությունը... հավանություն է տվել Անդրկովկասյան կոմիսարիատի կազմակերպմանը»<sup>1</sup>: Պատմաբանը որոշ դիտողություններ է անում նաև Մ. Յերցվաձեի, Ա. Սուրգուլաձեի, Լ. Խուրշուզյանի, Ն. Մախարաձեի, Գ. Ժվանիայի, Ա. Հարությունյանի և այլոց աշխատությունների վերաբերյալ:

Մ. Արզումանյանի մենագրության մեջ<sup>2</sup> ևս հանգամանորեն վերլուծված է իրադրությունը Անդրկովկասում Հոկտեմբերյան հեղափոխությունից հետո, ցույց է տրված, մի կողմից, բոլշևիկների պայքարը խորհրդային իշխանության հաստատման համար, իսկ մյուս կողմից՝ հակախորհրդային բոլևի ղեկավարներին գործունեությունը: Մ. Արզումանյանը հիմնովին մտացածին, իրականությունը չհամապատասխանող, ուստի և հակազիտական ու վնասակար է համարում այն տեսակետը, թե, իբր, Հոկտեմբերյան հեղափոխությունից անմիջապես հետո Անդրկովկասում հեղափոխական իրադրություն չի եղել: «Ամեն կարգի թշնամական գրչակները, — գրում է նա, — շատ են թուղթ մրտել ապացուցելու, որ իբր Անդրկովկասում 1917—1918 թթ. հեղափոխական իրադրություն չկար, իբր այստեղ բացակայում էին հեղափոխության հաղթանակի սոցիալ-տնտեսական ու քաղաքական պայմանները: Դրանով նրանք փորձում են վարկաբեկել բոլշևիկներին և ցույց տալ, որ իբր նրանք հաշվի չեն նստում պատմական զարգացման օրինաչափությունների հետ»<sup>3</sup>:

Անդրկովկասը երբեք չպետք է կտրել Ռուսաստանից, գրում է հեղինակը, որովհետև դրանք անբաժան են միմյանցից: Ռուսական կայսրության շրջանակներում Անդրկովկասը, իր առանձնահատկություններն ունենալով հանդերձ, հիմնականում ապրել է ամբողջ երկրի կյանքով, որը 1916—1917 թվականներին հազեցված էր հեղափոխական իրադրությամբ: Մ. Արզումանյանը գրտ-

նում է, որ Անդրկովկասում սոցիալիստական հեղափոխության հաղթանակի համար կային բոլոր անհրաժեշտ նախադրյալները՝ հանձինս արդյունաբերական վայրերում ու կարևորագույն քաղաքներում (Բաքվում, Թիֆլիսում, Բաթումում, Երևանում, Ալեքսանդրապոլում, Ճիաթուրում, Ալավերդում, Ղափանում և այլուր) կենտրոնացած պրոլետարիատի, ազատագրական պայքարի մեջ ընդգրկված զուղացիության և Կովկասյան բանակի, որի հիմնական մասը հեղափոխական էր: Հենվելով այդ ուժերի վրա և ապավինելով Խորհրդային Ռուսաստանին, Անդրկովկասի բոլշևիկները վիթխարի աշխատանք ծավալեցին, և եթե նրանք 1917—1918 թվականներին չհասան լիակատար հաղթանակի, ապա դա ոչ թե այն պատճառով, որ երկրում հեղափոխության համար պարարտ հող չկար, այլ որովհետև ներքին հակահեղափոխական ուժերը միացան արտաքին ինտերվենտների հետ և հասան ժամանակավոր հաջողության: «Եթե չլինեք օտարերկրյա իմպերիալիստների միջամտությունն ու օգնությունը, — գրում է նա, — ապա Անդրկովկասի հակահեղափոխական բոլևի իշխանությունը համեմատաբար կարճ ժամանակում կխորտակվեր Երկրամասի ժողովուրդների հարվածների առկա և դեռ 1917—1918 թվականներին այստեղ կհաղթանակե խորհրդային իշխանությունը»<sup>4</sup>:

Սակայն այդ դեռ բոլորը չէ: Վճռական պահին կուսակցության երկրային կոմիտեն կոպիտ սխալ թույլ տվեց: Նա իշխանությունը գրավելու իր մինչ այդ ընդունած «անհիմնադրաբան ու խաղաղ ուղուն» հավատարիմ, չզնայց վճռական գոտեմարտի: Բաքվից հետո Թիֆլիսում խորհրդային իշխանության հաստատումը, շարունակում է նա իր միտքը, բախտորոշ կլինեք սոցիալիստական հեղափոխության հաղթանակի համար Անդրկովկասում: Եվ այդ սխալը բխում էր երկրային կոմիտեի մեծամասնությունից (Ֆ. Մախարաձեի գլխավորությամբ), իսկ նրա փոքրամասնությունը՝ Ստ. Շահումյանի գլխավորությամբ, կանգնած էր ճիշտ ուղու վրա և պահանջում էր իշխանությունը գրավել զինված ճանապարհով:

Անդրկովկասում հեղափոխական իրադրության առկայության և Հոկտեմբերյան հեղափոխությունից հետո խորհրդային իշխա-

<sup>1</sup> 2. Մեկիբյան, նշվ. աշխ., էջ 46:

<sup>2</sup> Տե՛ս Մ. Արզումանյան, Արհավիրքից վերածնունդ, Եր., 1973:

<sup>3</sup> Նույն տեղը, էջ 10:

<sup>1</sup> Մ. Արզումանյան, նշվ. աշխ., էջ 16 (Ընդգծումը հեղինակին է— Շ. Ը.):

<sup>2</sup> Տե՛ս նույն տեղը, էջ 17:



նության հաղթանակի ուշացման պատճառների հարցին անդրադարձել է Մ. Աղայանը իր երեք աշխատություններում<sup>1</sup>: Պատմաբանի կարծիքով, Հայաստանում, ինչպես նաև ամբողջ Անդրկովկասում, առկա էին բոլոր անհրաժեշտ պայմանները և ըստեղծվել էր հեղափոխական իրադրություն խորհրդային կարգերի հաստատման համար: Նա միաժամանակ ճիշտ է վերլուծում այն աննպաստ պայմանները, որոնց հետևանքով ձգձգվեց խորհրդային իշխանության հաղթանակը Անդրկովկասում: Մ. Աղայանը ևս գտնում է, որ եթե կուսակցության երկրային կոմիտեն ըստ էության ղեկավարեր Անդրկովկասի բանվորական և զինվորական զանգվածների հեղափոխական վերելքը, աջակցեք պատգամավորական ժողովին, ապահովեք արսենալի պաշտպանությունը, ապա բոլշևիկները բոլոր հնարավորությունները կունենային հաղթանակի համար:

Խորհրդահայ պատմագրության մեջ քիչ աշխատանք չի կատարվել Խորհրդային Ռուսաստանի կառավարության լենինյան աղգային քաղաքականության լուստարանման և, մասնավորապես, «Թուրքահայաստանի» ղեկրետի գիտական վերլուծության ուղղությամբ:

Վերջին քսանհինգամյակում այդ հարցին առաջին անդրադարձել է պատմական գիտությունների ղոկտոր, պրոֆեսոր Ս. Ալիխանյանը իր մենագրության մեջ<sup>2</sup>:

Խորհրդային Ռուսաստանի կառավարության ղեկրետը «Թուրքահայաստանի մասին» նա իրավացիորեն բնութագրել է որպես հայ ժողովրդի նկատմամբ կոմունիստական կուսակցության և խորհրդային կառավարության հոգատարության վառ արտահայտություններից մեկը:

Այդ հարցը շոշափվում է Գ. Գալոյանի մի շարք աշխատություններում: Շարադրելով ղեկրետի հիմնական բովանդակությունը, պատմաբանը միաժամանակ ցույց է տվել ղեկրետի շիրականացման պատճառները: Այդպիսիք նա համարում է Կովկասյան ռազմաճակատի հակահեղափոխական հրամանատարու-

թյան դիրքորոշումը, որը, առանց հայերի համար ղեկրետով սահմանված անձի և զույքի ապահովման, կարգադրեց ռուսական զորքերի դուրսբերումը Արևմտյան Հայաստանից և Անդրկովկասի կոմիսարիատի հակահեղափոխական դիրքը, որը ոչ մի բայլ չկատարեց ղեկրետի կենսագործման ուղղությամբ: Պատճառներից մեկն էլ Գ. Գալոյանը համարում է այն, որ Խորհրդային Ռուսաստանն այն ժամանակ ղեռ Գերմանիայի հետ հաշտություն չէր կնքել և իրական հնարավորություն չունեցրեց կանխելու ռուսական զորքերի անժամանակ դուրսբերումը Արևմտյան Հայաստանի սահմաններից, ինչպես և թուրքական զորքերի մուտքը այդ տերիտորիան<sup>1</sup>:

Ս. Մնացականյանի «Լենինը և ազգային հարցի լուծումը ԽՍՀՄ-ում» արժեքավոր մենագրության<sup>2</sup> մեջ ուշագրավ էջեր կան նաև հայ ժողովրդի, Հայաստանի մասին: Հեղինակը հանգամանորեն անդրադարձել է նաև Խորհրդային Ռուսաստանի Ժողկոմխորհի 1917 թ. ղեկտեմբերի 29-ի «Թուրքահայաստանի մասին» ղեկրետին: Նա քննադատում է Անդրկովկասի բոլշևիկյան կազմակերպությունների որոշ ղեկավար գործիչների, որոնք սխալներ էին թույլ տալիս ազգային հարցում: Հեղինակը մասնավորապես նշում է, որ բոլշևիկների կուսակցության երկրային կոմիտեն ոչ միայն շարձագանքեց «Թուրքահայաստանի» ինքնորոշման մասին լենինյան ղեկրետին, այլ, ընդհակառակը, անտեսեց Ժողկոմխորհի ղեկրետը և պահանջեց այն շեղյալ հայտարարել<sup>3</sup>: Այնուհետև Ս. Մնացականյանը արդարացիորեն նշում է, որ Հայաստանի բոլշևիկյան կազմակերպությունները ևս 1917—1920 թթ. թերազնահատում էին ազգային հարցի, առանձնապես թուրքական ագրեսիայի առաջ հայ ժողովրդի ղեմկրատական ուժերի միացյալ ազգային-հեղափոխական ճակատի ստեղծման անհրաժեշտությունը: Նրանք անարդարացիորեն առաջին պլան մղեցին աշխատավորության սոցիալական ազատագրության հարցը, անտեսելով հայ ժողովրդի համազգային խրնդիրները:

Պատմաբանը սխալ է համարում այն, որ Անդրկովկասի բոլ-

<sup>1</sup> Տե՛ս Մ. Աղայան, Հայ ժողովրդի ազատագրական պայքարի պատմությունից, В. И. Ленин и создание закавказских советских республик, Е., 1976, Հոկտեմբերը և հայ ժողովրդի ազատագրական պայքարը, Եր., 1982:

<sup>2</sup> Տե՛ս Ս. Ալիխանյան, Խորհրդային Ռուսաստանի ղեկը հայ ժողովրդի ազատագրման գործում (1917—1921 թթ.), Եր., 1964, էջ 26:

<sup>1</sup> Տե՛ս Գալոյան Գ., Рабочее движение и национальный вопрос в Закавказье, էջ 227—228:

<sup>2</sup> Տե՛ս Мнацаканян А., Ленин и решение национального вопроса в СССР, Е., 1970:

<sup>3</sup> Տե՛ս Мнацаканян А., նշվ. աշխ., էջ 168:



չևիկներին դեկավար գործիչները բուլկոտի էին ենթարկում հայ ազգային-դեմոկրատական կազմակերպությունները, խորհրդակցությունները, արևմտահայ գաղթականների համագումարը: Նրա կարծիքով, կոպիտ սխալ էր բուլչևիկյան Քիֆլիսի կոմիտեի բանաձևը՝ 1917 թ. սեպտեմբերին հրավիրված հայկական ազգային համագումարին շմասնակցելու մասին: Չէ՞ որ այնտեղ պետք է քննվեին պատերազմը դադարեցնելու, արևմտահայերի ծանր վիճակի և նրանց օգնություն ցույց տալու, հողային, ազգային հարցերը, Հայաստանի անկախության վերականգնման պահանջը և այլն, հարցեր, որոնք առաջնակարգ նշանակություն, համադեմոկրատական բնույթ ունեին, որոնցով շահագրգռված էին բոլոր ազգային դեմոկրատական ուժերը: «Նման քաղաքականությունը,— գրում է նա,— չէր համապատասխանում լենինյան այն սկզբունքին, որ աշխատավորության սոցիալական ազատագրումը օրգանապես կապված է համադեմոկրատական և համազգային այնպիսի հարցերի լուծման համար մղվող պայքարի հետ, ինչպիսիք են պատերազմից դուրս գալը, ազգաբային հարցը»<sup>1</sup>:

Խորհրդային Ռուսաստանի կառավարության «Թուրքահայաստանի մասին» ղեկրետի նախապատրաստման, նրա բովանդակության և չկենսագործվելու հարցերին ավելի հանգամանորեն անդրադարձել է Մ. Արզումանյանը իր «Արհավիրքից վերածնունդ» աշխատության մեջ: Այստեղ պատասխաններ են տրված այն հարցերին, թե ինչո՞ւ խորհրդային կառավարությունը չէր կարող ռուսական զորքերը պահել Արևմտյան Հայաստանում, ինչո՞ւ հենց սկզբից խորհրդային կառավարությունը չպահանջեց Արևմտյան Հայաստանը կցել Ռուսաստանին, ինչո՞ւ ղեկրետում խոսվում է հայ ժողովրդի ղեպուտատների խորհրդի և ոչ թե, ասենք, բանվորների, գյուղացիների ու զինվորների կամ ընդհանրապես աշխատավորների ղեպուտատների խորհուրդների մասին և այլն: Մ. Արզումանյանը փորձում է հիմնավորել նաև ղեկրետի մշակմանը Ստ. Շահումյանի ակտիվ մասնակցությունը հարցը. «մի հանգամանք,— ինչպես գրում է նա,— որ զարմանալիորեն շրջանցվում է պատմական գրականության մեջ»<sup>2</sup>:

Պատմաբանի կարծիքով, «եթե խորհրդային իշխանությունը

Անդրկովկասում հաղթանակեր 1917—1918 թվականներին, իսկ դրա նախադրյալները կային, ապա կլուծվեր նաև Հայկական հարցը: Ռուսական բանակի կողմից թուրքական արշավանքի լծից ազատագրված Արևմտյան Հայաստանը կիրականացներ իրեն վերապահված ինքնորոշման իրավունքը, կմիանար Արևելյան Հայաստանին, և կստեղծվեր ամբողջական Խորհրդային Հայաստան»<sup>1</sup>:

1917—1918 թթ. Հայկական հարցի լուծման ուղղությամբ Խորհրդային Ռուսաստանի գործադրած ջանքերը լուսաբանվել են պատմական գիտությունների դոկտոր, պրոֆեսոր Լ. Խուրշուդյանի աշխատության մեջ<sup>2</sup>:

Ինչպես ասվեց, այդ մասին քիչ չի գրվել, սակայն պատմաբանը փորձել է մեր ժողովրդի այդ ժամանակաշրջանի պատմության որոշ հարցեր լուսաբանել նորովի:

Աշխատության առանցքային հարցը ՌեՖՍՀ Ժողովուրդի «Թուրքահայաստանի մասին» ղեկրետն է: Ինչպես հայտնի է, այդ ղեկրետը Հոկտեմբերյան հեղափոխության հաղթանակից հետո առաջին պաշտոնական փաստաթուղթն է, որ արժարժվում է Հայկական հարցը: Աշխատության մեջ հեղինակը հանգամանորեն շարադրում է ղեկրետի նախապատրաստման և ընդունման պատմությունը և կատարում մի շարք կարևոր ճշգրտումներ:

Աշխատելով պարզել, թե հայկական շրջանները ինչ վերաբերումներ և մասնակցություն են ցույց տվել «Թուրքահայաստանի մասին» ղեկրետի մշակման և կոնկրետացման գործում, Լ. Խուրշուդյանը, հենվելով Պ. Մակինցյանի հայտնի հոդվածի վրա, քննադատության է ենթարկում Ալ. Խատիսյանին, որը այդ հարցում խառնում է ղեմքերն ու ղեպքերը, շփոթում և կեղծում է պատմական փաստերը, անհարկի ընդգծում իր մասնակցությունը այդ գործում և կամ միտումնավոր բարձրացնում Զավարյանի դերը: Չեղինակը միաժամանակ գտնում է, որ Մակինցյանը ևս, որը Կովկասի քաղաքական իրադարձությունների ներքին անցուղարձերի ակտիվ մասնակիցներից է եղել, սխալվում է, միայն Վ. Տերյանին համարելով ղեկրետի հեղինակ: Հայտնի է, որ մեր պատմական գրականության մեջ վերջին տարիներին հի-

<sup>1</sup> Մ. Արզումանյան, նշվ. աշխ., էջ 194:

<sup>2</sup> Տե՛ս Լ. Խուրշուդյան, Խորհրդային Ռուսաստանը և Հայկական հարցը, Եր., 1977:

<sup>1</sup> Мнацаканян А., նշվ. աշխ., էջ 170:

<sup>2</sup> Տե՛ս Մ. Արզումանյան, նշվ. աշխ., էջ 37:



շատակվում էին նաև այլ անուաններ՝ դաշնակցական Ստ. Զորյան, ձախ էսէո Պ. Պոռչյան և այլն, սակայն պատմաբանը, նշելով իր ժամանակին արված Բ.Բորյանի ակնարկը այդ դեկրետի գործում Ստ. Շահումյանի մասնակցության մասին, կրկին առաջ է քաշում այդ հարցը, ընդգծում հայ լեհինյանի դերը այդ և ընդհանրապես Հայկական հարցի լուծման գործում:

Լ. Խուրշուդյանի աշխատության մեջ հիմնավորում է ստացել այն հարցը, թե ինչու խորհրդային կառավարության դեկրետում պետք է հիշատակվեր ռուսական զորքերի դուրսբերման մասին: «Եթե նրանում նշվեր, — իրավացիորեն զրու՞մ է հեղինակը, — որ արևմտահայությունը ստանում է անկախության իրավունք և ռուսական զորքերը մնում են Արևմտյան Հայաստանում, թեկուզ հայերին պաշտպանելու պատրվակով, միևնույն է, այն չէր հասկացվի: Աշխարհի ժողովուրդները ոչ մի կերպ չէին ըմբռնի, չէին հասկանա «Թուրքահայաստանի մասին» դեկրետը, այն կհամարեին խաբեություն, հայկական տերիտորիաների զավթում, եթե դեկրետում նշվեր, որ ռուսական զորքերը դուրս չեն բերվելու այդ երկրի սահմաններից»<sup>1</sup>:

Գրքում հանգամանորեն խուսվում է նաև դաշնակցականների և բոլշևիկների միջև Թիֆլիսում տեղի ունեցած բանակցությունների մասին, մի հարց, որը մինչ այդ շատ աղոտ է լուսաբանված պատմագրության մեջ:

Անդրադառնալով Հայկական հարցի պատմությանը Բրեստի հաշտության ժամանակաշրջանում, հեղինակը ցույց է տալիս Թուրքիայի նվաճողական քաղաքականության դեմ Հայաստանի պաշտպանության գործում Խորհրդային Ռուսաստանի թափած ջանքերը, որոնք, սակայն, ապարդյուն են անցնում:

Լ. Խուրշուդյանի աշխատության վերաբերյալ ունենք հետևյալ դիտողությունը: Գրված լինելով ավելի քան 10 տարի առաջ, նրա մեջ բնականաբար երևում է խորհրդահայ պատմագրության մեջ ժամանակին իշխած այն սխալ մոտեցումը, երբ տեղին, թե անտեղի դաշնակցությունը խիստ քննադատության էր ենթարկվում: Բացի դա, պետք է նշել, որ հեղինակը աշխատության 99-րդ էջում մեջբերում է կատարել «ԽՍՀՄ արտաքին քաղաքականության փաստաթղթեր» ժողովածուից, ընդգծելով

այն տեղը, որը փաստական տեսակետից սխալ է: Այնտեղ ասված է. «Սակայն 1918 թ. սկզբին Հայաստանում իշխանություն գլուխ եկած դաշնակցականները ոչ մի քայլ չարեցին ժողովուրդի դեկրետում նշված միջոցառումները իրականացնելու ուղղությամբ»: Հայտնի է, որ Հայաստանում դաշնակցականները իշխանության գլուխ են անցել ոչ թե 1918 թ. սկզբին, այլ կեսերին, երբ արդեն մինչ այդ ռուսական բանակը դուրս էր եկել Արևմտյան Հայաստանից և Թուրքերն ամբողջությամբ այն գրավել էին, իսկ զարնանը մտել Անդրկովկաս:

Անդրկովկասում Խորհրդային Ռուսաստանի կառավարության առաջին դեկրետների արձագանքների մասին է պատմում պրոֆ. Ա. Հարենցի աշխատությունը<sup>2</sup>:

Խորհրդային իշխանության հաստատման պատմությանը նվիրված աշխատություններում թեև մասնակիորեն շոշափվել է 1917—1918 թթ. Հայաստանի խորհուրդների գործունեությունը, սակայն նրանց ամբողջական պատմությունը գիտահետազոտական ուսումնասիրության առարկա է դարձել պատմական գիտությունների թեկնածու Մ. Նիկողոսյանի կողմից<sup>3</sup>: Հեղինակը, պատմելով Հայաստանում խորհուրդների ստեղծման մասին, կոնկրետ փաստերով ցույց է տվել էսէռների, մենշևիկների և դաշնակցականների ծավալած գործունեությունը խորհուրդներում և վեր հանել այն պայքարը, որ Հոկտեմբերյան հեղափոխության հաղթանակից հետո մղում էին Հայաստանի բոլշևիկները հանուն խորհրդային իշխանության հաստատման:

Խորհրդահայ պատմաբանները լուսաբանել են նաև 1918 թ. Թուրքական հարձակումը Հայաստանի վրա և վեր հանել հայ ժողովրդի պայքարը Թուրքական զավթիչների դեմ: Այդ գործում նախ և առաջ պետք է հիշատակել պատմական գիտությունների թեկնածու Հ. Թուրչյանի մենագրությունը, որի մեջ 1917—1918 թթ. Անդրկովկասում ծավալվող իրադարձությունների ֆոնի վրա շարադրված է Սարդարապատի հերոսամարտի պատմությունը<sup>3</sup>:

Սարդարապատի ճակատամարտը նա իրավամբ համարում է հայ ժողովրդի ազատագրական պայքարի փայլուն էջերից մեկը,

<sup>1</sup> Տե՛ս Ա. Հարենց, Հոկտեմբերյան լեհինյան դեկրետները և նրանց արձագանքները Անդրկովկասում, Եր., 1969:

<sup>2</sup> Տե՛ս Մ. Նիկողոսյան, Խորհուրդները Հայաստանում, Եր., 1968:

<sup>3</sup> Տե՛ս Հ. Թուրչյան, Սարդարապատի հերոսամարտը, Եր., 1965:

<sup>1</sup> Լ. Խուրշուդյան, նշվ. աշխ., էջ 45:



ժողովրդական պատերազմ, ցույց տալով ժողովրդական բոլոր խավերի մասնակցությունը հերոսական այդ պայքարին:

Սարգարապատը բախտորոշ գոյամարտ էր, իրավացիորեն գրում է հեղինակը, հայ ժողովրդի կենաց ու մահվան կռիվ: Երեք տարի առաջ թուրք դահիճները կոտորել էին հայ ժողովրդի ամբողջ կեսը, այսօր եկել էին վերջ տալու նրա երկրորդ կեսին: «Ինքնապաշտպանության զերագույն մղումով, — այնուհետև գրում է նա, — ոտքի էին ելել հայ ժողովրդի բոլոր դասերն ու դասակարգերը, հոսանքներն ու կուսակցությունները»<sup>1</sup>:

Հեղինակը կանգ է առել նաև Բաշ-Ապարանի և Ղարաքիլիսայի հերոսամարտերի վրա, վեր հանել հայ զորքի ու, հատկապես, հայ աշխարհազորայինների քաջագործությունները մայր հայրենիքի համար մղած անհավասար մարտերում:

Սակայն Հ. Թուրշյանի աշխատության մեջ կան բազմաթիվ անճշտություններ և սխալ գնահատումներ: Այսպես, չի կարելի համաձայնվել նրա այն կարծիքին, թե, իբր, Սարգարապատի ճակատամարտը տարեբայնորեն սկսվեց, որ «մեկ օրվա ընթացքում հայ ժողովուրդը հիմնովին կերպարանափոխվեց: Ստրկական երկյուղով բռնված երեկվա վհատ նահանջողը և դասալիքը դարձան հաղթանակի հավատով տոգորված ռազմիկ ու հարձակվող»<sup>2</sup>: Կարծում ենք, որ անհիմն է գեներալ Սիլիկովին տված նրա խիստ բացասական գնահատականը և այլն: «Իմ խորին համոզմամբ, — գրել է Խորհրդային Միության մարշալ Հ. Բաղրամյանը, — այդ ժամանակաշրջանի բոլոր հայ գեներալներից Սիլիկովին ավելի շնորհալի դորապետ էր»<sup>3</sup>: Մեկ այլ տեղ նա գրում է. «Եվ ահա ինչպես քաղաքական, այնպես էլ ռազմական տեսակետից անասման բարդ պայմաններում այդ զորապետը ընդունել է միակ ճիշտ, բազմակողմանիորեն մտածված, առանց չափազանցություն, տաղանդավոր որոշում՝ զորքը և բոլոր նրանք, ովքեր ընդունակ են դենք կրելու, ոտքի հանել հանուն հայկական բազմադարյան պետության հիմնական տերիտորիայի անձնագոհ պաշտպանության թուրքերի բարբարոսական հարձակումից»<sup>4</sup>:

Հ. Թուրշյանի գրքի քննադատությամբ մամուլում հանդես եկավ ճակատամարտի մասնակից, 5-րդ մահապարտ զնդի դա-

սակներից մեկի հրամանատար Մ. Մարտիրոսյանը<sup>1</sup>, իսկ շուրջ 10 տարի հետո՝ պրոֆ. Ա. Հարությունյանը<sup>2</sup>: Մ. Մարտիրոսյանի գիտողությունները վերաբերում են ռազմական գործողությունների սխալ մեկնաբանություններին: Խոսելով մարտերից մեկի նկարագրության մասին, հողվածագիրը գրում է. «Այս պատմությունը լրիվ հնարված է: Այստեղ ոչ մի ճիշտ բան չկա»: Մեկ այլ տեղ գրում է. «Սարգարապատի ճակատամարտի ռազմական գործողությունները քմահաճորեն նկարագրելուց հետո Թուրշյանն անում է այնպիսի արտառոց եղրակացություններ, որ զարմանքից ուսերդ ես թոթվում» կամ՝ «Եթե այդ բոլորը զբր-պարտություն չեն հայ ժողովրդին վարկաբեկելու համար, ապա մաքուր հեքիաթ է՝ Թուրշյանի կողմից հնարված»: Ժխտելով Թուրշյանի կողմից առաջ քաշած ճակատամարտում տեղացիների և գաղթականների միջև եղած հակամարտության մասին միտքը, Մ. Մարտիրոսյանը գրում է, որ «այդ տգեղ, զավեշտական հեքիաթներով թող Թուրշյանը շթունավորի այդ սրբազան ճակատամարտի պատմության էջերը» և այլն<sup>3</sup>:

Մ. Մարտիրոսյանը իրավացիորեն քննադատում է Հ. Թուրշյանին նաև գեներալ Սիլիկովին տված սխալ գնահատականի համար:

Հ. Թուրշյանի գրքի վերաբերյալ Ա. Հարությունյանը գրել է հետևյալը. «Հ. Թուրշյանը, ձեռքի տակ ունեցած աղքատիկ փաստացի նյութերով և, ամենակարևորը, կանխավ ունեցած միտումնավոր և ոչ ճիշտ գիրքորոշումով չէր կարող ընթերցողին ներկայացնել պատմական ճշմարտությանը մոտիկ աշխատություն»<sup>4</sup>: Թեև խիստ, բայց հիմնականում ճիշտ է ասված: Մեր խնդիրն է, գրում է հողվածագիրը, համառոտակի ներկայացնելով Սարգարապատի ճակատամարտին նախորդող ռազմաքաղաքական իրադարձությունների նկարագիրը, կովող ուժերի փոխհարաբերությունը, Հայկական կորպուսի զորքի դերը, նշել Հ. Թուրշյանի մեղանշումները պատմական ճշմարտության դեմ:

Ա. Հարությունյանը Հ. Թուրշյանի գրքի հիմնական արատը համարում է նրա այն միտումը, որ, իբր, ճակատամարտը շա-

<sup>1</sup> Տե՛ս Մ. Մարտիրոսյան, Սարգարապատի ճակատամարտը, ԲՀԱ, 1969, № 1:

<sup>2</sup> Տե՛ս Ա. Հարությունյան, Պատմական ճշմարտությունը Սարգարապատի ճակատամարտի մասին, ԲՀԱ, 1973, № 3:

<sup>3</sup> Տե՛ս Մ. Մարտիրոսյան, նշվ. հողվածք, էջ 156, 160, 163—164:

<sup>4</sup> Ա. Հարությունյան, նշվ. հողվածք, էջ 96:

1 Հ. Թուրշյան, նշվ. աշխ., էջ 141:

2 Баграмян И., Мои воспоминания, Е., 1979, с. 90.

3 Նույն տեղը, էջ 91:



հել է անկազմակերպ, տարերայնորեն ոտքի ելած ժողովուրդը և ոչ բանակը, որ նա տեղի-անտեղի հողովում է գեներալներ նազարբեկովի, Միլիկովի և տասնյակ այլ հայ սպաների անունները, որոնք, իբր, զբաղված էին անսպասե՞ խնշույքներով, խորհրդադակցություններով կամ միայն փախչում էին մարտի դաշտից: Անշուշտ, գրում է հոգևածագիրը, և՛ հոգևորականներն են մասնակցել կովին, և՛ տարերայնորեն որոշ թվով գյուղացիներ են գեների դիմել, սակայն Չ. Թուրշյանն այդ ամենը վկայում է, իսկ երբեմն՝ հնարում, միայն նրա համար, որպեսզի ցույց տա, որ գեներալներ նազարբեկովի, Միլիկովի, հայ բազմաթիվ զնդապետներ ու այլ սպաներ տհաս էին, անճարակ, անտաղանդ և որ Հայկական կորպուսի զորքերը չէ, որ կովում էին թուրքական կանոնավոր զորքերի դեմ, այլ աշխարհազորը և ժողովուրդը:

Ինչ խոսք, Ա. Հարությունյանը, ինչպես տեսանք, չի ժխտում այդ օրերի համաժողովրդական ցասումը, որի արդյունքը եղավ նաև գյուղացիների մասնակցությունը Սարգսրապատի ճակատամարտին, սակայն միևնույն ժամանակ գտնում է, որ այդ ճակատամարտում թուրքական կանոնավոր զորքերի դեմ առաջին հերթին կովում էին Հայկական բանակային կորպուսի կանոնավոր զնդերն ու գումարտակները, որոնց զլուխ կանգնած էին հայ գեներալներ ու սպաներ՝ ի դեմս կորպուսի հրամանատար գեներալ Ֆ. Նազարբեկովի և դիվիզիայի հրամանատար գեներալ Միլիկովի: Զթերագնահատելով Դանիելյեկ Փիրումյանի խոշոր դերը, Ա. Հարությունյանը գտնում է, որ, այնուամենայնիվ, նա 8-րդ զնդի հրամանատարներից մեկն էր և կովում էր միայն իր մարտական տեղամասում, իսկ դիվիզիան ղեկավարում էր Միլիկովը:

Ա. Հարությունյանը Չ. Թուրշյանի գրքի վերաբերյալ իր դիտողությունները արել է նաև հետագայում հրատարակված մենագրության մեջ<sup>1</sup>, ուր հանգամանորեն լուսաբանվում է 1918 թ. թուրքական ինտերվենցիայի և հայ ժողովրդի ինքնապաշտպանական կոիվների պատմությունը: Աշխատությունը գրված է արխիվային հարուստ նյութերի, այդ թվում թուրքերենից ուսուներեն թարգմանված բազմաթիվ սկզբնաղբյուրների, համապատասխան գրականության ուսումնասիրության հիման վրա: Մենագրությունը հեղինակի 1971 թ. ոտսերեն լույս տեսած «Կովկաս-

յան ռազմաճակատը 1914—1917 թթ.» աշխատության շարունակությունն է: Այն ընդգրկում է ռազմաքաղաքական տեսակետից բարդ ու խճճված մի ժամանակաշրջան:

Աշխատության մեջ բացահայտված են 1917 թ. վերջին և 1918 թ. սկզբներին Կովկասյան ռազմաճակատում ռուսական բանակի կազմալուծման և նահանջի սոցիալ-քաղաքական պատճառները, մերկացված է Անդրկովկասյան կոմիսարիատի և բուրժուազգայնական կուսակցությունների բացասական դերը:

Հանգամանորեն լուսաբանված է նաև թուրքական արշավանքը Հայաստան, վերլուծված են ռազմական գործողությունները՝ Ներսիսյանի մինչև Սարգսրապատ, Ղարաբախի: Հաջող է ներկայացված հայ ժողովրդի պաշտպանական կոիվների պատկերը, հատկապես Սարգսրապատի ճակատամարտը: Խորհրդահայ պատմագրության մեջ Ա. Հարությունյանը առաջինն է փորձել նորովի լուսբանել և գնահատել գեներալ Նազարբեկովի գլխավորած Հայկական կորպուսի, նրա առանձին հրամանատարների, օրինակ, Միլիկյանի դերը թուրքական արշավանքի դեմ մղված կոիվներում: Դրա հետ մեկտեղ նա չի անտեսել նազարբեկովի և, ամբողջությամբ վերցրած, հայկական զինված ուժերի ղեկավարների թույլ տված կոպիտ սխալները, առանձին դեպքերում ցուցաբերած անհոգությունը, որոնք ծանր հետևանքներ ունեցան հայ ժողովրդի համար:

Աշխատության մեջ լայն տեղ է տրված Բաքվի կոմունայի դեմ թուրքական արշավանքի պատմությանը, վեր են հանված նաև ինքնապաշտպանական կոիվները հանուն Բաքվի կոմունայի գոյության: Անդրադառնալով կոմունայի պարտության պատճառներին, Ա. Հարությունյանը նշում է դրանց պատճառները, որոնք պատմական գրականության մեջ շրջանցվում են: Նա կոմունայի պարտության զլխավոր պատճառը համարում է թուրքական բանակի գերակշիռ ուժը կոմունայի ռազմական ուժի նկատմամբ: Մենագրության մեջ խոսվում է նաև Նախիջևանում ու Զանգեզուրում մղված ինքնապաշտպանական կոիվների մասին: Այստեղ ըստ արժանվույն է գնահատված Անդրանիկի գործունեությունը:

Հայաստանի նկատմամբ Թուրքիայի վարած զավթողական քաղաքականության բացահայտմանը հանգամանորեն անդրադարձել է նաև Մ. Արզումանյանը՝ «Արհավիրքից վերածնունդ»

<sup>1</sup> Տե՛ս Ա. Հարությունյան, Թուրքական ինտերվենցիան Անդրկովկասում և ինքնապաշտպանական կոիվները, Սր., 1984, էջ 179—187:

<sup>1</sup> Տե՛ս Ա. Հարությունյան, նշվ. աշխ., էջ 285—296:



խորագրված իր աշխատության մեջ: Այստեղ ըստ պատշաճի վեր են հանված նաև հայ ժողովրդի ազատագրական պայքարի հերոսական դրվագներից մեկի՝ Սարգարապատի և մյուս վայրերի հերոսամարտերը թուրքական զավթիչների դեմ: «Սարգարապատի հերոսամարտը,— գրում է նա,— հայ ժողովրդի ազատագրական պայքարի մեծագույն փայլատակումներից մեկն էր, իսկական էպոպեա, մի նոր ու հաղթական Ավարայր, որը հիմնովին կզրոշմվի պատմության մեջ և մշտապես սխրանքների կկոչի սերունդներին»<sup>1</sup>:

Թուրքական զավթիչների դեմ հայ ժողովրդի մղած ազատագրական պայքարի, տվյալ դեպքում Սարգարապատի, Բաշ-Ապարանի, Ղարաբիլխայի և այլ վայրերի մարտերի պատմությունը լայն տեղ է գրավում Մ. Աղայանի «Հայ ժողովրդի ազատագրական պայքարի պատմությունից» ու «Հոկտեմբերը և հայ ժողովրդի ազատագրական պայքարը» աշխատություններում:

Մ. Աղայանը, ի թիվս 1917—1920 թթ. պատմության բազմաթիվ հարցերի, լայն տեղ է հատկացրել ժողովրդական հերոս Անդրանիկի գործունեության լուսաբանմանը:

Հայտնի է, որ երկար ժամանակ պատմագիտական գրականության մեջ գրեթե անտեսվել է նրա անունը: Նա չի գնահատվել ըստ արժանվույն: Այս տեսակետից Մ. Աղայանը շնորհակալ գործ է կատարել՝ պատռելով Անդրանիկի անվան շուրջ ստեղծված մշուշը: Փաստական հարուստ նյութերի հիման վրա բացահայտվել է անվանի զորավարի և մեծ հայրենասերի ամբողջական նկարագիրը ինչպես մինչհոկտեմբերյան, այնպես էլ հետհոկտեմբերյան ժամանակաշրջանում: Յուրյ է տրվել Խորհրդային Ռուսաստանի հանդեպ Անդրանիկի դրական կողմնորոշումը, նրա պատրաստակամությունը զինված ուժերով օգնելու Բաքվի կոմունային: Հեղինակը ամենայն մանրամասնությամբ շարադրում է նրա գործունեությունը Նախիջևանում և, հատկապես, Զանգեզուրում:

«Հայ ժողովրդի ազատագրական պայքարի պատմությունից» աշխատության մեջ ցույց է տրված նաև Անդրանիկի նկատմամբ դաշնակցական կառավարության բռնած թշնամական դիրքորոշումը:

Խոսելով դաշնակցության նկատմամբ Անդրանիկի անհաշտ դիրքի, նրա կողմից դաշնակցության գործունեության սուր քննադատության մասին, Մ. Աղայանը միաժամանակ ցույց է տվել հայ ժողովրդի անվանի գործչի ջերմ վերաբերմունքը դեպի մայր հայրենիքը՝ Խորհրդային Հայաստանը:

Առաջնորդվելով այն ձիշտ սկզբունքով, որ գիտական պատմագրության հիմնական պահանջներից մեկն էլ հասարակական երևույթները կոնկրետության մեջ քննելն է, Մ. Աղայանը փաստական տվյալների հիման վրա հերքում է նրանց, այդ թվում դեռևս 1918 թվականի վերջերին մուսավաթականների օրգան «Աղբբեջան» թերթին, ովքեր փորձում են վարկաբեկել Անդրանիկին, թխված հերյուրանքներով մեղադրելով նրան հայ և աղբբեջանական ժողովուրդների միջև թշնամանք հրահրելու, ազգամիջյան կոտորածներ կազմակերպելու մեջ<sup>2</sup>:

Հանրագումարի բերելով և վերստին բարձր գնահատելով զորավարի գործունեությունը, հեղինակը միևնույն ժամանակ նշում է նրա թերությունները: «Սակայն պետք է նշել նաև այն,— գրում է նա,— որ Անդրանիկը չկարողացավ հասնել սոցիալական և քաղաքական պայքարի խոր գիտակցման աստիճանին: Ազգային-ազատագրական պայքարի համընդհանուր ճակատ, որ փափագում էր նա, չստեղծվեց և առանձին հերոսական ելույթները ցանկալի արդյունք չտվեցին»<sup>3</sup>: Մ. Աղայանը գտնում է, որ նրա ընտրած պայքարի ուղին լի էր նաև մոլորություններով ու հիասթափություններով: Նա չկարողացավ հասկանալ, որ պատմական տվյալ ժամանակաշրջանում ազգային-ազատագրական պայքարը պետք է սերտորեն առնչվի սոցիալական պայքարի, կապիտալիզմի լուծը թոթափելու և պրոլետարիատի դիկտատուրա հաստատելու համար մղվող պայքարի հետ: Մի որոշ ժամանակ Անդրանիկը հավատացել է Անգլիայի, Ֆրանսիայի, ԱՄՆ-ի խոստումներին, որոնք պատերազմի ժամանակ Ռուսաստանի դաշնակիցներն էին: «Ռա ևս մոլորություն էր»,— գրում է հեղինակը: Սակայն նա ավելացնում է, որ հետագայում Անդրանիկը վճռականորեն դատապարտեց արևմտյան տերությունների նենգ քաղաքականությունը. մերկացրեց նրանց դավերը:

<sup>1</sup> ՏՃ՝ Մ. Աղայան, նշվ. աշխ., էջ 665—671:

<sup>2</sup> Նույն տեղը, էջ 824:

<sup>1</sup> Մ. Արզումանյան, Արհավիրքից վերածնունդ, էջ 149:



«Նա իր հայրենիքի ազնիվ ու նվիրված հերոս գինձորն էր,— իրավացիորեն գրում է պատմաբանը,— սակայն ոչ դիվանագետը և ոչ էլ քաղաքագետը լայն տոտմով: Նա մի որոշակի շրջանում հավատում էր, որ իմպերիալիստական պատերազմի ընթացքում կարող է լուծվել նաև Հայկական հարցը»<sup>1</sup>:

Ի դեպ, խորհրդահայ պատմագրության մեջ արծարծվել է նաև այն հարցը, թե ինչ պատճառով ժողովրդական հերոս Անդրանիկը, որ երեք տասնամյակ շարունակ ամենակտիվ մասնակցությունն է ունեցել թուրքական բռնակալության դեմ հայ ժողովրդի մղած ազատագրական պայքարին, չի մասնակցել Սարդարապատի և, նույնիսկ, Ղարաբախի ճակատամարտերին:

Այդ ժամանակ Անդրանիկի զորամասը ենթարկվում էր Հայկական կորպուսի հրամանատար գեներալ Նազարբեկովին: Կարան ու Ալեքսանդրապոլը գրավելուց հետո թուրքերի մի զորախումբ շարժվում էր դեպի Ղարաբախ: Նազարբեկովի կարգադրությամբ Անդրանիկը իր հինգհազարանոց զորքով և 20 հազար գաղթականների հետ շարժվում է դեպի Զալալօղլի, Քուլագիրան և Դսեղ ու անմիջապես ձեռնամուխ լինում երկաթգծի պաշտպանությանը: Չնայած դրան, Անդրանիկը Ղարաբախի ճակատամարտին անմիջականորեն չի մասնակցել:

2. Թուրշյանը «Սարդարապատի հերոսամարտը» աշխատության մեջ դրա պատճառը համարում է հրամանատարության, գլխավորապես Նազարբեկովի անճարակությունը: Գտնելով, որ մայիսի 27-ի բախտորոշ կռիվների հաջողությունը հրամանատարության մեղքով չամրապնդվեց, տանուլ տրվեց, նա գրում է. «Այդ ժամանակ Դսեղում էր գտնվում Անդրանիկն իր շուրջ հինգհազարանոց զորքով, գնդապետ Բեկ-Մամիկոնյանը նամակով դիմել էր նրան խնդրելով մասնակցել կռվին, սակայն Անդրանիկը հնարավորություն չունեցավ այդ անելու, որի հետևանքով էլ թուրքերը կարողացան Զալալօղլիի վրայով Բորչալու արշավող բանակն ազատ կերպով հետ դարձնել և Բզովզալի լեռնանցքից իջնելով, շրջանցել մենակ մնացած Ղարաբախի հայ զորքի աջ թևը»<sup>2</sup>:

Հարցն ավելի պարզելու համար, 2. Թուրշյանը վկայակոչում է հայ մեծանուն բանաստեղծ Հովհ. Թումանյանին՝ մեջբերելով

նրա հետևյալ խոսքերը. «Ղարաբախի անկման օրից սկսած, անդադար մարդիկ են պատահում, որոնք դատապարտում են Անդրանիկին, որ Ղարաբախի պատերազմի ժամանակ նա խոշոր ուժերով մնաց էնքան մոտիկ՝ Դսեղում նստած, մինչդեռ եթե օգնության հասներ Դվալից, պատերազմը բոլորովին ուրիշ ելք կունենար:

Այո, միանգամայն ճշմարտացի են ասում, որ եթե Անդրանիկը կոռու կողմից, Դվալից օգնության հասներ՝ պատերազմն անկասկած ուրիշ ելք կունենար: Սակայն բոլոր խոսողները մի բան չգիտեն, որ հենց էդպես էլ ծրագրված էր և կատարվելու վրա էր, երբ զինվորական բարձր հրամանատարությունից հրաման եկավ Անդրանիկին՝ մնալ Դսեղում և պաշտպանել երկաթուղագիծը:

Դսեղից տրված տեղեկության հետևանքով մինչև էս հրամանը փոխվեց, արդեն երրորդ օրն էր և գրեթե միաժամանակ եկավ Ղարաբախի անկման բոթը»<sup>3</sup>:

2. Թուրշյանը վկայակոչում է նաև Ղարաբախի կռիվների ականատես-մասնակից Մուշեղ Ղազարյանին, որը գրել է. «Չկար կռվելու մի որոշ ծրագիր, գրված չէր լուծելու որևէ խնդիր. ամեն ինչ թողնված էր տարերային ուժին, ամեն ինչ հանձնված էր պատահականության: Մեր զինվորական հայտնի ուժերը— նազարբեկով, Բեկ-Մամիկոնով, Անդրանիկ և ուրիշներ— կորցնելով իրենց հավասարակշռությունը, չունեին հմայք ու հեղինակություն մասսայի աչքում»<sup>4</sup>:

Անդրանիկի հերոսական կյանքի ու գործունեության խորազնին հետազոտության գործում խորհրդահայ պատմաբաններից ավելի մեծ ներդրում ունեցող Մ. Աղայանը, հանգամանորեն նկարագրելով 1918 թ. ապրիլ-մայիս ամիսներին կոռու ըստեղծված իրադրությունը, նշում է, որ այն ժամանակ, երբ Անդրանիկը գտնվում էր Դսեղում, գեներալ Նազարբեկովը հեռախոսով կապվում է Անդրանիկի հետ և հանձնարարում, որ նա պահի կռիվն և թույլ չտա թշնամուն անցնելու հայոց թիկունքը: Բերվում է նաև Անդրանիկի պատասխանը, թե «որքան ատեն, որ ժողովուրդը և զինվորը ինձ հետ են, պիտի կռվիմ՝ և բոլոր

1 Զ. Աղայան, նշվ. աշխ., էջ 825:

2 Մ. Ա., Ղարաբախի հերոսամարտը (ականատեսի հիշողություններ), Քիֆիս, 1920, էջ 17:

1 Մ. Աղայան, նշվ. աշխ., էջ 825:

2 Զ. Աղայան, Սարդարապատի հերոսամարտը, էջ 155:



ուժով չպիտի թողում թշնամին որ քայլը մը իսկ առաջ ընթանա<sup>1</sup>: Ելնելով դրանից, Մ. Աղայանը գտնում է, որ «Անդրանիկը պաշտպանում էր երկաթուղագիծը, Ջալալօղլին և Դիլիջանի ճանապարհները: Սակայն նա պետք է հարվածներ դեպի Ղարաքիլիսա շարժվող թուրքական զորքերին, որը նա չկարողացավ կատարել գեներալ Նազարբեկովից ստացած հրամանի պատճառով<sup>2</sup>: Պատմաբանի կարծիքով, հենց այդ պատճառով էլ Անդրանիկը շմասնակցեց նաև Սարդարապատի ճակատամարտին<sup>3</sup>: Այդ առթիվ մի այլ տեղ նա գրում է. «Այն թյուր կարծիքը, որ Անդրանիկը կղզիացել էր Սարդարապատի ժամանակ, ճիշտ չէ: Այդ օրերին նա իր վրա էր բեռեկ ու կաշկանդել թշնամու մեծ քանակությամբ ուժեր և նրան զրկել դեպի Սարդարապատ նոր զորքեր փոխադրելու հնարավորությունից<sup>4</sup>»:

Մեզ հետաքրքրող հարցը քննվում է նաև Ա. Հարությունյանի աշխատությունում: Անդրադառնալով Ղարաքիլիսայի ճակատամարտում կրած պարտությունը, նա գտնում է, որ այդ գործում բացասական դեր են խաղացել զինվորական ղեկավարության թույլ տված սխալները. մասնավորապես, խոսելով Անդրանիկի մասին, նա գրում է. «Անդրանիկը ևս Դսեղից պետք է թևեր առներ և թռչեր հասներ Ղարաքիլիսա, որպեսզի փրկության ձեռք մեկներ անպաշտպան ժողովրդին»<sup>5</sup>:

Այս հարցում Ա. Հարությունյանի մոտ նկատում ենք մի փոքր հակասություն: Մի տեղ նա կարծես հանդիմանում է Անդրանիկին, գրելով՝ որ Անդրանիկը ևս Դսեղից պետք է թևեր առներ և թռչեր, հասներ Ղարաքիլիսա, որպեսզի փրկության ձեռք մեկներ անպաշտպան ժողովրդին, իսկ մի այլ տեղ, հենվելով Հովհ. Թումանյանի ասածի վրա, նշում է, թե «այնպես որ նա մեղավոր չէ, որ այդ օրերին Ղարաքիլիսայում չէր» (էջ 301): Անդրադառնալով Բաթումում կնքված պայմանագրի նկատմամբ

1 Մ. Աղայան, Հայ ժողովրդի ազատագրական պայքարի պատմությունից, էջ 603, տե՛ս նաև Ջորավար Անդրանիկի Կովկասյան ճակատի պատմական օրագրությունը, Պոսթոն, 1924, էջ 102:

2 Մ. Աղայան, նշվ. աշխ., էջ 606:

3 Տե՛ս նույն տեղը, էջ 603:

4 Նույն տեղը, էջ 605—606:

5 Ա. Հարությունյան, Թուրքական ինտերվենցիան Անդրկովկասում 1918 թ. և ինքնապաշտպանական կռիվները, էջ 198:

Անդրանիկի դիրքորոշմանը, նա գրում է. «Հայտնի է, որ Անդրանիկը Դիլիջան ժամանելուց հետո, իմանալով Բաթումում կնքված նվաստացուցիչ պայմանագրի մասին, գժտվել էր դաշնակցականների ղեկավարության հետ և հրաժարվել որևէ հրաման կատարելուց: Նա պատասխանատվություն չվերցրեց Դիլիջանում եղած հայկական ստորաբաժանումները ղեկավարելու համար և իր ջոկատով այլ ուղի ընտրեց»<sup>1</sup>:

Այսպիսով, ելնելով փաստական տվյալներից, որոշակիորեն կարելի է հանդեմ այն եզրակացության, որ մեզ հետաքրքրող հարցում դեր է խաղացել և՛ հրամանատարության կողմից Անդրանիկին արված կարգադրությունը Դսեղում մնալու մասին, և՛ նրա անհաշտ դիրքորոշումը դաշնակցական պարագլուխների և նրանց կողմից ղեկավարվող հայոց Ազգային խորհրդի նկատմամբ: Մենք նախընտրում ենք ավելի կարևոր համարել երկրորդ պատճառը:

Բանն այն է, որ ժողովրդի և զորքի մեծ մասը դժգոհ էր 1918 թ. հունիսի 4-ին Բաթումում կնքված ծանր ու ստորացուցիչ պայմանագրից, և պահանջում էր շարունակել պատերազմը թուրքական զավթիչների դեմ: Նման պարագայում ինչպե՞ս կարող էր հայրենասեր զորավարը իրեն հատուկ պոռթկումով խստորեն շղայրանալ և շվշտանալ: Հայկական կորպուսի հրամանատար գեներալ Նազարբեկովին հղած հեռագրում նա վրդովված գրում է. «Վեց հարյուր տարվան ստրկության շղթան դարձյալ ձեր վիզն ու ոտքը կանցնեք ձեր ձեռքով: Չեմ կրնար այս պայմաններում հանդուրժել, մոռանալով մեր երեսուն տարվան զոհերը և մեկ միլիոն նահատակները»<sup>2</sup>: Հայտնի է, որ դաշնակցական պարագլուխները Բաթումի պայմանագրով փաստորեն պարտավորվել էին Անդրանիկին և հայ ազգային-ազատագրական շարժման մյուս գործիչներին զինաթափել՝ պարտադրելով հեռանալ Հայաստանից:

Խորհրդահայ պատմաբանները (Գ. Գալոյան, Ա. Մնացականյան, Ծ. Սարգսյան, Մ. Աղայան, Մ. Արզումանյան, Լ. Խուրշուդյան և ուրիշներ) ավել կամ պակաս չափով անդրադարձել են Բաքվի կոմունայի պատմությանը, մասնավորապես բացահայտել նրա հերոսական պայքարը օտարերկրյա ինտերվենտներ-

1 Ա. Հարությունյան, նշվ. աշխ., էջ 197:

2 Ջորավար Անդրանիկը Կիսսի, Փարիզ, 1921, էջ 26—27:



րի դեմ, քննել կոմունայի անկման հանգամանքները: Հենվելով Ստ. Շահումյանի ասուլիսների վրա, նրանք բացահայտել են նաև Անդրկովկասի բուրժուազգայնական կուսակցությունների, այդ թվում դաշնակցության խաղացած դերը կոմունայի անկման գործում:

Բաքվի կոմունայի ժամանակաշրջանում դաշնակցության երկփեղկված դիրքորոշումը վերլուծված է Լ. Խուրշուդյանի «Խորհրդային Ռուսաստանը և Հայկական հարցը» աշխատության մեջ: Նա շերտավորված մոտեցնում է հանդես բերում, դաշնակցության մեջ բացորոշելով երկու թև՝ մեկը Բաքվում որոշ ժամանակ գնում էր բուլժեիկների հետ, իսկ մյուսը՝ Թիֆլիսում, ընդհակառակը, խձձվելով անելանելի լաբիրինթոսում, անում էր այն, ինչ թելադրում էին թուրքերը մենշևիկների և մուսավաթականների հետ միասին<sup>1</sup>: Ուշագրավ են գրքում բերված փաստերն այն մասին, որ դաշնակցության Բաքվի կոմիտեն նույնիսկ մեղադրում էր Թիֆլիսի դաշնակցականներին դավաճանության մեջ՝ քննադատելով Անդրկովկասը Ռուսաստանից անջատելու ակտը և Թուրքիայի հետ կնքված Բաթումի պայմանագիրը<sup>2</sup>: Սակայն հարցը դրանով չի սպառվում: Պատմաբանը ցույց է տալիս, որ երբ թշնամու գերակշռող ուժերի դեմ Բաքվի կոմունայի զինված ուժերը հարկադրված սկսեցին նահանջել, դաշնակցությունը Բաքվում անմիջականորեն փոխեց իր քաղաքական կողմնորոշումը: «Փոխանակ համախմբելու հայկական ուժերը և դրանք ուղղելու թուրքերի դեմ, փոխանակ օժանդակելու բազմազգ և բազմադասակարգ ուժերի միասնական ճակատի ամրապնդմանը, որն ընդունակ կլինեք ջախջախելու հակառակորդին, դաշնակցությունը,— գրում է նա,— ընդհակառակն, ընտրեց այլ ուղի, մասնատեց Բաքվի պաշտպանների շարքերը և սկսեց ագիտացիա անգլիացիներին Բաքու հրավիրելու օգտին»<sup>3</sup>: Մեկ այլ տեղ նա գրում է. «Սակայն դաշնակցությունը, ինչպես և պետք էր սպասել, արդեն ընտրել էր իր նոր ուղին: Միացած էսէկամենշևիկյան կուսակցություններին, դաշնակցությունը դավաճանեց կոմունային»<sup>4</sup>:

Այս հարցի կապակցությամբ մի դիտողություն ունենք Ա. Մնացականյանի արտահայտած կարծիքի վերաբերյալ: Խոսելով Բաքվի հայ ազգային զորամասերի մասին, նա գերագնահատում է նրանց դերը կոմունայի ստեղծման և նրա պաշտպանության գործում: Ա. Մնացականյանը գտնում է, որ հայկական ազգային զորամասերը կովում էին ընդդեմ հակահեղափոխության, հանուն Հոկտեմբերյան հեղափոխության նվաճումների պաշտպանության: «Բաքվում,— նշում է նա,— խորհրդային իշխանության համար 1918 թ. մղած համառ մարտերի օրերին, դեմադրեմ կանգնել էին երկու բանակ՝ հեղափոխության և հակահեղափոխության բանակները, Հոկտեմբերի նվաճումները պաշտպանող բանակ և ռեակցիայի սև ուժերը պաշտպանող բանակ: Հայկական ազգային զորամասերը մտան հեղափոխության բանակի կազմում և մասնակցեցին Հոկտեմբերի նվաճումների պաշտպանությանը»: Մնացականյանը հետևողական չէ, արտահայտել է հակասական մտքեր: Այլապես ինչպես հասկանանք նրա մի այլ աշխատության մեջ գրված հետևյալ խոսքերը. «Անդրկովկասում վերջնականապես դրսևորվեցին երկու հակամարտ ուժեր՝ մի կողմից բուլժեիկների Բաքվի կոմունան և նրանց համակրող, նրա հետ ընթացող բանվորագյուղացիական հեղափոխական մասսաները, մյուս կողմից իմպերիալիզմի գործակալները՝ մենշևիկները, մուսավաթականները, դաշնակները, էսէկամենշևիկները»<sup>5</sup>:

Որ դաշնակցականների գլխավորած ազգային զորամասերը կովում էին հերոսաբար, ճիշտ է, բայց դա, մեր կարծիքով, կատարվել է ոչ թե Բաքվի խորհրդային իշխանությունը, Հոկտեմբերի նվաճումները հակահեղափոխությունից պաշտպանելու նպատակով, այլ Բաքուն թուրքական զավթիչներից փրկելու համար: Նրանք հաստատապես գիտեին, որ թուրքերը, մտնելով Բաքու, սրի կքաշեին Բաքվի և նրա մոտակա հայաբնակ գավառների հայ բնակչությանը: Այսպիսով, սխալված չենք լինի, եթե պնդենք, որ նրանք, այդպես հերոսաբար կովելով, առաջնորդվում էին ոչ թե դասակարգային, այլ ազգային բնազդով, նրանք

1 Տե՛ս Լ. Խուրշուդյան, նշվ. աշխ., էջ 167:

2 Տե՛ս նույն տեղը:

3 Նույն տեղը, էջ 179:

4 Նույն տեղը, էջ 180 (Ընդգծումը հեղինակինն է— Շ. Լ.):

1 Տե՛ս Мнацаканян А., Ленин и решение национального вопроса в СССР, էջ 171.

2 Ա. Մնացականյան, Ռևոլյուցիան Անդրկովկասում և Ռուսաստանի պատվիրակները, Եր., 1961, էջ 41:



կովում էին ոչ թե Հոկտեմբերյան հեղափոխության հաղթարշավի, այլ դարավոր թշնամու առաջխաղացումը կասեցնելու համար: «Միայն այն բանից հետո, երբ Բաքվի զլխին կախվեց գերմանա-թուրքական ասպատակության սպառնալիքը, — գրում է Ա. Միկոյանը, — հայկական Ազգային խորհուրդը առաջարկեց կարմիր բանակի կազմի մեջ մտցնել իր հայկական ազգային զորամասերը»<sup>1</sup>:

Ի դեպ, չի կարելի բարձր գնահատականի արժանացնել հայկական զորամասերին, որևէ ակնարկ շանելով Բաքվի կոմունայի ծանր օրերին նրանց ղեկավարության կատարած քայլերի մասին: «Երբ պարզվեց, — գրել է դաշնակցության ղեկավարներից մեկը՝ Ռ. Գարբինյանը, — որ Խորհրդային Ռուսաստանն ի վիճակի չէ բավականաչափ օգնություն հասցնելու Բաքվի տեղական ուժերին ետ մղելու համար թուրքատճկական գրոհը, Հ. Հ. Գաշնակցությունը ամենայն դուրսից ամրապակեց բոլշևիկյան իշխանությունը Բաքվում և զինաթափ արեց զուտ բոլշևիկյան ուժերը»<sup>2</sup>:

Խորհրդահայ պատմաբանների աշխատություններում զգալի տեղ է տրված դաշնակցության ինչպես նախահոկտեմբերյան, այնպես էլ հետհոկտեմբերյան ժամանակաշրջանի գործունեությունը, մասնավորապես նրա վարած ներքին ու արտաքին քաղաքականության բացահայտմանը:

Գաշնակցության 1917—1918 թթ. գործունեության քննադատությունը ներկայացված է Հ. Թուրշյանի «Մարդարապատի հերոսամարտը» աշխատության մեջ: Անդրադաճալով Հոկտեմբերյան հեղափոխությունից հետո Անդրկովկասում ստեղծված իրադրությունը, Հ. Թուրշյանը քննադատում է դաշնակցությանը, որը, չնայած նրա որոշ գործիչների ջանքերին, անկարող եղավ հասկանալ, որ Անդրկովկասի, այդ թվում հայ ժողովրդի կենսական շահերը հրամայաբար պահանջում էին դաշինք կնքել Խորհրդային Ռուսաստանի և ոչ թե թավադարեզական դասակարգերի ու նրանց մենշևիկ-մուսավաթական գործիչների հետ և Անդրկովկասն անջատել Ռուսաստանից: Անդրկովկասյան բլոկի հակախորհրդային այդ դաշինքն էլ կանխորոշեց թուրքական ագրեսիայի հաջողությունը: Հ. Թուրշյանը գտնում է, որ «եթե

երեկ, այսինքն՝ մինչև էրզրումի գրավումը, դաշնակցականները անդրկովկասյան գլխավոր հակահեղափոխական կուսակցություններին իրաբամբեժ դաշինում ոչ միայն մեղսակից, այլև խաբված կողմ էին, ապա էրզրումի անկումից հետո նրանք հանցավոր կողմ էին միայն»<sup>1</sup>: էրզրումի անկումը, գրում է նա, դաշնակցության սնանկության ապացույցներից ամենամեծը էր: Նույնը վերաբերում է Կարսի անկմանը, որը տեղի ունեցավ Անդրկովկասյան կառավարության նախագահ Ա. Չխենկելու դավաճանական հրամանով: «Ալեքսանդրապոլի ամոթալի անկումը, — գրում է հեղինակը, — դաշնակցության սնանկության վերջին սպառիչ ապացույցն էր»<sup>2</sup>:

Հր. Սիմոնյանը ևս սփյուռքահայ կուսակցությունների գործունեության քննական վերլուծության ընթացքում<sup>3</sup> խստորեն քննադատել է դաշնակցությանը: Կանգ առնելով 1918—1920 թթ. դաշնակցական վարչակարգի օրոք Հայաստանի ծանր դրության վրա, նա միաժամանակ բացահայտել է դաշնակցական պարագլուխների կողմից այդ ժամանակաշրջանի պատմությունը կեղծելու փորձերը:

Թողնելով այդ աշխատության քննությունը սփյուռքի պատմության բաժնում, այստեղ հարկ ենք համարում մի կարևոր դիտողություն անել նրա հեղինակին, որը վերաբերում է Հայաստանի անկախության հուշակմանը՝ 1918 թ. մայիսի 28-ին նրա տված գնահատականին: Աշխատության մեջ լայն տեղ է տրված այդ հարցին, սակայն, ինչ խոսք, սխալը բխում է խորհրդահայ պատմագրության մեջ ժամանակին եղած սխալ մտայնությունից: Բերենք մի քանի օրինակ: «Հայտնի է, — գրում է Հր. Սիմոնյանը, — թե հայ ժողովրդի վրա որքան թանկ նստեց «թուրքերից նվեր ստացած» 1918 թվականի պարողիկ «անկախությունը»<sup>4</sup>: Այնուհետև նա շարունակում է, «և այսօր, տասնամյակներ հետո, պատմական նորանոր փաստերի լույսի տակ, գնալով ավելի ու ավելի ակնհայտ է դառնում, թե 1918 թ. մայիսի 28-ին «անկախություն» խաղալով դաշնակցականներն ինչպիսի

<sup>1</sup> Հ. Թուրշյան, Մարդարապատի հերոսամարտը, էջ 92 (Ընդգծումը հեղինակին է. — Ծ. Հ.):

<sup>2</sup> Նույն տեղը, էջ 120:

<sup>3</sup> Տե՛ս Հր. Սիմոնյան, Սփյուռքահայությունը սոցիալ-քաղաքական պայթյալի ուղիներում, Եր., 1968:

<sup>4</sup> Հր. Սիմոնյան, նշվ. աշխ., էջ 21 (չակրտները հեղինակին են — Ծ. Հ.):

<sup>1</sup> Ա. Միկոյան, Պայքարի ուղիով, գիրք առաջին, Եր., 1972, էջ 166:

<sup>2</sup> Ռ. Գարբինյան, Բոլշևիզմը և Հայաստանը, Եր., 1920, էջ 47:



աճավոր աղետի առջև էին կանգնեցրել հայ ժողովրդին»<sup>1</sup>: Մի այլ տեղ կարդում ենք. «Աշխատելով մոռացության տալ մայիսի 28-ի ողբերգական հետևանքները բազմաշարժար հայ ժողովրդի համար, դաշնակցական շեֆերն ու գրիչները մեր օրերում միանգամայն ուրիշ իմաստ են դնում նրա մեջ: Մայիսի 28-ը նրանք ներկայացնում են որպես Հայաստանի պետականության ստեղծման «պանծալի պահ»<sup>2</sup>. վերջապես մի բնորոշ մեջբերում ևս. «Հայաստանի քաղաքական անկախությունը 1918 թվականին նրա վզին փաթաթեցին դաշնակցականները»<sup>3</sup>: Մեջբերելով Ս. Վրացյանի այն խոսքերը, թե՛ «Հայոց ազգային խորհրդի այն նիստը, ուր քննության առնվեց անկախությունը, ավելի նման էր սզավոր տան, ուր ննջեցյալ կար դրված», Հր. Սիմոնյանը ավելալացնում է. «Եվ այդպես էլ պետք է լիներ, որովհետև «անկախություն» օգտին արտահայտվելով Հայոց ազգային խորհուրդը շատ լավ գիտեր, թե իր այդ անպատասխանատու և դավաճանական քայլով ինչպիսի նոր, ավելի սոսկալի աղետների առջև է կանգնեցնելու Հայաստանի բազմաշարժար բնակչությանը, որի միակ փրկությունը հեղափոխական Ռուսաստանի հետ մտուր գաշինքն էր»<sup>4</sup>:

Նույն բացասական գնահատականին հանդիպում ենք նաև թուրք ազգային բուրժուազիայի զաղափարաբանությունն ու գործունեությունը նվիրված Հր. Սիմոնյանի աշխատության մեջ: Այստեղ նա Հայաստանի անկախության հռչակումը համարում է թուրքերի գեհնային մտահղացումը<sup>5</sup>, Հայկական հանրապետությունը՝ թուրքերից «նվեր» ստացած ծաղրանկարային «Արարատյան հանրապետություն»<sup>6</sup> և այլն, որոնց հետ դժվար է համաձայնվել: Հեղինակը հավանաբար հենվում է 1918 թ. հունիսին Կ. Պոլսի կոնֆերանսի հայկական պատվիրակության և թուրքական սուլթանի ու կառավարության ղեկավարների միջև տեղի ունեցած բանակցությունների ժամանակ ասված ելույթների վրա:

Ճիշտ է, հայտնի է, որ այդ հանդիպման ժամանակ թուրքիա-

յի սուլթանը կեղծավորաբար ասել է. «Հայաստանի անկախությունը թանկ է ինձ համար, ես Հայաստանի կառավարությունը համարում եմ իմ հարազատ զավակը»: Որպես պարտված կողմի ներկայացուցիչներ, դաշնակցության պատվիրակները ողջունում են հայ ժողովրդի դահիճներին, դարձյալ կեղծավորաբար ասելով. «Ծթե չլիներ սուլթանը, չէր լինի ազատ ու անկախ Հայաստանը»: Սակայն պատմությունը մենք պետք է գրենք ոչ թե դաշնակցական պարագլուխների ու թուրքական սուլթանի արած արտահայտությունների հիման վրա, այլ ելնելով մարքս-լենինյան մեթոդաբանական դիրքերից, պատմական իրողությունից:

Գիմենք պատմությանը: Հակառակ Անդրկովկասի աշխատավորության կամքի, Հոկտեմբերյան հեղափոխությունից հետո երկրամասի իշխող դասակարգերն ու նրանց կուսակցությունները թշնամաբար ընդունեցին հեղափոխության հաղթանակի լուրը և որոշեցին չճանաչել Ռուսաստանի խորհրդային իշխանությունը: Գործարքի մեջ մտնելով իմպերիալիստական տերությունների հետ, նրանք կազմեցին հակախորհրդային բլոկ, որի մարմիններն էին 1917 թ. նոյեմբերին Թիֆլիսում ստեղծված Անդրկովկասյան կոմիսարիատը, իսկ ապա՝ 1918 թ. փետրվարին ստեղծված սեյմը:

1918 թ. փետրվար-մարտ ամիսներին թուրքական զորքերը, զավթելով Արևմտյան Հայաստանը, մտան Անդրկովկաս՝ գրավելով զգալի տարածքներ: Մայիսի վերջին արտաքին և ներքին մի շարք պատճառներով սեյմը դադարեց գոյություն ունենալուց: Մայիսի 26-ին Վրաստանի Ազգային խորհուրդը Վրաստանը հայտարարեց անկախ հանրապետություն, հաջորդ օրը նույնն արեցին մուսավաթականները: Իսկ մայիսի 28-ին հայոց Ազգային խորհուրդը Հայաստանը հռչակեց անկախ հանրապետություն: Թիֆլիսում կազմավորվեց Հայաստանի հանրապետության կառավարություն և փոխադրվեց Երևան: Օգոստոսին բացվեց Հայաստանի խորհրդարանը՝ պառլամենտը:

Մեր կարծիքով, անկախ այն բանից, թե Հայաստանի կառավարության գլուխ ովքեր էին կանգնած, հանրապետության կազմավորումը դրական երևույթ էր: Այն փաստորեն դաբեր առաջ կորցրած հայկական պետականության վերա-

<sup>1</sup> Հր. Սիմոնյան, Եզվ. աշխ.:

<sup>2</sup> Նույն տեղը, էջ 526:

<sup>3</sup> Նույն տեղը, էջ 518:

<sup>4</sup> Նույն տեղը, էջ 549—550:

<sup>5</sup> Տե՛ս Հր. Սիմոնյան, Թուրք ազգային բուրժուազիայի զաղափարաբանությունը և քաղաքականությունը, Եր., 1986, էջ 408:

<sup>6</sup> Տե՛ս նույն տեղը, էջ 411:



կանգնումն էր<sup>1</sup>: Չպետք է անտեսել, որ նույն այդ ժամանակ բացահայտվել էր վրացական մենշևիկների գլխավորած Անդրկովկասյան սեյմի հակախորհրդային, հակահայկական դեմքը: Հայտնի է նաև, որ ապրիլի 22-ին Քուրբիայի պահանջով սեյմը որոշում ընդունեց Անդրկովկասը խորհրդային Ռուսաստանից անջատելու մասին, որով և երկրամասը կանգնեց ավելի ծանր կացության առջև: Քուրբ նվաճողները շարունակում էին իրենց հարձակումը: Ապրիլի 25-ին, առանց դիմադրության, մենշևիկների դավաճանության պատճառով Կարսը հանձնվեց թուրքերին: Նման պայմաններում Հայաստանի համար սեյմի իշխանությունը բնավ գերադասելի չէր հայոց ազգային պետականությունից:

Ինչ խոսք, լավ կլիներ, եթե 1918 թ. մայիսի վերջին Հայաստանում, ինչպես նաև ամբողջ Անդրկովկասում խորհրդային իշխանություն հաստատվեր, ինչպես Բաքվում: Սակայն դրա համար այն ժամանակ դեռևս չէին ստեղծվել անհրաժեշտ նախապայմաններ: Թուրքերը զավթել էին երկրի մի զգալի մասը՝ սպառնալով ժողովրդի ֆիզիկական գոյությունը: Հայաստանում չկար կազմակերպված բանվոր դասակարգ, կոմունիստական կուսակցություն, գյուղացիության ու զինվորների շրջանում չէր տարվել համապատասխան աշխատանք և այլն:

Այս բոլորից հետո ինչո՞ւ շատ, որ Հայաստանի հանրապետությունը ոչ թե Քուրբիայի «նվերն էր», այլ արդյունք էր հայ ժողովրդի ազատագրական պայքարի, մասնավորապես 1918 թ. մայիսի 22—28-ին Սարդարապատի, Բաշ-Ապարանի, Ղարաքիլիսայի հերոսամարտերի: Այդ հարցում սուլթանական կառավարությունն էլ ուներ իր շահերը: Փաստ է, որ Անդրկովկասյան սեյմի ցրումը և երեք հանրապետությունների ստեղծումը թելադրված էր Քուրբիայի կողմից, որը ելնում էր «բաժանիր ու տիրիր» գալլային սկզբունքից: Սուլթանական կառավարության նպատակն էր Անդրկովկասը տրոհելով երեք մասի, թուլացնել նրա ուժը և, որ ամենակարևորն է, մուսավաթական Ադրբեջանը դարձնել ամուր հենարան հեշտացնելու համար ամբողջ Կովկասի նվաճումը: Կովկաս ներխուժելու համար թուրքական զավթիչները

<sup>1</sup> Ի դեպ, այն միտքը, թե 1918 թ. մայիսի 28-ին Հայաստանի հանրապետության հռչակումը դրական երևույթ էր, հայ պետականության վերականգնում, խորհրդահայ պատմագրության մեջ առաջինն ենք արտահայտել «Խորհրդային Հայաստան» օրաթերթի 1988 թ. հունիսի 7-ի համարում տպագրված «Սովորել պատմություն, թե՞ սովորել պատմությունից» հոդվածում:

միշտ էլ կարող էին հույս դնել Ադրբեջանի մուսավաթական կառավարության «հրավերի» վրա: Ինչ խոսք, իրենց հերթին Անդրկովկասի տրոհմանը ձգտում էին նաև Ադրբեջանի թուրքերին ցեղակից և կրոնակից մուսավաթականները՝ Քուրբիային միանալու և ամբողջ Կովկասում մուսուլմանական պետություն ստեղծելու նպատակով:

Ինչպես հայտնի է, Հայաստանի հանրապետությունը ուղացումով ճանաչեց նաև խորհրդային Ռուսաստանը: Խորհրդային Ռուսաստանի կառավարությունը ոչ միայն ճանաչեց Հայաստանի անկախությունը, այլև 1920 թ. ամռանը պահանջ դրեց, որպեսզի Քուրբիան Հայաստանին հանձնի վանի, Մուշի և Բիթլիսի նահանգները: Հայտնի է նաև այն, որ 1920 թ. հոկտեմբերի 28-ին խորհրդային Ռուսաստանի ներկայացուցիչ Լեգրանի և դաշնակցական կառավարության նախագահի միջև կնքվեց ժամանակավոր համաձայնագիր, որի համաձայն Հայաստանին էին անցնում Կարսի մարզը, Նախիջևանը և Զանգեզուրը: Եվ վերջապես, դեռևս 1917 թ. նոյեմբերի 3-ին խորհրդային Ռուսաստանի կառավարության հրատարակած «Ռուսաստանի ժողովուրդների իրավունքների ղեկավարացիայում» պարզորոշ ասված է, որ Ռուսաստանի բոլոր ժողովուրդներին տրվում է ազատ ինքնորոշման իրավունք՝ ընդհուպ մինչև անջատվելն ու ինքնուրույն պետություն կազմելը:

Մեր կարծիքով, Հայաստանի հանրապետության կազմավորման հետևանքով առաջացան օբյեկտիվ նախադրյալներ, որոնք հետագայում նպաստեցին հեղափոխական ուժերի համախմբմանը: Իսկ դա հանգեցրեց Հայաստանի կոմունիստական կուսակցության կազմավորմանը, Մայիսյան ապստամբությանը, հնարավոր դարձրեց նոյեմբերի 29-ը:

Այլ բան է, որ դաշնակցական պարագլուխները մայիսի 28-ը, ինչպես գրում է Հր. Սիմոնյանը, պարբերաբար օգտագործում էին հակախորհրդային պրոպագանդայի նպատակներով: Կեղծելով պատմությունը, նրանք անհիմն կերպով պնդում են, թե, իբր, 1918 թ. ստեղծված հանրապետությունը «դրախտավայր» էր, մինչդեռ պատմական փաստերը վկայում են, որ այն սովի ու մահվան երկիր էր:

Ի վերջո, չի կարելի շփոթել պետականությունը, որն անկասկած դրական էր, վարչակարգի հետ, որի քաղաքականությունը շատ խոցելի կողմեր ուներ: Իհարկե, Հայաստանի պետականու-



թյան կազմավորումը հեշտ ու հանգիստ չի եղել: Նախ հայոց Ազգային խորհրդի ոչ բոլոր անդամներն էին համաձայն անկախության հռչակմանը, իսկ երբ մեծամասնությունը դրական որոշում ընդունեց, սկսվեց սուր տարաձայնություններ հայկական քաղաքական կուսակցությունների միջև կառավարության կազմի հարցում: Այդ պայքարի հետևանք էր, օրինակ, Հայ ժողովրդական կուսակցության պարագլուխներից մեկի՝ Հ. Առաքելյանի սպանությունը այն բանից հետո, երբ նա իր խմբագրած «Մշակ» թերթում ազդարարել էր, որ Հայաստանի կառավարությունը չպետք է հանձնել դաշնակցությանը, քանի որ նա կորցրել է իր հեղինակությունը ժողովրդի մեջ:

Հարկ է նշել, որ Հր. Միմոնյանից առաջ Հայաստանի հանրապետության ստեղծման հարցում բացասական կարծիք են հայտնել նաև ուրիշ պատմաբաններ: Այսպես, Մ. Արզումանյանը գտնում է, որ Անդրկովկասում երեք ազգային պետությունների առաջացումը օտարերկրյա զավթիչների նենգ քաղաքականության հետևանք էր<sup>1</sup>: Ի դեպ, այդ հարցում նա հենվում է Ռի(բ)Կ Կովկասյան երկրկոմի սխալ դիրքորոշման վրա: Աշխատության մեջ Մ. Արզումանյանը վկայակոչում է նաև 1921 թ. նոյեմբերին Վրաստանի կոմկուսի Թիֆլիսի կազմակերպության ժողովում Օրշոնիկիձեի զեկուցման մեջ ասված հետևյալ խոսքերը, որոնք, մեր համոզմամբ, անընդունելի են: «Անդրկովկասի հանրապետությունների «անկախությունը» թելադրել էին թուրքական փաշաները՝ նպատակ ունենալով Անդրկովկասի աշխատավոր մասսաներին անջատել միմյանցից և Ռուսաստանից... Գերմանական, թուրքական զեներալները՝ վրացական մենշևիկների, ադրբեջանական մուսավաթականների, հայկական դաշնակների իշխանության և նրանց հանրապետությունների «անկախության» ոգու ազդյուր էին»<sup>2</sup>:

Դժվար է համաձայնվել Մ. Արզումանյանի հետ, որն Անդրկովկասյան երեք հանրապետությունների ստեղծումը համեմատում է Հոկտեմբերյան հեղափոխությունից հետո հորհրդային Ռուսաստանի տարածքի որոշ մասերում թիված զանազան հակահեղափոխական մանր կառավարությունների հետ<sup>3</sup>: Ըստ երե-

վույթին, նա նկատի ունի Կոլչակի, Գենիկինի և այլ կառավարությունները: Չէ՞ որ առաջին ղեկավարում ստեղծվել են ազգային պետություններ, իսկ երկրորդում՝ ոչ: Կոլչակ-գենիկինյան կառավարությունները ստեղծվել էին հորհրդային Ռուսաստանի կառավարության առկայության պայմաններում, մինչդեռ Հայաստանում ազգային պետականություն չկար:

Միայնում է նաև Բ. Օհանջանյանը, որը գրել է, թե, իբր «Հայաստանի «անկախությունը» շնորհել էր Թուրքիան»<sup>4</sup>:

Դաշնակցության գործունեությունը, մասնավորապես նրա իշխանության տարիներին վարած ներքին ու արտաքին քաղաքականությունը խստորեն քննադատված է Բ. Օհանջանյանի կողմից, թեև այդ հարցերը բազմիցս շոշափվել են խորհրդահայ պատմական գրականության մեջ: Անդրադառնալով Բաքվի կոմունայի ժամանակաշրջանին, նա դաշնակցականների գործունեությունը բնութագրում է որպես հակախորհրդային, թշնամական: «Բաքվի հերոսական կոմունայի տապալման հիմնական մեղսակիցներից են դաշնակցականները», — գրում է նա<sup>5</sup>: Հեղինակը 1920 թ. դեկտեմբերի 2-ի Ալեքսանդրապոլի պայմանագիրը բնութագրում է որպես հակախորհրդային գործարք, դաշնակցականների թուրքական կողմնորոշումը՝ հակախորհրդային գիրքորոշում: Հեղինակը քննադատում է դաշնակցությանը որպես 1921 թ. խոտվուխյան կազմակերպիչ<sup>6</sup>:

<sup>1</sup> Բ. Օհանջանյան, Դաշնակցությունն առանց դիմակի, Եր., 1980, էջ 123:

<sup>2</sup> Նույն տեղը, էջ 117:

<sup>3</sup> Հարկ է նշել, որ Բ. Օհանջանյանի այս գրքում տեղ են գտել բազմաթիվ փաստական անճշտություններ: Օրինակ, 146-րդ էջում ասված է, թե դաշնակցական կառավարությունը 1920 թ. մայիսին դիմեց Թուրքիային՝ խնդրելով կատարել գերիների շտապ փոխանակություն և ցույց տալ ռազմական օգնություն, մինչդեռ նման բան տեղի չի ունեցել: 165-րդ էջում ասված է, որ 1921 թ. փետրվարի 18-ին Դրոյի և Վրացյանի զլխավորությամբ խոտվարաները գրավեցին Երևանը: Վրացյանի մասին ճիշտ է, սակայն Դրոյի մասին՝ սխալ, որովհետև այդ ժամանակ նա Հայաստանում չէր: Միայն է ցույց տրված Մոսկվայի խորհրդա-թուրքական կոնֆերանսը սկսելու օրը՝ մարտի 5-ը (էջ 171): Ճիշտ չէ նաև հետևյալ արտահայտությունը՝ «սինչպես տեսանք, դաշնակցականների թուրքասիրական քաղաքականությունը նոր չէր, այլ սկսվում էր դեռևս 19-րդ դարի 90-ական թվականներից՝ երիտասարդ թուրքերի հետ հաստատված բարեկամությանը»: Հայտնի է, որ երիթուրքերի հետ նրանց կապերը սկսվել են 20-րդ դարի սկզբին, 171—172-րդ էջերում ասված է, որ 1920 թ. դեկտեմբերի 10-ին Հայաստանի արտաքին գործերի ժողովուստը Անկարայի կառավարությանը նույն է ուղարկել, որով թուրքական զորքերը պետք է հետ քաշվեին մինչև 1914 թ.

<sup>1</sup> Տե՛ս Մ. Արզումանյան, Արհավիրքից վերածնունդ, էջ 159:

<sup>2</sup> Գ. Կ. Մրզնիկիձե, Ընտիր հոգվածներ և ճառեր, Եր., 1950, էջ 69:

<sup>3</sup> Տե՛ս Մ. Արզումանյան, Արհավիրքից վերածնունդ, էջ 159—160:



Սակայն Բ. Օհանջանյանը ոչ միշտ է ճիշտ բնագոյատու գաշակցութեանը՝ օրինակ, նա դաշնակցութեանը մեղադրում է այն բանի համար, որ նա ձգտում էր հայ ժողովրդի համար ստեղծել մեկ միասնական հայրենիք։ Միթե վատ բան էր միասնական Հայաստան ունենալը։ Մեզ անհասկանալի է թվում, թե ինչու է նա խստորեն բնագոյատու «Դրոշակին», մեջբերելով թերթի հետևյալ խոսքերը. «Արաքսի այն և այս կողմերում հայ ժողովուրդը մղում է իր պայքարը, որպեսզի ջնջի բռնակալների ձեռքով գծած այն սահմանը, որը ռուսահայերին բաժանում է նրանց եղբայր թուրքահայերից և ստեղծի իր համար մի միասնական «ընդհանուր հայրենիք» (շակերտները հեղինակինն են—Շ. Ն.)։ Այս մեջբերումից հետո Բ. Օհանջանյանը, վերոհիշյալ նպատակը համարելով հակահեղափոխական, գրում է. «Ահա թե ինչպիսի նպատակներ էր ցանկանում զոռով փաթաթել դաշնակցություն կուսակցությունը կողկասահայերի շարժմանը»<sup>1</sup>։ Պետք էր քննադատել ոչ թե այդ նպատակը, որը հայ ժողովրդի արդարացի պահանջն ու ցանկությունն էր, այլ այն գործելակերպը, որով դաշնակցությունը փորձում էր հասնել դրան։ Բ. Օհանջանյանի սխալ և ծայրահեղ մտածողական արտահայտություններից մեկն էլ այն է, որ նա գրում է, թե «Դաշնակցությունը Անդրկովկասում եղած բուրժուական կուսակցությունների մեջ ամենից խորամանկն ու նենգն էր»<sup>2</sup>։

Բ. Օհանջանյանի, ինչպես նաև այլ պատմաբանների (Վ. Ավետիսյան, Ս. Ալիխանյան և ուրիշներ) մոտ նկատվում է անցյալի ականավոր հեղափոխական գործիչների գրքերից անբնագոյատ վկայակոչված բազմաթիվ սխալ մեջբերումներ<sup>3</sup>։

Օրինակ, Բ. Օհանջանյանի աշխատությունում Ալ. Մյասնիկյանից կատարած հետևյալ մեջբերման կարիքը չկար, քանի որ

սահմանները, մինչդեռ այդ նոտայում նման պահանջ չկա 186-րդ էջում ասված է, թե 1920 թ. նոյեմբերի 29-ին Իջևանում Ս. Կասյանի ղեկավարությամբ ստեղծվեց Հայաստանի ռազմահեղափոխական կոմիտե, մինչդեռ այն ստեղծվել է նոյեմբերի կեսերին Քաթվում։

<sup>1</sup> Բ. Օհանջանյան, Տեսական մարքսիզմի ծանր հրետանին, էջ 131։

<sup>2</sup> Նույն տեղը, էջ 138։

<sup>3</sup> Տե՛ս Բ. Օհանջանյան, Տեսական մարքսիզմի ծանր հրետանին, էջ 45—46։ Դաշնակցությունն առանց դիմակի, էջ 150, Վ. Ավետիսյան, Հայ հասարակական մտքի զարգացման մարքս-լենինյան փուլի սկզբնավորումը, էջ 101, 194, Ս. Ալիխանյան, Գ. Վ. Օրջոնիկիձեն և խորհրդային կարգերի հաստատումը Հայաստանում, էջ 211 և այլն։

այն ճիշտ չէ։ Տուրք տալով ժամանակին իշխող սխալ կոնցեպցիային, Ալ. Մյասնիկյանը 1922 թ. գրել է. «Նույն ժամանակներում դաշնակցականները ծրագրում էին հարձակվել թուրքերի վրա և զրավել նրանց հողամասերը մինչև Միջերկրական ծով»<sup>1</sup>։ Մեկ այլ օրինակ։ Ս. Ալիխանյանի հիշյալ աշխատության մեջ նույնպես հարկ չկար մեջբերում կատարել Գ. Օրջոնիկիձենի 1925 թ. նոյեմբերի 29-ին Վրաստանի աշխատավորության հանդիսավոր նիստում արտասանած ճառից, որի մեջ ասված է. «Եթե այժմ Վանի ափերը, Ալաշկերտի հովիտը և նախկին Հայաստանի մյուս մասերը և ամբողջ Անատոլիան ծածկված են հայ ժողովրդի ոսկորներով, ապա դա պետք է վերագրել դաշնակցական քաղաքականությանը և հայ ժողովուրդը դրանով ավելի է տուժել դաշնակներից, քան նույնիսկ Աբգով Համիդից»<sup>2</sup>։ Ստացվում է այնպես, որ հայկական Մեծ եղեռնի համար մեղավոր էր ոչ թե թուրքական կառավարությունը, այլ դաշնակցությունը։ Դա անարդարացի է, մեղանշում պատմական ճշմարտության առջև։

Ավելացնենք, որ դաշնակցությունը բաշխողուկներ, ենիչերիներ, ազգային բռնակալներ, ազգի դավաճաններ և այլ պիտակներ ժամանակին տվել են հայ բուլշևիկներ Ստ. Շահումյանը, Ս. Սպանդարյանը և ուրիշներ կուսակցական սուր պայքարի, տաք բանավեճերի ընթացքում։ Այդ վիրավորական արտահայտությունները ու գնահատականները հետագայում առատորեն մուտք գործեցին խորհրդահայ պատմական-քաղաքական գրականության մեջ՝ հատկապես Վ. Ավետիսյանի և Բ. Օհանջանյանի աշխատություններում։ Մի՞թե չէր կարելի խուսափել նման պիտակներից։

Հոկտեմբերյան հեղափոխությունից հետո Անդրկովկասում և Հայաստանում ստեղծված իրադրության, ինչպես նաև 1918—1920 թթ. պատմության մի շարք հանգուցային պրոբլեմների վերլուծությունը տրված է Գ. Գալոյանի «Պատմության քառուղիներում» աշխատության մեջ։ Այստեղ նա արտահայտում է այն միտքը, թե Անդրկովկասի կոմիսարիատ ստեղծելու գործում շահագրգռված էին ինչպես գերմանա-թուրքական կոալիցիան, այնպես էլ Անտանտի և ԱՄՆ-ի իմպերիալիստները, որոնք, առանձին-առանձին վերցրած, մեծ հույսեր էին կապում նրա

<sup>1</sup> Ա. Մյասնիկյան (Ալ-Մարտունի), Ընտիր երկեր, Եր., 1957, էջ 387։

<sup>2</sup> Орджоникидзе Г. К., Статьи и речи, т. 1, М., 1956, с. 412։



հետ՝ երկրամասը Խորհրդային Ռուսաստանից անջատելու համար: Հավաստի աղբյուրներով հաստատվում է այն փաստը, որ Անդրկովկասի կոմիսարիատի ստեղծման և նրա հակահեղափոխական ուժերին մեծ օգնություն էին կազմակերպում նաև անգլիական ու ֆրանսիական կառավարությունները:

Պատմաբանը գտնում է, որ Ռուսաստանից Անդրկովկասի անջատումը բխում էր ազգայնական շահերից և վկայում էր բուրժուական նացիոնալիստների հետ գերմանա-թուրքական իմպերիալիստների քաղաքական դաշինքի մասին: Սա չափազանցություն է:

Գտնելով, որ Թիֆլիսում կազմված դաշնակցական կառավարությունը ժողովրդի կողմից լիազորություններ չունեի և իրավականորեն անօրինական կառավարություն էր, նա հանգամանորեն քննում է այն հարցը, թե ինչ ներքին և արտաքին հանգամանքներ նպաստեցին, որ դաշնակցականները իշխանությունը վերցրին իրենց ձեռքը<sup>1</sup>: Այս դրույթը վերանայման կարիք ունի:

Աշխատության մեջ լավ է բացահայտված ԱՄՆ-ի և Անտանտի կառավարությունների իմպերիալիստական քաղաքականությունը Հայաստանի նկատմամբ 1918—1920 թվականներին: Այստեղ հեղինակը նորահայտ վավերագրերի և այլ բնույթի հարուստ նյութերի հիման վրա շարադրել է Փարիզի խաղաղության կոնֆերանսում Հայկական հարցի, Հայաստանի մանդատի, Սևրի պայմանագրի, Խորհրդա-հայկական բանակցությունների, բեմալական հարձակման և այլ հարցերի պատմությունը: Քննադատելով դաշնակցական կառավարության երկուս ու կես տարիների ներքին և արտաքին քաղաքականությունը, հեղինակը այն միտքն է արտահայտել, թե «դաշնակցական պարագլուխները հրճվանքով ընդունեցին Սևրի պայմանագիրը և Հայաստանը ԱՄՆ-ի ու Անտանտի պրոպոկացիաների զոհը դարձրին: Նրանք ընդունակ չգտնվեցին հասկանալու, որ քաղաքական այն երեքուն սիստեմը, որն ստեղծվում էր Հայաստանի շուրջը Սևրի պայմանագրի հետևանքով, հայ ժողովրդին կանխագուշակում էր միայն ու միայն նոր կոտորածներ ու զրկանքներ»<sup>2</sup>:

Մենք համաձայն ենք Սևրի պայմանագրին տված այդ գնահատականին, որը ստորագրել էր նաև Հայաստանի հանրապետության պատվիրակության նախագահ Ավ. Ահարոնյանը, և որը

<sup>1</sup> Տե՛ս Գ. Գալթան, Պատմության քառուղիներում, էջ 236—237:

<sup>2</sup> Նույն տեղը, էջ 328:

իր ժամանակին մեծ խանդավառություն առաջ բերեց ամբողջ հայության մեջ խաբեություն էր դա, այն ոչ միայն որևէ օգուտ չտվեց հայ ժողովրդին, այլև նորանոր աղետների պատճառ դարձավ նրա համար, թղթի վրա մնաց այդ պայմանագրի 6-րդ հատվածի 88-րդ հոդվածը, որով Թուրքիան ճանաչում էր Հայաստանը որպես ազատ և անկախ պետություն: Սակայն դաշնակիցները գործնական ոչ մի քայլ չարեցին Սևրի պայմանագիրն իրականացնելու համար, նրանք միայն խորհուրդ էին տալիս, որ Հայաստանը այդ պայմանագիրը իրականացնի իր ուժերով, մի բան, որ անհնարին էր առանց վտանգելու ժողովրդի ֆիզիկական գոյությունը: Սևրի պայմանագրով դաշնակիցները հույս ունեին քեմալականներին գծտեցնել դաշնակցականների հետ, իսկ հետո, Հայկական հարցի առթիվ, նաև Խորհրդային Ռուսաստանի հետ: Չէ՞ որ այդ պայմանագիրն ստորագրել էր սուլթանական կառավարության պատվիրակությունը, որ արդեն փաստական ուժ և իշխանություն չունեի: Երկրում ստեղծվել էր բեմալական կառավարություն, որը ոչ միայն չճանաչեց Սևրի պայմանագիրը, այլև կազմակերպեց արևմտահայության նոր կոտորած ու արտաքսում, և վերջապես սեպտեմբերին հարձակվեց Արևելյան Հայաստանի վրա՝ նպատակ ունենալով բնաջնջել նաև հայ ժողովրդի այդ հատվածին:

## 2. Մայիսյան ապստամբությունը

1920-ական թվականներից սկսած Խորհրդահայ պատմագրության կենտրոնական թեմաներից մեկն է եղել Մայիսյան ապստամբության պատմությունը: Այդ հարցը լուսաբանվել է ինչպես առանձին հրատարակված գրքերում, այնպես էլ Հայաստանում Խորհրդային կարգերի հաստատման պատմությանը նվիրված ընդհանուր աշխատություններում: Հեղինակներն ավել կամ պակաս շափով անդրադարձել են ապստամբության պարտության պատճառների հարցին, քննադատական դիտողություններ են արել հրապարակի վրա եղած գրականության վերաբերյալ: Այդ հարցերը շատ ավելի հանգամանորեն է քննում պատմական գիտությունների թեկնածու Ա. Մելքոնյանը<sup>1</sup>:

Աշխատության առաջին գլուխը նվիրված է ապստամբության պատմության վերաբերյալ գրականության տեսությունը, իսկ մյուս գլուխներում, ապստամբության պատմության ընդհանուր

<sup>1</sup> Տե՛ս Ա. Մելքոնյան, Մայիսյան ապստամբության պատմության հարցի շուրջը, Եր., 1965:



Ֆոնի վրա՝ հաջողությամբ բացահայտվել են հատկապես նրա պարտության պատճառները: Այստեղ հանգամանորեն քննվել են նաև մեր պատմագրության մեջ դեռևս չլուծված, վիճելի մի քանի այլ հարցեր՝ 1920 թ. հունվարյան կոնֆերանսի բանաձևի և զինված ապստամբության նկատմամբ նրա դիրքորոշումը, Արմենկոմի գերի ու գործունեության գնահատականը, զինված ապստամբության մասին ներկուսակցական տարածայնությունները, Հայաստանի կոմունիստական կազմակերպությունների ներկայացուցիչների Ալեքսանդրապոլի խորհրդակցության օրվա և նրա որոշման, Ալեքսանդրապոլ քաղաքն առանց կովի հանձնելու, ապստամբության բնույթի, ինչպես նաև փաստական մի քանի անձնություններ: Քննարկվող բոլոր հարցերի վերաբերյալ նա հայտնում է իր կարծիքը:

Խոսելով Մալխյան ապստամբության պատմությանը նվիրված գրեթե բոլոր աշխատությունների մասին, գնահատելով դրանց արժանիքները, Ա. Մելքոնյանը միաժամանակ ձիշտ դիրքերից բացահայտել է նաև այնտեղ տեղ գտած սխալներն ու թերությունները: Այսպես, մենք միանգամայն ձիշտ ենք համարում նրա քննադատական գիտողությունները Շ. Ամիրխանյանի աշխատության վերաբերյալ՝ Արմենկոմի և Ալեքսանդրապոլի կոմիտեի հասցեին միակողմանի և անիրավացի մեղադրանքներ բարգելու, հեղափոխական ուժերի գնահատման ու ապստամբության բնույթի և այլ հարցերում: Ընդհատ է նրա գիտողությունը Հ. Գուրգարյանի՝ 1927 թ. «Կոմունիստում» հրատարակված այն հոդվածի մասին, որտեղ վերջինս գրում է, թե «Հայաստանում 1920 թ. Մալխյան ապստամբության համար օբյեկտիվ պայմաններ դեռևս չէին հասունացել»: Նա այստեղ խոսում է նաև Հայաստանի կոմունիստական կազմակերպությունների կողմից ժամանակին դատապարտված այն արմատապես սխալ տեսակետի մասին, ըստ որի բացահայտ կամ քողարկված կերպով Մալխյան ապստամբությունը գիտվում էր որպես արկածախնդրություն: Տեղին է Ա. Մելքոնյանի կշտամբանքը Բ. Բորյանին, որը Արմենկոմի հասցեին թույլ է տվել չհիմնավորված մեղադրանքներ:

Խոսելով անհատի պաշտամունքի տարիների մասին, հեղինակն իրավացիորեն ցույց է տալիս այն բացասական ազդեցությունը, որ ունեցավ ժողովրդի թշնամի Բերիայի արատավոր և կեղծ գրքույկի հրատարակումը Անդրկովկասի, այդ թվում Հա-

յաստանի հեղափոխական շարժման պատմության ճշմարտացի լուսարանման վրա: Դրա հետևանքով անհիմն հալածանքների և ֆիզիկական ոչնչացման ենթարկվեցին Արմենկոմի անդամները, ապստամբության մյուս ղեկավար ու ակտիվ մասնակիցները: Որակելով որպես «ժողովրդի թշնամիներ», շրջանառությունից հանվեցին նրանց գրած հուշերն ու աշխատությունները, արգելվեցին ՀԿ(բ)Կ Կենտկոմին առընթեր կուսպատմության ինստիտուտի հրատարակած ժողովածուները, մի խոսքով՝ Մալխյան ապստամբության պատմության վերաբերյալ 1920—35 թթ. ստեղծված գրեթե ամբողջ գրականությունը: Փակվեցին ՀԿ(բ)Կ Կենտկոմին առընթեր կուսակցության պատմության ինստիտուտը, հեղափոխության թանգարանը, ուր հավաքված էին մեծ քանակությամբ արժեքավոր վավերագրեր:

Ճիշտ է նկատում հեղինակը, որ 1950-ական թվականների կեսերին արմատական բեկում է առաջանում Մալխյան ապստամբության պատմության գիտական հետազոտության բնագավառում, հրատարակվում են նոր, արժեքավոր աշխատություններ, սակայն նա իրավացիորեն քննադատում է պատմական գիտությունների թեկնածու Հ. Տոնոյանի աշխատությունը<sup>1</sup>, որի մեջ պատմությունը ներկայացված է առանց գործող անձերի, իսկ Մալխյան ապստամբության հերոսները դեռևս մնում են ժողովրդի թշնամիներ: Նա ևս անհիմն մեղադրանքներ է բարդում Արմենկոմի և Հայաստանի ռազմահեղափոխական կոմիտեի հասցեին: Բարձր գնահատելով Գ. Ղարիբջանյանի, Գ. Գալոյանի և Հ. Կարապետյանի աշխատությունները<sup>2</sup>, նա միաժամանակ նշում է նրանցում տեղ գտած մասնակի թերությունները՝ որին մենք ևս համաձայն ենք: Ընդհատ է Ա. Մելքոնյանի կարծիքը, որ Մալխյան ապստամբության վերաբերյալ հիշյալ աշխատություններից ավելի ծավալուն, ամբողջական ուսումնասիրությունը պատմական գիտությունների թեկնածու Հ. Կարապետյանի աշխատությունն է:

Հեղինակին հաջողվել է լուծել նաև վիճելի մի շարք կարևոր

<sup>1</sup> Տե՛ս Հ. Տոնոյան, Փառապանծ էջ Հայաստանի հեղափոխական շարժմաների պատմությունից: Մալխյան ապստամբությունը Հայաստանում, Եր., 1955:

<sup>2</sup> Տե՛ս Գ. Ղարիբջանյան, Մալխյան ապստամբությունը Հայաստանում 1920 թվականին, Եր., 1955, Գ. Գալոյան, Մալխյան ապստամբությունը, Եր., 1960, Հ. Կարապետյան, Մալխյան ապստամբությունը Հայաստանում 1920 թ., Եր., 1961:



հարցեր: Այսպես, վկայակոչելով Ս. Կասյանի, կուսակցական հունվարյան կոնֆերանսի նախագահ Գ. Շահվերդյանի, կոնֆերանսի այլ պատգամավորների, ինչպես նաև Ալեքսանդրապոլի կուսկազմակերպության մի քանի հին անդամների գրավոր հավաստիացումները, նա իրավացիորեն գտնում է, որ ՄԼԻ-ի հակական մասնաճյուղի արխիվում եղած բանաձևը առաջին անգամ հրատարակվել է 1920 թ. փետրվարին Բաքվում<sup>1</sup>, 1922 թ. ՀԿ(բ)Կ Կենտկոմի տեղեկագրում<sup>2</sup> և հետագայում քաղաքացիություն է ստացել որպես Հայաստանի կոմունիստական կազմակերպությունների 1920 թ. հունվարյան կոնֆերանսի բանաձև<sup>3</sup>: Իրականում այն Ալեքսանդրապոլի կոմունիստական կազմակերպության երկրորդ կոնֆերանսի բանաձևն է<sup>4</sup>: Այս թյուրիմացության հեղինակը Ավիս Նուրիջանյանն է: Ա. Մելքոնյանը հենվելով փաստերի վրա, պնդում է, որ հունվարյան կոնֆերանսը ընդունել է ոչ թե մատնանշված բանաձևը, այլ թեղիսներ, որի մեջ, ըստ Ս. Կասյանի, զինված ապստամբության վերաբերյալ ընդունվել է հետևյալ դիրքորոշումը. «Պատրաստ լինել իշխանությունը գրավելու, երբ նեցուկ կունենանք մի հարևան երկիր, որով հնարավոր էլինի կապվել բանվորազյուղացիական Ռուսաստանի հետ»<sup>5</sup>:

Հեղինակը գտնում է, որ հունվարյան կոնֆերանսը չէր կարող ընդունել Ա. Նուրիջանյանի ներկայացրած բանաձևը, որի մեջ ասված է, թե «քաղաքացիական պատերազմը Հայաստանում տիրող դասակարգերի դեմ (ինչպես և՛ Վրաստանում, և Ազրբեջանում) և այդ դասակարգերի կազմակերպած «դաշնակցական» կառավարության դեմ, դաշնակիների իշխանության բռնի հեղափոխական տապալումը Հայաստանի կոմունիստական կազմա-

կերպությունների առաջնահերթ խնդիրն է<sup>1</sup>: Ա. Մելքոնյանի կարծիքով, մեր պատմական գրականության մեջ գրեթե ամենուրեք տարածված այս մեջբերումը հակասում է հունվարյան կոնֆերանսի թեզիսների հեղինակների դիրքորոշմանը: Այսպես ստացվում է այնպես, որ Հայաստանի կոմունիստական կազմակերպությունները, առանց սպասելու կարմիր բանակի առաջխաղացմանը Անդրկովկասի սահմաններին և հարևան հանրապետություններում հեղաշրջմանը, պետք է Հայաստանում ապստամբություն բարձրացնեին: Դրանից բացի, հիշյալ բանաձևը կուրս էր ընդունել ոչ թե դեպի Խորհրդային Ռուսաստան, այլ դեպի Արևելք: Հեղինակը սխալ է համարում նաև բանաձևի այն դրույթը, թե «Հայաստանում չկա ազգային հարց, Հայաստանում կամիայն սոցիալական հարց»<sup>2</sup>:

Այսպիսով, Ա. Մելքոնյանը տասնամյակների հեռավորությունից լուրջ փորձ է արել ճշտելու Հայաստանի կոմունիստական կուսակցության պատմության կարևոր էջերից մեկը:

Հեղինակը ուշադրավ ճշտումներ է արել նաև հունվարյան կոնֆերանսի մասնակիցների, Արմենկոմի և Մայիսյան ապստամբության ժամանակ ստեղծված ռազմահեղափոխական կոմիտեների կազմի մեջ: Դրանից հետո նա անցնում է Արմենկոմի գործունեության գնահատականին, քննադատելով այդ հարցում թույլ տված սխալները:

Ա. Մելքոնյանը ժխտում է Շ. Ամիրխանյանի այն պնդումը<sup>3</sup>, թե, իբր, Արմենկոմը գտնում է, որ Հայաստանում Խորհրդային իշխանություն կարող է հաստատվել խաղաղ ճանապարհով, առանց քաղաքացիական պատերազմի, ուստի և նա, իբր, ոչ էլ կուսակցական տեղական կազմակերպությունների առաջ զինված ապստամբության խնդիր չէր դնում: Հեղինակն իրավացիորեն քննադատում է նաև Հ. Տոնոյանին, որն անհիմն կերպով քաղաքական կոպիտ սխալներ է վերագրում Արմենկոմին և պնդում, թե, իբր, Արմենկոմը «բռնել էր դաշնակցական կառավարության ղեկավարների հետ բանակցությունների, իշխանությունը խաղաղ ճանապարհով իր ձեռքը վերցնելու ուղին, և որ

<sup>1</sup> Տե՛ս Հոկտեմբերյան սոցիալիստական մեծ հեղափոխությունը և Խորհրդային իշխանության հաղթանակը Հայաստանում, փաստաթղթերի և նյութերի ժողովածու (խմբ.՝ Ա. Մնացականյան և ուրիշներ), Եր., 1960, էջ 301—306:

<sup>2</sup> Նույն տեղը, էջ 304:

<sup>3</sup> Տե՛ս «Լենինյան ուղիով», 1959, № 7, էջ 98:

<sup>1</sup> Տե՛ս «Новый мир», 1920, № 23, Баку:

<sup>2</sup> Տե՛ս «Известия» Центрального Комитета Коммунистической партии Армении, 1922, № 1, Ереван:

<sup>3</sup> Տե՛ս Հոկտեմբերյան սոցիալիստական մեծ հեղափոխությունը և Խորհրդային իշխանության հաղթանակը Հայաստանում, փաստաթղթերի և նյութերի ժողովածու (խմբ.՝ Ա. Մնացականյան և ուրիշներ), Եր., 1960, էջ 301—306:

<sup>4</sup> Այս հարցի մասին տե՛ս Ա. Մելքոնյանի նշված աշխատությունը, էջ 24—35:

<sup>5</sup> Ս. Կասյան, Զախության հիմնադրությունը մեզանում, «Նոր աշխարհ», Բիֆլիս, 1920, № 2, էջ 11:



նույնիսկ համաձայն էր դաշնակների հետ միասին ստեղծելու կոալիցիոն կառավարություն»<sup>1</sup>: Քերևս դա ճիշտ կլինե՞ր:

Պետք է լիովին համաձայնվել Ա. Մելքոնյանի հետ նաև այն հարցում, որ Ա՛. Շ. Ամիրխանյանը, Ա՛. Հ. Տոնոյանը սխալվում են, պնդելով, թե Արմենկոմի թույլ տված սխալները հետևանք էին Ա՛. «աջ», Ա՛. «ձախ» օպորտունիստական տարրերի քաղաքականության: Ըստ Հ. Տոնոյանի ապստամբությունն անպայման կհաղթեր, «եթե ժամանակին շեղոքացվեին այդ ղեկավար կենտրոնում նստած «աջ» և «ձախ» օպորտունիստական տարրերը»<sup>2</sup>: Ա. Մելքոնյանը միանգամայն ճիշտ է, երբ գրում է, որ «Արմենկոմի այդպիսի բաժանումը և բնութագրումը արմատապես սխալ է»<sup>3</sup>: Այդ պիտակները անհատի պաշտամունքի ժամանակաշրջանի ծնունդ են, երբ որոշ պատմաբաններ Մայիսյան ապստամբության պարտության պատճառներից մեկը համարում էին Արմենկոմի կազմում «խցկված դավաճանական տարրերի» քայքայիչ գործունեությունը:

Քննության առնելով Մայիսյան ապստամբության նախապատրաստման և ապստամբության ժամանակաշրջանում ներկուսակցական, հատկապես Ռկ(բ)Կ Ալեքսանդրապոլի կոմիտեի՝ Ա. Նուրիջանյանի գլխավորությամբ, և Արմենկոմի միջև ծագած տարաձայնությունները հարցը, Ա. Մելքոնյանը հանգամանորեն քաղաքացույց է ապստամբության պարտության պատճառները՝ շատ դեպքերում հակադրվելով այս կամ այն պատմաբանի տեսակետին: Կարելի է հաստատապես պնդել, որ 1920-ական թվականներից հրատարակված և ոչ մի աշխատության մեջ Մայիսյան ապստամբության պարտության պատճառներն այնքան խորը և բազմակողմանի չեն լուսաբանվել, ինչպես դա արվել է Ա. Մելքոնյանի հիշյալ աշխատության մեջ:

Մայիսյան ապստամբության մասին 1980 թվականին լույս տեսավ Գ. Գալոյանի նոր աշխատությունը<sup>4</sup>: Այստեղ նա աշխատելով խուսափել հանրահայտ փաստերի շարադրումից, լուսաբանել է մի շարք կարևոր հարցեր: Աշխատությունում ցույց է տրված հայ ժողովրդի ազատագրման գործում Հոկտեմբերյան

հեղափոխության խաղացած դերը, բացահայտվել են Մայիսյան ապստամբությունը ծնող սոցիալ-քաղաքական պատճառները, վեր է հանվել բոլշևիկյան կազմակերպությունների գործունեությունը ապստամբության կազմակերպման և ղեկավարման գործում: Հեղինակը ներկայացրել է ապստամբության ընթացքը՝ բացահայտելով նրա պարտության պատճառներն ու ապստամբության պատմական նշանակությունը:

Գ. Գալոյանի աշխատության մեջ քննադատված են ոչ միայն դաշնակցական պատմագրության սխալ կոնցեպցիան, այլև արդի հակակոմունիզմի փորձերը՝ որոնք ձգտում են ցույց տալ, թե, իբր, Հայաստանում ապստամբությունը ծագել է հորհրդային Ռուսաստանի և, հատկապես, 11-րդ բանակի հրամանատարության գրգմամբ, որ այդ ապստամբությանը ժողովրդական զանգվածները չէին մասնակցում, որ հայ ժողովրդի ճնշող մեծամասնությունը դաշնակցական կառավարության կողմն էր և այլն<sup>5</sup>:

### Ց. Ռազմաքաղաքական իրադրությունը Հայաստանում խորհրդային իշխանության հաստատման և ԽՍՀՄ-ի կից

Խորհրդահայ պատմաբանների աշխատություններում բավականաչափ լուսաբանված է Հայաստանի ռազմաքաղաքական իրադրությունը 1920 թ. կեսերին և աշնանը: Այստեղ մենք կանդորադանանք խորհրդահայկական բանակցություններին, Արևելյան Հայաստանի դեմ քեմալականների զավթողական պատերազմին և Ալեքսանդրապոլի պայմանագրին:

Այս հարցերը լայն տեղ են զբաղում Ս. Ալիխանյանի աշխատության մեջ<sup>6</sup>: Նա հանգամանորեն շարադրում է խորհրդային Ռուսաստանի քաղաքականությունը Հայաստանի նկատմամբ, մասնավորապես, լուսաբանում է խորհրդահայկական բանակցությունների ընթացքը, բացահայտում է Մոսկվայի բանակցությունների անհաջողության պատճառները՝ այն վերագրելով դաշնակցական կառավարության երկդիմի և անհեռատես քաղաքականությանը: Աշխատության մեջ ցույց է տրված, որ իմպերիալիստական մեծ տերությունները իրենց հակախորհրդ-

<sup>1</sup> «Լենինյան ուղիով», 1960, № 2, էջ 102—103:

<sup>2</sup> Նույն տեղը, էջ 103:

<sup>3</sup> Ա. Մելքոնյան, նշվ. աշխ., էջ 45:

<sup>4</sup> Տե՛ս Գ. Գալոյան, Հերոսական մայիսից—հաղթական նոյեմբեր, Եր.,

<sup>5</sup> Տե՛ս Գ. Գալոյան, նշվ. աշխ., էջ 43—44:

<sup>6</sup> Տե՛ս Ս. Ալիխանյան, Խորհրդային Ռուսաստանի դերը հայ ժողովրդի ազատագրման գործում:



դային պայքարի պլաններում մեծ տեղ էին հատկացնում Հայաստանին, այն դիտելով ոչ միայն որպես պայքար, այլև մի տարածք, որը կարելի էր որպես փոխհատուցում զիջել քեմալական թուրքիային, եթե վերջինս համաձայնվեր իր ղեկն ռազմել հորհրդային Ռուսաստանի դեմ: Գրքում վերհանված է Գ. Չիչերինի, Բ. Լեզրանի, Գ. Օրջոնիկիձեի եռանդուն գործունեությունը:

1920 թ. Հայաստանի դեմ քեմալականների սանձազերծած պատերազմի պատմությանը անդրադարձել է պատմական գիտությունների դոկտոր, պրոֆեսոր Ս. Կարապետյանը<sup>1</sup>, որը հիմնականում ճիշտ է վերլուծել այդ պատերազմի պատճառներն ու բնույթը:

Խորհրդահայ պատմաբանները, գրում է նա, համակողմանի շեն բացահայտել պատերազմի պատճառները, մասնավորապես անտեսվել են քեմալականների գաղափարախոսությունը և հակախորհրդային պլանները: Հենվելով մի շարք փաստաթղթերի, ինչպես նաև հենց Մ. Քեմալի վկայությունների վրա, նա ցույց է տալիս, որ քեմալականները որոշել էին այդ պատերազմն սկսել դեռևս 1920 թ. գարնանը: Ծիշտ է հեղինակի այն հետևությունը, թե՛ եթե քեմալական թուրքիայի պատերազմը Հայաստանի դեմ իմպերիալիստական էր, զավթողական, անարդարացի, ապա Հայաստանի, հայերի կողմից՝ արդարացի էր, պաշտպանողական՝ իր երկիրը ներխուժած թալանչիների, նվաճողների, ճնշողների դեմ, հանուն իր հողի և հայրենիքի<sup>2</sup>: Գրքույկում ցույց է տրված Խորհրդային Ռուսաստանի պայքարը հայ-թուրքական տարածայնությունները խաղաղ ճանապարհով լուծելու համար: Սակայն սխալվում է Ս. Կարապետյանը, երբ 1920 թ. դեկտեմբերի 2-ի Երևանի համաձայնագիրը համարում է հորհրդային Ռուսաստանի և Խորհրդային Հայաստանի կառավարությունների միջև կնքված ռազմաքաղաքական դաշինք<sup>3</sup>: Այդ համաձայնագիրը դաշնակցական կառավարության կապիտուլյացիայի ակտ էր, որ հորհրդային Ռուսաստանի ներկայացուցիչ Բ. Լեզրանի հետ

կնքեցին դաշնակցական կառավարության կողմից լիազորված Գրոն և Տերտերյանը: Հետևաբար, այդ կառավարության ներկայացուցիչները երբեք չէին կարող ներկայացնել Խորհրդային Հայաստանը: Ի դեպ, այս թյուրիմացությունը, որը բավականին տարածված է խորհրդահայ պատմական գրականության մեջ, գալիս է պրոֆեսորներ Յու. Կյուշնիկովի և Ա. Սաբանինի կողմած ժողովածուից<sup>4</sup>: Ս. Կարապետյանի գրքույկում իրավացիորեն քննադատված են խորհրդային պատմաբաններ Միլլերը, Խելֆեցը և ուրիշներ, որոնք գտնում են, թե պատերազմը, իբր, սկսեցին դաշնակցականները:

Հայտնի է, որ երկար ժամանակ հիմնականում սխալ և միակողմանի է բացատրվել քեմալական թուրքիայի քաղաքականությունը բնույթը, իդեալականացվել է քեմալական շարժումը, դրանով իսկ անտեսելով նրա նվաճողական-ռեակցիոն քաղաքականությունը Հայաստանի նկատմամբ: Մյուս կողմից, շեշտը դնելով դաշնակցության քաղաքականության քննադատության վրա, 1920—1930-ական թվականներին հրատարակված մի շարք աշխատություններում հեղինակներն այն սխալ տեսակետն են արտահայտել, թե, իբր, 1920 թվականին դաշնակցական Հայաստանն է հարձակվել քեմալական թուրքիայի վրա: Այսպես, այդպիսի կարծիք է հայտնել Ա. Կարինյանը<sup>2</sup>: 1930-ական թվականների կեսերին Մ. Ներսիսյանը գրել է. «Հավատարիմ իր բուրժուական հակաժողովրդական էությունը, դաշնակցական կառավարությունը 1920 թ. սկսել էր մի նոր ավանտյուրիստական պատերազմ ազգային-ազատագրական պայքարի բովում գտնվող Տաճկաստանի դեմ»<sup>3</sup>: Կ. Ղազարյանը գրել է, թե, իբր, դաշնակցությունը նվաճողական քաղաքականություն էր վարում թուրքիայի, Վրաստանի, Ադրբեջանի, Կիլիկիայի նկատմամբ<sup>4</sup> և այլն:

<sup>1</sup> Տե՛ս Կլյուչնիկով Կ. և Տաբանին Ա., Международная политика новейшего времени в договорах и декларациях, М., 1928, էջ 75—76:

<sup>2</sup> Տե՛ս «Большевик Закавказья», Тифлис, 1929, № 9—10, էջ 73:

<sup>3</sup> Մ. Ներսիսյան, Նոյեմբերյան հեղափոխությունը Հայաստանում, Եր., 1935, էջ 115:

<sup>4</sup> Տե՛ս Կ. Ղազարյան, Խորհրդային իշխանության հաստատումը Հայաստանում, ՀեՍՀ մարքսիզմ-լենինիզմի ինստիտուտի «Տեղեկագիր», № 1, 1935, էջ 74:

<sup>1</sup> Տե՛ս Ս. Կարապետյան, 1920 թվականի հայ-թուրքական պատերազմը և Խորհրդային Ռուսաստանը, Եր., 1965:

<sup>2</sup> Տե՛ս Ս. Կարապետյան, նշվ. աշխ., էջ 28:

<sup>3</sup> Տե՛ս նույն տեղը, էջ 12:



1950-ական թվականների վերջերին այս հարցը ստացավ ճիշտ լուսաբանություն: Հրատարակվեցին մի շարք աշխատություններ (Ե. Սարգսյան, Ա. Սաֆրաստյան, Ռ. Սահակյան և ուրիշներ), որոնց մեջ փաստական նյութի հիման վրա մերկացվում է թուրքական ժամանակակից պատմագրությունը: Շուտով տիրապետող դարձավ այն կոնցեպցիան, որ քեմալական շարժումը, մի կողմից, հակաիմպերիալիստական, ազգային-ազատագրական բնույթ է կրել և ուղղված է եղել արևմտյան իմպերիալիզմի դեմ, իսկ, մյուս կողմից, Անդրկովկասի, մասնավորապես Հայաստանի նկատմամբ այն եղել է զավթողական, իմպերիալիստական:

Չնայած դրան, Մոսկվայում հրատարակված մի շարք աշխատություններում, հատկապես «Վսեմիրնայա իստորիայի» 8-րդ հատորում պրոֆ. Ա. Միլլերը դարձյալ անտեսում է քեմալիզմի երկակի բնույթը և, հակառակ ճշմարտության, 1920 թ. պատերազմի սանձազերծման ամբողջ մեղքը բարդելով Թուրքիայի ներսում եղած Քեմալի հակառակորդների, ինչպես և Անտանտի իմպերիալիստների ու հատկապես զաշնակցական կառավարության վրա, դրանով իսկ անտեսում է Քեմալի և Թուրք մյուս նացիոնալիստների զավթողական քաղաքականությունը:

Ա. Միլլերի վերոհիշյալ սխալ տեսակետի քննադատությամբ առաջինը հանդես եկավ Ե. Սարգսյանը<sup>2</sup>: Թվում էր այդ հարցը իր ճիշտ և վերջնական գնահատականը ստացավ, սակայն, ցավոք, այդ ամենից հետո նորից կոպիտ սխալ թույլ տրվեց: «ԽՍՀՄ պատմության» երկրորդ սերիայի VII հատորի Անդրկովկասի վերաբերյալ պատմական ակնարկի հեղինակը (պրոֆ. Ա. Հարությունյան—Հարենց) անհիմն կերպով գրում է, թե, իբր, զաշնակցականները «... հավակնություն ունենալով թուրքական տերիտորիայի մի մասի նկատմամբ, ... 1920 թ. սեպտեմբերին պատերազմի մեջ մտան Թուրքիայի հետ»<sup>3</sup>: Իրականում կատարվել է ճիշտ հակառակը՝ Թուրքիան, որը մինչ այդ զավթել էր Արևմտյան Հայաստանը, հայ ժողովրդի դարավոր հայրենիքը,

բնաջնջել հայ բնակչության ճնշող մեծամասնությունը, 1920 թ. սեպտեմբերին ամբողջ ճակատով հարձակվեց Արևելյան Հայաստանի վրա՝ նպատակ ունենալով զավթել նաև այն, բնաջնջել հայ ժողովրդի այդ հատվածը ևս: Մինչդեռ վերոհիշյալ գրքում, լուծված մասնելով Անդրկովկասի նկատմամբ Թուրքիայի վարած նվաճողական քաղաքականությունը, ագրեսիայի զոհ Հայաստանը ներկայացված է որպես ագրեսոր, ուրիշի տերիտորիան զավթելու հավակնորդ, իսկ Թուրքիան՝ անմեղ զոհ: Ո՞ւմ է հարկավոր նման կեղծիքը: Սա միայն ջուր է լցնում պատմության թուրք կեղծարարների ջրաղացին և մոլորության մեջ գցում հասարակական կարծիքը: Բացի այդ, բնթերցողների մոտ թյուր պատկերացում է ստեղծվում նաև հորհրդային Ռուսաստանի քաղաքականության վերաբերյալ: Հեղինակը հաջորդ պարբերությունում ակնհայտորեն հակասելով ինքն իրեն, գրում է, թե այդ ժամանակ «խորհրդային կառավարությունը ուղղման օգնություն առաջարկեց զաշնակցներին»: Իհարկե, դա ճիշտ է, սակայն, եթե, իրոք, Հայաստանը թուրքական տարածքի մի մասը զավթելու հավակնությամբ մտավ պատերազմի մեջ, ինչպես պնդում է հեղինակը, ապա ինչպե՞ս կարող էր հորհրդային Ռուսաստանի կառավարությունը ագրեսորին օգնություն ցույց տալ: Մի՞թե պարզ չէ, որ հորհրդային Ռուսաստանը հայ ժողովրդին օգնություն էր խոստանում այն պատճառով, որովհետև վերջինիս մղած պատերազմը համարում էր արդարացի, ազատագրական, թուրքական ագրեսիան հետ մղելու համար: Այլ բան է, որ զաշնակցական կառավարությունը, մերժելով հորհրդային Ռուսաստանի առաջարկը և ապավինելով արևմտյան տերությունների օգնությանը, իր անհեռատես քաղաքականությամբ հայ ժողովրդին կանգնեցրեց աղետի առաջ: Ստեղծված ծանր վիճակից փրկվելու միակ ելքը Հայաստանում խորհրդային կարգերի հաստատումն էր: Մի՞թե հեղինակին հայտնի չեն Վ. Ի. Լենինի, Ս. Մ. Կիրովի, Գ. Կ. Օրջոնիկիձեի, Գ. Վ. Չիչերինի և ուրիշների որոշակի ասույթները Հայաստանի դեմ Թուրքիայի կողմից սկսած պատերազմի զավթողական բնույթի մասին, պատերազմ, որն ուղղված էր ոչ միայն Հայաստանի, այլև Անդրկովկասի և հորհրդային Ռուսաստանի դեմ: 1920 թ. հոկտեմբերի 9-ին հանդես գալով ՌԿ(բ)Կ Մոսկվայի կազմակերպության ակտիվի խորհրդակցությունում, Վ. Ի. Լենինը նշել է. «Վերջերս թուրքերը

<sup>1</sup> Այս մասին տե՛ս Ե. Սարգսյան, Ռ. Սահակյան, Հայ ժողովրդի նոր պատմության նենգափոխումը թուրքական պատմագրության մեջ, Եր., 1963:

<sup>2</sup> Տե՛ս Ե. Սարգսյան, Թուրքիան և նրա նվաճողական քաղաքականությունը Անդրկովկասում (1914—1918), Եր., 1964, էջ 438:

<sup>3</sup> Տե՛ս История СССР, вторая серия, М., 1967 (Под ред. Б. Пономарева), էջ 618:



սկսել են հարձակվել Հայաստանի վրա, նպատակ ունենալով գրավել Բաթումը, իսկ հետո, թերևս, նաև Բարսեռ»<sup>1</sup>:

Այնուհետև Վ. Ի. Լենինը 1920 թ. դեկտեմբերի 21-ին խորհուրդների VIII համագումարի ՌԿ(բ)Կ ֆրակցիայի նիստում տված զեկուցման եզրափակիչ խոսքում ասել է. «Թուրքական հարձակումը մեր դեմ էր ուղղված... Թուրքիան ղեկավարում են կադետները, օկույաբրիտները, ազգայնականները, որոնք պատրաստ են մեզ վաճառելու Անտանտին»<sup>2</sup>:

Այդ հարցը ճիշտ է լուսաբանվել Մոսկվայում հրատարակված պատմագիտական մի շարք աշխատություններում: Օրինակ, «Ասիայի և Աֆրիկայի երկրների նորագույն պատմության» բուհական դասագրքում ասված է. «... Անկարայի կառավարությունը հուլյաների դեմ հակահարձակում կազմակերպելու փոխարեն, պանթուրքական տարրերի ճնշման տակ արշավանք սկսեց Հայաստանի դեմ, ձգտելով գրավել և Թուրքիայի տարածքին միացնել Արևելյան Հայաստանը և դուրս դալ Ադրբեջանի սահմանները»<sup>3</sup>: Մեկ այլ աշխատությունում ասված է. «...Ռեակցիոն ուժերի ճնշման տակ քեմալական կառավարությունը մերժեց խորհրդային կառավարության՝ նախկինում ընդունած միջնորդությունը Հայաստանի հետ ունեցած բանակցություններում, նա շարժեց իր զորքերը Հայաստանի դեմ և փախուստի մատնեց դաշնակցական թույլ բանակը»: Եվ հետո՝ «Թուրքիայի ռեակցիոն շրջանների ավանտյուրան նշանակալից ռազմական ուժեր առանձնացնելով Հայաստանի դեմ ագրեսիայի համար, թուլացրեց Թուրքիային՝ իմպերիալիզմի դեմ մղվող նրա պայքարում»<sup>4</sup>:

Յավայի է, որ «ԽՍՀՄ պատմության» VII հատորում պատմական ճշմարտությունը հակասող հակագիտական տեսակետը առաջ է քաշվել այն ժամանակ, երբ, նույնիսկ, թուրք պատմաբաններից ոմանք (Ջեմալ Քութայ, էնվեր Ջիա Քարալ, Քասսին Յունալ և ուրիշներ), ինչպես և նախկին քաղաքական ու ռազմական զործիշներ (Մուստաֆա Քեմալ փաշա, Քյազիմ Կարաբեքիր, Ալի

Տուաթ Ջերեսոյ և ուրիշներ), անկարող լինելով հերքել պատմական փաստերը, հարկադրված եղան ընդունել, որ Թուրքիան է հարձակվել Հայաստանի վրա:

Պետք է նշել նաև, որ Հայաստանին վերաբերող ընդամենը մեկուկես էջի վրա հեղինակը թույլ է տվել բազմաթիվ փաստական սխալներ, որոնք, իրենց հերթին, թյուրիմացության մեջ են գցում ընթերցողին\*:

Քեմալականների ազգայնական քաղաքականությունն ու դավթողական պատերազմը Արևելյան Հայաստանի դեմ հանգամանորեն քննվում է նաև Մ. Արզումանյանի «Արհավիրքից վերածնունդ» աշխատության մեջ: Միաժամանակ ցույց է տրված հայթուրքական տարածքային կնճոտ հարցը լուծելու խորհրդային կառավարության ձգտումը, այսինքն՝ լուծելու այն ազգազրական,

\* Հայանի է, որ զինված ապստամբության մասին ՀԿ(բ)Կ Կենտկոմի կողմից ուղղված բանվորներին և զյուզացիներին, հրապարակվել է 1920 թ. հոկտեմբերի 8-ին, մինչդեռ հեղինակը գրում է հոկտեմբերի 21-ին, 619-րդ էջում նշված է, թե իբր, կարմիր բանակի զորքերը երևան են մտել 1920 թ. դեկտեմբերի 4-ին, մինչդեռ այն տեղի է ունեցել դեկտեմբերի 6-ին: Փաստական տեսակետից ճիշտ չէ այն, որ, իբր, 1918 թ. գերմանա-թուրքական զորքերի Անդրկովկասից դուրս գալուց հետո նրանց փոխարինելու կլած անգլիական իմպերիալիստները, «օկուպացիայի ենթարկեցին երկրամասի ամբողջ տարածքը» (էջ 611): Գրքում ասված է, թե թուրքերը Կարսում և Ալեքսանդրապոլում կոտորել են 60 հազար հայ, մինչդեռ իրականում կոտորվել են ավելի շատ հայեր: Այդ 60 հազարը վերաբերում է միայն Ալեքսանդրապոլի գավառին (տե՛ս ԽՍՀՄ արտաքին քաղաքականության արխիվ, ֆ. 132, գ. 14, թ. 52): 618-րդ էջում ասված է, թե անգլիական կառավարությունը Հայաստան ուղարկեց 40 հազար զինվորի զենք ու սպառազինություն: Դա ճիշտ չէ: Անգլիան միայն նման խոստում էր տվել, իսկ իրականում շատ քիչ զենք և հանդերձանք էր ուղարկել: Հայաստան: Հարկ կար Անգլիայի մասին հակառակ բան գրել, այն, որ զրժեց իր խոստումը, խաբեց թուրքական արշավանքից աքյունաքամ լինող հայ ժողովրդին: Եթե, իբր, Անգլիան 40 հազար հայ զինվորի զենք և սպառազինություն ուղարկած լինեք, ապա հազիվ թե գեներալ Քյազիմ Կարաբեքիրի 50 հազարանոց բանակը կարողանար 1,5 ամսում նվաճել Արևելյան Հայաստանի մեծ մասը: Տարրինակ է, որ գրքում գլտեղված նկարում (էջ 619) սխալ են ցույց տրված Հայաստանի հեղկոմի անդամները՝ Ի. Գովլաթյանի փոխարեն ցույց է տրված Ս. Կասյանը, Ս. Կասյանի փոխարեն՝ Ա. Բեկզադյանը, վերջինիս փոխարեն՝ Ի. Գովլաթյանը. Ի վերջո հասկանալի չէ, թե ինչու են բացակայում հեղկոմի մյուս ականավոր անդամների՝ Ս. Տեր-Գարրիկյանի, Ա. Մաավյանի և Ս. Նուրիջանյանի նկարները: Այլևս չենք խոսում այն մասին, որ նկարից չէ պարզվում, թե ով է եղել Հայհեղկոմի նախագահը:

<sup>1</sup> Վ. Ի. Լենին, ԵԺԺ, հ. 41, էջ 406:

<sup>2</sup> Նույն տեղը, հ. 42, էջ 154:

<sup>3</sup> Новейшая история стран Азии и Африки, М., 1965, с. 361.

<sup>4</sup> История внешней политики СССР, т. 1, М., 1966, с. 141.



տնտեսական ու պատմական դիրքերից, լինել միջնորդ Հայաստանի ու Թուրքիայի միջև՝ կանխելու արյունալի պատերազմը: Նա կանգ է առնում Մոսկվայի խորհրդա-հայկական բանակցությունների հարցի վրա:

Պատմաբանը գտնում է, որ սխալ է պատմական գրականություն մեջ «հայ-թուրքական պատերազմ» արտահայտությունը, ուստի այն պետք է կոչել իր անունով՝ «քեմալականների զավթողական պատերազմը Հայաստանի դեմ», կամ ծայրահեղ դեպքում՝ «թուրք-հայկական պատերազմ», քանի որ նրա նախածնողներն ու ագրեսորները եղել են Թուրքերը<sup>1</sup>: Նա իրավացիորեն մեղադրում է այն «հետազոտողներին», ովքեր գործնականում են ներկայացնում, թե, իբր, պատերազմի նախածնողը դաշնակցությունն էր, իսկ Թուրքիան եղել է միայն «պաշտպանվող», իբր, Անկարայի կառավարությունը նվաճողական պլաններ չի ունեցել Անդրկովկասի նկատմամբ<sup>2</sup>: Մ. Արզումանյանը փաստերով, առաջին հերթին Մ. Քեմալի և Թուրք մյուս պարագլուխների գրավոր տվյալների հիման վրա, հիմնավորում է նման տեսակետների սխալականությունը: Այս տեսանկյունից նա իրավացիորեն քննադատում է «ԽՍՀՄ պատմության» VII հատորում, «Համաշխարհային պատմության» VIII հատորում, նաև Ս. Արալովի հիշողություններում, Ա. Շամսուտդինովի և այլոց մոտ տեղ գտած սխալները և ցույց տալիս, որ ագրեսորները քեմալականներն էին:

Մ. Արզումանյանը գտնում է, որ Ալեքսանդրապոլի պայմանագիրը պետք է համարել ոչ միայն բռնության ակտ Թուրքիայի կողմից, այլև դաշնակիցների գործարք թուրքական նվաճողների հետ, թուրք-դաշնակցական համագործակցություն խորհրդային իշխանության դեմ<sup>3</sup>: Այդ հարցերի առնչությամբ տրված է նաև դաշնակցություն կուսակցության պարագլուխների քննադատությունը:

Խորհրդային Ռուսաստանի դերը հայ-թուրքական հարաբերությունների կարգավորման ուղղությամբ ժամանակի պատմության ընդհանուր Ֆոնի վրա հանգամանորեն լուսաբանված է պատմական գիտությունների զոկտոր է. Զոհրաբյանի մենագրությունների

գրություն մեջ<sup>1</sup>: Հարուստ է մենագրության աղբյուրագիտական բազան: Այստեղ համակողմանիորեն բացահայտված է քեմալական Թուրքիայի նվաճողական քաղաքականությունը Անդրկովկասի և, առաջին հերթին, Հայաստանի նկատմամբ: Լայն տեղ է տրված 1920 թ. աշնանը քեմալականների հարձակմանը Արևելյան Հայաստանի վրա և հանգամանորեն վերլուծված է Ալեքսանդրապոլի դեկտեմբերի 2-ի պայմանագիրը:

Այն հարցին, թե ինչու 1920 թ. գարնանը, ինչպես նախատեսվում էր, չսկսվեց պատերազմը, պատմաբանը տալիս է հետևյալ պատասխանը՝ 1920 թ. աշնանը հարձակման համար նպաստավոր պայմաններ էին ստեղծվել: Օգտվելով Անտանտի թողտվությունից, գրում է նա, ինչպես նաև այն հանգամանքից, որ Անդրկովկասում խորհրդային զորքերի թիվը խիստ պակասել էր լեհական ճակատ փոխադրվելու պատճառով և, վերջապես, ապահովելով մենշևիկյան Վրաստանի բարյացակամ շեղորությունը, քեմալական Թուրքիան, օգտագործելով սահմանային միջադեպերը, սեպտեմբերի 21-ին առանց պատերազմ հայտարարելու ամբողջ ճակատով հարձակման անցավ<sup>2</sup>:

Այն հարցին, թե, չնայած նրան, որ հայկական զորքերը պարտություն պարտության հետևից էին կրում, դաշնակիցները գրծում էին Հայաստանին օգնելու իրենց խոստումները, ինչու է քեմալականները շփորձեցին ներխուժել նաև Արարատյան դաշտավայր, այլ ընդհակառակը՝ կարսի գրավումից հետո, մոտենալով Արփաշային, նրանք առաջինը նոյեմբերի 1-ին հաշտության առաջարկ արեցին, է. Զոհրաբյանը տալիս է հետևյալ ուշագրավ պատասխանը: Նախ՝ Արարատյան դաշտավայրը Հայաստանի սիրտն էր, նրա բնօրրանը, հետևապես թեկուզ հաղթող բանակի համար հետագա հարձակումը մեծ ռիսկի հետ էր կապված, երկրորդ՝ քեմալականները չէին կարող հաշվի չառնել խորհրդային կառավարության գիրքորոշումը հայ-թուրքական հարաբերությունների հարցում, երրորդ՝ քեմալականները քաջ գիտակցում էին, որ Եվրոպայի առաջադեմ հասարակական կարծիքը Հայկական հարցում հայերի կողմն է, ուստի ստիպված էին հաշտվել մի փոքրիկ Հայաստանի հետագա գոյության հետ<sup>3</sup>:

<sup>1</sup> Տե՛ս Մ. Արզումանյան, Արհավիրքից վերածնունդ, էջ 305—306:

<sup>2</sup> Տե՛ս նույն տեղը, էջ 306:

<sup>3</sup> Տե՛ս նույն տեղը, էջ 354:

<sup>1</sup> Տե՛ս է. Զոհրաբյան, Խորհրդային Ռուսաստանը և հայ-թուրքական հարաբերությունները 1920—1922 թթ., Եր., 1979:

<sup>2</sup> Տե՛ս նույն տեղը, էջ 55:

<sup>3</sup> Տե՛ս նույն տեղը, էջ 84—86:



Աշխատութեան մեջ փաստերով ցույց է տրված դաշնակցական կառավարութեան վարած հակախորհրդային քաղաքականութիւնը, խորհրդային Ռուսաստանի նկատմամբ նրա ունեցած թշնամութիւնն ու ատելութիւնը:

Նա ուշագրավ պատասխան է տալիս նաև այն հարցին, թե հաստատ իմանալով, որ բոլշևիկները շին համաձայնվի Ալեքսանդրապոլի պայմանագրին, ինչո՞ւ Կարաբեքիբը շտապեց ստորագրել այն: Առաջին ու հիմնական շարժառիթը նա համարում է խորհրդային Ռուսաստանին կատարված փաստի առաջ կանգնեցնելու ցանկութիւնը, բոլշևիկների հետ հայ-թուրքական սահմանային հարցերի քննարկումից խուսափելը, երկրորդ՝ Կարաբեքիբի համար շատ ավելի ձեռնառու էր գործ ունենալ թույլ ու անհեռատես դաշնակցականների հետ, ձեռնալուծ, որ, իբր, զրկված են իշխանութիւնից, որպէսզի հետագայում նպաստեն նրանց իշխանութեան վերականգնմանը, երրորդ՝ քեմալականների պայմանագիրը հարկավոր էր եվրոպական քաղաքականութեան համար՝ ունենալ մի փաստաթուղթ, որով նրանք եվրոպային համոզեին, թե Սևրի պայմանագիրը իրագործելի չէ հենց նրա համար, որ իրենք՝ հայերն էլ են հրաժարվում դրանից<sup>1</sup>:

Շարագրված է Մոսկվայի և Կարսի պայմանագրերի կնքման պատմութիւնը: Հեղինակը պատասխան է տալիս այն հարցին, թե ինչո՞ւ խորհրդային Ռուսաստանին չհաջողվեց տարածքային հարցերում հասնել ցանկալի արդյունքի: Առաջին՝ դաշնակցականների կառավարութիւնը, կնքելով Ալեքսանդրապոլի պայմանագիրը, ՌԽՖՍՀ կառավարութեանը կատարված փաստի առաջ էր կանգնեցրել, երկրորդ՝ բանակցութիւններն ընթանում էին խորհրդային Ռուսաստանի համար աննպաստ պայմաններում, երրորդ՝ խորհրդային Ռուսաստանը ձգտում էր Կովկասում կայուն ու երկարատև խաղաղութիւն հաստատել, չորրորդ՝ կոնֆերանսում հաշվի էին առնվում նաև Արևելքում խորհրդային քաղաքականութեան ընդհանուր հեռանկարները: խորհրդային Ռուսաստանը, գրում է նա, չէր կարող աշքաթող անել միջազգային հեղափոխութեան շահերը և բոլոր այն հանգամանքները, որոնք կարող էին նպաստել իմպերիալիզմի խորտակմանը Արևելքում<sup>2</sup>:

Զոհրաբեյանը փաստալից հարուստ նյութի հիման վրա քննա-

դատում է թուրք և դաշնակցական գործիչներին, որոնք, ելնելով որոշակի շահերից, կեղծում են պատմական իրողութիւնները: Քննադատական խոսք է ասված խորհրդային որոշ պատմաբանների հասցեին: Լուրջ սխալ է խորհրդային պատմագրութեան մեջ Քեմալի իդեալականացումը, նրան «հեղափոխական», խորհուրդների երկրի հավատարիմ բարեկամ ներկայացնելը, Հայաստանի վրա արշավանքի ծրագրումն ու իրականացումը միայն Կարաբեքիբին, բայց ոչ երբեք Քեմալին վերագրելը և այլն: Է. Զոհրաբեյանը նկատում է, որ մեր պատմական գրականութեան մեջ հաճախ անտեսվում է իթթիհատականների և քեմալականների միջև սերտ կապի գոյութիւնը, որի հետևանքով էլ քեմալականների շարժումը երբեմն չի ստանում այն գնահատականը, որին նա արժանի է: Նրա կարծիքով, խորհրդային գրեթե բոլոր այն պատմաբանները, որոնք իրենց ուսումնասիրութիւններին մեջ առնչվել են հայ-թուրքական հարաբերութիւնների հարցին, սխալվում են, կարծելով, թե իբր, եթե 1920 թ. ամռանը հարցը լուծվեր դիվանագիտական ճանապարհով, ապա մենք այժմ կունենայինք ոչ միայն Արևելքի շահագրգռումը, այլ նաև Արևմուտքի Հայաստանի որոշ մարզերը<sup>3</sup>:

Է. Զոհրաբեյանի մեկ այլ աշխատութեան մեջ վեր է հանված խորհրդային Ռուսաստանի դերը հայ-իրանական հարաբերութիւններում 1920—1922 թվականներին<sup>4</sup>: Հարկ է նշել, որ նման թեմայով ամբողջական աշխատութիւն առաջին անգամ է լույս տեսնում, ուստի հեղինակի աշխատանքն այդ ուղղութեամբ խրախուսելի է:

Փաստական հարուստ տվյալների հիման վրա ցույց է տրվում այն մեծ աշխատանքը, որ այդ տարիներին կատարում էին հայ բոլշևիկները, խորհրդային Հայաստանի կուսակցական ու պետական մարմինները իրանի հետ առևտրատնտեսական և դիվանագիտական հարաբերութիւնների հաստատման ուղղութեամբ: Աշխատութեան էջերում տեղ է հատկացված իրանում դաշնակցականների հակախորհրդային գործունեութեան բացահայտմանը և այնտեղ կուտակված հայերի հայրենադարձութեան կազմակերպմանը: Հեղինակը նկատում է, որ իրանում տնօրինող անգ-

<sup>1</sup> Տե՛ս է. Զոհրաբեյան, նշվ. աշխ., էջ 161—164:

<sup>2</sup> Տե՛ս նույն տեղը, էջ 35:

<sup>3</sup> Տե՛ս է. Զոհրաբեյան, նշվ. աշխ., էջ 34, 36, 52—53:

<sup>4</sup> Տե՛ս է. Զոհրաբեյան, խորհրդային Ռուսաստանը և հայ-իրանական հարաբերութիւնները (1920—1922 թթ.), Եր. 1985:



լիացիների և նրանց հլու-հնազանդ պարսկական կառավարութեան հովանավորութեան հեռանկարով, մանավանդ խորհրդային կարգերի հաստատումից հետո, Իրանը վերածվել էր մի երկրի, որտեղ դաշնակցութունը ազատորեն ծավալել էր իր հակախորհրդային գործունեությունը:

Աշխատութեան մեջ քննադատված է դաշնակցականների և Արևմուտքում սոցիալիզմի մյուս թշնամիների այն թշուր ու հիմնադուրկ պնդումը, թե խորհրդային կարգերի հաստատումով Հայաստանը կորցրեց իր անկախութունն ու ինքնուրույնությունը: Ընդհակառակը, գրում է պատմաբանը, հայ-իրանական հարաբերությունների օրինակը ցույց է տալիս, որ միջազգային ասպարեզում նա ավելի հաստատուն դիրք ձեռք բերեց, որ նա որպես սովետներ հանրապետություն, միջազգային հարաբերություններում հանդես էր գալիս ինքնուրույնաբար:

1920 թ. հայ-թուրքական հարաբերությունների մի շարք կարևոր կողմեր լուսաբանված են նաև Հր. Սիմոնյանի՝ թուրք ազգային բուրժուազիայի գաղափարաբանությանն ու գործունեությունը նվիրված արժեքավոր մենագրության մեջ: Այստեղ ճիշտ է տրված քեմալականության գնահատականը, բնութագրելով նրան որպես երիտթուրքերի շարդարարական քաղաքականության շարունակողներին: «Հայկական հարցում,— իրավացիորեն գրում է նա,— Քեմալը ամբողջովին հարազատ մնաց իր երիտթուրքական անցյալին, դեպի հայ ժողովուրդը թուրք շովինիստների վրիժառուական ընթացքին»<sup>1</sup>:

Գրքում վեր է հանված խորհրդային Ռուսաստանի դերը հայ-թուրքական հարաբերությունների կանոնավորման գործում: Անդրադառնալով 1920 թ. թուրք-հայկական պատերազմի հարցին՝ Հր. Սիմոնյանը վերլուծել է պատերազմում Հայաստանի պարտության պատճառները:

Պատմաբանը դրանցից ամենագլխավորը համարում է այն, որ հայ ժողովուրդը աջակցություն ցույց չտվեց Հայաստանի հանրապետության կառավարությանը, որը հեղինակը համարում է բուրժուազիայի դիկտատուրա: «Դաշնակցական զինվորի շինել հագած հայ գյուղացին,— գրում է նա,— չէր ուզում կովել իր հա-

մար խորթ իշխանության հրամաններով»<sup>1</sup>: Հր. Սիմոնյանը պարտության պատճառներից մեկն էլ իրավացիորեն համարում է այն դիվային աշխատանքը, որ քեմալականները եռանդով տանում էին հայկական բանակը ներսից քայքայելու համար: Այստեղ նա նկատի ունի այն, որ քեմալականները դիմեցին խորամանկության՝ հայկական զորքի մեջ տարածելով կեղծ լուրեր, թե իբր իրենք ևս բոլշևիկներ են, խորհրդային Ռուսաստանի բարեկամները և որ նրանք կովում են ոչ թե հայ ժողովուրդի, այլ դաշնակցների դեմ: «Դաշնակցները,— շարունակում է Հր. Սիմոնյանը,— իրենց հերթին կրկնում էին քեմալականների կեղծիքները, ձգտելով դրանք ուղղել խորհրդային Ռուսաստանի դեմ... Կարծելով՝ թե քեմալականները իրոք Ռուսաստանի անկեղծ բարեկամներն են, հայ զինվորները մտածում էին, որ կթե նրանք չզիմադրեն», գրանով իսկ կօգնեն բոլշևիկներին, առաջին հերթին հայ բոլշևիկներին՝ տապալելու դաշնակցների ատելի տիրապետությունը և կազմակերպելու Հայաստանի բանվորների և գյուղացիների պետությունը»<sup>2</sup>:

Անդրադառնալով 1920 թ. խորհրդա-հայկական հարաբերությունների հարցին, Հր. Սիմոնյանը դատապարտում է դաշնակցությանը, որը երկար ժամանակ մերժում էր խորհրդային Ռուսաստանի միջնորդությունը՝ հայ-թուրքական սրված հարաբերությունները խաղաղ կերպով կարգավորելու վերաբերյալ: «Չնայած այն բանին,— գրում է նա,— որ դաշնակցականների հանցավոր, անհեռատես քաղաքականության հետևանքով Հայաստանը կտրվել էր խորհրդային Ռուսաստանից, խորհրդային կառավարությունը կտրականապես հանդես եկավ ի պաշտպանություն Հայաստանի՝ որպես Թուրքիայի կողմից նախապատրաստվող ագրեսիայի դեմ»<sup>3</sup>:

1920 թ. ամռանը տեղի ունեցած խորհրդա-հայկական բանակցությունների ձախողման համար Հր. Սիմոնյանը մեղադրում է Հայաստանի հանրապետությանը: «Սակայն Շանթի պատվիրակությունը,— գրում է նա,— նախապես ունենալով արևմտյան իմպերիալիստական տերությունների հետ ամուր կապված իր

1 Հր. Սիմոնյան, Թուրք ազգային բուրժուազիայի գաղափարաբանությունը և քաղաքականությունը, էջ 499:

1 Հր. Սիմոնյան, նշվ. աշխ., էջ 523:

2 Նույն տեղը, էջ 524—525:

3 Նույն տեղը, էջ 505:



հանցագործ կառավարության ցուցումները, ըստ էության վիժեցրեց բանակցությունները»<sup>1</sup>:

1920 թ. դեկտեմբերի 2-ին Ալեքսանդրապոլում թուրքերի հետ ծանր պայմանագիր կնքելու մեղքը Հր. Սիմոնյանը իրավացիորեն դնում է դաշնակցական պարագլուխների վրա: «Հայաստանում իրենց իշխանությունը կորցրած դաշնակցական պարագլուխները դիմեցին նոր ոճրագործության, — գրում է նա: — 1920 թվականի դեկտեմբերի 2-ին, այսինքն իշխանությունից զրկվելու շորրորդ օրը, նրանք թուրքերի կողմից գրաված Ալեքսանդրապոլում պայմանագիր կնքեցին Կարաբեքիրի հետ: Արդեն լիազորություններից զրկված դաշնակցական պատվիրակությունն իր ստորագրությունով օրինականացրեց քեմալական ագրեսորների տերիտորիալ զավթումները»<sup>2</sup>: Վկայակոչելով Ա. Ժամկոչյանի «Ձորավար Անդրանիկը կը պատասխանե իր հակաակորդներուն» գրքի համապատասխան տեղը, Հր. Սիմոնյանը գրում է. «Ալեքսանդրապոլի դաշնագրի դեմ բուռն կերպով բողոքեց Անդրանիկը, բողոքեցին հայ քաղաքական բոլոր կուսակցությունները, բացի դաշնակցությունից»<sup>3</sup>:

Հր. Սիմոնյանը դաշնակցությանը մեղադրում է նաև 1921 թ. փետրվարյան խռովությունը կազմակերպելու համար: «Իրենց խելահեղ քայլով «հայրենիքի փրկարարները» նոր զժբախտություններ բերեցին արյունաքամ երկրին, նոր հարված հասցրին նրա կենսական շահերին», — գրում է նա: Այդ օրերին դավաճանության ինչպիսի մրցանիշներ էին խփում դաշնակցական արկածախնդիրները, այնուհետև շարունակում է պատմաբանը, յավ երևում է թեկուզ այն հեռագրերից, որ Անկարա և Մոսկվա էր ուղարկել քաղաքական հոգեվարքի մեջ գտնվող Սիմոն Վրացյանը, «որը, — գրում է նա, — ընկնելով քեմալական մարդասպանների ոտքերը, նրանցից գթություն էր աղերսում, նույնիսկ օգնություն մուրում»<sup>4</sup>:

#### 4. Խորհրդային կարգերի հաստատումը Հայաստանում

Այս պրոբլեմը խորհրդային պատմագրության ամենաշատ մշակված և լայնորեն լուսաբանված թեմաներից է: Հարկ է նշել, որ խորհրդահայ պատմաբանները տվյալ թեմային նվիրված իրենց աշխատություններում շեն սահմանափակվել միայն 1920 թ. նոյեմբերին ծավալված իրադարձությունների պատմության շարադրանքով, այլ առաջնորդվել են ծավալուն ընդգրկումով: Նրանք հարցի արծարծումն սկսել են Հոկտեմբերյան հեղափոխության պատմական հաղթանակից և հասցրել մինչև 1920—21 թվականները: Կան աշխատություններ, որոնց շարադրանքը ավելի վաղ ժամանակներից է սկսվում, սակայն դրանցում լուսաբանվում է նաև Հայաստանում խորհրդային կարգերի հաստատման պատմությունը:

Հրատարակվել են աշխատություններ, որոնք ընդգրկում են անդրկովկասյան և, նույնիսկ, համառուսաստանյան իրականությունը: Այսպես, Վ. Ի. Լենինի դերը Անդրկովկասի ժողովուրդների սոցիալական և ազգային ազատագրության համար մղվող պայքարում լուսաբանված է Հայկական ԽՍՀ ԳԱ ակադեմիկոս Գ. Ղարիբջանյանի «Լենինը և Անդրկովկասը» եռահատոր մենագրության մեջ, որի երրորդ հատորը ամբողջովին նվիրված է հետհոկտեմբերյան ժամանակաշրջանին<sup>1</sup>: Աշխատությունը գրված է Անդրկովկասի 1917—1924 թթ. իրադարձությունների լայն ֆոնի վրա: Հեղինակը օգտագործելով լենինյան գրական հարուստ ժառանգությունը, գիտական շրջանառության մեջ դնելով արխիվային բազմաթիվ փաստաթղթեր և վավերագրական այլ նյութեր, ցույց է տվել Վ. Ի. Լենինի մեծ հոգատարությունը Անդրկովկասի բոլշևիկյան կազմակերպությունների և աշխատավորության նկատմամբ, նրա վիթխարի դերը Անդրկովկասում խորհրդային կարգերի հաստատման ու ամրապնդման, սոցիալիստական առաջին վերափոխումների գործում: Ելնելով լենինյան դրույթներից, հեղինակը ճիշտ է բացահայտել Անդրկովկասի սոցիալտնտեսական, քաղաքական կյանքի առանձնահատկություններն ու յուրահատկությունները: Հետհոկտեմբերյան առաջին տարիներին երկրամասում ստեղծված քաղաքական բարդ իրադրու-

<sup>1</sup> Հր. Սիմոնյան, նշվ. աշխ., էջ 506:

<sup>2</sup> Նույն տեղը, էջ 530:

<sup>3</sup> Նույն տեղը:

<sup>4</sup> Նույն տեղը, էջ 536:

<sup>1</sup> Տե՛ս Գ. Ղարիբջանյան, Լենինը և Անդրկովկասը (1893—1924), հ. 3, (1917—1924), Եր., 1975:



թյան մեջ բացահայտված է Անդրկովկասի բուլշևիկյան կազմակերպությունների վիթխարի գործունեությունը խորհրդային կարգերի հաստատման ու ամրապնդման ուղղությամբ:

Աշխատության մեջ հատկապես ընդգծված է, որ Անդրկովկասի բուլշևիկները, ելնելով Վ. Ի. Լենինի ցուցումներից, վճռական հակահարված տվեցին բուրժուազգայնական կուսակցություններին, պաշարեցին երկրամասի աշխատավորների ինտերնացիոնալ համախմբվածության, նրանց ազգային համերաշխության ու բարեկամության ամրապնդման համար: Պատմաբանի աշխատության մեջ կարմիր թելի պես անցնում է այն միտքը, որ միայն ազգային հարցի լենինյան ծրագրի կենսագործման շնորհիվ հնարավոր եղավ Ռուսաստանի ճնշված բոլոր ժողովուրդների սոցիալական ու ազգային ազատագրումը, որն իրագործվեց Հոկտեմբերյան հեղափոխության պատմական հաղթանակով: Այս դրույթը վերանայման խիստ կարիք ունի:

Աշխատությունը արժեքավոր ներդրում է խորհրդային պատմականակցական գրականության մեջ, ունի ոչ միայն գիտապատմական, այլև ճանաչողական նշանակություն:

Հետհոկտեմբերյան ժամանակաշրջանում ազգային հարցի լուծումը Անդրկովկասում լայնորեն լուսաբանված է Գ. Գալոյանի կողմից<sup>1</sup>: Մենագրության երկրորդ բաժինը ամբողջապես նվիրված է այդ կարևոր հարցին: Հեղինակը իր աշխատությունը շարադրել է պատմական լայն ֆոնի վրա: Նրանում իրենց լուսաբանում են ստացել 1917—1922 թթ. կարևոր իրադարձությունները:

Նա համակողմանիորեն ցույց է տվել կոմունիստական կուսակցության լենինյան ազգային քաղաքականության կիրառումը Անդրկովկասի ժողովուրդների նկատմամբ՝ ըստ առանձին փուլերի: Այդ պարզորոշ երևում է Արևմտյան Հայաստանի ինքնորոշման մասին խորհրդային Ռուսաստանի կառավարության դեկրետի, Բաքվի կոմունայի, ժողովուրդների բարեկամության ամրապնդման, Անդրկովկասում խորհրդային կարգերի հաստատման ու ամրապնդման մասին հեղինակի շարադրանքից:

Մի կողմից, հստակորեն ցույց տալով Անդրկովկասի բուրժուազգայնական կուսակցությունների ու նրանց կառավարու-

թյունների դիքբորոշումը ազգային հարցում, ազգային երկպառակությունների սրումը երկրամասում, Գ. Գալոյանը, մյուս կողմից, վեր է հանել ՌեՅՍՀ կառավարության և ՌԿ(բ)Կ կենտրոնի քաղաքականությունը Անդրկովկասում, բազմաթիվ փաստերով ցույց է տվել խորհրդային Ռուսաստանի ազգադիվանագիտական և տնտեսական օգնությունը Անդրկովկասի ժողովուրդներին որպես ազգային հարցի լուծման քաղաքականություն:

Անդրկովկասում և Հայաստանում խորհրդային կարգերի հաստատման պատմության հարցերը լուսաբանվել են նաև Գ. Գալոյանի մյուս աշխատություններում: Գրան է նվիրված նրա «Հոկտեմբերյան հեղափոխությունը և Անդրկովկասի ժողովուրդների վերածնունդը» մենագրությունը, ինչպես նաև «Պատմության քառուղիներում» մենագրության մի զգալի մասը: Այդ աշխատություններում փաստական տվյալների հիման վրա վեր է հանված Անդրկովկասում խորհրդային կարգերի հաստատման գործում խորհրդային Ռուսաստանի խաղացած դերը: Ի դեպ, պատմաբանի աշխատությունների աչքի ընկնող առավելություններից է այն, որ դրանցում խորհրդային կարգերի հաստատումը Հայաստանում շարադրված է միջազգային իրադարձությունների ֆոնի վրա: Մի շարք վավերագրերով բացահայտված են Անտանտի տերությունների և Թուրքիայի միջև ստեղծված հարաբերությունները, որոնք ուղղված էին խորհրդային Ռուսաստանի, Հայաստանում խորհրդային կարգերի հաստատման դեմ:

Հարցի համապարփակ լուսաբանման տեսակետից ուշադրավ են Ա. Մնացականյանի «Լենինը և ազգային հարցի լուծումը ԽՍՀՄ-ում» և, հատկապես, «Հոկտեմբերի բարեկազմների վրա» աշխատությունները<sup>1</sup>: Առաջինում հեղինակը քննում է ազգային հարցի զրվածքը Ռուսաստանում Հոկտեմբերյան հեղափոխության նախօրյակին և նրա հաղթանակից հետո: Ի թիվս խորհրդային մյուս հանրապետություններում ազգային-պետական շինարարության, աշխատության մեջ ցույց է տրված նաև ՀԽՍՀ-ի կազմավորումը: Երկրորդ աշխատությունում, որն աչքի է ընկնում փաստական արժեքավոր նյութի առատությամբ, ցարիզմի և բուրժուական դիկտատուրայի տապալման համար ռուս և մեր

<sup>1</sup> См. Галоян Г., Рабочее движение и национальный вопрос в Закавказье (1917—1922), Е., 1969.

<sup>1</sup> См. Мнацаканян А., Ленин и решение национального вопроса в СССР, Е., 1970, նույնի՝ Հոկտեմբերի բարեկազմների վրա, Եր., 1967:



բազմազգ երկրի բոլոր ժողովուրդների հեղափոխական հերոսական պայքարի ընդհանուր ֆոնի վրա հանգամանորեն լուսարանվում է հայ ժողովրդի զավակների մասնակցությունը այդ պայքարին: Նրան հաջողվել է լիովին բացահայտել այն ակտիվ պայքարը, որ հանուն խորհրդային իշխանության՝ Ռուսաստանի մյուս ժողովուրդների հետ համատեղ, մղել են հայ ժողովրդի զավակները հոկտեմբերի բարիկադների վրա՝ Պետերբուրգում և Մոսկվայում, քաղաքացիական կռիվների ուղղման համարձակատներում՝ Ուկրաինայում ու Բելոռուսիայում, Մերձբալթիկայում ու Հյուսիսային Կովկասում, Ղրիմում ու Միջին Ասիայում, Անդրկովկասում: Միանգամայն ճիշտ է Ա. Մնացականյանի այն եզրահանգումը, թե հայ ժողովրդի զավակները հասկանում էին, որ Հայաստանի և Ռուսաստանի կազմում գտնվող մյուս ժողովուրդների բախտը վճռվում էր հոկտեմբերի բարիկադների վրա, քաղաքացիական կռիվների կրակի ու բոցերի մեջ, իսկ հեղափոխության գրոշը լուսավորում է բոլոր ճնշված ազգերի ու ժողովուրդների ազատագրման ուղին:

Պատմաբանի աշխատությունը ինտերնացիոնալիստ հեղափոխականների կյանքի հերոսապատում է, հեղափոխականներ, որոնք Հայաստանի բախտը կապեցին համառուսաստանյան պրոլետարական շարժման, Ռուսաստանում սոցիալիստական հեղափոխության հաղթանակի հետ, դրա շնորհիվ էլ հայ ժողովուրդը հասավ ազգային և սոցիալական ազատության: Ի դեպ, աշխատության մեջ ցույց է տրված ոչ միայն առանձին անհատների, այլև ամբողջ ժողովրդի ավանգր սոցիալիստական հեղափոխության հաղթանակի և նրա նվաճումների պաշտպանության, խորհրդային պետության ամրապնդման գործում:

Հայ ժողովրդի 1917—1921 թթ. պատմության հետազոտության գործում մեծ վաստակ ունի Մ. Աղայանը: Այդ կարևոր պրոբլեմին են նվիրված նրա մի շարք աշխատությունները<sup>1</sup>, որոնց մեջ պատմվում է Հոկտեմբերյան հեղափոխությունից հետո հայ ժողովրդի մղած ազատագրական պայքարի, Հայաստանում խորհրդային կարգերի հաստատման և հայ ժողովրդի

<sup>1</sup> Агаян Ц., Победа Советской власти и возрождение армянского народа, М., 1981, նույնի՝ Հոկտեմբերը և հայ ժողովրդի ազատագրական պայքարը, Եր., 1982: Գրեթե նույն բովանդակությունն ունեն նրա նախկինում հրատարակված աշխատությունները՝ Հոկտեմբերյան հեղափոխությունը և հայ ժողովրդի ազատագրումը, Եր., 1957, Великий Октябрь и борьба трудящихся Армении за победу Советской власти, Е., 1962:

վերածննդի մասին: Արժանին մատուցելով վաստակաշատ պատմաբանին, միաժամանակ հարկ ենք համարում նշել, որ նրա աշխատություններում տեղ են գտել նաև մի շարք թերի ձևակերպումներ ու վրիպումներ: Օրինակ, խոսելով 1920 թ. դեկտեմբերի 2-ի Երևանի համաձայնագրի մասին, այն տպավորություն է ստացվում, թե Հայաստանի կառավարությունը կամովին է հանձնել իշխանությունը հեղկոմին: Մինչդեռ հարկավոր էր բացահայտել, թե որոնք էին այդ հարկադրական «հրաժարման»-ի զրգապատճառները: Դրանք երկրում ստեղծված ներքին և արտաքին աննպաստ պայմաններն էին:

Նոյեմբերի վերջին սոցիալ-տնտեսական և ուղղաքաղաքական ծանր վիճակի հետևանքով ստեղծվել էր կառավարական ճգնաժամ: Ահա թե ինչ է ասված հանրապետության վերջին վարչապետ Ս. Վրացյանի՝ նոյեմբերի 26-ին հրապարակած դեկլարացիայում. «Տաճիկ զինված ուժերը գրավել են մեր երկրի խոշոր մասը: Ազգաբնակչությունը գրաված վայրերից տեղահան է եղած և գաղթական վիճակի մեջ անխնա կոտորվում է ցրտից և սովից: Պետության ներքին կյանքի բնականոն ընթացքը խանգարված է: Վարչական մեքենան թուլացած է մեծապես, ֆինանսական և հաղորդակցության միջոցները քայքայված: Արդարադատությունը անհնարին վիճակում է, պարենի մուտքը դրսից կանգ է առել, իսկ ներքին աղբյուրները ցամաքում են արագությամբ, կայուն չէ ժողովրդի հոգեկան վիճակը... Երկիրն ապրում է ներքին ծանր տագնապ»: Ուստի ոչ թե կամովին, այլ շկարողանալով հաղթահարել վերոհիշյալ իրավիճակը և կանխել խորհրդային կարգերի հաստատումը, Վրացյանի կառավարությունը մի քանի օր հետո հարեկաղբված հրաժարվեց իշխանությունից: Անկեղծ, կամովին հրաժարվողը շուտով չէր կազմակերպի փետրվարյան հեղաշրջում:

Հայ ժողովրդի ազգային ու սոցիալական ազատագրման, նրա սոցիալիստական վերածննդի գործում խորհրդային Ռուսաստանի դերի վերահանումը մշտապես եղել է խորհրդահայ պատմագրության առաջնահերթ խնդիրներից մեկը: Այն լայնորեն լուսաբանվել է 1917—1922 թթ. պատմությանը նվիրված աշխատություններում (Աշ. Հովհաննիսյան, Գ. Ղարիբջանյան, Ա. Մնացականյան, Մ. Աղայան, Զ. Գրիգորյան, Գ. Գալոյան, Ա. Հակոբյան, Ա. Վարդապետյան և ուրիշներ), սակայն այդ պրոբլեմի ուղղությամբ գիտահետազոտական աշխատանքը շարունակվում է նաև հետագայում:



Խորհրդային Ռուսաստանի դերը հայ ժողովրդի ազատագրման, նրա վերածննդի գործում բազմակողմանիորեն լուսաբանվում է Ս. Ալիխանյանի մենագրության մեջ<sup>1</sup>: Աշխատության մեջ բազմաթիվ փաստերով ցույց է տրված Խորհրդային Ռուսաստանի կառավարության, ռուս ժողովրդի օգնությունը թուրքական յաթաղանից փրկված և Ռուսաստանում ապաստան գտած հայ դադթականությունը, բացահայտված է 1920 թ. Խորհրդային Ռուսաստանի կառավարության դիվանագիտական ջանքերը Հայաստանը Անտանտի ճիրաններից ազատելու, նրան բեմադրական թուրքիայի զավթողական քաղաքականությունից պաշտպանելու գործում: Լայնորեն արծարծվում է Խորհրդային Ռուսաստանի ռազմաքաղաքական և տնտեսական օգնությունը Խորհրդային Հայաստանին 1920—1921 թթ.: Աշխատության հեղինակը գտնում է, որ Խորհրդային Ռուսաստանի ռուսաստանյան պրոլետարիատի ցույց տված օգնությունը ծայրամասերի աշխատավորությունը ոչ թե սոսկ մարդասիրական ակտ էր, այլ սոցիալիստական հեղափոխության և սոցիալիստական շինարարության ընդհանուր օրինաչափություն, պրոլետարական ինտերնացիոնալիզմի կոնկրետ գրսևորում: Այդ փոխադարձ օգնությունը հատուկ է պրոլետարիատի դասակարգային պայքարին, բխում է նրանից և ապահովում է նրա հաղթանակը: Խորհրդային Ռուսաստանի հայ ժողովրդին ցույց տված օգնությունը աշխարհում առաջին սոցիալիստական պետության կողմից իր ինտերնացիոնալ պարտքի հետևողական ու անշահախնդիր կատարման վառ արտահայտությունն է:

Ս. Ալիխանյանի աշխատությունը շի ընդգրկում սոսկ օգնության հարցերը: Այն շարադրված է Անդրկովկասում և Հայաստանում 1917—1921 թթ. ծավալված իրադարձությունների, հայ ժողովրդի մղած հեղափոխական ազատագրական պայքարի պատմության ֆոնի վրա: Հատկապես հաջող են լուսաբանված Հայաստանում խորհրդային կարգերի հաստատման պատմության հետ կապված հարցերը: Հանգամանորեն վերլուծվել է 1920 թ. դեկտեմբերի 2-ի Երևանի համաձայնագիրը, վեր է հանվել նրա քաղաքական արժեքն ու պատմական նշանակությունը: Պատմաբանի կարծիքով, դաշնակցականները ստիպված էին իշխանությունից հրաժարվել, որովհետև Հայաստանի բանվոր-

ներն ու դյուղացիները կոմունիստական կուսակցության ղեկավարությամբ ոտքի էին ելել դաշնակցականների վարչակարգը տապալելու համար, Հայաստանը հայտարարվել էր խորհրդային հանրապետություն, դաշնակցական կառավարությունը ռազմական պարտություն էր կրել բեմադրական թուրքիայից, վերջինս գրավել էր Հայաստանի ոչ միայն միջերկրյան հողերը, այլև անվիճելի հողերի զգալի մասը Ալեքսանդրապոլ քաղաքով: Դրա հետևանքով վերջնականապես հօգս էր ցնդել «Մեծ Հայաստանի» գաղափարը, որի շուրջ դաշնակցությունը մինչ այդ հաջողվում էր Հայաստանում և սփյուռքում համախմբել հայությունը, Անտանտը չէր օգնում Հայաստանին, ջախջախվել էր Անտանտի երրորդ արշավանքը, օգնության հույս չկար նաև վրաց մենշևիկներին: Իրագրությունը վատ էր երկրի ներսում, ուստի նա հարկադրված էր կապիտուլացվել<sup>2</sup>:

Վ. Ի. Լենինի ստորագրությամբ Հայաստանի մասին հրատարակված փաստաթղթերը, ինչպես նաև առաջնորդի մտքերը հայ ժողովրդի ազգային ու սոցիալական ազատագրման ուղու մասին, որոնք արտահայտվել են նրա հողվածներում, հեռագրերում և ցուցումներում, ներկայացված են Ս. Ալիխանյանի երկու գրքուկներում<sup>3</sup>:

Նրա մեկ այլ աշխատության մեջ քստ ամենայնի վեր է հանված Անդրկովկասի բոլշևիկների ղեկավար Գ. Կ. Օրջոնիկիձեի դերը Հայաստանում խորհրդային կարգերի հաստատման ու ամրապնդման համար մղված պայքարում<sup>4</sup>: Այն գրված է Անդրկովկասի քաղաքական իրադարձությունների ֆոնի վրա, այդ ժամանակաշրջանի պատմության հետ սերտորեն առնչված: Աշխատության մեջ ներկայացվում են Օրջոնիկիձեի կյանքի ու գործունեության այն էջերը, որոնք կապված են Հայաստանի և հայ ժողովրդի հետ: Մայիսյան ապստամբություն, Հայաստանում խորհրդային կարգերի հաստատում, Հայաստանին օգնության կազմակերպում, Լոռվա ապստամբություն, փետրվարյան խռովության ջախջախում, Զանգեզուրի ազատագրում, Անդրկովկասի ժողովուրդների բարեկամության ամրապնդում և Անդրֆե-

<sup>1</sup> Տե՛ս Ս. Ալիխանյան, նշվ. աշխ., էջ 201—203:

<sup>2</sup> Տե՛ս Ս. Ալիխանյան, Իլիշի ստորագրությամբ, Եր., 1969, նույնի՝ Լենինյան փաստաթղթեր Հայաստանի մասին, Եր., 1980:

<sup>3</sup> Տե՛ս Ս. Ալիխանյան, Գ. Կ. Օրջոնիկիձեի և խորհրդային կարգերի հաստատումը Հայաստանում, Եր., 1974:

<sup>4</sup> Տե՛ս Ս. Ալիխանյան, Խորհրդային Ռուսաստանի դերը հայ ժողովրդի ազատագրման գործում (1917—1921 թթ.), Եր., 1966:



դերացիայի կազմավորում և այլն՝ ահա այն կարևոր իրադարձությունները, որոնց և գործոնն մասնակցություն է ունեցել ու ղեկավարել Գ. Կ. Օրջոնիկիձեն: Աշխատությունում քննվում է նաև հայ-թուրքական և խորհրդա-թուրքական հարաբերությունների հարցում Գ. Կ. Օրջոնիկիձեի դերը:

Ս. Ալիխանյանի աշխատության մեջ ցույց է տրված Խորհրդային Ռուսաստանի կառավարության, Վ. Ի. Լենինի ուշադրությունն ու հոգատար վերաբերմունքը հայ ժողովրդի նկատմամբ, ինչպես նաև խորհրդային և կուսակցական հայտնի գործիչներ Գ. Չիչերինի, Բ. Լեզրանի, Ս. Կիրովի, կարմիր բանակի հրամանատարների խաղացած դերը հայ ժողովրդի հեղափոխական-ազատագրական պայքարում:

Պատմաբանը անդրադարձել է նաև 1921 թ. սկզբներին ՀԿ(Բ)Կ ղեկավարության մեջ ծագած ներկուսակցական տարաձայնություններին, վերլուծել կողմերի ճիշտ և սխալ դիրքորոշումները և, որ ամենակարևորն է, ցույց է տվել Օրջոնիկիձեի դերը այդ տարաձայնությունները հաղթահարելու գործում: Աշխատության մեջ կան նաև որոշ ոչ ճիշտ ձևակերպումներ: Օրինակ, 199-րդ էջում ասված է. «Օրջոնիկիձեն այդ տարիներին ամբողջ թափով մերկացնում էր դաշնակցականների, վրաց մենշևիկների և մուսավաթականների ազդեցիկ շովինիստական քաղաքականությունը»:

Մեր կարծիքով, դաշնակցականներին ազդեցիկ քաղաքականություն վերագրելը ճիշտ չէ: Մի՞թե վրացական մենշևիկներից կոռվա, ադրբեջանական մուսավաթականներից Զանգեզուրի, նախիջևևանի և Ղարաբաղի, իսկ Թուրքիայից՝ Արևմտյան Հայաստանի նկատմամբ արդարացի պահանջները ազդեցիկ էին:

Խորհրդային Ռուսաստանի գինված ուժերի՝ 11-րդ բանակի դերը Հայաստանում խորհրդային կարգերի հաստատման ու ամրապնդման գործում լուսաբանվել է Ի. Թայրյանի աշխատության մեջ<sup>1</sup>: Հեղինակն օգտագործելով փաստական, մեծ մասամբ արխիվային հարուստ նյութեր, 1918—1921 թթ. կովկասյան իրադարձությունների ֆոնի վրա ցույց է տվել նրա անցած մարտական ուղին Աստրախանից մինչև Հայաստան, նրա եղբայրա-

կան օգնությունը հայ ժողովրդին: Աշխատության մեջ արտահայտված է այն միտքը, որ հայ ժողովուրդը չէր կարող կործանումից փրկվել առանց Հայաստանի աշխատավորության և 11-րդ բանակի համատեղ գործողությունների, առանց Խորհրդային Ռուսաստանի օգնության:

Այդուհանդերձ, աշխատության մեջ տեղ են գտել փաստական անճշտություններ: Օրինակ, նա գրում է, թե 1920 թ. դեկտեմբերի 4-ին Հայհեղկոմը լրիվ կազմով ժամանեց Երևան<sup>1</sup>, մինչդեռ այդ օրը Երևան են մտել միայն Հայաստանի հեղկոմի նախագահ Ս. Կասյանը և հեղկոմի անդամ Ա. Նուրիջանյանը: Ի. Գովլաթյանը և Ալ. Բեկղաղյանը Բաքվից Երևան են ժամանել դեկտեմբերի 9-ին, Ս. Տեր-Գաբրիելյանը մնում է Մոսկվայում որպես ՀեՍՀ լիազոր ներկայացուցիչ, իսկ Ա. Մուսվյանը Մոսկվայից Երևան է գալիս դեկտեմբերի կեսերին:

Շնորհակալ գործ է կատարել Անդրկովկասի պատմաբանների մի մեծ կոլեկտիվ՝ համատեղ գրելով Անդրկովկասում խորհրդային իշխանության հաստատման հանգամանալից պատմությունը<sup>2</sup>: Հայ պատմաբաններից հատորի հրատարակմանը մասնակցել են Մ. Աղայանը, Գ. Գալոյանը, Ա. Հակոբյանը, Ա. Հարությունյանը (Հարենց), Հ. Էլչիրեկյանը:

Անդրկովկասում խորհրդային կարգերի հաստատման ու ամրապնդման գործում Վ. Ի. Լենինի դերի վերահամանն է նվիրված Մ. Աղայանի աշխատություններից մեկը<sup>3</sup>:

## 5. Պատմության կեղծարարների քննադատությունը

Վերջին տասնամյակների խորհրդահայ պատմաբանների ակնառու նվաճումներից է թուրքական, բուրժուական Արևմուտքի և դաշնակցական պատմագրության քննադատությունը: Այդ

<sup>1</sup> Ի. Թայրյան, նշվ. աշխ., էջ 157: Նույն սխալը Թայրյանը կատարում է 1977-ին ՀեՍՀ ԳԱ հրատարակած «Մեծ Հոկտեմբերի դրոշմով» ժողովածուում, (էջ 147): Ի դեպ, նշված ժողովածուի մեջ ղեկավարված հոդվածում Թայրյանը 11-րդ բանակի հրամանատարության ուղտիմատումը թուրքական հրամանատարությանը ապրիլի 13-ի փոխարեն ցույց է տալիս ապրիլի 20 (էջ 175), որը սխալ է:

<sup>2</sup> Տե՛ս Победа Советской власти в Закавказье, Тбилиси, 1971:

<sup>3</sup> Տե՛ս Агаян Ц., В. И. Ленин и создание закавказских советских республик, Е., 1976:

<sup>1</sup> Տե՛ս Таирян И., XI Красная Армия в борьбе за установление и укрепление Советской власти в Армении, Е., 1971:



հարցերին խորհրդահայ շատ պատմաբաններ են անդրադարձել, իսկ նրանցից մի քանիսը՝ ավելի հանգամանորեն:

1964-ին լույս տեսավ Ռ. Սահակյանի նոր աշխատությունը<sup>1</sup>, ուր ցույց է տրված ժամանակակից թուրք պատմագրության կողմից խորհրդա-թուրքական հարաբերությունների միտումնավոր, հակազիտական մեկնաբանությունը:

Հայ ժողովրդի պատմության հետ անմիջական առնչություն ունի գրքույկի առաջին բաժինը, ուր քննվում են խորհրդա-թուրքական հարաբերությունների սկզբնավորման ժամանակաշրջանի պատմության հարցերը: Այստեղ հեղինակը խստորեն դատապարտում է թուրք պրոֆեսոր էնվեր Զիա Քարալին, որը 1920 թ. թուրքական արշավանքը Արևելյան Հայաստան ցինիկորեն համարում է թուրք ժողովրդի ազատագրական պայքարի առաջին հաղթանակը:

Հայ պատմաբանը ցույց է տալիս, որ թուրք հեղինակների կողմից խեղաթյուրված է նաև Կարսի կոնֆերանսի բանակցությունների ընթացքը: Օրինակ, խորհրդային Ռուսաստանում քեմալական թուրքիայի առաջին դեպիան գեներալ Ալի Ֆուաթ Զեքեսոյը իր «Մուկովյան հուշերում» գրում է, թե, իբր, Կարսի կոնֆերանսում բանակցությունները հարթ անցան, որ, իբր, հայերը առաջ չբաշեցին սահմանի վերանայման ու ճշգրտման պահանջ, մինչդեռ, հավաստում է Ռ. Սահակյանը, կոնֆերանսի նիստերի արձանագրություններից ու արխիվային փաստաթղթերից երևում է, որ բանակցությունները շափազանց սուր և լարված բնույթ էին կրում այն բացահայտ թշնամական դիրքի պատճառով, որ գրավել էր թուրքական պատվիրակությունը խորհրդային Հայաստանի նկատմամբ: Խոսքը վերաբերում է նրան, որ թուրքերը ձգտում էին Հայաստանին պարտադրել Ալեքսանդրապոլի կողոպտիչ պայմանագիրը: Բավական է ասել, որ թուրքերը մերժեցին նույնիսկ հայերի համեստ պահանջը՝ Անի քաղաքի ավերակները որպես պատմական հուշարձան խորհրդային Հայաստանին տալու մասին:

Ռ. Սահակյանը թուրքական պատմագրության քննադատությունը տվել է նաև մեկ այլ ուշագրավ մեկնադրության մեջ, որը վերաբերում է թուրք-ֆրանսիական հարաբերություններին և Կի-

լիկիային<sup>1</sup>: Այստեղ հեղինակը քննադատում է թուրք հեղինակներ Ալի Սաիպին, Ադիլ Բազդատլուոլուն, Ռեշեպ Դալբերրին, Ալի Ֆուաթ Զեքեսոյին և ուրիշների, որոնք իրենց աշխատություններում խուսափում են Կիլիկիայում կատարված դեպքերի անաչառ վերլուծությունից, միտումնավոր աղճատում տեղի ունեցած իրադարձությունները: Նրանք Կիլիկիայի ողբերգության մեղքը գցում են հայերի վրա, դեռ ավելին, պնդում, որ, իբր, հայերն են հրկիզել թուրքական գյուղերը, սրի քաշել բնակչությանը և այլ հերյուրանքներ:

Խոսելով իր աշխատության համար օգտագործված թուրքական աղբյուրների մասին, Ռ. Սահակյանն իրավացիորեն գրում է. «Սակայն թուրքական աղբյուրները, վավերագրերը, ականատեսների վկայությունները, հուշերը և այլն, ինչ խոսք, չեն կարող բավարար համարվել հարցի լուսաբանման համար, որովհետև գրեթե առանց բացառության դրանք հարցերը քննում են միտումնավոր կերպով իրենց հիմքում ունենալով Քեմալ Աթաթյուրքի ասույթներն ու գնահատականները, որոնք երբեմն ուղղակի խեղաթյուրում են պատմական իրականությունը»<sup>2</sup>: Եվ իրոք, Մուստաֆա Քեմալը, լուսության մատենելով թուրքական հրոսակների վայրագությունները, պնդում էր, թե «Կիլիկիայում... հայկական կանոնավոր ու անկանոն զորքերը հարձակումներ են գործում մեր ցեղակիցների ու հավատակիցների վրա և հանցագործություններ կատարում»: Թուրքական մեջլիսի պատգամավոր Ալի Սաիպը «Կիլիկիայի ողբերգությունը և Ուրֆայի ազատագրական կռիվները» գրքում Կիլիկիա վերագործող հայերին անվանել է «հեռվից եկած թափառականներ, ավազակներ, հանցագործներ, որոնց ցանկությունն էր ավերել, ջարդուփշուր անել, ճղմել-սպանել» և այլն:

Մ. Արզումանյանը «Արճավիրից վերածնունդ» աշխատության մեջ լայն տեղ է հատկացրել թուրք պատմաբանների կեղծարարության մերկացմանը: Նա խստորեն քննադատում է Մ. Քեմալի «Նոր Թուրքիայի ուղին» և նրա նախաձեռնությամբ

<sup>1</sup> Տե՛ս Ռ. Սահակյան, խորհրդա-թուրքական հարաբերությունների պատմության հակազիտական լուսաբանումը ժամանակակից թուրք պատմագրության մեջ: Եր., 1964:

<sup>1</sup> Տե՛ս Ռ. Սահակյան, Թուրք-ֆրանսիական հարաբերությունները և Կիլիկիան (1919—1921 թթ.), Եր., 1970: Այս աշխատությունն ավելի ընդարձակ ժամանակաշրջանի ընդգրկումով լույս է տեսել նաև ռուսերեն՝ Саакян Р., Франко-турецкие отношения и Киликия в 1918—1923 гг.

<sup>2</sup> Ռ. Սահակյան, Թուրք-ֆրանսիական հարաբերությունները և Կիլիկիան, էջ 16:



հրատարակված «Թուրքիայի պատմությունը» աշխատությունները, որոնցում տեղ են գտել բազմաթիվ կեղծ ու շինծու մատյաններ:

Վկայակոչելով Մ. Քեմալի գրքի այն հատվածը, որով վերջինս ժխտում է Արևմտյան Հայաստանի տարածքի նկատմամբ հայերի ավելի հին պատմական իրավունքները և, կամ, զրպարտություն համարում Թուրքիայում հայ բնակչության կոտորածների մասին եղած խոսակցությունը, պատմաբանն իրավացիորեն գրում է. «Թուրք փաշան պարզապես կեղծում է իրականությունը, և նրա ասածը հնչում է որպես ծաղր պատմության նկատմամբ»<sup>1</sup>: Մի ուրիշ տեղ նա գրում է. «Պատմությանն իրազեկ ամեն մի ողջամիտ մարդու համար պարզ է, որ Քեմալը խեղաթյուրում է իրականությունը և թուրք շովինիստի դիրքերից օսմանյան մահաբեր արշավանքները, ավերածություններն ու բարբարոսությունները ներկայացնում է որպես «իմաստություն ու բարեգործություն»<sup>2</sup>:

Աշխատության մեջ քննադատված է քեմալականների այն ստահոգ հայտարարությունը, թե, իբր, իրենք էլ հեղափոխականներ են և Հայաստան են մտել պայքարելու դաշնակցականների դեմ, անմիջապես կապ հաստատելու Խորհրդային Ռուսաստանի հետ: «Իրականում,— գրում է հայ հեղինակը,— դա նրանց ագրեսիայի ու հակակոմունիզմի բողոքի մասն է և էր»<sup>3</sup>:

Անդրադառնալով կրիկիահայության մղած ազգային-ազատագրական պայքարի հարցերին<sup>4</sup>, Մ. Արզումանյանը քննադատել է ոչ միայն թուրքական պատմագրությանը, այլև ճիշտ դիտողություն է արել խորհրդային պատմաբան Ն. էֆենդիևային, որն իր աշխատության մեջ շրջանցել է կրիկիահայության ազատագրական պայքարը, իսկ քեմալականների կողմից նրա նվաճումը դիտել որպես թուրքերի հայրենասիրական շարժում<sup>5</sup>:

Ի դեպ, որոշ խորհրդային թուրքագետ-պատմաբաններ (Ա. Միլլեր, Ա. Խեյֆեյ, Ս. Կուզնեցովա և ուրիշներ) իրենց աշխատություններում

սուբյուկտիվորեն թույլ են տվել կոպիտ աղավաղումներ, ոչ ճիշտ մեկնաբանել իրողությունը, որով, փաստորեն, ջուր են լցնում թուրքական պատմագրության ջրաղացին: Այսպես, օրինակ, պրոֆեսոր Ա. Նովիչևը, խոսելով 1908—1918 թթ. երիտթուրքերի շովինիզմի մասին, ոչ մի խոսքով չի դատապարտում նրանց հակահայկական հայաջինջ բաղաբականությունը<sup>1</sup>: Իսկ Մոսկվայում հրատարակված մի ժողովածուի մեջ<sup>2</sup> պրոֆ. Ա. Շամսուտդինովը իղեպականացնում է Քեմալին ու քեմալիզմը, անտեսելով քեմալիզմի հակահայկական ուղղվածությունը, համերաշխում է քեմալական այն կեղծիքին, որ, իբր թե, թուրքերը չեն ունեցել «ոչ մի թշնամական տրամադրություն կամ այլ նպատակներ հարևան երկրների նկատմամբ, բացի իրենց անկախության ու ազատության հաջողություններից ազգային սահմանների շրջանակներում»<sup>3</sup>: Իսկ մի թե կրիկիան, Արևմտյան Հայաստանն ու Արևելյան Հայաստանի մի մասը, որ թուրքերը զավթեցին 1920-ին, թուրքական «ազգային սահմանների շրջանակների» մեջ էին մտնում: Յավոք, խորհրդային պատմաբանը պաշտպանության տակ է առնում նաև մոլի շովինիստներին՝ երիտասարդ թուրքերին: Հարկ է նշել, որ Շամսուտդինովին արժանի հակահարված է տվել խորհրդահայ պատմաբան է. Զոհրաբյանը<sup>4</sup>:

Հիմնավորված չէ նաև ԽՍՀՄ ԳԱ պատմության ինստիտուտի դիրեկտոր Խրոմովի մոտեցումը, որը «ԽՍՀՄ պատմություն» ամսագրում տպագրված հոդվածում թյուր կարծիք է արտահայտել ժողովրդական հերոս Անդրանիկի մասին, անվանելով նրան դաշնակցական գործիչ<sup>5</sup>: Նախ, Անդրանիկը երբեք դաշնակցական գործիչ չի եղել: Նա ամենից առաջ ազգային-ազատագրական պայքարի հերոս էր, մի բան, որը փառք ու պատիվ է բերել նրան ու իր ժողովրդին, և հետո՝ հայտնի է, որ Անդրանիկը 1907 թ. հեռացել է դաշնակցությունից և մինչև իր կյանքի վերջը մնացել նրա անհաշտ հակառակորդ:

Հայ ժողովրդի պատմության մի շարք հարցեր խեղաթյուրված են ներկայացնում նաև Ադրբեջանի որոշ պատմաբաններ: Հանրահայտ են Ադրբեջանական ԽՍՀ ԳԱ ակադեմիկոս Զիա Ռու-

<sup>1</sup> Մ. Արզումանյան, Արհավիրքից վերածնունդ, էջ 274:

<sup>2</sup> Մ. Արզումանյան, նշվ. աշխ., էջ 280:

<sup>3</sup> Նույն տեղը, էջ 378:

<sup>4</sup> Տե՛ս նույն տեղը, էջ 416:

<sup>5</sup> Տե՛ս Эфендиева Н., Борьба турецкого народа против оккупантов на юге Анатолии, Баку, 1966, էջ 10:

<sup>1</sup> Տե՛ս Новичев А. Турция. Краткая история. М., 1965:

<sup>2</sup> Տե՛ս СССР и Турция: 1917—1979 гг., М., 1981 էջ 29:

<sup>3</sup> Տե՛ս է. Զոհրաբյանի գրախոսությունը ժողովածուի մասին, ԲՀԱ, 1982, № 3:

<sup>4</sup> Տե՛ս История СССР, М., 1986, № 6, էջ 17:



նիաթովի նենգամիտ կեղծումները, որոնք մերկացվել և խստորեն քննադատվել են խորհրդահայ պատմաբանների կողմից հատկապես վերջին տարիներին: «Գիտնականի» կարծիքով, իբր հայերը Տիգրան Երկրորդից հետո չեն ունեցել անկախ պետականություն, որ Ղարաբաղը, Նախիջևանը և Սյունիքը երբեք Հայաստանի մեջ չեն մտել, որ իբր խորհրդահայ պատմաբանները տառապում են Հայաստանի սահմանները արհեստականորեն լայնացնելու հիվանդությունը և այլն: Նույնը վերաբերում է Ֆ. Շուշինսկուն, որն իր «Շուշի» գրքում (Բաբու, 1968) անհիմն կերպով հայ ժողովրդի ազգային-ազատագրական պայքարի ականավոր գործիչ Ստ. Շահումյանի խոսքերով ասած, ժողովրդական հերոս Անդրանիկին իր ջոկատով անվանում է ավազակ, թալանչի, մոլի դաշնակցական, կատաղի նացիոնալիստ և այլն: Մինչդեռ հայ պատմաբան Մ. Աղայանը իր «Հայ և աղբրեջանական ժողովուրդների դարավոր բարեկամությունը» մենագրության մեջ չի հակադրում դաշաղ նաբիի մասին աղբրեջանական գրականության մեջ ընդունված գրական գնահատականին<sup>1</sup>:

Ոչ պակաս սուրյեկտիվ, միակողմանի դիրքերից է գրված Ն. Հեյդարովի «Զանգեզուրի լեռներում» գիրքը<sup>2</sup>:

Հեղինակը անաշտ չի քննադատել Անդրկովկասի բուրժուանացիոնալիստական կուսակցությունների գործունեությունը, կան բազմաթիվ սխալ բնութագրումներ, շփաղանջություններ: Օրինակ, ոչ մի բացասական խոսք չստեղծվում մուսավաթականների մասին, նա գրում է, որ «դաշնակցական շարագործներից հայ ժողովուրդը այնքան վիշտ ու սարսափներ կրեց, որքան դարերի ընթացքում չէր կրել օտարերկրյա զավթիչներից: Զանգեզուրում դաշնակցականների գազանությունները գերազանցում էին մինչև անգամ սասանյանների, չինգիզիանների, օսմանների, սեֆելյանների, կաջարների և պատմաբանների ու գրողների աշխատություններում նկարագրված մյուս նվաճողների գազանությունները»<sup>3</sup>:

Ասել, թե դաշնակցությունը ավելի մեծ վնաս է տվել հայ ժողովրդին, քան բոլոր դարերի բռնակալներն ու օտարերկրյա

զավթիչները, քան 1,5 միլիոն հայ բնաջնջող թուրքերը, նշանակում է մեղանշել պատմությունը առջև: Գրքում բազմաթիվ անգամ դաշնակցականները հորջորջվում են որպես արյունախում, գիշատիչ, գաղանաբարո, բանդիտ և այլն, իսկ մուսավաթականների մասին ոչ մի խոսք:

Չի կարելի համաձայնել հեղինակի այն մտքին, թե 1920 թ. թուրք-հայկական պատերազմի նախահարձակը Հայաստանն է եղել և ոչ թուրքիան:

Վերջին տարիներին մեր ժողովրդի պատմությունը բացահայտորեն կեղծելով հանդես եկան Ֆ. Մամեդովան, Գ. և Մ. Ախունդովները և ուրիշներ, որոնք ձգտում են «հնացնել» իրենց ժողովրդի պատմությունը, յուրացնել հայ ժողովրդի կուլտուրապատմական ժառանգությունը:

Կարելի է շարունակել նման փաստերի թվարկումը, սակայն այսքանն էլ բավական է գաղափար կազմելու կատարվածի անթույլատրելիության մասին:

Հարց է առաջանում. ո՞րն է այս մերժելի իրողության պատճառը: Մեր կարծիքով այն, որ հանդես է բերվել ավելորդ զգուշավորություն և մտավախություն, որ տարիներ շարունակ խորհրդահայ պատմաբաններին հեռավորություն չի տրվել հարկ եղած պատասխան տալ նման խեղաթյուրումներին: Ժամանակն է խստորեն պահանջելու, որպեսզի վերջ տրվի մեր ժողովրդի պատմության միտումնավոր նենգափոխմանը, չվիրավորվի մեր ժողովրդի ազգային արժանապատվությունը: Պետք է խստորեն պահպանել խորհրդային ժողովուրդների սոցիալիստական համակցության սրբազան նորմերը նաև պատմական գիտության բնագավառում:

Թուրքական պատմաբանների և պետական գործիչների պատմության կեղծարարության մերկացման գործում մեծ վաստակ ունի Ջ. Կիրակոսյանը: Այդ տեսակետից աչքի է ընկնում հատկապես նրա «Երիտթուրքերը պատմության դատաստանի առաջ» մենագրության երկրորդ գիրքը<sup>1</sup>: «Թուրք կեղծարարներին,— գրքում է պատմաբանը,— օգնության են շտապում ամերիկյան ու արևմտաեվրոպական ամեն տիպի պնակալեզ գրչակներ, որոնք

<sup>1</sup> Տե՛ս Մ. Աղայան, Հայ և աղբրեջանական ժողովուրդների դարավոր բարեկամությունը, Եր., 1961, էջ 92:

<sup>2</sup> Տե՛ս Ն. Հեյդարով, Զանգեզուրի լեռներում, Եր., 1987:

<sup>3</sup> Նույն տեղը, էջ 297:

<sup>1</sup> Տե՛ս Ջ. Կիրակոսյան, Երիտթուրքերը պատմության դատաստանի առաջ (1915-ից մինչև մեր օրերը), գիրք երկրորդ, Եր., 1983:



շահագրգռված են Թուրքիայի հակախորհրդային դերի ուժեղացման և նրան նԱՏՕ-ի հարվածող ուժի դերում պահելու գործում<sup>1</sup>: Հանուն իմպերիալիզմի հակակոմունիստական ռազմաքաղաքական շահերի, շարունակում է հեղինակը, նրանք հանգիստ խղճով գոհում են պատմական ճշմարտությունը, գիտական անկողմնակալությունը սկզբունքները, ծառայում կեղծիքին ու ստին: Թուրքական արխիվները փականքի տակ են: Երիտթուրքական պետականությունը այսօրվա ժառանգորդները խնամքով թաքցնում են իրենց նախորդների շարագործությունները բացահայտող թղթերը:

Տասնամյակների ընթացքում, գրում է նա, թուրքական պետականությունը երբեք չընդունեց արևմտահայությունը գենոցիդի փաստը: 1919-ի գաղափարությունը մոռացությունը տրվեց: Թուրքական պատմագրությունը իրականությունը խեղաթյուրում է, կեղծում, նա բացահայտորեն արդարացնում է երիտթուրքերի ոճրագործությունները: Թուրք հեղինակները փորձում են կոծկել եղեռնի հետքերը: Նրանք կեղծում են՝ պատերազմից առաջ արևմտահայերի թիվը հասցնելով 1,5 միլիոնի: «Թուրք հեղինակների գործերը ներծծված են հակասովետիզմով, հակակոմունիզմով և պանթուրքիզմով»: Նա հատկապես խիստ քննադատության է ենթարկում մի քանի թուրք պատմաբանների: Այսպես, պրոֆ. Զիա Քարալը 1975-ին հրատարակել է մի զբոսայգի, որտեղ, կեղծելով իրականությունը, գրում է, թե, իբր, Թուրքիայում հայոց կյանքը եղել է զբախտային, նա ժխտում է Հայկական հարցը, արդարացնում սուլթան Համիդի հայասպան քաղաքականությունը: Թուրք պատմաբանը գտնում է, որ երիտթուրքերը առաջին համաշխարհային պատերազմի ժամանակ հայերին բնաջնջելու ծրագիր չեն ունեցել, պաշտպանության տակ է առնում մարդասպան Թալեաթին: Թուրք պատմաբան Ալթան Գեյիքումանն իր «Հայկական կոմիտեականներն ընդդեմ Թուրքիայի» գրքում պաշտպանության տակ է վերցնում սուլթան Համիդին, արդարացնում երիտթուրքերի հակահայկական քաղաքականությունը, Թալեաթին համարյա դարձնելով հայ ժողովրդի բարերար: Այդպես Զ. Կիրակոսյանը արդարացիորեն քննադատում է նաև Արհան Յալչին, Աբդուլլահ Յամանին, Նի-

լազի Բանողլուն, հատկապես գրող, ուսուցչուհի Նեշիդե Քերեմ Դեմիրիուն, որը հրեշավոր կեղծիքների է դիմել իր «Հայերի հարցը Թուրքիայում» գրքում: Այն իրավացիորեն քննադատվեց նաև խորհրդային գիտնականներ Գ. Հարությունովի և Հ. Եպիսկոպոսովի կողմից «Նովոյե վրեմյա» շաբաթաթերթում<sup>1</sup> (№ 49, 1981):

Կնորոշ է, գրում է Զ. Կիրակոսյանը, որ թուրքական կեղծարարներին օգնության են շտապում Արևմուտքի որոշ երկրների քաղաքագետներ, տարբեր տեսակի գրչակներ: Արևմտյան երկրներում, ինչպես անցյալում, այնպես էլ հատկապես վերջին ժամանակներս հրատարակվում են գրքեր, որոնց մեջ ծուռ հայելու մեջ է ներկայացվում պատմական իրականությունը: Պատմաբանը փաստեր է վկայակոչում նաև աշխարհի այն նշանավոր հեղինակների գրքերից, որոնցում հակահարված է տրվում թուրքական կեղծարարությանը:

Խորհրդահայ պատմաբանների աշխատություններում պատշաճ տեղ է տրված նաև Արևմուտքի բուրժուական պատմագրության քննադատությանը: Այս տեսակետից աչքի են ընկնում Գ. Գալոյանի աշխատությունները: Նրա ինչպես նախորդ տարիներին հրատարակված մի շարք աշխատություններում<sup>2</sup>, այնպես էլ բանվորական շարժման և ազգային հարցին նվիրված մենագրության մեջ մերկացվում է բուրժուական պատմագրության կողմից Հայաստանի և Անդրկովկասի նորագույն պատմության կեղծարարությունը: Այստեղ նա խստորեն քննադատում է բուրժուական դադափարախոսներ Ռիչարդ Պայպսի «Սովետական Միության կազմավորումը», Զենկովսկու «Պանթուրքիզմը և իսլամը Ռուսաստանում», Գեոֆրի Վիլերի «Ռասայական պրոբլեմները մուսուլմանական Սովետական Ասիայում», Վ. Գմիտրիշինի

<sup>1</sup> Նույն տե՛ս Հիշողություն տեխնոլոգիները, «Լենինյան ուղիով», 1982, № 1: Թուրքական պատմագրության կեղծարարության մերկացման են նվիրված նաև պարբերական մամուլում տպագրված մի շարք այլ ուշագրավ հոդվածներ: Տե՛ս, օրինակ, Գ. Ղարիբջանյանի և Ե. Սարգսյանի հոդվածը ՊԲՀ-ի 1982 թ. № 3-ում, Գ. Ղարիբջանյանի հոդվածը «Լենինյան ուղիով» ամսագրի 1986 թ. № 6-ում և այլն:

<sup>2</sup> Տե՛ս Գալոյան Գ., Социалистическая революция в Закавказье в освещении буржуазной историографии, М., 1960, նույնի՝ Անդրկովկասում սոցիալիստական հեղափոխության և կոմունիստական շինարարության պատմության կեղծարարության դեմ, եր., 1961:

<sup>1</sup> Զ. Կիրակոսյան, նշվ. աշխ., էջ 4:



«Մոսկվան և Ուկրաինան» և այլոց գրքերը, որոնց մեջ կեղծվում է ազգային հարցի լենինյան դրվածքը:

Պատմաբանը քննադատության է ենթարկում նաև կապիտալի աշխարհում ապաստանած Անդրկովկասի բուրժուազգայնական կուսակցությունների գաղափարախոսներին, որոնք ծուռ հայելու մեջ են ցույց տալիս ԽՄԿԿ-ի և խորհրդային կառավարության ազգային քաղաքականությունը: Նա իրավացիորեն մատնանշում է, որ նրանք Արևմուտքի ռեակցիոն պատմաբանների, փրիխտփանների ու սոցիոլոգների համար սկզբնաղբյուրի դեր են կատարում:

Վերոհիշյալ հարցերը քննվում են նաև Գ. Գալոյանի «Հոկտեմբերյան հեղափոխությունը և Անդրկովկասի ժողովուրդների վերածնունդը» աշխատության մեջ: Այստեղ ևս նա նոր փաստերով մերկացրել է ինչպես իմպերիալիստական պետությունների քաղաքականությունը Անդրկովկասում Հոկտեմբերյան հեղափոխությունից հետո, այնպես էլ բուրժուական պատմագրության կեղծարարությունը: «Արևմուտքում,— գրում է նա,— ստեղծվեց է Հոկտեմբերի հաղթանակի օրինաչափությունը ժխտող հսկայական գրականություն<sup>1</sup>: Գ. Գալոյանը հերքում է բուրժուական պատմագրության այն հերյուրանքները, որ, իբր թե, Հոկտեմբերյան հեղափոխությունը պատահականություն էր: Խորհրդային Ռուսաստանի կառավարության «Թուրքահայաստանի մասին» ղեկընտն ունեւր «պրոպագանդիստական նպատակ», որ խորհրդային Ռուսաստանի կառավարության արևելյան քաղաքականությունը նպատակ ունեւր նվաճելու մուսուլմանական աշխարհի համակրանքը ընդդեմ հայ ժողովրդի, որ բուրժուական Բրեստ-Լիտովսկի պայմանագիրը կնքել են Թուրքիային օգնելու՝ հայկական հողերը գրավելու համար և այլն:

Աշխատության մեջ բացահայտված է արևմտյան տերությունների գաղութային էքսպանսիան Անդրկովկասում: Հեղինակը հանգամանորեն կանգ է առել նաև 1919—1920 թթ. միջազգային դիվանագիտության և Հայկական հարցի վրա և ցույց է տվել Փարիզի համաշխարհային կոնֆերանսում հայկական մանդատի շուրջ ծավալված մրցապայքարը: Գալոյանը միաժամանակ բա-

ցահայտել է ԱՄՆ-ի կոնգրեսի կողմից հայկական մանդատից հրաժարվելու դրդապատճառները:

Միջազգային իմպերիալիզմի նենգ ու խարդախ քաղաքականությունը Հայկական հարցի նկատմամբ, հայ ժողովրդի կենսական շահերի դեմ նրա բռնած դիրքորոշումը հանգամանորեն լուսարանվել են նաև Մ. Արզումանյանի «Արհավիրքից վերածնունդ» մենագրության մեջ: Հեղինակի ուշադրությունից չի վրիպել նաև կիլիկիահայությունը: Կիլիկիայում կատարված արյունալի ոճիրների համար, գրում է նա, ոչ պակաս մեղավոր էին Անտանտի պետությունները, հատկապես Ֆրանսիան:

«Թուրք-Ֆրանսիական հարաբերությունները և Կիլիկիան» խորագրված մենագրության մեջ Ռ. Սահակյանը ևս հարուստ փաստերով, գլխավորապես սկզբնաղբյուրների հիման վրա, բացահայտել է Կիլիկիայում 1919—1921 թթ. Ֆրանսիայի վարած խարդախ քաղաքականությունը, ինչպես նաև խստորեն քննադատել է ֆրանսիական մի շարք պատմաբանների, որոնք ֆրանսիական հարաբերությունները և Կիլիկիայի իրադարձությունները լուսարանել են ֆրանսիական իմպերիալիզմի էքսպանսիայի և տնտեսական ու դրամական շահերի տեսանկյունից:

Նկատենք, սակայն, որ Ռ. Սահակյանը իր աշխատության մեջ հիշատակում է նաև այն պատմաբաններին, ովքեր հանդես են եկել Անտանտի պետությունների, հատկապես Ֆրանսիայի դիրքորոշման քննադատությամբ:

Քիչ աշխատանք չի կատարվել դաշնակցության պարագլուխների կողմից 1917—21 թթ. պատմության նենգափոխումը բացահայտելու ուղղությամբ: Հ. Թուրջյանը Սարգարապատի հերոսամարտին նվիրած աշխատության «Սարգարապատի հերոսամարտը դաշնակցության ծուռ հայելու մեջ» գլխում քննադատում է դաշնակցական ղեկավարներին՝ պատմությունը կեղծելու, այն աղավաղելու համար: Հ. Թուրջյանը գտնում է, որ դաշնակցությունը ժամանակին շարժեքավորեց Սարգարապատի, ինչպես նաև Բաշ-Ապարանի և Ղարաբաղի հերոսամարտերը, «որովհետև այդ հերոսամարտերը դաշնակցությանը չէին, այլ ժողովրդինը, իսկ ժողովրդից դրանց դափնին խլելը հեշտ չէր»: Միայն տարագրության մեջ դաշնակցությունը տեղ կանգնեց Սարգարապատի հերոսամարտին և թմրկահարեց իր օգտին: Այդ մա-

<sup>1</sup> Галоян Г., Октябрьская революция и возрождение народов Закавказья. М., 1977, с. 27.

1 Հ. Թուրջյան, Սարգարապատի հերոսամարտը, էջ 222:



սին Աշ. Հովհաննիսյանը գրքի առաջաբանում գրել է, թե «ընթերցողի ուշադրությունը հանձնվող սույն հետազոտությունը Սարգսրապատում նվաճված հաղթության փառապատկեր մեկլընդմիշտ պոկում է դաշնակցության սուտ ասպետների ճակատից և այն վերադարձնում իսկական տիրոջը՝ հայ ժողովրդին»<sup>1</sup>:

Դաշնակցական պատմագրության (Ս. Վրացյան, Ա. Խատիսյան, Վ. Նավասարդյան, Բ. Փափազյան և ուրիշներ) գիրքորոշումը հատկապես 1920 թ. դեկտեմբերի 2-ի Ալեքսանդրապոլի պայմանագրի կնքման հարցում, խստորեն քննադատվել է Ս. Ալիխանյանի, Մ. Արզումանյանի, Բ. Անանիկյանի և ուրիշների աշխատություններում<sup>2</sup>:

Դաշնակցականների կողմից 1921 թ. հրահրված քաղաքացիական կռիվների պատմության դաշնակցական նենգափոխումը հանդամանալից քննվել է Ա. Մնացականյանի գրքուկում<sup>3</sup>: Հեղինակը փաստական տվյալներով, առաջին հերթին հենց իրենց՝ դաշնակցական պարագլուխների գրածների հիման վրա բացահայտել է պատմության դաշնակցական նենգափոխումը հատկապես 1921 թ. փետրվարյան հակահեղափոխական խռովության կազմակերպման կապակցությամբ:

Ինչ խոսք, այդ հարցում, սկսած 1920 թվականից, դաշնակցականների թույլ տված սխալները ենթարկվել են խորհրդահայ պատմագրության քննադատությանը, սակայն հիշյալ գրքուկի հրատարակ գալուն առիթ է տվել վերջին տարիներին այդ հարցի առաջըջումը դաշնակցական մամուլում: Հեղինակը գտնում է, որ թերևս հարկ չլինեք անդրադառնալ դաշնակցության կազմակերպած փետրվարյան խռովության պատճառներին ու հետևանքներին, եթե արտասահմանյան երկրներում հրատարակվող դաշնակցական թերթերի 1974—1975 թթ. փետրվար ամսվա համարները լցված չլինեին այդ հարցին նվիրված հոդվածներով, որոնք փութաբանորեն ճգնուժ են սքողել

պատմական իրողությունները: Նրանք կրկին փորձում են փետրվարյան արկածախնդրությունը ներկայացնել որպես «համաժողովրդական ապստամբություն»:

Ա. Մնացականյանը մեծ մասամբ քննադատում է հենց այդ գրույթը և ցույց տալիս, որ 1921 թ. Խորհրդային Հայաստանի դեմ ուղղված զինված ելույթը մի դավադրություն էր, որը կազմակերպել էր դաշնակցության ղեկավար կենտրոնը, որ դա ոչ միայն համաժողովրդական շարժում չէր, այլև իր բնույթով ու հետևանքներով արկածախնդրություն էր: «Դաշնակցությունը և միայն դաշնակցությունն է մեղավոր, — գրում է նա, — փետրվարյան արյունոտ դեպքերի համար, նա էր խռովության կազմակերպիչն ու ղեկավարը»<sup>4</sup>: Նա միաժամանակ ցույց է տալիս, որ դաշնակցները, հակառակ աշխատավոր ժողովրդի լայն զանգվածների կամքի և ընդդեմ նրանց շահերի, հրահրելով փետրվարյան հակախորհրդային խռովությունը, հույսը դրել էին թուրքիայի, Անտանտի, վրաց մենշևիկների վրա, դա էր նրանց քաղաքական կողմնորոշումը:

Ա. Մնացականյանը հերքում է նաև դաշնակցական պատմագրության հին, բայց վերջին տարիներին նորոգված հորինվածքներից մեկը. խոսքը իշխանությունը «խաղաղ կերպով» կոմունիստներին հանձնելու հարցի մասին է, որին 1974-ին նորից անդրադարձել են «Հայրենիքը», «Ալիքը» և այլ պարբերականներ: Պատմաբանը գտնում է, որ Հայաստանում խորհրդային կարգերի հաստատումը տեղի է ունեցել ոչ թե իշխանության «խաղաղ փոխանցումով», «խաղաղ համակերպումով», ինչպես պնդում են դաշնակցական հեղինակները, այլ աշխատավորների երեք տարի շարունակ մղած դասակարգային համառ մարտերում հաղթանակ նվաճելով, դաշնակցական վարչակարգը տապալելու և նոր իշխանություն, խորհրդային պետականություն ստեղծելով:

Ցավոք, այս փոքրիկ գրքուկում տեղ են գտել փաստական մի շարք սխալներ, ոչ ճիշտ և վիճելի ձևակերպումներ<sup>5</sup>:

<sup>1</sup> Հ. Թուրշյան, նշվ. աշխ., էջ 8:

<sup>2</sup> Տե՛ս Ա. Ալիխանյան, Խորհրդային Ռուսաստանի դեմը հայ ժողովրդի ազատագրման գործում, էջ 226—228, Մ. Արզումանյան, Արճափրքից վերածնունդ, էջ 350—358, Բ. Անանիկյան, Դաշնակցության գաղափարական-քաղաքական կրթիչը, էջ 82—91, 333—334:

<sup>3</sup> Տե՛ս Ա. Մնացականյան, Ընդդեմ պատմության դաշնակցական նենգափոխության, Եր., 1976:

<sup>4</sup> Ա. Մնացականյան, Ընդդեմ պատմության դաշնակցական նենգափոխության, էջ 57—58:

<sup>5</sup> Այսպես՝ 6-րդ էջում ասված է, որ Հոկտեմբերյան հեղափոխությունից հետո Երևանում, Ալեքսանդրապոլում, Սարիգամիշում, Կարսում, Ղափանում, Ջալալօղլիում ընտրվել էին բանվորների, գյուղացիների, զինվորների խորհուրդներ, որոնք լիովին համերաշխ էին Ռուսաստանի խորհրդային կառավարու-



Դաշնակցական պատմագրությունը, նրա կեղծարարությունը սուր քննադատության են ենթարկված Հր. Սիմոնյանի «Սփյուռքահայությունը սոցիալ-քաղաքական պայքարի ուղիներում» աշխատության մեջ: «Դաշնակ պատմագրության համար,— գրում է հեղինակը,— բնորոշ է պատմական ղեպերի ու երևույթների անսքող խեղաթյուրումը, ծայրահեղ կողմնակալությունն ու պրագմատիզմը, թափայական ոգին ու թունալից ատելությունը ղեպի այն ամենը, ինչ կապված է սոցիալիզմի, խորհրդային իշխանության, Խորհրդային Հայաստանի հետ»<sup>1</sup>:

Քյան հուշակած քաղաքականությանը, մինչդեռ հայտնի է, որ այդ խորհուրդների մեծամասնությունը գտնվում էր էսէռների, մենշևիկների և դաշնակցականների ձեռքում, իսկ հետո դրանք էլ վերացան կամ դադարեցին քաղաքական օրն ղեկ խաղալուց: Հայտնի է խորհրդային իշխանության նկատմամբ այն թշնամական դիրքորոշումը, որ բռնել էր բանվորների, զինվորների և գյուղացիների ղեկառատների խորհուրդների Անդրկովկասյան երկրային կոմիտեն: Ըստ որում, ոչ թե դաշնակցականների կառավարությունը ցրեց խորհուրդները, ինչպես գրված է հաջորդ էջում, այլ նրանք ցրվել էին մինչ այդ, Անդրկովկասի կոմիտեի ատի և սելմի տեղական իշխանությունների կողմից:

6—7-րդ էջերում ասված է, թե 1918 թ. հունվարին համառուսաստանյան խորհուրդների համագումարը հուշակեց ղեկարացիա, որի մեջ հասակ ձևակերպված էր նաև Հայաստանը խորհրդային հանրապետություն դարձնելու խնդիրը, Մինչդեռ նման բան տեղի չի ունեցել: Համագումարը պարզապես հաստատել է ՌեՅՍՉ Ժողովխորհի ղեկընտր «Թուրքահայաստանի մասին», ուր ոչ մի խոսք չկա Հայաստանը խորհրդային հանրապետություն դարձնելու մասին:

14-րդ էջում ասված է, թե Հ. Օհանջանյանի կառավարությունն ընկալվ նոյեմբերի 26-ին, մինչդեռ այն տեղի է ունեցել 24-ին: 16-րդ էջում ասված է. թե 1920 թ. դեկտեմբերի 2-ին, լույս 3-ի գիշերը դաշնակների նախարարների խորհուրդը հայտնեց, որ իշխանությունը «զիջում է բոլշևիկներին», մինչդեռ այդ «զիջումը» տեղի է ունեցել դեկտեմբերի 2-ին ցերեկվա ժամը 2-ին: Այնուհետև, 31-րդ էջում ասված է, թե «դեռևս նոյեմբերի վերջերին համաձայնագիր կրթվեց Խորհրդային Ռուսաստանի լիազոր-հերկայացուցիչ Լեզարնի և Հայաստանի դաշնակցական կառավարության անունից հանդես եկող Գրո Կանայանի և Հ. Տերտերյանի միջև»: Սակայն հանրահայտ է, որ այդ համաձայնագիրը կրթվել էր դեկտեմբերի 2-ին: 61-րդ էջում ասված է, որ Բաթումի պայմանագրով Հայաստանին մնաց 12 հազար թվմ տարածություն, մինչդեռ այն 10 հազար թվմ-ից էլ պակաս էր: 91—92-րդ էջերում կարդում ենք, որ «Հայաստանի կարմիր բանակի զորադնդերը Ալ. Մյասնիկյանի հրամանատարությամբ հակահարված տալով սանձաբձակ խմբապետներին, ջախջախեցին նրանց և հաղթանակով մտան Զանգեզուր»: Իրականում հրամանատարները եղել են Վելիկանովը և Տոդորակին, իսկ Ալ. Մյասնիկյանը ՀեՍՉ ռազմական գործերի ժողովում էր և ոչ թե զորքերի հրամանատարը:

<sup>1</sup> Ըր. Սիմոնյան, էջվ. աշխ., էջ 27:

Հայ ժողովրդի հետհոկտեմբերյան ժամանակաշրջանի պատմության վերաբերյալ դաշնակցական պատմագրության նենգափոխման հարցին բազմիցս անդրադարձել ենք նաև մենք «Հայ ժողովրդի պատմություն» բուհական դասագրքում և այլ աշխատություններում: Փաստական տվյալների հիման վրա ցույց է տրվել նաև հանրապետության 1918—1920 թթ. սոցիալ-տնտեսական ծանր դրությունը, կառավարության վարած ներքին և արտաքին քաղաքականության խոցելի կողմերը, մասնավորապես Խորհրդային Ռուսաստանի նկատմամբ թշնամական դիրքը, նրա ռազմաքաղաքական հակառակորդների հետ սերտ կապերի հաստատումը, 1920 թ. աշնանը երկրում հեղափոխական շարժման վերելքի պայմաններում թուրքական կողմնորոշում հանդես բերելը, Ալեքսանդրապոլի ապօրինի պայմանագրի կնքումը, 1921 թ. փետրվարյան խռովության կազմակերպումը և այլն:

Ոմանց համար «Թուրքական կողմնորոշում» արտահայտությունը կարող է զարմանք պատճառել, սակայն այդ ապացուցելու համար բերենք մի քանի օրինակ: Դաշնակցության կենտրոնական բյուրոյի Երևանում հրատարակվող «Հառաջ» թերթի խմբագրությունը 1920 թ. նոյեմբերի 20-ի համարում գրել է. «Իր փրկության համար Հայաստանն ունի մի ճանապարհ՝ գտնել անմիջական կերպով մի ընդհանուր լեզու իր հարևանի՝ Թուրքի հետ: Եթե հայ ժողովուրդը կամենում է ապրել և ապահովել իր պետական և ֆիզիկական գոյությունը հարատևորեն, նա պետք է ունենա ոչ թե ռուսական, այլ Թուրքական օրինակացիա»: 1921 թ. փետրվարյան խռովությունից հետո, 1921 թ. մարտի 15-ին Ս. Վրացյանի զլխավորած «Հայրենիքի փրկության» կոմիտեի օրգան «Ազատ Հայաստան» թերթը գրել է. «Անդրկովկասի ժողովուրդների քաղաքական ազատության իրական պաշտպանը կարող է դառնալ միայն Տաճկաստանը: Որովհետև Տաճկաստանն է այն միակ իրական մերձավորագույն քաղաքական ուժը, որն անմիջապես և կենսապես շահագրգռված է Անդրկովկասի ժողովուրդների կատարյալ ազատագրմամբ»: Այդ նույն օրերին Ս. Վրացյանը գրավոր գիմել է Թուրքիայի Ազգային մեծ ժողովին՝ խնդրելով ռազմական օգնություն ցույց տալ և այլն:



Այսպիսով զգալի նվաճումների է հասել խորհրդահայ պատմագրությունը Հոկտեմբերյան հեղափոխությունից հետո Հա-



յաստանում ստեղծված իրադրություն, խորհրդային կարգերի հաստատման ու ամրապնդման պատմության գիտական հետազոտման բնագավառում: Եվ այս գործում հատկապես մեծ է Մ. Աղայանի, Ա. Մնացականյանի, Գ. Գալոյանի, Հ. Կարապետյանի, Ս. Ալիխանյանի, Լ. Խուրշուդյանի և մյուս պատմաբանների կատարած աշխատանքը:

Չնայած կատարված դրական աշխատանքին, ինչպես ասել ենք, վերջին քսանհինգամյակում մի շարք հարցերի լուսաբանության բնագավառում թույլ են տրվել նաև սխալներ, որոնք մեր պատմաբանները պետք է ուղղեն և տան նոր, ճշմարտացի մեկնաբանություն:

## ՍՈՑԻԱԼԻՍՏԱԿԱՆ ՀԱՍԱՐԱԿՈՒԹՅԱՆ ՊԱՏՄՈՒԹՅՈՒՆԸ (1920—1988 թթ.)

### 1. Սոցիալիստական շինարարության ցայապատերազմյան տարիները (1920—1941 թթ.)

Քաղաքացիական կռիվներից անմիջապես հետո նորաստեղծ Խորհրդային Հայաստանը ձեռնամուխ եղավ խաղաղ շինարարությանը: Վիթխարի աշխատանք ծավալվեց երկրի ժողովրդական տնտեսության վերականգնման ուղղությամբ: Այդ գործում ոչ մի ջանք չէին խնայում հանրապետության աշխատավորները:

Ժողովրդական տնտեսության վերականգնումը հաջողությամբ կատարելու գործում կարևոր դեր խաղաց նոր տնտեսական քաղաքականության կենսագործումը Հայկական ԽՍՀ-ում: Ամբողջ Անդրկովկասի, այդ թվում Հայաստանի կոմունիստական կազմակերպությունների համար պատմական կարևորագույն նշանակություն ունեցավ Վ. Ի. Լենինի 1921 թ. ապրիլի 14-ի ծրագրային նամակը՝ ուղղված Կովկասի կոմունիստներին:

Շուտով երևացին նաև առաջին հաջողությունները: Այդ գործում շահագանց մեծ էր Խորհրդային Ռուսաստանի և եղբայրական մյուս խորհրդային հանրապետությունների անշահախնդիր օգնությունը Խորհրդային Հայաստանին:

Հայաստանում ծավալվեց նաև խորհրդային-պետական շինարարությունը: Հեղկոմներին փոխարինեցին խորհուրդները: 1922 թ. հունվարին տեղի ունեցավ ՀԽՍՀ խորհուրդների առաջին համագումարը, որն ի թիվս այլ հարցերի քննեց և միահամուռ հաստատեց Խորհրդային Հայաստանի սահմանադրությունը: Նույն տարում Խորհրդային Հայաստանը մտավ Անդրֆեդերացիայի և նրա միջոցով՝ ԽՍՀՄ-ի կազմի մեջ:

1920-ական թվականների կեսերին Խորհրդային Հայաստանում սկսեցին աշխատանքներ ծավալվել ժողովրդական տնտեսության վերակառուցման և սոցիալիզմի տնտեսական հիմքի ստեղծման ուղղությամբ: Հիմնականում կատարվեցին առաջին և երկրորդ հնգամյա պլանները:

1936 թ. ընդունվեց ԽՍՀՄ նոր սահմանադրությունը, իսկ 1937-ին՝ Հայկական ԽՍՀ նոր սահմանադրությունը: Անդրֆեդերացիայի վերացումով Խորհրդային Հայաստանը դարձավ միու-



Քենական հանրապետություն: Դրանով նոր էջ բացվեց հայ ժողովրդի պատմության մեջ: Հանրապետության աշխատավորները ոչ մի ջանք չէին խնայում երրորդ հնգամյա պլանի կենսագործման համար, բայց այն կիսատ մնաց գերմանաֆաշիստական զորքերի ավազակային հարձակման հետևանքով: Որոշակի հաջողություններ ձեռք բերվեցին կուլտուրական շինարարության բնագավառում:

Ահա այս և բազմաթիվ այլ հարցեր, շնայած թույլ տրված սխալներին, լուսաբանվել են խորհրդահայ պատմագրության մեջ նաև մեր քննարկած ժամանակաշրջանում՝ 1963-ից հետո:

Առաջին հերթին պետք է հիշատակել Հայկական ԽՍՀ ԳԱ պատմության ինստիտուտի հրատարակած «Հայ ժողովրդի պատմություն» VII հատորը, որի 2—4-րդ բաժինները նվիրված են 1921—1941 թթ. պատմությանը: Հեղինակային կոլեկտիվը՝ Ա. Հակոբյան, Վ. Ղազարյան, Հ. Կարապետյան, Փ. Ենգոյան, Մ. Աղայան և Դ. Գալստյան, փաստական հարուստ նյութերի հիման վրա շարադրել է խորհրդային Հայաստանի այդ ժամանակաշրջանի ամբողջական պատմությունը: Նրանում հանգամանորեն բացահայտված են կոմունիստական կուսակցության լենինյան քաղաքականության կենսագործումը ավերված ու կործանման եզրին կանգնած Հայաստանում, ցույց է տրված խորհրդային Ռուսաստանի և ԽՍՀՄ մյուս հանրապետությունների ժողովուրդների բարեկամության մեծ ուժը սոցիալիզմի համատեղ կառուցման գործում: Հատորի հեղինակները շեն շրջանցել նաև վեր հանելու առկա զժվարությունները: Նրանք ջանացել են ցույց տալ այն պայքարը, որ կոմունիստական կուսակցության ղեկավարությամբ մղվում էր դրանց հաղթահարման, թույլ տված սխալների վերացման համար: Հատորի արժանիքներից է և այն, որ խորհրդային Հայաստանի պատմությունը շարադրվել է ԽՍՀՄ պատմության ընդհանուր ֆոնի վրա:

Նշված ժամանակաշրջանի պատմությունը շարադրվել է նաև մեր «Հայ ժողովրդի պատմություն» բուհական դասագրքի IV հատորում (7—11-րդ գլուխներ)<sup>1</sup> և ավելի համառոտ՝ Երևանի համալսարանի հրատարակած «Հայ ժողովրդի պատմություն» մեկհատորյակում (22-րդ գլուխը):

<sup>1</sup> Տե՛ս նաև Վ. Պարսամյան, Ե. Հարսյունյան, Հայ ժողովրդի պատմություն, մեր՝ Սովետական Հայաստան, Տարեգրություն (1920—1980 թթ.) գիրքը, Եր., 1982:

Խորհրդային հասարակության պատմության կարևոր պրոբլեմները լուսաբանվել են նաև մի շարք առանձին հրատարակված աշխատություններում:

Հայաստանում խորհուրդների կազմակերպման պատմությունը քննվել է Հ. Էլչիբեկյանի «Հեղկոմներից դեպի սովետները» հետմահու հրատարակված գրքուկում<sup>1</sup>: Այստեղ նա սկզբում անդրադառնում է հեղկոմների կազմակերպման և նրանց գործունեության հարցին: Հայտնի է, որ հեղկոմները Հայաստանում ծագել են ոչ միայն երկրում խորհրդային իշխանություն հաստատվելուց հետո, այլև դրանից առաջ, Հոկտեմբերյան հեղափոխության հաղթանակից հետո: Դրանց տարբերությունն այն էր, գրում է նա, որ Հոկտեմբերյան հեղափոխությունից հետո ստեղծված հեղկոմները ապստամբության մարմիններ էին հանուն խորհրդային իշխանության հաստատման, իսկ խորհրդային իշխանության հաստատումից հետո ստեղծված հեղկոմները պրոլետարիատի դիկտատուրայի մարմիններ էին<sup>2</sup>:

Հ. Էլչիբեկյանը ճիշտ է բացատրել հեղկոմներից խորհուրդներին անցնելու անհրաժեշտությունը: Հանրապետության հետագա առաջխաղացումը պահանջում էր, գրում է նա, սոցիալիստական շինարարության բոլոր բնագավառներում ժողովրդական զանգվածների ակտիվ մասնակցության ապահովում, իսկ դրան հնարավոր էր հասնել միայն խորհուրդների այդ զանգվածային, պետական իշխանության խորապես ժողովրդական և իսկական ղեմկրատական ձևերի միջոցով<sup>3</sup>:

Հայաստանում հողային հարաբերությունների պատմության գիտական հետազոտության բնագավառում մեծ աշխատանք է կատարել պատմական գիտությունների դոկտոր, պրոֆեսոր Գ. Շառոյանը: 1960—1962 թթ. Երևանի պետական համալսարանի հրատարակությամբ լույս են տեսել նրա երկու աշխատությունները, իսկ 1965-ին՝ երրորդը<sup>4</sup>: Այստեղ նա լուսաբանել է

<sup>1</sup> Տե՛ս Эльчибекян А. От ревкомов к Советам (создание советов в Армении), Е., 1978:

<sup>2</sup> Այս մասին տե՛ս նաև Հեղափոխական կոմիտեները Հայաստանում (Փաստաթղթերի և նյութերի ժողովածու), կազմեց և ներածականը գրեց Ս. Սահրադյանը Եր., 1974:

<sup>3</sup> Տե՛ս Эльчибекян А., նշվ. աշխ., էջ 98—99:

<sup>4</sup> Տե՛ս Գ. Շառոյան, Գյուղի ներքին հողարժանությունը Սովետական Հայաստանում, Եր., 1965:



Խորհրդային Հայաստանի գյուղացիության կյանքի ամենակարգավոր բնագավառներից մեկի՝ 20-ական թվականների գյուղի ներքին հողաբաժանության պատմությունը, որն ունի պատմատնտեսական խոշոր նշանակություն: Գրքում բացահայտված են հողաշինարարության հակասությունները, դժվարությունները, ձգձգման պատճառները, ինչպես նաև այդ կարևոր պրոբլեմի լուծման եղանակների շուրջ գյուղացիության տարբեր սոցիալական շերտերի միջև մղված պայքարը և այլն:

Այդուհանդերձ աշխատության մեջ տեղ են գտել որոշ անճշտություններ, սխալներ ու թերություններ: Օրինակ, նա «ազրարային ռեֆորմ» կամ «ազրարային վերափոխումներ» արտահայտությունների փոխարեն գործածում է «ազրարային հեղափոխություն» արտահայտությունը (էջ 178), որը ճիշտ է: Դժվար է համաձայնվել հեղինակի այն պնդմանը, թե, իբր, գյուղի ներքին հողաբաժանության առաջին փուլում՝ 1921—1922 թթ., կիրառվում էին կուլակության ունեզրկման միջոցառումներ (էջ 88): Պատմական փաստերով չի հաստատվում նաև հեղինակի այն պնդումը, թե, իբր, գյուղի հիմնական հողաշինարարության փուլում, այսինքն՝ 1926—1929 թթ., աշխատավոր գյուղացիությունը հիասթափվում է անհատական տնտեսավարության մանրբուրժուական սկզբունքից և անցում է կատարում դեպի հողի սոցիալիստական օգտագործում (էջ 219): Թերի և անհաջող են բացատրված գյուղի ներքին հողաբաժանության ձգձգման պատճառները:

Գյուղի դասակարգային պայքարի հարցին է նվիրված պատմական գիտությունների թեկնածու Ե. Հովհաննիսյանի աշխատությունը<sup>1</sup>, որը, սակայն, գրված է ոչ անհրաժեշտ գիտական մակարդակով և որևէ նորություն չի բովանդակում: Աշխատության մեջ կան ոչ ճիշտ ձևակերպումներ, անճշտություններ: Օրինակ, չի կարելի համաձայնվել Ե. Հովհաննիսյանի այն մտքին, թե, իբր, շնայած թույլ տրված վրիպումներին, «գյուղատնտեսության կոլեկտիվացումը և կուլակության որպես դասակարգի լիկվիդացումը հիմնականում ճիշտ է կատարվել»<sup>2</sup>: Փաստերը

<sup>1</sup> Տե՛ս Ե. Հովհաննիսյան, Դասակարգային պայքարը գյուղում կապիտալիզմից սոցիալիզմին անցման ժամանակաշրջանում (ՀեՄՁ-ի նյութերով), Եր., 1969:

<sup>2</sup> Նույն տեղը, էջ 144:

վկայում են, որ դա ոչ թե հիմնականում ճիշտ է կատարվել, այլ ընդհակառակը:

Խորհրդահայ պատմագրության մեջ թեև քիչ բան չէր արվել Խորհրդային Հայաստանի գյուղացիության պատմության հետ կապված առանձին հարցերի լուսաբանման ուղղությամբ, սակայն մինչև 70-ական թվականների կեսերը չկար այդ հարցին նվիրված մի ամբողջական աշխատություն: Այդ բացը լրացրեց պատմական գիտությունների դոկտոր Վ. Ղազարյանը, որի մենագրությունն՝ ընդգրկում է Խորհրդային Հայաստանի գյուղացիության պատմության առաջին տասնամյակը՝ 1920—1929 թվականները, մի առանձնահատուկ ժամանակաշրջան, երբ գյուղում զարգանում էին անհատական տնտեսությունները և աստիճանաբար նախապատրաստվում էր նրանց սոցիալիստական վերափոխումը:

Աշխատության մեջ փաստական հարուստ նյութերի հիման վրա լուսաբանվում են 20-ական թվականների Խորհրդային Հայաստանում ազրարային վերափոխումների, նէպի իրականացման ու դասակարգային պայքարի սրման, սոցիալիստական վերափոխման նախապատրաստման, գյուղի հասարակական-քաղաքական ու մշակութային կյանքի պրոբլեմները: Գիրքը եզրափակվում է լենինյան կոոպերատիվ պլանի իրականացման և կոլեկտիվացման առաջին քայլերի շարադրանքով: Առանձնապես հանգամանորեն է վերլուծված 20-ական թվականներին Հայաստանի գյուղի սոցիալ-տնտեսական տեղաշարժը՝ գյուղի շերտավորումը, սոցիալ-տնտեսական հարաբերությունները, սոցիալ-դասակարգային կազմը և այլն:

Ուշագրավ է տվյալ թեմայի վերաբերյալ հրատարակված գրականության մասին հեղինակի պատմաբնական վերլուծությունը: Հեղինակը բացահայտել է մի շարք պատմաբանների և տնտեսագետների աշխատություններում տեղ գտած սխալներն ու թերությունները, ճշգրտել շատ տվյալներ և մի շարք հարցերի տվել նոր մեկնաբանություն:

Հայաստանի կոլտնտեսային գյուղացիության պատմություն-

<sup>1</sup> Տե՛ս Վ. Ղազարյան, Սովետական Հայաստանի գյուղացիության պատմություն (1920—1929), Եր., 1975:



նը շարագրված է Վ. Ղազախեցյանի հաջորդ մենագրություն մեջ<sup>1</sup>, որը հեղինակի կողմից պրոբլեմի ամբողջացումն է: Դրանով ավարտվում է Հայաստանի գյուղացիության պատմությունը սոցիալիզմի կառուցման ժամանակաշրջանում: Մենագրությունն ընդգրկում է բուն կոլեկտիվացման տարիները: Այստեղ հանգամանորեն շարագրված է գյուղում կոլեկտիվացման, կոլտնտեսային գյուղացիության ձևավորման պրոցեսը՝ սկզբից մինչև նրա ավարտը, բացահայտված են այդ գործում թույլ տրված կոպիտ սխալները, ցույց է տրված դասակարգային պայքարի սրումը գյուղում, հատկապես կուլակության՝ որպես դասակարգի վերացման քաղաքականության կիրառման ժամանակաշրջանում: Աշխատության մեջ պատշաճ տեղ է հատկացված գյուղի հասարակական-քաղաքական կյանքի, մասնավորապես խորհուրդներին, կոմունիստներին ու կոմերիտականներին և հասարակական կազմակերպությունների գործունեության լուսաբանմանը: Ցույց է տրված գյուղի կուլտուրական վերելքը, կուլտուրական հեղափոխության նվաճումները:

Լինելով Խորհրդային Հայաստանի գյուղացիության պատմության լավագիտակ, Վ. Ղազախեցյանը ճիշտ և դիպուկ բազմաթիվ դիտողություններ է արել ոչ միայն Հ. Վարդանյանի, Գ. Դավթյանի, Ծ. Հովհաննիսյանի մենագրությունների, այլև «Հայաստանի կոմունիստական կուսակցության պատմության ուրվագծերի», «Հայ ժողովրդի պատմություն» VII հատորի, «ԽՍԿԿ պատմության» IV հատորի վերաբերյալ:

Հեղինակի կարծիքով, սխալ է պատմական գրականության մեջ տարածված այն կարծիքը, թե ինչպես Խորհրդային Միության առաջավոր շրջաններում, այնպես էլ Խորհրդային Հայաստանում 1929 թ. երկրորդ կեսին աշխատավոր գյուղացիության հիմնական զանգվածը շրջադարձ էր կատարել դեպի կոլտնտեսությունները: Հենվելով փաստական տվյալների վրա, նա գրտնում է, որ Հայաստանում, ինչպես և Անդրկովկասի մյուս հանրապետություններում, այդ պրոցեսն ավելի ուշ է սկսվել: «Այստեղ, ինչպես նաև Անդրկովկասի մյուս եղբայրական հանրապետություններում, մասսայական կոլեկտիվացման նախադրյալները հասունանում էին ավելի դանդաղ»<sup>2</sup>:

<sup>1</sup> Տե՛ս Վ. Ղազախեցյան, Հայաստանի կոլտնտեսային գյուղացիության պատմությունը (1927—1937), Եր., 1976:

<sup>2</sup> Նույն տեղը, էջ 22—23:

Այնուհետև, պատմաբանը սխալ է համարում նաև այն, երբ հեղինակները, ղեկավարվելով դուռ թվական տվյալներով, պընդում են, որ Հայաստանի շրջանների մեծ մասում համատարած, իսկ մնացած շրջաններում զանգվածային կոլեկտիվացում է եղել 1930 թ. հունվար-փետրվարին, քանի որ դա ղեկերտավորվել է վերևից, հանրապետության և Անդրֆեդերացիայի ղեկավար մարմինների կողմից, անց է կացվել կամավորության սկզբունքի խախտումով: Թվական տվյալները, գրում է նա, չեն ներկայացնում իրերի իսկական վիճակը, դա զանգվածային կամ համատարած կոլեկտիվացում չէր, հետևաբար ճիշտ չի լինի խոսել Հայաստանում դեպի կոլտնտեսությունները գյուղացիության կատարած շրջադարձի մասին<sup>3</sup>:

Ելնելով իր այդ տեսակետից, Վ. Ղազախեցյանը սխալ է համարում նաև պատմական գրականության մեջ տարածված այն կարծիքը, երբ Հայաստանում կուլակությունը որպես դասակարգի վերացումը կապում են համատարած կոլեկտիվացման հետ, քանի որ կուլակության վերացումը կատարվել է ավելի շուտ, քան համատարած կոլեկտիվացումը: Նրա կարծիքով, կուլակությունը վերացավ 1930 թ. հունվար-փետրվար ամիսներին, իսկ համատարած կոլեկտիվացումն ավարտվեց 30-ական թվականների կեսերին<sup>2</sup>:

Առաջին հնգամյակի տարիներին Խորհրդային Հայաստանում գյուղատնտեսության սոցիալիստական վերակառուցման հարցը քննվում է պատմական գիտությունների դոկտոր, պրոֆեսոր Գ. Դավթյանի մենագրության մեջ<sup>3</sup>: Նրանում ճիշտ է բնութագրված կոոպերացիայի դերը որպես գյուղի սոցիալիստական վերակառուցման պայման, բացահայտված են լենինյան կոոպերատիվ պլանի կենսագործման առանձնահատկությունները Հայաստանում: Շարադրելով Հայաստանում գյուղատնտեսության կոլեկտիվացման պատմությունը, հեղինակը միաժամանակ ցույց է տվել դասակարգային պայքարի սրումը գյուղում: Աշխատության մեջ ցույց է տրված սոցիալիստական ինդուստրացման դերը գյուղի սոցիալ-տնտեսական վերափոխման գործում: Բացա-

<sup>1</sup> Տե՛ս Վ. Ղազախեցյան, նշվ. աշխ., էջ 56:

<sup>2</sup> Տե՛ս նույն տեղը, էջ 133—134:

<sup>3</sup> Տե՛ս Գ. Դավթյան, Գյուղատնտեսության սոցիալիստական վերակառուցման լենինյան տեսության կենսագործումը Հայաստանում, Եր., 1971:



հայտնված է նաև Հայաստանի կոմունիստական կուսակցութեան գործունեութիւնը հանրապետութեան գյուղատնտեսութեան սոցիալիստական վերակառուցման կենսագործման ուղղութեամբ:

Չնայած դրան, Գ. Գավթյանի մենագրութիւնն ունի լուրջ թերութիւններ ու սխալներ, փաստական անճշտութիւններ: Աշխատութեան մեջ չեն լուսաբանվել մի շարք կարևոր հարցեր, ինչպես, օրինակ, կոոպերատիվ շարժումը երկրորդ հնգամյակի տարիներին, կուլակութեան վերացման հարցը և այլն:

Նէպի տարիներին Խորհրդային Հայաստանում կատարված սոցիալ-տնտեսական փոփոխութիւնների հարցը հանգամանորեն քննութեան է առնված պատմական գիտութիւնների դոկտոր Գ. Գեղամյանի մենագրութեան մեջ<sup>1</sup>: Նրանում փաստորեն ներկայացված է Խորհրդային Հայաստանում սոցիալիզմի կառուցման պատմութիւնը: Հեղինակին հաջողվել է բացահայտել հանրապետութիւնում սոցիալիզմի կառուցման թե՛ ընդհանուր օրինակափութիւնները և թե՛ տեղական առանձնահատկութիւնները՝ դիտելով դրանք փոխկապվածութեան մեջ: Հեղինակի կարծիքով, ռազմական կոմունիզմի և նոր տնտեսական քաղաքականութեան՝ այդ փաստորեն միմյանց հակադիր քաղաքականութիւնների կիրառումով կուսակցութիւնն ըստ էութեան նույն նպատակն է հետապնդել՝ բանվորագյուղացիական դաշինքի ամրապնդում:

Հանգամանորեն քննելով Հայաստանում ռազմական կոմունիզմի քաղաքականութեանն անցնելու հարցը, Գ. Գեղամյանը հանգում է այն եզրակացութեան, որ այդ քաղաքականութիւնը կիրառվել է առանց հաշի առնելու հանրապետութեան տեղական առանձնահատկութիւնները, որի հետևանքով այն բացասական հետևանքներ է ունեցել: «Մեր կարծիքով, — գրում է նա, — ավերված ու քայքայված, որբերով ու գաղթականներով հեղեղված Հայաստանում «ռազմական կոմունիզմի» քաղաքականութիւնը կարելի էր շրջանցել՝ բավարարվելով առանձին բռնագրավումներով»<sup>2</sup>: Գ. Գեղամյանը քննադատում է Խորհրդահայ պատմական գրականութեան մեջ իշխող այն տեսակետը, թե ռազմական կոմունիզմի քաղաքականութեան կիրառումով էր, որ

Հայաստանում ապահովվեց Խորհրդային կարգերի գոյութիւնը, նրա ամրապնդումն ու հետագա զարգացումը:

Ի դեպ, ռազմական կոմունիզմի քաղաքականութեան կիրառումը, հակառակ Ա. Հակոբջանի, Վ. Ներկարարյանի, Ս. Խարմանդարյանի, Մ. Աղայանի և այլոց կարծիքի, ճիշտ չեն համարել նաև այլ պատմաբաններ: Օրինակ, Հ. Էլիբեկյանը գտնում է, որ նախ՝ ի տարբերութիւն Խորհրդային Ռուսաստանի, Հայաստանում ռազմական կոմունիզմի քաղաքականութեան կիրառման ժամանակ ոչ թե պարենմասնատրում, այլ բռնագրավումներ են եղել և որ ըվերահսկվող բռնագրավումները հաճախ անհարկի բռնութիւնների ուղեկցութեամբ չէին կարող առաջ չբերել աշխատավոր գյուղացիութեան դժգոհութիւնը: Չնայած դրան, իրավացիորեն գրում է նա, պնդել, թե, իբր, հենց բռնագրավումներն էին փետրվարյան խռովութեան պատճառը, ինչպես այժմ պնդում են դաշնակցական պարագլուխները, նշանակում է աղավաղել պատմութիւնը<sup>3</sup>: Մենք կավելացնենք՝ ընկնելով ծայրահեղութեան մեջ, դաշնակցականների փետրվարյան խռովութեան միակ պատճառը ռազմական կոմունիզմի քաղաքականութեան կիրառման մեջ են տեսնում նաև Խորհրդահայ որոշ պատմաբաններ (Բ. Օհանջանյան և ուրիշներ): Այդ մասին կխոսվի ստորև:

Գ. Գեղամյանի աշխատութեան մեջ ցույց է տրված նէպի խիստ անհրաժեշտութիւնն ու նրա դերը սոցիալիզմի կառուցման գործում: Նա Խորհրդահայ մի շարք պատմաբանների (Գ. Գավթյան, Ե. Հովհաննիսյան, Ռ. Մովսիսյան) առարկում է Հայաստանում նէպի կիրառման պարբերացման և բնութի հարցում: Ճիշտ է հեղինակի այն պնդումը, թե Խորհրդահայ պատմագրութեան մեջ գրեթե չի ուսումնասիրվել նէպը ժողովրդական տնտեսութեան սոցիալիստական վերակառուցման ժամանակաշրջանում:

Ժողովրդական տնտեսութեան վերականգնման ու զարգացման ընդհանուր ֆոնի վրա աշխատութեան մեջ հանգամանորեն լուսաբանվում են Խորհրդային Հայաստանի բանվոր դասակարգի, կուլտնտեսային գյուղացիութեան և մտավորականութեան ձևավորման ու զարգացման, բանվորագյուղացիական դաշինքի

<sup>1</sup> Տե՛ս Գ. Գեղամյան, Սոցիալ-տնտեսական փոփոխութիւնները Հայաստանում նէպի տարիներին (1922—1936), Եր., 1976:

<sup>2</sup> Գ. Գեղամյան, նշվ. աշխ., էջ 36:

<sup>1</sup> Տե՛ս Գ. Գեղամյան, նշվ. աշխ., էջ 37:

<sup>2</sup> Տե՛ս Эльячбекян А. От ревкомов к Советам, էջ 28:



և այլ հարցեր: Ընդհանուր առմամբ աշխատության մեջ հաջող են բացահայտված Հայաստանում տեղի ունեցած սոցիալ-տնտեսական վերափոխումները, համակողմանիորեն վեր է հանված նաև կուլտուրական հեղափոխության դերը սոցիալիզմի կառուցման գործում:

Հայաստանում խորհրդային իշխանության ամրապնդման պատմության մի քանի կարևոր հարցեր են լուսաբանվում Երևանի համալսարանի հրատարակած ժողովածուի մեջ<sup>1</sup>: Նրանում զետեղված մի քանի հոդվածներում հեղինակները կանգ են առնում խորհրդային իշխանության առաջին տարիներին Հայաստանում գոյություն ունեցող ծանր իրավիճակի վրա, մասնավորապես քննում են ռազմական կոմունիզմի և նոր տնտեսական քաղաքականության կիրառման հետ կապված հարցերը: Այսպես, Կ. Սարգսյանը գտնում է, որ ռազմական կոմունիզմի քաղաքականությունը Հայաստանում չպետք է կիրառվեր, որովհետև «շուտով պարզվեց, որ «ռազմական կոմունիզմի քաղաքականությունը» ոչ միայն ի զորու չէ լուծելու հանրապետության տնտեսական ճգնաժամը, այլև հղի է հետագա բարդություններով»<sup>2</sup>: Եվ դա այն պատճառով, գրում է նա, որ ռազմական կոմունիզմի քաղաքականությունը չէր համապատասխանում հանրապետության սոցիալ-տնտեսական պայմաններին, այն կիրառվեց հապճեպ և զգալի շեղումներով:

Բացահայտելով ինչպես մի շարք այլ, այնպես էլ ռազմական կոմունիզմի քաղաքականության հարցում Հայաստանի ղեկավարության միջև եղած սուր տարաձայնությունները, հեղինակը ճիշտ դիտողություն է անում Բ. Օհանջանյանին, որը տարբերություն չի դրել ղեկավարության երկու հակադիր դիրքերում գտնվողների միջև և հեղկոմի նախագահ Ս. Կասյանին անհարկի կերպով համարել է ռազմական կոմունիզմի քաղաքականության կիրառման ջատագով: Մինչդեռ, գրում է հեղինակը, Ս. Կասյանը, ինչպես և Ա. Մուսվաթյանը, հակառակ տեսակետ էին պաշտպանում:

Կ. Սարգսյանը դիտողություն է արել նաև Ա. Հակոբյանին և Ս. Սահրադյանին, որոնք պերագնահատում են ռազմական կո-

1 Տե՛ս Հայաստանում սովետական իշխանության ամրապնդման պատմության մի քանի հարցեր, Եր., 1987:

2 Նույն տեղը, էջ 13:

մունիզմի դերը Հայաստանում խորհրդային իշխանության ամրապնդման և հետագա զարգացման գործում:

Հեղինակն առաջ է քաշում 1921 թ. սկզբներին հակահեղափոխության դեմ պայքարի ուղղությամբ Հայաստանի մի շարք ղեկավարների կողմից կիրառվող ծայրահեղ միջոցներ ձեռնարկելու հարցը: Խոսքը վերաբերում է սպաների արտաքսմանը: Նա գրում է, թե իր ժամանակին ժողովրդի մեջ մտաբխումների տեղիք էր տալիս այս հարցը՝ ինչո՞ւ են աքսորվել ազգային շարժումների ղեկավարները, Սարգսյանի հերոսները, որոնց մի մասը դաշնակցականներ չեն եղել: Այսօր էլ օրինական հարց է առաջ գալիս, իրավացիորեն գրում է Կ. Սարգսյանը, թե ի՞նչ նկատառումով է առաջնորդվել չեկան, և առաջին հերթին նրա նախագահ Կ. Ալվազյանը, որն արտորել կամ ձեռքակալել է գեներալներ Նազարբեկյանին, Սիլիկյանին, գնդապետ Գանիբեկյանի Փերումյանին, որոնք երբեք դաշնակցություն կուսակցությանը չեն պատկանել, դրան հակառակ ազատ արձակելով դաշնակցական գնդապետներ Ս. Թարխանյանին (Կուռո), Գ. Սարգիսբեկյանին և մի շարք հայտնի այլ խմբապետների, որոնք ակտիվ դեր խաղացին փետրվարյան խոզվությունը կազմակերպելու գործում<sup>1</sup>:

Գ. Գեղամյանի հոդվածում քննարկվում է Հայաստանում նոր տնտեսական քաղաքականությանն անցնելու հարցը: Անդրադառնալով Հայաստանում ռազմական կոմունիզմի քաղաքականության կիրառման հարցին, նա նշում է, որ Հայաստանի հեղկոմը այդ քաղաքականությունը մտցրեց 1920 թ. դեկտեմբերին՝ ջանալով որոշ շափով մեղմացնել հանրապետության պարենային ծանր վիճակը: Սակայն, գրում է նա, ռազմական կոմունիզմը չտվեց այն արդյունքները, ինչ սպասվում էր, և իր հերթին բացասաբար անդրադարձավ գյուղացիության վրա, քանի որ կենսագործման պրոցեսում թույլ տրվեցին սխալներ ու թերություններ, որոնք ճարպկորեն օգտագործվում էին դասակարգային թշնամու կողմից<sup>2</sup>:

Հողվածում հաջող են վերլուծված խորհրդային Հայաստանի սոցիալ-տնտեսական և քաղաքական առանձնահատկությունները, որոնցով էլ պայմանավորված էր նոր տնտեսական քաղաքականության կիրառումը: Հեղինակը փաստական տվյալների

1 Տե՛ս նշված ժողովածուն, էջ 20:

2 Տե՛ս նույն տեղը, էջ 100:



հիման վրա հանգում է այն ճիշտ եզրակացության, որ նէպի կենսագործման առաջին տարվա փորձը ցույց տվեց այն բարեբար ազդեցությունը, որ նա ունեցավ հանրապետության գյուղատնտեսության (մասամբ նաև արդյունաբերության) և առևտրի ծավալման վրա, ամրապնդեց բանվորագյուղացիական դաշինքը:

Է. Զորաբյանի հողվածը նվիրված է եվրոպական երկրների հետ խորհրդային Հայաստանի առևտրատնտեսական առնչություններին: Հեղինակը մեծ մասամբ արխիվային փաստաթղթերի հիման վրա ցույց է տալիս այն առևտրական կապերը, որ խորհրդային Հայաստանը հաստատել էր գերմանական, իտալական, շվեդական, ֆիննական, անգլիական ֆիրմաների հետ, հանգամանք, որը և նպաստեց երկրի տնտեսական կյանքի վերականգնմանը: Հողվածում միաժամանակ բացահայտվում է եվրոպական երկրների, առաջին հերթին Իտալիայի կողմից Հայաստանին ներկայացված անընդունելի պայմանների առկայությունը, պայմաններ, որոնք կհանգեցնեին հանրապետությունում տնտեսության բարձունքները օտարերկրյա կապիտալի ձեռքն անցնելուն:

Է. Դանիելյանի հողվածը նվիրված է խորհրդային Հայաստանում արևմտահայ գաղթականության հարցին (1920—1922 թթ.), իսկ պատմական գիտությունների դոկտոր Լ. Մելիքսեթյանի հողվածը՝ խորհրդային Հայաստանի և սփյուռքի կապերի սկզբունավորմանը: Այստեղ ցույց է տրված, որ հայրենիք—սփյուռք կապի կարևոր օղակներ էին ծառայում, մի կողմից, Հայկական ԽՍՀ դիվանագիտական, տնտեսական ու առևտրական ներկայացուցիչները, առանձին պատվիրակությունները, խորհրդահայ մամուլը, 204-ը, իսկ մյուս կողմից, սփյուռքի առաջադիմական կազմակերպությունները: Հողվածում խոսվում է նաև արտասահմանյան հայերի առաջին ներգաղթի մասին:

Ս. Ամիրջանի հողվածում արտացոլվել է խորհրդային Հայաստանի կառավարության առաջին նախագահ Ալ. Մյասնիկյանի բազմաբեղուն գործունեությունը Հայաստանում: Այնտեղ ճիշտ է ներկայացված Հայաստանի այն ներքին և արտաքին ծանրանկայուն դրությունը, երբ Մյասնիկյանը եկավ Հայաստան: Կուտակվել էին բազմաթիվ պրոբլեմներ, որոնք հրատապ լուծում էին պահանջում: Փաստական տվյալներով ցույց է տրված այն

տիտանական աշխատանքը, որ Ալ. Մյասնիկյանի ղեկավարությամբ կատարվում էր Հայաստանում՝ քայքայված ժողովրդական տնտեսությունը վերականգնելու, սովի ու համաճարակի դեմ պայքարելու, Զանգեզուրում խորհրդային իշխանություն հաստատելու, պետական ապարատը ամրապնդելու, բազմահազար որբերի ու գաղթականության հոգսերը հոգալու, կուլտուրական շինարարություն ծավալելու և հանրապետության կյանքի այլ բնագավառներում դրությունը շտկելու ուղղությամբ: Ժողովածուում գետեղված հողվածներից որոշակի հետաքրքրություն է ներկայացնում Լ. Խուրշուդյանի հողվածը՝ «Հայաստանի ոչ պրոլետարական կուսակցությունների գաղափարական-քաղաքական և կազմակերպական կրախը (1920—1921 թթ.)» վերնագրով: Հայկական քաղաքական կուսակցությունների պատմության խորագիտակ հեղինակին հաջողվել է փաստական տրվյալների հիման վրա ցույց տալ Հայաստանի ոչ պրոլետարական կուսակցությունների՝ դաշնակցություն, հնչակ, հայ ժողովրդական կուսակցություն, սահմանադիր ռամկավար, էսէռական և մենշևիկյան կուսակցությունների գաղափարական-քաղաքական ու կազմակերպական կրախը՝ Հայաստանում խորհրդային կարգերի հաստատման և ամրապնդման ժամանակաշրջանում: Հարկ է նշել, որ այդ պրոբլեմն առանձին վերցրած աղոտ է ուսումնասիրվել խորհրդահայ պատմաբանների կողմից:

Հեղինակն առանձին-առանձին կանգ է առնում խորհրդային իշխանության նկատմամբ այդ կուսակցությունների, ինչպես նաև հայ սոցիալ-դեմոկրատական բանվորական կուսակցության (սպեցիֆիկների) դիրքորոշման հարցի վրա, բացահայտում է նրանց ծրագրերի, գաղափարների և գործունեության հակասական, անհետևողական բնույթը, նրանցում տեղի ունեցած բախումները, պառակտումները, խմբավորումները, հատկապես դաշնակցության բացահայտ հակախորհրդային, թշնամական դիրքորոշումը և, ի վերջո, հանգում այն եզրակացության, որ այդ կուսակցությունները փետրվարյան հակահեղափոխական խռովությունից հետո խորհրդային Հայաստանում լիկվիդացվում են, կրախի են մատնվում:

Գիտական որոշակի հետաքրքրություն է ներկայացնում պատմական գիտությունների թեկնածու Ս. Ալավերդյանի մենա-



գրությունը, ուր բացահայտված է բանվոր դասակարգի դերը կոլտնտեսային կարգի հաղթանակի գործում<sup>1</sup>։

Պատմական գիտությունների դոկտոր, պրոֆեսոր Հ. Ազիզբեկյանի մենագրությունը նվիրված է Հայաստանի էլեկտրիֆիկացիայի զարգացման հարցին<sup>2</sup>։ Հայաստանի արհմիությունների պատմությունը ընդարձակորեն շարադրվել է պատմական գիտությունների դոկտոր, պրոֆեսոր Ա. Վարդապետյանի ծավալուն մենագրության մեջ<sup>3</sup>, իսկ նրա մեկ այլ աշխատությունում լուսաբանվում է 204-ի գործունեությունը<sup>4</sup>։ Առանձին աշխատություն է նվիրվել Հայաստանի բանվորագյուղացիական տեսչության՝ ԲԳՏ-ի գործունեությանը<sup>5</sup>։

Խորհրդային Հայաստանի բանվոր դասակարգի պատմության հետ առնչվող շատ հարցեր մասամբ լուսաբանվել էին խորհրդահայ պատմաբանների և տնտեսագետների աշխատություններում, սակայն մինչև 1960 թ. համակողմանի, ընդհանրացնող աշխատություններ դեռևս չկային։ Այս տեսանկյունից էլ պետք է մոտենալ Հ. Կարապետյանի մենագրության<sup>6</sup> գնահատմանը։ Ժամանակագրական առումով այն ընդգրկում է 1920—1940 թվականները։

Հեղինակը փաստական հարուստ տվյալների հիման վրա լուսաբանում է Խորհրդային Հայաստանի բանվոր դասակարգի ձևավորման ու զարգացման ընթացքը։ Նրա կարծիքով, խորհրդային իշխանության առաջին ութ տարիների ընթացքում էր, որ ձևավորվեց Հայաստանի բանվոր դասակարգը՝ Խորհրդային Միության բանվոր դասակարգի ազգային ջոկատներից մեկը։

Բացահայտվել է նաև Հայաստանի բանվոր դասակարգի ավանգարդային դերը սոցիալիզմի կառուցման գործում։ Ուշա-

գրավ փաստեր կան բանվորների պրոֆեսիոնալ-տեխնիկական կրթության կազմակերպման, նրանց կուլտուրական մակարդակի բարձրացման և նյութական բարելավման, բանվորական կադրերի պատրաստման ու վերջիններիս որակի բարձրացման, բանվոր դասակարգի հասարակական-քաղաքական ակտիվության, սոցիալիստական մրցության ծավալման մասին։

Աշխատության մեջ ներկայացված է Հայաստանի բանվոր դասակարգի ոչ միայն բանական, այլև որակական աճը։ Ճիշտ է հեղինակի այն պնդումը, թե ւոցմրցությունն ու հարվածայնությունը դարձան հնգամյա պլանների կատարման կարևոր լծակները։ Աշխատության մեջ ցույց է տրված նաև Հայաստանի բանվոր դասակարգի դերը գյուղի սոցիալիստական վերակառուցման, բանվոր դասակարգի և գյուղացիության դաշինքի ստեղծման ու ամրապնդման գործում։

Քննարկվող ժամանակաշրջանում առանձին հրատարակված աշխատությունների մեջ մեծ տեղ է գրավում ժողովուրդների բարեկամության թեման։

1967-ին հրատարակվեց Զ. Գրիգորյանի նոր մենագրությունը՝ նվիրված հետհոկտեմբերյան ժամանակաշրջանում հայ և ռուս ժողովուրդների բարեկամությանը<sup>1</sup>։ Դա, փաստորեն, հայ-ռուսական հարաբերությունների պատմության խորագիտակ հեղինակի 1960 թ. հրատարակված ծավալուն աշխատության երկրորդ մասն է կազմում։ Գրքում պատմական լայն ֆոնի վրա, հարուստ ու համոզիչ փաստերով վեր է հանվել եղբայրական երկու ժողովուրդների բարեկամությունը ռազմաքաղաքական, տնտեսական և մշակութային կյանքի բոլոր բնագավառներում։ Ընդգծելով, որ Հոկտեմբերյան հեղափոխությունը մարդկության հասարակության պատմության մեջ բացեց նոր դարագլուխ, հեղինակը միանգամայն արդարացիորեն նշում է, որ այն նոր դարաշրջան բացեց նաև հայ և ռուս, հայ ու խորհրդային մյուս ժողովուրդների հարաբերությունների պատմության մեջ։

Զ. Գրիգորյանը հայ և ռուս ժողովուրդների կապերի ու բարեկամական հարաբերությունների դարավոր պատմությունը բաժանում է շորս հիմնական շրջանների՝ ընդ որում վերջինը, ամենանշանավորը, ընդգրկում է հետհոկտեմբերյան ժամանակաշրջանը։ «Հայ և ռուս ժողովուրդների բարեկամական հարաբե-

<sup>1</sup> Տե՛ս Ալախвердян С., Роль рабочего класса в победе колхозного строя в Армении (1927—1935 гг.), Е., 1969։

<sup>2</sup> Տե՛ս Հ. Ազիզբեկյան, Խորհրդային Հայաստանի էլեկտրիֆիկացիայի պատմությունից, Եր., 1966։

<sup>3</sup> Տե՛ս Ա. Վարդապետյան, Հայաստանի արհմիությունների պատմություն (1905—1965), Եր., 1969։

<sup>4</sup> Տե՛ս Ա. Վարդապետյան, Հայաստանի օգնության կոմիտե (204), 1921—1937, Եր., 1966։

<sup>5</sup> Տե՛ս Ա. Հակոբյան, Հայաստանի բանվորագյուղացիությունը սոցիալիզմի համար մղված պայքարում (1920—1934), Եր., 1974։

<sup>6</sup> Տե՛ս Հ. Կարապետյան, Խորհրդային Հայաստանի բանվոր դասակարգի ձևավորումը և զարգացումը, Եր., 1980։

<sup>1</sup> Տե՛ս Զ. Գրիգորյան, Հայ և ռուս ժողովուրդների բարեկամությունը (հետհոկտեմբերյան ժամանակաշրջան), Եր., 1967։



բուժյունները,— գրում է նա,— իրենց զարգացման շորորդ շրջանում ոչ միայն էլ ավելի ծավալվեցին ու ամրապնդվեցին, այլև ստացան որակական բուրրավիճակ նոր բովանդակություն ու էություն<sup>1</sup>։ Այնուհետև ցույց են տրվում այն գործոնները, որոնց վրա հետհետևորդական ժամանակաշրջանում խարսխվել է հայ և ռուս ու խորհրդային մյուս ժողովուրդների բարեկամությունը։

Ձ. Գրիգորյանը կոնկրետ օրինակներով ցույց է տվել հայ և ռուս ժողովուրդների համատեղ ջանքերը՝ երկրում խորհրդային կարգերի հաստատման, ինչպես նաև նրանց միջև հաստատված սնտեսական կապերի զարգացման ուղղությունները։ Լայնորեն շարադրված է հայ և ռուս ժողովուրդների կապերն ու բարեկամությունը ժողովրդական կրթության, գիտության, գրականության ու արվեստի ասպարեզներում։ Ակնառու փաստերով ցույց է տրված ռուսական խորհրդային առաջավոր մշակույթի բարերար ազդեցությունը խորհրդահայ մշակույթի զարգացման վրա։

Խորհրդահայ պատմական գրականության մեջ շիջ էջեր չեն գրված Անդրկովկասյան Ֆեդերացիայի ստեղծման և այդ գործում Վ. Ի. Լենինի դերի մասին։ Կարևորագույն այդ հարցն ավելի խոր և հանգամանորեն լուսարանվում է պատմական գիտությունների դոկտոր Ս. Խարմանդարյանի մենագրության մեջ<sup>2</sup>։

Արևիվային և արժեքավոր այլ նյութերի աղբյուրագիտական լայն հիմքի վրա հաջողությամբ տրված է տվյալ ժամանակաշրջանի (1921 թ. գարուն—1923 թ. գարուն) խորհրդային Անդրկովկասի ներքին և արտաքին գրության վերլուծությունը, խորությամբ շարադրված է Անդրֆեդերացիայի ստեղծման ու ամրապնդման պատմությունը։ Գիտական շրջանառության մեջ են գրվել բազմաթիվ նորահայտ վավերագրեր, որոնք լույս են սրբորում ինչպես Անդրֆեդերացիայի կազմավորման պատմության, այնպես էլ Անդրկովկասի ներկուսակցական կյանքի հետ կապված մի շարք կարևոր իրադարձությունների վրա։ Հաստատապես կարելի է պնդել, որ Անդրկովկասի ներկուսակցական կյանքը, ներկուսակցական տարածայնությունները 1921—1923 թթ. ոչ մի աշխատության մեջ այնպես հանգամանալից չեն շարադրված, ինչպես Ս. Խարմանդարյանի աշխատության մեջ։

Պատմագիտական կարևոր նշանակություն ունի Ս. Խարմանդարյանի մենագրության «Աղբյուրներ և գրականություն» բաժինը (էջ 444—455), ուր մանրակրկիտ վերլուծության են ենթարկվում ու արժեքավորվում Անդրֆեդերացիայի պատմության վերաբերյալ եղած աղբյուրներն ու պատմաբանների աշխատությունները։ Գնահատելով այդ աշխատություններից յուրաքանչյուրը, հեղինակը նաև արժեքավոր դիտողություններ է անում, վեր հանում գրանցում տեղ գտած սխալներն ու թերությունները, կատարում ժամանակագրական ճշգրտումներ։ Առանձնապես արժեքավոր են նրա դիտողությունները Ե. Տոկարժևսկու, Ս. Գիլիովայի, Ի. Գուբինսկի-Մուխաձեի, Մ. Ահմեդովի, Պ. Ազիզբեկովայի, Ջ. Գուլիևի աշխատություններում, ինչպես նաև Ադրբեյկովայի, Ջ. Գուլիևի աշխատություններում, ինչպես նաև Ադրբեյկովայի և Վրաստանի կոմունիստական կազմակերպությունների պատմության «Ուրվագծերում» տեղ գտած առանձին սխալների մասին։ Մենք համաձայն ենք նրա այն դիտողություններին, որոնք հիմնականում վերաբերում են Անդրֆեդերացիայի ստեղծման փուլերին (հեղինակը, հակառակ Տոկարժևսկու, գտնում է, որ եղել է ոչ թե երեք, այլ երկու փուլ), ԽՍՀՄ-ի կազմավորման հարցում «ավտոնոմիզացիայի» պլանին (հեղինակը, հակառակ Մ. Ահմեդովի գտնում է, որ կուսակցության ղեկավարության մեջ բոլորը համաձայն էին «ավտոնոմիզացիայի» պլանին, բացի Լենինից), Մոսկվայում Ադրբեյկովայի և ԽՍՀ ներկայացուցիչ Շ. Շախտախտինսկու Անդրֆեդերացիայի մասին Վ. Ի. Լենինի գրած նամակի գնահատմանը Պ. Ազիզբեկովան գրական գնահատական է տալիս, մինչդեռ հայ պատմաբանը գտնում է, որ Շախտախտինսկու առաջարկը սխալ էր, քանի որ այն հանգում էր Անդրկովկասի ազգային խորհրդային հանրապետությունների լիկվիդացմանը, Անդրկովկասյան միասնական հանրապետության ստեղծմանը և այլն։ Հեղինակը ճիշտ է նկատել «Ադրբեյկովայի կոմկուսակցության պատմության ուրվագծերի» այն սխալը (էջ 379), թե ԽՍՀՄ-ի կազմավորման մասին հարցը առաջինը դրել է Անդրկովկասը, իսկ Անդրկովկասում՝ Ադրբեյկովայի կուսակցական կազմակերպությունը։

Անդրկովկասյան Ֆեդերացիայի հարցին անդրադարձել է նաև պատմական գիտությունների թեկնածու Հ. Սահակյանը<sup>1</sup>։ Թեև

<sup>1</sup> Ձ. Գրիգորյան, Հայ և ռուս ժողովուրդների բարեկամությունը... էջ 14։

<sup>2</sup> S. M. Хармандарян С., Ленин и становление Закавказской федерации, 1921—1923, Е., 1969։

<sup>1</sup> S. M. Հ. Սահակյան, Մեծ Հոկտեմբերը և ազգային հարցի լուծումը Անդրկովկասում, Եր., 1967։



նրա գրքում փորձ է արվում ցույց տալ Հոկտեմբերյան հեղափոխության բախտորոշ դերը Անդրկովկասում ազգային հարցի լուծման գործում, լուսաբանել Անդրֆեդերացիայի կազմավորումը, վեր հանել նրա գոյության 14 տարիների ընթացքում Անդրկովկասի հանրապետությունների ձևեր բերած նվաճումները, շոշափել բուրժուական նացիոնալիզմի դեմ մղված պայքարի հարցերը և այլն, այնուամենայնիվ, դրանց լուսաբանումը մակերեսային բնույթ է կրում, տեղ են գտել նաև ոչ ճիշտ դրույթներ: Օրինակ, միանգամայն անհիմն է հեղինակի կողմից Հայաստանի հանրապետության էությունը իմպերիալիստական որակելը (էջ 150): Այս հարցում մենք լիովին համաձայն ենք Ա. Մնացականյանի հետ, որը և խտորեն քննադատել է այն իր ուշագրավ գրքույկում<sup>1</sup>: Նման տեսակետը, նշում է Ա. Մնացականյանը, առաջ քաշեց ոչ անհայտ Զինովիև՝ 1920 թ. Բաքվում Արևելքի ժողովուրդների համագումարում, Հայաստանը անվանելով «իմպերիալիստական պետություն»: «Այս անհեթեթ տեսակետը,— այնուհետև գրում է էա,— թափանցեց մամուլի էջերը և մտավ շրջանառության մեջ: Կուսակցության պատմության, ԽՍՀՄ ժողովուրդների և համաշխարհային պատմությանը նվիրված մի շարք գրքերում և առանձին գիտաշխատողների հոդվածների մեջ մինչև այժմ էլ գիտակցաբար կամ անգիտակցաբար կրկնվում է զինովիևյան գրպարտանքը Հայաստանի հասցեին<sup>2</sup>:

Անդրֆեդերացիայի և ԽՍՀՄ-ի ստեղծման պատմությանը անդրադարձել է նաև Գ. Գալոյանը՝ «Բանվորական շարժումը և ազգային հարցը Անդրկովկասում» մենագրության մեջ: Գրանց ստեղծումը, գրում է նա, կոմունիստական կուսակցության լենինիսյան ազգային քաղաքականության մեծագույն հաղթանակն էր: Ամբողջ աշխատության շարադրանքից երևում է կոմունիստական կուսակցության ղեկավար և ուղղություն տվող դերը Անդրկովկասի ժողովուրդների, այդ թվում հայ ժողովրդի ազգային վերածննդի գործում:

Անդրկովկասի տարբեր ժողովուրդների համատեղ պայքարը երկրամասում խորհրդային կարգերի հաստատման ու

ամրապնդման, ինչպես նաև միացյալ ջանքերով սոցիալիզմի կառուցման գործում վեր է հանված Մ. Աղայանի՝ Անդրկովկասի ժողովուրդների դարավոր բարեկամությանը նվիրված շորս հատորանոց աշխատության երկրորդ հատորում<sup>1</sup>: Աշխատության առաջին հատորն ընդգրկում է Անդրկովկասի ժողովուրդների բարեկամության պատմությունը հնագույն ժամանակներից մինչև Հոկտեմբերյան հեղափոխությունը: Հեղինակը II հատորում իր առջև խնդիր է դրել այն ցույց տալ պատմական նոր պայմաններում, երբ այդ բարեկամությունն ստանում է նոր բովանդակություն: Ժողովուրդների բարեկամությունը լուսաբանված է պատմական լայն ֆոնի վրա, 1917—1937 թթ. Անդրկովկասի ժողովուրդների ռազմաքաղաքական, տնտեսական ու մշակութային կյանքում տեղի ունեցած կարևոր իրադարձությունների սերտ առնչությամբ: Հանգամանորեն շարադրված է նաև Անդրկովկասյան Ֆեդերացիայի ստեղծման պատմությունը, որը կարևոր նշանակություն ունեցավ նրա կազմի մեջ մտած ժողովուրդների կյանքում: Ուշագրավ փաստերով ցույց է տրված Անդրկովկասյան հանրապետությունների բարեկամությունը մշակութային բնագավառում:

Նկատի ունենալով այն հանգամանքը, որ նշված ժամանակաշրջանում երկրամասի ժողովուրդների ճակատագիրն ավելի սերտորեն էր կապված ռուս և մեր հայրենիքի մյուս ժողովուրդների ճակատագրի, ռուսական բանվոր դասակարգի պատմական դերի հետ, Մ. Աղայանը հիշյալ աշխատության մեջ Անդրկովկասի ժողովուրդների բազմակողմանի կյանքն ու համատեղ պայքարը ցույց է տվել սերտորեն առնչված խորհրդային Ռուսաստանի պատմության հետ:

Աշխատության մեջ կան որոշ անճշտություններ և թերի մեկնաբանություններ: Այսպես, միակողմանի է բացատրված 1918 թ. մայիսի վերջին Անդրկովկասյան սեյմի ցրման պատճառները: Հեղինակը գտնում է, որ այն տեղի է ունեցել «աշխատավոր մասսաների ճնշման տակ»<sup>2</sup>, մինչդեռ զխավոր պատճառը Անդր-

<sup>1</sup> Տե՛ս Ա. Մնացականյան, Հայաստանի հեղափոխական շարժման հարցերի լուսաբանությունը ԽՄԿԿ պատմության մեջ, Եր., 1966, էջ 26:

<sup>2</sup> Ա. Մնացականյան, նշվ. աշխ., էջ 86:

<sup>1</sup> Տե՛ս Агаян М., Вековая дружба народов Закавказья, ч. II, Е., 1972:

<sup>2</sup> Агаян М., նշվ. աշխ., էջ 65:



կովկասի բուրժուազգայնական կուսակցությունների, ազգային խորհուրդների միջև սկսված զգվոտոցն էր, նրանց օրըստօրն սրվող ներքին պայքարը, գերմանա-թուրքական զավթիչների քաղաքականությունը և այլն:

Միակողմանիություն է նկատվում նաև Հոկտեմբերյան հեղափոխության հաղթանակը Անդրկովկասում մի քանի տարով ուշանալու պատճառների բացատրության մեջ: Գրեթե ամբողջ մեղքը բարդվում է Կովկասյան երկրային կոմիտեի ղեկավարության վրա, որի մեծամասնությունը դեմ էր հարձակողական գործողություններին, գտնելով, որ իշխանության անցումը խորհուրդներին կարող էր տեղի ունենալ «խաղաղ ճանապարհով»: Դա ճիշտ է, բայց թերի: Գլխավոր պատճառը, կարծում ենք, երկրամասում ստեղծված ներքին և արտաքին ռազմաքաղաքական բարդ պայմաններն էին: Կային նաև այլ պատճառներ:

Խորհրդահայ պատմագրության մեջ համակողմանիորեն մշակվել և շարադրվել է Հայաստանում խորհրդային կարգերի հաստատման, սոցիալիզմի կառուցման պատմությունը, սակայն գրեթե անտեսվել կամ սակավ ուշադրության է արժանացել հասարակության սոցիալական կառուցվածքի վերափոխման ու հետագա զարգացման պրոբլեմը: Թեև վերջին տարիներին այդ պրոբլեմի առանձին ասպեկտներ քննարկվել են Ա. Գրիգորյանցի, Վ. Ղազարխեցյանի, Գ. Խաչատրյանի և հատկապես լայն պլանով՝ Գ. Գեղամյանի աշխատություններում, սակայն ամբողջությամբ վերցրած այն ուսումնասիրել է պատմական գիտությունների դոկտոր, պրոֆեսոր Ս. Ամիրջանը<sup>1</sup>: Խորհրդային հասարակության սոցիալական կառուցվածքի զարգացման հարցը՝ ընդհանուր միութենական պլանով քննվել է նրա ավելի վաղ հրատարակված աշխատության մեջ<sup>2</sup>:

Անտարակույս, նման կարևոր պրոբլեմի լուսաբանումը հեղինակից պահանջել է հաղթահարել լուրջ դժվարություններ: Պետք է նկատի ունենալ, որ հասարակության սոցիալ-դասակարգային կառուցվածքի վերափոխման ու հետագա զարգացման պրոբլեմի լուսաբանման հիմնական աղբյուրը հանրապետության վիճա-

կագրությունն է, որը, սակայն, պատմաբաններին խիստ անբավարար տվյալներ է ընձեռում, մասնավորապես 20—30-ական թվականների վերաբերյալ:

Ս. Ամիրջանի աշխատության մեջ սոցիալ-դասակարգային տեղաշարժերի ընդհանուր ֆոնի վրա լուսաբանվում է բանվոր դասակարգի առաջատար դերը հասարակության սոցիալական կառուցվածքի արմատական վերափոխման պրոբլեմում, պրոլետարիատի վերափոխումը սոցիալիստական դասակարգի, գյուղացիության սոցիալիստական վերափոխումն ու կոլտնտեսային գյուղացիության ձևավորումը, սոցիալիստական մտավորականության ձևավորումը, բանվոր դասակարգի քանակական ու որակական աճը, կոլտնտեսային գյուղացիության կազմում կատարված փոփոխություններն ու սոցիալիստական մտավորականության աճը:

Աշխատության դրական կողմերից է քննադատական մոտեցումը օգտագործված աղբյուրների ու գրականության մասին: Նա մի շարք դիտողություններ է անում պատմաբաններ Հ. Կարապետյանի, Վ. Ղազարխեցյանի, Գ. Գեղամյանի, Ա. Գրիգորյանցի արտահայտած կարծիքների մասին, որոնք վերաբերում են հասարակության սոցիալական կառուցվածքի ձևավորման պատմական շրջանակներին, խորհրդային իշխանության առաջին տարիներին Հայաստանում գոյություն ունեցած հասարակական-տնտեսական կացութաձևերին, ազդարային վերափոխումներին, կուլակության որպես դասակարգի գոյությանը և այլն: Նշելով, որ հասարակության սոցիալական կառուցվածքի արմատական վերափոխումը մի ամբողջ պատմական ժամանակաշրջան է (անցումը կապիտալիզմից սոցիալիզմին), հեղինակն այն իր հերթին բաժանում է 3 փուլերի, որոնք ընդգրկում են՝ 1920—1922, 1922—1929 և 1929—1937 թվականները:

Ս. Ամիրջանը նշում է, որ խորհրդային իշխանության առաջին տարիներին Հայաստանում առկա էին ոչ թե երեք, շոքս, ինչպես պնդում են որոշ տնտեսագետներ (Հ. Թումանյան), պատմաբաններ (Գ. Գեղամյան), այլ 5 հասարակական-տնտեսական ձևեր, այսինքն՝ այնքան, որքան Ռուսաստանում<sup>1</sup>: Սակայն վիճելի է նրա այն դիտողությունը, թե չի կարելի գրել, որ բուրժուազիայի տապալումից հետո մեր երկրում մնացել էին

<sup>1</sup> Տե՛ս Ս. Ամիրջան, Հասարակության սոցիալական կառուցվածքի վերափոխումն ու զարգացումը Հայկական ՍՍՀ-ում, Եր., 1981:

<sup>2</sup> Տե՛ս Ս. Ամիրջան, Փոփոխություններ սովետական հասարակության սոցիալական կառուցվածքում, Եր., 1973:

<sup>1</sup> Տե՛ս Ս. Ամիրջան, նշվ. աշխ., էջ 47:



երկու դասակարգեր՝ բանվոր դասակարգը և գյուղացիությունը, (Վ. Ղազարխեցյան): «Ճիշտ է, — գրում է Ամիրյանը, — բուրժուազիան ջախջախված էր, բայց ոչնչացված չէր, նրա հիմնական մասը՝ կուլակությունը, իր գոյությունը պահպանեց մինչև 30-ական թվականների սկիզբը, ավելի բան մեկ տասնամյակ»<sup>1</sup>:

Տարբեր տարիներին խորհրդահայ շատ պատմաբանների աշխատություններում այս կամ այն շափով շոշափվել է ԽՍՀՄ-ում լենինյան ազգային քաղաքականության կենսագործման հարցը, սակայն այդ կարևոր հարցին Ա. Մնացականյանն անդրադարձել է առանձին մենագրությամբ<sup>2</sup>:

Հարցի շարադրումն սկսելով Հոկտեմբերյան հեղափոխությունից հետո՝ ազգային-պետական քաղաքականության բնագավառում կուսակցության ու կառավարության առաջին միջոցառումներից, նա ներկայացնում է ԽՍՀՄ կազմավորումից հետո մեր երկրում սոցիալիստական ազգերի ձևավորման ու զարգացման, ազգերի միջև ամուր դաշինք, ինտերնացիոնալ համերաշխություն ստեղծելու պատմության համառոտ ուրվագիծը: Աշխատության մեջ լայն տեղ է հատկացված ԽՍՀՄ-ում սոցիալիստական ազգերի մերձեցման հարցերին: Ա. Մնացականյանը շարադրել է սոցիալիստական ազգի բնորոշ գծերն ու առանձնահատկությունները՝ տնտեսական կյանքի ընդհանրություն, դասակարգային նոր կառուցվածք, տարածքային ընդհանրություն, լեզվի և հոգևոր նկարագրի ընդհանրություն: Հարկ է նշել, որ վերոհիշյալ դրույթները ևս վերանայման խիստ կարիք ունեն:

Միևնույն ժամանակ նա քննադատել է օտարերկրյա հակակոմունիստ «խորհրդաբաններին», որոնք, նենգափոխելով խորհրդային իրականության պատմությունը, սոցիալիստական ազգերի զարգացման ու մերձեցման կոնցեպցիան մեկնաբանում են որպես խորհրդային ազգերի ասիմիլյացիա, ազգային տարբերությունների վերացում, ազգերի անհետացում:

Ա. Մնացականյանը ճիշտ է նշում, որ չնայած մեր երկ-

րում ազգային հարցի լուծման գործում ձեռք են բերվել հաջողություններ, այնուամենայնիվ, ազգային հարաբերությունների ոլորտում շատ հարցեր չեն լուծված:

Ա. Մնացականյանի աշխատության մեծ մասը նվիրված է խորհրդային Հայաստանին: Յուրյ է տրված սոցիալիստական հայ ազգի զարգացման պրոցեսը, Հայկական ԽՍՀ-ի նվաճումները սոցիալ-տնտեսական, քաղաքական և մշակութային կյանքի տարբեր բնագավառներում: Բացահայտված է նաև սոցիալիստական հայ ազգի և սփյուռքահայության մեջ տեղի ունեցող սոցիալ-քաղաքական ու ազգային պրոցեսը, սփյուռքահայերին խորհրդային Հայաստանի շուրջը համախմբելու կուրսը:

Խորհրդահայ պատմագրության մեջ երկար ժամանակ անբավարար էր լուսաբանվել առաջին համաշխարհային պատերազմի տարիներին թուրքական ջարդարանների արյունոտ յաթաղանին և արևմտյան իմպերիալիստների նենգ դավերին զոհ դարձած հարյուր հազարավոր արևմտահայերի ողբերգական կյանքի պատմությունը: Գրեթե չէր ուսումնասիրված սփյուռքահայերի հայրենադարձության պրոբլեմը:

Խորհրդահայ պատմաբաններից շատերը (Զ. Կիրակոսյան, Մ. Արզումանյան, Վ. Պարսամյան, Մ. Ներսիսյան, Ա. Մնացականյան, Ե. Սարգսյան, Ռ. Սահակյան, Ա. Հարությունյան և ուրիշներ) վերջին տարիներին զգալի աշխատանք կատարեցին առաջին համաշխարհային պատերազմի տարիներին թուրքիայում կազմակերպված հայկական կոտորածներն ու բռնագաղթը լուսաբանելու ուղղությամբ, սակայն մեր պատմագրության մեջ սփյուռքահայության հայրենադարձության, ինչպես ասում են, խոպան մնացած պրոբլեմի խորազնին ուսումնասիրությանը ձեռնամուխ եղավ Հ. Մելիքսեթյանը:

1975-ին հրատարակվեց նրա արժեքավոր մենագրությունը<sup>1</sup>: Աշխարհով մեկ սփռված տարազիր հայության հայրենադարձությունը խորհրդային իշխանության շնորհիվ, իրավացիորեն ընդգծում է հեղինակը, մեր ժողովրդի ձեռք բերած մեծ նվաճումներից է, պատմական բազմանշանակալից մի իրադարձություն մեր բազմադարյան պատմության մեջ: Հայրենադարձությունը հայ ժողովրդի համախմբման ու հետագա զարգացման

<sup>1</sup> Ա. Ամիրյան, ԵՂ. աշխ., էջ 86:  
<sup>2</sup> Տե՛ս Ա. Մնացականյան, Ազգերի զարգացումը և մերձեցումը ԽՍՀՄ-ում, Եր., 1984:

<sup>1</sup> Տե՛ս Հ. Մելիքսեթյան, Արևմտահայերի բռնագաղթը և սփյուռքահայերի հայրենադարձությունը Սովետական Հայաստան, Եր., 1975:



կարևոր գործոններից մեկն եղավ: Հանգամանորեն շարադրված է նաև սփյուռքահայերի հայրենադարձության առաջին քսանամյակի պատմությունը, հարակից լուսաբանված է նաև օտարերկրյա բարեգործական հաստատությունների, ՀՕԿ-ի, սփյուռքում գործող այլ միությունների ու կազմակերպությունների գործունեությունը: Աշխատության մեջ վեր է հանված նորվեգացի աշխարհահռչակ բևեռախույզ ու գիտնական, հայ ժողովրդի մեծ բարեկամ Ֆ. Նանսենի հայանպաստ եռանդուն գործունեությունը հայ գաղթականության հարցի արդարացի լուծման ուղղությամբ:

Բացահայտված է նաև գաղութահայ կուսակցությունների ու հոսանքների դիրքորոշումը հայրենադարձության հանդեպ, քննադատված է այդ հարցում, հատկապես, դաշնակցության գործունեությունը, որի նպատակն է խանդարել ներգաղթի իրականացմանը, վարկարեկել խորհրդային Հայաստանը, դանազան միջոցներով մոլորության մեջ գցել գաղութահայ զանգվածներին:

Արժանին պետք է հատուցել Հ. Մելիքսեթյանին, որը գիտական և բաղաբական այդ կարևոր նշանակություն ունեցող պրոբլեմի հետազոտությունը շարունակեց և հասցրեց մինչև վերջ: 1985-ին հրատարակվեց նրա նոր աշխատությունը, որով ամբողջացվեց հայերի հայրենադարձության պատմությունը՝ սկզբից մինչև մեր օրերը<sup>1</sup>: Հարուստ է աշխատության աղբյուրագիտական հիմքը: Օգտագործվել է ոչ միայն խորհրդային, այլև սփյուռքահայ աղբյուրների ու գրականության մի զգալի մասը:

Աշխատության մեջ լայն տեղ է հատկացված հայրենիք—սփյուռք բազմարժանեղակ կապերին, հատկապես հաջող է լուսաբանված սփյուռքահայության հետ մշակութային կապի կոմիտեի 20-ամյա գործունեությունը:

Միանգամայն ճիշտ է դնահատված խորհրդային Հայաստանի դերը հայկական սփյուռքի զգալի մասն, նրա կենսունակության պահպանման գործում: «Սովետական իշխանության տարիներին տեղի ունեցած հայրենադարձության և Հայրենիք—Սփյուռք առնչությունների պատմության ուսումնասիրությունը ակնբախորեն վկայում է, — ասված է գրքում, — որ տարագիր

հայության փրկության իրական ու գլխավոր գործոնը մայր հայրենիքն է, խորհրդային Հայաստանը»<sup>2</sup>:

Ֆ. Նանսենի հայանպաստ վիթխարի գործունեությունը, նրա տիտանական ջանքերը հատկապես արտասահմանյան հայերի հայրենադարձության ուղղությամբ համակողմանիորեն լուսաբանված է Մ. Արզումանյանի ուշագրավ մենագրության մեջ<sup>3</sup>:

## 2. Հայ ժողովուրդը Հայրենական մեծ պատերազմի տարիներին

Հայրենական մեծ պատերազմը ԽՍՀՄ ժողովուրդների պատմության մեջ մտել է որպես մի հերոսապատում: Խորհրդային պատմաբանները վիթխարի աշխատանք են կատարել Հայրենական մեծ պատերազմի պատմության գիտական հետազոտության բնագավառում: Հրատարակվել են բազմաթիվ արժեքավոր գրքեր: Խորհրդային Միության Հայրենական մեծ պատերազմի պատմության ոսկե ֆոնդ են մտել խորհրդային փառաբանված զորավարներ, մարշալներ Գ. Ժուկովի, Ի. Կոնևի, Վ. Չուլկովի, Ա. Վասիլևսկու, Ս. Շտեմենկոյի, Ա. Գրեչկոյի, Ա. Երյոմենկոյի, Հ. Բաղդամյանի<sup>4</sup>, Հ. Բարաշանյանի<sup>5</sup>, ծովակալ Հ. Իսակովի<sup>6</sup>, գեներալներ Ս. Մարտիրոսյանի<sup>7</sup>, Հ. Մարտիրոսյանի<sup>8</sup>, Ա. Ղազարյանի<sup>9</sup> և ուրիշների հուշագրություն-մենագրությունները:

Պատերազմը մեծ քննություն հանդիսացավ խորհրդային բոլոր ժողովուրդների համար: Հայ ժողովուրդը պատվով դուրս եկավ այդ դաժան քննությունից: Նա իր արժանի տեղը գրավեց թշնամու դեմ մղած համընդհանուր պայքարում:

<sup>1</sup> Հ. Մելիքսեթյան, Հայրենիք—Սփյուռք առնչությունները և հայրենադարձությունը, էջ 447:

<sup>2</sup> Տե՛ս Մ. Աբովմանյան, Նանսենը և Հայաստանը, Եր., 1977:

<sup>3</sup> Տե՛ս Баграмян И., Город-воин на Днепре, М., 1965, Как началась война, М., 1971. Так шли мы к победе, М., 1977, Мои воспоминания, Е., 1979:

<sup>4</sup> Տե՛ս Бабаджанян А., Дороги победы, 1972, Люки открыты в Берлин (Путь 1-ой гвардейской танковой армии), М., 1973:

<sup>5</sup> Տե՛ս Ի. Իսակով, Ակնարկներ, Եր., 1970:

<sup>6</sup> Տե՛ս Ս. Մարտիրոսյան, Խորհրդային հայրենիքի համար, Եր., 1960:

<sup>7</sup> Տե՛ս Հ. Մարտիրոսյան, Մոսկվայի ճակատամարտում, Եր., 1966, Նեմանից մինչև Քյոնիգսբերգ, Եր., 1967, Թժեհի ուղղությամբ, Եր., 1970:

<sup>8</sup> Տե՛ս Казарян А., Четверть века на танках, Е., 1970, Герои за Крым, Е., 1972, Война, люди, судьбы, кн. 1—3, Е., 1975—1980, և ուրիշ հայրենի:

<sup>1</sup> Տե՛ս Հ. Մելիքսեթյան, Հայրենիք—Սփյուռք առնչությունները և հայրենադարձությունը, Եր., 1985:



Հայ ժողովրդի զավակները, խորհրդային բազմազգ մյուս բոլոր ժողովուրդների հետ միասին անօրինակ սխրագործություններ կատարեցին Հայրենական մեծ պատերազմի բոլոր ռազմաճակատներում: Նրանք փառքով պսակեցին մեր ժողովրդի անունը: Թիկունքի աշխատավորությունը ևս հետ շմնաց ռազմաճակատում կովոդ իր զավակներից:

Հայրենական մեծ պատերազմին հայ ժողովրդի մասնակցության վերհանման գործում մեծ աշխատանք են կատարել խորհրդահայ պատմաբանները: Դեռևս 1944 թվականին Հայկական ԽՍՀ ԳԱ պատմության ինստիտուտում ստեղծվել էր Հայրենական պատերազմի պատմության կաբինետ, որն իր գոյության ընթացքում զգալի աշխատանք է կատարել ու կատարում հսկայական քանակությամբ փաստական նյութերի հավաքման, դրանց գիտական մշակման ուղղությամբ: Ուսումնասիրվել են Հայրենական մեծ պատերազմի բոլոր ռազմաճակատներում հայ ժողովրդի զավակների, հայկական դիվիզիաների, հայ պարտիզանների, թիկունքում և խորհրդային Հայաստանի բանվորների, գյուղացիների ու մտավորականության հերոսական աշխատանքն արտացոլող բազմաթիվ ու բազմատեսակ արխիվային փաստաթղթեր, ռազմաճակատի և թիկունքի մամուլում զետեղված նյութեր, կուսակցական-խորհրդային, հասարակական կազմակերպությունների որոշումներ, հայ ռազմիկների հուշեր, նամակներ և այլն: Դրանց հիման վրա էլ գրվել և հրատարակվել են մի շարք արժեքավոր աշխատություններ:

Այդ շնորհակալ գործում առաջին հերթին հիշատակության է արժանի Ա. Մնացականյանի կատարած աշխատանքը: 1947—1954 թթ. հրատարակվել են նրա մի քանի աշխատությունները, իսկ վերջին տասնամյակում հրատարակվածներից աչքի է ընկնում նրա «Միասնական շարքերում» մենագրությունը<sup>1</sup>:

Պատերազմի մասնակից հեղինակը խորհրդային Միության ժողովուրդների հերոսական պայքարի պատմության ընդհանուր ֆոնի վրա հաջողությամբ լուսաբանել է հայ ժողովրդի մասնակցությունը մեծ Հայրենականին: Գրքում հանգամանորեն ցույց է տրված հայ ռազմիկների հերոսական սխրագործությունները Մոսկվայի, Լենինգրադի, Ղրիմի, Ստալինգրադի, Հյուսիսային Կովկասի, Կուրսկի, Ուլրախայի, Բելոռուսիայի, Մերձբալթիկա-

յի համար մղված ահեղ կռիվներին, նրանց մասնակցությունը Ֆաշիզմի լծի տակ ընկած եվրոպայի ճնշված ժողովուրդների ազատագրական պայքարին, Ֆաշիստական Գերմանիայի և միլիտարիստական ճապոնիայի վերջնական ջախջախմանը: Աշխատության մեջ ներկայացված է նաև Հայաստանի աշխատավորության այն ավանդը, որ նա ներգրեց մեծ հաղթանակի գործում: Գրքի ուշագրավ հատվածներից է վերջին բաժինը, որ խոսվում է Ֆաշիզմի ջախջախման գործում սփյուռքահայության մասնակցության մասին:

Ա. Մնացականյանի աշխատության արժանիքներից է այն, որ նրանում հայ ժողովրդի մասնակցությունը մեծ Հայրենականին ցույց է տրվում ԽՍՀՄ բոլոր ժողովուրդների, առաջին հերթին ռուս ժողովրդի զավակների կատարած հերոսական սխրագործությունների հետ միասին, հաջողությամբ վեր է հանված ԽՍՀՄ ժողովուրդների մարտական համագործակցությունը:

Ա. Մնացականյանի գրչին են պատկանում նաև Հայկական ԽՍՀ ԳԱ հրատարակած «Հայ ժողովրդի պատմության» VIII հատորում զետեղված «Սովետական Հայաստանը Հայրենական մեծ պատերազմի տարիներին» բաժնի առաջին և երկրորդ գլուխները, որն ընդգրկում է Հայրենական մեծ պատերազմի սկզբից մինչև 1943 թվականը ներառյալ: Առաջին գլխում հեղինակը լուսաբանել է հետևյալ հարցերը՝ Հայրենական պատերազմի սկիզբը և հայ ժողովրդի ուժերի մոբիլիզացիան, խորհրդային Հայաստանի ժողովրդական տնտեսության վերակառուցումը պատերազմի պահանջներին համապատասխան, հայ ժողովրդի զավակների մասնակցությունը կարմիր բանակի 1941 թ. պաշտպանողական մարտերին, հայկական դիվիզիաների ստեղծումը, իսկ երկրորդ գլխում՝ Անդրկովկասի ռազմաքաղաքական դրությունը 1942 թ., խորհրդային ժողովուրդների անխախտ բարեկամությունը: Հեղինակը Անդրկովկասը բնութագրում է որպես միասնական ռազմական ճամբար, ցույց է տալիս ռազմական էկոնոմիկայի զարգացումը Հայաստանում և համաժողովրդական օգնությունը ռազմաճակատներին, հայ ժողովրդի զավակների մասնակցությունը Ստալինգրադի, Կովկասի և մյուս ճակատամարտերում և այլն: Բոլոր հարցերն էլ քննվում և լուսաբանվում են գիտականորեն, փաստական հարուստ և արժեքավոր տվյալների հիման վրա:

<sup>1</sup> Տե՛ս Ա. Մնացականյան, Միասնական շարքերում, եր., 1975:



Հայրենական մեծ պատերազմում հայ ժողովրդի մասնակցության լուսաբանման ուղղությամբ գիտահետազոտական նշանակալից աշխատանք է կատարել պատմական գիտությունների թեկնածու Ե. Խալեյանը:

Մեծ ջանքերի շնորհիվ նրան հաջողվել է հատկապես ԽՍՀՄ տարբեր ծայրերից փաստական նյութեր ձեռք բերել, որոնք օգտագործել է իր բազմաթիվ աշխատություններում: Նրա գրչին է պատկանում «Հայ ժողովրդի պատմության» ակադեմիական հրատարակության V III հատորում զետեղված «Սովետական Հայաստանը Հայրենական մեծ պատերազմի հաղթական ավարտի շրջանում (1944—1945 թթ.)» գլուխը:

Այստեղ հեղինակը պատմական հաջորդականությամբ, հարուստ տվյալներով շարադրել է այնպիսի հարցեր, ինչպիսին են՝ իրագրությունը 1944 թվականին, Խորհրդային Հայաստանի հետագա օգնությունը ռազմաճակատին, հայ ռազմիկները խորհրդային հողը ֆաշիստական զավթիչներից լիովին ազատագրելու համար մղված մարտերում, պարտիզանների շարքերում և այլն: Միևնույն ժամանակ ներկայացվել է հայ մարշալների, գեներալների, Խորհրդային Միության շատ հերոսների, հայկական դիվիզիաների մարտական սխրագործությունները, հայ ժողովրդի նվիրվածությունը հայրենիքի պաշտպանության, նենգ թշնամուն ջախջախելու գործում:

Վերոհիշյալ ամբողջական, ընդհանրացնող բնույթի աշխատություններից բացի, անցած քսանհինգամյակում մեծ աշխատանք է կատարվել նաև մեծ Հայրենականին հայ ժողովրդի մասնակցության առանձին հարցերի հետազոտման ուղղությամբ:

Հայտնի է, որ Հայրենական մեծ պատերազմի հենց սկզբից կազմավորվեցին հայկական վեց դիվիզիաներ, որոնք իրենց դրոշները մարտական փառքով պսակեցին տարբեր ռազմաճակատներում, Եվրոպական հողում: 89-րդ եռակի շքանշանակիր Քամանյան դիվիզիան հերոսական ուղի անցավ Կովկասյան ձյունապատ նախալեռներից մինչև Բեռլին:

Քամանյան դիվիզիայի մասին առաջին աշխատությունը գրել է դիվիզիայի թերթի խմբագիր՝ փոխգնդապետ Սիմոն Նալբանդյանը, որի «Հայ թամանցիները» ակնարկը լույս է տեսել 1947-ին, իսկ վերամշակվելուց հետո՝ նաև 1961-ին: Փառաբանված դիվիզիայի հանգամանալից պատմությունը շարադրել է պատմական գիտությունների դոկտոր, պրոֆեսոր Ղևոնդ Գալ-

լաքյանը<sup>1</sup>: Լինելով մարտերի անմիջական մասնակից, նա փաստական հարուստ նյութերի հիման վրա ներկայացրել է դիվիզիայի անցած փառավոր ուղին, նրա մարտիկների սխրանքը, նրանց անձնուրաց պայքարը հանուն խորհրդային հայրենիքի ազատության:

76-րդ լեռնահրաձգային (51-րդ գվարդիական) դիվիզիայի անցած հերոսական ուղու (1922—1945 թթ.) համառոտ պատմությունը շարադրված է Ա. Վարդապետյանի աշխատության մեջ<sup>2</sup>: Նրանում լուսաբանված է դիվիզիայի կազմավորման պատմությունը, նրա գործունեությունը խաղաղ շինարարության տարիներին և ավելի մանրամասն՝ դիվիզիայի մարտական գործողությունները մեծ Հայրենականի տարիներին: Գրքի վերջում զետեղված է դիվիզիայի երախտավորների համառոտ կենսագրականը:

Նույն դիվիզիայի մարտական ուղին համառոտակի վեր է հանված նաև պատմական գիտությունների թեկնածու Կ. Հարությունյանի մենագրության մեջ<sup>3</sup>:

409-րդ դիվիզիայի պատմությանն է անդրադարձել Հ. Հովհաննիսյանը<sup>4</sup>, որն ընդգրկում է դիվիզիայի ստեղծումից մինչև Հայրենական պատերազմի ավարտը: Հաջող են լուսաբանված դիվիզիայի մարտական գործողությունները Հյուսիսային Կովկասի և Ուկրաինայի ազատագրման համար մղված մարտերում:

Արխիվային հարուստ նյութերի և անձնական հիշողությունների հիման վրա է գրված պատերազմի վետերան Ս. Սարգսյանի գիրքը<sup>5</sup>, որի մեջ լուսաբանված է 408-րդ հայկական հրաձգային դիվիզիայի հերոսական մասնակցությունը Կովկասի համար մղված մարտերին:

Հայկական դիվիզիաների մասին ուշագրավ հոդվածներ են տպագրվել նաև գիտական տեղեկագրերում<sup>6</sup>:

<sup>1</sup> Տե՛ս Ա. Գալախյան, Մարտական 89, Եր., 1966:

<sup>2</sup> Տե՛ս Ա. Վարդապետյան, Գվարդիական դրոշի ներքո, Եր., 1978:

<sup>3</sup> Տե՛ս Կ. Հարությունյան, 51-րդ գվարդիական դիվիզիայի մարտական ուղին, Եր., 1980:

<sup>4</sup> Տե՛ս Հ. Հովհաննիսյան, Փորձությունների միջով, Եր., 1978:

<sup>5</sup> Տե՛ս Саркисян С., 408-я армянская стрелковая дивизия в битве за Кавказ, Е. 1985:

<sup>6</sup> Տե՛ս Ա. Հակոբյան, Քամանյան դիվիզիայի մարտական ուղին, ՊՔՀ, № 2, 1965: Ա. Հարությունյան, Հ. Հովհաննիսյան, 409-րդ հրաձգային դիվիզիայի մարտական ուղին, ԲՀԱ, № 1, 1966, Գ. Բուռնազյան, Ազգային զորամիավորումների կազմավորումը Հայկական ԽՍՀ-ում, ԲՀԱ, № 1, 1968:



Ուշադրության է արժանի Ա. Վարդապետյանի աշխատանքը, որ լուսաբանվել է կարմիր բանակի կազմակերպման, խորհրդային պետության զինված ուժերի ամրապնդման գործում մի խումբ հայ ականավոր գործիչների ու զորապետների ունեցած գործուն մասնակցությունը: Հեղինակը համառոտակի, առանձին-առանձին շարադրել է ինչպես Ալ. Մյասնիկյանի, Հ. Բժշկյանի (Գայ), Գր. Խախանյանի, Գ. Ոսկանյանի, Վ. Ավանեսովի, Ստ. Խալաթովի, Մ. Տեր-Հարությունյանցի, Հ. Հովսեփյանի, այնպես էլ Հ. Իսակովի և Հ. Բաղրամյանի կյանքն ու գործունեությունը<sup>1</sup>:

Հայրենական մեծ պատերազմի պատմության մեջ ուրույն տեղ է զբաղում Կովկասյան ռազմաճակատը, որին ակտիվ մասնակցություն է ցույց տվել նաև հայ ժողովուրդը:

Այդ կարևոր հարցը տարիներ շարունակ իր գիտահետազոտական աշխատանքի առարկա է դարձրել պատմական գիտությունների թեկնածու Ք. Գրիգորյանը՝ հրատարակելով մի շարք աշխատություններ: 1971-ին լույս տեսավ նրա նոր աշխատությունը<sup>2</sup>, որ ցույց է տրված հայ դուցազունների ակտիվ մասնակցությունը Կովկասի պաշտպանությանը, միաժամանակ բացահայտված է խորհրդային Հայաստանի աշխատավորների համաժողովրդական օգնությունը Կովկասի պաշտպաններին:

Ուշադրության է արժանի Ե. Խալեյանի մենագրությունը՝ Բելոռուսիայի համար հայ ժողովրդի զավակների մասնակցության մասին<sup>3</sup>:

Ուշագրավ է նաև Գ. Գրիգորյանի աշխատությունը<sup>4</sup>, որի մեջ հեղինակը պատմում է Ստալինգրադի հերոսամարտերում ԽՍՀՄ բազմազգ ժողովուրդների զավակների հետ համատեղ մարտերում հայ ռազմիկների սխրանքների մասին: Խորհրդային Մերձբալթիկայի համար մղված մարտերում հայ ռազմիկների մասնակցությունը հաջողությամբ արտացոլվել է պատմական գիտությունների թեկնածու Մ. Սահակյանի մենագրության մեջ<sup>5</sup>:

<sup>1</sup> Տե՛ս Ա. Վարդապետյան, Կարմիր բանակի կազմակերպողների շարքերում, Եր., 1976:

<sup>2</sup> Տե՛ս Ք. Գրիգորյան, Հայ յոզովրդի մասնակցությունը Կովկասի պաշտպանությանը (1942 թ. հուլիս—1943 թ. հոկտեմբեր), Եր., 1971:

<sup>3</sup> Տե՛ս Ե. Խալեյան, Հայ ժողովրդի զավակների մասնակցությունը Բելոռուսիայի համար մղված մարտերին (1941—1944 թթ.), Եր., 1975:

<sup>4</sup> Տե՛ս Գ. Գրիգորյան, Գրվազներ Ստալինգրադյան հերոսամարտերից, Եր., 1979:

<sup>5</sup> Տե՛ս Մ. Սահակյան, Խորհրդային Մերձբալթիկայի համար մղված մարտերում (1941—1945), Եր., 1981:

Մ. Սահակյանի մեկ այլ աշխատության մեջ լուսաբանված է խորհրդային բազմազգ ժողովուրդների, այդ թվում և հայ ռազմիկների ակտիվ մասնակցությունը Լենինգրադի համար մղված մարտերին<sup>6</sup>:

Հայ քաջորդիների մասնակցությունը Չեխոսլովակիայի ազատագրման գործում լուսաբանվել է Կ. Հարությունյանի զրբույլում<sup>7</sup>:

Մի քանի արժեքավոր աշխատություններ են հրատարակվել Հայրենական մեծ պատերազմում փառաբանված հայ զորավորների, խորհրդային Միության հայ հերոսների մասին: Այսպես, խորհրդային Միության մարշալ Հ. Բաղրամյանի կյանքի բոլոր փուլերը՝ զինվորից մինչև մարշալ, նրա անցած մարտական ուղին ուշագրավ վավերագրերի և փաստական այլ նյութերի հիման վրա շարադրել է Ա. Մնացականյանը<sup>8</sup>: Աշխատության մեծ մասը նվիրված է Հայրենական մեծ պատերազմում նրա մասնակցության, ինչպես և հետպատերազմյան ժամանակաշրջանի գործունեության լուսաբանմանը: Խորհրդային Միության ծովակալ Հ. Իսակովի կյանքին ու ռազմածովային գործունեությանը անդրադարձել են Ա. Վարդապետյանը<sup>9</sup> և Ա. Հարությունյանը<sup>5</sup>: Գրանցում համակողմանիորեն բացահայտված և ըստ արժանվույն է գնահատված փառաբանված ծովակալի գիտական-տեսական հարուստ ժառանգությունը: 1985 թ. հրատարակվեց Հ. Իսակովի ռազմագիտական գործունեությունը լուսաբանող Ա. Վարդապետյանի նոր աշխատությունը<sup>6</sup>: Հարուստ փաստերով ու բավականին հաջող կերպով բացահայտվել է ծովակալի դերը խորհրդային և համաշխարհային ռազմածովային գիտության զարգացման պատմության մեջ: Հեղինակը ճիշտ գնահատական է տվել Իսակովի զինավորություններում, խմբագրություններում և անմի-

<sup>1</sup> Տե՛ս Մ. Սահակյան, Խորհրդային ռազմիկների մարտական մասնակցությունը Լենինգրադի համար մղված մարտերում (1941—1944), Եր., 1986:

<sup>2</sup> Տե՛ս Կ. Հարությունյան, Հայ ռազմիկները Չեխոսլովակիայի ազատագրման համար մղված մարտերում (1944—1945 թթ.), Եր., 1983:

<sup>3</sup> Տե՛ս Ա. Մնացականյան, Մարշալ Բաղրամյան, Եր., 1978:

<sup>4</sup> Տե՛ս Ա. Վարդապետյան, Հ. Ս. Իսակով, Եր., 1973:

<sup>5</sup> Տե՛ս Ա. Հարությունյան, Խորհրդային Միության ծովակալ Ի. Ս. Իսակով, Եր., 1975:

<sup>6</sup> Տե՛ս Ա. Վարդապետյան, Հ. Ս. Իսակովի ռազմագիտական գործունեությունից, Եր., 1985:



չական մասնակցութեամբ հրատարակված նշանավոր «Մովսիսի ատլասի» հատորներին, դրանք համարելով դարագլուխ կազմող եզակի գործեր: Աշխատութեան մեջ Իսակովը՝ «խորհրդային նավատորմի ուղեղ», բնութագրված է որպես ականավոր ռազմական տեսաբան և գիտնական:

Ուշադրության արժանի են նաև Ա. Մալխասյանի<sup>1</sup>, Վ. Մուրադյանի<sup>2</sup> գրքերը, ինչպես նաև «Գիրք հերոսների մասին» ժողովածուն<sup>3</sup>: Վերջինիս մեջ առանձին-առանձին խոսվում է խորհրդային Միության 100 հերոսների մասին, որոնցից 95-ը հայեր են, իսկ 5-ը եղբայրական մյուս ժողովուրդների զավակներ, բրնձր ծնվել և դաստիարակվել են խորհրդային Հայաստանում:

Ուշագրավ է Ղ. Դալլաքյանի կազմած ժողովածուն, ուր ղեկավարված են խորհրդային Միության 21 հերոսների, այդ թվում՝ Ա. Ղազարյանի, Ա. Ամատունու, Ս. Սիբանդովի ականակները<sup>4</sup>:

Հայրենական մեծ պատերազմում խորհրդային ժողովրդի տարած հաղթանակի գործում վճռորոշ դեր խաղաց ԽՍՀՄ ժողովուրդների բարեկամությունը, որը համակողմանիորեն լուսաբանված է խորհրդահայ պատմաբանների աշխատություններում: Առանձին մենագրություն է նվիրվել Անդրկովկասի ժողովուրդների բարեկամությունը պատերազմի տարիներին<sup>5</sup>: Դա Մ. Աղայանի քառահատոր մենագրության երրորդ մասն է, որտեղ ցույց է տրված խորհրդային ժողովրդի համար այդ դժվարին տարիներին նրանց բարեկամությունը, էլ ավելի ամրապնդումն ու կոփումը և այն խոշոր ավանդը, որ հայրենիքի պաշտպանության գործում ուս ժողովրդի հետ համատեղ ներդրեցին մեր բազմազգ երկրի ժողովուրդները:

Հայրենական պատերազմի տարիներին թշնամու կողմից գրավված տարածքում լայնորեն ծավալվեց պարտիզանական շարժումը: Ժողովրդական վրիժառուների բանակի մեջ իրենց արժանի ներդրումն ունեցան նաև մեծ թվով հայրերին: Միայն Ուկրաինայում գործում էր մոտ հազար հայ պարտիզան: խորհրդային Միության հերոսներ Կովպակի, Վերջիգորայի,

Նաումովի և մյուսների գլխավորած պարտիզանական միավորումներում ստեղծվել էին «Հաղթանակ», Ա. Միկոյանի անվան և այլ հայկական պարտիզանական ջոկատներ:

Խորհրդահայ պատմական գրականության մեջ շատ է գրվել հայ պարտիզանների մասին: Այդ հարցին անդրադարձել են Ա. Մնացականյանն ու Ե. Խալեյանը իրենց գործերում, ինչպես նաև առանձին հրատարակված գրքուկներում ու պարբերական մամուլում: Հիշատակության է արժանի նաև Վ. Ղազախեցյանի գրկույթը<sup>1</sup>, որտեղ լուսաբանվում են Ա. Միկոյանի անվան պարտիզանական ջոկատի մարտական գործողությունները:

Վերջին տարիներին պարտիզանական շարժման պատմության վերաբերյալ ուշագրավ աշխատություն է գրել Ե. Խալեյանը<sup>2</sup>: Այն թեև նվիրված է Ղրիմի և Հյուսիսային Կովկասի պարտիզանական շարժման պատմության լուսաբանմանը, բայց հեղինակը զգալի տեղ է հատկացրել նաև ընդհանրապես պարտիզանական պայքարին: Հայ ժողովրդի զավակների մասնակցության հարցի լուսաբանմանը, որը կարևոր նշանակություն ունի ոչ միայն պատմագիտության, այլև մեր երիտասարդության ռազմահայրենասիրական դաստիարակության համար:

Նշելով, որ Ղրիմում և Հյուսիսային Կովկասում վաղ ժամանակներից ստեղծվել են հայկական գաղթօջախներ և որ Հայրենական մեծ պատերազմի նախօրեին դրանցում բնակվում էր շուրջ 150 հազար բնակիչ, հեղինակը փաստական տվյալներով ցույց է տվել, որ հազարավոր հայ քաջորդիներ համալրում էին կարմիր բանակի շարքերը, իսկ ուժքեր շարժվեցան հեռանալ իրենց բնակավայրերից, պարտիզաններ դարձան, մտան ընդհատակյա կազմակերպությունների մեջ, պայքարեցին ֆաշիստական զավթիչների դեմ: Այդ պայքարում շատերը զոհվեցին կամ տանջամահ արվեցին համակենտրոնացման ճամբարներում և գետապոլիսի զննաններում՝ փախչում էին գրելով Ղրիմի և Հյուսիսային Կովկասի ազատագրման պայքարի պատմության մեջ:

Շատ հայ ռազմիկներ տոկունություն և արիություն են ցու-

<sup>1</sup> Տե՛ս Ա. Մալխասյան, խորհրդային բանակի հայ գործիչները, Եր., 1967:

<sup>2</sup> Տե՛ս Мурадян В., Верность долгу, Е., 1974:

<sup>3</sup> Տե՛ս Գիրք հերոսների մասին, Եր., 1964, նույնը՝ ուսերեն, Ե., 1985:

<sup>4</sup> Տե՛ս Խոսում են հերոսները, Եր., 1985:

<sup>5</sup> Տե՛ս Агаян Ц., Вековая дружба народов Закавказья, ч. III-я, Е.,

<sup>1</sup> Տե՛ս Վ. Ղազախեցյան, Միկոյանի անվան պարտիզանական ջոկատը, Եր., 1965:

<sup>2</sup> Տե՛ս Ե. Խալեյան, Ղրիմի և Հյուսիսային Կովկասի պարտիզանական շարժման պատմությունից (1942—1944 թթ.), Եր., 1981:



ցարերել ընդհատակում: Խորհրդահայ պատմական գրականության մեջ այս հարցը ազոտ է լուսարանվել: Սակայն այդ բացը լրացնում է շնորհալի ժուռնալիստ, պատմական գիտությունների թեկնածու Միքայել Հակոբյանը: Երազրչին են պատկանում ուշագրավ մի քանի պատմավավերագրական աշխատություններ: Հայ ընդհատակայինների գործունեության մասին գրվել են նաև այլ գրքույկներ:

Գերմանաֆաշիստական դավթիչների դեմ խորհրդային ժողովրդի տարած հաղթանակի գործում վիթխարի դեր խաղաց թիկունքը: Հենց թիկունքի և ռազմաճակատի սերտ միասնությունն էր այն կարևորագույն նախապայմանը, որի շնորհիվ ձեռք բերվեց այդ փայլուն հաղթանակը: Հայրենական պատերազմի ծանր տարիներին անձնուրացաբար աշխատեցին Հայաստանի բանվոր դասակարգը, կոլտնտեսային գյուղացիությունն ու մտավորականությունը:

Խորհրդահայ պատմաբանները լուսաբանել են նաև թիկունքում կատարված աշխատանքը: Այդ հարցը լայնորեն շարադրված է հատկապես Ա. Մնացականյանի աշխատություններում: Խորհրդային Հայաստանի գյուղացիության պատմությունը Հայրենական մեծ պատերազմի տարիներին արծարծվել է Ք. Գրիգորյանի մենագրության մեջ<sup>1</sup>: Հեղինակն անդրադարձել է հետևյալ հարցերին՝ գյուղատնտեսության վերակառուցումը պատերազմական պահանջներին համապատասխան, կոլտնտեսային գյուղացիության անձնուրաց աշխատանքը թիկունքում, գյուղում տարվող գաղափարական աշխատանքը, սոցիալիստական մրցության ծավալումը, գյուղի աշխատավորների կողմից ռազմաճակատին ցույց տրվող համաժողովրդական օգնությունը:

Քիչ աշխատանք չի կատարվել փաստաթղթերի և նյութերի ժողովածուներ հրատարակելու ուղղությամբ: Հատկապես պետք է նշել ՀեՍՀ ԳԱ պատմության ինստիտուտի, մարքսիզմ-լենինիզմի ինստիտուտի հայկական մասնաճյուղի և ՀեՍՀ արխիվային գլխավոր վարչության կողմից համատեղ հրատարակված ժողովածուն<sup>2</sup>, որը հարուստ նյութ է պարունակում Հայրենական

մեծ պատերազմի տարիներին Խորհրդային Հայաստանի պատմության վերաբերյալ:

Ժողովածուի մեջ հրատարակված են ԽՄԿԿ Կենտկոմի և ԽՍՀՄ կառավարության, ՀԿԿ Կենտկոմի և Հայկական ԽՍՀ կառավարության որոշումները պատերազմի տարիներին հայկական դիվիզիաներ ստեղծելու մասին, հարյուրավոր արժեքավոր փաստաթղթեր, որոնք վերաբերում են այդ դիվիզիաների մարտական ուղուն, հայ մարտիկների սխրագործություններին ռազմաճակատներում, պարտիզանական ջոկատներում, Գիմադրական շարժման մեջ, թիկունքում և այլն:

Դեռևս 1969-ին հրատարակվել էր հայ ռազմիկների նամակների ժողովածուն<sup>3</sup>, որը նույնպես կարևոր սկզբնաղբյուր է խորհրդահայ պատմաբանների գիտական հետազոտությունների համար: Արժեքավոր ժողովածուներ են հրատարակվել ծովակալ Իսակովի<sup>4</sup> և Խորհրդային Միության կրկնակի հերոս Ն. Ստեփանյանի մասին<sup>5</sup>:

Հիշատակության արժանի է «Բանրեբ Հայաստանի արխիվների» խմբագրության նախաձեռնությունը: Ամսագրում տարիներ շարունակ հրատարակվում են ոչ միայն առանձին փաստաթղթեր, նվիրված Հայրենական մեծ պատերազմում հայ ժողովրդի ներդրած ավանդին, այլև ամբողջական հատորներ: Այսպես, հանդեսի 1976 թ. 3-րդ համարը ամբողջովին նվիրված է 76-րդ դիվիզիային, իսկ 1980 թ. 3-րդ համարն ու 1981 թ. 1-ին համարը՝ 409-րդ դիվիզիայի պատմությանը: 1975 թվականին՝ Հայրենական մեծ պատերազմում տարած հաղթանակի 30-ամյակի օրերին հրատարակվեց «Բանրեբ» առանձին համարը (№ 1)՝ նվիրված հայ ժողովրդի մասնակցությունը մեծ Հայրենականին<sup>4</sup>: Արժեքավոր է 89-րդ հայկական Թամանյան հրաձգային դիվիզիային նվիրված ժողովածուն<sup>5</sup>:

<sup>1</sup> Նամակներ փառքի և անձանության, Եր., 1969:

<sup>2</sup> Տե՛ս Адмирал флота Советского Союза Иван Степанович Исаков (Сборник документов и материалов), Е., 1975:

<sup>3</sup> Տե՛ս Дважды Герой Советского Союза Нельсон Степанян, Е., 1968:

<sup>4</sup> Այս մասին տե՛ս Ա. Հարությունյան, Ռազմապատմական և ռազմահայրենասիրական վավերագրական գրականության տեղիման մի քան հարցերի մասին, ԲՀԱ, 1982, № 3:

<sup>5</sup> Տե՛ս Боевой путь 89-ой стрелковой Армянской Таманской орденов Красного знамени, Кутузова II степени, Красной Звезды. (Сборник документов и материалов), Е., 1986:

<sup>1</sup> Տե՛ս Ք. Գրիգորյան, Խորհրդային Հայաստանի կոլտնտեսային գյուղացիությունը Հայրենական մեծ պատերազմի տարիներին, Եր., 1979:

<sup>2</sup> Տե՛ս Советская Армения в годы Великой Отечественной войны (Сборник документов и материалов), Е., 1975:



Հայկական ԽՍՀ ԳԱ համակարգում աշխատող Հայրենական մեծ պատերազմի մասնակիցների մարտական և աշխատանքային գործունեությունն է նվիրված Կ. Հարությունյանի և Մ. Սահակյանի կազմած ժողովածուն<sup>1</sup>:

Մեծ Հայրենականին հայ ժողովրդի մասնակցություն լուսաբանման գործում մեր պատմագրությանը անգնահատելի նյութ են մատակարարում պատերազմի մասնակիցների հուշագրությունները: Ի դեպ, դրանց մեջ ցույց են տրված ոչ միայն հայերի, այլև ԽՍՀՄ բոլոր ժողովուրդների, մեր հերոսական խորհրդային բանակի մարտական սխրագործությունների առանձին ուշագրավ դրվագները: Այդ տեսակետից հիշատակության են արժանի «Հուշեր մեծ Հայրենականից» և «Արիության դպրոց» ժողովածուները<sup>2</sup>, որոնցում զետեղված են պատերազմի դաժան փորձություններ անցած հայ գեներալներ ու սպաներ Ս. Մարտիրոսյանի, Հ. Մարտիրոսյանի, Ա. Կարապետյանի, Ն. Սաֆարյանի, Լ. Կարապետյանի և ուրիշների հիշողությունները:

Հայրենական մեծ պատերազմի ավարտի 30-ամյակի օրերին հրատարակվեց «Պատերազմի գլխավոր հերոսը» խորագրով հոդվածների ժողովածուն, որտեղ ուշագրավ հոդվածներ ունեն վ. Մուրադյանը, Մ. Առաքելյանը, Կ. Խուզավերդյանը, գեներալներ Ս. Մարտիրոսյանը, Ա. Ղազարյանը և ուրիշները<sup>3</sup>:

Հրատարակվել են նաև հուշագրություններ առանձին գրքերով<sup>4</sup>: Հայրենական մեծ պատերազմում հայ ժողովրդի մասնակցության պատմության լուսաբանման ուղղությամբ խորհրդ-

դահայ պատմաբանների կատարած աշխատանքը համառոտակիցույց է տրված Խ. Բարսեղյանի հոդվածում<sup>5</sup>:

Ինչպես տեսանք, զգալի աշխատանք է կատարվել Հայրենական մեծ պատերազմում հայ ժողովրդի մասնակցության հարցի լուսաբանման ուղղությամբ, սակայն դրանով չի սպառվում այդ կարևոր թեմատիկան, որն ունի ոչ միայն գիտապատմական նշանակություն, այլև մեծ դեր է կատարում երիտասարդ սերնդի կոմունիստական, ռազմահայրենասիրական դաստիարակության գործում: Մեր ժողովրդի պայքարը Ֆաշիզմի դեմ դեռևս երկար ժամանակ կշարունակվի գրավել պատմաբանների, զինվորական գործիչների, գրողների և այլոց շթույացող հետաքրքրությունը:

Խորհրդահայ պատմագրությունը դեռևս շատ անելիքներ ունի այդ պատվավոր գործում, Անհրաժեշտ է ավելի բազմակողմանի ներկայացնել հայ ժողովրդի մասնակցությունը Հայրենական մեծ պատերազմին, լիովին վեր հանել Հայաստանի բանվոր դասակարգի, կոլտնտեսային գյուղացիության, մտավորականության, Հայաստանի կոմկուսի գործունեությունը, հայկական զինվորականների, ռազմաճակատի և թիկունքի մարտիկների սխրանքները՝ առաջնորդվելով «Ոչ ոք չի մոռացվել, ոչինչ չի մոռացվել» ազնիվ ու մարդասիրական նշանաբանով:

## 8. Սոցիալիստական շինարարության և հետպատերազմյան տարիները

Խորհրդահայ պատմաբանները քիչ աշխատանք չեն կատարել սոցիալիստական շինարարության հետպատերազմյան տարիների պատմության գիտական հետազոտության բնագավառում:

Այդ ժամանակաշրջանի պատմության առանձին հարցերի վերաբերյալ հրատարակվել են մի շարք մենագրություններ, սակայն ամբողջական պատմությունը շարադրվել է «Հայ ժողովրդի պատմություն» ակադեմիական հրատարակության VIII հատորի երկրորդ և երրորդ բաժիններում<sup>6</sup>, որի հեղինակներն են

<sup>1</sup> Տե՛ս Խ. Բարսեղյան, Հայրենական մեծ պատերազմի խորհրդահայ պատմագրությունը, ՊԲՀ, № 2, տե՛ս նաև Հայրենական մեծ պատերազմի խորհրդահայ պատմագրությունը, Եր. 1975:

<sup>6</sup> Հատորն ընդգրկում է մինչև 1965 թվականը:

<sup>1</sup> Տե՛ս Կ. Հարությունյան, Մ. Սահակյան, նրանք մարտելի են հանուն հայրենիքի, Եր., 1988:

<sup>2</sup> Տե՛ս Հուշեր մեծ Հայրենականից, Եր., 1968, Школа мужества, Е., 1971.

<sup>3</sup> Տե՛ս Главный герой войны (Сборник статей под ред. В. Мурадяна), Е., 1975:

<sup>4</sup> Տե՛ս Ն. Քավարբիլյան, Եղի ևն այսպիսի օրեր, Եր., 1965, Մ. Նաումով, Անդունդի վրա՞յով, Եր., 1965, Ս. Սարգսյան, Այլովոյ անտառ, Եր., Նույնի՞ Անմոռաց անուններ, Եր., 1978, Զ. Պողոսյան, Կապույտ անհունի բաղնիքը, Եր., 1967, Մ. Գուլյան, Հանդիպումներ ռազմաճակատում, Եր., 1968, Ս. Նուրիջանյան, Արշունով ներկված լուսաբաց, Եր., 1968, Ս. Կարապետյան, Անձամոլության հանապարհով, Եր., 1969, Վ. Սարգսյան, Հերոսական 225 օր, Եր.,

Петросян Х., В рядах Советских авиаторов, Е., 1969, Ա. Հակոբյան Հերոսական մարտերում, Եր., 1975, Ա. Սիմոնյան, Ռազմի համփաներով: Ահեղարկներ, Եր., 1981, Խ. Բարսեղյան, Կրակների միջով, Եր., 1982, Նույնի՞ Այսպես ապրեցին, Եր., 1985 և այլն:



Ս. Խարմանդարյանը, Ա. Հակոբյանը, Լ. Խուրշուդյանը, Ա. Հարությունյանը, Ա. Գրիգորյանցը, և Գ. Գեղամյանը: Հեղինակները լուսաբանել են հետպատերազմյան տարիներին Խորհրդային Հայաստանի ժողովրդական տնտեսության զարգացումը, աշխատավորների կենսամակարդակի վերելքը, հայրենազարծությունը, հասարակական-քաղաքական կյանքը: Առանձին գլուխ է հատկացված Խորհրդային Հայաստանի քաղաքների զարգացման պատմությանը (հեղինակ՝ Կ. Կոզմոյան):

Գ. Գեղամյանի գիրքը<sup>1</sup> նվիրված է հանրապետության կուտնտեսային գյուղացիության հետպատերազմյան ժամանակաշրջանի պատմությանը, որը Խորհրդահայ պատմագրության մեջ համեմատաբար աղոտ լուսաբանված պրոբլեմներից է: Այստեղ հեղինակը հանգամանորեն քննում է Խորհրդային Հայաստանի գյուղացիության պայքարի հարցը հանրապետության գյուղատնտեսության վերակառուցման ու հետագա զարգացման համար: Վեր են հանված կոմունիստական կուսակցության միջոցառումները գյուղատնտեսության հետագա վերելքի, ինչպես նաև գյուղի աշխատավորների նյութական ու կուլտուրական մակարդակի բարձրացման գործում: Աշխատության մեջ մեծ տեղ է հատկացված գյուղատնտեսական արտադրության զարգացման գործում սոցիալիստական մրցության հարցի լուսաբանմանը:

Խորհրդային Հայաստանի պատմությունը ութերորդ հնգամյակի տարիներին լուսաբանված է Ա. Հակոբյանի աշխատության մեջ<sup>2</sup>: Հեղինակը ներկայացնելով 1966—1970 թթ. ժամանակաշրջանում Խորհրդային Հայաստանի հասարակական-քաղաքական կյանքը, վեր է հանել հանրապետության աշխատավորության հայրենանվեր աշխատանքը ժողովրդատնտեսական պլանների կատարման ուղղությամբ: Աշխատության մեջ քննվում է պատմական այդ կարճ ժամանակամիջոցում հանրապետության հասարակական կառուցվածքում տեղի ունեցած սոցիալական փոփոխությունների հարցը, ցույց են տրվում աշխատավորության կենսամակարդակի բարձրացման բնագավառում ձեռք բերված հաջողությունները: Հարկ եղած չափով լուսաբանված են նաև

<sup>1</sup> Տե՛ս Գ. Գեղամյան, Հայաստանի կուտնտեսային գյուղացիությունը սոցիալիզմի վերջնական հաղթանակի ժամանակաշրջանում (1946—1958), Եր., 1968:

<sup>2</sup> Տե՛ս Ա. Հակոբյան, Խորհրդահայ Հայաստանը ութերորդ հնգամյակի տարիներին, Եր., 1977:

կուլտուրական շինարարության նվաճումները՝ ժողովրդական կրթության, գիտության, գրականության և արվեստի բնագավառներում:

Աշխատության մեջ փաստեր կան ԽՍՀՄ ժողովուրդների բարեկամության ու եղբայրական համագործակցության, մշակույթի բնագավառում տեղի ունեցող մերձեցման, փոխհարստացման մասին: Հեղինակի ուշադրությունից չի վրիպել նշելու նաև ութերորդ հնգամյա պլանի կատարման ընթացքում առկա դժվարություններն ու թերությունները:

Պատմական երկարատև ուղի անցած հայ ժողովրդի 1917—1920 թթ. իրադարձությունների, Հայաստանում Խորհրդային կարգերի հաստատման պատմության շատ հարցերի է անդրադարձել Մ. Աղայանը: 1981 թ. Մոսկվայում հրատարակվում է նրա նոր աշխատությունը<sup>1</sup>, ուր պատմական համառոտ ակնարկից հետո վեր են հանվել Խորհրդային Հայաստանի անցած 60 տարիների ձեռքբերումները:

Խորհրդահայ պատմաբանների ուշադրությունից չի վրիպել քաղաքների և գործարանների պատմության ուսումնասիրության գործը: Այս բնագավառում շնորհակալ աշխատանք են կատարել պատմական գիտությունների դոկտոր, պրոֆեսոր Ա. Սիմոնյանը, պատմական գիտությունների թեկնածու Կ. Կոզմոյանը և ուրիշները: 1965-ին զգալի լրացումներով վերահրատարակվում է Ա. Սիմոնյանի 1963-ին ռուսերեն հրատարակված աշխատությունը<sup>2</sup>: Որոշ փոփոխություններով այն վերահրատարակվում է նաև հայերեն<sup>3</sup>:

Գրքում հեղինակը մատչելի լեզվով պատմում է հանրապետության մայրաքաղաքի կյանքում տեղի ունեցած մեծ վերափոխումների մասին, վեր հանում տնտեսության, ճարտարապետության, շինարարության, առողջապահության, մշակույթի բնագավառներում ձեռք բերած նվաճումները: Աշխատության էջերում ցայտունորեն ցույց է տրված սոցիալիստական Երևանի գերն ու նշանակությունը հայ ժողովրդի սոցիալ-տնտեսական կյանքի առաջընթացի գործում:

<sup>1</sup> Տե՛ս Агаян М., Победа Советской власти и возрождение армянского народа, М., 1981:

<sup>2</sup> Տե՛ս Симолян А., Ереван, Е., 1965:

<sup>3</sup> Տե՛ս Ա. Սիմոնյան, Երևան, 1920—1967, Եր., 1971:



1968 թ. լույս է տեսնում պատմական գիտությունների դոկտոր, պրոֆեսոր Ք. Հակոբյանի և Ա. Սիմոնյանի համատեղ «Երևան» աշխատությունը՝ նվիրված Երևանի հիմնադրման 2750-ամյակին: Գիրքն սկսվում է Երևանի պատմության հիմնադրման ժամանակաշրջանից և ավարտվում 1968 թվականով:

Կ. Կոզմոյանը նոր աշխատություններով հարստացրեց խորհրդային Հայաստանի քաղաքների պատմության մատենաշարը: Լենինական և Կիրովական քաղաքների մասին 1956—60 թթ. հրատարակված նրա գործերին ավելացան Ալավերդի, Հոկտեմբերյան և Հրազդան քաղաքների մասին հրատարակված աշխատությունները<sup>1</sup>: Հայաստանի քաղաքների զարգացման ամփոփ պատկերն ուրվագծվել է «Հայ ժողովրդի պատմության» VIII հատորի 9-րդ գլխում, որի հեղինակն է Կ. Կոզմոյանը: Նույն հարցին է նվիրված նրա ավելի ծավալուն և արժեքավոր մենագրությունը<sup>2</sup>, որն ընդգրկում է խորհրդային Հայաստանի քաղաքների պատմությունը 1920—1970-ական թվականներին: Աշխատության մեջ փաստական հարուստ տվյալներով լուսաբանվել են հանրապետության հին ու նոր քաղաքներում բազմաճյուղ-արդյունաբերության ստեղծման ու զարգացման, քաղաքային բնակչության աճի, զբաղմունքի, տնտեսության, մշակույթի, առողջապահության և նյութական բարեկեցության հարցերը: Խորհրդային Հայաստանի քաղաքների պատմությանն է նվիրված նաև Ք. Հակոբյանի աշխատությունը<sup>3</sup>:

Շարունակվում էր հանրապետության գործարանների ու ֆարրիկանների պատմության ուսումնասիրության, ինչպես մեծ գրող Մ. Գորկին էր ասում, դրանց գիրք-կենսագրություններ ստեղծելու գործը: Այս հարցում ևս անուրանալի է Կ. Կոզմոյանի վաստակը: Երևանի Ֆ. Ջերժինսկու անվան հաստոցաշինական գործարանի, Կիրովականի Ալ. Մյասնիկյանի անվան քիմիական կոմբինատի մասին 1956—1958 թթ. հրատարակված

<sup>1</sup> Տե՛ս Կ. Կոզմոյան, Ալավերդի, Եր., 1966, Հոկտեմբերյան, Եր., 1975, Հրազդան, Եր., 1986:

<sup>2</sup> Տե՛ս Կ. Կոզմոյան, Քաղաքների զարգացումը խորհրդային Հայաստանում, Եր., 1977:

<sup>3</sup> Տե՛ս Ք. Հակոբյան, խորհրդային Հայաստանի քաղաքները, Եր., 1977:

նրա աշխատություններին ավելացան նորերը<sup>4</sup>: Խորհրդային Հայաստանում քիմիական արդյունաբերության զարգացման պատմությանն է նվիրված պատմական գիտությունների թեկնածու Վ. Ավագյանի աշխատությունը<sup>5</sup>:

Հայաստանի բանվոր դասակարգի և գյուղացիության դաշինքի հարցը ինչ-որ չափով լուսաբանվել է խորհրդային Հայաստանի պատմությանը նվիրված աշխատություններում, սակայն այդ հարցին հանգամանորեն անդրադարձել է Բ. Յանջանյանը: Նրա մենագրությունը<sup>6</sup>, որը գրված է ժամանակի հասարակական-քաղաքական կյանքի ընդհանուր ֆոնի վրա, ընդգրկում է 1953—1965 թվականները:

Աշխատության մեջ արտացոլվել է ինչպես խորհրդային Հայաստանում բանվոր դասակարգի և գյուղացիության դաշինքի սոցիալ-քաղաքական հիմքերի ամրապնդման ուղղությամբ կատարված աշխատանքը, այնպես էլ ավելի հանգամանորեն վեր է հանվել այդ դաշինքի դերը գյուղատնտեսության զարգացման և գյուղի կուլտուրական վերելքի գործում: Ուշագրավ փաստեր են հրապարակվել պետության օգնության, շեֆական աշխատանքի, գյուղատնտեսության տեխնիկական զինվածության և գյուղատնտեսության մեջ գիտության ներդրման վերաբերյալ: Բացահայտված են բանվոր դասակարգի և կոլտնտեսային գյուղացիության դաշինքի առանձնահատկությունները խորհրդային հասարակության զարգացման նոր փուլում: Հետպատերազմյան տարիներին Անդրկովկասի ժողովուրդների բարեկամությունը լուսաբանված է Մ. Աղայանի մենագրության 4-րդ մասում<sup>7</sup>: Հեղինակը, ինչպես մենագրության մյուս մասերում, այնպես էլ այստեղ արծարծել է ոչ միայն Անդրկովկասի ժողովուրդների, այլև նրանց ու ռուս ժողովրդի միջև դարերով կոփված բարե-

<sup>1</sup> Տե՛ս Կ. Կոզմոյան, Երևանի Ստ. Շահումյանի անվան կաշվի գործարանի 75 տարին, Եր., 1969, Հոկտեմբերյանի պահածոների գործարանը, Եր., 1971, Քանաքեռի ալյումինի գործարանի 25 տարին, Եր., 1975, Վերելքի ճանապարհին, Եր., 1983:

<sup>2</sup> Տե՛ս Վ. Ավագյան, խորհրդային Հայաստանի քիմիական արդյունաբերության զարգացման պատմությունից (1927—1980), Եր., 1983:

<sup>3</sup> Տե՛ս Բ. Օհանջանյան, Հայաստանի բանվոր դասակարգի և գյուղացիության դաշինքի պատմությունից (1953—1965), Եր., 1970:

<sup>4</sup> Տե՛ս Агаян П., Вековая дружба народов Закавказья, ч. 4-я, Е., 1980:



կամուխյունը: Նա իրավացիորեն ժողովուրդների բարեկամությունը բնութագրել է որպես խորհրդային հասարակության հետպատերազմյան վերականգնման ու զարգացման պրոցեսի ակտիվ գործոն: Վեր են հանվել Անդրկովկասյան հանրապետությունների տնտեսական ու կուլտուրայի բնագավառների ձեռքբերումները:

1960—1980-ական թվականներին Հայկական ԽՍՀ գյուղում կատարված սոցիալական փոփոխությունների հարցին է նվիրված պատմական գիտությունների թեկնածու Վ. Հակոբյանի աշխատությունը<sup>1</sup>: Այն տվյալ պրոբլեմի հետազոտման առաջին փորձերից է: Փաստական, վիճակագրական հարուստ տվյալների հիման վրա հեղինակը վեր է հանել Խորհրդային Հայաստանի գյուղի ձեռք բերած նվաճումները, միաժամանակ ցույց է տվել ստվերոտ կողմերը: Աշխատության մեջ լայն տեղ է հատկացված գյուղի սոցիալ-տնտեսական կյանքի այնպիսի նոր երևույթի լուսաբանմանը, որպիսին ինտեգրացված էկոնոմիկայի զարգացումն է, միջտնտեսական միավորումների և ագրոարդյունաբերական ձեռնարկությունների ստեղծումը: Հանգամանորեն վերլուծված է Խորհրդահայ գյուղի սոցիալ-դասակարգային կառուցվածքը: Հեղինակի կարծիքով, կուլտնտեսային գյուղացիության կրճատման և սովխոզային բանվորների զգալի ավելացման հետևանքով կատարված որակական փոփոխությունները գյուղում հանգեցրին բանվոր դասակարգի աճին, որն էլ դարձավ գյուղի կենտրոնական դեմքը:

Բանվոր դասակարգի սոցիալական կառուցվածքի զարգացման պրոբլեմին է նվիրված պատմական գիտությունների թեկնածու Մ. Գրիգորյանի մենագրությունը<sup>2</sup>: Նրանում քննվում է տվյալ ժամանակաշրջանում Հայաստանում բանվոր դասակարգի կազմում կատարված քանակական ու որակական փոփոխությունների հարցը: Պրոբլեմը քննելով ԽՍՀՄ բանվոր դասակարգի կազմում տեղի ունեցած կառուցվածքային ընդհանուր փոփոխությունների ֆոնի վրա, աշխատության մեջ միաժամանակ բա-

ցահայտված են Հայաստանի բանվոր դասակարգի պատմություն մի շարք առանձնահատկություններ:

Խորհրդային Հայաստանի բանվոր դասակարգի շուրջ երկու տասնամյակ ժամանակաշրջանի պատմությունը հաջողությամբ է լուսաբանվել կոլեկտիվ մի աշխատության մեջ ևս<sup>3</sup>: Ա. Գրիգորյանցի և Հ. Կարապետյանի աշխատություններից հետո սա առաջին փորձն է ամբողջացնելու Խորհրդային Հայաստանի բանվոր դասակարգի պատմությունը:

Ինչ խոսք, հեղինակներին շենք կարող անգամ մի փոքրիկ ակնարկ անել այն մասին, որ չբթի վերնագիրը չի համապատասխանում այսօրվա բնորոշմանը, հասկանալի պատճառներով բացակայում է նաև «լճացման տարիներ» արտահայտությունը:

Աշխատությունը գրված է ԽՍՀՄ բանվոր դասակարգի պատմության ընդհանուր ֆոնի վրա, բանի որ, ինչպես ճիշտ նշվել է գրքի ներածության մեջ, Հայաստանի բանվոր դասակարգը լինելով Խորհրդային բաղմազգ բանվոր դասակարգի ջոկատներից մեկը, իր զարգացման ընթացքում հիմնականում անցել է այն նույն փուլերը, ինչ որ հատուկ էր ամբողջ երկրի բանվոր դասակարգին: Իհարկե, հաշվի են առնված հանրապետության և նրա բանվոր դասակարգի գործունեության առանձնահատկությունները:

Աշխատության մեջ Խորհրդային Հայաստանի բանվոր դասակարգի պատմությունը բաժանված է երեք փուլերի: Առաջին փուլն ընդգրկում է կապիտալիզմից սոցիալիզմին անցնելու ժամանակաշրջանը (1920-ից մինչև 1930-ական թվականների կեսերը), երկրորդը՝ մինչև 1960-ական թվականների սկիզբը, իսկ երրորդը՝ հետագա երկու տասնամյակները:

Առաջին և երկրորդ փուլերի մասին տրված ներածականից հետո, հետագա հինգ զլուխներում, հանգամանորեն քննվում են հետևյալ հարցերը. Հայաստանի ինդուստրիալ զարգացման հիմնական գծերը, հանրապետության բանվոր դասակարգի կազմում քանակական և որակական փոփոխությունները, բանվոր դասակարգը հանրապետության սոցիալական կառուցվածքում,

<sup>1</sup> ՏԷ՝ս Վ. Հակոբյան, Սոցիալական փոփոխությունները Հայկական ՍՍՀ գյուղում զարգացած սոցիալիզմի ժամանակաշրջանում, Եր., 1985:

<sup>2</sup> ՏԷ՝ս Մ. Գրիգորյան, Հայաստանի բանվոր դասակարգի կառուցվածքի զարգացումը զարգացած սոցիալիզմի ժամանակաշրջանում, Եր., 1980:

<sup>3</sup> ՏԷ՝ս Рабочий класс Советской Армении в период развитого социализма, Е., 1982: Հեղինակներ՝ Կ. Խոլզավերդյան (կոլեկտիվի ղեկավար), Ռ. Ազիզբեկյան, Ս. Ամիրյան, Մ. Գրիգորյան, Ա. Գրիգորյանց, Վ. Խոզարեկյան:



բանվոր դասակարգի աշխատանքային ակտիվության աճը, Հայաստանի ժամանակակից բանվորի սոցիալական նկարագիրը:

Պատմագիտական որոշակի արժեք ունի պրոբլեմի պատմագրական ակնարկը (հեղինակ՝ Կ. Խուդավերդյան): Ճիշտ մոտեցում է հանդես բերել Կ. Խուդավերդյանը, երբ Խորհրդային Հայաստանի բանվոր դասակարգի պատմագրության վերաբերյալ հրատարակված ամբողջ գրականությունը բաժանել է չորս խմբի՝ ա) աշխատություններ, որոնք վերաբերում են Հայաստանի բանվոր դասակարգի պատմության առանձին ժամանակաշրջաններին, բ) աշխատություններ, որոնք վերաբերում են բանվոր դասակարգի ճյուղային ջոկատների պատմությանը, գ) աշխատություններ, որոնք վերաբերում են Խորհրդային Հայաստանի պատմության ռեգիոնալ հարցերին, դ) աշխատություններ, որոնք վերաբերում են Խորհրդային Հայաստանում սոցիալիստական շինարարության առանձին ժամանակաշրջաններին, որոնցում բնդհանուր գծերով լուսաբանվում է նաև բանվոր դասակարգի պատմությունը:

Այնուհետև հեղինակն անցնում է հրատարակված աշխատությունների վերլուծությանը: Վեր հանելով նրանց արժանիքները, նա միաժամանակ բացահայտում է այնտեղ տեղ գտած թերություններն ու բացթողումները: Այսպես, բարձր գնահատելով Ա. Գրիգորյանցի և Հ. Կարապետյանի մենագրությունները, դրանք համարելով խորհրդահայ պատմագրության մեջ առաջինը տվյալ պրոբլեմի լուսաբանման ուղղությամբ, նա իրավացիորեն այդ երկու աշխատությունների գլխավոր թերությունը համարում է այն, որ դրանցում անտեսված է հանրապետության բանվոր դասակարգի պատմության պարբերացումը: Բացի այդ՝ «Բացահայտ անբավարար է ցույց տրված բանվոր դասակարգի հասարակական-քաղաքական պորժունեությունը, նրա դերը, որպես խորհրդային հասարակության առաջատար դասակարգի»<sup>1</sup>: Կ. Խուդավերդյանը Հ. Կարապետյանի աշխատության մեկ այլ թերություն է համարում այն, որ նրանում Հայաստանի բանվոր դասակարգի ձևավորման հարցը չի ստացել իր բազմակողմանի լուսաբանությունը: Խոսելով Վ. Բարսամյանի աշխատության մասին, հեղինակը գտնում է, որ նրանում բերված զգալի քանա-

կություններ փաստական նյութը շարադրված է էմպիրիկորեն, առանց անհրաժեշտ վերլուծության:

Անդրադառնալով Փ. Ենգոյանի աշխատություններին, Կ. Խուդավերդյանը նկատում է, որ հեղինակը խիստ անբավարար է վերհանել ինդուստրացման սոցիալական հետևանքները: Լ. Խուրչուղյանի աշխատությունը համարելով նախապատերազմյան տարիների սոցիալիստական մրցության պատմության վերաբերյալ խորհրդահայ պատմագրության մեջ միակը, նա միաժամանակ գտնում է, որ հետազոտված ժամանակաշրջանի ժամանակագրական շրջանակների սահմանափակությունը (մեկ հընգամյակ) հեղինակին հնարավորություն չի տվել բացահայտելու սոցիալիստական մրցության էությունը որպես խորհրդային հասարակության զարգացման նոր օրինաչափություն: Ա. Բաղմանյանի աշխատության հիմնական թերությունն այն է, որ նրանում անբավարար է Խորհրդային Հայաստանի վերաբերյալ փաստական և վիճակագրական-սոցիոլոգիական նյութը, որն անհրաժեշտ էր տեսական դրույթները հիմնավորելու համար:

Խորհրդային Հայաստանի բանվոր դասակարգի պատմությանն են նվիրված Հ. Հարությունյանի երկու աշխատությունները<sup>1</sup>: Խորհրդահայ պատմաբանները քիչ ենթողում շունեն տվյալ պրոբլեմի հետազոտման բնագավառում, սակայն նշված առաջին գրքում քննվում են այնպիսի հարցեր, որոնք մինչ այդ հարկ եղած չափով չեն լուսաբանվել: Աշխատության մեջ հանգամանորեն քննվում է բանվոր դասակարգի կազմում առաջացած քանակական ու որակական տեղաշարժերը, լայն տեղ է հատկացված բանվորական կադրերի պատրաստման ու որակավորման բարձրացման հարցերին:

Հայաստանի բանվոր դասակարգի պատմությունը ավելի խորն է հետազոտված Հ. Հարությունյանի երկրորդ գրքում, որը կարևոր նշանակություն ունի Խորհրդային Հայաստանի ամբողջական պատմության ստեղծման համար:

Այսպիսով, խորհրդահայ պատմաբանները զգալի աշխատանք են կատարել խորհրդային հասարակության պատմության գիտական հետազոտության բնագավառում: Լուսաբանվել են ինչպես նախապատերազմյան և հետպատերազմյան ժամանա-

<sup>1</sup> Տե՛ս Հ. Հարությունյան, Հայկական ԽՍՀ բանվոր դասակարգը սոցիալիզմի ամրապնդման և զարգացման ժամանակաշրջանում, Եր., 1983, նույնի՝ Խորհրդային Հայաստանի բանվոր դասակարգը (1938—1960 թթ.), Եր., 1987:

<sup>1</sup> Տե՛ս Рабочий класс..., էջ 209:



կաշրջանների պատմության հարցերը (Հ. էլիբեկյան, Ա. Հակոբյան, Գ. Շառոյան, Ս. Խարմանդարյան, Վ. Ղազախեցյան, Գ. Գեղամյան, Ս. Ամիրյան, Հ. Սելիքսեթյան, Կ. Կողմոյան, Կ. Խուրավերդյան և այլք), աչնպես էլ մեծ Հայրենականում հայ ժողովրդի մասնակցության հարցերը (Ա. Մնացականյան, Ե. Խալեյան, Ք. Գրիգորյան, Ա. Վարդապետյան և ուրիշներ):

#### 4. Խորհրդահայ մշակույթի պատմությունը, պատմագրությունը

Խորհրդային հասարակության պատմության կարևորագույն բնագավառներից մեկը կուլտուրական հեղափոխության հարցերի գիտական խոր ու համակողմանի հետազոտությունն է: Հայտնի է, որ կուլտուրական հեղափոխության իրականացումը պահանջում էր իսպառ վերացնել բնակչության անգրագիտությունն ու կիսագրագիտությունը, աշխատավորության մեջ լայնորեն ծավալել կուլտուր-լուսավորական աշխատանք, նրանց դարձնել քաղաքականապես գրագետ, դաստիարակել խորհրդային հայրենասիրության և պրոլետարական ինտերնացիոնալիզմի գաղափարներով, կազմակերպել աճող սերնդի կրթության և դաստիարակության գործը, ապահովել բարձրագույն դպրոցի, գիտության, գրականության ու արվեստի զարգացումը, աճեցնել ժողովրդական մտավորականություն:

Խորհրդահայ պատմագրությունը զգալի նվաճումներ ունի այդ պրոբլեմի լուսաբանման ուղղությամբ: Այդ գործում խորհրդահայ պատմաբաններից մեծ վաստակ ունի պատմական գիտությունների դոկտոր, պրոֆեսոր Կ. Խուրավերդյանը: Հայաստանում կուլտուրական հեղափոխության ամփոփ պատմությանն է նվիրված նրա մենագրությունը<sup>1</sup>: Նախքան բուն նյութի շարադրումը, հեղինակը հանգամանորեն կանգ է առնում Խորհրդային Հայաստանում կուլտուրական հեղափոխության պատմության պարբերացման հարցի վրա:

Գտնելով, որ ինչպես խորհրդային պատմագրության մեջ ընդունված է կուլտուրական հեղափոխությունը բաժանել 2 մեծ փուլերի՝ սոցիալիստական և կոմունիստական, հեղինակն այդ նույն պարբերացումը տարածում է նաև Խորհրդային Հայաստանի վրա: Միևնույն ժամանակ նա առաջին փուլն իր հերթին բա-

ժանում է երկու ժամանակաշրջանների ու գիտականորեն հիմնավորում իր տեսակետը: Առաջին ժամանակաշրջանը, որ նա անվանում է կուլտուրական հեղափոխության սկիզբը, ընդգրկում է 1920 թ. նոյեմբերի վերջից մինչև 30-ական թվականների սկիզբը, իսկ երկրորդը, որը նա անվանում է կուլտուրական հեղափոխության վճռական նվաճումների ժամանակաշրջան, ընդգրկում է 30-ական թվականները: Ահա այդ պարբերացման համապատասխան էլ շարադրված է մենագրությունը, որն աչքի է ընկնում փաստական արժեքավոր նյութերի առատությամբ և, որ ամենակարևորն է, գիտականությամբ, տեսական ընդհանրացումներով: Հեղինակին հաջողվել է խորապես բացահայտել խորհրդային իշխանության գոյության առաջին երկու տասնամյակների ընթացքում կուլտուրական հեղափոխության բարձր ուղիները, ճիշտ լուսաբանել պատմությունը՝ նրա բոլոր հիմնական ճյուղերով հանդերձ:

Խորհրդային Հայաստանում կուլտուրական հեղափոխությունը իրավացիորեն դիտելով որպես ԽՍՀՄ-ում կուլտուրական հեղափոխության բաղկացուցիչ մասը, ենթակա ԽՍՀՄ-ում սոցիալիստական մշակույթի զարգացման ընդհանուր օրինաչափություններին, Կ. Խուրավերդյանը միաժամանակ բացահայտել է կուլտուրական հեղափոխության օրինաչափություններն ու առանձնահատկությունները Հայաստանում, հիմնավորապես ցույց տվել կուլտուրական շինարարության սոցիալական հետևանքները: Նրա կարծիքով, կուլտուրական հեղափոխության կարևորագույն օրինաչափություններն են՝ նրա ժողովրդական բնույթը, այդ պրոցեսը կոմունիստական կուսակցության և խորհրդային կառավարության կողմից ղեկավարումը և, վերջապես, խորհրդահայ մշակույթի զարգացման սերտ առնչությունը սոցիալիստական մյուս ազգերի մշակույթին: Կ. Խուրավերդյանի կարծիքով, Խորհրդային Հայաստանում կուլտուրական հեղափոխության առաջին փուլի առանձնահատկություններն են՝ Խորհրդային Ռուսաստանի ավելի քան եռամյա փորձի օգտագործումը, նրա անշահախնդիր օգնությունը, հայ սոցիալիստական ազգի համախմբման պրոցեսին նպաստելը, սփյուռքահայ մշակույթի մեջ դեմոկրատական տարրերի ուժեղացման վրա ունեցած բարերար ազդեցությունը, Խորհրդային Հայաստանի ճանաչումը որպես ամբողջ հայ ժողովրդի հոգևոր կենտրոնի:

Ճիշտ մոտեցում է հանդես բերել պատմաբանը, երբ կուլ-

<sup>1</sup> Տե՛ս Худавердян К., Культурная революция в Советской Армении (1920—1940), Е., 1966:



տուրական հեղափոխության հաջողությունների մասին խոսելիս նշել է նաև առկա դժվարությունները: Այս տեսակետից նա տեղին է նշել նաև անհատի պաշտամունքի վնասակար հետևանքը խորհրդահայ մշակույթի բնագավառում:

Խորհրդահայ մշակույթի պատմությանը ընդարձակ տեղ է հատկացված «Հայ ժողովրդի պատմության» VII և VIII հատորներում: Քեմայի հիմնական մասը երկու հատորներում էլ գրել է Կ. Խուդավերդյանը: Խորհրդահայ գրականության մասին գրել է պրոֆ. Ս. Աղաբաբյանը, արվեստի տարբեր ճյուղերի մասին՝ արվեստաբաններ Լ. Խալաթյանը, Գ. Գյուղակյանը, Մ. Սարգսյանը, Լ. Բաբայանը, իսկ ճարտարապետությունը՝ պրոֆեսոր Վ. Հարությունյանը:

Ընդհանուր առմամբ խորհրդահայ մշակույթի բաժինները նշված երկու հատորներում հաջող են շարադրված, բայց, այդուհանդերձ, հարկ ենք համարում նշել մեկ-երկու դիտողություն: Խոսելով հետպատերազմյան տարիներին հայագիտության դարգացման մասին, հեղինակը նշում է միայն այն գիտնականների կատարած աշխատանքը, որոնք Հայկական ԽՍՀ գիտությունների ակադեմիայի անդամներ, թղթակից անդամներ կամ ուղղակի այդ հաստատության աշխատակիցներ են: Այնպիսի տպավորություն է ստեղծվում, թե գիտությունների ակադեմիայից դուրս գիտությունը չի զարգանում, հիշատակվելու արժանի գիտնականներ չկան: Դա, իհարկե, ճիշտ մոտեցում չէ: «Հայ ժողովրդի պատմության» VIII հատորում բոլորովին չի ներկայացված կուլտուր-լուսավորական աշխատանքը: Ոչ մի խոսք չկա պարբերական մամուլի մասին: Հատորում տեղ են գտել նաև փաստական որոշ անճշտություններ:

Կ. Խուդավերդյանի մեկ այլ աշխատության մեջ<sup>1</sup> փաստական հարուստ տվյալների հիման վրա Խորհրդային Հայաստանի օրինակով ցույց է տրվում խորհրդային ժողովուրդների մշակույթի մերձեցումն ու փոխհարստացումը: Հանգամանորեն վեր է հանվել ինչպես ԽՍՀՄ ժողովուրդների համագործակցությունը մշակույթի բնագավառում, այնպես և Խորհրդային Հայաստանի մշակութային միջազգային կապերը, այդ թվում՝ հայկական սփյուռքի մշակութային կենտրոնների հետ: Աշխատության մեջ

ընդգծվում է այն միտքը, որ ինտերնացիոնալիզմի ընդհանուր պրոցեսում մշակութային կապերի զարգացումը տանում է դեպի սոցիալիստական ազգերի միասնություն, նրանց հետագա վերելք: Խորհրդահայ մշակույթը դիտելով որպես խորհրդային ամբողջ մշակույթի մի անբաժանելի մաս, հեղինակը այն ճիշտ եզրակացությունն է հանգում, որ Խորհրդային Հայաստանը ևս իր արժանի ավանդն է ներդրում մեր երկրի մշակութային ու գիտատեխնիկական միջազգային կապերի ընդլայնման գործում:

Ժողովրդական տնտեսության վերականգնման տարիներին խորհրդահայ մշակույթի պատմությանն է նվիրված պատմական գիտությունների թեկնածու Վ. Ղազանջյանի աշխատությունը<sup>2</sup>: Այնտեղ ասված է, որ շնայած հանրապետության համար ստեղծված ծանր պայմաններին, այնուամենայնիվ հսկայական աշխատանք է կատարվել կուլտուրական շինարարության ասպարեզում: Դա կուլտուրական հեղափոխության առաջին շրջանն էր, երբ համաժողովրդական պայքար էր սկսվել անգրագիտության վերացման, ժողովրդական կրթության խորհրդային համակարգ ստեղծելու, խորհրդահայ գրականության, արվեստի զարգացման, աշխատավորության քաղաքական և կուլտուր-լուսավորական դաստիարակության համար: Աշխատության մեջ ցույց է տրված ՌեՅՍՁ-ի կուլտուրական շինարարության փորձի կիրառումը Խորհրդային Հայաստանում: Խորհրդահայ մշակույթի անբաժանելի մասն է կազմում Հայաստանում սոցիալիստական մտավորականության կազմավորումն ու զարգացումը: Այս կարևոր պրոբլեմին է նվիրված պատմական գիտությունների դոկտոր, պրոֆեսոր Գ. Խաչատրյանի մենագրությունը<sup>2</sup>: Հեղինակին հաջողվել է ցույց տալ կուլտուրական հեղափոխության կարևորագույն խնդիրներից մեկի՝ Հայաստանում նոր, սոցիալիստական մտավորականության ստեղծման պրոցեսի ամբողջական պատկերը: Աշխատության ակզբում հանգամանորեն խոսվում է Հայաստանի հին մտավորականության գաղափարական վերագրաստիարակման, հանրապետության ժողովրդական տնտեսության մեջ նրա ներգրավման ուղղությամբ ձեռնարկված միջո-

<sup>1</sup> Տե՛ս Վ. Ղազանջյան, Խորհրդահայ կուլտուրայի առաջին քայլերը, Եր., 1964:

<sup>2</sup> Տե՛ս Գ. Խաչատրյան, Հայաստանի սոցիալիստական ինտելիգենցիայի կազմավորումն ու զարգացումը, Եր., 1968:

<sup>1</sup> Տե՛ս Худавердян К., Культурные связи Советской Армении, Е., 1977.



ցառումների մասին: Այնուհետև փաստական կոնկրետ նյութի հիման վրա ավելի մանրամասն ցույց է տրվում նոր, սոցիալիստական մտավորական կադրերի պատրաստման պրոցեսը, բացահայտվում նրա դերը սոցիալիստական շինարարության գործում: Պատմաբանը չի խուսափել այն լուրջ դժվարությունների մատնանշումից, որոնք եղել են նոր, սոցիալիստական մտավորականություն ստեղծելու ճանապարհին: Աշխատության արժանիքներից է նաև այն, որ այստեղ մատնանշված են այդ դժվարությունները հաղթահարելու ուղիները:

Խորհրդային Հայաստանի փորձի հիման վրա մենագրությունում հանգամանորեն լուսաբանվում են ազգային մշակույթիների համագործակցության մի քանի հարցեր՝ ԽՍՀՄ ազգերի ու ազգությունների համար ընդհանուր կրթություն ու աճող սերնդի դաստիարակություն, մասնագետների պատրաստման միասնական համակարգի ստեղծում, ազգային մշակույթների տասնօրյակների և փառատոների անցկացում, գեղարվեստական ցուցահանդեսների փոխանակում, մշակույթի ու գիտության գործիչների պարբերական հանդիպումներ, զբոսի միամսյակների ու տասնօրյակների, կինոփառատոների, միութենական հանրապետություններին նվիրված ռադիո և հեռուստատեսային հաղորդումների կազմակերպում, միութենական մասշտաբով արվեստի ու գրականության նշանավոր գործիչների հոբելյանների, մշակութային տարելիցների նշում, ազգային լեզուների անկաշկանդ զարգացման ուղղությամբ կուսակցության լենինյան բաղաբականության անշեղ կիրառում և այլն: Գ. Խաչատրյանը գտնում է, որ ինտերնացիոնալիստական մշակույթը չի բացառում ազգայինը, ինչպես որ ազգայինը չի բացառում ինտերնացիոնալիստականը: Սակայն մեր կարծիքով, Գ. Խաչատրյանի աշխատության մեջ կան վիճելի և անընդունելի տեսակետներ: Օրինակ, մենք առարկելի ենք համարում ԽՍՀՄ ազգերի և ազգությունների կրթության ու դաստիարակության մի ընդհանուր, միասնական համակարգ ստեղծելու մասին նրա պահանջը:

Խորհրդահայ մշակույթի մի ուրույն հարց է հետազոտել պատմական գիտությունների ղոկտոր, պրոֆեսոր Ա. Գրիգորյանցը<sup>1</sup>: Եթե Գ. Խաչատրյանի մենագրության մեջ ներկայաց-

ված է խորհրդահայ մտավորականության պատմությունը ամբողջությամբ, ապա հիշյալ մենագրության նպատակն է եղել ներկայացնել խորհրդահայ բազմահաղարանոց մտավորականության միայն մի ջոկատի՝ արտագրական-տեխնիկական մտավորականության կազմավորման և զարգացման պատմությունը: Մենագրության մեջ հանգամանորեն վեր է հանվել այն հսկայական աշխատանքը, որ 1920-ական թվականներից սկսած տարվել է, մի կողմից, տեխնիկական նախկին մտավորականությանը հանրապետությունում սոցիալիստական շինարարության մեջ ներգրավելու, իսկ, մյուս կողմից, ազգային ինժեներատեխնիկական նոր կադրերի պատրաստման համար պայմաններ ստեղծելու ուղղությամբ: Միաժամանակ ցույց է տրվել ամբողջ խորհրդային տեխնիկական մտավորականության և ԽՍՀՄ տեխնիկական ուսումնական հաստատությունների բարերար ազդեցությունն ու օգնությունը Հայաստանում ինժեներատեխնիկական մտքի զարգացման, հանրապետության համար ինժեներատեխնիկական ազգային կադրերի պատրաստման գործում:

Աշխատության արժանիքներից է և այն, որ նրանում բնութագրված է նաև նախախորհրդային Հայաստանում ինժեներատեխնիկական աշխատանքների կիրառման, հայ տեխնիկական մտավորականության ծագման, հասկապես Ռուսաստանի բարձրագույն և միջնակարգ տեխնիկական ուսումնական հաստատությունների բացառիկ դերը հայ ինժեներների և տեխնիկների պատրաստման գործում:

Խորհրդային իշխանության կուլտուրական ձեռնարկումների շարքում առանձնահատուկ տեղ է գրավում Խորհրդային Հայաստանի առաջին բարձրագույն ուսումնական հաստատության՝ Երևանի համալսարանի վերաբացումը: Համալսարանը բացառիկ դեր է խաղացել մեր ժողովրդի սոցիալիստական մշակույթի զարգացման, բարձրորակ մասնագետների պատրաստման գործում: Նրա հիմքերի վրա էր, որ հետագայում ճյուղավորվեցին մեր հանրապետության մյուս բարձրագույն ուսումնական հաստատությունները:

Այս տեսակետից դրական քալլ պետք է համարել պատմական գիտությունների թեկնածու Լ. Ղարիբջանյանի խորագնին հետազոտությունը, որը նվիրված է Երևանի համալսարանի

<sup>1</sup> Տճ՝ А. Григорянц А., Формирование и развитие технической интеллигенции Армении (1920—1965), Е., 1966:



առաջին տասնամյակի գործունեության պատմությունը<sup>1</sup>: նրան հաջողվել է արխիվային փաստաթղթերի, պարբերական մամուլի և այլ հարուստ նյութերի հիման վրա վեր հանել համալսարանի մանկավարժական, գիտական ու մեթոդական գործունեությունը՝ այն սերտորեն առնչելով հանրապետության քաղաքական-տնտեսական, հասարակական ու մշակութային կյանքի, ինչպես նաև խորհրդային ամբողջ երկրի բարձրագույն դպրոցի զարգացման պատմության հետ:

Քիչ դժվարություններ չի հաղթահարել հեղինակը: Համալսարանի հիմնադրման ու նրա զարգացման գործում մեծ ներդրում ունեցած շատ գիտնականներ ու դասախոսներ, մանավանդ ներանք, ովքեր կենդանի չէին, տարիներ շարունակ հարկ եղած գնահատականի չէին արժանացել, իսկ անհատի պաշտամունքի գոհ դարձածներն էլ իսպառ մոռացության էին մատնվել: Լ. Ղարիբջանյանի աշխատության մեջ վերոհիշյալ գիտնականների ու դասախոսների աշխատանքը գնահատվել է ըստ արժանվույն: Նա կատարել է բազմաթիվ փաստական կարևոր ճշգրտումներ, ջանասիրությամբ կազմել է համալսարանի դասախոսների կենսագրականները, որոնց շնորհիվ համալսարանի պատմության շատ հարցեր նորովի են լուսաբանվել:

Հրատարակվել են նաև գրքեր, որոնցում համառոտակի լուսաբանվում է հայագիտության փայլուն համաստեղության երկու երախտավորների կյանքն ու գործունեությունը, արժեքավորվում է նրանց գիտական հարուստ ժառանգությունը<sup>2</sup>:

Հայաստանում խորհրդային կարգերի հաստատման կեսդարյա հորեկյանի առթիվ Երևանի համալսարանի հրատարակչությունը լույս ընծայեց «Հայագիտությունը 50 տարում» կոլեկտիվ աշխատությունը: Գրքի մեծ մասը նվիրված է 50 տարում հաջ ժողովրդի պատմության ուսումնասիրության հարցին (հեղինակ՝ պրոֆ. Ս. Պողոսյան): Այնուհետև համառոտակիրեն ներկայացված է աղբյուրագիտության (հեղինակ՝ պրոֆ. Ա. Աբրահամյան), ազգագրության (հեղինակ՝ պրոֆ. Վ. Բոդյան), իրավագիտության (հեղինակ՝ պրոֆ. Ս. Սուքիասյան) և մանկավարժա-

կան մտքի (հեղինակ՝ գիտ. թեկնածու Ա. Իգնատյան) զարգացումը:

Մենք ստորև կխոսենք միայն խորհրդահայ պատմագիտությանը նվիրված բաժնի մասին, որը, ցավոք, գրված է գիտական ցածր մակարդակով:

Նախ և առաջ՝ խախտված է մարքս-լենինյան պարբերացման սկզբունքը: Ինչպես հայտնի է, հայագիտության կողմից վաղուց հաստատվել է, որ Հայաստանը ևս ապրել է հասարակական-տնտեսական հինգ ֆորմացիաները, սակայն պրոֆ. Ս. Պողոսյանը, շեղվելով այդ ճիշտ սկզբունքից, հայ ժողովրդի պատմությունը բաժանում է 4 ֆորմացիաների: Նա առաջին երկու ֆորմացիաները՝ նախնադարյան-համայնական և ստրկատիրական, միավորելով մեկ ֆորմացիայի մեջ, անվանում է նախաֆեոդալական: Սա գիտական ճիշտ մոտեցում չէ, նման ֆորմացիա չի եղել: Խճճված են ներկայացված նաև ֆեոդալիզմի և կապիտալիզմի ժամանակաշրջանները:

Հեղինակը խորհրդահայ պատմագրության զարգացումը պատմական հաջորդականությամբ չի շարադրել, այլ անսխտեմ, խառնաշփոթ: Ինչպես կարելի է, օրինակ, նախ խոսել 1905—1907 թթ. հեղափոխական շարժումների, 1920 թ. Մայիսյան ապստամբության վերաբերյալ հրատարակված պատմագիտական գրականության մասին, հետո վերադառնալ XIX դարի երկրորդ կեսի հասարակական հոսանքների, ապա ավելի հետ՝ Ռուսաստանի հետ Արևելյան Հայաստանի միացման հարցին նվիրված աշխատություններին: Նման օրինակները շատ են:

Աշխատության մեջ մի շարք կարևոր թեմաներ, որոնց լուսաբանումը խորհրդահայ պատմագրության ակնառու նվաճումներից է, բոլորովին անտեսված են: Դրանք են՝ Վ. Ի. Լենինի, խորհրդային Ռուսաստանի դերը հայ ժողովրդի ազատագրման գործում, Արևմուտքի բուրժուական և թուրքական պատմագրության կեղծարարության քննադատությունը, հայկական սփյուռքը, հայ մշակույթը և այլն: Զափազանց թուլացիկ է խոսվել այնպիսի հանգուցային պրոբլեմի մասին, ինչպիսին, օրինակ, հայ-ռուսական հարաբերությունները և Ռուսաստանի հետ Արևելյան Հայաստանի միացումն է:

Այդ աններելի բացթողման հետևանքով, բնականաբար, Ս. Պողոսյանի աշխատության մեջ չեն հիշատակված վերոհիշյալ

<sup>1</sup> Տե՛ս Լ. Ղարիբջանյան, Երևանի պետական համալսարանը (1920—1930 թթ.), Եր., 1965, նույնը ռուսերեն, Ե. 1971:

<sup>2</sup> Տե՛ս Վ. Յուզբաշյան, Ակադեմիկոս Հովսեփ Աբգարի Օրբելի, Եր., 1970, երկրորդ հրատ., Եր., 1988, Լ. Բաբայան, Վ. Հակոբյան, Հակոբ Մանանդյան, Եր., 1974:



թեմաների մասին գրված շատ արժեքավոր աշխատություններ: Ավելին, աշխատության մեջ բնթերցողը չի գտնի վաստակաշատ այնպիսի պատմաբանների անուններ, ինչպիսիք են ականավոր հայագետ, ակադեմիկոս Հ. Օրբելին, ՀԽՍՀ ԳԱ թղթակից անդամներ Լ. Մելիքսեթ-Բեկը, Մ. Հասրաթյանը, գոկտոր, պրոֆեսորներ Մ. Արզումանյանը, Հ. Սիմոնյանը, Կ. Խուզավերդյանը, Վ. Դիլոյանը, Ղ. Գալլաթյանը, Մ. Զուլալյանը, Գ. Գեղամյանը, Վ. Բայբուրդյանը, գիտության թեկնածուներ Դ. Մուրադյանը, Ք. Գրիգորյանը և շատ ուրիշներ:

Ս. Պողոսյանը խորհրդահայ պատմագրությունը շարադրել է խորհրդային ամբողջ պատմագրությունից կտրված: Աշխատության առաջին զուխը նվիրված է խորհրդահայ պատմագիտության զարգացման հարցերին: Հայտնի է, որ այն զարգացել է ԽՍՀՄ պատմական գիտության զարգացման հետ սերտորեն առնչված և նրա բարերար ազդեցության տակ, մինչդեռ աշխատության մեջ այդ մասին ոչ մի խոսք չկա: Դրա հետևանքով շեղ հիշատակվել խորհրդահայ պատմագրության զարգացման գործում արժանի ներդրում կատարած այնպիսի ոչ հայ գիտնականների անուններ, ինչպիսիք են Ն. Մառը, Ի. Զավախիշվիլին, Բ. Պիոտրովսկին, Կ. Տրեբեր, Ի. Պետրուշևսկին, Ի. Դյակոնովը և ուրիշներ: Զարմանալի է, օրինակ, որ հեղինակը, խոսելով հայ ժողովրդի ծագման մասին, նշում է «Լենինյան ուղիով» ամսագրում տպագրված իր հոդվածը, մինչդեռ Բ. Պիոտրովսկու<sup>1</sup>, Ի. Դյակոնովի<sup>2</sup> այդ հարցին նվիրված աշխատությունները չի հիշատակում:

Եթե վերոհիշյալ գիտողություններին ավելացնենք նաև այն, որ Ս. Պողոսյանի աշխատության մեջ տեղ են գտել բազմաթիվ սխալ ու հակասական մտքեր, գիտնականների տեսակետների աղավաղումներ, սխալ գնահատումներ, փաստական անճշտություններ և այլն, ապա միանգամայն պարզ կդառնա, թե գիտական ինչ մակարդակով է ներկայացված խորհրդահայ պատմագրության զարգացումը 50 տարում: Բերենք մի քանի բնորոշ օրինակներ: Գրքի 81-րդ էջում Ս. Պողոսյանը

գրում է, թե Վ. Ռշտունին նշել է, որ «ոեֆորմի անցկացումով փաստորեն օրինականացվեց, ձևակերպվեց գյուղացիների ճորտացումը Հայաստանում»: Ակնբրև է, որ ոչ ոք, մասնավանդ գյուղացիական ոեֆորմի պատմության այնպիսի խորագիտակ, ինչպիսին Վ. Ռշտունին, չէր կարող նման արտաոտց բան գրել և իրոք չի գրել: Ս. Պողոսյանը գրում է, թե, իբր, Աշ. Հովհաննիսյանը իր՝ «Նալբանդյանը և նորա ժամանակը» աշխատության մեջ (էջ 489) արևմտահայերի «Ազգային սահմանադրությունը» իր բոլոր թերություններով հանդերձ բնութագրում է որպես առաջադիմական երևույթ արևմտահայերի ազգային-ազատագրական պայքարում՝ «բայտ էության ուղղված լինելով ոչ միայն թուրքական կամայականությունների և բռնությունների, այլև հայ ամիրայության և նրա հաստատած ոեժիմի դեմ» (էջ 104), Այստեղ բացարձակապես աղավաղված են Աշ. Հովհաննիսյանի մտքերը: Նա սահմանադրությանը նման գնահատական չի տվել, այլ պարզապես գրել է, որ «սահմանադրություն կոչված ազգային-եկեղեցական կարկատանք, բոլոր իր թերություններով մեկտեղ, առաջադիմական մի քայլ էր հին ամիրայական ոեժիմի համեմատությամբ:

Ս. Պողոսյանը գրքի նույն էջում նշում է, որ Աշ. Հովհաննիսյանը արևմտահայերի ու արևելահայերի մոտ բնդոնում է հասարակական շրտ հոսանք, մեկ այլ տեղ (էջ 117) արևմտահայերի մոտ՝ երեք, իսկ արևելահայերի մոտ հինգ հոսանք: Միայն մեկ՝ 127-րդ էջում **3 անճշտություն** կա: Խոսելով Հ. Թուրքյանի «Սարգարապատի հերոսամարտը» գրքի մասին, նա գրում է. «Այդ գրքում հեղինակը լուսարանում է, թե ինչպես դաշնակցությունը իր անհեռառես քաղաքականությամբ Հայաստանը մեկուսացրեց Խորհրդային Ռուսաստանից և այն դրեց թուրքական ներխուժման սպառնալիքի տակ»: Իսկ ո՞վ ասաց, թե Հայաստանը Խորհրդային Ռուսաստանից մեկուսացրել է միայն դաշնակցությունը: Իսկ մենշևիկները, մուսավաթականները, Անդրկովկասյան կոմիսարիատը, սե՞յմը: Մի՞թե պատմական փաստերը կարելի է այսպես միակողմանի ներկայացնել: Այնուհետև, մի քանի տող ներքև ասված է, թե, իբր, Թուրքյանը ցույց է տալիս դաշնակցական կառավարության անձարակությունը և թուրքական գորքերի ներխուժումը Արևելյան Հայաստան: Մինչդեռ հանրահայտ է, որ այդ ժամանակ դաշ-

<sup>1</sup> Сб. П. Пиотровский Б., О происхождении армянского народа, Е., 1946:

<sup>2</sup> Сб. Дьяконов И., Предистория армянского народа, История армянского нагорья, Е., 1968:



նակցական կառավարություն դեռ չկար, այն ձևավորվել է Սարգարապատի ճակատամարտից հետո:

Նշենք մի քանի փաստական սխալներ: Աշխատության 123—124-րդ էջերում հեղինակը գրում է: Թե հայ իրականության մեջ XIX դարի երկրորդ կեսին ձևավորվեցին հասարակական հոսանքներ և այդ նույն ժամանակներին կազմակերպվեցին նաև քաղաքական կուսակցություններ՝ հնչակյան, ռամկավարական և դաշնակցական ու կոմունիստական կազմակերպություններ: Որտեղի՞ց է այս փաստը: Նախ՝ պետք է գրվեր ոչ թե ռամկավարական, այլ արմենական և հետո՝ հայ իրականության մեջ կոմունիստական կազմակերպությունները ստեղծվել չեն XIX դարի երկրորդ կեսին:

Աշխատության 136-րդ էջում ասված է, որ Հովհաննիսյան հեղափոխությունից հետո Անդրկովկասում, այդ թվում Հայաստանում, կազմակերպվում են բանվորական, գյուղացիական և զինվորական խորհուրդներ, մինչդեռ հայտնի է, որ այդ խորհուրդները ստեղծվել են փետրվարյան հեղափոխությունից հետո:

Աշխատության 6-րդ էջում հեղինակը գրում է, թե 1943 թ. Հայկական ԽՍՀ ԳԱ կազմում ստեղծվեց նաև պատմության ինստիտուտ, մինչդեռ այն ստեղծվել և գործում էր դեռևս Արմֆանի ժամանակ՝ 1935-ից:

Աշխատության 113-րդ էջում Աշ. Հովհաննիսյանը համարվել է Մայիսյան ապստամբության մասնակից, մինչդեռ նա այդ ժամանակ Հայաստանում չէր գտնվում: Մեկ այլ փաստ: Հեղինակը աշխատության բազմաթիվ էջերում խոսում է Կոռյի «Հայոց պատմության» երկրորդ և երրորդ հատորների մասին, մինչդեռ այդ հատորները խորհրդահայ պատմագրության մեջ չեն մտնում, դրանք գրվել են մինչև Հայաստանում խորհրդային կարգերի հաստատումը, բայց հրատարակվել են հեղինակի մահից հետո՝ 1946—1948 թվականներին:

Խորհրդահայ պատմագրության մասին հրատարակվել են նաև առանձին հոդվածներ: Խորհրդային Հայաստանի պատմության պատմագրությունը ամփոփ և հակիրճ շարադրել են Կ. Խուրշուդյանը և Լ. Խուրշուդյանը<sup>1</sup>: Վեր հանելով խորհրդահայ պատմաբանների կատարած աշխատանքը, նրանք միաժա-

մանակ նշել են այդ բնագավառում դեռևս առկա սխալներն ու թերությունները, ինչպես նաև առաջ են քաշել խորհրդահայ պատմագրության առջև ծառայած մի շարք կարևոր հարցեր: Տեղին է նրանց դիտողությունը այն մասին, որ Խորհրդային Հայաստանի սոցիալիստական շինարարության տարբեր փուլերի պատմությանը նվիրված շատ աշխատությունների հեղինակներ, հիմնական ուղագրությունը բեռեղծով աշխատավորության պայքարի վրա՝ տնտեսական հարցերը լուծելու, ժողովրդական տնտեսության հնգամյա պլանները կատարելու համար անբավարար են բացահայտել հասարակական-քաղաքական կյանքը: Այդ պատճառով էլ մի շարք աշխատություններ կրում են պատմատնտեսագիտական բնույթ: Գրանից բացի, մի շարք աշխատություններում, իրավացիորեն գրում են հեղինակները, չեն բացահայտված Խորհրդային Հայաստանի սոցիալիստական շինարարության պրոցեսում եղած դժվարությունները, թույլ տրված սխալները:

Կ. Խուրշուդյանի և Լ. Խուրշուդյանի մեկ այլ հոդվածում ևս բնվում է Հայաստանում խորհրդային կարգերի հաստատման և քաղաքացիական կռիվների պատմագրության հարցը<sup>2</sup>: Սակայն համառոտակիրեն վեր հանելով և ընդհանուր առմամբ ճիշտ բնութագրելով մատնանշված պրոբլեմի լուսաբանման ուղղությամբ խորհրդահայ պատմաբանների կատարած աշխատանքը, առաջ քաշելով նաև դեռևս ուսումնասիրության կարոտ հարցեր, հեղինակները, ցավոք, փորձ անգամ չեն արել կոնկրետ փաստերով բացահայտել այն լուրջ սխալները, որոնք տեղ են գտել խորհրդահայ պատմագրության մեջ:

ԽՍՀՄ կազմավորման 50-ամյակի առթիվ նույն հեղինակները հանդես են եկել ազգային-պետական շինարարության պատմության պատմագրությանը նվիրված հոդվածով<sup>3</sup>: Այստեղ էլ նրանք ըստ արժանվույն են գնահատել պրոբլեմի լուսաբանման ուղղությամբ կատարված աշխատանքը, մատնանշելով նաև այն կարևոր խնդիրները, որոնք դեռևս կարոտ են լուսաբանության:

<sup>1</sup> Տե՛ս Կ. Խուրշուդյան, Լ. Խուրշուդյան, Проблема истории установления Советской власти и гражданской войны в Армении в советской армянской историографии, ИФЖ, 1971, № 3.

<sup>2</sup> Տե՛ս Կ. Խուրշուդյան, Լ. Խուրշուդյան, Ազգային-պետական շինարարության պատմության պրոբլեմը սովետահայ պատմագրության մեջ, ՀԽՍՀ ԳԱ «Լրագիր», 1982, № 6:

<sup>1</sup> Տե՛ս Կ. Խուրշուդյան, Լ. Խուրշուդյան, Историография истории Советской Армении, Историко-филологический журнал, 1965, № 3.



Հողվածում հեղինակները կանգ են առել հետևյալ հարցերի վրա՝ «Թուրքահայաստանի մասին» խորհրդային Ռուսաստանի ժողովրդական հեղինակները և նրա նշանակությունը, Հայկական խորհրդային պետականության ձևավորումը, ազգային հարցի լուծումը և ազգային խաղաղության հաստատումը Անդրկովկասում, Անդրֆեդերացիայի և ԽՍՀՄ կազմավորումը, Հայկական ԽՍՀ խորհուրդների գործունեությունը:

Հեղինակները ճիշտ են նշում այն պատմաբանների անունները (Ս. Ալիխանյան, Ա. Մնացականյան, Մ. Արզումանյան, Լ. Խուրշուդյան), ովքեր ի լրումն խորհրդահայ պատմագրության մեջ մինչ այդ ընդունված կարծիքի, ավելացրել են «Թուրքահայաստանի մասին» դեկրետի մշակման գործին մասնակիցների թիվը՝ ինչպես բոլշևիկ գործիչներով, այնպես էլ ձախ էսէռների և դաշնակցության ներկայացուցիչներով: Առանձնապես հարկ է նշել այդ կարևոր փաստաթղթի մշակման գործին Ստ. Շահումյանի մասնակցության հարցի լուսաբանումը: Հեղինակները նշելով, որ շնայած այդ մասին չկան ուղղակիորեն վկայող փաստական տվյալներ, բայց համոզիչ կերպով հիմնավորել են այն:

Հայաստանի նոր պատմության պատմագրությանը անդրադարձել են Վ. Դիրոյանը, Հ. Ղազարյանը և Գ. Մուրադյանը: Հեղինակները համառոտակի ցույց են տվել այն աշխատանքը, որ կատարվել է խորհրդահայ պատմաբանների կողմից այդ բնագավառում: Նրանք շոշափել են նաև վիճելի պրոբլեմները: Անդրադառնալով հայերի ռուսական կողմնորոշման հարցին, նրանք իրավացիորեն նշում են, որ այդ հարցում կան տարբեր տեսակետներ: Պատմաբանների մի խումբը (Վ. Ոսկանյան, Ա. Աբրահամյան, Պ. Հարությունյան, Զ. Գրիգորյան), հենվելով Մոսկովյան պետության հետ հայերի առևտրական և մշակութային կապերի վերաբերյալ եղած տվյալների վրա, գտնում է, որ հայ ազատագրական շարժման ռուսական կողմնորոշումը պետք է ավելի հին ժամանակներին վերագրել, իսկ պատմաբանների մյուս խումբը (Աշ. Հովհաննիսյան, Վ. Պարսամյան՝ և ուրիշներ), նշելով, որ առևտրական և մշակութային հարաբերությունների մասին եղած առանձին էպիզոդիկ փաստերը ղեռնալեն վկայում հայերի ազատագրական շարժման քաղաքական

կողմնորոշման առկայությունը, ռուսական կողմնորոշման ձևավորումն ու հաղթանակը կապում են Իսրայել Օրու գործունեության ժամանակաշրջանի հետ:

Հեղինակները ճիշտ են նշում նաև պատմագրության մեջ գոյություն ունեցող երկու տարբեր տեսակետներն այն մասին, որ որոշ պատմաբաններ հայերի սպառազրական շարժման նպատակը համարում են Ռուսաստանին միանալը, իսկ մյուսները՝ Ռուսաստանի օգնությամբ իրենց պետականության վերականգնումը:

Հեղինակներն առաջ են քաշում նաև խորհրդահայ պատմագրության առջև ծառայած կարևոր խնդիրները՝ ավելի խոր լուսաբանել հայ ժողովրդի ազատագրական պայքարի գաղափարախոսությունը, ազատագրական շարժումները Արևմտյան Հայաստանում, սոցիալ-տնտեսական հարաբերությունները, հասարակական-քաղաքական հոսանքները, հայ քաղաքական կուսակցությունների գործունեության ճիշտ գնահատումը և այլն:

Խորհրդային Հայաստանում պատմագիտության զարգացման համառոտ ակնարկով հանդես են եկել Լ. Բաբայանը և Վ. Բարխուդարյանը՝ խորհրդային Հայաստանի 50-ամյակին նվիրված ժողովածուի մեջ: Հեղինակները բացահայտել են հայ ժողովրդի պատմության բազմաթիվ պրոբլեմների լուսաբանման բնագավառում խորհրդահայ պատմաբանների կատարած մեծ աշխատանքը:

Քննվում են խորհրդահայ պատմագրության մեջ վիճելի մի շարք կոնցեպցիաներ, ինչպես, օրինակ, Հայաստանում հասարակական-տնտեսական ֆորմացիայի, գյուղացիության ճորտացման պրոցեսի, հայ ազատագրական շարժման բնույթի ու նպատակի մասին և այլն: Զգալի տեղ է հատկացված նաև Հայաստանի կոմկուսակցության և կոմերիտմիության պատմության ուսումնասիրության ուղղությամբ կատարված աշխատանքին: 1984 թ. լույս տեսավ մի նոր ժողովածու՝ նվիրված խորհրդային Հայաստանում գիտության նվաճումներին՝ պատմագրությանը: Այդ բնագավառում կատարված աշխատանքի մասին գրել է Կ. Խուրավբեգյանը: Խորհրդային Հայաստանում ժողովրդական տնտեսության վերականգնման ժամանակաշրջանի վերաբերյալ

1 Տե՛ս Дилоян В., Казарян Г., Мурадян Д., Историкографический очерк новой истории Армении, «Вестник» АН Арм. ССР, 1967, № 3.

1 Տե՛ս Գիտությունը Հայաստանում 50 տարում, Եր. 1973:

2 Տե՛ս Достижения науки Советской Армении, Е., 1984:



հրատարակված աշխատությունների պատմագրական վերլուծությանն է նվիրված Բ. Օհանջանյանի մեծագրությունը<sup>1</sup>: Անշուշտ, նման աշխատությունները նպաստում են խորհրդահայ պատմագրության հետագա զարգացման գործին, մանավանդ հեղինակը լրացուցիչ նյութերով հարստացրել է այդ ժամանակաշրջանի խորհրդային Հայաստանի պատմությունը: Գրանք վերաբերում են առանձնապես կուսակցական և խորհրդային շինարարությանը, կոմերիտմիությունը, կանանց շրջանում տարվող աշխատանքին, գյուղում դասակարգային պայքարի սրմանը, ՀԿ(Բ)Կ քաղաքական աշխատանքին և այլն, որոնք անբավարար են լուսարանված պատմակուսակցական գրականության մեջ: Հեղինակը պատմաբանների աշխատությունների վերաբերյալ արել է նաև մի շարք դիտողություններ, որոնք վերաբերում են արխիվային և կարևոր այլ նյութերի անբավարար օգտագործմանը, խորհրդային Ռուսաստանի համեմատությամբ հանրապետության առանձնահատկությունների ոչ լրիվ բացահայտմանը, Հայաստանում ռազմական կոմունիզմի քաղաքականության կիրառման անհրաժեշտության, նրա բացասական հետևանքների և կիրառման տևողության, ինչպես նաև նէպին անցնելու ժամկետներին, Հայաստանում ամենովեխականության գոյության, Հայաստանի արհմիությունների պատմության առանձին հարցերին և այլն:

Բ. Օհանջանյանը քննադատում է պատմաբաններ Ա. Հակոբյանին, Վ. Ներկարարյանին, Ա. Խարմանդարյանին, Ս. Սահրադյանին, Մ. Աղաջանին, Ծ. Հարությունյանին այն բանի համար, որ նրանք իրենց աշխատություններում զրականորեն փնզնահատել Հայաստանում ռազմական կոմունիզմի քաղաքականությունը: Նրա կարծիքով այդ քաղաքականությունը չպետք է կիրառվեր Հայաստանում, որովհետև զրա անհրաժեշտությունը չկար, ընդհակառակը՝ վնասակար էր և ունեցավ ծանր հետևանքներ: Ըստ նրա, այդ քաղաքականությունը Հայաստանում ոչ թե ամրապնդեց, այլ զգալիորեն թուլացրեց խորհրդային կարգերը: Ի դեպ, Բ. Օհանջանյանը գտնում է, որ Հայաստանում չի էլ կիրառվել ռազմական կոմունիզմի քաղաքականություն: Դա, գրում է նա, բռնագրավումների քաղաքականություն էր, որն, իբր,

պատմական գրականության մեջ սխալմամբ համարվել է ռազմական կոմունիզմ<sup>1</sup>: «Հայաստանում կենսագործվում էր ոչ թե պարենմասնատրման քաղաքականություն, ինչպես Ռուսաստանում, — գրում է նա, — այլ բռնագրավումների, կոնֆիսկացիայի քաղաքականություն, որը վարկարեկում էր խորհրդային իշխանությունը: Չոր բռնագրավումների քաղաքականությունը նույնացնել ռազմական կոմունիզմի քաղաքականության հետ, կուպիտ սխալ է, որը թույլ են տվել մեր պատմաբաններից շատերը<sup>2</sup>: Բ. Օհանջանյանը գտնում է նաև, որ ճիշտ չեն այն պատմաբանները, ովքեր ռազմական կոմունիզմի քաղաքականության վերջը համարում են 1921 թ. ապրիլը և կամ հունիսը: Նրա կարծիքով, այդ քաղաքականությունը դաշնակցականների փետրվարյան խռովությունից առաջ՝ փետրվարի սկզբներին, արդեն վերացել էր:

Հայաստանում խորհրդային կարգերի հաստատման պրոբլեմը խորհրդահայ պատմագրության մեջ թեմայով հրատարակվել է պատմական գիտությունների թեկնածու Պ. Մայիլյանի գրքույկը<sup>3</sup>: Հեղինակը ցույց է տալիս 1920—1930-ական թվականներին խորհրդահայ պատմաբանների (Աշ. Հովհաննիսյան, Վ. Պարսամյան, Մ. Ներսիսյան և ուրիշներ) կատարած աշխատանքը տվյալ պրոբլեմի լուսաբանման բնագավառում, միաժամանակ նշելով, որ անհատի պաշտամունքի հետևանքով այդ պրոբլեմի շատ կողմեր չեն ստացել իրենց ճշմարտացի լուսաբանումը: Հաղթահարելով անհատի պաշտամունքի հետևանքով ստեղծված դժվարությունները, խորհրդահայ պատմաբանները պրոբլեմի գիտական հետազոտությանը ձեռնամուխ եղան 1950-ական թվականների կեսերից: Այս համառոտակի վերլուծվում են հրատարակված աշխատությունները: Ճիշտ է հեղինակի այն դիտողությունը, թե, չնայած նշանակալի եվաճումների, մի շարք հարցեր, ինչպիսիք են՝ դաշնակցական կառավարության վարած ներքին քաղաքականությունը, ազգային կուսակցությունների, Անդրկով-

<sup>1</sup> Տե՛ս Բ. Օհանջանյան, խորհրդային Հայաստանը ժողովրդական տնտեսության վերականգնման ժամանակաշրջանում (1921—1925 թթ.) Եր., 1982:

<sup>1</sup> Տե՛ս Բ. Օհանջանյան, նշվ. աշխ., էջ 61:

<sup>2</sup> Նույն տեղը, էջ 60:

<sup>3</sup> Տե՛ս Պ. Մայիլյան Հայաստանում խորհրդային իշխանության հաստատման պրոբլեմը խորհրդահայ պատմագրության մեջ, ՀեՍՀ ԳԱ հասարակական գիտությունների գիտական ինֆորմացիայի սեկտորի գիտահիմնադրամացիոն բյուրոն, Եր. 1974:



կայան հանրապետությունների փոխհարաբերությունների պատմությունը, դեռևս խոր հետազոտության չի ենթարկվել:

Պ. Մայրիլյանը ճիշտ գիտողություններ է անում Մ. Աղայանի, Հ. Էլչիրեկյանի, Ա. Պողոսյանի, Խ. Բաղալյանի արտահայտած առանձին տեսակետների վերաբերյալ:

Մի գիտողություն. լավ կլիներ, որ հեղինակը նշեր նաև այն պատմաբաններին (Մ. Աղայան, Շ. Հարությունյան, Լ. Խուրշուդյան և այլն), ովքեր իրենից առաջ զբաղվել են այդ պրոբլեմի ուսումնասիրմամբ:

Խորհրդահայ պատմագրության մեջ ռազմական կոմունիզմի քաղաքականության կենսագործման հարցին անդրադարձել է Յու. Հովսեփյանը Երևանի համալսարանի հրատարակած ժողովածուի մեջ<sup>1</sup>:

Հեղինակը ճիշտ է նշում, որ Հայաստանում ռազմական կոմունիզմի քաղաքականության կենսագործման հարցը խորհրդահայ պատմագիտության մեջ գիտականորեն սկսվել է լուսարանվել 1940-ական թվականների վերջերից, բացառությամբ Բ. Բորյանի 1929 թ. հրատարակված հայտնի աշխատությունից, որտեղ շոշափվել է այդ հարցը: Այնուհետև հերթականությամբ խոսելով այդ պրոբլեմին այս կամ այն շափով անդրադարձած պատմաբանների տեսակետների մասին, նա կատարում է մի քանի արժեքավոր գիտողություններ:

Պատշաճը հատուցելով այդ պրոբլեմի հետազոտության ուղղությամբ խորհրդահայ մեկուկես տասնյակ պատմաբանների (Ա. Հակոբյան, Վ. Ներկարարյան, Գ. Ղարիբջանյան, Գ. Գալոյան, Ս. Խարմանդարյան, Վ. Ղազախեցյան, Բ. Օհանջանյան, Գ. Գեղամյան և ուրիշներ) կատարած աշխատանքին, Յու. Հովսեփյանը իրավացիորեն գտնում է, որ, այնուամենայնիվ, մինչև օրս այդ պրոբլեմը թերի է լուսարանվել և չկա նրա մասին ամբողջական աշխատություն: Ամենակարևորը, գրում է նա, չկա միասնական կարծիք ռազմական կոմունիզմի քաղաքականության կենսագործման անհրաժեշտության, ժամանակագրական շրջանակների, արդյունքների և այլ հարցերի վերաբերյալ:

Այսպես, պատմաբաններ Գ. Գեղամյանը, Բ. Օհանջանյանը գտնում են, որ Հայաստանում ռազմական կոմունիզմի քաղա-

քականությունը կիրառելու ոչ մի անհրաժեշտություն չկար: Վերանայելով իր նախկին տեսակետը, հետագայում նույն կարծիքն է հայտնել նաև Հ. Էլչիրեկյանը: Հակառակ խորհրդահայ պատմաբանների ճնշող մեծամասնության, Բ. Օհանջանյանը նույնիսկ պնդում է, որ Հայաստանում ռազմական կոմունիզմի ոչ մի քաղաքականություն էլ չի եղել: Այս կարծիքը, իրավացիորեն գրում է Յու. Հովսեփյանը, բնավ համոզիչ չէ և չի համապատասխանում իրականությանը: Ճիշտ է հեղինակի կարծիքը նաև այն մասին, որ Հայաստանում ռազմական կոմունիզմի քաղաքականությունը կիրառվել է 1920 թ. դեկտեմբերից մինչև 1921 թ. ապրիլը, 4 ամիս և ոչ թե կես տարի, ինչպես գրել են Ա. Հակոբյանը, Վ. Ներկարարյանը և, մանավանդ, ոչ 2,5 ամիս, ինչպես պնդում է Բ. Օհանջանյանը<sup>1</sup>:

Հեղինակն առարկելի է համարում Ա. Հակոբյանի, Վ. Ներկարարյանի, Ս. Սահրազյանի և ուրիշների, այդ թվում տողերիս գրողի, կարծիքն այն մասին, թե ռազմական կոմունիզմի քաղաքականությունը անհրաժեշտ էր և այն նպաստեց Հայաստանում խորհրդային կարգերի ամրապնդմանը: Սակայն չի կարելի զանց առնել, որ վերոհիշյալ տեսակետը պարզաբանող պատմաբանները միաժամանակ նշում են այդ քաղաքականության կիրառման ժամանակ թույլ տրված կոպիտ սխալները, որոնք և ճարպկորեն օգտագործեցին դաշնակցականները փետրվարյան խռովությունն սկսելիս:

«Սովետական Հայաստան» խորագրված Հայկական խորհրդային հանրագիտարանի լրացուցիչ, վերջին՝ 13-րդ հատորում ընդհանրական գծերով, համառոտակի ներկայացված է հայ պատմագիտական մտքի դարգաճումը սկզբից մինչև մեր օրերը<sup>2</sup>: Նոր և նորագույն ժամանակաշրջանների (XIX—XX դարեր) պատմագիտական ակնարկը (343—346) գրել են Վ. Բարխուդարյանը և Վ. Խուրավերդյանը: Հեղինակները, հանրագիտարանի ընձեռած սահմանափակ հնարավորությունների շրջանակներում, սեղմ էջերով, ըստ պրոբլեմների, փորձել են ցույց տալ հայ պատմաբանների վաստակը: Դրականորեն գնահատելով հրապարակված ակնարկը, միաժամանակ անհրաժեշտ ենք հա-

<sup>1</sup> Հայաստանում սովետական իշխանության ամրապնդման պատմության մի քանի հարցեր, Եր., 1987, էջ 28—52:

<sup>1</sup> Հայաստանում սովետական իշխանության ամրապնդման... էջ 37:

<sup>2</sup> Տե՛ս Սովետական Հայաստան, Հայկական խորհրդային հանրագիտարան, Եր., 1987:



մարում արտահայտել որոշ ցանկութուններ, անել մի շարք մշտնջենական, բանալի հանրագիտարանը մեծ լսարան է ընդգրկելում, ունի ընթերցողների լայն շրջանակ, հետևաբար նրանց անհրաժեշտ է ճիշտ կողմնորոշել:

Նախ, հեղինակները խորհրդահայ պատմագիտության զարգացումը միակողմանի են ներկայացրել: Կատարված դրական աշխատանքի հետ միասին չէր կարելի շրջանցել թույլ տրված կոպիտ սխալներն ու խեղաթյուրումները: Այսպես, ակնարկի հեղինակները ներկայացնելով խորհրդահայ պատմագիտական մտքի զարգացումը 1930 թ. երկրորդ կեսից— 50-ական թվականների առաջին կեսը, զարմանալիորեն շրջանցել են գաղափարական այն ավերածությունը, որը տիրապետող էր ինչպես ողջ խորհրդային, այնպես և հայ պատմագիտության բնագավառում: Դժվար է համաձայնվել հեղինակների այն տեսակետին, թե այդ տասնամյակներին ընդլայնվեց հետազոտությունների թեմատիկան, հասարակական-տնտեսական և քաղաքական պատմության հարցերը սկսեցին ուսումնասիրվել առավել խորությամբ (էջ 343): Հայտնի է, որ անհատի պաշտամունքի գծնդակ տարիներին շնայած լույս են տեսել որոշ թվով աշխատություններ, բայց ընդհանուր առմամբ պատմագիտությունը կանգնած էր փակուղու առջև: Պատմության բազմաթիվ հարցեր լուսաբանվում էին ոչ ճիշտ, ազավազվում էին, կեղծվում էին պատմական փաստերը, առանձին ղեպքերում գունազարգվում ու միակողմանիորեն էին ներկայացվում պատմական իրադարձությունները: Այդ տարիներին կաշկանդված էր գիտնականների ստեղծագործական միտքը: Խորհրդահայ պատմագրության մեջ անտեսվում էր ակնհայտ հայ հեղափոխականների գործունեությունը, ճիշտ չէր լուսաբանվում Հայաստանի կոմունիստական կուսակցության և խորհրդային իշխանության ղեկավարների գործունեությունը: Հայտարարելով ժողովրդի թշնամիներ, այդ տարիներին հրապարակված աշխատություններում զրեթե չէին հիշատակվում Հայաստանում խորհրդային կարգերի հաստատման համար մարտնչողների անունները: Հայտնի է, թե ինչ վնասակար դեր խաղաց ժողովրդի անարգ թշնամի Բերիայի՝ 1935 թ. հրատարակված «Անդրկովկասի բոլշևիկյան կազմակերպությունների պատմության հարցի շուրջը» արատավոր գրքուկը: Այն ոչ միայն հակագիտական էր, այլև կեղծում էր իրականությունը, սխալ ներկայացնում պատմական շատ իրադարձություններ,

իսկ պատմաբանները հնարավորություն չունեին իրենց ինքնուրույն խոսքն ասելու: Հենց դրանով պետք է բացատրել այն, որ նշված վնասակար գրքուկի լույս աշխարհ գալուց հետո երկար ժամանակ գրեթե չհրատարակվեց Հայաստանի հեղափոխական շարժումների և կոմկուսակցության պատմությանը նվիրված ոչ մի լուրջ աշխատություն:

1930-ական, հատկապես 1936—1937 թվականներին կոպիտ սխալներ թույլ տրվեցին խորհրդահայ շատ անվանի գիտնականների ու նրանց գործերի գնահատման հարցում: Ոչնչով չհիմնավորված, նիհիլիստական վերաբերմունք դրսևորվեց մեր անվանի այնպիսի հայագետների նկատմամբ, ինչպիսիք էին Հ. Մանանդյանը, Հ. Աճառյանը, Մ. Աբեղյանը, Ա. Քալանթարը, Ա. Տերտերյանը, Գ. Ղափանցյանը և ուրիշներ, պիտակավորվելով որպես բուրժուական նացիոնալիստներ, կուլակային գաղափարախոսներ և այլն: Անհիմն կերպով դաշնակցական-բուրժուական պատմագրության ներկայացուցիչներ որակվեցին Թ. Ավզալբեղյանը, Լեոն, Հ. Զորյանը և ուրիշներ, որոնք, իբր, բացահայտորեն քարոզել են ֆաշիստական-դաշնակցական, ռասայական տեսություն: Հակահեղափոխական համարվեցին նաև Ա. Խանջյանն ու Աշ. Հովհաննիսյանը, որոնք, իբր թե, հայ ժողովրդի պատմությունը գիտել և լուսաբանել են դաշնակցական, սպեցիֆիկյան, արոցկիստական ակնոցներով: Մի քանի պատմաբաններ նույնիսկ դաժան ռեպրեսիայի ենթարկվեցին (Աշ. Հովհաննիսյան, Հ. Զորյան, Ա. Քալանթար և ուրիշներ):

Մի՞թե խորհրդահայ պատմագրության զարգացման երկրորդ փուլում չէր (1952 թ. աշնանը), որ հայ ազատագրական շարժումները և բուրժուանացիոնալիստական հոսանքներն ու կուսակցությունները Հայաստանում XIX դարի վերջին և XX դարի սկզբին հարցի շուրջ Հայկական ԽՍՀ գիտությունների ակադեմիայում կազմակերպված բանավեճերի ժամանակ միանգամայն սխալ դիրքերից գնահատվեց անցյալի հայ առաջավոր մշակութային ժառանգությունը: Հայ ազատագրական շարժման և մշակույթի առաջադեմ գործիչները հախուռն կերպով հայտարարվեցին բուրժուական նացիոնալիստներ, ռեակցիոն գաղափարախոսներ: Ցավալի է, որ բանավեճերի ընթացքում հանրագիտության շատ գիտնականներ (Վ. Ռշտունի, Վ. Պարսամյան, Մ. Ներսիսյան, Ա.



Տերտերյան և ուրիշներ) անհիմն կերպով մեղադրվեցին պատմութունը այսպես կոչված «միասնական հոսանքի» դիրքերից շարադրելու մեջ, համարվեցին բուրժուական նացիոնալիզմի ոեցիդիվ կրողներ և այլն:

Այդ օրերին էր, որ Հայաստանում հրապարակվող գրեթե բոլոր պարբերականները և, նույնիսկ, «Պրավդան» խմբագրական հոդվածներ տպագրեցին անհիմն մեղադրանքներով: Հոդվածները, թերթերի առաջնորդողները խորագրվում էին՝ «Ընդդեմ միասնական հոսանքի ոեցիդիվների», «Միասնական բուրժուանացիոնալիստական հոսանքի տեսությունը պետք է մերժվի», «Նացիոնալիզմի նոր երանգավորում» և այլն: Մեղադրելով բուրժուանացիոնալիստական գաղափարների պրոպագանդման մեջ, ներանցից պահանջեցին հրապարակչներին խոստովանել «սեփական» մեղքերը, հրաժարվել նախկինում հրատարակված աշխատություններից: Մեղադրանքների անզուսպ ալիքը կարող էր ավելի վատթար հետևանքներ ունենալ, սակայն Ստալինի վերահաս մահը և Բերիայի մերկացումը փրկեց նրանց ծանր ոեպրեսիայի ենթարկվելուց:

Այսպիսով, պատմագիտական ակնարկում ոչ միայն ոչ մի խոսք չկա անհատի պաշտամունքի հետևանքով խորհրդահայ պատմագիտության զարգացման համար ստեղծված ծանր դրության, «միասնական հոսանքի» կեղծ կամպանիայի, այլև այն մասին, որ երկար ժամանակ մեր պատմագրության մեջ սխալ գնահատական էր տրվում քեմալիզմին, որ մի շարք խորհրդահայ պատմաբաններ «իմպերիալիստական»: Հայաստանին էին մեղադրում Թուրքիայի վրա հարձակվելու համար և այլն:

Հանրագիտարանի նշված բաժնում տեղ չեն գտել շատ գիտնականների անուններ կամ ճիշտ չի ցույց տրված նրանց վաստակը: Օրինակ, բուրժուական մոռացության է տրված Ղ. Ինճիճյանի անունը, որի աշխատությունները անփոխարինելի փաստեր են պարունակում XIX դարի սկզբի Հայաստանի պատմության և աշխարհագրության, հատկապես երկրում հաստատված վարչական կարգերի վերաբերյալ: Երևմտահայ խոշորագույն պատմաբան, բանասեր, ազգագրագետ Մ. Օրմանյանը բնութագրվել է իբրև սոսկ հայ կեղեցու պատմաբան: Նրա եռահատոր «Ազգապատումը», հետմահու տպագրված «Խոհ և խոսքը» ու բազմաթիվ այլ գործեր հայոց բազմադարյան, առավել ևս նոր պատմության համայնապատկերն են: Մոռացության են տրված Ա.

Պերպերյանի, Գ. Ալվազովսկու, Սարուխանի անունները: Ընդհանրապես արևմտահայ պատմագիտական միտքը համարյա անտեսված է: Կամ, ասենք, Ս. Սիլիազարովի աշխատությունները բնութագրված են իբրև «գլուղացիության կենցաղին և բարքերին» նվիրված գործեր: Մինչդեռ հանրահայտ է, որ նա հետազոտել է հիմնականում քաղաքային կյանքը, համբարությունները, արդյունաբերության զարգացումը Թիֆլիսում և ամբողջ Անդրկովկասում: Թ. Հակոբյանի անունը գրված է Արևելյան Հայաստանի հասարակական-տնտեսական, կապիտալիստական հարաբերությունների ձևավորման ու զարգացման հարցերը հետազոտողներ Վ. Պարսամյանի, Վ. Ռշտունու և Ա. Համբարյանի անունների շարքում, մինչդեռ մեծ է նրա վաստակը նախ և առաջ քաղաքների պատմության գիտական հետազոտության բնագավառում: Նրա գրչին են պատկանում «Երևանի պատմությունը» եռահատոր և «Անի» երկհատոր մենագրությունները, որոնց մասին ակնարկում ոչ մի խոսք չկա: Վ. Երկանյանը դարձել է հասարակական մտքի պատմաբան, մինչդեռ հայտնի է, որ նրա աշխատությունները վերաբերում են մշակույթի պատմությանը: Ակնարկից գրեթե դուրս է մնացել հայ պարբերական մամուլի պատմաբանների կատարած աշխատանքը:

Վերջապես, մի՞թե արդարացի է, որ համառոտ ակնարկում նշվում են, ասենք, սոցմրցման պատմությանը նվիրված Պ. Սաֆյանի և Լ. Խուրշուդյանի գրքույկները կամ որոշ հոդվածների հեղինակների անունները, իսկ ոչ մի խոսք չի ասվում հետհոկտեմբերյան ժամանակաշրջանի պատմության առանձին հարցերին նվիրված Զ. Գրիգորյանի, Ս. Վարդանյանի, Ա. Վարդապետյանի, Ղ. Դալլաքյանի, Հ. Թուրչյանի և շատ ուրիշների աշխատությունների մասին:

Խախտված է նաև մեկ այլ սկզբունք: Հեղինակները փոխանակ առաջնությունը տալու այն պատմաբանին, որն առաջինն է տվյալ պրոբլեմի լուսաբանմամբ զբաղվել, նկատի են ունեցել նրանց գիտական բարձր կոչումները: Գրելով թե «մանրամասնորեն լուսաբանված են Ռուսաստանին Արևելյան Հայաստանի միացման հետ կապված իրադարձությունները. 1826—28 թթ. ռուս-պարսկական պատերազմը, ղեկաբերիստների մասնակցությունը Արևելյան Հայաստանի ազատագրությանը, հայ-ռուսական հարաբերություններում Գրիբոչեդովի դերը, Անդրկովկասը Ռուսաստանին միացնելու ժամանակաշրջանի պատմությունը»,



հեղինակները փակագծերի մեջ նշում են պատմաբանների անունները հետևյալ հերթականությամբ՝ Մ. Ներսիսյան, Մ. Աղայան, Գ. Գալոյան, Զ. Գրիգորյան, Վ. Պարսամյան: Մի՞թե սա արդարացի է, իհարկե ոչ: Եթե մի կողմ թողնենք Մ. Ներսիսյանին, ապա նշված պրոբլեմներով նախ զբաղվել է Վ. Պարսամյանը, ապա՝ Զ. Գրիգորյանը, իսկ ավելի ուշ՝ Մ. Աղայանը և Գ. Գալոյանը:

Մեկ ուրիշ տեղ հասկանալի գաղթավայրերի պատմության հետազոտողների հերթականությունը նույնպես սխալ է ցույց տրված: Այնտեղ Ա. Աբրահամյանի անունը Վ. Բարխուդարյանից և Վ. Միքայելյանից հետո է գրված, մինչդեռ վերջիններիս աշխատությունները հրատարակվել են Ա. Աբրահամյանի «Հայ գաղթավայրերի համառոտ պատմություն» երկհատոր աշխատության հրատարակությունից շատ հետո:

Այնուհետև, հեղինակները գրում են, թե «մինչև 30-ական թվականների կեսը Հայաստանում հեղափոխական շարժման ուսումնասիրմամբ զբաղվել են Աշ. Հովհաննիսյանը, Շ. Ամիրխանյանը, Ա. Կարինյանը, Ա. Խանջյանը: Այստեղ ևս անճշտություն կա: Նախ, Ա. Խանջյանը պատմությամբ չի զբաղվել, այլ պարզապես 1935 թ. Լենինականում հանդիսավոր նիստում Մալխոյան ապստամբության մասին զեկուցում է կարգացել, որը և գրքույկով հրատարակվել է: Իսկ այն մասին, որ 1932 թ. հրատարակվել են Վ. Պարսամյանի «Նոյեմբերյան հեղափոխությունը Հայաստանում» և 1935-ին՝ Մ. Ներսիսյանի նույնանուն մեկնագրությունները, ոչ մի խոսք չի ասված:

Կան նաև որոշ ոչ ձիշտ ձևակերպումներ: Օրինակ, Ա. Պողոսյանի անունը թյուրիմացաբար նշված է այն պատմաբանների շարքում, որոնք հետազոտել են XIX դարի երկրորդ կեսի Արևմտյան Հայաստանի սոցիալ-տնտեսական և քաղաքական պատմությունը: Խոսքը վերաբերում է Ա. Պողոսյանի «Սոցիալ-տնտեսական հարաբերությունները Կարսի մարզում» աշխատությանը, իսկ Կարսի մարզը ոչ թե Արևմտյան Հայաստանում էր, այլ Ռուսաստանի կազմի մեջ էր մտնում և այլն:

Խորհրդահայ մշակույթի բնագավառներից մեկն էլ պարբերական մամուլն է, որի մասին երկար ժամանակ պրոբլեմատիկ բնույթի հետազոտություններ չէին կատարվել: Այս տեսակետից ուշագրավ է պատմական գիտությունների դոկտոր, պրոֆեսոր Հ.

Ֆելեքյանի մեկնագրությունը<sup>1</sup>: Նրանում հանգամանորեն շարադրված է խորհրդահայ մամուլի սկզբնավորման ու զարգացման պատմությունը, որն ընդգրկում է 1920—1936 թվականները: Խորհրդային Հայաստանում հրատարակված շուրջ 300 պարբերականների գիտական վերլուծության հիման վրա վեր է հանված խորհրդահայ պարբերական մամուլի հսկայական դերը հանրապետության ժողովրդական տնտեսության վերականգնման, սոցիալիստական վերափոխման և կուլտուրական հեղափոխության իրականացման ուղղությունը: Աշխատությունը գրված է Խորհրդային Հայաստանի տվյալ ժամանակաշրջանի պատմության ընդհանուր ֆոնի վրա և շոշափում է հանրապետությունում սոցիալիզմի կառուցման համար մղված պայքարի գրեթե բոլոր հարցերը:

Խորհրդային Հայաստանի պատմության հետ անմիջականորեն առնչվում և այն հարստացնում են գրականագետների<sup>2</sup>, արվեստաբանների<sup>3</sup>, տնտեսագետների<sup>4</sup>, իրավաբանների<sup>5</sup> և այլոց մի շարք արժեքավոր աշխատությունները:

<sup>1</sup> Տե՛ս Հ. Ֆելեքյան, Հայաստանի պարբերական մամուլը սոցիալիզմի կառուցման պայքարում, Եր. 1970:

<sup>2</sup> Տե՛ս Սովետահայ գրականության պատմություն, հ. 2, Եր. 1965: Սովետահայ գրականության տարեգրություն, Եր. 1977: Հայ գրականության միջազգային կապերը (ժողովածու), Եր. 1983:

<sup>3</sup> Տե՛ս Բ. Հաբուրյունյան, Սովետահայ թատրոնի տարեգրություն: Գիրք 1, 2, Եր., 1961, 1969, նույնի՝ Հայ սովետական թատրոն (1917—1977), Եր., 1985: Искусство Советской Армении за 60 лет, Е., 1980:

<sup>4</sup> Տե՛ս Պ. Ոսկերչյան, Սովետական Հայաստանի արդյունաբերությունը (1920—1940), Եր., 1966, Ս. Զուրաբյան, Սովետական Հայաստանի ժողովրդական տնտեսության զարգացումը 50 տարում, Եր. 1971, Վ. Խոչարեկյան, Հայաստանի բնակչությունը (1828—1978), Եր., 1979:

<sup>5</sup> Տե՛ս Ա. Եսայան, Հայաստանի միջազգային իրավական դրությունը 1920—1922 թթ., Եր., 1967, Շ. Պետրոսյան, Հայկական ԽՍՀ սահմանադրությունը և նրա պատմական զարգացումը, Եր. 1982:



**ՀԿԿ ՊԱՏՄՈՒԹՅՈՒՆԸ, ՀԱՅ ՀԵՂԱՓՈԽԱԿԱՆՆԵՐԻ  
ԿՅԱՆՔՆ ՈՒ ԳՈՐԾՈՒՆԵՈՒԹՅՈՒՆԸ, ՀԼԿԵՄ  
ՊԱՏՄՈՒԹՅՈՒՆԸ**

Նկատի ունենալով, որ Հայաստանի կոմունիստական կուսակցության պատմության պատմագրությունը առանձին մենագրության առարկա է, ուստի մենք կփորձենք միայն խիստ համառոտակի նշել այդ ուղղության մի հարաբերակցությունների կատարած շնորհակալ աշխատանքը: Եվ քանի որ ներկա աշխատության շրջանակները հնարավորություն չեն տալիս կատարելու հրատարակված աշխատությունների պատմաքննական վերլուծություն, ուստի այս բաժինը որոշ չափով մատենագիտական բնույթ է կրում:

Մինչև 1950-ական թվականները չկար մի մենագրություն, որը նվիրված լիներ Հայաստանի կոմունիստական կուսակցության պատմությանը, լուսարաններ նրա գործունեությունը: Հրատարակի վրա եղել են միայն մի քանի հոդվածներ և գրքույկներ: Այդ գործում մեծ թեկում առաջ եկավ ԽՄԿԿ XX համագումարից հետո: Հեղինակների մի մեծ կոլեկտիվի ջանքերով 1958 թ. ըսկրզներին հրատարակվեց «Հայաստանի կոմունիստական կուսակցության պատմության ուրվագծեր» աշխատությունը<sup>1</sup>, որը Հայաստանի կոմկուսակցության ամբողջական պատմության շարադրման առաջին փորձն էր:

Չնայած այդ աշխատության լույսընծայումը իր ժամանակին դիտվեց որպես կարևոր ներդրում խորհրդահայ պատմագրու-

<sup>1</sup> Տե՛ս Հայաստանի կոմունիստական կուսակցության պատմության ուրվագծեր (հեղինակներ՝ Վ. Ավետիսյան, Գ. Մնևյան, Գ. Ղարիբջանյան, Ա. Հակոբյան, Ար. Մնացականյան, Խմբ. Հ. Մարգարյանի, Ար. Մնացականյանի և Խ. Բարսեղյանի), Եր., 1958:

թյան մեջ, բայց այն քննադատվեց: ՀԿԿ Կենտկոմը խնդիր դրեց մոտակա տարիներին ստեղծել նոր աշխատություն: Կազմվեց հեղինակային ավելի մեծ կոլեկտիվ: 1963 թ. այն հրատարակվեց, իսկ 1967-ին՝ վերահրատարակվեց<sup>1</sup>: Գրքի առաջարանում ասված է, որ նախորդ հրատարակության համեմատությամբ այն լրացված է նոր նյութերով, հաշվի են առնված ընթերցողների դիտողությունները, արված են անհրաժեշտ ճշտումներ: Սակայն չնայած դրան, «Ուրվագծերում» առկա են մեծ մասամբ իր ժամանակի համար բնորոշ սխալներ, որոնց, հասկանալի պատճառով, չենք անդրադառնում այսօրվա դիրքերից: Կասկած չկա, որ Հայաստանի կոմկուսակցության պատմության ինստիտուտը «ԽՄԿԿ պատմության» պատրաստվող գրքին զուգընթաց, ինքը ևս կնախապատրաստի նոր «Ուրվագծեր»: Երկու գրքով շարադրվել է Անդրկովկասի կոմունիստական կազմակերպությունների պատմությունը, որը Աղբյուրների, Հայաստանի և Վրաստանի կոմկուսակցությունների կենտկոմներին առընթեր կուսակցության պատմության ինստիտուտների, ԽՄԿԿ Կենտկոմին առընթեր մարքսիզմ-լենինիզմի ինստիտուտի մասնաճյուղերի կողմից պատրաստված կոլեկտիվ աշխատանքն է<sup>2</sup>: Այն Անդրկովկասի կոմունիստական կազմակերպությունների պատմության շարադրման առաջին փորձն է: «Ուրվագծերի» առաջին մասն ընդգրկում է 1880-ական թվականների սկզբներից մինչև 1921 թ. սկիզբն ընկած ժամանակաշրջանը, իսկ երկրորդ մասը՝ 1921—1927 թվականները:

«Ուրվագծերի» առաջին գրքի հեղինակային կոլեկտիվի մեջ ներգրավվել են հայ պատմաբաններ Ա. Ավետիսյանը, Մ. Աղայանը, Մ. Արզումանյանը, Գ. Գալստյանը, Գ. Ղարիբջանյանը, Վ. Ներկարարյանը, Ս. Խարամանդարյանը, իսկ երկրորդում՝ Ա. Բազմանյանը, Վ. Ներկարարյանը, Հր. Սիմոնյանը, Ս. Խարամանդարյանը:

Նման աշխատության հրատարակ գալը համարելով դրական

<sup>1</sup> Տե՛ս Հայաստանի կոմունիստական կուսակցության պատմության ուրվագծեր (Խմբ. Մ. Աղայան, Վ. Ավետիսյան, Հ. Բազմանյան, Գ. Գալստյան, Հ. Թումանյան, Աշ. Հովհաննիսյան, Գ. Ղարիբջանյան), Եր., 1963, երկրորդ հրատարակություն, Եր., 1967:

<sup>2</sup> Տե՛ս Очерки истории коммунистических организаций Закавказья, часть первая, 1883—1921 гг., Тбилиси, 1967, часть вторая, 1921—1937 гг., Баку, 1971:



երևույթ, այնուամենայնիվ, հարկ ենք համարում նշել, որ նրանում տեղ են գտել նաև մի շարք թերություններ ու սխալներ: Այսպես, մեր կարծիքով, ճիշտ գնահատական չի տրված 1918 թ. մայիսի վերջին սելմի ցրումից հետո Անդրկովկասում երեք առանձին հանրապետությունների ստեղծմանը: Այն դիտվում է որպես խիստ բացասական երևույթ<sup>1</sup>: Դժվար է համաձայնվել նաև հեղինակների այն մտքին, թե «թուրքական կառավարությունը օգտվելով դաշնակիների արկածախնդրական քաղաքականությունից ձգտում էր դրավել ամբողջ Հայաստանը»<sup>2</sup>: Խոսքը 1920 թ. աշնանը Հայաստանի վրա հարձակման մասին է:

Երկրորդ գրքում մակերեսորեն խոսվում է անհատի պաշտամունքի պայմաններում երկրամասում թույլ տրված սխալների մասին, մինչդեռ այդ մասին կարելի էր ավելի հանգամանորեն խոսել, կոնկրետ փաստերով, անուններով բացահայտել անհատի պաշտամունքի վնասակար հետևանքները Անդրկովկասում, ուր դրանք ավելի ցայտունորեն են արտահայտվել: Գրքում կան պնդումներ, որոնք իրականությանը չեն համապատասխանում: Օրինակ, այնտեղ ասված է. «1937 թ. գարնանից սկսած Ադրբեջանի, Հայաստանի և Վրաստանի կոմկուսակցությունները ծավալեցին կուսակցական աշխատանքի վերակառուցումը»<sup>3</sup>: Այնուհետև զրականորեն է խոսվում ՀԿԿ X համագումարի մասին, որը տեղի է ունեցել 1937 թ. մայիսին: Եվ դա այն դեպքում, երբ համագումարը չգտնվեց իր բարձրության վրա և շատապարտեց զրպարտիչներին ու շարդարարներին: Դրա փոխարեն Լ. Բերիայի զոհ Ա. Խանջյանը և նրա ազնիվ գործընկերները հայտարարվեցին հայ ժողովրդի թշնամիներ, տրոցկիստական-դաշնակցական-նացիոնալիստական վիժվածքներ: Նույն անարդարացի մոտեցումն է հանդես բերել նաև ՀԿ(բ)Կ Կենտկոմի սեպտեմբերյան (1937) պլենումը, որի մասին ոչ մի խոսք չկա «Ուրվագծերում»:

Հայաստանի կոմկուսի սկզբնավորումից մինչև նրա կազմավորումն ընկած ժամանակաշրջանի պատմության հետազոտման

գործում աչքի ընկնող ավանդ ունի Խ. Բարսեղյանը: «Հայաստանի կոմունիստական կուսակցության կազմավորումը» նրա աշխատության առաջին մասում հանգամանորեն շարադրված է Հայաստանի բոլշևիկյան կազմակերպությունների առաջացման ու ձևավորման, նրանց հետագա գործունեության պատմությունը մինչև Հոկտեմբերյան հեղափոխության հաղթանակը<sup>1</sup>: Հարկ է նշել, որ հեղինակը այդ հարցերին անդրադարձել է նաև հետագայում հրատարակված «Մարքսիզմի տարածումը Հայաստանում», «Հայաստանում մարքսիզմ-լենինիզմի տարածման պատմությունը» երկհատոր մենագրություններում, որոնց մասին մենք արդեն խոսել ենք:

Այդ ժամանակաշրջանի Հայաստանի կոմկուսի պատմության հետ կապված մի շարք հարցերի է անդրադարձել Վ. Ավետիսյանը՝ «Հայ հասարակական մտքի զարգացման մարքս-լենինյան փուլի սկզբնավորումը» մենագրության մեջ:

Հայ սոցիալ-դեմոկրատների միության մասին է գրել պատմական գիտությունների թեկնածու Կ. Մամիկոնյանը<sup>2</sup>: Մի շարք աշխատություններում լուսարանվել է Անդրկովկասի բոլշևիկյան կազմակերպությունների գործունեությունը տարբեր փուլերում: Այսպես, Անդրկովկասի բոլշևիկների գործունեությունը ռեակցիայի և հեղափոխական վերելքի տարիներին լուսարանված է Կ. Մամիկոնյանի մենագրության մեջ<sup>3</sup>: Ղ. Դալլաբյանի աշխատության մեջ վեր է հանված Անդրկովկասի բոլշևիկյան կազմակերպությունների պայքարը աշխատավորության ինտերնացիոնալ համախմբվածության համար առաջին համաշխարհային պատերազմի տարիներին<sup>4</sup>:

Ուշագրավ աշխատություններ է գրել պատմական գիտությունների թեկնածու Հ. Պետրոսյանը<sup>5</sup>: Նրա երկրորդ աշխատու-

1 Տե՛ս Խ. Բարսեղյան, Հայաստանի կոմունիստական կուսակցության կազմավորումը, Եր., 1965:

2 Տե՛ս Կ. Մամիկոնյան, Հայ սոցիալ-դեմոկրատների միությունը, Եր., 1969:

3 Տե՛ս Мамиконян К., Большевицские организации Закавказья в период реакции и нового революционного подъема (1907—1914). Е., 1973:

4 Ղ. Դալլաբյան, Անդրկովկասի աշխատավորության ինտերնացիոնալ համախմբվածության համար (1914—1917), Երևան 1969:

5 Տե՛ս Հ. Պետրոսյան, Անդրկովկասի բոլշևիկների պայքարը ռազմաքայսյան արևելական կոմիտեների դեմ, Եր., 1964: Անդրկովկասի բանվոր դասակար-

1 Очерки истории коммунистических..., т. I, с. 416:  
2 Նույն տեղը, էջ 464:  
3 Նույն տեղը, էջ 297.



թյան մեջ ամենից առաջ փաստական հարուստ տվյալներով ներկայացված է երկրամասի սոցիալ-տնտեսական, մասնավորապես բանվոր դասակարգի դրուժյան նկարագիրը: Հեղինակը մանրակրկիտ աշխատանք է կատարել, արխիվային, վիճակագրական, մամուլի և գրականության ընձեռած տվյալների հիման վրա կազմելով բազմաթիվ աղյուսակներ, որոնք ճշգրտված և իրական պատկերացում են տալիս Անդրկովկասի սոցիալ-տնտեսական դրուժյան վերաբերյալ:

Անդրադառնալով բոլշևիկյան կազմակերպությունների գործունեությանը, հեղինակը ցույց է տվել այդ գործում եղած դրժվարությունները՝ կապված երկրամասի պատերազմական վիճակի հետ: Գրքում լայն տեղ է հատկացված Անդրկովկասի բոլշևիկների հետևողական պայքարին ընդդեմ մենշևիկների ու էսէռների, մերկացված է, հատկապես, կովկասյան մենշևիկների պարագլուխներ Ն. Ժորդանիայի, Կ. Զխեիձեի և մյուսների բացահայտ դավաճանական դիրքը: Աշխատության մեջ հարկ եղած շահով արժարժվել է նաև բոլշևիկների պայքարը բանվորական շարժումն ալլասերելու բուրժուազիայի և սոցիալ-շովինիստների ամեն տեսակ փորձերի դեմ, որն առանձնապես արտահայտվում էր ռազմարդյունաբերական կոմիտեների ակտիվ գործունեությամբ, պրոլետարիատի դասակարգային գիտակցությունը մթթագնելու, նրան հեղափոխական պայքարի ճանապարհից շեղելու, բանվորական շարժումը թուլացնելու միջոցով:

Պատմական գիտությունների դոկտոր Ռ. Մանուկյանի մենագրությունը նվիրված է Կովկասյան բանակում բոլշևիկների հեղափոխական աշխատանքի բացահայտմանը<sup>1</sup>:

Հայաստանի և Անդրկովկասի բոլշևիկյան կազմակերպությունների համար բացառիկ կարևոր նշանակություն ունի Վ. Ի. Լենինի դերի վերհանումը Անդրկովկասի բոլշևիկյան կազմակերպությունների ստեղծման ու ղեկավարման գործում: Հարկ է նշել, որ այդ թեման մշտապես կարևոր տեղ է գրավել մեր պատմաբանների գիտական աշխատություններում: Տվյալ բնա-

գավառում մեծ վաստակ ունի Հայկական ԽՍՀ ԳԱ ակադեմիկոս Գ. Ղարիբջանյանը: Այս տեսակետից հիշատակության են արժանի «Վ. Ի. Լենինը և Անդրկովկասի բոլշևիկյան կազմակերպությունները» և «Վ. Ի. Լենինը և Անդրկովկասի բոլշևիկները» նրա մենագրությունները<sup>1</sup>:

Գեոևս հեղափոխական պայքարի արշալույսին, գրում է Գ. Ղարիբջանյանը, Վ. Ի. Լենինը կապեր է հաստատել Անդրկովկասի հետ՝ Ադրբեջանի, Վրաստանի, Հայաստանի բոլշևիկների հետ և երբեք չէր ընդհատեց իր հետագա ողջ կյանքի ընթացքում:

Չափազանց հարուստ է Գ. Ղարիբջանյանի մենագրությունների աղբյուրագիտական հենքը: Հեղինակի համար որպես կարևորագույն սկզբնաղբյուրներ են ծառայել ամենից առաջ Վ. Ի. Լենինի աշխատությունները և կոմունիստական կուսակցության փաստաթղթերը, որոնց մեջ բացահայտվել և խորապես լուսաբանվել են կոմունիստական կուսակցության ղեկավարությամբ Անդրկովկասի ժողովուրդների և սոցիալական և ազգային ազատագրության, Անդրկովկասում խորհրդային կարգերի հաստատման համար մղված հեղափոխական պայքարի պատմության հիմնական հարցերը: Պատմաբանն օգտագործել է Անդրկովկասի բոլշևիկյան կազմակերպությունների և առանձին բոլշևիկների հետ Ն. Կրուպսկայայի ունեցած նամակագրությունները, որոնք պարունակում են լենինյան արժեքավոր մի շարք ցուցումներ: Մեծ է նաև լենինյան թերթերի նշանակությունը, որոնցում լայնորեն լուսաբանված է անդրկովկասյան իրականությունը և ուղղություն է տրվել տեղական բոլշևիկների գործունեությանը: Իր հետազոտած թեմայի առանձին հարցերը լուսաբանելու համար Գ. Ղարիբջանյանն օգտագործել է նաև վերջին տարիներին հրատարակված փաստաթղթերի և հիշողությունների ժողովածուները: Կարևոր սկզբնաղբյուրներ են նաև ականավոր բոլշևիկ-լենինյանների՝ Անդրկովկասում լենինյան ցուցումների անմիջական իրականացնողների հոդվածները, ճառերը, նամակները, հեռագրերն ու հիշողությունները:

Վերլուծելով նախահեղափոխական Կովկասի տնտեսական և

գր և բոլշևիկյան կազմակերպությունները առաջին համաշխարհային պատերազմի տարիներին (1914—1917 թթ. փետրվար), Եր., 1977:

<sup>1</sup> Տե՛ս Ռ. Մանուկյան, Բոլշևիկների հեղափոխական աշխատանքը Կովկասյան բանակում, Եր., 1969:

<sup>1</sup> Տե՛ս Գарибджанян Г., В. И. Ленин и большевистские организации Закавказья (1893—1924), Е., 1967, В. И. Ленин и большевики Закавказья, М., 1971:



սոցիալ-քաղաքական դրուժյան մասին լենինյան ասույթները, հեղինակը հանգամանորեն վեր է հանել պրոլետարիատի առաջնորդի դերը Անդրկովկասի բուլճերիկյան կազմակերպությունների պատմության մեջ՝ սկսած նրանց հիմնադրումից մինչև 1920-ական թվականների սկզբները:

Ռուսաստանի և Անդրկովկասի հեղափոխական շարժումների ընդհանուր ֆունի վրա Վ. Ի. Լենինի դերը Անդրկովկասի հեղափոխական շարժումների, Անդրկովկասի բուլճերիկյան կազմակերպությունների ստեղծման ու ամրապնդման, նրանց պայքարը գլխավորելու գործում հանգամանորեն և հարուստ տվյալներով լուսաբանվել է նաև Գ. Ղարիբջանյանի «Վ. Ի. Լենինը և Անդրկովկասը» եռահատոր մենագրության մեջ<sup>1</sup>: Հարկ է նշել, որ հիշյալ աշխատությունում քննարկված հարցերը հիմնականում համընկնում են հեղինակի «Վ. Ի. Լենինը և Անդրկովկասի բուլճերիկյան կազմակերպությունները» մենագրության մեջ ուսումնասիրված հարցերին, անշուշտ, ավելի խորացված, լրացված նոր, արժեքավոր նյութերով ու մեկնաբանություններով:

Գ. Ղարիբջանյանը շնորհակալ գործ է կատարել ընթերցողի սեղանին ղեկավար լենինյան թեման արծարծող մի քանի ուշագրավ գիրք ևս<sup>2</sup>:

Գ. Ղարիբջանյանի ակտիվ մասնակցությամբ 1987 թվականին հրատարակվեց մի արժեքավոր ժողովածու ևս, ուր զետեղված են Վ. Ի. Լենինի բոլոր ասույթները Հայաստանի և հայ ժողովրդի մասին: Ժողովածուն կարող է մեծապես նպաստել խորհրդահայ պատմական գիտության զարգացմանը, լենինյան դրույթներով լուսաբանելու հայ ժողովրդի պատմության բազմաթիվ հանգուցային հարցեր<sup>3</sup>:

Լենինյան թեմաներով մի քանի գրքուկներ է գրել Հ. Կարա-

<sup>1</sup> Տե՛ս Գ. Ղարիբջանյան, Վ. Ի. Լենինը և Անդրկովկասը (1893—1924), գիրք 1, (1893—1904), Եր., 1970, գիրք 2 (1905—1917), Եր., 1973, գիրք 3, (1917—1924), Եր., 1975:

<sup>2</sup> Տե՛ս Գ. Ղարիբջանյան, Անտոնաեայի հանդիպումներ (Հայ գործիչների հանդիպումներն ու կապերը Վ. Ի. Լենինի հետ, 1892—1924 թթ.), Եր., 1978, Վ. Ի. Լենինը և հայ գործիչները, Եր., 1980, Լենինը Շվեյցարիայում էմիգրացիայի տարիներին, Եր., 1965:

<sup>3</sup> Տե՛ս Վ. Ի. Լենինը Հայաստանի և հայ ժողովրդի մասին (խմբ.՝ Գ. Ղարիբջանյան, Հր. Սիմոնյան), Եր., 1987:

պետյանը<sup>1</sup>: Խորապես և ամբողջականորեն ուսումնասիրելով այդ թեման, հեղինակը 1986 թ. հրատարակի վրա գրեց մի նոր ուշագրավ աշխատություն<sup>2</sup> ևս, ուր լուսաբանվում է Լենինի բազմակողմանի ծանոթությունները հայ իրականությանը, նրա կապերը հայ հեղափոխական գործիչների հետ: Այն ընդգրկում է 1880-ական թվականներից մինչև 1917 թ. ապրիլը:

Անտարակույս, ինչպես ցույց ենք տվել, այդ թեմայով հրատարակվել են խորհրդահայ պատմաբանների մի շարք աշխատություններ (Գ. Ղարիբջանյան, Ար. Մնացականյան, Խ. Բարսեղյան, Մ. Արզումանյան և ուրիշներ), ինչպես նաև բազմաթիվ ժողովածուներ, հուշագրություններ, սակայն Հ. Կարապետյանն իր աշխատությունը գրել է օգտագործելով թե՛ հրատարակված, և թե՛ իր կողմից գիտական շրջանառության մեջ գրված մեծաքանակ արժեքավոր փաստաթղթեր: Հեղինակը մեծ ջանքեր է թափել երկրի բազմաթիվ քաղաքների արխիվներից, գրադարաններից, մամուլից, հայ ակնավոր գործիչների հիշողություններից հավաստի վավերագրական նյութեր հավաքելու և դրանք գիտական վերլուծության ենթարկելու ուղղությամբ: Նա նորովի է լուսաբանել հայ ժողովրդի ճակատագրում Լենինի գործունեության բազմաթիվ ուշագրավ մանրամասներ՝ նպատակ ունենալով ցույց տալու, թե այդ գործունեության մեջ ինչ տեղ են գրավել հայ ժողովրդին հուզող հարցերը: Աշխատության մեջ մեկ առ մեկ վերլուծված են Լենինի աշխատությունների բոլոր այն էջերը, որոնք վերաբերում են Հայաստանին, հայ ժողովրդին: Փաստորեն Հ. Կարապետյանի աշխատությունը լրացնում և հարստացնում է խորհրդահայ պատմագրության լենինապատումը:

Ունենք մի կարևոր գիտողություն. աշխատությունը շունի օգտագործված աղբյուրների և գրականության տեսություն, զբրքում չի խոսվում այն մասին, թե իրենից առաջ տվյալ թեմայով ովքեր են գրադվել:

Հայ իրականության մեջ, մասնավորապես Խորհրդային Հա-

<sup>1</sup> Տե՛ս Հ. Կարապետյան, Վ. Ի. Լենինը Հայաստանի մասին, Եր., 1969, Վ. Ի. Լենինը և Բարձր կոմունան, Եր., 1970:

<sup>2</sup> Տե՛ս Հ. Կարապետյան, Լենինը և Հայաստանը, գիրք 1, Եր., 1986:



յաստանում Վ. Ի. Լենինի գաղափարական մեծ ժառանգության թարգամանությունն ու հրատարակության պատմությունը լուսաբանվել է Խ. Բարսեղյանի մենագրության մեջ<sup>1</sup>: Առաջին անգամ ամբողջական ձևով հանրագումարի է բերված Իլլիչի աշխատությունների հայերեն հրատարակությունների փորձը: Շարազրված է Հայաստանում մարքսիզմ-լենինիզմի տարածման ու պրոպագանդման, նրա հաղթանակի համար մղված պայքարում լենինյան աշխատությունների կատարած անգնահատելի դերը: Ուշագրավ է նաև պատմական գիտությունների ղեկավար Հր. Գարբինյանի գրքույկը<sup>2</sup>:

Վերջին քառորդ դարում լույս են տեսել մի շարք աշխատություններ, որոնցում լուսաբանվում է Հայաստանի կոմկուսի գործունեությունը սոցիալիստական շինարարության տարբեր փուլերում և կամ ժողովրդական տնտեսության տարբեր ճյուղերի զարգացման բնագավառում: Անդրկովկասի կուսակցական կազմակերպությունների պայքարը հանուն միասնության լուսաբանվել է պատմական գիտությունների ղեկավար Հ. Բաղդասարյանի մենագրությունների մեջ<sup>3</sup>:

Անդրկովկասի կոմունիստների պայքարը աշխատավորության ինտերնացիոնալ համախմբման, Անդրֆեդերացիայի ստեղծման և նրա ամրապնդման համար լուսաբանված է պատմական գիտությունների ղեկավար, պրոֆեսոր Ի. Թամրազովայի աշխատություններում<sup>4</sup>:

Հայաստանի կոմունիստական կուսակցության պայքարը երկրի ինդուստրացման և գյուղատնտեսության սոցիալիստական վերակառուցման համար լուսաբանված է պրոֆ. Վ. Ներկարար-

յանի մենագրության մեջ<sup>5</sup>: Հեղինակը լայն տեղ է հատկացրել ոչ միայն Հայաստանի կոմկուսի գործունեությանը ժողովրդական տնտեսության սոցիալիստական վերակառուցման գործում, այլև ներկուսակցական պայքարին, գաղափարական հարցերին, խորհրդահայ մշակույթին:

Նա միանգամայն ճիշտ քննադատության է ենթարկում ՀԿ(Բ)Կ V և VI համագումարների հաշվետվություններում և բրոշյուններում թույլ տված առանձին սխալները:

Մի շարք աշխատություններում լուսաբանվում է Հայաստանի կոմկուսակցության պայքարը հանրապետության ինդուստրացման<sup>6</sup>, գյուղում սոցիալիզմի հաղթանակի<sup>7</sup>, սոցիալիզմի զարգացման ու ամրապնդման<sup>8</sup>, բանվորագյուղացիական դաշինքի ամրապնդման<sup>9</sup>, էլեկտրիֆիկացիայի<sup>10</sup>, քիմիական, գունավոր մետալուրգիայի և լեռնահանքային արդյունաբերության ստեղծման ու զարգացման<sup>11</sup>, բանվոր դասակարգի կուլտուր-տեխնիկական մակարդակի բարձրացման<sup>12</sup> մասին և այլն:

<sup>1</sup> Տե՛ս Վ. Ներկարարյան, Հայաստանի կոմունիստական կուսակցության պայքարը երկրի ինդուստրացման և գյուղատնտեսության սոցիալիստական վերակառուցման համար (1926—1929 թթ.), Եր. 1971:

<sup>2</sup> Տե՛ս Փ. Նեգոյան, Հայաստանի կոմկուսակցության պայքարը հանրապետության ինդուստրացման համար (1926—1941), Եր. 1965, նույնի՛ Հայաստանը ինդուստրացման ուղիով (1926—1958), Եր. 1967:

<sup>3</sup> Տե՛ս Հ. Վարդանյան, Հայաստանի կոմկուսակցության պայքարը գյուղում սոցիալիզմի հաղթանակի համար (1927—1941), Եր. 1967:

<sup>4</sup> Տե՛ս Կ. Մաֆարյան, Հայաստանի կոմկուսակցության պայքարը հանրապետությունում սոցիալիզմի զարգացման ու ամրապնդման համար (1937—1941 թթ.), Եր., 1966:

<sup>5</sup> Տե՛ս Ա. Բաղմանյան, Հայաստանի կոմկուսը բանվորագյուղացիական դաշինքի ամրապնդման համար մղած պայքարում, Եր. 1976:

<sup>6</sup> Տե՛ս Տ. Սաղաքեկյան, Հայաստանի կոմունիստական կուսակցությունը էլեկտրիֆիկացիայի համար մղվող պայքարում, Եր. 1968:

<sup>7</sup> Տե՛ս Վ. Ավագյան, Հայաստանի կոմկուսակցության պայքարը քիմիական արդյունաբերության ստեղծման և զարգացման համար, Եր. 1971, Վ. Բարսեղյան, Հայաստանի կոմկուսի գործունեությունը հանրապետության գունավոր մետալուրգիայի և լեռնահանքային արդյունաբերության զարգացման գործում (1945—1965), Եր. 1973:

<sup>8</sup> Տե՛ս Հ. Աբրահամյան, Հայաստանի կոմունիստական կուսակցության գործունեությունը բանվոր դասակարգի կուլտուր-տեխնիկական մակարդակի բարձրացման համար, Եր. 1975:

<sup>1</sup> Տե՛ս Խ. Բարսեղյան, Լենինը հայերեն, Եր. 1969:

<sup>2</sup> Տե՛ս Հր. Գարբինյան, Վ. Ի. Լենինը, կոմիտեերը և Անդրկովկասի կոմունիստական կազմակերպությունները (1919—1921 թթ.), Եր., 1983:

<sup>3</sup> Տե՛ս Հ. Բաղդասարյան, Անդրկովկասի կուսակցական կազմակերպությունների պայքարը ՍՄԿԿ միասնության համար (1920—1936), Եր. 1969, Սովետական մարզը, Եր. 1975, Աշխատանքի լենինյան ոճը, Եր. 1978, Борьба за единство КПСС (1920—1930 гг.), Е., 1964.

<sup>4</sup> Տե՛ս Ի. Թամրազովա, Պրոլետարական ինտերնացիոնալիզմի դրոշի ներքո: Անդրկովկասի կոմունիստական կազմակերպությունների պայքարը աշխատավորների ինտերնացիոնալ համախմբման համար (1921—1925), Եր. 1968, Деятельность коммунистических организаций по интернациональному сплочению народов Закавказья (1921—1928 гг.), Е., 1972:



Որոշակի աշխատանք է կատարվել Հայաստանի կոմունիստական կուսակցության գործունեության լուսաբանման ուղղությամբ Հայրենական մեծ պատերազմի ժամանակաշրջանում<sup>1</sup>: Խոսենք միայն մեկի՝ Վ. Մուրադյանի աշխատության մասին: Այն գրված է փաստական հարուստ նյութերի, արխիվային արձեղանքով վավերագրերի հիման վրա: Օգտագործված է համապատասխան գրականություն: Հեղինակը ճիշտ մոտեցում է հանդես բերել՝ նյութի շարագրումը կատարելով ոչ թե ընդունված ձևով, այսինքն՝ ըստ պատերազմի փուլերի, այլ ըստ այն հիմնական ուղղությունների ու պրոբլեմների, որոնց կատարմանն էր ուղղված Հայաստանի կոմունիստների ամբողջ աշխատանքը պատերազմի տարիներին: Հեղինակի կարծիքով, այդ ուղղություններն են՝ ռազմակազմակերպչական, ռազմամորթիլիզացիոն, ռազմատնտեսական և գաղափարական, որոնք նա լուսաբանել է հաջողությամբ:

Վ. Մուրադյանի աշխատության մեջ առանձնակի խորությամբ են հետազոտված այնպիսի հարցեր, որոնք համեմատաբար քիչ են լուսաբանվել խորհրդահայ պատմագրության մեջ: Դրանցից են, օրինակ, կոմունիստների ռազմաճակատ մեկնելու կապակցությամբ Հայաստանի կոմկուսակցության անդամների կազմի փոփոխությունները, ժողովրդական տնտեսության կարևորագույն բնագավառներում կուսակցական և կոմերիտական ուժերի տեղարաշխումը, կուսակցության շարքերի աճը, կուսակցական և կոմերիտական կազմակերպությունների ամրապնդումը աշխատանքային կոլեկտիվներում և այլն: Համակողմանիորեն վեր է հանված Հայաստանի կոմկուսակցության գործունեությունը հանրապետության խորհուրդների, արհմիությունների, կոմերիտմիության և հասարակական այլ կազմակերպությունների ղեկավարման բնագավառում:

Աշխատությունում լայն տեղ է հատկացված Հայաստանի կոմկուսակցության գործունեությանը թիկունքի և ռազմաճակա-

տի կապերի ամրապնդման ուղղությամբ: Համառոտակիորեն վեր են հանված հայ ժողովրդի զավակների հերոսական սխրագործությունները մեծ Հայրենականի տարբեր ռազմաճակատներում: Ցավոք, նման լավ աշխատության մեջ տեղ են գտել որոշ անճշտություններ\*:

Վ. Մուրադյանի գրչին են պատկանում նաև մի շարք այլ աշխատություններ պատերազմական թեմայով:

Մի շարք աշխատություններ են հրատարակվել, որոնցում լուսաբանվել է հետպատերազմյան ժամանակաշրջանում Հայաստանի կոմկուսակցության գործունեությունը հանրապետության արդյունաբերության վերականգնման ու զարգացման<sup>2</sup>, սոցիալիզմի վերջնական հաղթանակի<sup>3</sup>, դյուղատնտեսության ինդուստրացման<sup>4</sup>, երկրի նյութատեխնիկական բազայի ստեղծման<sup>5</sup>, երկրի համատարած էլեկտրիֆիկացիայի համար մղվող պայքարի բնագավառում<sup>6</sup>: Ա. Սաղադյանի մենագրությունում վեր է հանված Հայաստանի կոմկուսակցության կազմակեր-

\* Օրինակ գրքի առաջաբանում մեծ Հայրենականին հայ ժողովրդի մասնակցության հարցով դրազվող պատմաբանների շարքում նշվում է նաև Ս. Աղաջանի անունը, տողատակին ցույց է արվում Ս. Աղաջանի, Ե. Խալեյանի «Ուրվագծեր Սովետական Հայաստանի պատմության» III հատորը, մինչդեռ այդտեղ Ս. Աղաջանը գրել է միայն 1935—1940 թթ. պատմությունը:

Վ. Մուրադյանը 76-րդ դիվիզիան հայկական չի համարում (էջ 127): Մինչդեռ խորհրդահայ պատմական գրականության մեջ ընդունված է այն հայկական համարել: Ճիշտ չի նշված Հայրենական պատերազմի ժամանակ հայրից խորհրդային Միության հերոսի կոչում ստացածների թիվը (էջ 250):

1 Տե՛ս **Мурадян В.**, Боевое содружество, Баку, 1954, О боях за Кавказ. Баку, 1968, Боевое братство, М., 1978, Одной боевой семьей, М., 1982:

2 Տե՛ս Ա. Սաղադյան, Հայաստանի կոմկուսի պայքարը արդյունաբերության վերականգնման ու զարգացման համար հետպատերազմյան ժամանակաշրջանում, Եր. 1974:

3 Տե՛ս Բ. Օհանջանյան, Հայաստանի կոմկուսը սոցիալիզմի վերջնական հաղթանակի համար մղվող պայքարում (1951—1958), Եր. 1967:

4 Տե՛ս Ի. Խաչատրյան, ՍՄԿԿ պայքարը դյուղատնտեսության ինդուստրացման համար (ՀեՍՀ տվյալներով), Եր. 1969:

5 Տե՛ս Հ. Ուրմազյան, Հայաստանի կոմկուսը կոմունիզմի նյութատեխնիկական բազայի ստեղծման համար մղվող պայքարում, Եր. 1974:

6 Տե՛ս Ս. Սաղաքեղյան, ՍՄԿԿ-ն երկրի համատարած էլեկտրիֆիկացիայի համար մղվող պայքարում (1959—1975 թթ.), Եր. 1976:

1 Տե՛ս Ա. Մակարյան, Հայաստանի կոմկուսի գաղափարական աշխատանքը մեծ Հայրենականի առաջին շրջանում, Եր. 1978, Հ. Շատվարյան, Թիկունքում, ինչպես ռազմաճակատում: Հայաստանի կոմկուսի ռազմակազմակերպական գործունեության պատմությունից, Եր.: 1978, Վ. Պողոսյան, Հայաստանի կոմկուսակցության գործունեությունը մեծ Հայրենականում հանրապետության նյութական և հոգևոր ուժերի մորթիլիզացման ուղղությամբ, Եր., 1982, **Мурадян В.**, Компартия Армении в годы Великой Отечественной войны, Е., 1984:



պական-կուսակցական աշխատանքը<sup>1</sup>, իսկ պատմական գիտությունների զոկտոր, պրոֆեսոր Մ. Հակոբյանի մենագրությունը նվիրված է Հայաստանի կոմկուսակցության գաղափարական աշխատանքի հարցերին<sup>2</sup>: Հայաստանի կոմունիստական կուսակցության պատմության համար կարևոր է նաև ժամանակագրության հրատարակումը<sup>3</sup>:

Ազգային մշակույթի մերձեցման և փոխհարստացման բնագավառում Անդրկովկասի կոմունիստական կազմակերպությունների կատարած աշխատանքը լուսաբանվում է ԽՄԿԿ Կենտկոմին առընթեր մարքսիզմ-լենինիզմի ինստիտուտի Հայաստանի, Վրաստանի և Ադրբեջանի մասնաճյուղերի նախաձեռնությամբ հրատարակված կոլեկտիվի աշխատության մեջ<sup>4</sup>: Հայաստանից հեղինակային կոլեկտիվի մեջ են մտել Կ. Խուրավերդյանը (կոլեկտիվի ղեկավար) և Վ. Մուրադյանը:

Նկատի ունենալով, որ Հայաստանի կոմունիստական կուսակցության պատմության հարցերից տարակարծությունների և վեճերի տեղիք է տվել հատկապես կուսակցության կազմավորման հարցը, ուստի որոշեցինք հանգամանորեն կանգ առնել միայն դրա վրա:

Ինչպես ասվեց, Հայաստանի կոմունիստական կուսակցության կազմավորման մասին առանձին աշխատություն ունի Խ. Բարսեղյանը<sup>5</sup>:

Հայտնի է, որ պատմակուսակցական գրականության մեջ 20-ական թվականներից սկսած տարակարծություններ կան Հայաստանի կոմունիստական կուսակցության գործունեության գնահատման հարցում, հատկապես ՀԿ(բ)Կ կազմավորման հետ ունեցած նրա կապերի լուսաբանման գործում: Որո՞նք են այդ տարակարծությունները: Խ. Բարսեղյանը նշում է, որ 20-ական

թվականներին Գ. Հայկունին և նրա ամենակտիվ համախոհները աշխատում էին ՀԿ(բ)Կ կազմավորումը կապել ՀԿԿ-ի հետ: Սակայն Անդրկովկասի բոլշևիկյան կազմակերպությունները և նրանց ղեկավար մարմինները մերժեցին այդ սխալ մոտեցումը, պատճառաբանելով, որ ՀԿԿ-ն լինելով արտերկրային կազմակերպություն, անմիջական հիմք չի ծառայել ՀԿ(բ)Կ-ի կազմավորման համար: Ավելին, շարունակում է նա, Անդրկովկասի բոլշևիկյան կազմակերպությունների նշանավոր գործիչներ Ա. Մոավյանը, Ս. Կասյանը, Բ. Բորյանը, Աշ. Հովհաննիսյանը և ուրիշներ ժամանակին քննադատել են ՀԿԿ կազմակերպական կառուցվածքը, սեպարատիստական բնույթը, մատնանշել են նրա կազմակերպական կտրվածությունը Հայաստանի բոլշևիկյան կազմակերպություններից:

Խ. Բարսեղյանը հենվում է հատկապես Ա. Մոավյանի 1923 թ. գրած «Ե՞րբ և ինչպե՞ս է հիմնադրվել Հայաստանի Կ(բ) կուսակցությունը» արժեքավոր հոդվածաշարի վրա, ուր թյուրիմացություն է համարվում այն կարծիքը, ըստ որի ՀԿ(բ)Կ-ն, իբրև թե, առաջացել է ՀԿԿ-ից և հանդիսանում է նրա ժառանգորդը: Ա. Մոավյանը պնդում է, որ այդ կուսակցությունն ստեղծվել էր Խորհրդային Ռուսաստանի կառավարության հայտնի ղեկրեւի կապակցությամբ, բացառապես Արևմտյան Հայաստանում՝ արևմտահայերի մեջ աշխատելու համար:

Ինչպես հայտնի է, երկար ընդմիջումից հետո, 1950-ական թվականների վերջերին Գ. Հայկունին և ուրիշներ առաջ քաշեցին ՀԿԿ գործունեության վերագնահատման հարցը: ՀԿԿ Կենտկոմի ղեկավարությունը մերժեց նրանց առաջ քաշած դրույթները: Այսպիսով վերսկսվեց դադարած բանավեճը, որը շուտով սուր բնույթ ստացավ: 1962-ին ԽՄԿԿ Կենտկոմի տեսական-քաղաքական օրգան «Կոմունիստ» ամսագրում հրատարակվեց Գ. Օբիշկինի, Գ. Շանշիևի և Լ. Շահումյանի հոդվածը, որտեղ հանգամանորեն քննության է առնվում ՀԿԿ-ի գնահատման հարցը<sup>1</sup>:

Նշելով վերոհիշյալ հոդվածի դրական կողմերը, այն, որ առաջին անգամ գիտական շրջանառության մեջ դրվեցին արխիվային արժեքավոր պատմակուսակցական փաստաթղթեր, կան նշանավոր բոլշևիկների ասույթներից քաղվածքներ, առանձին

<sup>1</sup> Տե՛ս Садагян А., Организационно-партийная работа Коммунистической партии Армении в период коммунистического строительства (1959—1971), Е., 1973:

<sup>2</sup> Տե՛ս Մ. Հակոբյան, Հանուն նոր մարզու դաստիարակության, Եր. 1972:

<sup>3</sup> Տե՛ս Հայաստանի կոմունիստական կուսակցության պատմության համառոտ ժամանակագրություն (1920—1980), Եր. 1961:

<sup>4</sup> Տե՛ս Сближение и взаимоотношение национальных культур СССР в условиях развивающегося социализма, Е., 1987:

<sup>5</sup> Տե՛ս Խ. Բարսեղյան, Հայաստանի կոմունիստական կուսակցության կազմավորումը:

<sup>1</sup> Տե՛ս Обишкин Г., Шаншиев Г., Шаумян Л., Некоторые вопросы истории Коммунистической партии Армении, «Коммунист», 1962, № 6.



ինքնուրույն եզրահանգումներ և այլն, և. Բարսեղյանը գտնում է, որ, ընդհանուր առմամբ, այս հեղինակները շին լուծել իրենց առջև դրված խնդիրները: «Հոգվածի հիմնական բացը այն է, — իրավացիորեն գրում է նա, — որ նրանում պատմականություն սկզբունքը խախտելու հետևանքով ստվերի տակ է թողնվել Հայաստանի լեհիսյան-իսկրայական, բոլշևիկյան կազմակերպությունների ավելի քան 15-ամյա գործունեությունը: Շրջանցվել է մինչև 1918 թվականը Հայաստանի տարածքում ՌՄԴԲԿ տեղական կազմակերպությունների ծավալած կուսակցական-քաղաքական աշխատանքը, ՌԿ(բ)Կ Կենտկոմի և Անդրկովկասի համապատասխան ղեկավար մարմինների դերը Ազգրեջանի, Վրաստանի և Հայաստանի կոմունիստական կուսակցությունների կազմավորման գործում»: Ի դեպ, «Կոմունիստի» հոգվածագիրները շեն ժխտում, որ ՀԿԿ-ն ստեղծվել էր աշխատանք տանելու Արևմտյան Հայաստանում և Ռուսաստանի հայ գաղթականություն շրջանում:

և. Բարսեղյանը սխալ է համարում նաև հոգվածագիրների այն հետևությունը, թե, իբր, ՀԿ(բ)Կ-ն կազմավորվել է երկու ձյուղերից՝ ՌԿ(բ)Կ տեղական բոլշևիկյան կազմակերպությունների և ՀԿԿ-ի միավորման ճանապարհով: Նշելով մի շարք սխալներ ևս, և. Բարսեղյանը գտնում է, որ դրանք արդյունք են ՀԿԿ-ի պատմությունը լավ շուտամասիրելուն, ուստի պետք է ըստ արժանվույն գնահատել այդ կուսակցության գործունեությունը և ոչ թե գունաղարդել, ինչպես փորձում են կատարել հոգվածագիրները:

Հիմնավորելով այն տեսակետը, որ շուրջ հարյուր հոգուց բաղկացած ՀԿԿ-ն ստեղծվել էր Արևմտյան Հայաստանում գործելու համար, որ այն ժամանակ Հայաստան ասելով հասկացվում էր Արևմտյան Հայաստանը և դրանով իսկ շրջողներով ՀԿ(բ)Կ-ի կազմավորումը 1918 թվականից, և. Բարսեղյանը չի ժխտում ՀԿԿ-ի կատարած դրական աշխատանքը՝ բոլշևիկյան մամուլի և գրականության հրատարակում, բուրժուազգայնական կուսակցությունների քաղաքականության քննադատում, մարքսիզմ-լենինիզմի ուսմունքի, խորհրդային իշխանության գաղափարների տարածում հայ իրականության մեջ, մասնակցություն III Ինտերնացիոնալի հիմնադրմանը, համատեղ աշ-

խատանք Հայկական գործերի կոմիսարիատի հետ և այլն: «Հայաստանի կոմունիստական կուսակցությունը, — գրում է նա, — անշուշտ, որոշակի դեր է խաղացել կոմունիստական շարժման պատմության մեջ, Արևմտյան Հայաստանից Ռուսաստան և Կովկաս գաղթած հայ աշխատավոր զանգվածների շրջանում մեծ Հոկտեմբերի ազատարար գաղափարները տարածելու գործում: Բայց այդ կուսակցությունը հիմք չդարձավ (և չէր էլ կարող դառնալ) Հայաստանի բոլշևիկյան կազմակերպությունների ձևավորման համար»<sup>1</sup>:

Անցնելով ՀԿ(բ)Կ կազմակերպական ձևավորման հարցին, և. Բարսեղյանը ցույց է տալիս, որ Հոկտեմբերյան հեղափոխությունից հետո Հայաստանում աշխուժանում է բոլշևիկյան կազմակերպությունների աշխատանքը, ստեղծվում են նոր բջիջներ: Ազգային կոմունիստական կուսակցություններ ստեղծելու հարցում, նշում է պատմաբանը, մինչև 1919 թ. մայիսը ՌԿ(բ)Կ Կովկասյան երկրային կոմիտեն ճիշտ դիրքերի վրա չէր կանգնած, դեմ էր նրանց ստեղծմանը, որով և բուրժուազգայնական կուսակցությունների ձեռքից հնարավոր չէր խլել ազգային անկախության համար մղվող պայքարի դրոշմը: Աշխատության մեջ համակողմանիորեն բացահայտվել է 1919 թ. Երևանի սեպտեմբերյան խորհրդակցության, 1920 թ. հունվարյան Արմֆերանսի դերն ու նշանակությունը ՀԿ(բ)Կ կազմավորման գործում, ցույց է տրված ՀԿ(բ)Կ կազմակերպական ձևավորման ավարտումը: և. Բարսեղյանի աշխատության արժանիքներից մեկն էլ այն է, որ նրանում կատարվել են ՀԿ(բ)Կ պատմության հետ կապված փաստական բազմաթիվ ճշգրտումներ, որոնք պատմականակցական գրականության մեջ տարբեր ձևերով էին ներկայացված, շատ անգամ խեղաթյուրված: Մատնանշված հարցի առթիվ և. Բարսեղյանը՝ Գ. Ղարիբջանյանի և Գ. Ժվանիայի հետ համատեղ, հանդես եկավ նաև «Բանբեր Հայաստանի արխիվների» պարբերականում: Հոգվածին կցված են 15 արժեքավոր փաստաթղթեր: Ելնելով այդ փաստաթղթերից, հեղինակները համոզիչ կերպով ապացուցում են, որ Հայաստանի կոմունիստական կուսակցությունը ձևավորվել է ոչ թե 1917 կամ 1918, այլ 1920 թվականին<sup>2</sup>:

<sup>1</sup> և. Բարսեղյան, նշվ. աշխ., էջ 246:

<sup>2</sup> Տե՛ս «Բանբեր Հայաստանի արխիվների» 1971, № 3:



Հայաստանի կոմունիստական կուսակցության կազմավորման և, մասնավորապես, «Հայաստանի կոմունիստական կուսակցություն» կազմակերպության հարցին 1950-ական թվականների կեսերից սկսած անդրադարձել են նաև Գ. Ղարիբջանյանը, Ս. Կարապետյանը, Մ. Աղալյանը, Ս. Վարդանյանը, Ա. Մնացականյանը, Մ. Արզումանյանը, Գ. Գալոյանը և ուրիշներ։ Սակայն նրանցից մի քանիսը ևս միակողմանի են ներկայացնում այդ կազմակերպության գործունեությունը։ Այսպես, Մ. Արզումանյանն իր «Արհավիրքից վերածնունդ» աշխատության մեջ, համառոտակի շարադրելով այդ կազմակերպության պատմությունը, ոչ մի թերություն չի տեսնում նրա գործունեության մեջ։ Ա. Մնացականյանի կարծիքով, Հայաստանի կոմունիստական կուսակցությունը կազմավորվել է ոչ թե 1920, այլ 1918-ին։ Համոզվել չէ նրա այն դրույթը, թե, իբր, Հայաստանի կոմունիստական կուսակցությունը կազմավորվել է Կովկասում և ետհորդային Ռուսաստանում գործող Հայաստանի կոմունիստական կուսակցության և Հայաստանի հանրապետության ներսում ընդհատակում գործող կոմունիստական կազմակերպությունների միաձուլման հիմքի վրա<sup>1</sup>։

Անդրկովկասի, այդ թվում Հայաստանի կոմկուսակցության պատմության գրեթե բոլոր հանգուցային հարցերին հանգամանորեն անդրադարձել է Գ. Գալոյանը՝ Անդրկովկասի բանվորական շարժումներին և ազգային հարցին նվիրված մենագրության մեջ։ Այստեղ նա հատուկ քննության է առնում նաև Հայաստանի կոմունիստական կուսակցության գործունեությունը։ Նշելով, որ չնայած այդ կազմակերպությունը ստեղծվել էր արևմտահայության և Ռուսաստան փախած հայ գաղթականության միջավայրում աշխատելու համար, Գ. Գալոյանը գտնում է, որ Հայաստանում բուրժուական հանրապետության ստեղծումից հետո նա փաստորեն պետք է գործեր նաև նրա տարածքում։ «Հայաստանի կոմունիստական կուսակցության Կենտկոմը Գ. Հայկունու գլխավորությամբ, — գրում է նա, — իր գոյության գլխավոր իմաստը տեսնում էր դաշնակցություն հակակապիտալիզմի դաշնակա կուսակցության դեմ պայքարի մեջ հանուն Հայաստանի բոլոր ազգությունների աշխատավորների ինտերնացիոնալ

համախմբման»<sup>1</sup>։ Այնուհետև նա նշում է, որ 244-ն իր հիմնադրման առաջին օրից սկսած գործել է ՌԿ(բ)Կ Կենտկոմի հետ լիակատար համագործակցությամբ և նրա ղեկավարությամբ։ Արխիվային հավաստի վավերագրերով ցույց է տրվում, որ 1919—1920 թթ. ՌԿ(բ)Կ Կենտկոմը մի քանի անգամ քննության է առել 244-ի գործունեության հարցը և հակառակ ՌԿ(բ)Կ Կովկասյան երկրային կոմիտեի բռնած բացասական դիրքի, գտել է, որ պետք է այն գործի Հայաստանի հանրապետության տարածքում։

ՌԿ(բ)Կ Կովկասյան երկրային կոմիտեի և 244 Կենտկոմի միջև շարունակվում էին անհամաձայնությունները։ Չնայած 244-ն չի լիկվիդացվում, գրում է պատմաբանը, սակայն երկրային կոմիտեն նրան չէր ճանաչում։ Տեղական կոմունիստական կազմակերպությունները կազմակերպորեն ենթարկվում էին Կովկասյան բյուրոյին։ Հայաստանում նրան շարունակում էր շճանաչել ՌԿ(բ)Կ Հայաստանի կոմիտեն՝ Արմենկոմը։ «Փոխանակ միավորելու 244-ի ջանքերը տեղական կազմակերպությունների հետ, — իրավացիորեն գրում է նա, — և մեկ կենտրոնից ղեկավարելու աշխատանքը ինչպես Հայաստանի տեղական քնակչության, այնպես էլ հայ գաղթականության մեջ, ստեղծվել էր ինչ-որ երկու կենտրոն՝ 244 և ՌԿ(բ)Կ Արմենկոմ, որի հետևվանքով 1919—1920 թթ. զգալի չափով տուժեց Հայաստանի աշխատավորության մեջ կազմակերպական և քաղաքական աշխատանքը։ Փոխադարձ անդիջողականությունը ևս խաղաց իր բացասական դերը»<sup>2</sup>։

Գ. Գալոյանը իրավացիորեն գտնում է, որ ճիշտ չէ 244-ին մեղադրել «ավանտյուրիզմի», «նացիոնալիզմի» և համանման հանցանքների մեջ և որ 244-ի անդամները ամբողջովին իրենց նվիրել էին հայ ժողովրդին դաշնակցականների իշխանությունից ազատագրելու պայքարին։ Հեղինակը սխալ է համարում պատմական գրականության մեջ երկար ժամանակ իշխող այն կարծիքը, թե, իբր, 244-ն կոչված էր աշխատելու միայն արևմտահայերի մեջ և որովհետև անհատի պաշտամունքի տարիներին Գ. Հայկունին և 244-ի մյուս ղեկավարները ռեպրեսիայի էին ենթարկվել, պատմաբաններին առիթ է տվել կամ առհասարակ

<sup>1</sup> *Տե՛ս* Мнацаканян А., Ленин и решение национального вопроса в СССР, էջ 221։

<sup>1</sup> *Տե՛ս* Галоян Г., Рабочие движения и национальный вопрос в Закавказье, էջ 317։

<sup>2</sup> *Նույն տեղը*, էջ 330։



անտեսել այդ կազմակերպության բեղմնավոր աշխատանքը կամ անտեղի նրան մեղադրել «սարսափելի մեղքերի» համար<sup>1</sup>։

Հայաստանի կոմկուսակցության կազմակերպական ձևավորման հարցին Գ. Գալոյանն անդրադարձել է նաև «Հոկտեմբերյան հեղափոխությունը և Անդրկովկասի ժողովուրդների վերածնունդը» մենագրության մեջ։ Այստեղ նա նշում է, որ Հայկունու խումբը թույլ է տվել բազմաթիվ սխալներ, որ այն կտրված է եղել Անդրկովկասի տեղական կազմակերպություններից, հաշվի չի առել համաանդրկովկասյան կուսակցական մարմիններին, ոչ միշտ է վարել ճիշտ տակտիկական դիմ, որ ինքը «չի ձգտում պաշտպանության տակ առնել նրա ամբողջ գործունեությունը» և այլն։

Հայաստանի կոմունիստական կուսակցության հարցին Գ. Գալոյանն անդրադառնում է նաև «Պատմության քառուղիներում» մենագրության մեջ։ Այստեղ ևս նա այն կարծիքին է, որ սխալվում են այն պատմաբանները, ովքեր գտնում են, որ ՀԿԿ-ն ստեղծվել էր Արևմտյան Հայաստանում գործելու համար և որ այդ պնդումների հիմքում ընկած է կուսակցության երկրային կոմիտեի սխալ դիրքորոշումը այդ կազմակերպության նկատմամբ։ Նա նշում է, որ ինքը հնարավորություն է ունեցել ծանոթանալու ՌԿ(բ)Կ Կենտկոմի քաղբյուրոյի և կազմբյուրոյի այդ կազմակերպության վերաբերյալ ընդունած որոշումներին և եկել այն համոզման, որ վերոհիշյալ թեզը հաստատող ոչ մի լուրջ փաստաթուղթ գոյություն չունի։ «Հայաստանի կոմունիստական կուսակցությունը, — գրում է նա, — ստեղծվել է 1917 թ. վերջերին և նպատակ էր դրել զործել արևմտահայ գաղթականների շրջանում, Հայաստանում իշխանությունը դաշնակցականների կողմից զավթելուց հետո։ ՌԿ(բ)Կ Կենտկոմը նրան փաստորեն ճանաչեց որպես մի կազմակերպություն, որը պետք է գործեր նաև Հայաստանի բուրժուական հանրապետության տարածքում»<sup>2</sup>։ Իր թեզը հաստատելու համար Գ. Գալոյանը վկայում է ՌԿ(բ)Կ Կենտկոմի քաղբյուրոյի 1919 թ. դեկտեմբերի 20-ին Վ. Ի. Լենինի գլխավորությամբ ընդունած հեռակալ որոշումը. «Ընդունելով անհրաժեշտ ՌԿԿ Կովկասյան երկրային կոմիտեի ենթակայու-

թյամբ Հայաստանի կոմունիստական կուսակցության գոյությունը որպես տերիտորիալ կազմակերպության գոյություն ունեցող հայկական հանրապետության սահմաններում, հիմք ընդունել Հայկունու բանաձևը և հրահանգի նախագիծը»<sup>1</sup>։

Հայաստանի կոմունիստական կուսակցության մասին կարծիք է արտահայտված նաև «Անդրկովկասի կոմունիստական կազմակերպությունների պատմության ուրվագծերում», որին համակարծիք ենք։ Այնտեղ ասված է. «Սակայն Հայաստանի կոմունիստական կուսակցության կազմավորումը, որպես կազմակերպական կուսակցական ինքնուրույն միավոր, փաստորեն ձևական էր նրա գործունեության սահմանափակ ոլորտի և տեղական կուսակցական կազմակերպությունների ղեկավար մարմնից կտրված լինելու պատճառով»<sup>2</sup>։

Այսպիսով, քննարկվող հարցը դեռևս բոլորի կողմից չի ստացել ընդունելի լուսաբանություն և շարունակում է մնալ որպես վիճելի պրոբլեմ։

Խորհրդահայ պատմագրության ուշադրության արժանացած թեմաներից մեկն էլ եղել ու մնում է հայ ականավոր հեղափոխական գործիչների կյանքի ու գործունեության լուսաբանումը։ Դա ունի ոչ միայն դիտապատմական, այլև դաստիարակչական մեծ նշանակություն։ Ականավոր հեղափոխական գործիչների հերոսական կյանքի ու պայքարի դրվագները ոգեշնչող օրինակ են հանդիսանում խորհրդային մարդկանց, առաջին հերթին՝ մեր երիտասարդության համար։

Ասենք, որ 1920-ական թվականների կեսերից մինչև 1960-ական թվականների սկիզբը ղգալի աշխատանք էր կատարվել այդ ուղղությամբ։ Հարկ է նշել, որ հայ ականավոր հեղափոխականների գործունեությունը լուսաբանվել է իր ժամանակի սոցիալ-տնտեսական և քաղաքական կյանքի ընդհանուր ֆոնի վրա, ԽՍԿԿ և ՀԿԿ պատմության հետ սերտորեն շաղկապված։

Այդ շնորհակալ աշխատանքը շարունակվեց նաև վերջին քսանհինգամյակում։ Մի շարք ներ, արժեքավոր աշխատություններ են հրատարակվել Ստ. Շահումյանի մասին։ Այս գործում մեծ վաստակ ունի Խ. Բարսեղյանը։ Առանձնապես հիշատակու-

<sup>1</sup> ՏՊՍ Գալոյան Գ., նշվ. աշխ., էջ 330։

<sup>2</sup> Գ. Գալոյան, Պատմության քառուղիներում, էջ 296 (Ընդգծումները հեղինակին են — Շ. Ը.)

<sup>1</sup> Գ. Գալոյան, Պատմության քառուղիներում, էջ 302 (ընդգծ. հեղ. Շ. Ը.)։

<sup>2</sup> Очерки истории коммунистических организаций Закавказья, часть первая, с. 437—438.



թյան է արժանի նրա Շահումյանի կյանքի ու գործունեության վավերագրական տարեգրությունը<sup>1</sup>, որի մասին ահա թե ինչ է գրել Ա. Միկոյանը գրքի առաջաբանում. «Խ. Բարսեղյանի «Ստեփան Շահումյանի կյանքի ու գործունեության վավերագրական տարեգրությունը» գրքում հստակորեն, օրավուր, ամսեամիս, տարեցտարի, ցույց է տրված Շահումյանի գործունեությունը, որը բոլոր էտապներում սերտորեն միահյուսվել է մեր կուսակցության պատմության, նրա առաջնորդ Լենինի գործունեության հետ: Այս կենսագրական խրոնիկան կազմելու համար հեղինակը լուրջ մանրակրկիտ աշխատանք է կատարել աղբյուրների որոնման ուղղությամբ: Նրան չի փոխարինի Շահումյանի մասին լույս տեսած ոչ մի գիրք: Այս գիրքը կդրավի իր ուրույն տեղը և կարծում եմ հետաքրքրվող ընթերցողին մեծ գոհունակություն կպատճառի»: Խ. Բարսեղյանի գրչին են պատկանում նաև ականավոր լենինյանին նվիրված մի շարք այլ աշխատություններ<sup>2</sup>:

Գիտական բարձր մակարդակով է գրված Մ. Արզումանյանի աշխատությունը<sup>3</sup>: Կարելի է հաստատապես պնդել, որ Ստ. Շահումյանի մասին մինչ այդ գրված մենագրություններից ոչ մեկը այնքան հարուստ փաստական նյութի հիման վրա չի շարադրվել, ինչպես այդ գիրքը: Նրանում վեր է հանված Շահումյանի ամբողջական կերպարը, նրա վիթխարի ու բազմաբեղուն գործունեությունը:

Յտ. Շահումյանի կյանքի և գործունեության մի շարք դրվագներ լուսարանել է Գ. Ղարիբջանյանը<sup>4</sup>:

Ստ. Շահումյանի տեսական ժառանգությունը վեր է հանված Բ. Օհանջանյանի<sup>5</sup>, իսկ պատմագիտական հայացքները՝ Ն. Սարգսյանյանի աշխատություններում<sup>6</sup>:

<sup>1</sup> Տե՛ս Խ. Բարսեղյան, Ստեփան Շահումյան: Կյանքի և գործունեության վավերագրական տարեգրություն, Եր., 1968:

<sup>2</sup> Տե՛ս Барсегян Х., Степан Шаумян, М., 1975, նույնի՝ Степан Шаумян (биография), Е., 1978:

<sup>3</sup> Տե՛ս Մ. Արզումանյան, Ստեփան Շահումյան, Եր., 1978:

<sup>4</sup> Տե՛ս Գ. Ղարիբջանյան, Ստեփան Շահումյան, Եր., 1978, նույնի՝ Революционная деятельность С. Г. Шаумяна за границей (1902—1907), Е., 1971:

<sup>5</sup> Տե՛ս Բ. Օհանջանյան, Տեսական մարքսիզմի ծանր հրետանին, Եր., 1970:

<sup>6</sup> Տե՛ս Ն. Սարգսյանյան, Ստ. Շահումյանի պատմագիտական հայացքները, Եր., 1979:

Ս. Սպանդարյանի կյանքն ու գործունեությունը հանգամանորեն շարադրված է Մ. Արզումանյանի աշխատության մեջ<sup>1</sup>:

Ինչպես հայտնի է, Ալ. Մյասնիկյանի մասին ևս հրատարակվել են մի շարք գրքեր (Ա. Մնացականյան, Գ. Ղարիբջանյան), սակայն անվանի գործչի մասին վերջերս լույս ընծայվեց նաև Ս. Ամիրջանի աշխատությունը<sup>2</sup>: Նրանում ավելի հանգամանորեն են լուսաբանված Ալ. Մյասնիկյանի կյանքի և գործունեության մի շարք կարևոր դրվագներ:

Հրատարակվել են Գ. Ղարիբջանյանի գրքերը Վ. Կասպարովի, Բ. Կնունյանցի, Կամոյի մասին<sup>3</sup>:

Արժեքավոր գրքեր են հրատարակվել նաև հայ անվանի այլ գործիչներին<sup>4</sup>, ինչպես նաև Ա. Զափարիձևի<sup>5</sup> և Գ. Դիմիտրովի<sup>6</sup> մասին: Լավ գործ է սկսել Խ. Բարսեղյանը: 1987 թ. հրատարակվել է «Կարմիր պանթեոնից» պատմավավերագրական նրա աշխատության առաջին գիրքը: Շուտով կհրատարակվի երկրորդը:

ԱնդրՖեդերացիայի կազմավորման և այն ԽՍՀՄ-ի մեջ մըտնելու համար մղված պայքարում Գ. Օրջոնիկիձեի դերը լուսաբանված է պատմական գիտությունների դոկտոր Ֆ. Սեյրանյանի ուշագրավ աշխատության մեջ<sup>7</sup>: Նրանում բացահայտվել է

<sup>1</sup> Տե՛ս Մ. Արզումանյան, Սուրեն Սպանդարյան, Եր., 1982:

<sup>2</sup> Տե՛ս Ս. Ամիրյան, Ալեքսանդր Մյասնիկյան, Եր., 1986:

<sup>3</sup> Гарибджанян Г., Каспаров В. И. — Видный деятель коммунистической партии, Е., 1965, Богдан Книунянц — рыцарь революции, Е., 1978, Камо за рубежом, Е., 1982.

<sup>4</sup> Տե՛ս Հ. Կառապետյան, Մեծ պայքարի մարդիկ, հ. 2, Եր., 1967, Մ. Աղաջան, Արշավիր Մելիքյան, Եր., 1969, Ս. Ալիսանյան, Վաղյաձ Ավանեսով, Եր., 1970, Գ. Հարությունով, Գ. Մկրտչյան, Պապիկ Մկրտչյան, Եր., 1971, Գ. Հարությունով, Զ. Պեհզուղով, Նունե (Նինա Ֆերդինանտովնա), Եր., 1974, Агаян Ц., Нерсик Степанян, Е., 1967.

<sup>5</sup> Տե՛ս Գ. Ղարիբջանյան, Ալոշա Զափարիձե (կյանքն ու հեղափոխական գործունեությունը), Եր., 1979, Հ. Կառապետյան, Ալոշա Զափարիձե, կյանքն ու գործը, Եր., 1979:

<sup>6</sup> Տե՛ս Գ. Ղարիբջանյան, Գեորգի Դիմիտրովը և հայ ժողովուրդը, Եր., 1982:

<sup>7</sup> Տե՛ս Сейранян Ф., Г. К. Орджоникидзе и Закавказье (1921—1926 гг.), Е. 1984:



նաև Օրջոնիկիձեի դերը Անդրկովկասում ռազմական շինարարության կազմակերպման բնագավառում:

Վերջին քառորդ դարում հրատարակվել են հայ ականավոր բուլշևիկների և խորհրդային Հայաստանի կուսակցական ու պետական մի քանի գործիչների երկերը<sup>1</sup>:

Դրական երևույթ պետք է համարել հին բուլշևիկների և նրանց մասին հիշողությունների հրատարակումը, որը գիտական ու քաղաքական որոշակի հետաքրքրություն ներկայացնելուց բացի, հարստացնում է նաև մեր պատմագրությունը<sup>2</sup>:

Խորհրդահայ մի խումբ պատմաբաններ գիտահետազոտական աշխատանք են կատարել բուլշևիկյան մամուլի պատմության լուսաբանման ուղղությամբ: Վերջին քառորդ դարում հրատարակվել են մի շարք նոր աշխատություններ<sup>3</sup>:

Ուշագրավ են պատմական գիտությունների թեկնածուներ Ս. Սարգսյանի և Ի. Մինասյանի գրքերը<sup>4</sup>:

Վերջին քսանհինգամյակում քիչ աշխատանք չի կատարվել Հայաստանի լենինյան կոմերիտմիության պատմության հետազոտման բնագավառում:

<sup>1</sup> Տե՛ս Ստ. Ծանույց, Երկերի լիակատար ժողովածու, հինգ հատորով, հ. 1—5, Եր., 1975—1978; Мясникян А., Избранные произведения, Е., 1965, Ալեքանդր Մյանսիկյան, Երկեր 5 հատորով, Եր. 1981—1988; Բ. Կարիրջանյան, Խորհրդային իշխանության համար մղված պայքարում (1917—1920), Եր. 1966; Ս. Կասյան, Ընտիր երկեր, Եր. 1974, Ա. Քեկզաղյան, Նամակներ, հոգովածներ, փաստաթղթեր, Եր. 1981, Ա. Մելիքյան, Ընտիր երկեր, Եր., 1982, Ս. Խանոյան, Ընտիր երկեր, Եր., 1982, Ս. Լուկաշին, Հոգովածներ, զեկուցումներ, ճառեր, Եր. 1986:

<sup>2</sup> Լենինի հետ, վավերագրեր և հուշեր, Եր. 1969; Ա. Վարդանյան, Տարիներ առաջ, Եր. 1986, նույնի՝ Անցած ուղիներով, Եր., 1968, Աշ. Հովհաննիսյան, Հուշեր և բնութագրումներ, Եր., 1959, Мусаселян С., Сборник воспоминаний и материалов, Е., 1968. Воспоминания коммунистов Закавказья о В. И. Ленине, Е., 1970, Микоян А., Мысли и воспоминания о Ленине, М., 1970, Лалаян И., Письма, документы, воспоминания, Е., 1986 և այլն:

<sup>3</sup> Տե՛ս Հ. Բանակյան, ՌՄԴԿ կենտրոնական մամուլը և Անդրկովկասը 1901—1917, Եր., 1971, Մ. Բոբյան, Լենինիզմի պրոպագանդան հայ բուլշևիկյան մամուլում, 1905—1917, Եր., 1968, նույնի՝ Անդրկովկասի բուլշևիկյան մամուլը սոցիալիստական հեղափոխության համար մղված պայքարում (1917—1921 թթ.), Եր. 1978, Լ. Քեզաղյան, «Բանվորի կոիվը» թերթը, Եր., 1966:

<sup>4</sup> Տե՛ս Ս. Սարգսյան, Սովետական Ռուսաստանի հայ մամուլը (1918—1921), Եր. 1968, Ի. Մինասյան, Աղբյուրների բուլշևիկյան հայ մամուլի պատմությունից, Եր. 1985:

1968-ին լույս տեսավ «Հայաստանի լենինյան կոմերիտմիության պատմություն» կոլեկտիվ աշխատությունը<sup>1</sup>: Դա, ինչպես գրված է գրքի առաջաբանում, ՀԼԿԵՄ ամբողջական պատմությունը մի գրքում ամփոփելու սոսկ առաջին փորձն է: Հեղինակներն են՝ Հ. Կարապետյանը, Հ. Ավետիսյանը, Հ. Պողոսյանը, Կ. Միրզախանյանը, Գ. Գեղամյանը, Մ. Թութխալյանը, Հր. Սիմոնյանը, Լ. Կրոյանը:

Աշխատությունը գրված է կոմունիստական կուսակցության, երկրի և ՀամԿԵՄ պատմության ընդհանուր ֆոնի վրա, լիովին համապատասխան է նրա պարբերացմանը: Նրանում նախ շարադրվում է Հայաստանի կոմերիտմիության առաջացման ու կազմակերպական ձևավորման պատմությունը, ապա փաստական հարուստ տվյալներով պարզ, հանրամատչելի, միաժամանակ գիտական պատշաճ մակարդակով վեր է հանվում Հայաստանի կոմերիտմիության գործունեությունը սոցիալիստական շինարարության տարբեր փուլերում, ինչպես նաև Հայրենական մեծ պատերազմի տարիներին:

Հայաստանի կոմերիտմիության պատմության տարբեր հարցերի վերաբերյալ հրատարակվել են նաև մի շարք առանձին գրքեր<sup>2</sup>:



Հայ ժողովրդի պատմությունից բացի, խորհրդահայ պատմաբանները որոշակի աշխատանք են կատարել ԽՄԿԿ, ԽՍՀՄ, ընդհանուր պատմության և արևելագիտության մի շարք կարևոր հարցերի լուսաբանման ուղղությամբ: Սակայն այդ հարցերին հանդամանորեն չենք անդրադարձել, նկատի ունենալով, որ

<sup>1</sup> Տե՛ս Հայաստանի լենինյան կոմերիտմիության պատմություն, հեղինակային կոլեկտիվ, զեկավար՝ Հ. Կարապետյան, Եր. 1960:

<sup>2</sup> Տե՛ս Ավետիսյան Դ., Комсомол Закавказья под знаменем пролетарского интернационализма, Е., 1968, Хитаров Раффи, Е., 1971, В. И. Ленин и пролетарский интернационализм в революционном молодежном движении, Е., 1979, Под знаменем пролетарского интернационализма, Е., 1982, Հ. Կարապետյան, Ղուկաս Ղուկասյան, Եր., 1971, Արմենակ Բուդաղյան, Եր. 1977:



զրանք առանձին ուսումնասիրության խնդիր են, որով պետք է զբաղվեն համապատասխան մասնագետները: Ներկա աշխատության մեջ բավարարվել ենք միայն այդ ուղղությամբ հրատարակված որոշ աշխատությունների թվարկումով:

ԽՄԿԿ պատմության առանձին թեմաների վերաբերյալ հրատարակվել են Հր. Սիմոնյանի, Գ. Ղարիբջանյանի, Ս. Ամիրջանի և այլոց աշխատություններ<sup>1</sup>:

Խորհրդահայ պատմաբանների մի շարք աշխատություններ կարևոր ավանդ են ԽՍՀՄ պատմության առանձին հարցերի լուսարանության գործում: Հ. Բաղդասարյանի և Հ. Կարապետյանի<sup>2</sup> աշխատությունները նվիրված են ԽՍՀՄ կազմավորման պատմությանը, ԽՍՀՄ ժողովուրդների բարեկամությանը: Շնորհակալ աշխատանք է կատարել Զ. Գրիգորյանը՝ բուհական ուսանողության համար պատրաստելով ԽՍՀՄ պատմության դասախոսությունների ձեռնարկ<sup>3</sup>: 1977 թ. հրատարակվեց «Մեծ Հոկտեմբերը և ազդային հարցը» ժողովածուն, որտեղ զետեղված են 1974 թ. Երևանում հրավիրված համամիութենական գիտական նստաշրջանում Գ. Ղարիբջանյանի, Ս. Աղայանի, Կ. Խուզավերդյանի կարդացած զեկուցումներ<sup>4</sup>:

Ընդհանուր պատմության գծով հրատարակված աշխատություններից հարկ է նշել Հայկական ԽՍՀ ԳԱ ակադեմիկոս Արզ.

Հովհաննիսյանի արժեքավոր աշխատությունները՝ նվիրված Ֆրանսիայի պատմության կարևոր հարցերին<sup>1</sup>: Աշ. Հարությունյանի աշխատություններում քննվում են ռազմական պատմության հարցեր<sup>2</sup>: Պատմական գիտությունների թեկնածու Ա. Ներսիսյանի աշխատությունը նվիրված է թուրքական սուլթանիզմի դեմ բուլղար ժողովրդի մղած պայքարի լուսաբանմանը<sup>3</sup>:

Մեծ աշխատանք է կատարվում Մերձավոր ու Միջին արևելքի երկրների պատմության և էկոնոմիկայի գիտական հետազոտության բնագավառում: Այդ կարևոր գործին է լծված Հայկական ԽՍՀ ԳԱ արևելագիտության ինստիտուտը: Վերջին քսանհինգամյակում հրատարակվել են մի շարք արժեքավոր աշխատություններ<sup>4</sup>:

\*\*\*

Ինչպես երևաց մեր խիստ համառոտ շարադրանքից, որոշակի աշխատանք է կատարվել Հայաստանի կոմունիստական կուսակցության պատմության գիտական հետազոտման, հայ ակա-

<sup>1</sup> Տե՛ս Иоаннисян А., Коммунистические идеи в годы Великой французской революции, М., 1966, К истории французского утопического коммунизма первой половины XIX столетия, М., 1981:

<sup>2</sup> Տե՛ս Ա. Հարությունյան, Պատերազմի ու խաղաղության մի քանի պրոբլեմների մասին, Եր. 1967, Առաջին համաշխարհային պատերազմի ռազմագիտական գիտական պատմությունից (1914—1918 թթ.) Եր. 1983:

<sup>3</sup> Տե՛ս Ա. Ներսիսյան, Բուլղար ժողովրդի պայքարը սուլթանական թուրքիայի դեմ XIX դարի 70-ական թվականներին, Եր. 1978:

<sup>4</sup> Տե՛ս Ա. Սարգսյան, Ազգային-ազատագրական շարժման արդի էտապը, Եր., 1966, Հ. Եզանյան, Հասարակական-քաղաքական հոսանքները Իրանում XIX դարի վերջին և XX դարի սկզբին, Եր. 1966, Իրանական պատմագրությունը Իրանում իմպերիալիստական տերությունների զաղութատիրական քաղաքականության մասին (XIX դարի 2-րդ կես), Եր., 1980, Ն. Հովհաննիսյան, Ազգային-ազատագրական պայքարը Իրանում (1939—1958 թթ.), Եր., Политика империалистических держав на Арабском Востоке в годы второй мировой войны (1939—1945), Е., 1981, Ն. Հովհաննիսյան, Հ. Սարգսյան, Սիրիան անկախության համար մղված պայքարում (1917—1946 թթ.), Եր., 1975: Балаян Б., Международные отношения Ирана (1813—1828), Е., 1967. Кровь на алмазе «Шах». Трагедия А. Грибоедова, Е., 1983. Инджикян О., Буржуазия Османской империи, Е., 1977, Կոյունի Օսմանյան կայսրության անկումը, Եր., 1984, Сафрастьян Р., Доктрина османизма в политической жизни Османской империи (1850—70 гг., XIX века), Е. 1985 և այլն:

<sup>1</sup> Տե՛ս Հ. Սիմոնյան, ԽՄԿԿ XXV համագումարը և մարքս-լենինյան տեսության զարգացումը, Եր., 1978, տե՛ս նաև Կոյունի՝ «Ինդուստրիալ հասարակության» տեսություններ: Քննադատական վերլուծություն, Եր., 1973, Արդի բուրժուական գաղափարախոսության քննադատության ուղղվածք, գիրք 1, Եր., 1977, գիրք 2, Եր. 1980, Գիտատեխնիկական հեղափոխությունը և նրա սոցիալական հետևանքները, Եր., 1982, Գ. Ղարիբջանյան, Մեծ Հոկտեմբերը և պրոլետարական ինտերնացիոնալիզմը Եր., 1977, Կոյունի՝ Մեծ Հոկտեմբերը պրոլետարական ինտերնացիոնալիզմի հաջթանակն է, Եր. 1987, Ս. Ամիրջան, Հարգացած սոցիալիզմի բանվոր դասակարգը, Եր. 1976:

<sup>2</sup> Տե՛ս Հ. Բաղդասարյան, Մեր հզոր Միությունը, Եր., 1972, Հ. Կարապետյան, Միության մեծ ուժը (ժողովուրդների դաշինքը՝ հասարակական առաջադիմության ազդակ), Եր. 1973:

<sup>3</sup> Տե՛ս Զ. Գրիգորյան, Գասախոսություններ ԽՍՀՄ պատմության (1801—1861 թթ.), Եր. 1975, շիրք Երկրորդ (1861—1917 թթ.) Եր., 1987:

<sup>4</sup> Տե՛ս Великий Октябрь и национальный вопрос, Е., 1977:



նավոր հեղափոխականների կյանքի ու գործունեության լուսաբանման, ՀԿԵՄ պատմության ուսումնասիրման ուղղությամբ, կան և վիճելի պրոբլեմներ, որոնք լուծում են պահանջում: Հանրապետության պատմաբանների խնդիրն է ոչ միայն պատմակուսակցական գրականությունը հարստացնել նոր աշխատություններով, այլ նաև սեղանին դնել հատկապես Հայաստանի կոմունիստական կուսակցության պատմության նորովի շարադրված «Ուրվագծերը»:

Գրված լինելով լճացման տարիներին, ինչպես նախորդ, այնպես էլ այս րաժնում հիշատակված աշխատությունների մի ղզալի մասը տառապում է պատմագրության մեջ ժամանակին բնորոշ արատներով, որոնց մեկը ոչ բոլոր դեպքերում ենք անդրադարձել: Այժմ պահանջվում է արմատապես վերանայել շատ գրույթներ, կոնցեպցիաներ՝ ելնելով պատմական ճշմարտությունից:

ԳՐՈՒԽ ՀԻՆԳԵՆՈՐԴ

### ԺԱՄԱՆԱԿԱԿԻՑ ՍՓՅՈՒՌԻ ՊԱՏՄՈՒԹՅՈՒՆԸ

Մինչև 1960-ական թվականները խորհրդահայ պատմագրության մեջ գրեթե անտեսված էր ժամանակակից սփյուռքի պատմությունը: Հայաստանի կամ հայոց պատմությունը հնագույն ժամանակներից մինչև 1920 թ. նոյեմբերի 29-ը շարադրվում էր որպես հայ ժողովրդի պատմություն, իսկ նրանից հետո այն վեր էր ածվում խորհրդային Հայաստանի պատմության, որի հետևանքով սփյուռքում ապրող շուրջ երկու միլիոն հայերի պատմությունը դուրս էր մնում պատմաբանների ուշադրությունից:

1960-ական թվականների սկզբին լույս տեսան մի շարք գրքույկներ, որոշ թվով հոդվածներ հրապարակվեցին պարբերական մամուլում: Այնուհետև այդ ուղղությամբ նոր քայլեր կատարվեցին: Սփյուռքի համառոտ, ամբողջական պատմությունն առաջին անգամ շարադրվեց «Հայ ժողովրդի պատմության» VII և VIII հատորներում, ինչպես նաև մեր հեղինակությամբ լույս տեսած «Հայ ժողովրդի պատմության» բուհական դասագրքի IV հատորում:

VII հատորում ամփոփված սփյուռքի պատմությունը բնագրվում է 1920—1940 թթ. ժամանակաշրջանը, որն իր հերթին բաժանված է երկու մասերի՝ խորհրդային Հայաստանը և սփյուռքահայությունը (հեղինակ՝ Հ. Մելիքսեթյան) և սփյուռքահայ մշակույթը (հեղինակ՝ Գ. Ստեփանյան):

Քննելով 1920-ական թվականների սկզբին հայկական սփյուռքի սովարացման հարցը, Հ. Մելիքսեթյանը ցույց է տալիս, որ ամենամարդաշատը Սիրիայի գաղթօջախն էր: Իր մեծու-



թյամբ և ազգային-հասարակական ակտիվ գործունեությամբ Սիրիայից հետո աչքի է ընկնում ԱՄՆ-ի հայկական գաղթօջախը, որից հետո՝ Բալկանները: Խոսելով հայկական գաղթօջախներում ապրող հայերի ընդհանուր թվի մասին, հեղինակը ճիշտ է նկատում, որ բերված թվերը միայն մոտավոր գաղափար են տալիս սփյուռքահայության քանակի մասին, քանի որ, մի կողմից, այդ տարիներին չի եղել ճշգրիտ վիճակագրություն, իսկ մյուս կողմից՝ անբարենպաստ պայմանների հետևանքով հայերը շատ երկրներում տեղական ժամանակով չեն հաստատվել, վարել են թափառական կյանք, ուստի հնարավոր չի եղել որոշելու նրանց ստույգ թիվը: Այդ է պատճառը, գրում է նա, որ զանազան աղբյուրներում այդ թիվը տատանվում է 800 հազարից մինչև 1 միլիոն 200 հազարի սահմաններում:

Հատորում ցույց է տրված, որ շնայած գաղութահայությունը բավականին ստվար մի զանգված էր իրենից ներկայացնում, բայց և այնպես նրա գլխին դամոկլյան սրի պես կախված էր օտարացման վտանգը: Միայն Հայաստանում խորհրդային կարգերի հաստատմամբ հնարավոր եղավ որոշ շափով կանխել նրանց ապաազգայնացման վտանգը: Օտար ափերում դեգերող արևմտահայ տարագիրների ճնշող մեծամասնությունը, հուսախաբվելով մեծ տերություններից, որոշակի դիմադարձ կատարեց դեպի Խորհրդային Հայաստան, ցանկություն հայտնեց վերադառնալ իր ազատագրված հայրենիքը: Հատորում ցույց են տրված խորհրդային իշխանության առաջին քայլերը սփյուռքահայությանն օգնելու ուղղությամբ: Այնուհետև շարադրվում է հայրենադարձության պատմությունը: Այստեղ քննվում է նաև հայրենադարձության հանդեպ սփյուռքահայ կազմակերպությունների ու հոսանքների դիրքորոշման հարցը: Մասնավորապես քննադատվում է դաշնակցություն կուսակցությունը, որն ամեն ջանք գործադրում էր ներգաղթը խափանելու, Խորհրդային Հայաստանին վարկարեկելու համար:

Հատորում մերկացվել է կողանի կոնֆերանսում և Ազգերի լիգայում իմպերիալիստական պետությունների նենգ դիվանագիտությունը, որոնք բավարարվում էին սոսկ դատարկ խոստումներով, իսկ գործնականում էական ոչինչ չէին անում հայ գաղթականության հարցը կարգավորելու ուղղությամբ: Այստեղ բացահայտվել է մեծ հումանիտար Ֆ. Նանսենի հայանպաստ գործունեությունը, որը, սակայն, ամեն անգամ հանդիպում էր Ազ-

գերի լիգայի դիմադրությունը: Առանձին քննվում է Հայաստանի օգնության կոմիտեի (ՀՕԿ) գործունեությունը և վեր հանվում նրա դերը Հայրենիք—Սփյուռք կապերի ամրապնդման գործում: Հ. Մելիքսեթյանը իրավացիորեն գրում է. այսպիսով իր գոյություն առաջին իսկ օրերից Խորհրդային Հայաստանը դարձավ համայն հայության այն միակ հանգրվանը, որն սկսեց աստիճանաբար իր գիրկը հավաքել զաժան ճակատագրի բերումով աշխարհասփյուռ հարազատ զավակներին:

VII հատորում լուսաբանվել է նաև սփյուռքահայ մշակույթը՝ գպրոցը, մամուլը, գրականությունը, թատրոնը, երաժշտությունը, գիտությունը:

Սփյուռքահայության խոշոր հատվածներից մեկի՝ հունահայ գաղթօջախի պատմության մի կարևոր ժամանակաշրջան է լուսաբանված պատմական դիտությունների թեկնածու Պ. Կոկինոսի մենագրության մեջ<sup>1</sup>: Հեղինակը շարադրել է հունահայ աշխատավորության տնտեսական, քաղաքական և հասարակական կյանքի մոտ երեք տասնամյակների պատմությունը, արտացոլել հայ և հույն բանվորների համատեղ պայքարի մի շարք կարևոր դրվագներ: Աշխատության մեջ լուսաբանված է նաև Հունաստանի կոմկուսակցության բազմակողմանի գործունեությունը հայ աշխատավորությանը հեղափոխական շարժումների մեջ ներգրավելու ուղղությամբ: Զգալի տեղ է հատկացված հայ ազգայնական կուսակցությունների դիրքորոշման հարցին Խորհրդային Հայաստանի նկատմամբ: Հեղինակը քննադատության է ենթարկում դաշնակցականներին, որոնք աշխատում էին ամեն կերպ մթազնել հունահայ աշխատավորության դասակարգային գիտակցությունը և նրան հեռու պահել հույն պրոլետարիատի հեղափոխական պայքարից: Հաջող է լուսաբանված գաղթօջախների ներկուսակցական պայքարը:

Մի շարք աշխատություններում լուսաբանվում է սփյուռքահայության մասնակցությունը Ֆաշիզմի դեմ մղված պայքարին: Այդ մասին առաջին անգամ գրել է Ա. Մնացականյանը իր «Հայ ժողովուրդը Հայրենական մեծ պատերազմում» աշխատության մեջ (1954 թ.), իսկ ավելի ծավալուն այդ թեման շարադրվել է

<sup>1</sup> Տե՛ս Պ. Կոկինոս, Հունահայ գաղութի պատմությունից (1918—1927), Եր. 1965:



«Հայ ժողովրդի պատմություն» VIII հատորում (Տեղիներակ՝ Ե. Խաչեյան): Այստեղ հանգամանորեն լուսաբանվել է սփյուռքահայ առաջադիմական ուժերի կատարած աշխատանքը մայր հայրենիքի պաշտպանության, կարմիր բանակին բարոյական և նյութական օգնություն ցույց տալու գործում: «Սփյուռքահայ առաջադիմական կազմակերպությունները,— գրված է այնտեղ,— Խորհրդային Միության հաղթանակի մեջ էին տեսնում վերածնված հայ ժողովրդի և Խորհրդային Հայաստանի հարատևման երաշխիքը: Նրանք Խորհրդային Հայաստանի հետ էին կապում տարազիր հայության ապագան»<sup>1</sup>: Հեղինակը կոնկրետ փաստերով ցույց է տվել նաև ֆաշիզմին զինվորագրված դաշնակցության, նրա պարագլուխների հակախորհրդային գործելակերպը: Հատորում արտացոլվել է սփյուռքահայության մասնակցությունը ֆաշիզմի դեմ մղվող մարտական գործողություններին: Բերվում է այն փաստը, որ միայն ամերիկյան բանակում հայ ռազմիկների թիվը հասնում էր 18 հազարի: Առանձնապես հանգամանորեն է խոսվում Դիմազբակի շարժմանը ֆրանսահայ գաղթօջախների ակտիվ մասնակցության մասին: Ընդգծվում է Մ. Մանուշյանի պարտիզանական խմբի հերոսական գործունեությունը: Հատորում խոսվում է նաև արտասահմանյան երկրներում ֆաշիզմի դեմ մարտնչած Խորհրդային քաղաքացիների գործունեության մասին, որը, իհարկե, ճիշտ չէ, քանի որ այնտեղ խոսքը վերաբերում է միայն սփյուռքահայության մասնակցությանը և ոչ թե Խորհրդահայ պարտիզանների գործողություններին արտասահմանում:

Ֆրանսահայ կոմունիստների մասնակցությունը գլխավորապես հարավային և կենտրոնական Ֆրանսիայի Դիմազբակի շարժմանը արժարժվել է պատմական գիտությունների թեկնածու Տ. Դրամֆյանի մենագրության մեջ<sup>2</sup>: Դիմազբակի շարժումը բնութագրելով որպես ֆրանսիական ժողովրդի ազգային-ազատագրական պայքար ընդդեմ հիտլերյան զավթիչների ու նրանց ֆաշիստական կամակատարների, որպես Ֆրանսիայի կոմունիստական կուսակցության ղեկավարությունը ընթացող բնակչության լայն խավերի հզոր շարժում, Տ. Դրամֆյանը նշում

է, որ այդ շարժումը Ֆրանսիայում ծավալվում էր Խորհրդային ժողովրդի և նրա փառապանծ բանակի հերոսական պայքարի անմիջական ազդեցության տակ և պատահական չէր, որ այն մասսայական բնույթ ստացավ միայն 1943 թ. սկզբից, Ստալինգրադի ճակատամարտից հետո: Պայքարելով Ֆրանսիայի ազատության համար, գրում է հեղինակը, հայ հայրենասերները պայքարում էին հանուն Խորհրդային Միության, քանի որ Դիմազբակի շարժումն օժանդակում էր ընդհանուր թշնամուճ հիտլերյան Գերմանիայի դեմ Խորհրդային ժողովրդի հզոր պայքարին: Մարտնչելով Ֆրանսիայի համար հայ հայրենասերները դրանով իսկ մարտնչում էին նաև Խորհրդային Հայաստանի համար, իրենց ժողովրդի համար:

Նշելով, որ Դիմազբակի շարժմանը հայ կոմունիստների մասնակցության պրոբլեմը Խորհրդահայ պատմագրության մեջ բավարար չափով չի ուսումնասիրված, Տ. Դրամֆյանը իրավացիորեն քննադատական խոսք է ասում 1960-ական թվականներին Մոսկվայում հրատարակված երկու գրքերի մասին\*, որոնց մեջ անտեսված է այդ շարժմանը ինչպես ֆրանսահայ գաղթօջախների, այնպես էլ Ֆրանսիայի կոմունիստական կուսակցության հայկական բաժանմունքի մասնակցության փաստը: Բանն այն է, գրում է նա, որ այդ աշխատությունների հեղինակների ուշադրությունից դուրս են մնացել ոչ միայն հայերը, այլև Ֆրանսիայում ապրող մյուս ազգությունները՝ մասնավորապես իտալացիները, իսպանացիները, հրեաները, լեհերը և ուրիշներ, որոնց ընդհանուր թիվն ավելի քան երեք միլիոն էր:

Մենագրության մեջ, նախ՝ հանգամանորեն լուսաբանված են հայ-ֆրանսիական գրական, մշակութային, ռազմաքաղաքական կապերը, որոնք սկզբնավորվել են դեռևս XI դարի վերջերից, ապա շարադրվում է Ֆրանսիայի կոմկուսակցության հայկական բաժանմունքի ստեղծման ու գործունեության 1923—1939 թվականների պատմությունը: Անդրադառնալով հայ կոմունիստների մասնակցությանը Դիմազբակի շարժմանն ու հայ ազգային ճակատի ստեղծմանը, Տ. Դրամֆյանը գրում է. «Քավական է միայն հիշատակել այն փաստը, որ Ֆրանսիայի ազատագրության շրջանում, 1944 թ. ամռանը հարավային ու կենտրոնական

<sup>1</sup> Հայ ժողովրդի պատմություն, հ. VIII, էջ 149:

<sup>2</sup> Տե՛ս Տ. Դրամֆյան, Ֆրանսահայ կոմունիստները Դիմազբակի տարիներին (1941—1944), Եր., 1967:

\* Հեղինակը նկատի ունի «Ֆրանսիայի ժողովրդի պայքարը ֆաշիզմի դեմ» և «Դիմազբակի հակաֆաշիստական շարժումը» գրքերը:



Ֆրանսիայի ավելի քան հինգ հազար հայեր ակտիվորեն մասնակցում էին հիտլերյան զավթիչների դեմ ծավալված ազգային-ազատագրական պատերազմի բոլոր ձևերին»<sup>1</sup>:

Աշխատության մեջ ցույց է տրված նաև Ֆրանսահայ կոմունիստների պայքարը դաշնակցության դեմ, որն ավելի էր ակտիվացել գերմանական ֆաշիզմի ակտիվ գործունեության տարիներին: Կոնկրետ փաստեր են բերվում դաշնակցության, նրա լիդերների միջազգային իմպերիալիզմի օգտին վարած քաղաքականության մասին: Այսպես, Ռ. Դարբինյանը «Հայրենիք» էջերում խանդավառված գուշակում էր խորհրդային կարգերի պարտությունը, Ա. Զամայանը մասնակցում էր նացիոնալ սոցիալիստների ֆաշիստական կուսակցության նյութներեզի համագումարին, Ա. Խատիսյանը նամակագրություն էր վարում ֆաշիստ մինիստր Ռոզենբերգի հետ, որն օգնեց 1942 թ. վերջին Բեռլինում «հայկական Ազգային խորհուրդ» ստեղծելուն: Դաշնակցականները սերտորեն համագործակցում էին գերմանական օկուպանտների հետ Ռումինիայում, Բուլղարիայում, Հունաստանում, Ֆրանսիայում և հենց Գերմանիայում: Բեռլինում դաշնակցական պարագլուխները բացարձակապես համագործակցում էին գեստապոյի հետ, ստեղծեցին Հայաստանի ապագա «կառավարությունը», խորհրդային բանակի դեմ կռվելու «հայկական ազգային լեգեոն» և այլն:

Տ. Դրամփյանի աշխատության մեջ արտացոլվել է Ֆրանսիայի կոմունիստական կուսակցության հայկական բաժանմունքի գործունեությունը «հայկական ազգային լեգեոնի» քայքայման ուղղությամբ: Ուշագրավ փաստեր կան հայ կոմունիստների գործունեության մասին՝ Ֆրանսիայի համաժողովրդական ազգային ապստամբության նախապատրաստման և անցկացման, գլխավորապես Մարսելի և Լիոնի ազատագրման ժամանակ:

Տ. Դրամփյանի աշխատության վերաբերյալ ունենք հետևյալ դիտողությունը: Խոսելով հայ-ֆրանսիական ռազմաքաղաքական կապերի մասին, նշելով, որ «հայերը Ֆրանսիայում բազմիցս ապացուցել են իրենց նվիրվածությունը իրենց երկրորդ հայրենիքին, հերոսաբար մարտնչելով նրա դրոշի տակ»<sup>2</sup>, նա բարեկամություն է համարում այն, որ «Նապոլեոնի մղած պատերազմ-

ներում ֆրանսիական զորքերում հաճախ ենք հանդիպում հայազգի զենեբալներին, սպաների, զինվորների անուններին»: Այստեղ նա հիշատակում է Նապոլեոն Բոնապարտի անձնական թիկնապահ Ռոստանի (Ռուստամ), մարշալ Իոախիմ Մյուրատի (Մուրադ Հովակիմյան) անունները: Բացի այդ, նա Նապոլեոն III-ի միջամբտությունը 1862 թ. Զեյթունի ապստամբությանը ներկայացնում է որպես հայ-ֆրանսիական կապերի փաստ, մինչդեռ հայտնի է, որ ֆրանսիական կայսեր միջամտությունը հետապնդում էր բուլղոսի ալլ նպատակ և որ իր զավթողական նպատակին հասնելու համար նա վարպետորեն օգտագործում էր արկածախնդիր Լեոն Լուսինյանին:

Տ. Դրամփյանի մյուս աշխատությունը ևս նվիրված է Ֆրանսիայի կոմունիստական կուսակցության հայկական բաժանմունքի պատմությանը (1924—1947 թթ)<sup>3</sup>: Նրա մյուս գրքույկը նվիրված է Միսաք Մանուշյանի գործունեությանը<sup>4</sup>:

Ինչպես հայկական, այնպես էլ արաբական և այլ աղբյուրների մանրակրկիտ ուսումնասիրության հիման վրա Հ. Թոփուզյանի մենագրության մեջ արտացոլվել է 1925—1946 թթ. արաբների և հայերի համատեղ պայքարը ֆրանսիական գաղութարարների դեմ հանուն Սիրիայի և Լիբանանի անկախության<sup>5</sup>: Զգալի տեղ է հատկացված նաև երկրորդ համաշխարհային պատերազմից հետո անգլո-ամերիկյան իմպերիալիզմի դեմ հայ և արաբ աշխատավորության մղած պայքարին: Հեղինակի ուշագրությունից չի վրիպել ցույց տալու նաև հայ քաղաքական կուսակցությունների դիրքորոշումը արաբների ազգային-ազատագրական շարժումների նկատմամբ: Ի տարբերություն հնչյականների և ռամկավարների, հեղինակը դաշնակցականներին բնութագրել է որպես հակակոմունիզմի ջատագովներ: Աշխատության մեջ կատարվել են մի շարք փաստական կարևոր ճշգրտումներ: Օրինակ, նա փաստերով հիմնավորել է, որ Լիբանանի և Սիրիայի կոմկուսակցությունները ստեղծվել են ոչ թե 1930-ին, ինչպես գրել են մի շարք հեղինակներ, այդպես նշված է նաև «Սովետական մեծ հանրազգիտարանում», այլ 1925 թվականին<sup>6</sup>:

<sup>1</sup> ՏԵՄ Դրամփյան, հշվ. աշխ., էջ 90:

<sup>2</sup> ՏԵՄ Տ. Դրամփյան, Արյան գնով, Եր. 1971:

<sup>3</sup> ՏԵՄ Զ. Թոփուզյան, Հայերի մասնակցությունը Սիրիայի և Լիբանանի ազգային-ազատագրական շարժումներին, Եր. 1968:

<sup>4</sup> ՏԵՄ Զ. Թոփուզյան, հշվ. աշխ., էջ 31:

<sup>1</sup> Տ. Դրամփյան, հշվ. աշխ., էջ 90:

<sup>2</sup> Նույն տեղը, էջ 22:



Հայկական սփյուռքի հետպատերազմյան տարիների համառոտ, բայց ամբողջական պատմությունը շարադրված է «Հայ ժողովրդի պատմության» VIII հատորում: Սկզբում ընդհանուր գծերով ներկայացվում է սփյուռքի հասարակական-քաղաքական կյանքը (հեղինակներ՝ Լ. Խուրշուդյան, Կ. Գալաքյան): Իրավացիորեն նշելով, որ սփյուռքահայության թվի մասին ճշգրիտ վիճակագրական տվյալներ չկան, հեղինակները հենվելով գանազան ազդյունների վրա, ցույց են տալիս, որ այն հասնում է մոտ երկու միլիոնի: Անդրադառնալով արտասահմանի հայության սոցիալ-տնտեսական վիճակին, հեղինակները գտնում են, որ այն հիմնականում համընկնում է նրանց բնակված երկրների ժողովուրդների սոցիալ-տնտեսական վիճակին: Նրանք միաժամանակ նշում են, որ մի շարք երկրներում հայության վիճակն ավելի ծանր է՝ այնտեղ կիրառվող ազգային խտրականության հետևանքով: Չնայած դրան, գրում են նրանք, սփյուռքահայ զաղթօջախների բնակչությունն ունի իր ազգային-մշակութային դիմագիծը, որը տարբեր երկրներում արտահայտվում է տարբեր շափերով:

Խոսելով սփյուռքահայերի զբաղմունքի, նրանց տնտեսական գործունեության մասին իրենց հյուրընկալած երկրներում, հեղինակները նշում են, որ նրանք վարում են նաև ակտիվ քաղաքական-հասարակական կյանք՝ ունեն իրենց քաղաքական կուսակցությունները, հասարակական, մշակութային, մարզական կազմակերպությունները, հրատարակում են բազմաթիվ թերթեր, հանդեսներ, գեղարվեստական և այլ գրականություն:

Հատորում ճիշտ է ասված, որ միջազգային հարաբերությունների զարգացման տվյալ փուլում արտասահմանի հայ քաղաքական կազմակերպություններն ու նրանց հարող ուժերը բաժանվում են երկու իրարամերժ ճակատների: Սփյուռքահայության մեջ, նշվում է այնուհետև, գործում են հնչակյանների, ռամկավարների և դաշնակցականների կուսակցությունները: Բավականին թիվ են կազմում արտասահմանյան կոմունիստական ու բանվորական կուսակցությունների հայ անդամները: Բացի այդ կուսակցություններից, գործում են մեծ թվով հայրենակցական, մշակութային, կրթական, բարեգործական, մարզական և երիտասարդական միություններ ու ընկերություններ: Վերջիններս մեծ մասամբ գտնվում են վերոհիշյալ այս կամ այն կուսակցությունների ազդեցության տակ: Սփյուռքահայ կյանքում զգալի

ազդեցություն ունի նաև եկեղեցին: Սփյուռքահայ ռամկավար և հնչակյան կուսակցությունները, շարունակում են հեղինակները, գտնվում են առաջադիմության և խաղաղության լազերում, խակ դաշնակցությունը՝ ծառայում է իմպերիալիստական ուժերին: Պատահական չէ, որ ՀԿԿ XXII համագումարում դրական գնահատական տրվեց հնչակյան և ռամկավար կուսակցությունների գործունեությանը:

Հատորում լուսաբանվել են հայրենիք—սփյուռք կապերը, որոնք նոր լիցք ստացան 1950-ական թվականների կեսերից: Յուրյց է տրվում սփյուռքահայության ջերմ վերաբերմունքը Խորհրդային Հայաստանի, նրա նվաճումների նկատմամբ:

Սփյուռքահայության հասարակական-քաղաքական կյանքի լուսաբանման համեմատ ավելի լայն տեղ է հատկացված սփյուռքահայ մշակույթին (հեղինակ՝ Գ. Ստեփանյան): Այստեղ արտացոլվել է սփյուռքահայ կրթական կյանքը, մամուլը, գրականությունը, պատմագրությունը, արվեստը: Հատորում ընդգծված է այն հանգամանքը, որ հետպատերազմյան տարիներին սփյուռքահայ մշակույթը կանգնեց զաղափարական ավելի առաջվոր դիրքերում, և այստեղ զգալի դեր խաղաց մայր հայրենիքի վերելքը, նրա մշակույթի բարերար ազդեցությունը: Միաժամանակ նշվում է, որ եթե գրականությունն ու արվեստի որոշ ճյուղեր (թատրոն, երաժշտություն և այլն) զարգանում են տվյալ զաղթօջախի հասարակական-քաղաքական կյանքին համընթաց, նպաստում սփյուռքի հարատևմանը, ապա որոշ ճյուղեր (նկարչություն, ճարտարապետություն) աստիճանաբար կորցնում են իրենց ազգային դեմքը, միաձուլվում տիրապետող ժողովրդի արվեստին:

Սփյուռքահայության պատմության հետ կապված որոշ հարցեր, մանավանդ սփյուռք—հայրենիք կապերի մասին, համառոտակի լուսաբանվել են նաև Ա. Աբրահամյանի հայ զաղթավայրերի պատմությանը նվիրված մենագրության երկրորդ գրքում: Այստեղ ցույց է տրված սփյուռքահայ աշխատավորության այն մեծ հրճվանքը, որով նա դիմավորել է Հայաստանում խորհրդային կարգերի հաստատումը, և թե ինչպես է նա սերտորեն կապված մայր հայրենիքին: Նշված է նաև, որ Խորհրդային Հայաստանի նկատմամբ հենց միանգամից բարյացակամ դիրք է գրավել ու հայրենի երկրում տեղի բնեցող տնտեսական, մշակու-



Թախին տեղաշարժերին արգարացի ու պատշաճ վերաբերմունք ցույց տվել հնչակյան ու ռամկավար մամուլը: Աշխատություն մեջ բացահայտվել է սփյուռքում 204-ի գործունեությունը, որը կարևոր նշանակություն ունեցավ քայքայված ու ավերված մեր երկրի վերաշինման գործում: Պատշաճ տեղ է հատկացված սփյուռքահայության մասնակցությունը Ֆաշիզմի դեմ մղված պայքարին: Հեղինակը կանգ է առել նաև ներգաղթի հարցի վրա, ցույց տվել դրա կարևոր նշանակությունը:

Սփյուռքի հասարակական-քաղաքական կյանքում որոշակի դեր են խաղում հայկական քաղաքական կուսակցությունները, ուստի նրանց գաղափարախոսություն և քաղաքականության ուսումնասիրությունն ու լուսարանությունը հրատապ անհրաժեշտություն է: 1964 թ. հրատարակվեց Լ. Խուրշուդյանի մենագրությունը<sup>1</sup>, որի մեջ փաստական հարուստ տվյալների, գլխավորապես սփյուռքահայ մամուլի նյութերի հիման վրա վերլուծված է հայ քաղաքական կուսակցությունների հետպատերազմյան ժամանակաշրջանի վարած քաղաքականությունն ու գաղափարախոսությունը:

Աշխատության մեջ զգալի տեղ է գրավում դաշնակցության քաղաքականության բնագաղափար: Հարկ եղած շահով արտացոլվել է հնչակյան և ռամկավար ազատական կուսակցությունների դրական գործունեությունը, միաժամանակ ցույց տրվել նրանց<sup>2</sup> մեղ համար անընդունելի դրույթները: Ճիշտ է նշում Լ. Խուրշուդյանը, որ անհատի պաշտամունքի տարիներին սփյուռքահայ ուժերի գնահատման հարցերում հանդես է բերվել զոգմատիկ մոտեցում: «Սփյուռքահայ գրեթե բոլոր ուժերը հավասարապես նույն կաթսայի մեջ էին նետվում»,— գրում է նա<sup>2</sup>: Ըստ երևույթին, շարունակում է հեղինակը, դա հետևանք էր այն սխալ մոտեցման, երբ տարբերություն չի դրվել արտասահմանի քաղաքական վտարանդիական ուժերի և սփյուռքահայերի, նրանց քաղաքական ուժերի միջև: «Վտարանդիական ուժերը նրանք են, որոնք շահալիցով տիրապետող կարգերի հետ, հեռանում են տվյալ երկրից և արտասահմանում միանում այդ հասարակարգի թշնամիներին»<sup>3</sup>: Սփյուռքահայերը, իրավացիորեն գրում է նա,

ոչ թե վտարանդիներ են՝ հեռացած հայրենիքից, վերջինիս հասարակարգի հետ հաշտ չլինելու պատճառով, այլ պատմական անարդարությունից տուժած հայ ժողովրդի դժբախտ զավակներն են, որոնք թուրքական յաթաղանից մազապուրծ, հայրենիքի գրկված, սփռվել են աշխարհով մեկ:

Աշխատության մեջ նշվում է, որ սփյուռքահայության մեջ գործող մշակութային, կրթական, հայրենակցական, մարդական և երիտասարդական միություններն ու ընկերությունները մեծ մասամբ գտնվում են հայկական քաղաքական կուսակցությունների ազդեցության տակ և իրենց առանձին դիրքորոշումով հանդես չեն գալիս: Այնուհետև պատմաբանը անդրադառնում է սփյուռքում առաջադիմական ուժերի միասնական ճակատի կազմավորման հարցին, որի մեջ մասնում են հայ կոմունիստները, հնչակյան և ռամկավար ազատական կուսակցությունները:

Դրան հակառակ, գրում է Լ. Խուրշուդյանը, դաշնակցությունը սփյուռքում ծառայում է միջազգային իմպերիալիզմին, խորհրդային իշխանության թշնամին է: Նրա կարծիքով, լինելով իմպերիալիզմի ձայնափողը, սփյուռքում դաշնակցությունը տարբեր ժամանակներում կապված է եղել տարբեր երկրների հետ, նայած թե ո՞ր շրջանում, ո՞ր պետությունն է ղեկավար դիրք գրավել միջազգային քաղաքականության ասպարեզում: Այստեղ նա նկատի ունի դաշնակցականների գործակցությունը գերմանական ֆաշիզմի հետ: Աշխատության մեջ փաստեր են բերվում այն մասին, որ դաշնակցություն կուսակցությունը կեղծում է խորհրդային իրականությունը, դեմ է գնում խաղաղության, դեմոկրատիայի և ազգային-ազատագրական պայքարին, սփյուռքահայության մեջ վարում է պառակտողական քաղաքականություն:

Լ. Խուրշուդյանը ճիշտ դիրքերից է մոտենում հնչակյան կուսակցությանը տված գնահատականին: Նախքան ժամանակակից սփյուռքահայ կյանքում նրա գործունեությանն անդրադառնալը, նա պատմական ակնարկ է նետում այդ կուսակցության անցյալի վրա, ցույց տալով այն էվոլյուցիան, որ նրանում տեղի ունեցավ 1903 թվականի վերջերից, երբ նա մտավ ռուսական հեղափոխական շարժումների հորձանուտը և, փոխելով իր քաղաքականությունը, ընդունեց նաև արևելահայ խնդիրը<sup>1</sup>: Սակայն դրանով նա չդարձավ պրոլետարական, մարքսիստական, այլա-

<sup>1</sup> Տե՛ս Լ. Խուրշուդյան, Սփյուռքահայ կուսակցությունները ժամանակակից էտապում, Եր. 1964:

<sup>2</sup> Նույն տեղը, էջ 23:

<sup>3</sup> Նույն տեղը, էջ 23—24:

<sup>1</sup> Տե՛ս Լ. Խուրշուդյան, նշվ. աշխ., էջ 207:



պես նա կձուլվեր ՌՄԴԲԿ-ի մեջ և կպայքարեր սոցիալիզմի հաղթանակի համար: Քննադատության ենթարկելով հնչակյանների գաղափարական և քաղաքական որոշ կողմերը, պատմաբանը, այնուամենայնիվ, հարազատ է մնում պատմական ճշմարտությանը: Նա նշում է, որ հնչակյան կուսակցությունը տիպիկ մանրբուրժուական կուսակցություն է և որ չի կարելի նրան լիովին նմանեցնել սոցիալիստական ինտերնացիոնալի մեջ մտնող մանրբուրժուական ռեֆորմիստական կուսակցություններին: Պետք է դրվատանքի խոսք ասել հայ-ազատագրական պայքարում հնչակ գործիչների ակտիվ մասնակցության մասին, մանավանդ նրանց մասին, ովքեր հերոսաբար զոհվեցին թուրքական բռնակալության դեմ մղված պայքարում: Զպետք է մեռանալ, որ հնչակյանները, շատ ղեպքերում դաշնակցած բոլշևիկներին, մասնակցել են Ռուսաստանում ծավալված հեղափոխական շարժումներին: «Այդ իմաստով,— գրում է նա,— հնչակը որոշ ծառայություններ ունի մատուցած հեղափոխական շարժմանը»<sup>1</sup>:

Աշխատության մեջ լայն տեղ է հատկացված հնչակյան կուսակցության գործունեությանը 1920 թ. հետո: Դրականորեն է գնահատված նրա գործունեությունը իմպերիալիզմի դեմ, խաղաղության և դեմոկրատիայի համար մղվող պայքարում: Պատմաբանը բազմաթիվ փաստեր է վկայակոչում նաև ազգային ճակատի մյուս ուժերի հետ համատեղ դաշնակցության դեմ նրան հաշտ պայքարի մասին: Յուրյ է տրված, որ հնչակյան կուսակցությունը, գործելով սփյուռքի դժվարին պայմաններում, մշտապես հանդես է գալիս խորհրդային Միության և խորհրդային Հայաստանի ջերմ պաշտպանի դիրքերում: «Նա հիանում է մեր երկրում ձեռք բերված մեծամեծ հաջողություններով,— ասված է գրքում,— և լայնորեն պրոպագանդում արդյունաբերության, գյուղատնտեսության և մտավոր կյանքի բնագավառների նվաճումները»<sup>2</sup>: Հնչակը այն կարծիքին է, շարունակում է հեղինակը, որ սփյուռքահայության ապագան անխզելիորեն կապված է խորհրդային Հայաստանի հետ<sup>3</sup>: Աշխատության մեջ վեր է հանված նաև հնչակյան կուսակցության գրական գործունեու-

թյունը ժողովուրդների ազգային-ազատագրական պայքարի, աշխարհում գաղութատիրության ոչնչացման բնագավառում:

Աշխատության մեջ հանգամանորեն քննվում է նաև ուսման-վար ազատական կուսակցության գործունեությունը: Համակողմանի-րեն լուսարանվել է նրա դերը արդի սփյուռքահայ կյանքում, դիտելով այն որպես ազգային ճակատի անբաժանելի մաս: Հեղինակը ճիշտ է նշում, որ արմենականների կուսակցությունը, որը սկզբնավորվել է 1885-ին, հետագայում միացավ տարբեր քաղաքական խմբերի հետ, փոխելով իր անունը՝ 1907 թ. կոչվեց «Գաղափարական միություն», 1908-ին՝ սահմանադրական ուսման-վարների, իսկ 1921-ին՝ ուսման-վար ազատականների կուսակցություն<sup>1</sup>: Այդ տարիներին, շարունակում է նա, թեև փոխվել է ուսման-վար ազատականների կուսակցությունը, գրում է հեղինակը, Արևմտյան Հայաստանում շնայած երբեք չկարողացավ գրավել այնպիսի դիրքեր, որպիսիք ձեռք էին բերել դաշնակցությունն ու հնչակը, այնուամենայնիվ, ազատագրական շարժման մեջ որոշակի դեր խաղաց որպես արևմտահայ ազգային բուրժուազիայի կուսակցություն:

Վերհանելով այդ կուսակցության առաջադիմական գործունեությունը արդի փուլում, և. Խորշուղյանը միաժամանակ կատարում է քննադատական դիտողություններ: Աշխատության մեջ-ցույց է տրված այդ կուսակցության ջերմ վերաբերմունքը խորհրդային Հայաստանի նկատմամբ, նրա նվաճումների պրոպագանդան, ինչպես նաև նրա գրական դերը սփյուռքի առաջադիմական ուժերի համախմբման գործում բնոգնում դաշնակցության: Անդրադառնալով սփյուռքահայերի վիճակին ու հայրենադարձության հետ կապված մի քանի կարևոր հարցերի, պատմաբանը գտնում է, որ սփյուռքահայությունը գտնվում է ձուլման շրջանում, կուլ է գնում իրեն շրջապատող ժողովուրդներին: Փրկվելով հրեշավոր, անօրինակ սպանդից, մեր ժողովրդի արևմտյան հատվածն այժմ գերմարդկային ճիգեր է գործադրում իր գոյատևումն ապահովելու համար:

Սփյուռքահայ հասարակական-քաղաքական կյանքը հանգամանորեն լուսարանվել է Հր. Սիմոնյանի մենագրության մեջ<sup>2</sup>:

1 Լ. Խորշուղյան, նշվ. աշխ., էջ 246:

2 Նույն տեղը, էջ 283:

3 Տե՛ս նույն տեղը, էջ 295:

1 Տե՛ս Լ. Խորշուղյան, նշվ. աշխ., էջ 339:

2 Տե՛ս Հ. Սիմոնյան, Սփյուռքահայությունը սոցիալ-քաղաքական պայքարի ուղիներում, Եր., 1968:



Պատմական համառոտ հայացք նետելով հայ ժողովրդի դառն անցյալի վրա, նշելով նրա կյանքում կատարված բազում սարսափներն ու արհավիրքները, մասնավորապես Մեծ եղեռնը, հեղինակը ցույց է տվել, որ ցեղասպանությունից վերապրած, աշխարհով մեկ սփռված հայոց որբերի սերնդից էլ ստեղծվեց սփյուռքը: Աշխարհի ավելի քան 30 երկրներում գոյություն ունեցող հայ զաղթօջախները, վիթխարի զժվարություններ հաղթահարելով, ստեղծել են իրենց ազգային հաստատությունները, քաղաքական, մշակութային, բարեգործական, մարզական կազմակերպությունները, հիմնել են վարժարաններ, հրատարակում են թերթեր ու ամսագրեր, նկատելի նվաճումներ ունեն կյանքի գանազան բնագավառներում:

Գաղութահայությունը, գրում է հեղինակը, այսօր ինքն իր մեջ պարփակված անտարբեր գանգված չէ: Որպես կենդանի ու կենսունակ օրգանիզմ, նա չի կարող հեռու մնալ իրեն հյուրընկալած երկրների հասարակական-քաղաքական կյանքից: Միաժամանակ, շարունակում է նա, գաղութահայության իսկ ներսում տեղի է ունենում սկզբունքային սուր պայքար զաղթօջախների առաջադիմական և հետադիմական ուժերի, նրանց քաղաքական կազմակերպությունների միջև:

Նշելով, որ սփյուռքահայ կազմակերպությունների մեջ առավել ուժեղ ու ազդեցիկ են քաղաքական կազմակերպությունները, որոնք արտահայտում են գաղութահայության տարբեր խավերի տրամադրություններն ու ղգացումները, իր աշխատության մեջ Հր. Սիմոնյանը մեկ առ մեկ վերլուծում է նրանց գործունեությունը, ցույց տալիս նրանց տեղն ու դերը սփյուռքահայ կյանքում: Աշխատության մեջ դրականորեն է բնութագրված հնչակյան կուսակցության գործունեությունը: Հնչակյանները, գրում է նա, գտնվում են առաջադիմական լագերում, պայքարում են խաղաղության, ղեմկրատիայի համար, ջերմորեն պրոպագանդում են Խորհրդային Հայաստանը, նրա նվաճումները, մեծ դեր են խաղում հայապահպանության գործում, օժանդակում են հայրենադարձությանը և այլն: Չնայած դրան, հեղինակը գտնում է, որ տեսության ու պրակտիկայի մի շարք հարցերում հայ կոմունիստների ու հնչակյանների տեսակետները ղգալիորեն տարբերվում են իրարից: Մասնավորապես դա դրսևորվում է սոցիալիստական հեղափոխության, պրոլետարիատի ղիկտատուրայի, բանվորների ու գյուղացիության դաշինքի, պրոլետարական ին-

տերնացիոնալիզմի և այլ արմատական հարցերում: Սակայն, գրում է նա, կոմունիստների և հնչակյանների տեսակետների տարբերությունը արգելք չի կարող լինել նրանց փոխադարձ գործակցությանը<sup>1</sup>:

Անդրադառնալով ուսմավար ազատականների կուսակցությանը, Հր. Սիմոնյանը գտնում է, որ այն գաղթաշխարհի ունեվոր խավերի կուսակցությունն է, այսինքն՝ բուրժուական կուսակցություն է: Բացահայտելով այդ կուսակցության գաղափարախոսության խոցելի տեղերը, նա միաժամանակ գտնում է, որ այն կանգնած է Խորհրդային Հայաստանի պաշտպանության ղիբերում, մեծ հույսեր է կապում մայր հայրենիքի հետ, անկեղծորեն ուրախանում է նրա վիթխարի նվաճումներով և պրոպագանդում դրանք: Գրքում ներկայացված է նաև դաշնակցության բուրժուազգայնական գաղափարախոսության և գործունեության վերլուծությունը:

Պատմագիտական որոշակի արժեք ունի Հր. Սիմոնյանի մեծագրության ներածության այն մասը, որտեղ տրված է սփյուռքում և հայրենիքում հրատարակված գրականության պատմաբնական վերլուծությունը: Կանգ առնելով սփյուռքում հրատարակված աշխատություններից մի քանիսի վրա, հեղինակը բացահայտել է դրանց արժանիքները, ճիշտ գնահատումները, միաժամանակ նշելով դրանցում տեղ գտած սխալներն ու աղավաղումները: Մասնավորապես սուր քննադատության է ենթարկվել դաշնակցական պատմագրությունը, նրա կեղծարարությունը: Դա կարևոր նշանակություն ունի սփյուռքահայության ճշմարտացի պատմության ստեղծման համար: «Դաշնակ պատմագրության համար,— գրում է նա,— բնորոշ է պատմական ղեպերի ու երևույթների անսրղ խեղաթյուրումը, ծայրահեղ կողմնակալությունն ու պրագմատիզմը, թլայֆայական ոգին ու թունալից ատելությունը ղեպի այն ամենը, ինչ կապված է սոցիալիզմի, խորհրդային իշխանության, Խորհրդային Հայաստանի հետ»<sup>2</sup>:

Հր. Սիմոնյանի մեծագրության մեջ հանգամանորեն, փաստերով ցույց է տրվում, մի կողմից, սփյուռքի ազգային ճակատի ուժերի պայքարը ընդդեմ իմպերիալիզմի, պատերազմի, հա-

1 Տե՛ս Հ. Սիմոնյան, նշվ. աշխ., էջ 12:

2 Նույն տեղը, էջ 27:



նուն խաղաղության, ղեմոկրատիայի, սոցիալական արգարու-  
թյան, ժողովուրդների ազգային-ազատագրական շարժումների  
հաղթանակի և մայր հայրենիքի պաշտպանության, իսկ մյուս  
կողմից՝ դաշնակցության սեփական գործունեությունը ինչպես  
սփյուռքում, այնպես էլ նրանից դուրս, բնութագրում նրան որ-  
պես իմպերիալիզմի ջատագովի, խաղաղության մոլի թշնամու,  
սփյուռքահայ առաջադիմական ուժերի հակառակորդի:

Խոսելով սփյուռքահայ լայն շրջանների համակրանքի և  
ժողովուրդների, մասնավորապես արաբների ազգային-ազա-  
տագրական շարժման ակտիվ մասնակցության մասին, պատ-  
մաբանը գտնում է, որ առանց երկմտելու կարելի է ասել, որ  
հայ ժողովրդի արտասահմանյան հատվածը, հատկապես  
Մերձավոր և Միջին արևելքի հայությունը, օտար ասիերում  
գտնված ամբողջ ժամանակամիջոցում աներկբա վճռականու-  
թյամբ կանգնել է իրեն հյուրընկալած ժողովուրդների ազգային  
դատերի ակտիվ պաշտպանության դիրքերում և ասպնջական  
երկրորդ հայրենիքի ազատության համար չի խնայել իր եղ-  
բայրական արյունը<sup>1</sup>: Գրան հակառակ, Հր. Սիմոնյանը ցույց է  
տալիս, թե դաշնակցականները ինչպես են պաշտպանում իմպե-  
րիալիստական պետությունների, առաջին հերթին՝ ԱՄՆ-ի զավ-  
թողական քաղաքականությունը: Գրքում ստույգ վավերագրերի  
հիման վրա ցույց է տրվում դաշնակցական պարագուիսների  
գործակցությունը գերմանական Ֆաշիզմի հետ<sup>2</sup>: Պատերազմից  
հետո, այնուհետև գրված է աշխատության մեջ, ուժեղանում է  
կապը դաշնակցականների և ամերիկյան լրտեսական-հետախու-  
զական մարմինների միջև, ավելի է ծավալվում նրանց տեղորիս-  
տական գործունեությունը, մեծանում է դաշնակցության դերը  
Արևմուտքում կյանքի կոչված հակախորհրդային խմբավորում-  
ների մեջ, անտեսելով Հայաստանի ու հայերի շահերը:

Դաշնակցության գաղափարական և քաղաքական սխալների  
անդրադարձել է փրիլիսոփայական գիտությունների թեկնածու  
Բ. Անանիկյանը իր մենագրության մեջ<sup>3</sup>: «Միջազգային ուսակ-  
ցիայի այդ ընդհանուր ժխտին, — գրում է Բ. Անանիկյանը, —

ձայնակցում է Հայաստանից վտարված, ազգային դեմքը իս-  
պառ կորցրած, իմպերիալիստական հետախուզությանը ծառա-  
յագրված ու նրա ողորմածությունը գոյությունը քարշ տվող  
«Հ. Յ. դաշնակցություն» կուսակցությունը»<sup>4</sup>:

Բ. Անանիկյանը ցույց է տալիս, որ դաշնակցության տեսա-  
բանների գաղափարախոսությունը բոլոր հարցերում, այդ թվում  
ազգային հարցում, վերցված է բուրժուական պաշտոնական  
գաղափարախոսության զինանոցից: Հեղինակը քննադատում է  
դաշնակ հեղինակների կեղծարարությունը, խորհրդային իրա-  
կանությունը խեղաթյուրված ներկայացնելու, խորհրդային Հա-  
յաստանի նվաճումները միտումնավոր անտեսելու նրանց փոր-  
ձերը:

Բ. Անանիկյանի հետմահու հրատարակված աշխատույնու-  
նում<sup>5</sup> քննադատվել է գաղափարական դիվերսիաների ոլորտը  
ներգրավված դաշնակցություն կուսակցությունը, բացահայտվել  
է նրա տեսաբանների կողմից պատմության կեղծարարությունը:

Դաշնակցության անցյալ և ներկա գործունեությունը խստո-  
րեն քննադատվում է նաև Բ. Օհանջանյանի գրքում<sup>6</sup>: Հեղինակը  
ցույց է տվել դաշնակցության հակաազգային քաղաքականու-  
թյունը սփյուռքում, քննադատել է նրա գործունեությունը հատ-  
կապես երկրորդ համաշխարհային պատերազմի տարիներին:  
Այդ պրոբլեմներին է նվիրված նաև Ա. Մարտիրոսյանի աշխա-  
տությունը<sup>7</sup>:

Հայկական սփյուռքի պատմության և, հատկապես, սփյուռք-  
հայրենիք կապերի լուսաբանմանն են նվիրված պատմական գի-  
տությունների թեկնածու Վ. Համազասպյանի մի քանի գրքույկ-  
ները և «Հայրենիքի ձայն», «Խորհրդային Հայաստան» ու այլ  
պարբերականներում հրատարակված բազմաթիվ արժեքավոր  
հոդվածները:

Որոշ գրականություն է ստեղծվել սփյուռքահայ մշակույթի  
վերաբերյալ<sup>8</sup>:

<sup>1</sup> Բ. Անանիկյան, Դաշնակցության գաղափարական-քաղաքական կրախը, էջ 40

<sup>2</sup> Տե՛ս Բ. Անանիկյան, Հոգեբանական պատերազմը և դաշնակցությունը, Եր.  
1986:

<sup>3</sup> Տե՛ս Բ. Օհանջանյան, Դաշնակցությունն առանց դիմակի, Եր., 1980:

<sup>4</sup> Տե՛ս Ա. Մարտիրոսյան, Դաշնակցության հակաժողովրդական գործունեու-  
թյունը երկրորդ համաշխարհային պատերազմի տարիներին, Եր. 1982:

<sup>5</sup> Տե՛ս Վ. Խալախյան, Լիբանանահայ ղեմոկրատական մամուլի պատմու-  
թյունից, Եր., 1964, Մ. Բաբլոյան, Սփյուռքահայ մամուլի պատմությունից:

<sup>1</sup> Տե՛ս Հր. Սիմոնյան, նշվ. աշխ., էջ 260:

<sup>2</sup> Տե՛ս նույն տեղը, էջ 412—447:

<sup>3</sup> Տե՛ս Բ. Անանիկյան, Դաշնակցության գաղափարական-քաղաքական կրա-  
խը, Եր., 1974:



Ինչպես տեսնում ենք, քիչ աշխատանք չի կատարվել սփյուռքի պատմության հետազոտման, հայրենիք—սփյուռք առնչությունների ուսումնասիրման ուղղությամբ: Այս գլխում մեր նպատակն է եղել վերլուծելու Լ. Խուրշուդյանի, Հր. Սիմոնյանի, Հ. Մելիքսեթյանի, Հ. Թոփուղյանի, Տ. Գրամփյանի և ուրիշների աշխատությունները: Անտարակույս, կատարված աշխատանքը գոհացուցիչ չի կարող համարվել, այդ ուղղությամբ դեռևս շատ անելիքներ կան:

## Վերջաբան

Մեր պատմաքննական վերլուծությունը ցույց տվեց, որ վերջին երկուս ու կես տասնամյակներում (1964—1988 թթ.) խորհրդահայ պատմագրությունը որոշակի նվաճումների է հասել հայ ժողովրդի նոր և խորհրդային ժամանակաշրջանի պատմության գիտական հետազոտման բնագավառում:

Ելնելով մարքս-լենինյան պատմագիտության պահանջներից, օգտագործելով փաստական հարուստ նյութեր, մեծ մասամբ արխիվային վավերագրեր և բազմաբովանդակ գրականություն, խորհրդահայ պատմաբանները հիմնականում հաջողությամբ են հետազոտել նշված ժամանակաշրջանի պատմության կարևորագույն պրոբլեմները, կատարելով գիտական ընդհանրացումներ: Չնայած առանձին թերությունների, այնուամենայնիվ, լավ են հետազոտվել հայ-ռուսական հարաբերությունների, Արևելյան Հայաստանը Ռուսաստանին միացման հարցերը, սոցիալ-տնտեսական հարաբերությունները, ազատագրական և հեղափոխական շարժումները, Հայաստանում խորհրդային կարգերի հաստատումն ու ամրապնդումը, մեծ Հայրենականին հայ ժողովրդի ներդրած ավանդը և այլն: Քիչ աշխատանք չի կատարվել հայկական մշակույթի, հայկական գաղթավայրերի, սփյուռքի պատմության լուսաբանման, ինչպես նաև փաստաթղթերի ժողովածուներ հրատարակելու ուղղությամբ:

Չնայած կատարվածին, խորհրդահայ պատմաբանների առջև այսօր կարևոր խնդիրներ են դրված, որոնց լուծումը ուժերի հետագա լարում, նոր, վճռական քայլեր է պահանջում գիտահետազոտական աշխատանքի բնագավառում: Նախ և առաջ՝ լուրջ աշխատանք է հարկավոր կատարել դեռևս սակավ ուսումնա-

«Անի» (1944—1955), Եր., 1955, Վ. Գարիբեյլյան, Դիմաստվետներ, Եր., 1976, Գ. Սևան, Սփյուռքահայ գրականության պատմության ուրվագծեր (1920—1945), Եր., 1985, Գ. Ստեփանյան, Ակնարկներ սփյուռքահայ թատրոնի պատմության, հ. 1, Ֆրանսահայ թատրոն, Եր., 1982:



աիրված պրոբլեմների գիտական հետազոտման ուղղությամբ: Մինչև այժմ անբավարար են հետազոտված XIX դարի 20—30-ական թվականներին Պարսկաստանից և Թուրքիայից Անդրկովկաս կատարված գաղթի պատմությունը, դարավերջի հասարակական-քաղաքական մտքի, կուսակցությունների պատմությունը, հայ ազատագրական շարժման գաղափարախոսությունը և այլն: Հայաստանում խորհրդային կարգերի հաստատման պատմությունը նվիրված մի շարք աշխատություններում հարկ եղածին չափով չեն վերհանվել սոցիալ-տնտեսական և քաղաքական նախադրյալները, առանձնահատկությունները: Սոցիալիստական շինարարությունը նվիրված աշխատություններում անբավարար են քացահայտվել հատկապես կոլեկտիվացման բնագավառի դրժվարությունները, թույլ տրված կոպիտ սխալները, շեղումները և այլն:

Խորհրդային Հայաստանի պատմությունը նվիրված որոշ աշխատություններում շատ անգամ հիմնական ուղադրությունը բեվեռվել է հանրապետության տնտեսական կյանքի պատմության, ժողովրդական տնտեսության զարգացման հարցերի վրա, որի հետևանքով աղոտ է լուսաբանվել հասարակական-քաղաքական կյանքը: Անբավարար է արտացոլվել կուսակցական կազմակերպությունների ղեկավար դերը ինչպես խորհրդային կարգերի հաստատման ու ամրապնդման, ներքին և արտաքին թշնամիների դեմ մղված պայքարում, այնպես էլ սոցիալիստական շինարարության տարիներին: Չի կարելի բավարար համարել նաև սոցիալիստական շինարարության տարբեր փուլերում խորհուրդների, արհմիությունների, կոմերիտմիության և հասարակական այլ կազմակերպությունների գործունեության լուսաբանումը: Խորհրդահայ պատմագրության կարևոր խնդիրներից մեկն էլ սոցիալիստական մրցության փորձի բնահանրացումն է, որը դարձյալ հարկ եղած չափով չի կատարվում: Շատ աշխատություններում բացակայում է պատմագրական ակնարկը կամ աղբյուրների և գրականության տեսությունը:

Մինչև այժմ հրապարակի վրա չկան ամբողջական աշխատություններ Հայկական հարցի, հայ ազատագրական շարժումների, հայկական քաղաքական կուսակցությունների ձևավորման, նրանց գաղափարախոսության և գործելակերպի, Հայրենական մեծ պատերազմի հայ պարտիզանների, խորհրդահայ մշակույթի մասին և այլն:

Անհրաժեշտ է ստեղծել Խորհրդային Հայաստանի պատմության մի ամբողջական, ֆունդամենտալ աշխատություն: Հայկական ԽՍՀ գիտությունների ակադեմիայի 1970 թ. հրատարակած «Հայ ժողովրդի պատմության» VII և VIII հատորները շատ բանով չեն բավարարում այսօրվա պահանջները: Բացի այդ, պետք է լրացվի վերջին քսանհինգամյակի պատմությունը: Խորհրդահայ պատմաբանների առջև ծառայած կարևոր պրոբլեմներից են նաև ժողովուրդների բարեկամության, ռազմապատմական թեմաները և այլն:

Պատմաբանների առաջնահերթ խնդիրներից մեկն էլ գոյություն ունեցող վիճելի պրոբլեմների լուծման ուղղությամբ կատարվելիք աշխատանքն է: Դրան կարող են նպաստել գիտական լայն բանավեճերը: Շատ կարևոր է, որ այդ բանավեճերի արդյունքները ամփոփվեն գիտական բարձր մակարդակով և հրապարակվեն մամուլում:

Նոր և խորհրդային ժամանակաշրջանի պատմության ոչ քիչ թվով մեծ կամ փոքր վիճելի պրոբլեմները վերջնական լուծում են պահանջում: Այդպիսիներից են, օրինակ, հայ ազատագրական շարժման ռուսական կողմնորոշման ժամանակի, հողատիրության ձևերի, արևմտահայերի Ազգային սահմանադրության, հայ հասարակական-քաղաքական հոսանքների քանակի, քաղաքական կուսակցությունների դասակարգային բնույթի, «Հայկական հարց» հասկացության և նրա ժամանակի, հայդուկային, կամավորական շարժմանը տրված գնահատականի, Անդրկովկասում խորհրդային կարգերի հաղթանակի ուշացման, Խորհրդային Ռուսաստանի կառավարության «Թուրքահայաստանի մասին» ղեկրետի շիրականացման, Մայիսյան ապստամբության պարտության պատճառների, Հայաստանի կոմունիստական կուսակցության հիմնադրման ժամանակի, Խորհրդային Հայաստանում ռազմական կոմունիզմի քաղաքականության կիրառման անհրաժեշտության և այլ հարցերը: Անհրաժեշտ է պատմաբանների համատեղ ջանքերով շարունակել վերոհիշյալ պրոբլեմների բազմակողմանի ուսումնասիրությունը՝ ճշմարտացի, հիմնավոր կարծիքի հանգելու համար:

Անհրաժեշտ է հանրապետության պատմաբանների, առաջին հերթին Հայկական ԽՍՀ գիտությունների ակադեմիայի պատմության ինստիտուտի գիտական կոլեկտիվի ջանքերով ստեղծել հայ պատմագիտության պատմությանը նվիրված ամբողջական



աշխատութիւն, որն ընդգրկի նրա զարգացումը V դարից մինչև մեր օրերը:

Խորհրդահայ պատմագրութեան մեջ նկատված լուրջ թերություններից պետք է համարել և այն, որ հրատարակված ոչ քիչ թվով աշխատություններ գրված են ցածր մակարդակով, կոմպիլյատիվ բնույթ են կրում, աչք է ծակում հանրահայտ փաստերի ծավալուն շարադրանքը, հեղինակները շատ հաճախ կրկնում են միմյանց և իրենց: Անտեսվում է այն կարևոր հանգամանքը, որ ամեն մի նոր գիրք պետք է ունենա նոր բովանդակություն, նոր մտքեր, նոր հարցադրումներ ու լուսաբանումներ: Նոր գրքի հեղինակը պետք է գիտական շրջանառության մեջ դնի պատմագրությանը անհայտ կամ սակավ հայտնի վավերագրեր, հաստատուն կերպով հիմնավորի իր տեսակետները: Գոյություն ունի միևնույն աշխատությունը շնչին փոփոխություններով, տարբեր վերնագրերով (որպես նոր աշխատություն), տարբեր հրատարակչություններում հրատարակելու արատավոր պրակտիկան: Այս վնասակար երևույթների դեմ պետք է վճռական պայքար մղել:

Այս հարցում հաճախ վատ ծառայություն է մատուցում նաև մամուլը: Հանրահայտ է, որ հրատարակված գրախոսությունների մի զգալի մասը միակողմանի է: Հաճախ գրախոսները ըստ էության չեն վերլուծում աշխատությունը, բավարարվում են միայն նրա արժանիքների մասին գրելով, իսկ թույլ տրված կոպիտ սխալներն ու լուրջ թերությունները մնում են չբացահայտված: Հասկանալի է, որ նման պայմաններում պատմագիտությունը չի զարգանա, առաջ չի գնա:

Պատմագիտությունը չի կարող հաջողությամբ զարգանալ առանց պատմական սկզբնաղբյուրների մանրակրկիտ ուսումնասիրության և դրանք պարբերաբար հրատարակելու: Այդ ուղղությամբ թեև որոշակի աշխատանք կատարվում է, սակայն հարկ կա էլ ավելի ծավալել այդ գործը: Պատմական աշխատությունների մի մասը շունի պահանջված աղբյուրագիտական հենքեր ժամանակն է, հատկապես Խորհրդային Հայաստանի պատմության տարբեր փուլերի վերաբերյալ, հրատարակելու փաստաթղթերի և նյութերի ժողովածուներ: Փաստորեն հրապարակի վրա կա միայն մեկ ամբողջական և արժեքավոր ժողովածու նվիրված Հայրենական պատերազմին հայ ժողովրդի մասնակցությանը: Սակայն դրանով չպետք է բավարարվել: Պետք է շարունա-

կել աշխատանքը հայկական դիվիզիաների, հայ ռազմիկների մարտական գործողությունների, պարտիզանական շարժման, թիկունքի աշխատավորների ներդրած ավանդի վերաբերյալ նոր նյութերի ձեռքբերման և հրատարակման ուղղությամբ:

Չափազանց անբավարար վիճակում է հայերեն հրատարակված կարևոր աշխատությունները ռուսերեն և, մասնավորապես, արտասահմանյան լեզուներով թարգմանելու և հրատարակելու գործը: Ռուս և արտասահմանցի ընթերցողը մեծ հետաքրքրությամբ կկարդա հայ ժողովրդի պատմության կարևոր դրվագներին նվիրված բարձրորակ աշխատությունները: Օտար լեզուներով պատմական գրականության հրատարակությունը կծառայի նաև մեր պատմության կեղծարարության մերկացման գործին: Հայտնի է, որ հատկապես պատմության թուրք կեղծարարները մեծ ջանքեր են թափում կեղծելու, ծուռ հայելու մեջ ցույց տալու մեր ժողովրդի դարավոր պատմության շատ հարցեր, օտար լեզուներով հրատարակում են գրքեր, որոնք տարածվում են աշխարհով մեկ և թյուրիմացության մեջ զցում բազմահազար ընթերցողների: Արևմուտքում բուրժուական պատմաբանները ևս իրենց հերթին կեղծելով մեր պատմությունը, վկայակոչում են թուրք պատմաբանների աշխատությունները: Ուստի հրամայական պահանջ է դառնում հայ պատմաբանների աշխատություններն օտար լեզուներով հրատարակելու խնդիրը: Լավ կլինի օտար լեզուներով հրատարակել Եղեռնի մասին հրատարակված ժողովածուները: Զարմանալի է, որ ռուսերեն հրատարակված ժողովածուն մինչև այժմ հայերեն չի հրատարակվել:

Հանրապետության պատմագիտական հիմնարկներն ու բուհերի պատմության ամբիոնները պետք է բարձրացնեն պատմաբան կադրերի պատրաստման արդյունավետությունը, վճարաբար բարելավեն նրանց որակավորման ու վերաորակավորման գործը, լրջորեն զբաղվեն նրանց գաղափարական և քաղաքական դաստիարակության հարցերով: Միշտ պետք է հիշել, որ պատմաբանները մշտապես կանգնած են գաղափարական պայքարի առաջավոր գծում:

Դրական երևույթ պետք է համարել այն, որ տասնամյակների լուծված հետո, օգտվելով հրապարակայնության ընձեռած հնարավորություններից, հանրապետության մի շարք պատմաբաններ 1988 թ. հունիսից սկսած հողավածներով հանդես եկան պարբերական մամուլում, նորովի լուսաբանելով հայ ժողովրդի



պատմութեան մի շարք կարևոր հարցեր: Ինչ խոսք, դա որոշակի թարմություն մտցրեց պատմագիտութեան բնագավառում և նոր թափ հաղորդեց նրա հետագա զարգացմանը: Այս հարցում քիչ դեր չխաղացին նաև դարաբաղյան իրադարձությունները:

Անտարակույս, սկսված լավ գործը պետք է շարունակել, ըստ որում պետք է հանդես գալ ոչ միայն հոգվածներով, այլև մենագրություններով: Հենց դա էլ կնշանակի վերակառուցում պատմագիտութեան բնագավառում:

\* \* \*

Սակայն հարկ է նշել, որ խորհրդահայ պատմագրութեանը նվիրված մեր սույն աշխատությունը տպագրման հանձնելուց հետո ինչպես ամբողջ երկրի, այնպես էլ հայ հասարակական-քաղաքական մտքի, այդ թվում պատմագիտութեան բնագավառում տեղի ունեցան նոր ու աննախագիտելի տեղաշարժեր: Վիճահարույց, կնճռոտ բազմաթիվ պրոբլեմները սկսել են ստանալ և առաջիկայում էլ կստանան նոր լուսաբանություն, ամբողջացնելով մեր ժողովրդի հարուստ և ուսանելի պատմությունը: Դրանով իսկ նոր շրջափուլ է սկսվում խորհրդահայ պատմագիտութեան զարգացման համար:

Այժմ, երբ խորհրդահայ պատմաբաններս ազատվել ենք անցյալի համար բնորոշ սխալ մտայնությունից, գիտությունից, բնագավառում կուսակցական վերադաս մարմինների անհարկի, կոպիտ միջամտություններից, երբ հասանելի են դարձել երկար ժամանակ փականքների տակ պահված արխիվային, «հատուկ» ֆոնդերը և այլն, պետք է հիմնովին վերանայել մեր ժողովրդի 19—20-րդ դարերի, հատկապես հետհեղափոխության ժամանակաշրջանի պատմությունը, այն մաքրելով ամեն տեսակ սխալներից ու խեղաթյուրումներից:

Կարելի է հաստատապես պնդել, որ 19—20-րդ դարերի պատմությամբ զբաղվող գրեթե խորհրդահայ ոչ մի պատմաբան ավել կամ պակաս չափով զերծ չի մնացել սխալներից: Դա վերաբերվում է նաև մեզ, ուստի և ոչ միայն մեր տարիներին հրատարակած, այլև սույն աշխատության առանձին դրույթներ ևս կարիք ունեն վերանայման և ճշգրտման: Պետք է նկատի ունենալ, որ այն բազմապրոբլեմային է, շոշափում է մեծ թվով հարցեր:

Ուրախալի է, որ շարունակվում են լույս տեսնել մեր անվանի մի շարք պատմաբանների (Հր. Սիմոնյանի, Լ. Խուրշուդյանի, Ս. Պողոսյանի, Հ. Կարապետյանի) բազմաթիվ արժեքավոր հոգվածները, գրքերը, որոնք վերաբերում են 1917—1921 թթ. պատմությանը, ցեղասպանությանը, անհատի պաշտամունքի ժամանակաշրջանի, պանթոնրիզմի, Հայաստանի խորհրդայնացման պրոբլեմներին: Դրանք նոր խոսք են, պրոբլեմների հրատակ ու բազմակողմանի լուսաբանումներ, հայ ժողովրդի քաղաքական դաստիարակության արժեքավոր աշխատություններ: Ցավոք, մեր պատմաբանների ճնշող մեծամասնությունը չուժում է, սպասողական դիրք գրավում: Պետք է հուսալ, որ առաջիկայում խորհրդահայ պատմաբանները, սերտորեն համագործակցելով հարակից մասնագետների, ինչպես նաև սփյուռքի կարող ուժերի հետ, արմատական բեկում կմտցնեն մեր քաղաքացիական պատմության մեջ, նորովի շարադրելով հայ ժողովրդի ամբողջական պատմությունը:



**ԱՆՎԱՆԱՑԱՆԿ**

Աբելյան Մ.— 421  
 Աբով Գ.— 124  
 Աբրահամյան Ա. Գ.— 215—221, 266, 408, 414, 424, 461  
 Աբրահամյան Լ.— 155  
 Աբրահամյան Հ.— 435  
 Աբրահամյան Ռ.— 215, 221  
 Աբրահամյան Վ.— 60  
 Ադոնց Մ.— 41, 44  
 Ադոնց Ն.— 5  
 Ագատյան Հ.— 124  
 Ագիգրեկյան Հ.— 370  
 Ալավերդյան Ս.— 370  
 Ալիխանյան Ս.— 284, 310, 319, 338—339, 340, 352, 356, 414  
 Ալպոյանյան Ա.— 216, 218  
 Ադրաշյան Վ.— 220  
 Ագիգրեկյան Ռ.— 399  
 Ախունդովանեռ Գ. և Մ.— 347  
 Աղայան Ս.— 16, 21, 35, 41, 73, 101, 106, 117, 121, 133, 134, 141, 142, 155, 164, 185—186, 197, 210—211, 220, 266, 270, 294—299, 336—337, 341, 346, 356, 358, 365, 375, 395, 397, 415, 418, 424, 427, 437, 442, 450

Անառյան Հ.— 421  
 Ամիրխանյան Շ.— 318, 424  
 Ամիրյան Ա. (Մաավյան)— 140  
 Ամիրյան Ս.— 368, 376, 378, 399, 402, 450  
 Անանիկյան Բ.— 203, 352, 468—469  
 Անանյան Ժ.— 220, 236—237  
 Անանուն Գ.— 27, 42  
 Անասյան Ա.— 215  
 Ավագյան Վ.— 347, 435  
 Ավդալբեկյան Թ.— 155  
 Ավդալբեկյան Խ.— 44  
 Ավետիսյան Հ.— 449  
 Ավետիսյան Վ.— 113, 117, 130, 132, 148, 155, 159—160—163, 266, 310, 426, 427, 429  
 Արզումանյան Մ.— 21, 93, 107, 176—181, 183, 193—196, 199, 204, 266, 282—283, 286—287, 293—294, 299, 308, 325—326, 343—344, 351, 379, 381, 410, 414, 427, 433, 442, 446—447  
 Արշարունի Ա.— 265  
 Բարսեղյան Լ.— 408, 414  
 Բարաշանյան Ա.— 381  
 Բարլոյան Մ.— 220, 469

Յազարյան Խ.— 84, 96, 207, 248, 418  
 Յալայան Բ.— 31, 451  
 Յաղմանյան Ա.— 427, 435  
 Յաղղասարյան Հ.— 427, 434, 449  
 Յաղրամյան Ի.— 290, 381  
 Յաղրամյան Մ.— 218  
 Յայբուրդյան Վ.— 410  
 Յայրամյան Լ.— 98, 138, 141  
 Յարխուդարյան Վ.— 15, 16, 220, 224—226, 240, 262, 266, 414, 419  
 Յարսեղյան Խ.— 39, 155—159, 253, 266, 392—393, 426, 429, 433—434, 438—439, 440—441, 445—446—447  
 Յարսամյան Վ.— 400  
 Քոչոյան Վ.— 408  
 Քեղարյան Լ.— 448  
 Քնկզաղյան Ա.— 448  
 Քոչոյան Բ.— 28, 29, 84  
 Քոչոյան Մ.— 448  
 Քառնազյան Գ.— 385  
 Պարբիկյան Ղ.— 470  
 Պարբիկյան Հ.— 73—74, 83, 265  
 Պալոյան Գ.— 16—17, 19—32, 35—36, 73, 94, 120—121, 167—170, 197, 205, 265—266, 270, 278—279, 284—285, 299, 312, 315, 318—319, 334—335, 337, 341, 349—350, 356, 374, 418, 424, 427, 442—445  
 Պեղամյան Գ.— 376—377, 394, 402, 410, 418, 449  
 Պեղամյանց Ե.— 26, 27, 104, 199  
 Գրիբոյեզով Ա.— 11  
 Գրիգորյանց Ա.— 220, 376, 394, 399, 406  
 Գրիգորյան Գ.— 386  
 Գրիգորյան Կ.— 265  
 Գրիգորյան Ղ.— 10—15, 22, 28, 31—33, 40, 73, 265, 337, 371—372, 414, 423—424, 450  
 Գրիգորյան Մ.— 398—399  
 Գրիգորյան Վ.— 215  
 Գրիգորյան Ք.— 386, 390, 402, 410  
 Գուլյան Մ.— 392  
 Դավախյան Ղ.— 358, 384—385, 387—388, 410, 423, 429  
 Դաշկեիչ Յա.— 215  
 Դավթյան Գ.— 363—365  
 Դավթիժեցի Ա.— 218  
 Դավախյան Կ.— 460, 469  
 Դանիկյան Է.— 368  
 Դարոնյան Ա.— 265  
 Դարբինյան Ռ.— 302  
 Դարբինյան Հր.— 434  
 Դիրոյան Վ.— 22, 34, 39, 262, 410, 414  
 Դյակոնով Ի.— 410  
 Դրամփյան Տ.— 456—459, 470  
 Դրոսիենին Ն.— 43  
 Եգանյան Մ.— 44  
 Եգանյան Հ.— 451  
 Եզյան Կ. (Եզով Գ.)— 26  
 Եղիազարով Ս.— 423  
 Ենգոյան Հ.— 401  
 Ենգոյան Փ.— 358, 435  
 Եսայան Ա.— 41, 44, 425  
 Եւկանյան Ղ.— 252, 255, 258—259, 423  
 Երիցյան Ա.— 26, 27  
 Զոչոյան Հ.— 421  
 Զոհրարյան Է.— 326—329, 345, 368  
 Զուլալյան Մ.— 46, 410  
 Զուլաբյան Ս.— 425  
 Էլչիրեկյան Հ.— 270, 341, 359, 365, 402, 418  
 Էֆենդիև Խ.— 344  
 Թայիրյան Ի.— 340—341  
 Թամրազով Ի.— 21, 434  
 Թառոյան Կ.— 93, 142—143  
 Թավադյան Խ.— 39, 84  
 Թավադբեկյան Խ.— 392  
 Թավադյան Խ.— 253  
 Թափուլյան Հ.— 222, 237—239, 264—266, 459, 470  
 Թափալյան Մ.— 449  
 Թումանյան Հ.— 41, 44, 202, 427  
 Թուրչյան Հ.— 289—291, 296—297, 302—303, 351—352, 411, 423

\* Յուլյց ևն տրված միայն պատմաբանների և այլ հեղինակների ազգանունները:



Բզնառայան Ա.— 265, 409  
Բնեիկյան Հ.— 451  
Բանակյան Ի.— 448  
Բակով Հ.— 381  
Լազարյան Գ.— 199  
Լալայան Ի.— 448  
Լենին Վ. Ի.— 324, 430, 431—432  
Լեռ— 5, 10, 27, 46, 62, 84, 91, 100, 199, 412  
Լուկաշին Ս.— 448  
Լապեյան Ե.— 155, 270, 384, 386, 389, 402, 437, 455  
Լամոնյան Ս.— 448  
Լանջյան Ա.— 125, 421, 424  
Լաշատրյան Գ.— 376, 405—406  
Լաշատրյան Ի.— 437  
Լաշատրյան Վ.— 215, 220  
Լաշիկյան Լ.— 215  
Լարմանգարյան Ս.— 277, 365, 372—373, 394, 402, 415, 418, 427  
Լեյբից Ա.— 344  
Լոշարեկյան Վ.— 399, 435  
Լուդավերդյան Կ.— 21, 400—405, 410, 412—413, 419, 438, 450  
Լուդոյան Ս.— 265  
Լուրջուդյան Լ.— 94, 125, 136—137, 276, 287—288, 299—300, 356, 369, 394, 401, 412—414, 418, 423, 460, 462—465, 470  
Կորսուն— 183  
Կրոյան Լ.— 449  
Կասյան Ս.— 316, 448  
Կարախանյան Գ.— 253  
Կարապետյան Ե.— 392  
Կարապետյան Հ. Ե.— 21, 28, 433, 449  
Կարապետյան Հ. Ս.— 270, 315, 356, 358, 370, 399—400  
Կարապետյան Ս.— 277, 320, 442  
Կարիկյան Ա.— 46, 81, 100, 104, 124, 424  
Կիրակոսյան Զ.— 21, 86—90, 93, 107, 115—120, 146—147, 171—174, 181, 183, 190, 191, 199, 204, 246—247, 266, 347—348, 379, 475

Կյուլշեիկով Յու.— 321  
Կոզմոյան Կ.— 394—397, 402  
Կուլցով Պ.— 277  
Կոկիևոս Պ. (Կոկալան Խ.)— 455  
Կուզնեցովա Ե.— 344  
Հակոբյան Ա.— 270—271, 277, 337, 341, 365, 385, 392, 394, 402, 415, 418—419, 426  
Հակոբյան Թ.— 249, 396  
Հակոբյան Մ.— 390, 438  
Հակոբյան Պ.— 265  
Հակոբյան Ս.— 206, 207  
Հակոբյան Վ.— 398, 408  
Համազասպյան Վ.— 469  
Համբարյան Ա.— 39, 46—47, 49, 50—53, 125, 143—145, 214, 265, 358, 370, 423  
Հայկունի Գ.— 439  
Հարաթյան (Բակուրյան) Մ.— 410  
Հարությունյան Ա. (Հարենց)— 289, 322, 341, 394  
Հարությունյան Ա.— 181—185, 198—200, 201, 266, 291—293, 297—299, 341, 379, 385, 387, 391, 401, 451  
Հարությունյան Բ.— 425  
Հարությունյան Հ. Մ.— 167  
Հարությունյան (Հարությունով) Գ. Ա.— 125, 155, 164  
Հարությունյան Գ.— 221, 265  
Հարությունյան Կ.— 385, 387, 391  
Հարությունյան Ե.— 29, 37, 139, 158, 205, 272, 358, 415, 418  
Հարությունյան Պ.— 29, 35, 414  
Հարությունյան Ս.— 199, 253  
Հարությունյան Վ.— 251, 256  
Հեյդարով Ե.— 346  
Հովակիմյան Վ.— 45  
Հովհաննիսյան Ա. Ռ.— 10, 451  
Հովհաննիսյան Ա. Գ.— 27—29, 32, 35, 46, 62—65, 71, 73, 78, 83—84, 115, 121, 124, 133, 139, 158, 266, 337, 411—412, 414, 417, 421, 424, 427, 448  
Հովհաննիսյան Ե.— 360, 365

Հովհաննիսյան Ռ.— 54, 75, 85, 100—101, 103—105, 266  
Հովհաննիսյան Ե.— 451  
Հովհաննիսյան Հ.— 385  
Հովհանյան Ս.— 220, 232—234, 266  
Հովսեփյան Յու.— 418  
Ղազարխեցյան Վ.— 358, 361—363, 376, 389, 402, 418  
Ղազարչյան Վ.— 405  
Ղազարյան Կ.— 332  
Ղազարյան Հ.— 22, 39, 45, 46—48, 68, 69—73, 75—81, 220, 265—266, 321, 414  
Ղազարյան Մ.— 251  
Ղարաջյան Գ.— (Ստ. Արշունեց)— 155  
Ղարիբջանյան Գ.— 148, 201—202, 209—210, 266, 315, 333, 337, 349, 418, 426, 427, 431—433, 441—442, 446—450  
Ղարիբջանյան Լ.— 407—408  
Ղափանցյան Գ.— 421  
Մադոյան Գ.— 253  
Մալխասյան Ա.— 388  
Մայիկյան Վ.— 164  
Մայիկյան Պ.— 417—418  
Մակարյան Ա.— 112, 436  
Մանգովա Յ.— 347  
Մամիկոնյան Կ.— 429  
Մանանդյան Հ.— 5, 218, 421  
Մանգալյան Թ.— 124  
Մանուկյան Ռ.— 183, 281—282, 430  
Մառ Ե.— 410  
Մարգարյան Հ.— 426  
Մարկոսյան Ս.— 10, 55—59, 127—128, 265  
Մարտիրոսյան Ա.— 469  
Մարտիրոսյան Հ.— 381  
Մարտիրոսյան Մ.— 291  
Մարտիրոսյան Ս.— 381  
Մելիքյան Հ.— 188, 205—206, 279—282  
Մելիքսեփ-Քեկ Լ.— 410  
Մելիքսեփյան Հ.— 22, 368, 379—381, 402, 453, 455, 470  
Մելիքսեփյան Ս.— 253

Մելիքսեփյան Վ.— 270  
Մելիքոնյան Ա.— 313—318  
Մելիքյան Ա.— 448  
Մինասյան Ի.— 448  
Միրյան Ա.— 183, 322, 344  
Միկոյան Ա.— 202, 302, 445, 448  
Մինասյան Ի.— 448  
Միրզախանյան Կ.— 449  
Միխայիկյան Վ.— 125, 220, 222—226, 228—232, 263, 266  
Մխրբարյան Մ.— 265  
Մկրյան Մ.— 252  
Մյանսիկյան Ա.— 97, 311  
Մնացականյան Ա.— 138, 161, 171, 183, 207—209, 285—286, 299, 301, 316, 335, 337, 352, 356, 374, 378—379, 382, 387, 390, 402, 414, 425, 433, 442, 447, 455  
Մնեյան Գ.— 426  
Մոավյան Ա.— 439  
Մուսայիկյան Ս.— 448  
Մուրադյան Գ.— 164—167, 214, 410, 414  
Մուրադյան Մ.— 22, 30, 251, 253, 436  
Մուրադյան Վ.— 21, 388, 436, 438  
Յովսէփ Ա.— 215  
Նալիկյան Գ.— 265  
Նասով Մ.— 392  
Նալբանդյան Ս.— 384  
Ներկարարյան Վ.— 96, 365, 415, 418—419, 427, 434—435  
Ներսիսյան Ա.— 451  
Ներսիսյան Մ.— 10, 19, 21, 23, 35, 49, 62, 73, 78, 83, 99, 125, 132, 155, 199, 241—244, 250, 265—266, 272, 321, 379, 417, 421, 424  
Ներսիսյան Ս.— 65  
Նիկողոսյան Մ.— 289  
Նովիչև Ա.— 345  
Նուրիջանյան Ս.— 392  
Նանիկյան Ռ.— 22  
Նամսուրդիևով Ա.— 345  
Շապուրյան Հ.— 436  
Շամուսյան Լ.— 439  
Շամուսյան Ստ.— 174, 448



Շանչիւ.— 439  
Շառոյան Գ.— 359, 402  
Շոպեն Ի.— 23, 24  
Շուշինսկի Ֆ.— 346  
Ոսկերչյան Ա.— 104  
Ոսկերչյան Պ.— 425  
Ոսկանյան Վ.— 16, 29, 31, 32, 215, 240, 414  
Չամչյան Մ.— 5  
Պալասանյան Ա.— 26  
Պարսամյան Վ.— 10—11, 15, 28, 32—33, 36—37, 45, 62, 66—67, 73—75, 82—86, 99, 102, 128—130, 155, 164, 181, 183, 191—193, 199, 204, 260—261, 265—266, 358, 379, 414, 417, 421, 423—424  
Պերպերյան Ա.— 81  
Պետրոսյան Խ.— 392  
Պետրոսյան Հ.— 429  
Պետրոսյան Շ.— 425  
Պետրոսյան Հ.— 186  
Պետրուշևսկի Ի.— 410  
Պիոտրովսկի Բ.— 410  
Պոկրովսկի Մ.— 182, 184  
Պոզոսյան Ա.— 21—22, 418, 424  
Պոզոսյան Լ.— 237  
Պոզոսյան Հ.— 22, 57—59, 81—82, 107—108, 266, 449  
Պոզոսյան Զ.— 392  
Պոզոսյան Ս.— 408—412  
Պոզոսյան Ս. Կ.— 149—152, 183—189  
Պոզոսյան Վ.— 436  
Պոսելիանի Ս.— 125  
Ջավախիշվիլի Ի.— 410  
Ռադիսնով Պ.— 277  
Ռչաունի Վ.— 39—44, 265, 411, 421, 423  
Սարանին Ա.— 321  
Սաղազյան Ա.— 21, 438  
Սանակյան Հ.— 373  
Սանակյան Ռ.— 242, 246, 322, 343, 351, 379  
Սանրադյան Ս.— 416, 419  
Սարգսյան Ա.— 437, 451

Սարգսյան Ե.— 46, 59, 91—92, 181, 183, 186—187, 202—203, 266, 299, 322, 349, 379  
Սանակյան Եղիշ— 170  
Սանակյան Մ.— 386—387, 391  
Սարգսյան Ս.— 385, 392, 448  
Սարգսյան Վ.— 392  
Սարգսյան Կ.— 366  
Սաղաթիլյան Տ.— 437  
Սարովան Ա.— 104, 423  
Սարովանյան Ն.— 22, 25—28, 446  
Սարինյան Ս.— 251  
Սաֆարյան Մ.— 435  
Սաֆրաստյան Ա.— 322  
Սաֆյան Պ.— 423  
Սաֆրաստյան Ռ.— 451  
Սելյանյան Ֆ.— 447  
Սիմոնյան Ա.— 392, 395, 396  
Սիմոնյան Հր.— 211—213, 266, 303—304, 308, 330—332, 354, 410, 427, 449—450, 465—468, 470  
Սմիռնով Ն.— 17  
Սնիշյան Ի.— 22  
Ստեփանյան Գ.— 250, 252, 265, 453, 461, 470  
Ստեփանյան Ս.— 97  
Սուրկովան Ա.— 277  
Սուֆիասյան Ս.— 408  
Սեյան Վ.— 253  
Սևան Գ.— 470  
Վանանդեցի Գ.— 124  
Վարդանյան Ա.— 448  
Վարդանյան Հ.— 90—91, 96—97, 108, 110—112, 126, 140, 148, 435  
Վարդանյան Ս.— 423  
Վարդանյան Ս.— 442  
Վարդապետյան Ա.— 337, 370, 385—387, 402, 423  
Վարդումյան Գ.— 253  
Վրացյան Ս.— 133, 337  
Տեր-Ավետիսյան Ս.— 215, 421  
Տերյան Վ.— 202  
Տերտերյան Ա.— 422  
Տոնոյան Հ.— 315, 318  
Տրեվեր Կ.— 410

Րաֆֆի— 158  
Յերցվան Շ.— 277  
Ուրմազյան Հ.— 437  
Փարսամյան Վ.— 221  
Քալանթար Ա.— 421  
Քարամյան Կ.— 112, 113, 163  
Քյուրբչյան Ա.— 22  
Քոլանջյան Ս.— 215, 220  
Քոչար Մ.— 93—94, 152—154  
Օրիշկին Գ.— 439  
Օգանեսով Գ.— 21  
Օնանջանյան Բ.— 78, 108, 132—133, 148, 203—204, 309—310, 365—366, 397, 414, 417—419, 437, 446, 469  
Օնանջանյան Շ.— 170  
Օրբելի Հ.— 410  
Օրմանյան Մ.— 26, 422  
Օրշոնիկիձն Գ.— 308, 311  
Ֆելեբյան Հ.— 425



**ԲՈՎԱՆԴԱԿՈՒԹՅՈՒՆ**

<b>ԱՌԱՋԱԲԱՆ</b>	<b>3</b>
<b>Գլուխ ԱՌԱՋԻՆ— Նոր պատմության պրոբլեմների հետազոտությունը</b> խորհրդահայ պատմագիտության մեջ (1800—1917 թթ.)	9
1. Արևելյան Հայաստանի միացումը Ռուսաստանին	9
2. Հայաստանի սոցիալ-տնտեսական դրությունը XIX դարում և XX դարի սկզբին	38
3. Հայ հասարակական-քաղաքական հոսանքները և ազատագրական շարժումները 1850—1860-ական թթ.	62
4. Հայկական հարցը և միջազգային դիվանագիտությունը	84
5. Հասարակական-քաղաքական պայքարը, ազգային-ազատագրական շարժումները 1870—1890-ական թվականներին: Քաղաքական կուսակցությունների ձևավորումը	98
6. Արևմտահայերի ազատագրական շարժումները XIX դարի վերջերին և XX դարի արշալույսին	141
7. Մարքսիզմի տարածումը հայ իրականության մեջ, հեղափոխական շարժումները Հայաստանում XIX դարի վերջին— XX դարի սկզբին	154
8. Հայաստանը առաջին համաշխարհային պատերազմի տարիներին	170
9. Հայկական դադթավայրերի պատմությունը	214
10. Աղբյուրների հրատարակումը	241
11. Հայ մշակույթի պատմությունը	249
<b>Գլուխ երկրորդ— Հոկտեմբերյան հեղափոխությունը և խորհրդային կարգերի հաստատումն ու ամրապնդումը Հայաստանում (1917—1921 թթ.)</b>	<b>267</b>
1. Իրադրությունը Անդրկովկասում և Հայաստանում Հոկտեմբերյան հեղափոխությունից հետո	276
2. Մայիսյան ապստամբությունը	313
3. Թաղմաքաղաքական իրադրությունը Հայաստանում խորհրդային իշխանության հաստատման նախօրյակին	319
4. Խորհրդային կարգերի հաստատումը Հայաստանում	333
5. Պատմության կեղծարարների քննադատությունը	341

<b>Գլուխ երրորդ— Սոցիալիստական հասարակության պատմությունը (1920—1988 թթ.)</b>	<b>357</b>
1. Սոցիալիստական շինարարության նախապատերազմյան տարիները (1920—1941 թթ.)	357
2. Հայ ժողովուրդը Հայրենական մեծ պատերազմի տարիներին	381
3. Սոցիալիստական շինարարության հետպատերազմյան տարիները	393
4. Խորհրդահայ մշակույթի պատմությունը, պատմագրությունը	402
<b>Գլուխ ՉՈՐՐՈՐԳ— ՀԿԿ պատմությունը, հայ հեղափոխականների կյանքն ու գործունեությունը, ՀԿԿՄ պատմությունը</b>	<b>426</b>
<b>Գլուխ ՀԻՆԳԵՐՈՐԳ— Ժամանակակից սփյուռքի պատմությունը</b>	<b>453</b>
<b>ՎԵՐՋԱԲԱՆ</b>	<b>471</b>
<b>ԱՆՎԱՆԱՑԱՆԿ</b>	<b>478</b>



Շմավոն Ռուբենի Հարությունյան  
ՊԱՏՄԱԳԻՏՈՒԹՅԱՆ ԶԱՐԳԱՅՈՒՄԸ ԽՈՐՀՐԳԱՅԻՆ  
ՀԱՅԱՍՏԱՆՈՒՄ  
(1964—1988)  
Ուրվագծեր

Шмавон Рубенович Арутюнян  
РАЗВИТИЕ ИСТОРИЧЕСКОЙ НАУКИ  
В СОВЕТСКОЙ АРМЕНИИ  
(1964—1988)  
Очерки  
(На армянском языке)  
Ереван «Айастан» 1990

Հրատ. խմբագիր՝ էդ. Վ. Կեռզյան  
Նկարիչ՝ է. Բ. Վազարյան  
Գեղ. խմբագիր՝ Ս. Ս. Մկրտչյան  
Տեխն. խմբագիր՝ Հ. Յ. Վարդանյան  
Վերատպող սրբագրիչ՝ Մ. Մ. Արշակյան

ИБ № 6848

Հանձնված է շարվածքի 09. 01. 1990 թ.:

Ստորագրված է տպագրության 17. 08. 1990 թ.:

Ֆորմատ 84×108<sup>1</sup>/<sub>32</sub>: Թուղթ տպագր. № 2: Տպագրություն՝ բարձր: Տառատե-  
սակ՝ Գրքի սովորական: 25,83 պարմ. տպագր. մամ., 24,59 հրատ. մամ.:  
Պատվեր՝ 11, տպարանակ 3000: Գինը՝ 2 ս. 80 կոպ.:

«Հայաստան» հրատարակչություն, Երևան—9, Իսահակյան 28:

Издательство «Айастан», Ереван-9, ул. Исаакяна, 28.

ՀեՈՀ հրատարակչությունների, պոլիգրաֆիայի և գրքի առևտրի գործերի  
պետական կոմիտեի №1 տպարան, Երևան—10, Ալազերյան 65:

Типография № 1 Госкомитета Арм. ССР по делам издательства, по-  
лиграфии и книжной торговли, Ереван-10, Алавердяна, 65.